

**ვლადიმერ
გაბლოითი**

გამოცემი

რომანი



თბილისი, „მეცნიერი“, 1987

გამოჩენილი ოსი მწერლის ვლადიმერ გაგლოითის რომანში „გამოღვიძება“ აღწერილია XIX საუკუნის დასასრულსა და XX საუკუნის დასაწყისში მთაში მცხოვრები ოსი ხალხის ბრძოლა სოციალური უსამართლობის წინააღმდეგ, თითოეულ მტკაველი მიწისათვის, ადამიანური უფლებების მოპოვებისათვის.

ოსურიდან თარგმნა ელენე ბაზარულმა

4702047200 — 218

ბ ————— 106 — 87

M 604 (08) — 87

© გამომცემლობა „მერანი“

პირველი ნაწილი

ჯანლი იწვა ხეობებში

პირველი თავი

ეშმაკის კლდე

1.

წვიმს და წვიმს. გადაღებას აღარ აპირებს. პაწაწინა ნაკადულები თავაწყვეტილ მდინარეებად იქცნენ. თავქვეში ქვა-ლორღს ისეთი ღრიალით მიაჩახრახებენ, თითქოს მოსისხლე მტერს მისდევენ და რაკი ვერ ეწევიან, გაავებულები, დაჯანღულები პიტალოებზე ეხეთქებიან. მათი ხვნეშა და ვიშვიში მთის წვერზეც ადის. სველი ღრუბლები ხეობებში ჩამხობილა და ისეა ჩამობნელებული, კაცმა არ იცის, შუადღეა თუ მოსალამოვდა.

შეწუხდა ძანგი. თავით ფეხამდე გალუმპულს სიცივემ ძვლებში გაატანა. გათოშილი კბილს კბილზე აცემინებს. მთელი სხეული უკანკალებს, დღესაც მარტო დარჩა. მისი ყონალი დოლათი დილითვე წავიდა აულში. ჩქარა ამოვალო, დაიბარა, მაგრამ ჭერაც არა ჩანს.

ორი თვეა, რაც ძანგი აღდარ ელოითი ძანხოთს დაუდგა მოჯამაგირედ. მას შემდეგ დოლათი ათჯერ მაინც ჩავიდა აულში. ძანგი გაჩუმებულია, ან კი რას ეტყვის, როცა იცის, ავადმყოფი დედა ღვთის ანაბარა ჰყავს მიტოვებული. მაგრამ დღეს ხომ დაინახა, ნიაღვარს მიაქვს ქვეყანა. თანაც ეს დაწყევლილი ნისლი, ნაჯაფარი კალოს ხარით დაგდებულა მიწაზე. ასი თვალი და ყურია. საჭირო, ცხვარი არ ასხლტეს, თორემ, მღერთმა ნუ ქნას, უგუნური პირუტყვი ეშმაკის კლდეზე გადაიჩეხება.

სიტყვაძუნწი და გულჩათხრობილია დოლათი. ისე, მარჯვე და აზრიანი ვაჟკაცია, მაგრამ ერთთავად რაღაცაზე ფიქრობს, თითქოს გაუნელებელი ცეცხლი უნთია გულში. პირს ღიმი არ ეკარება.

„ოჰ, ეს უპატრონო წვიმა... ცოტა ხნით მაინც გადაიღებდეს, ფარას დავაქუჩებდი. დღეს თუ უხათაბალოდ გადავრჩი, შიმშილსა და

სიცივეს არად ჩავაგდებ. ახლაც, ღმერთმა იცის, ფარა სრულადა მყავს თუ მაკლია?.. — წუხს ძანგი.

მთებიდან ქარმა ჩამოუბერა, სველი ნისლი ფრთებზე აიტაცა და მალლა-მალლა ასწია. ცხვარმა ბაკებისკენ იბრუნა პირი. მწყემსი გვერდით მიჰყვა ფარას.

სწრაფად იწყო ჩამობნელება. ძანგმა ფარების კარი ყურთამდე გაალო და შიგ ჩადგა. სათითაოდ მიუშვა ცხვარი და სწრაფად გადათვალა. გული დაიმშვიდა, სამწყემსური სრულად იყო. მალე მან ბინაში ცეცხლი გააჩაღა. სველი ტანსაცმელი იქვე, კერასთან მიფინა, თვითონ მშრალ ნაბადში ჩათბუნდა.

გვიანი ვახშობა გადავიდა და მაშინლა გამოჩნდა დოლათი.

— მაპატიე, ძანგ, დამნაშავე ვარ, ასეთ დელგმაში მარტო რომ დაგტოვე. ბარემ ვჩქარობდი... ი ტიალი ხევი აღიღდა, ხიდი წაიღო. სადინლობას აქეთ გაღმა ნაპირზე ვეხირე. მეტი გზა რომ აღარ მქონდა, გადარეულ მდინარეს ვეპყეთე. ღვარცოფმა გამიტაცა, ქვებზე მაწყვიტა, რის ვაი-ვაგლახით გამოვედი... ფეხი ვიტკინე! ძლივძლივობით ამოვალწიე ბინამდე.

— არა გრცხვენია, დოლათ, რა ბოდიშებს მიხდი, ბიჭო. მადლობა ღმერთს, მშვიდობით გადაჩი, საფრთხეში ჩავიგდია თავი.

— ვდარდობდი, ცხვარი არ აუსხლტეს-მეთქი.

— ხეთის მადლით, ამჭერად ჴენებლად გადავჩით.

დოლათმა შვებით ამოისუნთქა.

— დედაშენი როგორღაა?

— შენი მტერი იყოს ისე, აქამდე ფეხზე მაინც იდგა, ახლა ლოგინად ჩავარდა. აღარ ვიცი, რა წყალს მივცე თავი?

— ვინ პატრონობს?

— არავინ. არის მარტო, მოუვლელი.

— ეგრე არ შეიძლება, დოლათ, უნდა მოიფიქრო რამე.

— ბარემ ვფიქრობ, მაგრამ რომ ვერაფერი მომიფიქრებია. დავანებო აქაურობას თავი?.. შიმშილით ამოვწყდებით. არადა, რა წყალში ჩავვარდე.

ძანგმა ჭოხით ცეცხლი მოჩხრიკა და შეშა დაუმატა.

— უპატრონოდ ცოდვია ავადმყოფი. ცოლი უნდა შეირთო, სხვა გამოსავალს ვერ ვხედავ. შენ რას იტყვი?

— მაგაზე მეც ვფიქრობ, მაგრამ... — დოლათს სიტყვა გაუწყდა.

— აღბათ, საცოლე ჯერ ვერ ამოგიჩხევია?

— როგორ არა...

— მაშ რაღა გიშლის ხელს?

— ქალბატონი არ უშვებს.

— ქალბატონი? ვინ ქალბატონია?..

— ჩვენი აღდარის, ძანხოთ ელოითის ქალი, აგუნდა.

— მერე, რა უფლებით?

— მოახლედ წაიყვანა. სანამ მე თვითონ არ გავთბოვდები, ვერ გავუშვებო.

— ვთქვით და მთხოვნელი არ გამოუჩნდა ქალბატონს, როდემდე ეყოლება ტყვეობაში შენი საცოლე?

— მთხოვნელი იმდენი ჰყავს, რომ... საიდან არ აკითხავენ. ძანხოთზე უფრო შეძლებული აღდარის შეილება ერთმანეთს ეცილებიან, მაგრამ მამის ნებზეა ღიმილის ღირსად არავეს სცნობს. შარშან თავად ერისთავის მემკვიდრეს სტკიცა უარი.

— ჭირვეული ყოფილა.

— ო, არა, კეთილია და თანაც ანგელოზივით ლამაზი. სიმღერებს თხზავენ მასზე, მზეს აღარებენ, ზეციურ ანგელოზს უსწორებენ. ამაყი და თავნება კია, სასიძოვებს დასცინის.

— როგორც ეტყობა, შინაბერად დარჩება.

— რათა, ჯერ თავის შესაფერს არ შეხვედრია, თუმცა, რომ ვთქვით, რა ეჩქარება, რა, მამამისის ქონება დედამიწაზე აღარ ეტევა, იმის მამულებს, ბალებს და ვენახებს ერთი კვირა ვერ მოივლი ფეხით. ახლა რამდენი აული უხდის ღალას? მის ნახირს და ცხვრის ფარებს ხომ მთები ველარ იტევს. თბილისსა და გორში დუქნები აქვს, მთელი წელიწადი გამოუღველად ყოფიან ხორცს, ყველს, ერბოს, მატყლს. საკუთრის გარდა ხელმოკლე გლეხებისაგან იაფად შესყიდულ ყველსა და ერბოსაც ყიდის. ხუთი ვაჟი და ერთი ქალი ჰყავს. ბიჭები ვაჭრობაში დასაქმა. მოჭამაგირეებს ნახევარ ხელფასს არ უხდის. უჩივიან, მაგრამ ჯერჯერობით ვერაფერი დააკლეს. ან კი რას დააკლებენ, ბოქაულიდან მოყოლებული გუბერნატორამდე ყველა დაქრთამული ჰყავს, ვინ რას გაუბედავს!

— ახლა კი მესმის, რატომ ყოფილა მისი ქალიშვილი ასე გატუტუტებული, — ღვარძლიანად შენიშნა ძანგმა.

— მამას ძალიან უყვარს, მის სურვილს წინ არ აღუდგება, არც არაფერს ზოგავს მისთვის.

— დაეხსენი, დოლათ, ეგენი ბედნიერი ხალხია. ცხოვრება მოყირკებიანთ, რა ჩვენი საქმეა მათი განსჯა. საცოდავ დედაშენს მიხედვით, ხვალვე წადი ქალბატონთან, აუხსენი მდგომარეობა. თუ შენს გასაჭირს არაფრად ჩააგდებს, გულქვა ყოფილა, ასეთები პატივისცემის ღირსიც არ არიან. რაც ჩქარა წამოვა იქიდან შენი საცოლე, მით უკეთესა ავისთვისაც და შენთვისაც.

დოლათმა არაფერი თქვა, ძანგი მართალია. ავადმყოფი დედის უპატრონოდ დატოვება არ შეიძლება. დილითაც ეხვეწებოდა, ჩქარა ჩამომაკითხე, შეილო, მეშინია, მარტოს არ ამომხდეს სული, თვალეზის დამხუჭავი რომ არავინ შემესწროს, სირცხვილია, სალექსოდ გაგხდის ხალხი, გარეთ აღარ გამოგესვლებაო.

სახლსაც მოაკლდა პატრონის ხელი, ჩამოფხავდა საცოდავად, ყავარი გამოსაცვლელია. ავდარში შინაც ისე წვიმს, როგორც გარეთ. ეზოსაც ღობე მოერღვა და სოფლის პირუტყვი თავისუფლად დათა-

რეშობს შიგ. ერთი კალთისოდენა ახო აქვთ და ისიც მოსახნავი დარჩა შარშან, შეშის მოსატანადაც ვერ მოიცალა. რა ქნას? — წუხს დოლა-თი, ყოველივე ამას ახლა დედის ავადმყოფობა დაემატა და სულ აებ-ნა თავგზა. შემოდგომაზე ყიზლარში თუ გააყოლეს ცხვარს, მაშინ კი მართლა დაიღუპება. დედას ცოცხალს ველარ ჩამოუსწრებს. ახლა ხან-დახან მაინც ჩადის შინ, ღმერთმა უშველოს ძანგს, ხელს უწყობს, მაგრამ ყიზლარიდან როგორ ჩამოვა. არა, ხვალ დილითვე წავა ქალ-ბატონთან, შეეხვეწება, დაუთმოს საცოლე, თუ არადა თვითონ მაინც დაანებებს მ.ოჯამაგირეობას თავს და წავა შინ, მიხედავს მომაკვდავს.

— დაწეკი, დოლათ, ძილის დროა. ჯოჯოხეთური ამინდი იდგა დღეს, შენც ჩემზე ნაკლებ არა ხარ დაღლილი. — კიდევ შეუმატა ცეცხლს შემა ძანგმა და იქვე კერის პირას ნაბადზე მიწვა.

დილით დოლათი თავის საქმეზე წავიდა, მაგრამ სადილობამდე უკანვე ამოვიდა.

— რა ვქნა, მოგდევდა ვინმე, თუ?.. რა ჩქარა ამოხვედი? — გაკვირვებული შეეგება ძანგი. — რა ქენი?

— არაფერი. ქალბატონი შინ არ დამხვდა. აცირუხსმა მითხრა დიდი ბატონი და ის შესხდნენ ცხენებზე და თავიანთი ჯოჯების დასათვალიე-რებლად მთაში წავიდნენო. რა ვიცი, რა მოეპრიანებათ, აქაც არ ამოვიდნენ-მეთქი, ვიფიქრე და მაშინვე წამოვედი. — ძლივს ითქვამლა დოლათი სულს. — ხომ არ ყოფილან?

— არ ყოფილან... შენ კი მდევარი ხომ არ მოგდევდა? როგორ გირბენია, სულს ველარ იბრუნებ.

— ხომ გავიგონია, საწყალ კაცს ქვა აღმართში მოეწევაო. ჭერ არ იცნობ ალდარს, არც მისი მათრახის გემო იცი და...

— ერთი არ უნდა, გაუწყრეს ღმერთი, — სახეზე წამოენთო ძანგი. ამასობაში ფარა კარგა შორს წასულიყო, ძანგმა დოლათი ბინაზე დატოვა, თვითონ კი ფარას გაეკიდა.

ზაფხულის მზემ გზა გაიშუალა. ცხვარმა მყინვარისაკენ წაიწია. მყინვარიდან დაძრული ნაკადულები ხეობისაკენ მირაკრაკებენ, დასიცხული ცხვარი წყალს მიეტანა. ასი თვალი და ასი ყურია საჭირო, თორემ ცხვარი ყეყეჩია, ერთი თუ გადაეშვა მყინვარში, სხვებს ველარ შეაჩერებ, თან გადაპყვებიან. ძანგმა ფარას უყელა. უკან გამოაბრუნა. მაძლარი და დაწყურებული პირუტყვი მყინვარს ქვემოთ, მზის გულზე დაეყარა.

შუაღლე გადავიდა. ძანგმა გულიდან მომცრო პინა ამოიღო. ყვე-ლაზე კარგი მეწველი ცხვარი დაიჭირა და პინაში ჩამოწველა. აქა-ფებულ რძეში ხმელი მქადის ნატეხები ჩაფშვნა და ჰამა დაიწყო. უც-ებ დოლათის ყვირილი შემოესმა:

— ძანგ! ძანგ! მოდის, აგუნდა მოოდის...

ძანგი წამოდგა. დაინახა, დოლათი ბორცვზე იდგა და ქუდს უქნევ-და. ქვევით, საცალფეხო ბილიკს გახედა, ბევრი ათვალიერა, არავინ ჩანდა. მერე ადგილი იცვალა, მალლობზე ავიდა და ხელით მოიჩრდი-

ლა თვალეები, კვლავ გახედა ხეობას. ახლაც ვერაფერი დაინახა. კაცი-
შვილი არ ჰაჰანებდა. ბუნება მიყუჩებულებო, მხოლოდ დოლათის ძა-
ხილს იმეორებდნენ მთები:

— მოოდიიის! მოოდიიის!

„რა ვქნა, რა ღმერთი გაუწყრა, გაგიჟდა ნამდვილად“, — გაიფიქრა
და მის მოძრაობას დაუკვირდა. დოლათი ქუდით ანიშნებდა, საით გაე-
ხედა. თურმე ძანგი საწინააღმდეგო მიმართულებით იყურებოდა. გაი-
ხედა და ხეობის უბეში მიხვეულ-მოხვეულ ბილიკზე ცხენი შენიშნა.
ისარივით მოფრინავდა, მხედარი რალაცას ყვიროდა, მაგრამ ძანგმა ვე-
რაფერი გაარჩია.

— ცხენი!.. ცხენიი!.. — გვიანლა მისწვდა ძანგის სმენას, მაგრამ
რად უნდა ცხენი, ან რომელ ცხენს ახსენებს, ვერ მიხვდა.

— თუ ცხენი დაეკარგა და ეძებს, მაშინ აქეთ რატომლა მოაგელ-
ვებს? რა ვქნა, აქ რალაც სხვა ამბავი ხომ არ არის? — ამის თქმა მოას-
წრო და მხედარიც მთლიანად გამოჩნდა. ცხენი ისე მოქროდა, თითქოს
დოლში პირველობაზე გაუშვიათო.

— გაგიჟდა, თუ რა ამბავია, ამ გზაზე ცხენის ჰენება სად გაგონი-
ლა?! სიკვდილი ხომ არ მოენატრა ვილაცაა, ეს უბედური.

დაფეთებულ ცხენს ფაფარში ჩაფრენოდა მხედარი და მის შეჩე-
რებას აღარც ცდილობდა. ცხენმა ეშმაკის კლდისკენ იბრუნა პირო.
ახლა კი მიხვდა ძანგი, რომ დამფრთხალი ცხენი მხედარიანად სიკვდი-
ლისკენ მიეჭანებოდა.

— ძანგ! ძანგ! რა იქენი, ილუბება, უშველე!.. — დოლათის სასო-
წარკვეთილი კივილი მაშინ გაიგონა ძანგმა, როცა ის უკვე ცხენის
შესახვედრად გარბოდა. მგლის მუხლი გამოიბა, კლდის თავზე თუ არ
აასწრო, მერე გვიან იქნება. ფრთები გამოისხა, მალე კლდის თავზე აი-
ვაკა, დამფრთხალ ცხენს გახედა და მუხლები მოეკვეთა, ველარ მიუსწ-
რებს...

ეშმაკის კლდე თითქოს საგანგებოდ აღმართულა. ვიწრო ველი
თავზე ჰამარივით აკრავს. ველის ორივე ნაპირი ხმლის პირივით ნალე-
სი კლდითაა შემორტყმული. კლდე თანდათან ვიწროვდება და ხეობას
თითქმის ძირამდე ჩასდევს. უძირო, ჩაბნელებული ხეობა მალლიდან
საშინელი დასანახავია, ქვევიდან სალ კლდეებს მდინარისთვის გზა გა-
დაულობიათ და შუაში ტბა წარმოქმნილა. ზემოდან ტბა შავად მოჩანს.
ზაფხულში მყინვარის ნაჟურით პირთამდე ლიცლიცდება. ნაჰარბი წყა-
ლი კი ნაპარლებში პოულობს გზას და რახრანით ეშვება ციცაბოზე-
მზის სხივი ვერ ატანს ტბის სიღრმეს, ამიტომაა, რომ წყალი ყოველ-
თვის ყინულივით ცივია და შავი.

ბევრი მწყემსი და საქონელი ჩაჩეხილა ამ წყეულ ტბაში, კლდის
თავზე გამავალ ვიწრო ჰობას ხალხმა მაცდური გზა უწოდა, პიტალოს
კი — ეშმაკის კლდე.

ძანგი ხედავს, ცხენი სწორედ მაცდური გზისკენ მიქრის. რამდე-

ნიმე წუთში მხედრიანად ტბაში ჩაიჩეხება. მაგრამ ფიქრის დრო სად-
ღაა, სწრაფად ამუშავდა გონება და მიიღო გადაწყვეტილება — ეშმა-
კის კლდემდე მიასწროს დაფეთებულ ცხენს, მხედრის ბედი იმაზეა
დამოკიდებული, ვინ მიასწრებს მაცდურ გზამდე.

და ძანგი ელვასავით გაქანდა. დამფრთხალ ცხენს ეჭიბრება. კი არ
მირბის, მიფრინავს, აღარაფერს ერიდება, იმასღა ფიქრობს, მიასწროს.
გადაარჩინოს ადამიანი. ოფლი წურწურით ჩამოსდის, თუმცა ამას სუ-
ლაც ვერ გრძნობს.

ცხენის თქარათქური მოესმა. უკან არ მოუხედავს. ამის დრო არ
იყო. უნდა გაუსწროს, აი მთავარი! უკანასკნელი ძალა მოიკრიბა და
მაცდურ გზამდე მიასწრო ცხენს.

მაგრამ აქ კიდევ ერთი დაბრკოლება შეხვდა. გზა მეტად ვიწრო და
მოკლეა, დამფრთხალი ცხენის შეკავება ასეთ პატარა მონაკვეთზე შე-
უძლებელია. თვითონაც საფრთხე ემუქრება, ან კლდეზე მიაჭყლებს
ცხენი, ან ეშმაკის კლდეზე გადაიყოლებს.

ტვინი გამალებით მუშაობს, რა მოიფიქროს? და უცბად გაუნათდა
გონება, ერთადერთი გამოსავალი იპოვა: მაცდური გზის მარცხნივ კე-
დელივით აყუდებულ ქიმზე შედგეს და გაჭენებული ცხენიდან აიტა-
ცოს მხედარი. ეს ძალიან გაბედული გადაწყვეტილებაა, მაგრამ სხვა
გამოსავალი არ არის. თვალის დახამხამებაში კლდის თავზე მოექცა და
მოხერხებული ადგილი დაიკავა. ან ჩანაფიქრს შეასრულებს, ან ისიც
დაიღუპება. ზურგით კლდეს მიეყრდნო, ცალი ხელი კლდის შვერილს
მოხვია და თავი განგებას მიანდო.

სწორედ ამ დროს ცხენის ფრუტუნიც მოისმა. ძანგმა მთელი ძალ-
ღონე მარჯვენა მკლავში გადაიტანა, მარცხენა უფრო მტკიცედ შე-
მოაქლო კლდის ქიმს და ცხენის ფაფარში ჩაფრენილ მხედარს დას-
ტაცა ხელი.

ქალის კივილი და უფსკრულში ჩაჩეხილი ცხენის ჭიხვინი ერთდრო-
ულად გაიგონა ძანგმა და თვალთ დაუბნელდა.

გონს რომ მოვიდა, თავი სტკიოდა, ყურები უწიოდა. მარჯვენა ხელ-
ში რაღაც ეჭირა, მარცხენათი ისევ კლდის ქიმს იყო ჩაფრენილი. უნდა
დანიხსოს რა უჭირავს ხელში, მაგრამ თვალეზზე რაღაც ეფარება.
ფრთხილად გაინთავისუფლა მარცხენა ხელი და სახეზე მოისვა. თვა-
ლებს არ დაუჭერა. ოქროსფერი კულულები ეფინა მხრებზე, სახეზე,
თავზე. გულწასული ქალი ხელში ჰყავს ატატებული. სიცოცხლის ნი-
შანწყალი აღარ ეტყობა. მაღალ შუბლზე ყორნისფერი წარბები გაწო-
ლილა, ტანსაცმელი ვაჟისა აცვია. მხოლოდ ქუდი არ ახურავს. ქალი-
შვილს გრძნობა დაჰკარგოდა. მაცდურ გზაზე ჩაყვანა დაუპირა, მაგ-
რამ გაინძრა თუ არა, მხარში ისეთი ტკივილი იგრძნო, ეგონა, გონებას
დაკვარავო. მოაგონდა, მხედარს რომ მისწვდა, შეეშინდა, კლდეს არ
შეგაწყვიტოო და თვითონ მიართყა მხარი.

ამ დროს აქოშინებული დოლათიც მოვარდა. ასეთი შეშინებული

პირველად ნახა ძანგმა. თვალის გუგები გაფართოებოდა. ტუჩებს უმწეოდ აცმატუნებდა, ხმას კი ვერ იღებდა.

— რას გამოთაყვანებულხარ, ბიჭო, გამომართვი, მოჰკიდე ხელი.

— ცოცხალია? — ხმის კანკალით იკითხა დოლათმა.

— ცოცხალია, აიყვანე, მხარი დავართყი და განძრევა არ შემიძლია. დოლათმა ქალი ფრთხილად აიყვანა ხელში.

— აგუნდა! აგუნდა! — ჩასძახა მან.

— ველზე დააწვინე და გაიქეცი, მყინვარიდან პატარა ყინული მოარბენინე, — ისევ ძანგი მოეგო გონს.

დოლათი მყინვარისკენ გაიქცა. ცოტა ხნის შემდეგ აგუნდა შეინძრა, თვალი გაახილა.

— სადა ვარ? — იკითხა უღონოდ.

— ნუ გეშინიათ, გადარჩით, — უპასუხა ძანგმა.

— ვინ ხარ, საიდან მომეველინე მხსნელად?

— ძანგს მეძახიან, მწყემსი ვარ თქვენი.

ქალიშვილმა მადლიერი თვალეზით შეხედა მხსნელს.

— გმადლობ, ძანგ! — უღონოდ წარმოთქვა მან და ისევ დახუჭა თვალეზი. ფერი თანდათან მოუვიდა, სუნთქვა გაუხშირდა.

ძანხოთიც გამოჩნდა. ცხენიდან ფეთიანივით ჩამოხტა, შვილი უვნებელი რომ დაინახა, მუხლები მოეკვეთა, ძანგმა წამოაყენა.

— ნუ გეშინიათ, გადარჩა! ერთი ეგ არის, ცხენი დაიღუპა...

ძანხოთმა ცხენის დაღუპვა არად ჩააგდო. იგი თავის წილ ღმერთებს მადლობას სწირავდა, რომ მისი ერთადერთი ქალიშვილი ცოცხალი გადარჩა.

სანამ დოლათი მყინვარის ნატეხს მოიტანდა, აგუნდა სულ გამოკეთდა, ძანხოთმა იგი ცხენზე შემოსევა და ძანგს არც დამშვიდობების, ისე დაეშვენენ თავქვე.

2.

იმ ამბის შემდეგ ორ კვირაზე მეტი გავიდა. ძანგს მხარი მოურჩა. ამ ხნის განმავლობაში ერთხელაც არ გახსენებია აგუნდა. ცხოვრება ისევ თავისი გზით წავიდა. ერთი ის იყო, დოლათი დარდობდა, ღამეებს თეთრად ათენებდა. ოხრავდა, შინ წასვლა ველარ მოახერხა. ძანგისა ერიდებოდა. ველარც აცირუხსს მიაწვდინა ხმა. აღარ იცის, რა ქნას, საქმეზე გული აიცრუა, ერთთავად დაღვრემილი და დაჯავრია-ნებულაია.

ერთ დღილთ მთის მიხვეულ-მოხვეულ ბილიკზე მხედარი გამოჩნდა, დოლათმა შორიდანვე იცნო ძანხოთის მსახური სარმათი.

— ძანგ, გაიხედე, ვილაც მოდის? სარმათია მგონი, აღდარის მსახური. ძაღლის სისხლშია განათლული. ბოროტია ძალიან. სასიკეთოდ არ მოდის. გული რაღაც ავს მიგრძნობს, — ჩაილაპარაკა დოლათმა და უცნაურად გაფითრდა.

— მობრძანდეს, აბა ერთი გაბედოს რამე. ამას ხედავ! — დანგმა თვალით კომბალზე ანიშნა. — ხმის ამოღებას ვერ მოასწრებს, ისე ჩაეჩრი ყელში.

ამასობაში სარმათმაც ამოივაცა. თითქოს უნაგირზე მატყლით გატენილი ტომარა დებულებიყოს, რომელზედაც პატივზე გალაღებული, გაფიქვინებული გოგრა ყანყალებდა, მოზრდილ კარტოფილისტოლა ცხვირზე თხილისისიმსხო მეჭექი აჯდა. მწარაბალივით წვრილ თვალებს ვერაგულად აცეცებდა. ბუხარული კრაველის ქუდი, შავი ჩოხა-ახალუხი, გვერდზე დამბაჩა და ხმალი — აღდარის გამონაცვალი თუ იყო. ცხენიდან არ ჩამოსულა, არც მისალმებია მწყემსებს.

— დანგი რომელია? — იკითხა როგორღაც აგდებით.

— მე, — თავშეკავეებით მიუგო დანგმა. — რა მოხდა?

— ერთი თოხლი დაიჭირე და უკან გამომყე.

— სად? — შეკრთა დანგი.

— მიწაში! — მიახალა სარმათმა, — აღდარი გეძახის.

— რა მინდო?

— ეგ თვითონ აღდარსა ჰკითხე...

დანგმა ერთი მოზრდილი თოხლი დაიჭირა და ყელზე ქამარი მოაბა.

— დოლათ, აბა შენ იცი, ცხვარი არ დაგეფანტოს, მე მალე ამოვალ, მოშივდებოდათ მუქთამქამელებს. ამ საცოდავ ცხვარს დაუბნელებენ მზეს.

— მაგის ძელები გაეჩხიროთ ყელში, ო, როგორ მეზიზღება ეს ჯორი, ესა... წადი, დანგ, დარდი ნურაფრისა გექნება.

უხალისოდ შეალო აღდარის ჭიშკარი დანგმა. მსახურნი მარდად მიდი-მოდდიოდნენ. ეტყობოდათ, რაღაც დიდი საქმისათვის ემზადებოდნენ. დანგმა ცხვარი თუთაზე მიაბა.

— აქ მოიცადე, ბიჭო, აღდარს მოვახსენო, — ცალყბად გადმოუგდო სარმათმა დანგს და რუმბივით წაგორდა სასახლისაკენ.

დანგი ამ ორი თვის წინათაც იყო აქ, თუთის ქვეშ ხალიჩაზე წამოწოლილ აღდარს ელაპარაკა. მათი საუბარი დიდხანს არ გაგრძელებულა. დაჯექიო არ უთხრა, ვერც ის გაიგო, რამდენს უნიშნავდა ჯამაგირს, რასაც სხვებს ვუხდი, შენც იმდენს მოგცემო და ეზოდან პირდაპირ ცხვარში გაისტუმრა.

მაშინ აქაურობა კარგად ვერც დაათვალიერა. სად იყო ამის დრო, ახლა კი მეტი რა საქმე აქვს... მარჯვნივ ორსართულიანი სასახლე ყელმოდერებულ გედივით დგას, მეორე სართულს მთელ სიგრძეზე შუშაბანდი გასდევს, ფანჯარებზე ასული ვაზის ტოტები მწვანე მტევნებით არის დახუნძლული...

აღდარმა კარი გამოაღო და დანგი რომ დაინახა, მისკენ წამოვიდა. ეტყობოდა, მსუყე სადილის შემდეგ კარგად გამოიძინა, მთქნარებით იკრავდა ახალუხის ღილებს.

წლებმა თავის დალი დაასვა ელოითი აღდარს. ოდესღაც ხშირი და გრუზა თმა ღერღერ გასცივიდა. გასუქდა. თავისა და შუბლის გა-

საყარი აღარც კი ეტყობა, ქალარაშერეულ წარბებქვეშ ფოსოებში ღრმად ჩამსხდარი თვლები სიცივით შეშინებული მწვანე ხვლიკივით მოუსვენრად ცმუკავენ. გაფანჩულ ულვაშებს არწივის ნისკარტივით მოკაუჭებული ცხვირი გუშაგივით ადგას. ულვაშები თამბაქოს ბოლით შემეღრვია.

— გამარჯობა, ბიჭო. ჩემი აგუნდა სიკედილს გადაარჩინე და მე იმ დღეს მეტისმეტი მღელვარებით მადლობაც ველარ გითხარი, — აღდარმა ულვაშებში ჩაიღიმოლა. — ძალიან ყოჩალი ბიჭი ჩანხარ.

— თქვენი ქების ღირსი არა ვარ, აღდარო, ისეთივე არაფერი ჩამიდენია.

— რას ამბობ, შენ ნამდვილად საგმირო საქმე ჩაიღინე. ასეთი რამ მე მხოლოდ ზღაპრებში გამიგონია, დღეს წვეულება მაქვს. როგორც ჩემი ერთგული მოჭამაგირე, მინდა ჩემს მეგობარ აღდარებს გავაცნო შენი თავი, დაე, იმათაც გადღეგრძელონ. აბა, თქვენ იცით, საკლავი დაკალით მე სხეაც ბევრი საქმე მაქვს, წავალ, მივხედავ, — ესა თქვა აღდარმა და მარანში შევიდა.

სარმათმა დანები გამოიტანა. ის იყო ძანგმა თოხლი წამოაქცია, რომ ქალბატონის მოახლემ მოირბინა:

— ქალბატონი გიხმობს, — მიმართა ძანგს.

— მერე, საკლავს რა ვუყო? — დაიბნა ჭაბუკი.

— წამოდი, წამოდი, გელოდება.

— წადი, ბიჭო, ქალბატონის სურვილი შეუვალა, საკლავს უშენოდაც მოუვლით, — უთხრა მას სარმათმა.

საფეხურების თვლით აუყვა კიბეს, გოგომ ფართო ოთახში შეიყვანა.

— აქ მოიცადე, — უთხრა და თვითონ თითის წვერებზე მეორე ოთახში გავიდა.

ძანგი მოჯადოებულებით იდგა. ოთახი მდიდრულად და გემოვნებით იყო მორთული. გაცდა, პირველად ხედავდა ასეთ ოთახს, თვლებს აცეცებდა, კედელზე ჩამოკიდებული დიდი სპარსული ხალიჩა იატაკამდე სწვდებოდა. ხალიჩაზე ვერცხლითა და ოქროთი მოჭედული თოფები, ხანჯლები, ხმლები ეკიდა. იარაღს თავზე დატოტილი ირმის რქები დაჰყურებდა. ტოტებზე ვერცხლით მოჭედილი ჭიხვის რქის ყანწები ეკიდა, ოთახის შუაში დიდი მაგიდა იდგა, რომელსაც ათასფრად მბზინავი ძაფით ამოჭარგული სუფრა ეფინა, გარშემორიგებული რბილი სკამებიც აბრეშუმით იყო გაწყობილი. იატაკზეც ხალიჩა ეგო, მოპირდაპირე კედელზე ხელმწიფის სურათი ეკიდა. ოთახში კიდევ ბევრი ნივთი იყო, რომლებიც არც არასოდეს ენახა ძანგს და არც მათი სახელი და დანიშნულება იცოდა.

კარი გაიღო და მოახლემ ძანგი იხმო.

— მობრძანდით! — თავით ანიშნა, საით უნდა წასულიყო. ძანგი მორჩილად მიჰყვა, მესამე ოთახიც გაიარეს, გაიღო მეოთხე, შედარებით მომცრო ოთახის კარი.

თავის სიცოცხლეში დანგს არაფრისა შეშინებია. პირდაპირ შებმია-
დაჭრილ ნადირს, მაგრამ შიში კი არ უგრძენია. ახლა რისილა შეეშინ-
და?! აკანკალდა, შუბლი ოფლით დაეცვარა, თვალები დააჭყიტა და,
დასწყევლოს ღმერთმა, ენაც ჩაუვარდა.

ოთახში სარკის წინ მზეთუნახავი იდგა. შუაზე გაყოფილი თაფ-
ლისფერი თმის ნახევარი მხრებზე ეყარა, მეორე ნახევარი მარცხნივ
მკერდზე ჰქონდა დამვებული და თითქმის კოჭამდე სწვდებოდა. ნატიფ
სახეს ზღვისფერი თვალები ემხსა მატებდა, გადატყევილ შუბლზე
ჩერცხლის ფრთებივით გაფრენოდა წარბები. ნატიფი პატარა ცხვირი
სიფრიფანა ნესტოებით და ყაყაჩოს კოკორივით ტუჩები ანგელოზს
ამსგავსებდა. წვრილ წელზე ძვირფასი თვლებით მოოჭვილი, სარტყე-
ლი ჰქონდა შენასკვეული, ეს იყო აგუნდა, რომელიც ორი კვირის წინ
დანგმა უთუო სიკვდილს გადაარჩინა.

ასეთი მზეთუნახავი აქამდე არ ენახა დანგს. მისმა დამატყვევებელ-
მა მზერამ ოთახის შუაგულში უსწრო ვაჟს და იქვე გაყინა, ველარც
იქით წადგა ნაბიჯი და ველარც აქეთ. იდგა გაქვავებული და თავბედს
იწყევლიდა, ეს რა მემართებაო. ქალიშვილი თვალს არ აშორებდა, ეს
კიდევ უფრო აბნევდა ისედაც დადამბლავებულს. ქალიშვილი კი არც
არაფერს ეკითხებოდა, არც დაჯდომას სთხოვდა. დაჟინებით უყურებ-
და დანგს და მის არსებაში თითქოს რაღაც ხდებოდა. იმანაც პირველად
ღაინახა ასეთი სანდომიანი სახის ვაჟკაცი. მართლაც ემხიანი იყო
დანგი. ხშირი წამწამებით შემოჯარული შავი, დიდრონი თვალები ტყის
ტევრში უძირო ცა რომ მზით გაბრწყინდება, იმას მიუგავდა. სწორი და
ნატიფი ცხვირი, კოკობი შავი ულვაშები საღი და შაქარივით თეთრი
კბილების ელვარებას უწყობდა ხელს. ხვეული თმის კულულები ეყა-
რა მაღალ შუბლზე, ძველი ახალუხიც კი ვერ ფარავდა მისი საროს
ტანის მშვენებას. მაღალი იყო, ფართო გულმკერდითა და განიერი
მხარბეჭით. ხელები ნაზი ჰქონდა, თითები გრძელი და მოქნილი, თით-
ქოს მას თავის სიცოცხლეში შავი საქმე არასოდეს ეკეთებინოს. „ღმერ-
თო, რა ლამაზია“, — გაივლო გულში აგუნდამ და უფრო დააკვირდა.
წარმოიდგინა ძვირფას ჩოხა-ახალუხში, მესტებში გამოკვართული დან-
გი და გული საამოდ აუტოკდა.

დანგი ისევ გახევეებული იდგა. უყურებდა აგუნდას და უკვირდა, მი-
წიერი ადამიანი და ასე ლამაზი, დედამიწაზე მოვლენილი ანგელოზი
თუ არისო.

აგუნდამ აბრეშუმის ცხვირსახოცი განგებ დააგდო ძირს, დანგს
არც შეუშინებია. აგუნდამ უბრძანა — აიღეო.

ამ ბრძანებაში იყო რაღაც მეტად დიდი და გამოუცნობი ძალა და
დანგმა მოახერხა ცხვირსახოცის აღება.

ქალბატონმა მეორედაც გადააგდო ცხვირსახოცი.

— აიღე! — ბრძანა ამაყმა ქალიშვილმა.

დანგმა ისევ მიაწოდა მბრძანებელს ცხვირსახოცი.

ქალმა იგი მესამედაც გადააგდო.

— აილე! — გაისმა მისი ჰირვეული ბრძანება.

— არ ავიღებ!

— აილე...

— თქვენ თვითონ აილეთ, დაიხარეთ და აილეთ, წელი არც თქვენ გეტყინებათ, — ძანგმა პირდაპირ თვალეზში შეხედა აგუნდას.

— არ იღებ, ხომ? მაშ მე თვითონ ავიღებ, — აგუნდა ცხვირსახოცს დასწვდა და გაიცინა.

ძანგი შეკრთა, დამცინისო, იფიქრა და წასასვლელად მოემზადა.

— რა გნებათ, ქალბატონო? ნუთუ იმიტომ მიხმეთ, რომ დამცინოთ? — ძანგი ამ სიტყვებზე მიბრუნდა და კარისკენ წავიდა.

— შეჩერდი, არ გაბედო წასვლა!

— ან მითხარით, რისთვის დამიძახეთ, ან წავალ, არა მცალია, — შუბლი შეიკრა ვაჟმა.

აგუნდამ შვებით ამოისუნთქა, გამოუთქმელი გრძნობა დაეუფლა. მის ცხოვრებაში რალაც ცვლილება მოხდა, მაგრამ რომ ეკითხათ, რა არის, რა გრძნობა დაგეუფლო, ვერაფერს უპასუხებდა.

— ამაყი ყოფილხარ, მზექაბუკო!

— რა ვქნა, ასეთი დავიბადე!

— შენს ვაჟაკობას შევნის ეგ სიამაყე.

— კარგია, რომ მიხვდით... ადამიანისთვის თავი ტალახის სატყეპნად არ უბოძებია ღმერთს. ჰა, მითხარით, რა გნებათ? საკლავი მელოდება გარეთ.

— საკლავს სხვებიც მიხედავენ. დაჯექი! — უცბად საღლაც გაქრა ქალის სიამაყე. ვაჟს სკამი მიუწია.

— დასაჯდომად არ მცალია, თანაც ჩემი ტანსაცმელი გერმის სუნით არის გაყლენთილი და თქვენი ოთახის ჰაერს წაახდენს.

— დაჯექი, დაჯექი! სალაპარაკო მაქვს შენთან.

მეტი რა გზა იყო. ძანგი ძვირფას სკამზე დაჯდა. ქალიშვილი წინ დაუდგა და მოურიდებლად ჩახედა თვალეზში. ეშმაკურმა ღიმილმა გაუბადრა სახე.

— მაპატიე, ქალბატონო, ისე მიყურებთ, თითქოს დათვის ბელი დაგეჭიროთ. გეყოფათ დაცივნა!

— მიხარია, რომ ასე ამაყი ხარ! — აგუნდამ ვაჟის წინ დაიდგა სკამი და დაჯდა. — ასეთად მყავდი წარმოდგენილი.

— რისთვის დამიძახეთ?!

— მაღლობა მინდა გადაგიხადო, — აგუნდას ხმა დაეთაფლა.

— ღვთის წყალობა ნუ მოგაკლდეთ, კარგად გადამიხადეთ მაღლობა, მეყოფა.

— სხვებისნაირი მეგონე. შენ კი სხვა ყოფილხარ, მიყვარს ამაყი ადამიანები... არ შედრკი... არ შეგეშინდა...

— მერე, რა მნიშვნელობა აქვს ამას?

— იცი რა? ცხვირსახოცი მესამედაც რომ აგელო, ჩირადაც აღარ ჩაგთვლიდი, კინწისკვრით გაგაგდებდი...

შეკრთა ვაჟი. „ამასთან სიფრთხილზეა საჭირო, თორემ ავს შევეყრები. ძაღლებს დააგლეჯინებს ჩემს თავს“. — გაიფიქრა და უსიამოვნოდ შეექმუნხა შუბლი, რა ქნას, როცა არ შეუძლია სიცრუე, ვინმეს წინაშე ქედის მოხრა? ხმა არ ამოიღო, ასეთ დროს ყველაზე კარგი საშუალებაა დუმოლია.

— მინდა იცოდე, ჯერ ამ ოთახში უცხო მამაკაცს ფეხი არ შემოუდგამს. გიხაროდეს, ეს უფლება პირველმა შენ მოიპოვე.

„რალა მაინცდამაინც მე? რა განიზრახა ამ წყეულმა?“

— ქალბატონო, ძალიან სუფთაა და ძვირფასად მორთული თქვენი ოთახი, უფრო ლამაზი მისი პატრონია. საწყალ მწყემსს არ შეჰფერის ქალბატონის გვერდით ჯდომა. ვაითუ ოთახი გაგიჟუჟყიანო, ნება მომეცით, წავიდე.

— ვისაც შეჰფეროდა, იმათ ამ ოთახისკენ გზა ვერ გამოიგნეს...

— ქალბატონო, მართალია, მე სტუმარი ვარ და თქვენ მასპინძელი, როცა ინებებთ, მაშინ მიბრძანებთ წასვლას, მაგრამ ებედავ და გთხოვთ, დამრთეთ ნება, წავიდე. მთაში ვარ წასასვლელი, ამხანაგი მარტო დავტოვე.

— ჩემთან ყოფნა ასე ჩქარა მოგწყინდა? ცოტა ხანს აქ მომიცადე, ახლავე მოვალ, — მარღად წამოდგა ქალიშვილი და მეზობელ ოთახში გაუჩინარდა.

მახეში გაბმული ჩიტივით გრძნობს თავს ძანგი.

„თუ მხოლოდ მადლობის სათქმელად დამიბარა, მაშ ცხვირსახოცით რად დაიწყო? ან რას ნიშნავს მისი სიტყვები — მესამედაც რომ აველო, კინწისკვრით გაგაგდებდიო. რატომ? რა დაუეშავე? მადლობის მაგიერია, სიკვდილს გამოვტაცე?“ — გონება აერია ისედაც დაბნეულ ვაჟკაცს.

კარი გაიღო და აგუნდა შემოვიდა. ხელში კაცის ტანსაცმელი ეკავა.

— ძანგ, — პირველად მიმართა სახელით, — ესენი ჩაიცვი!

— რა საჭიროა, ქალბატონო, — შეკრთა ძანგი.

— ჩაიცვი, ჩაიცვი. დღეს მამამ სტუმრებთან უნდა წარგადგინოს, ეს ჩემი სურვილია და თუ არ შემისრულებ, ძალიან მეწყინება.

— გმადლობთ, ქალბატონო, მაგრამ ეს ტანსაცმელი საწყალი მწყემსისთვის როდია მოგონილი, არც დამშვენდება.

— აიღე, ასეთი თავნება ვარ, მინდა დღეს ყველაზე მშვენიერი ვაჟკაცი შენ იყო წვეულებაზე... ჩაიცვი, არ მაწყენინო.

ქალიშვილმა ძალით მიაჩეჩა ძანგს ტანსაცმელი და თვითონ ისევ გვერდით ოთახში გავიდა.

ქალბატონის სურვილი შეუვალია. ძანგმა სწრაფად გაიძრო ძველ ტანსაცმელი და ახლებში გამოეწყო, თითქოს მის ტანზე შეეკერათ. ძალიან დამშვენდა ახალი სამოსი.

აგუნდა შემოვიდა. ვაჟის მშვენებით მოიხიბლა. ფართოდ გახელილ თვალებს ვეღარ აცილებს.

— ვინც ვაჟკაცია, შეგედაროს ახლად!

— აგუნდა, წავალ, მამაშენმა აქ რომ მომიწვროს, რას იტყვის, უხერხულია.

— რა უნდა თქვას. მის ქალიშვილს ართობ, რა მოხდა, პირიქით, მადლობას გეტყვის.

— დიდ პატივად ჩავთვლი, თუკი მე, უბირი მწყემსი შევძლებ თქვენს გართობას.

— დანგ, მითხარი შენი ამბავი, ვინ ხარ, სადაური?

— მოსაწყენი და მძიმე ზღაპარია... მე მგონი, ჩემი ამბავი არ გაგართობთ, პირიქით, გულს დაგიმძიმებთ.

— ძალიან გთხოვ, მიაშბე. მინდა, შენს შესახებ ყველაფერი ვიცოდე.

დანგმა დაიწყო თავისი მძიმე და გაუხარელი ცხოვრების თხრობა. ქალიშვილი გაფაციცებით უსმენდა. ვაჟმა თხრობა დაამთავრა. კარგა ხანს ხმა არ ამოუღია აგუნდას, მერე მოულოდნელად ჰკითხა:

— დანგ, არ გინდა ჩვენთან იმსახურო?

— განა თქვენთან არ...

— ვერ გამიგე, აქ, ჩვენთან, სასახლეში, ჩემი ძმები სულ გარეთ არიან შენ აქ იქნები და მამაჩემის ქონებას დაიცავ. რას იტყვი?..

ამ კითხვაზე პასუხის გასაცემად მომზადებული არ იყო დანგი და შეკრთა. მის მდგომარეობაში მყოფი ამაზე უკეთესს რას ინატრებდა, მაგრამ ყოველ წუთს იმ ხალხში ტრიალი, ვინც ესოდენ სძულს, მის ძალ-ღონეს აღმატება. არა, რაც უფრო შორს იქნება მათგან, უკეთესია.

— დიდი მადლობა, ჩემო ქალბატონო, მაგრამ ცხვარში მირჩევნია.

— ცხვარში გირჩევნია? ნუთუ არ მოგბეზრდა?

— მომბეზრდა, მაგრამ მაინც იქ მირჩევნია, იქ თავისუფალი ვარ. რა ვქნა, მიყვარს თავისუფლება.

— ძალიან მეწყინა, მაგრამ თავისუფლებას ძალით ვერ წაგართმევ. ის მაინც მითხარი, რითი გცეთ პატივი, რას ისურვებ? მამაჩემი შენთვის არაფერს დაიშურებს.

— დანგმა თავისი ქალბატონი გადაარჩინა და განა ამაზე მეტი საჩუქარი არსებობს?

— მარტო ეგ არ გეყოფა, ნუ ხარ გაუბედავი, მამაჩემი ყოველთვის კი არ არის ხელგაშლილი. შეიძლება ცხვრის ფარა გაჩუქოს, ან მიწა. უარი არ უთხრა.

„მიწა! ღმერთო, ამაზე დიდი საჩუქარი რაღა იქნება“. — გაუელვა თავში დანგს და ათასი რამ გაიფიქრა: მიატოვებს მოქამაგირეობას, პატარა სახლს აიშენებს, ცოლს შეირთავს და იცხოვრებს ისე, როგორც ყველა ცხოვრობს. ოცნებამ გაიტაცა. და თავის მომავალ ბედნიერებას ზემოდან გადმოხედა...

უცბად დოღათი გაახსენდა. ის რაღას იზამს? გულგატეხილი, უიმედო როგორ მიატოვოს? აულში ჩამოსვლის საშუალება რომ მოესპოს, ხომ გადაირია ვაჟკაცი.

— ქალბატონო, მე ჩემი ადამიანური მოვალეობა მოვიხადე, ბედნიერი ვარ თქვენი მადლობის ღირსად რომ ჩამთვალეთ. ბედნიერების გამოსახატავად არც ჰქუა მყოფნის და არც ენა მემორჩილება. თქვენს საკადრის სიტყვებს ვერ ვპოულობ, ერთი სათხოვარი კი მაქვს მართლა... — დანგმა სათქმელი ველარ დაამთავრა.

— თქვი, ყველაფერს შეგისრულებ.

— თუ ასეა, მაშინ ჩემი ამხანაგი დოლათი გადმოაყვანიხე ალდარს. რომ იცოდეთ, როგორი ერთგულია თქვენი და რა დიდი ბედნიერება იქნება მისთვის.

ჩაფიქრდა აგუნდა.

— ჩემი მოახლის საქმროა დოლათი, კარგი ბიჭია, მაგრა? ძალიან გაუბედავი და მორცხვია, არ მიყვარს ასეთები, შენ რატომ არ გინდა ჩვენთან? იქნებ, სხვა რამე გაქვს გულში? თქვი, ნუ გრცხვენია.

— არაფერი. მე მხოლოდ თქვენი სიკეთე მინდა და თუ მაინცდამაინც მსახური გინდათ, დოლათი ზედგამოჭრილია, ძალიან კარგი ბიჭია, თქვენს სიკეთეს არც ის დაივიწყებს და არც მე.

— კარგი, იყოს შენი ნება, მხოლოდ იცოდე, მაწყენინე.

— ასე უკეთესი იქნება, ქალბატონო, — კიდევ რალაცის თქმა უნდოდა დანგს, მაგრამ ველარ მოასწრო, სწორედ ამ დროს მოისმა. დანხოთის ბოხი ხმა. — მაპატიეთ, აგუნდა, ალდარი მობრძანდება.

— მოიცა, დანგ! — მაგრამ დანგს მისი სიტყვები აღარ გაუგონია, გარეთ გავარდა. კარში დანხოთს შეეჩეხა, ის თავის სტუმრებთან ერთად მოდიოდა, ზარხოზად იყვნენ. ეტყობოდათ, სუფრიდან წამომდგარიყვნენ, არაყის სუნმა დაჰკრა დანგს.

3.

ჯერ ისევ მალა იყო მზე, რომ აულის ბოლოდან ზანზალაკების ჟღარუნის მოისმა. ძაღლები აყეფდნენ. ატყდა გნისი, მალე ალდარ დანხოთის ეზოს სამი ფაეტონი მოადგა. მსახურნი ფაცაფუციტ გამოცვივდნენ გარეთ და ჭიშკარი უურთამდე გააღეს. ცხენები ეზოში დააურვეს. ალდარის ვაჟები ხმაურით გადმოხტნენ ფაეტონიდან, მათ მოჰყვნენ ცოლები, დედა, დიდი ქალბატონი.

ეზო ხმაურით აივსო, შეინახენიც გარეთ გამოეფინენ, მოსულებს შეეგებნენ. თითქოს მთელი საუკუნის უნახავეები შეხვდნენ ერთმანეთს, ბოლო აღარ უჩანდა ხვევნა-კოცნას, მოკითხვას.

დიდი ქალბატონი, ჰადარა დალალების სწორებით ეხვეოდა ქალიშვილს და სინხარულის ცრემლს ღვრიდა. ღვთისმშობელს მადლსა სწირავდა, მისი აგუნდა ხიფათს რომ გადააჩინა. მალე ყველანი შინ შევიდნენ.

დანგი მოშორებით იდგა და იქიდან უყურებდა კეთილშობილთა მოქმედებას.

მსახურებმა ფრთები გამოისხეს, სასახლეში შერბოდნენ და გამორბოდნენ. დანგი უხერხულად იდგა, არ იცოდა, რა გაეკეთებინა.

მზე ჩავიდა, აღდარის ვაჟმა გარეთ გამოსვლა ინება. დანგი რომ დაინახა, მასთან მივიდა. შექეიფიანებულს თვალები შესიებოდა, სახე აწითლებოდა.

— შინ მობრძანდი, სტუმარო, განზე რატომ გამდგარხარ?

— მე იქ შემოსვლა არ მეკუთვნის, ალდარო.

— რატომ არ გეკუთვნით? მობრძანდი, მობრძანდი!.. მოიცა, შენ ვინა ხარ, ვერ გიცანი?

— მოჯამაგირე ვარ თქვენი, ცხვარსა ვმწყემსავ.

— მოჯამაგირეო! — იღრიალა ახალგაზრდა ალდარმა და ბრაზით წამოენთო.

— დიახ, მოჯამაგირე!

— მერე აქ რას დაყუდებულხარ, შე უბედურო, გაინძერი.

— რო არ ვიცი, რა გავაკეთო?!

— არ იცი ხომ, ვირიშვილო, მუქთად ჭამა ხომ იცი? როგორც ვატყობ, მამაჩემმა ნებაზე მიგიშვათ და სეირნობთ ხომ? მაკადეთ, ტილიანებო, მალე ჩამოვალ და კისერზე ცხრაპირ ტყავს აგაძრობთ.

— მამატიე, ალდარო, მე მუქთად არავის ლუქმა შემიჭამია. რატომ ნებულობთ ჩემს შეურაცხყოფას?

— შეგიჭამია, ძაღლისშვილო და სიტყვას ნუ მიბრუნებ!

— არ გეკადრებათ.

— რაო? მე არ მეკადრება? — ცოფები წამოყარა ახალგაზრდა ალდარმა. — უ, შე ღორის ტილო, შენა. — მუშტი მოუქნია, დანგი გვერდზე გახტა. მერე იფიქრა, საცა არა სჯობს, გაცლა სჯობსო და წასვლა დააპირა.

— ფეხი არ გადგა!

შეჩერდა დანგი.

— მომიახლოვდი!

დანგი მიუახლოვდა.

— ვისი ჩოხა გაცვია?

— ნაჩუქარია.

— მერე ვინ გაჩუქა? თუ მოპარულია?

— ნუ ყვირით, ხალხი გვიყურებს, თქვენმა დამ მაჩუქა.

— უყურეთ ამ ვირს! ახლავე გაიხადე.

დანგმა მიმოიხედა. მოახლეები შეგროვდნენ და უყურებენ რა მოხდება, რითი დამთავრდება კამათი. ბატონიშვილი დანგს თავისკენ ექაჩება, ცდილობს ჩოხა გააძროს. სწორედ მაშინ აჯუნდას ფარეშმა დანგის ძველი ტანსაცმელი გარეთ გამოიტანა. დანგმა ალდარი გვერდით გასწია. ქალს თითქმის გამოსტაცა ხელიდან ტანსაცმელი და მარანში შევარდა. იქ სწრაფად გამოიცვალა ნაჩუქარი ჩოხა-ახალუხი, დაკეცა და ალდარს მიართვა.

— აი, თქვენი ტანსაცმელი!

აგუნდას პირისფარეშმა აღდარს გააგებინა საქმის ვითარება. მან ველარ გაბედა ტანსაცმლის გამორთმევა, მაგრამ არც იხტიბარი გაიტეხა.

— მერე მაგ ტილიან ტანსაცმელს ვინ ჩაიცვამს, იყოს შენი.

— არ არის საჭირო, ყველას თავის საკუთარი ტყავიძველა შვენის.

— ჩაიცვი! თუ ჩემმა დამ გაჩუქა, იყოს შენი.

— არ მინდა. მაინც არავინ დაიჯერებს, რომ ჩემია და რად მინდა, მოწმედ ვინ დამიდგება, რომ ნაჩუქარია და არა მოპარული.

— ერთი უყურეთ ამ გულამშვიერს, რა გულზვიადი ყოფილა.

— რა ექნა, ასეთი გავუჩენივარ ღმერთს.

— მე შენ ცხვრის რქასავით მოგგვრებს, პირუტყვო! დამაცადე! — დაემუქრა ახალგაზრდა აღდარი ძანგს. — თუმცა შენ მართალი ხარ, ვირს ცხენის უნაგირი არ მოუხდება! — ძანგს ხელიდან გამოგლიჯა ტანსაცმელი და ალესილი ნაჯახით ნაკუწ-ნაკუწ აქცია, აქეთ-იქით მიყარ-მოყარა და მერეღა შებარბაცდა შინ.

ძანგმა აღარ იცის, როგორ გაეცალოს აქაურობას, აღდარის ნების გარეშე წასვლა არ ეგებოს, არადა რა ქნას. აღდარი ძანხოთი კი სუფრაზე იღხენს და იქ შესვლა ვერ გაბედა.

დაბნელდა, სასახლეში მხიარულებამ იმატა, არეული ხმები საქონლის ბლაგილს უფრო ჰგავს ვიდრე სიმღერას. ამ ხმას ძალღები ყუფით აძლევენ ბანს. დაქანცული ფარეშები ფეხზე ძლივს დგანან, მაგრამ სტუმრების პატივისცემაში მაინც ერთმანეთს ეჯიბრებიან. ზოგი არაყს მიარბენინებს, ზოგი ღვინოს, ზოგიც ცეცხლზე მწვადებს აშიშხინებს, ზოგი ხაშლამას ხარშავს, ზოგიც ბარაქიან ხაბიძგინებს აცხობს. ქეიფი ეშხში შევიდა. ძანხოთს გვიანლა გაახსენდა ძანგი. აქ მომგვარეთო, იყვირა.

არ უნდოდა ძანგს ხალხში გამოჩენა, მაგრამ ვინ დაუჯერა.

მეინახენი მეტისმეტად მხიარულობენ, განსაკუთრებით რძლები. ისინი დედამთილ-მამამთილის გულის მოსაგებად ერთიმეორის დაჯაბნას ცდილობენ, ეტყობათ, შარბათივით ღვინო ცეცხლად მოსდებიან და აღარ ესმით, რას აკეთებენ.

ძანგის შემოსვლა არავის შეუნიშნავს, დგას კარებში და მოქეიფეებს ათვალეირებს. აგუნდას მზერა დაიჭირა, მან თავიდან-ფეხამდე შეათვალეირა და დამნაშავესავით ჩაღუნა თავი.

— აღდარო, მეძახდით?

აღდარმა დაინახა ძანგი, წითელი ღვინით შეავსო ყანწი და მისკენ მიბრუნდა:

— მოხვედი, მწყემსო? მომიახლოვდი!

ძანგმა რამდენიმე ნაბიჯი წადგა წინ.

— კეთილშობილნო, — აღდარის ბოხმა ხმამ დაჯაბნა მეინახეთა ყაყანი. — მომისმინეთ, კეთილშობილნო, ჩვენში ბევრია შურიანი და ბოროტი. ჩემი ცხოვრება და სიმდიდრე შურთ და ათასნაირ ჭორს მივრცელებენ, ვითომც მე მოჯამაგირეებს ცუდად ვეჩეოდე, მე,

ელოითი, დიდი ძანხოთი, ვითომც ხელფასს ვაკლებდე, ჩემი მტრები ამბობენ, რომ მოჯამაგირეები არ დამინდობენ და ცეცხლზე დასაწვავადაც გამიმეტებენ. ო, დიდებულებო, კეთილშობილხო, დამიჯერეთ, ყოველივე ეს ჭორია. აი ამის ცოცხალი მაგალითი, ჩემი მოჯამაგირე, მწყემსი, — ძანხოთმა ხელით ანიშნა ძანგზე. — ხომ ხედავთ, სწორედ ამან საკუთარი სიცოცხლე საფრთხეში ჩაიგდო და ჩემი ქალიშვილი — თავისი ქალბატონი დალუპვისაგან იხსნა. რას ნიშნავს ეს? იმას, რომ ჩემს მოჯამაგირეებსა და მსახურებს სიცოცხლეზე მეტად ვუყუარებ, პატივს მცემენ. მაშ, ვინ ამბობს ელოითი ძანხოთი მსახურებს და მოჯამაგირეებს ცუდად ექცევაო? — აღდარმა შეინახებებზე გამქოლი მზერა მოატარა. თითქოს მათ შორის მტერს ეძებდა. პერე ცალ-ცალკე ისე გაუყარა თვალში თვალი, თითქოს მწვადის ნაჭრებს აგებდა შამფურზე. უხერხულად იგრძნეს სტუმრებმა თავი. ხმას არავინ იღებდა. მხოლოდ ხანდახან ზოგიერთს ღვინით დაბერილი ძარღვი თუ აუთამაშდებოდა კისერზე.

ძანგმა აღდარის ლაპარაკიდან ვერაფერი გაიგო. იცოდა, რომ იგი ძალზე პატივმოყვარე იყო და ვინც ურჩობას შეებედავდა, ცოცხლად დასამარხად გაიმეტებდა. პირსისხლიან მხეცზე უარესის ჩადენასაც არ დაერიდებოდა. ძანგი მაინც ვერ მიხვდა, მტრების ხსენება რად დასჭირდა აღდარს.

— მაშ ასე, უფალხო, თქვენს წინაშე ელოითი ძანხოთი სირჩას უძღვნის თავის მოჯამაგირე მწყემსს.

— ეკუთვნის, ეკუთვნის! — იღრიალა აღდარის ვაჟმა, — ჰა, ჰა, ჰა! დღეს მე მაგას ჩემი ჩოხა-ახალუხი გაეძვრე, რატომ არ თქვი, პირუტყვო, ჩემი და თუ გადაარჩინე? პარდონ, არ ვიცოდი!.. ჰა-ჰა-ჰა!

— გამოართვი აღდარს სირჩა, ბიჭო!

— დიდი მადლობა, აღდარო, რომ სირჩის ღირსად მცანი, ძანგმა აღდარს სირჩა გამოართვა. — სირჩა ჩვენში დიდი პატივია და ვლებულობ; მხოლოდ ერთი სიტყვა უნდა ვთქვა, აღდარო, თქვენ ბრძანეთ, თითქოს მე ახალგაზრდა ქალბატონი იმითომ გადავარჩინე, რომ აღდარის ერთგული ვარ და სიცოცხლეზე მეტად მიყვარს იგი. მაპატიეთ, მაგრამ ეს ასე სულაც არ არის. მე სიცრუე არ მახასიათებს. ჩემთვის უცხოა ორპირობა. პირდაპირ გეტყვი, ქალბატონი გადავარჩინე. რადგან ის პირველ რიგში ადამიანია, მის ადგილზე სხვა რომ ყოფილიყო, იმასაც გადავარჩენდი, გაჭირვებული ადამიანისათვის დახმარება ყველას ვალია!.. სირჩაზე მადლობას მოგახსენებთ.

ძანხოთს სახეზე შეეტყო, ძანგის სამადლობელი არ ესიამოვნა. სასმისი ბოლომდე დააცლევინა. ცარიელი ყანწი მსახურს გადაუგდო და გაატანინა.

აღდარის სირჩის შემდეგ ძანგმა ისე იგრძნო თავი, თითქოს გამდნარი ტყვიით სავსე სასმისი გამოეცალა.

— ბედნიერი ხარ, ძანხოთ, ასეთი ერთგული მოჯამაგირეები რომ გყავს... ჩემები კი, ჰირმა გაწყვიტოს, ერთიმეორეზე უბედურები და

ზარმაცები არიან, მათრახი არ სცილდებათ ზურგიდან, მაგრამ ვერ გამიტყვია. აი შენი მოჯამაგირესავეთ ერთგული მეც რომ მაშოვნინა, — თვალების პარპალით თქვა ერთმა სტუმარმა.

— მეც ეგრე, — სიტყვა შეაწყვეტინა მეორემ, — ჩემს მსახურთ, სახადიც შეყრიათ, ერთთავად საკმელად დაუღიათ პირი. შიმშილით ვიხოცებითო, ყვირიან. დაიხოცნენ და აღარ გადარჩნენ. თუმცა არც ეს აკლიათ. მართლა ბუზებივით იხოცებიან ეს ოხრები, შარშანს აქეთ თხუთმეტი მაინც მოკვდა, სასაფლაოზე ადგილი აღარ ჰყოფნით. შენ მართლა ბედნიერი ხარ, დანხოთ, რა თავგანწირვა გიჩვენა მოჯამაგირემ, მშურს პირდაპირ, მოდი დამითმე, იქნებ ჩემებს ჰქუა ასწავლოს.

— არა, მე დამითმობს და სამაგიერო პატივისცემით კმაყოფილი დარჩება, — სიტყვა ჩამოართვა პირველმა აღდარმა.

— მე მუქთად როდი ვთხოვლობ. ჩემი მეძებარი ათ მოჯამაგირეს სჯობია, მთელ ხეობაში იმისთანა არც მოიძებნება.

— შენს მეძებრებზე ამბობ მაგას? მაშ ჩემს ყორანაზე რაღა ვთქვა! ათ მგელს ერევა ერთად.

— რას ამბობ, განა იმას ძალდი ეთქმის? სიბერით გაქუცულს პირში ერთი კბილი აღარ უხვრია.

— რატომ ნებულობ, აღდარო?

— იცით რა, კეთილშობილებო, ძაღლები თქვენთვის დაგვილოცნია. ფულის ქისები მოსინჯეთ, უკეთესია, — ესროლა სიტყვა დანხოთის უფროსმა ვაჟმა მოკამათებებს.

— თანახმა ვარ!

— მეც!

— რამდენი?

— ხუთი თუმანი.

— ექვსი!

— შვიდი!

— რვა!

— ცხრა!

„რას ნიშნავს ეს? ხუმრობენ, თუ?.. მე აღდარის ყმა არ ვყოფილვარ, მაშ, რა უფლებით ვაჭრობენ ჩემზე? ბატონყმობა ხომ არ არის, რომ აღამიანები ძაღლებზე გაცვალონ, რა ხდება?!“

ფასს თანდათან მალლა უწევენ. დანგს გული ბოლმით ევსება, მარწუხებივით შემოაჭდო თითები შავტარიან ხანჯალა დანას.

— გეყოფათ! წყეულიმც იყავით ხალხის ცოდვით!

აგუნდამ საღვინეს წამოავლო ხელი და ერთმანეთში აირია დაღეწილი ქურჭლის ხმაური და ქალების შეკვივლება.

გონზე მოვიდა აღშფოთებული დანგი, თითები შეუშვა ხანჯალს და ორი ნახტომით გარეთ გავარდა.

მირბოდა, მირბოდა და წინ ვერაფერს ხედავდა. არც არაფერი ესმოდა, მხოლოდ ყურში ზარივით რეკდა: „გეყოფათ, წყეულიმც იყავით ხალხის ცოდვით!.. დანგს ვერ გაეგო, ეს აგუნდას ყვირილი იყო თუ მისი საკუთარი გულის მწვავე ამოკვნესა.

დანგმა გადაწყვიტა აღდარს გასცლოდა. ამხანაგი მწყემსები არ დაეთანხმნენ. განსაკუთრებით ხანში შესული თავჩობანი გრისი.

— გაეცლები? მერე მაგით რა გამოვა? არა, გაქცევა არ ივარგებს, სისულელეს ჩაიდენ.

— წაუსვლელობაც არ იქნება, მეშინია, გრის, სადმე რომ შევხვდე იმ ღვთისფენისმკამელებს, სისხლი დაიღვრება. თქვენ რალაზე გაგზვით ხიფათში?

— წადი, კი არავინ გიჭერს, მაგრამ ასე არა, შენი შრომის საფასური კაპიცი არ შეარჩინო სისხლისმსმელს.

— იმ შემთხვევის შემდეგ, მე იმისი არაფერი მინდა. ბალამად არწყიოს ჩემი სისხლი.

— ძუნწსა და დამწვარს ნაცარი გამოართვი და თვალეში შეაყარეო. ვიცი, მესმის შენი გულისტკივილი, მაგრამ რა ვქნათ, ასეთია ხელმოკლე კაცის ბედი. პირი თევზივით წყლითა აქვს სავსე, ხელები შებორკილი, მოთმინების მეტი წამალი არ არის.

დანგი გაჩუმდა.

მეორე დღეს თვითონ აღდარი ეწვია მეცხვარეებს. მიესალმა, ცხვარი მოიკითხა. ვითომ არაფერიც არ მომხდარიყოს. მწყემსებს ბოლმა ყელში უჭერდათ, მაგრამ ხმა ვერ ამოიღეს, დანხოთიც არავის იწყევდა სალაპარაკოდ. ისევ დანგი წამოდგა წინ.

— წასვლა მინდა თქვენგან, აღდარო, ანგარიში გამისწორეთ!

— წასვლაო? — შეერთა დანხოთი და გამჭოლი მზერა ესროლა დანგს.

— ჰო, წასვლა.

— სად აპირებ?

— ქვეყანა დიდია, ცარიელი კაცი ვარ, საითაც მოვისურვებ, ყველგან გზა ხსნილია ჩემთვის.

— ჩვენ რა გაწყენინეთ?

— იცით, რაც მაწყენინეთ. ერთსა ვთხოვთ, ჩვენ ცხვარზე ვიყავით მორიგებულნი, მაგრამ მე ახლა ფული მირჩვენია.

— მტკიცეა შენი გადაწყვეტილება?

— რა თქმა უნდა.

დანხოთი გაჩუმდა, მერე მეცხვარეებს დაუცაცხანა.

— რა პირები დაგიღიათ, გაინძერით, ლამის მზე საშუადღეოზე გადავიდეს, თქვენ კი ცხვარი საძოვარზე ჯერ არ გაგიშვიათ. — მწყემსები დაიფანტნენ, მხოლოდ დანგი დარჩა.

— პასუხს ველოდები, აღდარო!

— ყური დამიგდე, ბიჭო, არ მინდა შენი გაშვება. დარჩი, ხელფასს მოგიმატებ.

— ვერ დავრჩები.

— ვიცი, ნაწყენი ხარ. ღმერთია მოწამე, არ მინდოდა... უმცროსი ხარ და მოთმენა გმართებს.

— უმცროსი ვარ, მაგრამ პირუტყვი არ ვარ, გამყიდოს ვინმემ, ჩემი მომეცი და წავალ!

ძანხოთი უჩვეულოდ მოლბა.

— იმ ღამის ამბავი შენზე ნაკლებად არც ჩემს აგუნდას სწყენია. ალიყური შენ გაგაწნეს და იმას ეტყინა. ავად გამიხდა.

— ქალბატონს ჩემთვის არაფერი დაუშავებია.

— არა, რა უნდა დაეშავებინა, პირიქით, შენგან დიდადაა დავალებული. ძმას წაეჩხუბა და სახლიდან გააგდო.

— არ მოქცეულა კარგად, ჩემი გულისთვის ძმას არ უნდა წაჩხუბებოდა, რა ვარ მე, ადამიანის სახელის ღირსადაც არ მცანით.

— კარგი, კაცო, უფლისწული ხომ არა ხარ, რაც იყო იყო, არადა, მიბრძანდი, ვინ გიჭერს. ხომ არ გგონია, შენისთანას ველარ ვიშოვი? მაგრამ ნუთუ ჩემს ქალს აწყენინებ? ის ამას ვერ გადაიტანს, დარჩი, აზრიანი ბიჭი ხარ, გეტყობა. ხელფასსაც მოგიმატებ და თუ ისურვებ სასახლეში გადმოგიყვან მსახურად.

— ?!

— შენ ჩემი საყვარელი ქალიშვილი სიკვდილს გადაარჩინე, ვალდებული ვარ სამაგიერო გიზღო, კარგი, ჰო, დარჩი, ცოდვას გოგო!

ძანგი ჩაფიქრდა. გადაწყვეტილებას ვერავინ შეაცვლევინებს, მაგრამ ახლა როგორღაც მოუღბა გული, მიხვდა, მამა ბოდის მოსახდელად აგუნდამ გამოგზავნა, ამან გატეხა მისი სიკერბე, ამაყი აღდარი მის წინაშე თავს იხრის და ეს შემთხვევით არ ხდება. მართალია, ის დავალებულია, მაგრამ რომელი მოჯამაგირისგან არ არიან აღდარები დავალებულნი და ვის უხრიან ქედს.

არადა გრისისა არ იყოს, სადაც წავა, ღმერთმა იცის, უკეთეს ყოფაში ჩავარდება? აქ სიტყვით აწყენინეს, იქ, იქნებ ხარივით გუთანში შეაბან.

— კარგი, დავრჩები... ქალბატონს გადაეცით... მისი ხატრით... ერთი სათხოვარი მაქვს, აგუნდამაც იცის, დოლათი გადაიყვანეთ ხელზე მოსამსახურედ, ის მართლა ძალიან ერთგულია თქვენი.

— თუკი ასე გინდა, გადავიყვან, — დაეთანხმა ძანხოთი. — მხოლოდ. ახლა წამოდი და შენს ქალბატონს თვითონვე უთხარი, რომ რჩები.

— მაგას ნუ მთხოვ, აღდარო.

— ასე დამაბარა აგუნდამ.

— მართალია, მაგრამ ვერ წამოვალ.

ძანხოთი შეკრთა.

— ეგ როგორ, ჩემს სიტყვას არაფრად აგდებ?

— როგორ არა, მაგრამ თქვენ გინდათ, ერთ ლოყაში სილა გამაწნათ და მე მეორე მოგიშვიროთ?

— როგორ მიბედავ! მე შენ გიჩვენებ, ძალისშვილო!

— თავი დამანებე, აღდარო, მე შენი არაფერი მმართვეს, ახლავე წავალ.

— სად წამიხვალ, ბოქაულს ყურით მოვათრევეინებ შენს თავს.

— მაგითი რას მოიგებთ, ან თქვენ, ან თქვენი ქალი?

— კარგი, მაშ, ვნახოთ! — დაემუქრა აღდარი და ცხენზე ძლივს ამობღდა.

მეორე დღეს საქმე სხვანაირად დატრიალდა. სადილობა გადავიდა. მოულოდნელად აგუნდა თავისი პირისფარეშით გამოჩნდა. დამეხილივით დარჩა ძანგი. რას იფიქრებდა, ამაყი და თავნება აგუნდა საცოდავ მწყემსთან ბოდიშის მოსახდელად მოვიდოდა.

დოლათი ბედნიერებით სანთელივით დადნა. აღარ იცის, რა ქნას. ქალიშვილების წინაშე ბავშვივით დაიბნა, რალაცის თქმა უნდა, მაგრამ ენა დაება. ხმის ამოღებას ვერ ახერხებს.

— ძანგ, შენს მეგობარს რალაცის თქმა უნდა და ვერ მოუხერხებია. მიეხმარე, გამაგებინე, რა უნდა?

— ხმა ამოიღე, ბიჭო, ახლა გქირდება ვაჟკაცობის გამოჩენა, ამოღერღე ორიოდე სიტყვა, რალა კარგი დღისთვისღა ინახავ. — წასჩურჩულა ძანგმა დოლათს.

— აგუნდა... ხომ კარგად ბრძანდებით... ჯანმრთელად... — ძლივს გაიხსნა კრიჭა.

ქალიშვილს შეებრალა მორცხვი დოლათი და დაუყვავა.

— ღმერთმა კარგად გამყოფოს, რა მიჭირს. კარგად ვარ... დოლათ, შენ მხოლოდ ის მითხარი, მე გაინტერესებ თუ შენი აცირუხსი. რა ლამაზია აქაურობა, სამოთხეა ნამდვილი... ნანა! რამდენი ყვავილებია?

— ყვავილები მართლა არ გვაკლია, საჭმელად რომ ვარგოდეს, ჩვენს ბედს ძალღი აღარ დაჰყუფდა, — გაიცინა დოლათმა.

— ღმერთს ყველაფერი საჭმელად როდი გაუჩენია, დოლათ, ასე რომ ყოფილიყო, ცხოვრებას ფასიც არ ექნებოდა. აბა იფიქრე, ასეთი მშვენება რომ არ მეხილა და ისე ჩავჩეხილიყავ უფსკრულში, ცოდვა არ ვიქნებოდი?.. ძანგ, მომიწყვიტე რამდენიმე ყვავილი!

ძანგი შეკრთა. ძანხოთის მუქარა ჯერაც არ დავიწყებია და ახლა ქალბატონის გამოჩენამ სულ დააბნია.

— მაპატიე, ქალბატონო!.. დაეიბენი...

— ეჰ, იქნებ ტყუილად შეგადარე შავარდენს! ჩემმა მოსვლამ ერთს ენა დაუბა, მეორე დაიბნა. ჰა-ჰა-ჰა! ხედავ, აცირუხს, ვითომ გასათხოვარი ქალიშვილები არიან და მოსატაცებლად მოვედით, ისე არ მისდით ფერფური?

— არ მოგელოდით, ქალბატონო, — ამოილულულა დოლათმა.

— აბა, იმ დღეს რომ მპირდებოდი ძალიან ლამაზ ადგილებს გაჩვენებო, ხომ არ დავაგიწყდა? მაშინ ვერაფერი ვნახე, იმ ოხერმა ცხენმა ხომ ნახეთ, რა მიყო. წამოდით, მაჩვენეთ, სად ჩაიჩეხა ის სატილო.

— არა, ჩემო ქალბატონო, ნუ ინებებ იქ წასვლას, მე ვიცო, ძალიან საშიშია. ამბობენ, ასასვლელში ეშმაკი ზისო.

— ჰა-ჰა-ჰა! გიჟი ხარ, აცირუხს, გიჟი. ეშმაკი, ქაჯი, ჯადო, უხსენებელი!.. სულ ერთიანად ჩაჩეხა ძანგმა უფსკრულში, წამოდი, წამოდი, შენი თვალით ნახავ და დარწმუნდები. წამოდით, ჰა!

— ორივეს წამოსვლა არ იქნება, ქალბატონო! ეშმაკის კლდე კარგა მოშორებითაა და ცხვარს უპატრონოდ ვერ დავტოვებთ, — შებედა ძანგმა.

— შენ წამოდი, დოლათი დარჩეს ცხვართან.

უარი ვერ უთხრა ძანგმა.

წავიდნენ. ძანგი გაოცებული შეჰყურებდა აგუნდას. ამ ორიოდ დღის წინ ეშმაკის მაცდურ ქალად მოეჩვენა, ახლა სავსებით მიწიერი აღამიანი იყო. ვაჟი აღარებდა იმ გულზვიად აგუნდასა და ამას, შველის ნუკრივით რომ მიკუნტრუშობდა ყვავილების ხალიჩაზე და მის ოქროს წკრიალივით სიცილს მთები ეხმაურებოდნენ. იმ აგუნდასა და ამას შორის საერთო ველარაფერი დაინახა.

აგუნდა დროდადრო ლამაზ ყვავილებს რაღაც დიდი სინაზით წყვეტდა. უცებ ქარივით გაქროლდა.

— დამეწიე! — მიიძახა ძანგს.

— შენი ქალბატონი სულ ასე მხიარულია? — ჰკითხა ძანგმა აცირუხსს.

— მხიარულია, მაგრამ ასეთი მხიარული არასოდეს ყოფილა.

— მოკლილია და... აღარ იცის, რითი გაერთოს, ზარმაცის მეგობარი მოწყენილობაა.

— დედას გეფიცები, ძანგ, არა ხარ მართალი, აგუნდა სულაც არ არის ეგეთი, ამაყიც არის, გულზვიადიც, მაგრამ კეთილია, სამართლიანი, სულაც არა ჰგავს თავის ახლობლებს.

— ჯერ ასეთია, მაგრამ გათხოვდება და კატასავით მაშინ გამოაჩენს ბრკყალებს.

— მე კი ვფიქრობ, რომ არასოდეს გათხოვდება.

— ვითომ რატომ?

— ძნელია აგუნდას გულის დაპყრობა, მისი გაგება. გული მიგრძნობს, სიყვარული დალუპავს მას. ხანდახან მეშინია კიდეც, ოცნებით ხატავს საქმროს, აი ისე, ზღაპარში რომ გამიგონია... ნამდვილად ბავშვივით სუფთა და უმანკოა.

— რა იქენით? გუთნეულის ხარებივით ძლივს რომ აღვამთ ფეხებს? — მოისმა აგუნდას ხმა.

ძანგმა და აცირუხსმა ფეხს აუჩქარეს.

ეშმაკის კლდეზე ავიდნენ. აცირუხსი გაჯიუტდა, ახლოს მისვლა ვერ გააბედვინეს. აგუნდა კი მაცდურ გზას შეუყვავა. ძანგი გვერდით მისდევდა, ზედ გადასავარდნ ქიმზე დადგნენ.

— ქალბატონო, კიდეზე ნუ დგებით, — ხმის კანკალით აფრთხილებს აცირუხსი...

— ნუ გეშინია, აცირუხს, აქ პირველად როდი ვარ.

— სხვა დროსაც ყოფილხართ? — გაიოცა ძანგმა.

— ბევრჯერ, წელან განგებ ვთქვი, არ ვყოფილვარ-მეთქი, — ქალიშვილმა მკლავები არწივის ფრთებივით გაშალა და ხმამაღლა შესძახა, — ჰე, ჰე, ჰეი! ჯოჯოხეთის მოციქულებო, დადგა თქვენნი აღსასრული, თქვენზე ძლიერი და მოხერხებული აღმოჩნდა მიწიერი ადამიანი, მიულოცეთ! მიულოცეთ!..

ჩაბნელებული უფსკრულიდან ათასმა ხმამ გაიმეორა ქალიშვილის სიტყვა „მიულოცეთ! მიულოცეთ!“

ძანგს თმა ყალყზე დაუდგა. ქალიშვილის მკლავს წაეტანა და უფსკრულის პირიდან გამოიტაცა.

— იწამეთ ღმერთი, ქალბატონო, წავიდეთ აქედან, ერთხელ გადაგარჩინეთ ხიფათს, მეორედ ნუ...

— ნუ გეშინია, ძანგ, ეს კლდე ან ჩემი ბედნიერებაა ან უბედურება, დაე, იყოს ერთ-ერთი.

— ქალბატონო!

— ძანგ, ძალიან გთხოვ, ქალბატონს ნუ მეძახი, მეც ჩვეულებრივი ადამიანი ვარ. ვერ ვიტან, ქალბატონს რომ მეძახიან. მე ქალბატონი კი არა, აგუნდა ვარ, შენ მწყემსი კი არა — ძანგი ხარ.

— არა, ჩემო ქალბატონო, თავიდანვე ასე მოეწყო ცხოვრება, ქალბატონებმა და მსახურებმა თავთავიანთი ადგილი იციან.

აგუნდა ლელავდა, ვერ ისვენებდა, პატარა ბავშვივით ცმუკავდა.

— ქალბატონო, დედა ღვთისას გაფიცებთ, გამოდით მანდედან, ღმერთო, შენ უშველე... გამოდით აქეთ, გადავარდებით!

— ნუ გეშინია, აცირუხს. აქ მე მეორედ დავიბადე. მაყადე, ვუყურო ჩემს დამბადებელს! — დაამშვიდა აგუნდამ პირისფარეში და გაიციანა.

— აცირუხსი მართალია, წავიდეთ აქედან! — ძანგმა ცეცხლოვანი თვალები შეანათა ქალიშვილს.

აგუნდა შეაკრთო ამ თვალების ელვარებამ, თითქოს შიგ გულში ჯოხვდა ნაღვერდალი.

— ეჰ, საბრალო აცირუხს, რა გესმის? აქ, სწორედ ამ მაცდურ ველზე გაიხსნა ჩემთვის ცისკარი. მე აქ ვპოვე გულისსწორი...

— ხუმრობა ხუმრობაა, მაგრამ წავიდეთ აქედან, — ძანგმა გაბედულად მოჰკიდა მკლავში ხელი ქალბატონს და ძალით გამოაცილა უფსკრულს.

— რა არის, ქალბატონო, ლამის სული გამეყაროს, რატომ მაშინებთ?

— ნუ, ჩემო აცირუხს, ნუ, ყველაფერი გულთან ახლოს ნუ მიგაქვს, თორემ, მალე დაბერდები. აბა, გაიქეცი და ლამაზი ყვავილების თაიგული შემიკონე.

— რამდენსაც ისურვებთ, ქალბატონო. მხოლოდ აღარ გაჩიუდეთ, თორემ, დედას გეფიცები, აღდარს მოვახსენებ. — თითით დამუქრა აცირუხსი.

— კარგი, კარგი, აცირუხს, შენ მხოლოდ ლამაზი თაიგული გამიკეთე...

- ეგ ჩემზე იყოს, — თქვა აცირუხსმა და ყვავილებს შეერია
 ძანგმა ფეხს აუჩქარა.
- რა გეჩქარება, ძანგ?
- დოლათი მარტოა.
- რა უშავს, ბავშვი ხომ არ არის.
- კოტა ხანს მდუმარედ მიდიოდნენ გვერდიგვერდ.
- რას გაჩუმებულხარ, ძანგ?
- რა ვიცი, რა ვთქვა?
- არ გიკვირს ჩემი ამბავი?
- სიმართლე რომ არ დაგიმალოთ, მიკვირს.
- მაშ, რატომ არაფერს შეკითხები?
- რაზე?
- თუნდაც იმაზე, იმ ლამეს რომ გყიდდნენ.
 ძანგმა არაფერი თქვა.
- ვიცი, ძალიან გაწყენინეს. მე მაპატიე.
- ისევ არ ამოიღო ხმა ძანგმა.
- დაჩაგვრას არავის აპატიებ. ეგ მომწონს შენში. შენს ადგილზე
 მეც ეგვრე მოვიქცეოდი.
- ალღარი ამოვიდა ჩემთან, ბოდში მომიხადა. რატომ დასკირდა,
 არ ვიცი.
- მე გამოვგზავნე.
- ასე რომ არ მოქცეულიყავ, ჩემს თვალში ფასს დაკარგავდი, კინ-
 წისკვრით გაგავდებდი...
- მეორედ მესმის თქვენგან ასეთი მუქარა, რას ნიშნავს ეგ?
 ქალიშვილი დაიხარა და ყელყელა ყვავილი მოწყვიტა, ეშმაკურ-
 მა ღიმილმა გაუპო ალისფერი ბაგე.
- ეგ მხოლოდ მე ვიცი.
- რა სულელურ კითხვებს ვებედავ, არა? მოჯამაგირეს ვინ მისცა
 უფლება, ქალბატონს კითხვებს აძლევდეს. კეთილშობილთა ჩანაფიქ-
 რის ამოცნობა რა ჩვენი საქმეა. პირუტყვი როდის ეკითხება პატ-
 რონს — რას გააკეთებინებს, საით წაიყვანს, დასაკლავად, გასაყიდად
 თუ...
- კარგი, ვთხოვ ნულარ გაიხსენებ იმ ამბავს.
- მაპატიე, რა ვქნა, სიცრუე და ორპირობა უცხოა ჩემთვის.
- რაკი ჩემი აზრის გაგება გინდა, გეტყვი: შენ რომ თავი მოგეხა-
 რა და ის შენი დამცირება უხმოდ გადაგეცლაბა, ნამდვილად დავკარ-
 გავდი რწმენას, სამუდამოდ ამოგიღებდი გულიდან. ახლა სხვაა. შენ
 დამანახვე. რომ დედამიწაზე მარტო პირუტყვები კი არა, ადამიანებიც
 ცხოვრობენ.
- კარგი ხალხი ბევრია, თქვენ არ იცნობთ, თორემ...
- შეიძლება, მაგრამ ვისი ქალბატონიც მე ვარ, ვისთანაც ურთი-
 ერთობა მაქვს, მათ შორის არ შემხვედრია ნამდვილი ადამიანი; ისე,
 შეიძლება უბრალო ხალხში ბევრი იყოს მამაცი, გაბედული, მაგრამ მე

არავის ვიცნობ. მხალსა და ლაჩარს კი პატივს არა ვცემ. ისეთებიც არიან, რომლებსაც ქონებაც ბევრი აქვთ, არც შეხედულება აკლიათ, მაგრამ მაინც არ არიან გულწრფელნი. ყოველ ფეხის ნაბიჯზე ცრუობენ, პირში ერთგულებას გეფიცებიან, პირსუკან კი შენს სისხლს დალევენ. ნამუსზე და ვაჟკაცობაზე აღარაფერს ვამბობ. წარმოიდგინე, ისინი თავიანთ თავს კეთილშობილს უწოდებენ.

— არ ვიცი, რა გიპასუხო. შენ ჭკვიანი ხარ, განათლებული, ძლიერი. მაპატიე, თუ ისე ვერ გამოვთქვა ჩემი აზრი...

— რას ამბობ, ძანგ, შენ საოცარი აღამიანი ხარ, არ დამცინო, ღირფი არ გეგონო, მაგრამ რა ვქნა, გული თხოულობს შენთან საუბარს, შენს ნახვას...

— ჩემი სამყარო ეს მაღალი მთებია, ჩემი საქმე — სხვისი პირუტყვის მწყემსვა. შენი ფიქრი სხვაა. სხვა გარემოში ხარ გაზრდილი, თუ დაიჯერებ, მიკვირს კიდევ, როგორ ვბედავ შენთან საუბარს.

— სიმდიდრე არ მაკლია, მაგრამ გული შევებას მაინც ვერ გრძნობს. ასე მგონია შეცდომით ცეცხვრობ ამ ქვეყანაზე. სხვა სამყარო, სხვა ცხოვრება იზიდავს ჩემს გულს, რა არის ეს, ვერ გამოვიგა. ხანდახან მეჩვენება, რომ ფრთას გავშლი და გავეცლები ამ ცხოვრებას, მაგრამ ფრთამოტეხილი ჩიტივით აფრენას ვერ ვახერხებ. გალიაში ვარ დატყვევებული.

ჭრელა-ჭრულა ყვავილებისგან აცირუხსს დიდი თაიგული შეეკონა და ამასობაში წამოეწია კიდევ ქალბატონს.

— ქალბატონო, შინ წასვლის დროა, აღდარი შეწუხდება.

— მივდივართ, მივდივართ, — თითქოს ღრმა ძილიდან გამოერკვა, ისე შეიშმუნა აგუნდა.

მერე აცირუხსს ფუთა გამოართვა და ძანგს შეაჩეჩა ხელში.

— უარი არ მითხრა, ძალიან მეწყინება... ვნახოთ, მოგეწონება? ჩემი შეკერილია. იცოდე, თუ არ ჩაიცვამ, გაგებუტები.

ძანგი ისე დაიბნა, ხმა ვეღარ ამოიღო, გოგოები კი უკვე თავქვეში ნუკრებივით მიხტოდნენ.

„ჩემი შეკერილია“, ცხადად მოესმა ძანგს აგუნდას სიტყვები. რალაც ეჭვები გაუღვიძა ამ სიტყვებმა. „ვინ ვარ მე მისთვის? სიკვდილს გადავარჩინე, მართალია, მაგრამ საჩუქარს მსახურის ხელით ვერ გამოგზავნიდა? საკვირველია, როგორ იკადრა ჩემთან ლაპრაჯი? ის ცისკარივით ცაზეა, მე კი ბნელ ხაროში ტალახში ვფორთხავ“.

ძანგმა ხელის კანკალით გახსნა ფუთა, დიდხანს ათვალიერებდა ახალ მოთელილ ნაბდის ქუდს, ჩოხა-ახალუხს, მოსირმულ საწვიკეებს და ტყავის უძირობებს.

5.

დოლათი სასახლეში გადაიყვანეს. ძანგი მარტო დარჩა თავის ფიქრებთან. მეორე ამხანაგი გრისი ჭკვიანი და გულკეთილი აღამიანია,

მაგრამ ერთთავად თავისი მშვიერი ბავშვების დარდი აწუხებს და ძანგისთვის არა სცალია.

აგუნდას ამბავი დაავიწყდა კიდევ. მხოლოდ ის უხარია, რომ დოლათს ხელი შეუწყო, სურვილი აუსრულა. ალბათ ძალიან ბედნიერია, ყოველდღე ხედავს თავის აცირუნსს.

რა იცოდა ძანგმა, რომ კიდევ უფრო საოცარი ამბავი ელოდა. ერთ კვირა დღეს აგუნდა მარტოდმარტო ეწვია.

ქალიშვილის მოსვლა გაუხარდა, თუმცა, ვისმე რომ ეკითხა, რატომ გაგიხარდაო, პასუხს ვერ გაცემდა. იფიქრა, ნეტავ რა აქვს განზრახულიო და მისალმებისთანავე ჰკითხა:

— უბრალოდ არ გაირჩებოდით, ქალბატონო, მოხდა რამე?

— წუხელ უქმური სიზმარი ვნახე. თითქოს მთიდან ლოდი დაგორდა და ქვეშ მოგიყოლა, შემეშინდა და მთელი ღამე თვალი აღარ მიმისუქავს, — ამის თქმაზე ქალიშვილს ღაწვები აეწვა.

— მალალმა ღმერთმა სიხარული ნუ მოგაკლოს, აგუნდა, ვითომც მართლა ზვავიდან ამოგეყვანე...

— ჩემი საჩუქარი არ მოგეწონა? რატომ არ გაცვია?

— ღირსი არა ვარ თქვენი ყურადღებისა. რა ვიცოდი, დღეს რომ ინებებდი მობრძანებას, თორემ...

— ზვალაც ამოვალ... კარგი?

— ნებართვას მე მთხოვ?

— რა ვიცი, იქნებ შენ არ გესიამოვნება?

— რას ამბობ, აგუნდა!

— შინ ველარ ვჩერდები, სულ შენთან მინდა... თუ თავი არ მოგაბეზრე.

— ნუ ამბობ მაგას, მამაშენი...

— გუშინ ქალაქს წავიდა, ორ კვირას მაინც დარჩება იქ.

— დოლათი როგორ არის? აკეთებს რამეს?

— თვალსა და ხელში წინწალი გასდის. მერცხალივით დაფრინავს. ბაბა ძალიან კმაყოფილია.

— შენ?

აგუნდამ არ უპასუხა, თითქოს მისი შეკითხვა არც გაეგონოს. მერე ძანგს პირდაპირ თვალებში შეხედა და მოულოდნელად ჰკითხა:

— შეყვარებული გყავს?

— არა.

— არც არავინ გყვარებია?

— სამაგისოდ ჭერ არ მომიცლია.

აგუნდამ შვებით ამოისუნთქა.

— რატომ შეკითხები?

— ისე...

— ხომ არავის მირიგებ?

— ვილაცას დაუფრთხე ძილი.

— მე? რას ამბობ? გოგოებს ჩემნაირები არ მოსწონთ.

— ვითომ რატომ?

— ყველა ქალიშვილი ცხოვრებაზე ოცნებობს, მე კი ჩემთვისაც არაფერი მზადია, ხომ ხედავ, ცის ქვეშ ვცხოვრობ. ლოდია ჩემი სას-
თუმალი, მე მხოლოდ ის ვიცი, რომ ამ მუხთალ წუთისოფელში მარ-
ტოდმარტო ვარ. მკერდში გული ფეთქავს და სიყვარულის უფლება არა
მაქვს.

— სიყვარულის უფლება ყველასა აქვს.

— ამ დაწყველილ ქვეყანაზე სიყვარულიც ფულზე იყიდება. ზოგ-
ჯერ ისე ძვირი ჯდება, რომ მყიდველი წელში წყდება, სიყვარულის მა-
გიერ ხშირად გულისტკივილი შერჩება ხელში. ვიცი ჩემი მდგომარეო-
ბა და სიყვარული არც მაგონდება.

აგუნდა დადუმდა, გული რაღაცნაირად ეკუმშებოდა, მერე მთებს
შოავლო თვალი და ყველაზე მაღალზე შეაჩერა მზერა.

— დანგ, აგერ იმ მწვერვალთან თუ გადმოგიხედია ოდესმე?

— როგორ არა...

— მე კი არა.

— გინდა?

— მინდა.

დანგმა ფარა ამხანაგს ჩააბარა და აგუნდასთან ერთად შეუდგა აღ-
მართს.

ძალიან მხიარული და ბედნიერია აგუნდა, პატარა ბავშვივით ყვე-
ლაფერზე იცინის, მწვერვალზე ისე ავიდნენ, დაღლა არც ერთს უგრ-
ძნნია. ლამაზმა ბუნებამ მოხიბლა ქალიშვილი, თვალეები უბრწყინავს,
ცმუქავს, ერთი სიტყვით სიცოცხლეს შესტრფის.

სამხრობა გადასული იყო, დანგმა სოფლის თვამდე რომ ჩააცილა,
ხვალაც ამოვალო, დაუბარა აგუნდამ და პასუხისთვის არ დაუცდია,
გაიქცა.

სიტყვა არ გატეხა აგუნდამ, მეორე დღესაც ესტუმრა მეცხვარეებს.
მას შემდეგ თითქმის ყოველდღე ამოდის. დანგი მიეჩვია და მოუთმენ-
ლად ელის მის გამოჩენას.

ყოველი შეხვედრის შემდეგ ვაჟი ფეხქვეშ უფრო მყარ ნიადაგს
გრძნობს, რაღაცნაირად დამშვენებული ეჩვენება ქვეყანა. ქალიშვილ-
მა დაარწმუნა, რომ ისიც სხვებივით ადამიანია და მის გულში გაიღვი-
ძა იმედის ნაპერწკალმა, აგუნდა მას ესაუბრება არა როგორც მოჭა-
მაგირეს, არამედ როგორც ტოლი ტოლს. უკვირს დანგს, საიდან აღ-
მოაჩნდა ამდენი გამბედაობა, რომ ასე თავისუფლად და თამამად ელა-
პარაკება აღდარის ქალს.

ასე გაგრძელდა თითქმის მთელ თვეს.

ერთხელ საღამოთი ბინაზე ცეცხლი გააჩალა გრისმა და ვახშმის
თადარიგს შეუდგა. დანგი კერის პირას იჯდა და ფიქრებს მისცემოდა.

— რას ჩაფიქრებულხარ, დანგ? ხომ არ გიკვირს ყოველდღე რის-
თვის ამოდის ქალბატონი? შენი აზრით რა უნდა?

— აბა, მე რა ვიცი...

— მა ვინ იცის, ბიჭო, მოერიდე, შვილო, მოერიდე, ხათაბალაში არ გაგახვიოს.

— რის ხათაბალაში? — შეერთა ძანგი.

— რა ვქნა, მე მასულელებ, თუ მართლა არ გესმის?

— რა უნდა მესმოდეს? თქვი, რა გინდა?

— მე რა მინდა, ქალბატონს უყვარხარ.

— მე?..

— დიახ, შენ. კეთილშობილი საქმროები ახლოს არ გაიკარა და შენზედ შეაჩერა არჩევანი. გაფრთხილდი, შვილო, მაგის მამა და ძმები ჭიაცელასავით გაგსრესენ. ცთამბჯენ კოშკში ზის მზეთუნახავი, ნუ შეეცდები მის დასაკუთრებას, მაინც ვერ შესწვდები და დაიფრფ-ლები.

კიდევ რაღაცას არიგებდა გრისი, მაგრამ ძანგს აღარაფერი გაუგონია. აზრები თავში ჩიტის ბარტყელებით აფარფატდნენ. ფიქრებმა აიტაცეს, ოცნების ზღვაში შეაცურეს.

„ქალბატონს უყვარხარ“. — მე ვუყვარვარ? მერე, განა ასეთი რამ შეიძლება? უსახლკარო მწყემსი მზეთუნახავმა აგუნდამ რისთვის შეიყვარა? რატომ ამომარჩია იმდენ საქმროებს შორის მე, უბირი მწყემსი? არა, არა! ეს არ შეიძლება! არა!

გაახსენდა, ამას წინათ აგუნდა გვერდით მიუჯდა და მხარზე მიაყრდნო თავი. ძანგს ცეცხლი წაეკიდა, მაგრამ მომძლავრებული გრძნობა დაიოკა და მშვიდად უთხრა აგუნდას:

— თუ დაიღალე, ნაბადს გაგიფენ, წამოწეკი.

— არა, არა, ასე იჯექი, არ გაინძრე, მე ლამაზ სიზმარში ვარ და არ გამაღვიძო, გეხვეწები, ხმას ნუ იღებ, ნურც ნურაფერს მკითხავ.

აგუნდამ თვალი მილულა, მწყაზარ სახეზე ბედნიერების ღიმილი დასთამაშებდა. ძანგი უყურებდა და პირველად შესწირა ღმერთს მადლობა, ამ ქვეყანაზე რომ გააჩინა. დუნია თავისი ეგონა, მაშინ არ უფიქრია, რომ აგუნდა უყვარს, ამას როგორ გაბედავდა.

ბევრი იშფოთა იმ ღამეს გულმა და გონებამ, ყოველმხრივ აწონდაწონეს მდგომარეობა, მაგრამ ყველგან გზა იყო მოჭრილი, ძარღვებ-ჩაწყვეტილი გული მივიდა დასკვნამდე: „ილუპება ქალი, თუ მართლა გიყვარს, თუ მართლა ძვირფასია შენთვის, ერთხელ იხსენი სიკვდილიდან, იხსენ — მეორედაც“.

6.

იმ დღეს დაიგვიანა აგუნდამ, ძანგი ღელავდა, მალ-მალე იყურებოდა გზისკენ. რაც დრო გადიოდა, ავი ფიქრები უფრო ეძალებოდა.

მზე ჩადიოდა, აგუნდა მოსახვევში რომ გამოჩნდა, ვერხვებთან დაქვეითდა, ცხენი საძოვარზე მიუშვა და თვითონ მწყემსების ბინისკენ გამოემართა.

ძანგის გულს ბაგაბუგი გაჰქონდა, მაგრამ გადაწყვიტა, ქალიშვილს მკაცრად მოქცეოდა.

აგუნდამ შორიდან დაუძახა ძანგს.

— სად ხარ, ძანგ, ძე მოვედი, დავილაღე, მომეშველე!

— რა ძალა გადგათ, ქალბატონო, რა დროს გინებებიათ ამობრძანება, საცაა მზე ჩავა, უსაქმურობით შეწუხებულმა, აღარ იცით რით შეიქცით თავი.

— რატომ მედიდგულები, ძანგ? არ გიხარია ჩემი მოსვლა?

— რად უნდა მიხაროდეს, დილიდან დაღამებამდე მამაშენის ცხვარს დავდევე, საღამოთი მუხლები მეკვეთება დაღლილობით.

— ძალიან დაილაღე? ჩემი ძანგი დაილალა! — პატარა ბავშვივით მოეფერა აგუნდა.

— ახლავე შინ წაბრძანდი! მე სხვებივით ვერ დამიმორჩილებთ...

აგუნდა შეკრთა, მუხლმოკვეთილი ჩაიკეცა, იდაყვებით მუხლებს დაეყრდნო, ხელისგულები დაწვებზე შემოიღო და სადღაც შორს, სივრცეს გაუშტერა თვალი.

— უხეშად ნუ მოექცევი, ბიჭო, ხომ არ დაგავიწყდა, ვისი შვილია? რად გინდა, რომ აწყენინო, — ყურში ჩასჩურჩულა გრისმა გულმოსულ ძანგს.

ძანგი თავის ნათქვამს უკვე ნანობდა. გრისმა ცხვარს წინიდან დაუარა, ძანგი კი აგუნდასთან მივიდა და მის გვერდით მუხლებზე დაეშვა.

— აგუნდა... ქალბატონო... მაპატიე... ვფიქრობ, ვფიქრობ და ვერაფერი გამიგია, ყოველდღე რისთვის მოდიხართ აქ. რა გინდათ, რას ეძებთ?

— რას ეძებ? გინდა გაიგო?.. სიკვდილს!.. — და მთლიანად ძანგისკენ შებრუნდა ქალი. იგი ტიროდა. ძანგი გაითანგა, თითქოს ის მძივებდალ ასხმული ცრემლები მის გულს დაეყარა, მაგრამ არ უნდოდა აგუნდასათვის ეჩვენებინა თავისი სისუსტე.

— გამიგე, აგუნდა, არ არის ლამაზი, ყოველდღე რომ აქ ამოდიხარ, ხალხი რას იტყვის? არ მინდა, ვინმემ შენზე აუგი თქვას...

— მერე რას ვაკეთებ ცუდს?

— არაფერს, მაგრამ ხალხი ხომ იცი...

— ხალხი! რა საქმე მაქვს ხალხთან, დე, თქვას ვისაც რა მოესურვება, ვისი რა საქმეა, სად მივდივარ? რისთვის მივდივარ?

— ხალხი კიდევ არაფერი, მამაშენმა რომ გაიგოს, ფათერაკს გადაეყრები.

— ნუ მოილაჩრე თავი, გეყოფა! აღარ ამოვალ! — უფრო უმატა ტირილს, — არც შენ ყოფილხარ იმათზე უკეთესი...

— დიახ, ქალბატონო, იმათზე უკეთესი კი არაა, შეიძლება ყველაზე უარესიც ვარ! შეგიძლია დამცინო, გამაგლო, ძაღლები მომისიო, ცხრაპირი ტყავი გამაძრო! ყველაფერს მოვითმენ! ღმერთი იყოს შენი მფარველი! მარტო ერთი დაგავიწყდა! ღატაკ, უსახლკარო მწყემსსაც აქვს მკერდში გული. როცა მას ფეხით შედგებით, კენესის, ტკივილით იკუმშება! მძულხართ ყველანი, შენც, მამაშენიც, შენი ძმებიც! ყველანი, ვინც ბავშვობა და ქაბუკობა წამართვა, ვინც სიცოცხლე მოიწამ-

ლა. ახლა წადი, გადაეცი მამაშენს, სულაც არ მეშინია მისი, არც სხვების!

ძანგს ეგონა აგუნდა სილას გააწნავდა. სასტიკად გალანძღავდა, მაგრამ ასეთი არაფერი მომხდარა. ვაჟის სიტყვებზე კი არ გაბრაზდა. დამშვიდდა, ცრემლები შეიმშრალა და სიყვარულით სავსე თვალები ვაჟს შეანათა.

— მე კი მეგონა...

— რა გეგონა? შენ მოცლილი ხარ და გასართობს ექებ. მე კი ცეცხლი მიკიდია და ცოცხლად ვიწვი. გეხვეწები, ნულარ მიმატებ ცეცხლზე ნავთს. რა დაგიშავე ისეთი, სასიკვდილოდ რომ მიმეტებ.

აგუნდამ შვებით ამოისუნთქა.

— მაშ მე წავალ...

გვერდივერდ დაუყენენ დაღმართს. ძანგი ჩქარობს, სანამ დღის სინათლეა, ტყეს გააცილოს ქალი.

აგუნდაც ჩქარობს, ბორცვაკზე წაიფორხილა. ძანგმა ხელი შეაშველა. დენმა დაუარა მთელს სხეულში. ქალის ხელიდან სითბო, სიცოცხლე იღვენთებოდა ვაჟის გულში. კიდეც გაუტურდა ქალს ფეხი, ძანგმა ვერ გაიგო, როგორ აღმოჩნდა აგუნდა მის მკერდზე. ცივი ოფლით დაეცვარა შუბლი, წამით ძალუმად ჩაიკრა გულში, მაგრამ სწრაჟად მოეგო გონს. მკერდიდან მოიშორა.

— მაპატიე, ქალბატონო... ასე გვიან არ უნდა წამოსულიყავი.

ქარგად იყო ჩამობნელებული, ხევში რომ ჩავიდნენ. ძანგმა ცხენს უნაგირი დაუჭირა.

— ხომ არ მოგეშველო, აგუნდა?

— ჰო, — მოესმა ძანგს ქალის დათაფლული ხმა.

როგორც კი ძანგი აგუნდას ხელს შეეხებო, თავბრუ დაესხა. გონს რომ მოეგო, აგუნდას მკლავები ყელზე ეხვია.

— ძანგ, ჩემო სიცოცხლე... ჩემი ბედის საოცნებო ვარსკვლავო, მიყვარხარ, მიყვარხარ და უშენოდ სიცოცხლეს ეშმაკის კლდეზე გადაჩეხვა მირჩევნია.

— აგუნდა! — აღმოხდა ვაჟს, მაგრამ ისე, რომ ხმა მის მეტს არავის გაუგონია, ყველაფერი დაავიწყდა. ამქვეყნად არსებობდა მხოლოდ აგუნდა, რომელიც მის მკლავებში გათანგულიყო და ბედნიერების ცრემლებით აღბობდა ძანგის ცეცხლოვან მკერდს.

ძანგი ნაზად უკოცნიდა ცრემლიან თვალებს... მან, დიდი ხანია იგრძნო, რომ ადრე თუ გვიან გული სიყვარულს ველარ დაიოკებდა და აღიდებულები მდინარესავით ნაპირზე გადმოხეთქავდა. აი სწორედ ახლა დადგა ის დრო, სიყვარულმა იმარჯვა და ვაჟი ფეხქვეშ გათელა.

პირველი თავდავიწყებიდან ისევ ძანგი გამოერკვა.

— აგუნდა, ჩემო სიცოცხლე! ამ ბედნიერებას ვერ გაუძლებს გული! აგუნდა, გონს მოდი. ეს არ შეიძლება, გესმის? არ შეიძლება! ვინ მე და ვინ შენ, ვარ მოგწოდები ცის მნათობს...

— ნუ, ნუ მეუბნები, არაფრის გაგონება არ მსურს, ძანგ; ჩემო

ყველა. მიყვარხარ... მიყვარხარ და ეს არის მთავარი. — აჯუნდას ხმა უკანკალებდა, მთელი სხეული ციებიანივით უთრთოდა.

— ჩვენი სიყვარული ბეწვის ხილზე ჰკიდია. გამიგონე. აჯუნდა! ნუ დაილუპავ თავს, მე შემობრალე. უშენოდ ვერ ვიცოცხლებ.

— დაე, რაც მოსახდენია, მოხდეს. მზად ვარ ჯოჯოხეთში წამებისთვის, თუნდაც ხალხმა მომკვეთოს, მერე რა, შენ თუ გეყვარები. მე მაინც ბედნიერი ვიქნები. ნურათფერს მეტყვი, ჩემი გადაწყვეტილება ურყევია, უსაზღვროა ჩემი შენდამი სიყვარული.

— მომისმინე, აჯუნდა. — აჯუნდა კანკალებდა, ძანგმა ჭუბაჩა გაიძრო და ბეჭებზე მოახურა.

— გითხარი, მიყვარხარ, მორჩა და გათავდა... არ ვცნდა. რომ მიყვარდე? მაშ რად გადამარჩინე. დაე, დავლუპულიყავ. შენ ხომ არ გაცივობდი, იქნებ, არ გიყვარვარ?

— აჯუნდა, ჩემო მანათობელი ვარსკვლავო, თუ ამქვეყნად ბედნიერება ვისმე უნატრია და ნატვრა ასრულებია, ეს, ალბათ, მარტო მე ვარ. მიყვარხარ. არა, კი არ მიყვარხარ, სიცოცხლე ხარ ჩემი. შენ მზე ხარ. მზის სიყვარული ხომ არ არის აკრძალული, ჰოდა, მეც შემიყვარდი. ჩემდა უნებურად შემიყვარდი. მაგრამ მომავალი მაშინებს, სვალინდელ დღეს ვხედავ, ის ეშმაკის კლდეზე უფრო საშიშია. არ იფიქრო, ჩემს სიცოცხლეს ვუფრთხილდებოდე, იგი შენ გეკუთვნის, მეტი არაფრის შემოთავაზება შემიძლია, ის კი, როგორც მოგესურვის. ისე მოიხმარე. შენ შედარდები, მეშინია. ჩემს გულზე ნასათუთარი ნაზი ყვავილი ყინვამ არ დააზროს. მეშინია, აჯუნდა, მეშინია, სამუდამოდ არ დაგკარგო.

— არაფრის გაგონება არ მსურს. ვიცი, რაც მომელის, ამაზე უკვე ეფიქრე... არ მეშინია!..

— იმიტომ, რომ გაჭირვება არ გამოგიცდია.

— შენ ეგრე გგონია, ძანგ! — თუმცა, მართალი ხარ. დიბა-ატლასებში დავდივარ, ყველაფერი თავზე საყრელი მაქვს, რა მაკლია. არა? და შენ ფიქრობ, რომ ესაა ყველაფერი? რა იცი, რომ დატყვევებული თუთიყუშავითა ვარ. ის სასახლე გალიაა ჩემთვის. უშენოდ ჩირადაც არ მიღირს მდიდრული ცხოვრება... ნებიერად გაზრდილი თავნება და ჭიუტი ვარ, ასე გამზარდეს. მამას გამორჩევით ვუყვარვარ. მეც მიყვარდა, ყველაზე სამართლიანი, ძლიერი და კეთილი მეგონა. როცა წამოვგზარდე, მივხვდი, მუხთალი ყოფილა ცხოვრება. ჩვენს ოჯახში პირში ერთმანეთს ეფლიდებიან, ზურგს უკან კი ყველა ცრუობს.

ვიზრდებოდი და თანდათან მკვეთრად ვგრძნობდი ჩემი დაწყევლილი ოჯახის სიყალბეს. ვგრძნობდი და სიძულვილიც მემატებოდა. სიყალბე, სიცრუე სიკვდილის დღესავით მძულს. მშობლის აუგი არ ეგების, მაგრამ მე ვფიქრობ, ამ ერთხელ მაქვს უფლება, გადაგიშალო გული, მამაჩემი მარტო უცხოებს კი არა, დედასაც ატყუებს. ქალაქს გაგზავნა, ბიჭებს მიხედო, თვითონ კი აქ სიძვის დაცთან ატარებს, დროს.

ცრუობენ ჩემი ძმებიც. ყველანი იმას ცდილობენ, მეტი წაჰგლიჯონ მამას. განა მარტო ჩვენები? ვისაც კი ვიცნობ, ყველა ცრუობს. კეთილშობილებად მოაქვთ თავი, სინამდვილეში კი ფლიდები და გაიძვერები არიან. ასე გასინჯე, ჩვენი მსახურებიც კი არ არიან გულწრფელნი.

რამდენი დიდგვაროვანი მთხოვნელი გავისტუმრე უარით. ისინი შენი ფრჩხილის ფასადაც არ მილირან, დიდი ურვათით! უნდოდათ ჩემი შეძენა. წარმოგიდგენია, სილამაზეში ცვლიან პირუტყვს, ძვირფასეულობას. იმას კი არავენ ფიქრობს, რომ გულის ყიდვა არ შეიძლება, ჩემი ყიდვა თუ შესაძლებელია, გამოდის, რომ ნივთი ვყოფილვარ!..

ეს არის ჩემი ამბავი, ვცნობობ ოთხ კედელშუა. ოცნებით შევქმენი ჩემი საქმროს სახე — ვინც არ ატყუებს და არც ტყუვდება, ვინც თავის ვაჟკაცობას ტალახში არავის ამოასვრევიანებს, ვინც სიმდიდრისა და სილამაზის წინაშე მუხლებზე არ ხოხავს. დიდხანს ველოდე ჩემი ოცნების რაინდს. იგვიანებდა, მაგრამ ახლა გამოჩნდა. ეს შენ ხარ. ვაჟკაცობით დაიპყარი ჩემი ამაყი გული. ვგრძნობ, ვის წინააღმდეგაც ავმხედრდი... გამიძნელებდა იმ საზოგადოებიდან გასვლა, სადაც გავიზარდე, მაგრამ არ მეშინია — ხელს ვიღებ ყველაფერზე. ისინი იუკაღრისებენ, რომ დავწიხლე და უპირატესობა მოწინააღმდეგე საზოგადოების წარმომადგენელს მივანიჭე, კბილით დაგლეჯენ ქვეყანას. მესმის, ყველაფერი მესმის, ძალიან გაგვიძნელებდა... მაგრამ დაე, მოხდეს მოსახდენი. ვიცი, რაც ოსეთში არასდროს მომხდარა, ის მე პირველმა მოვიმოქმედე, საკუთარი ფეხით გეახელი და გითხარი, რომ მიყვარხარ, ჩემი სიყვარული წმინდაა და მტკიცე. დიდხანს მეძინა, ახლა შენ გამაღვიძე...

ძანგი გულისყურით ისმენდა აგუნდას ამბავს და გული ეწურებოდა.

— ხელს ნუ მკრავ, ძანგ, ნურც განმსჯი. ურცხვი და უწესო ნუ გეგონები. ვგრძნობდი, შენ სიყვარულში ვერასოდეს გამომიტყუებოდი. მეც ველარ შევეძელი მისი დაფარვა. გითხარი ჩემი სათქმელი, ახლა შენი თქვი. ერთს კიდევ გეტყვი, თუ ლაჩრობა შეგამჩნიე, ისევე ეშმაკის კლდესთან მივა ჩემი გზა.

— აგუნდა, ჩემო ცის ნათელო, ეშმაკის კლდესთან რა გინდა, ერთხელ ვაჯობე იმას, თუ მეორედაც იქით წავა შენი გზა. მაშინ მარტო არა, მე და შენ ერთად.

აგუნდა მკერდზე მიესვენა ძანგს.

ხეობაში ლამემ დაისადგურა. ბინდის საბანი გადაეფარა დედამიწას, თითქოს ავი თვალისგან იფარავდა წმინდა სიყვარულს. მხოლოდ ცაზე გაბნეული ვარსკვლავები ერთიმეორეს თვალის ჩაკვრით ანიშნებდნენ, სადღაც მთის ძირში ბილიკს ქვემოთ, ხეობის უბეში ცეცხლად ანთებულ სიყვარულზე.

ღამე იყო წყნარი. მთის ნიაგმაც, თითქოს შეყვარებულთა შეწუხებას ერიდებო. საღღაც ზეგანზე წასთვლიდა. მხოლოდ დროდადრო სულ ახლოდან მიკიოტის კივილი არღვევდა ბუნების მყუდროებას.

ტრფობის ცეცხლიდან პირველი აგუნდა გამოერკვა.

— დანგ, ჩემო სიყვარულო. შინ წასვლის დროა.

დანგმა ბავშვივით აიტაცა ხელში სატრფო და ფრთხილად მოსინჯა ბილიკი. ნეტარებით მთვრალი თითქოს ბურანში მიდის. მიჯის და ღმერთს შესთხოვს. ეს გზა უსასრულოდ გაგრძელდეს.

გვიანი ვახშობა გადასული იქნებოდა, აულამდე რომ მიღწიეს. აქ ერთხელ კიდევ ჩაიკრა გულში დანგმა სატრფო, ღამე მშვიდობისა და ძილი ნებისა უსურვა.

ბედნიერებით მთვრალმა ვერც კი გაიგო, როგორ აათავა აღმართთა გრისს არ ეძინა, ამხანაგს ელოდა.

— ბიჭო, როგორც გიყურებ, აღარა ხუმრობ. ყურებამდის გიწია სიყვარულის ცეცხლმა, ჰა! რა გითხრა, შვილო, მეტ ბედნიერებას ვერც ინატრებს მიწიერი ადამიანი, ერთი მხრით მიხარია, მეორე მხრით არა, მეშინია... ძალიან დიდი ჭიკოკონა დაანთე და ვაითუ შიგ ჩაიწვა.

— ჩავიწვა და ჩავიწვა, თუ ხეთისაგან ეგ არის ჩემი წერა, დაე, ჩავიწვა.

7.

იმ ღამის შემდეგ აგუნდა ბინაზე აღარ ასულა. დანგი საღამოთი ფარას თეოზე ტოვებდა, თვითონ კი თავქვე ეშვებოდა, აულის თავში, ცაცხვქვეშ სატრფო ელოდა.

ერთ საღამოს ჩვეულებრივად მივიდა დათქმულ ადგილზე, თითქმის დილამდე იცადა, მაგრამ ამჯერად აგუნდა არ გამოჩენილა. არც ჰეორე დღეს მოვიდა. დანგი საგონებელში ჩავარდა: „რატომ არ მოდის, ხომ არაფერი ეწყინა, ავად ხომ არ არის?..“

რა იცოდა, რომ უბედურება მოხდა, უბედურება კი მართლა ისეთი იყო, მთებმა ნაპერწკლები დააკვესეს.

სარმათი ძალღივიტ ერთგული იყო აღდარისა. მისი თვალი შორს ჰკრეტდა, ყური ყვავილის სუნთქვასაც იჭერდა. აღდარის ეზოში ბალახის გაფაჩუნებაც ესმოდა. თავი კულის მოქნევას ვერ გამოაპარებდა. ხეთისაგან დარისხული ერთთავად თვალეში შესცივინებდა პატრონს. მისი დასმენით საბრალო მსახურებს მათრახით ცხრაპირ ტყავს აძრობდნენ ბეჭებზე. აგუნდას სძულდა სარმათი. რამდენჯერ სთხოვა მამას, გააგდეო, მაგრამ აღდარს სჭირდებოდა ერთგული მსახური, აფასებდა. გრძნობდა, რომ ზარალზე მეტი სარგებლობა მოჰქონდა. ეზოში დაბმული ძალღივიტ ჰყავდა. ამიტომ ქალიშვილს სურვილი ვერ შეუსრულა. სარმათს აგუნდასი ეშინოდა და გულის სიღრმეში მის სიკვდილს ნატრობდა.

შურისძიების დრო სწორედ ახლა დაუდვა.

აღდარი ქალაქს წავიდა, სარმათმა ცხრა ყური გამოიბა, თვალს

აღარ ახამხამებდა, სრულიად იოლად შენიშნა, საღამოთი სადღაც მიდიოდა პატარა ქალბატონი და შუალამისას ბრუნდებოდა. გულმა რეჩხი უყო. დაუყარაულდა და ბოროტი გული კინალამ სიხარულით გაუსკდა. ახლა კი იცოდა, როგორ ეძია შური.

აღდარი ქალაქიდან დაბრუნდა. სარმათმა დრო შეურჩია და შხამის წვეთ-წვეთად გამოწურვას შეუდგა.

— ჩემო აღდარო, ამდენი წელია ერთგულად გემსახურები... იცით, რომ თავი არ დამიზოგია თქვენი ოჯახისთვის. ვფიქრობ არ დამცინებს თქვენი გული, — წამით ხმა ჩაუწყდა, მაგრამ მალე განაგრძო: — თუმცა მე თავს ბედნიერად ჩავთვლი, თუკი თქვენი სიკეთისთვის თაფლის სანთელივით ბოლომდე ჩაეიწვი, მაგრამ ეს აღარ მოხერხდება, ბედი არა მქონია. მივდივარ თქვენგან.

— რა ამბავია? — გაიკვირვა ძანხოთმა. — გაწყენინა ვინმემ?

— არა, მაგრამ გთხოვ, გამიშვა, ნუ მკითხავთ ნურათფერს. — აღდარს ცნობისმოყვარეობის ცეცხლი წაეკიდა.

— რას ეშმაკობ, სარმათ, თქვი, რას მიედ-მოედები? თვალი თვალში გაუყარა.

— ნუ შათქმევინებ, აღდარო. შენგან იმიტომ მივდივარ, რომ ენა არ მიბრუნდება, არ შემიძლია ვთქვა. მირჩევნია სამუდამოდ დავდუმდე. არ მინდა თქვენსა და აგუნდას შორის უსიამოვნება ჩამოვაგდო.

— როგორ უსიამოვნება? რა უსიამოვნებაზე ამბობ? გარკვევით მითხარი!

სარმათმა თითქოს ენა გადაყლაპა.

— შენ გეუბნები, თქვი, რას გაქვავდი?

— ო, ღმერთო, დიდებულო, რა შეგცოდნე, მე რად მარგუნე ამ მძიმე საქმის გაკეთება, — ამოიგმინა გაიძვერა მსახურმა. — არ შემიძლია, მირჩევნია დანა ჩამცე გულში. როგორ ვთქვა? ან როგორ დამიჯერებთ? — სარმათმა ქარქაშიდან ხანჯალა დანა ამოაძრო და აღდარს გაუწოდა, — ჰა, მომკალით!

— ტყუილი არასოდეს ვითქვამს, არც არასოდეს არაფერი დაგიმაღავს; ვიცი, თქვი.

— თქვენი მონა ყოველთვის მართალს მოგახსენებდათ. მაგრამ ახლა მეშინია, ვაითუ სიმართლით გული ვატყინო ჩემს აღდარს. თუმცა ნამუსი არ მაძლევს უფლებას, დაგიმალო, რაც ჩემმა თვალებმა ნახეს და რაც ჩემმა ყურებმა გაიგონეს. ჩემი ნათქვამი ძნელი მოსასმენია, ნუ დამატებთ თქვენს რისხვას, მომისმინეთ. თქვენი ქალი და მწყემსი გუშინდამ ერთად...

— რაო?..

— ჩემი დასავსები თვალებით დავინახე, აულის თავში ცაცხვებ-ქვეშ...

— სტყუი?! — გველნაკბენივით წამოხტა ძანხოთი. — ხმა ჩაიკმინდე; ძაღლის ნაშობო!

— გიდადარი, აღდარო, გეწყინება-მეთქი.

— დაიკარგე აქედან, სანამ წელები არ დაგაყრევიან. — იღრიალა ალდარმა და ხანჯალი დააძრო. — მოგსპობ, შე უღლეურო!

სარმათი ელვასავით გაქრა.

მენდაცემული დარჩა ალდარი. პირველად არ დაიჭერა მსახურის ნათქვამი. იცოდა აგუნდას კეთილი თვალით რომ არ უყურებდა. მაგრამ როგორ გახედა მოსაკვეთად კუნძზე თავის დადება? თუ ჰქუაზე აფრაკად არ არის, რამ აფიქრებინა ეს? არა, აქ რაღაც ამბავია. ჩაფიქრდა. მართლაც და ძალიან ზრუნავს მისი ქალი მოჯამაგირეებზე. ვაითუ... ამიტომ... არა, სიკვდილს გამოსტაცა ხელიდან, სამაგიეროს უძღვნის კეთილი გულით. მაგრამ ვაითუ შეუყვარდა?! არა, არა, ეს როგორ შეიძლება! მაგრამ თუ მაინც... ყველაფერი შეიძლება მოხდეს... ალდარს თავიდან ფეხამდე ჟრუანტელმა დაუარა. ჭინჭრის დასუსხულივით აეწვა ბეჭები. იქნებ სჯობდეს პირდაპირ აგუნდას ჰკითხოს, ის ხომ მამას არაფერს უმალავს.

კიბე დაფეთებულმა აირბინა და პირდაპირ ქალიშვილის ოთახში შევარდა.

აგუნდა მოახლეს რაღაცას ეჩურჩულებოდა. ალდარის მოულოდნელმა გამოჩენამ შეაწყვეტინა სიტყვა. აგუნდა საბანში გაეხვია. აცირუხსი შეხტა და კინალამ სკამიდან გადავარდა.

— ხომ არაფერს ინებებდით, ალდარო? — სხვა ველარაფერი მოახერხა მოახლემ.

— მოჰწყდი თავიდან!

აცირუხსი შეშინებული გავარდა გარეთ.

ძანხოთმა კარი ჩაკეტა და დოინჯშემოყრილი წინ დაუდგა შეიღს. ასე იდგა რამდენიმე წუთს, მერე ოთახში წინ და უკან სიარულს მოჰყვა. დაბოლმის დანა პირს არ უხსნიდა.

აგუნდა მიხვდა, რომ მამა ძალიან გაჯავრებული იყო.

— ბაბა, რა არის, რად ხარ გაჯავრებული?

ძანხოთი შვილის საწოლის წინ სკამზე მოწყვეტით დაეშვა. იდაყვებით მუხლებს დაეყრდნო, თითები ნერვულად ჩააწნა ერთმანეთს ღა მუხლებშუა მოწყვეტით ჩაუშვა. თავიც, თითქოს მკლავებს გამოაჯავრო, მკერდზე ჩამოუვარდა. სიტყვებს ვერ პოულობს. რა თქვას ღა საიდან დაიწყოს? ეშინია, ვაითუ მსახურის ნათქვამი მართალი გამოდგეს და მაშინ ხომ მიწა გაუსკდება. მაგრამ აღარც მოთმენა შეუძლია, სარმათის მიერ ჩაწვეთებული სამსალა მოედო ძანხოთს და ნელ-ნელა სწამლავს. როგორც იყო ამოღერდა:

— შვილო, ხომ იცი, რომ ჩემს ბიჭებზე მეტად მიყვარხარ, შენა ხარ ჩემი ყველაზე დიდი სიხარული, იმედი...

— ვიცი, ბაბა, ვიცი და აკი მეც ძალიან მიყვარხარ, — არ დააყოვნა პასუხი აგუნდამ.

— თუ გიყვარვარ, მაშინ ნურაფერს დამიმალავ...

— რად შეუბნები მაგას, ბაბა?

— გუშინდამ აულის თავში ცაცხვებთან ჩვენს მოჯამაგირესთან იყა-

ვი? არა, ისე არ გამიგო, იქნებ... რაიმე საქმეზე... იქნებ მადლობა უნდა გეტქვა, შენი გულისთვის თავი რომ გასწირა.

მიხვდა აგუნდა, რასაც ეკითხებოდა მამა და სირცხვილით ლამის დაიწვა. იცოდა, ადრე თუ გვიან ამ ამბავს გაიგებდა მამა, მაგრამ ასე ჩქარა არ ელოდა, არც ძხად იყო პასუხისთვის. ახლა მეტი რა გზა ჰქონდა, სიმართლე უნდა ეთქვა.

— ვიყავი, ბაბა, — ჩაიჩურჩულა ქალმა.

— რატომ?

— ბაბა...

— თქვი, რა გინდოდა?

საბანქვეშ შეშინებული ბარტყივით ჩაიღვენთა აგუნდა.

— თქვი, რატომ იყავი?

— მიყვარს, ბაბა...

— რაო? — რა თქვი?

— ძანგი...

— შენ?.. ძანგი?

— ჰო, ბაბა...

— ხმა ჩაიწყვიტე! — იღრიალა ძანხოთმა. რკინის უროსავით მძიმე მუშტმა აგუნდას თავზე წრე მოხაზა და ჰაერში გაიყინა.

— ბაბა... აპატიე შენს შვილს... თვითონაც არ ვიცი, როგორ მოხდა.

აღდარმა ისევ აღმართა მუშტი, მაგრამ შვილის შეხება მაინც ვერ გაბედა და ისევ საკუთარ მუხლებზე დაანთხია ჯავრი.

— დამკალი! უღანოდ დამკალი მშობელი მამა! მოგვლავ, ცოცხალს არ გავუშვებ.

— მაშინ ჯერ მე მომკალი, ბაბა!

— გაჩუმდი. უნამუსოვ!

— ბაბა, ჩემო, ბაბა, — ლოგინში წამოჯდა და მამამისს მკერდზე შეისვენა აგუნდა. — შემიყვარდა, არ არის ჩემი ბრალი. გულმა არა ჰკითხა გონებას. რა ვქნა, ასე მოხდა, შეგიძლია დამსაჯო... — მწარედ ატირდა ქალი.

— ვინ შეგიყვარდა, უბედურო?! ოსეთში რაც არ მომხდარა, შენ როგორ იკადრე იმის გაკეთება? რას იტყვის ხალხი, ელოთი დიდი გვარის ასული თავის მამის მოჯამაგირეს დაუჯდა ხასადო. ო, ღმერთო დიდებულო, რად მოვესწარი ამ დამცირებას.

— ჩემო ბაბა, შენ თვითონ არ ამბობდი, ვისაც თვითონ ამოიჩეუ, იმას გაგატანო? არ მომატყუო, ბაბა, არ მომატყუო!

აღდარი დამეხილივით დარჩა. მართალი იყო აგუნდა, ჰქონდა ნათქვამი, ვისაც ჩემი ქალიშვილი შეიყვარებს, იმას გავაყოლებო. აი სად წამოყო თავი იმ ხუმრობამ.

— მერე, მე ის გითხარი, ჩემივე მოჯამაგირე შეიყვარე-მეთქი? საქმრო შენსავე წრეში უნდა ამოირჩიო, უბედურო.

— კეთილშობილთაგან არავინ მომეწონა.

— არავინ მოეწონა!.. კარგი, მაშ მე თვითონ მოგიძებნი! — ლოგინ-ზე მიაგდო ქალიშვილი. — ამ სიტყვებზე აღდარი გაეცხლებული შეტრიალდა და კარი გაიჭახუნა.

8.

მეორე დილით დოლათი ღამიანად დაადგა თავზე მძინარე მწყემსებს.

— დანგ, ადექი, აღდარი გიბარებს სასწრაფოდ.

— რა მინდაო?

— ძალიან გაჭავრებულია, მუქარითა და ჩხუბით იკლებს იჭაურობას.

— მერე მე რა შუაში ვარ?

— არაფერი ვიცი, დანგ, თორემ ხომ იცი, არ დაგიმაღავდი.

— მაინც რაო, რა მინდაო?

— სინდისს გეფიცები, არაფერი ვიცი...

აღდარი ეზოში ბოლთას სცემდა. ეტყობოდა, ძალზე ღელავდა, სახეზე სისხლი აწვებოდა. დანგი რომ დაინახა, თვალები დააკვესა. ხმა არ ამოუღია, ანიშნა მომყევით და წინ წაუძღვა.

შეფიქრიანებული დანგი მორჩილად მიჰყვა აღდარს. სარდაფში ჩავიდნენ, აღდარმა კარი ჩარაზა და იღრიალა:

— მშივრის ნაშიერო, ღორის ტილო, იცი სად მიძვრები? — ისედაც გადმოკარკლული თვალები, კიდევ უფრო გადმოკარკლა და მახვილივით დაუტრიალა დანგს გულში.

— რაზე მიწყრებით, აღდარო, არ მესმის?

— კარგად გესმის, გულამშიერო, და მითხარი, რა საერთო გაქვს ჩემს ქალთან?

ახლა კი მიხვდა, ღვთის რისხვა დაატყდა თავს, თავის მართლება უნაყოფო იქნებოდა, მაინც სცადა:

— არაფერი, აღდარო. მე არც თქვენი ქალის და არც თქვენს წინაშე დანაშაული არ მიმიძღვის, არსად არ მივძვრები, სხვისი არაფერა მინდა, ჩემი შრომით ვირჩენ თავს. სიკვდილს გადავარჩინე და მადლობა მითხრა.

— ხმა, კრინტი, ნეტავ არ გადარჩენილიყო, ამ სირცხვილს ავცდებოდი!

— ჩვენ შორის არაფერი მომხდარა, აღდარო. ან კი როგორ იფიქრეთ, ვინ მე, ვინ თქვენი ქალი... მივდიოდი, ხომ გახსოვთ, თქვენ არ გამიშვით, არ ვიცი, ახლა რას მოითხოვთ ჩემგან?

ძანხოთი კარგა ხანს უსიტყვოდ ანთხევდა ნაღველს, მერე მარცხენა უღვაში აუტოკდა. დანგმა იგრძნო, აღდარი ჭავრის ამოყრაზე ფიქრობდა და ყურადღება დაძაბა.

ძანხოთს მუშტის დატრიალება აღარ დასჭირვებია, მისი სიბრაზე ცრემლებს გადმოჰყვა, დიდი აღდარი ბავშვივით ტიროდა.

— წყეული კახა. იმდენ კეთილშობილ მთხოვნელებს შორის შენ როგორ ამოგარჩია, ბოგანო?.. არ ვიცი, არ ვიცი...

— არაფერი მესმის, ალდარო, ორი ხელი მაქვს და ისინიც შენ გამსახურებიან.

— ძირბი წაგკვეთ ორივეს. გველის წიწილო! — იღრიალა ალდარმა, — მე ყველაფერი ვიცი, თვითონ მითბრა ჩემმა ქალმა.

— ჩემგან რას მოითხოვთ?

ძანბოთმა ჩიბიდან ოქროთი გატენილი ქისა ამოიღო და ძანგს წინ დაუდო.

— აგერ ფული. წაიღე. მთელი სიცოცხლე ალდარივით იცხოვრებ, წადი აქედან, გადამარჩინე სირცხვილს.

— პირდაპირ მითხარით, რას მოითხოვთ ჩემგან?

— დაარწმუნე ქალბატონი, რომ არ გყვარს.

— არ მესმის...

-- იმის პირისფარეში აცირუხსი ხომ იცი, გაეარშიყე. აგუნდა გაიგებს და შეგიძულებს. იცოდე, არ ინანებ...

ძანგი მიხვდა. რასაც მოითხოვდა მისგან ალდარი. სიცივემ დაუარა სხეულში. ასეთი უმსგავსობა მართლა მოუკლავდა გულს აგუნდას.

— ალდარო, ძელზე რომ ჩამომკიდოთ, ასეთ სამარცხვინო საქმეს მაინც არ ჩავიდენ, არც ლამაზია და არც შენი ქალის გადასარჩენად ვარგა. სჯობს სხვა გამოსავალი მოვნახოთ. დღესვე წავალ და ცხრა მთას იქით გადავიკარგები.

— მაგაზე ვიფიქრე, მაგრამ ის კახა ისეთი ჭიუტია, სახლიდან გაიქცევა, მოგძებნის.

— მართალი ბრძანდებით, თავს არ იცოცხლებს.

— სირცხვილს სიკვდილი სჯობია, მოკვდეს!

— არა, თქვენს წინადადებას ვერ მივიღებ, მე უსინდისობას ვერ ჩავიდენ.

— ძალით ჩაგადენინებ. ძაღლისშვილო, არადა ამ სარდაფში ამოგხდება სული.

— ეგ უფრო ადვილი იქნება ჩემთვის.

— მაშ, დალბი აქ, ტილიანო! — ალდარი ვარეთ გამოვარდა და კარი ჩარაზა.

სევდა მოეძალა, ახლა გაახსენდა მოხუცი მეცხვარე გრისის დარბევა, ფრთხილად იყავი. სიყვარულმა უბედურება არ მოგიტანოსო. ან უნდა მოკვდეს, ან აგუნდა გაიხადოს ხატად, ორივე ძნელია. მაგრამ ძანგი მზად არის მოკვდეს, თუ აგუნდა ბედნიერი იქნება. აგუნდამ ხომ უთხრა. ჩემი წმინდა სიყვარული ან სიკვდილს მოგიტანს ან ბედნიერებასო. ბედნიერება არ მოუტანა. პირველი დარჩა...

ძანგს ასე არასოდეს უნატრია სიცოცხლე. ნუთუ ამ ბნელ სარდაფში ჩაქრება მისი მზის სხივი? თავი დაუმძიმდა. ყურებს გუგუნი გაუდღის, მაგრამ არა. ძანგი ასე უბრალოდ არ დათმობს სიცოცხლეს. სარდაფის კედლებში გასაქცევ ვზას ეძებს... სიბი ქვით ნაშენ კედელს

განგრევდა, მაგრამ ცარიელი ხელით?! მკერდით ეკვეთა, დადუღაბე-ბულ ქვებს ძვრაც ვერ უყო, სველ მიწაზე დაემხო.

სათვალავი აერია. აღარ იცის რამდენჯერ გათენდა და დაღამდა, მისი მომკითხავი არავინაა.

კლიტეში გასაღები გადატრიალდა, ძანგი ფეხზე წამოხტა. ნიავი მშიერი მგელივით შეიჭრა სარდაფში. ძანგმა ხარბად შეიკუნთქა სუფთა ჰაერით.

— ჩქარა, ძანგ!

— რა არის?

— გაიქეცი, ბიჭო, სანამ გუშავი გაიღვიძებს, მოასწარი, თორემ მერე გვიან იქნება. — აჩრდილმა მკლავზე მოჰკიდა ხელი და გარეთ გაიყვანა, მერე სასახლის უკან აღდარის ბაღზე გადაატარა და სამშვიდობოს გაიყვანა.

— აბა, ახლა შენ იცი, მე აღარ გჭირდება. წადი, გაეცალე აქაურობას, თორემ დაიღუპები, გახსოვდეს, მკვდარი ხარ. თუ სინდისს გადაუდექი და ცოცხლად მოგვევლინე, იცოდე, აღდარი შენთან ერთად რამდენიმეს დაგემარხავს. აცირუხსმა მითხრა შენი ამბავი, შემეხვეწა გადაარჩინეო.

— გვადლობ, დოლათ, შენს სიკეთეს არ დაკვიფრებ.

— არც მე, აცირუხსის შერცხვენა რომ არ იკადრე.

— აგუნდა სად არის?

— აღდარმა კინალამ მოკლა. თქვენი ამბავი სასახლეში გარეშეთაგან მხოლოდ მე და აცირუხსმა ვიცით. აღდარს ამბის გახმაურებისა შეეშინდა და ქალიშვილი ქალაქში წაიყვანა, სარმათს შენი მოკვლა უბრძანა. მიწაში ჩაფალით, ისე რომ არავინ გაიგოსო. მე მათი ლაპარაკი მოვისმინე, ეს დღეები სულ სარმათთან გავატარე. საშუალება არ მივეცი. წუხელ ვიხელთე დრო, ღვინოში ბანგი შევაპარე და გასაღები ამოვაცალე ჩიბიდან.

— თუ გაგიგეს, ჩემი გულისთვის ხიფათს გადაეყრები, — შეშფოთდა ძანგი.

— გასაღები ისევ ჩიბეში ჩავედე. გამექცაო. ვერ იტყვის, ერთი გამოსავალი დარჩა, ვითომ შენ მოკვდი და დაგმარხა. თუ კაცი ხარ, არ გამოჩნდე. გახსოვდეს, მკვდარი ხარ.

ძანგი ძმურად გადაეხვია დოლათს და ვზას გაუდგა.

დღე დეკიანში იმალებოდა ძანგი. ფიქრები ფუტკრებივით ეხვეოდა და აღარ იცოდა, რა მოემოქმედა. ფიქრობდა, ფიქრობდა და ერთ დასკვნამდე მივიდა: უგუნური იყო მისი სიყვარული. აგუნდას პირველი გატაცება გაუვლის. იქნებ სიყვარული სიძულვილად შეეცვალოს. ძანგაც შეეცდება ყველაფერი დაივიწყოს. პირველად გაუძნელდება.

მაგრამ თანდათან გაუელის ტკივილი ეს წუთით ხდებოდა, მერე სიყვარულის გრძნობა მოზღვავედებოდა და აგუნდას მეტი აღარაფერი ახსოვდა.

ძალიან იტანჯებოდა ძანგი. გახდა, მელანივით შავი წვერი წამოეზარდა, ყველაფრის იმედი დაკარგა.

ერთ საღამოს ქვემოდან მომავალი დოლათი დალანდა. ზარივით დარეკა გულმა. წინ შეეგება მეგობარს.

— დოლათ, მითხარი, რა მოხდა? ნურაფერს დამიმალავ.

— ცუდი ამბავია, ძანგ. — ამოიოხრა დოლათმა. — აგუნდა იქ, ქალაქში... მდიდარ კაცზე გაათხოვეს, დღეს ჩამოვიდნენ, ამაღამ აქ ქორწილი ექნებათ.

— ქორწილი? რა ქორწილი, დოლათ? — დაიკვნესა ძანგმა.

— აგუნდას ქალაქში არ მოუსურვებია ქორწილი. დღეს შუადღისას ჩამოვიდნენ და ამაღამ იქორწილებენ.

— აგუნდა თანახმაა?

— ალბათ...

— იქნებ ძალით გაათხოვეს?

— არ ვიცი. არა მგონია, ჩემი თვალით დავინახე, საქმროს ხელკავით მიჰყვებოდა და გულიანად იცინოდა...

— წყეულიმც იყოს ადამიანი! — ამოიგმინა ძანგმა და გიჟივით გავარდა ბინიდან. მირბის, მირბის და, თვითონაც არ იცის სად და რისთვის მირბის, არაფერს ხედავს, ვერაფერს ამჩნევს, მხოლოდ ერთგან წამოჰკრა ფეხი და მერე ველარაფერი გაიგო.

გრძნობაზე რომ მოვიდა, თავი სტკიოდა. მყინვარის ნაყურის ჩახრამულში ჩავარდნილა. ძლივს ამოფორთხდა. გაგლეჯილი მუხლი და ბეჭები ეწვოდა. ტანისამოსიდან მტვერი ჩამოიბერტყა.

მალლიდან თეთრი, ქათქათა მთვარე დანათოდა. საით წავიდეს? ყველაფერი დამთავრდა, აქ აღარაფერი ესაქმება. „წავალ, ვივლი სადამდეც ფეხები მიმიყვანს“. — გაიფიქრა და თავი ფეხებს მიანდო. მიდის, მიდის დაუფიქრებლად, სადა აქვს ფიქრის თავი. გული ამოგლეჯილი აქვს. ტინი გაყინული. მაგრამ მაინც მიდის და ჰოი საკვირველებავ, ფეხებმა თავის ნებით მიიყვანეს ეშმაკის კლდესთან. არ ახსოვს, რამდენ ხანს იდგა ქიმზე, მერე ნელ-ნელა მოეგო გონს და იქვე კლდის თავზე ჩაიკეცა.

„რამ მომიყვანა აქ? რისთვის მოვედი? ნამდვილად მოჩადოებული ადგილია. ეშმაკის კლდეს ტყუილად არ დაარქმევდა ხალხი. ვაი შენ, ჩემო თავო, რა სულელი ვყოფილვარ. როგორ დავიჯერე, როგორ ვიწამე წმინდა სიყვარული... მაინც რისთვის მოვედი ამ დაწყევლილ ადგილზე? ვითომ რა სიკეთე მახსოვს ამ კლდისა? ო, ო, როგორ არა, ბევრი, ძალიან ბევრი სიკეთე მახსოვს. აქ ვიგრძენი პირველად სიცოცხლის მშვენიერება. აქ ვიხილე ტკბილი და საოცარი სიზმარი. ნეტავ არასოდეს გამლვიძებოდა. ვიცი, გაქრა ის სიზმარი და მასთან ერთად

გაფრინდა ჩემი სიცოცხლეც. მხოლოდ მცირე ხანს დამრჩება ვულში, მეტი არაფერი. ახლა კი წავალ, საით? რა მნიშვნელობა აქვს, სულ ერთია, ოღონდ აქაურობას ვაკვლდე...”

წამოდგა, მაგრამ კინალამ ისევ ჩაიკეცა, ქალი მობრბოდა. სულს ძლივს ითქვამდა, მთვარის შუქზე თეთრებში გამოწყობილი ქალი ეშმაკი ეგონა, გული გაეყინა, თმა ყალყზე დაუდგა, ეშმაკი ქალის სახით მოეველინა. ჭერ გაშრა, შეშინდა, მერე გამბედაობა მოიკრიბა. სწრაფად ამუშავდა გონება: „მანაც აღარ ღირს სიცოცხლე და თუ სიკვდილია. ამ ეშმაკთან ერთად!“ — გაიფიქრა და ეშმაკის შესახვედრად გაიქცა. ხელი მოხვია. ეშმაკმა უღონოდ წამოიკივლა და ვაჟის მკერდს უგრძობლად მიესვენა.

მთვარემ ღრუბლის ლეჩაქი გვერდზე მიაგდო და ქვეყანას თეთრად გადმოეღვარა. დანგმა სახეში ჩახედა გულზე მიყრდნობილ ეშმაკს.

„ღედაო, წმინდა მარიამ, ეშმაკი აგუნდას სახით!“ — ცივი ოფლის წვეთებით დაეცვარა შუბლი. „სიკვდილი რომ არ გამძნელებოდა, აგუნდას სახით გამომეცხადა ეშმაკი — გაიფიქრა დანგმა და უგონო ქალს დააკვირდა. — ის არის, ის...“ — კიოდა გული, აგუნდა შეიშმუნა.

— აგუნდა!... აგუნდა!.. რა გინდა ამ დროს აქ!

— სიცოცხლეს გამოვექეცი... ძალით მათხოვებდნენ და ეშმაკის კლდიდან გადავარდნა ვარჩიე. ახლა აღარავის აქვს ჩემზე უფლება. ახლა შენი ვარ, დანგ, მომეხვიე. — დანგი მიხვდა, რომ აგუნდა ბოდავდა, ეგონა. ეშმაკის კლდიდან გადავარდა და ახლა საიქიოში შეხვდა სატრფოს.

— აგუნდა! ჩემო სიყვარულო. მე ვარ. შენი დანგი, — გულში ჩაიკრა გულწასული ქალი და ადგილზე დატრიალდა სიხარულით. — ღმერთო დიდებულო, ცხადში ვარ თუ სიზმარში? აგუნდა, ჩემო ყველაზე, გაახილე თვალი, მე ვარ, მე!

აგუნდა ნელ-ნელა მოეგო გონს. დანგს შიშისაგან გაფართოებული თვალები შეანათა და ხელიდან დაუსხლტა. უკან-უკან წავიდა და კლდეს მიეყრდნო.

— არ მომეკარო, — იკივლა მან. — შენ დანგი კი არა ეშმაკი ხარ.

— მე ვარ, აგუნდა, შემომხედე, შენი დანგი ვარ.

— არა, არა, თუ მე ცოცხალი ვარ, შენ დანგი არ იქნები, სარმათმა მითხრა, მოკვდა და დავმარხეო...

— მკლავდნენ. მაგრამ შენს უნახავად სიკვდილი არ მოვისურვე

— არ მატყუებ?

— არა, აგუნდა, მე ვარ, აი ჩემი ხელი.

— მაშ აქ რას აკეთებ?

— რისთვისაც შენ მოხვედი, მეც... მე უფრო მქონდა აქ მოსვლის მიზეზი. აგუნდა თხოვდებო, გახარებულიაო, მითხრეს. არა მწყენია, აგუნდა, ოღონდ შენ იყავ ბედნიერი... ვიფიქრე, ასე აჯობებს, აღარ გავახსენებ-მეთქი თავს.

— არა, არა, ეგ არ გაბედო. ძანგ, მე უშენოდ მაინც მოვკვდები. იპიტომ გამოვიქეცი. გახსოვს, სწორედ აქ ამიტაცე პირველად ხელში და სიკვდილიც აქ მინდოდა, რომ საიქიოში წმინდად შეგხვედროდი. — გულში იხუტებდა ძანგი სატრფოს, კოცნით უმშრალედა ცრემლებს. აგუნდა ხან ტიროდა, ხან იცინოდა.

— ძანგ, ჩვენი ამბავი სინამდვილეს კი არა ზღაპარს უფრო ჰგავს, ხომ ხედავ. ღმერთი გვიმართავს ხელს. წავიდეთ აქედან, გავიქცეთ!

— მოგვძებნიან, აგუნდა. მოიცა, გაიხადე კაბა.

აგუნდამ მორჩილად გაიხადა საქორწილო უმტვერო თოვლივით თეთრი კაბა. ძანგმა დახია იგი, ხანჯალა დანით ნეკი გაიჭრა და სისხლში ამოსვარა, მერე კლდიდან გადაუძახა, თავსაბურიც ზედ მიაყოლა.

— ახლა გეძებოს მამაშენმა. აბა, დავემშვიდობოთ ჩვენს კეთილისმყოფელ ეშმაკის კლდეს, აგუნდა.

— მშვიდობით, ხიფათიანო კლდევ, ჩვენი ბედნიერების უტყუარო და ერთადერთო მოწმევ!

ქალ-ვაჟმა უღრანი ტყისკენ აიღეს გეხი.

მეორე თავი

ლტოლვილები

1.

დღე და ღამე იყრიბოდა. ძანგმა და აგუნდამ დატოვეს გამოქვაბული და პირი მთებისკენ იბრუნეს.

წუხანდელ გულდამძიმებულ ღრუბლებს მთელი ღამე ცრემლი ეწურათ, ახლა ხეობებში პირქვე ჩამხოზილან და თითქოს ტირილით დაოსებულებს ღრმა ძილით ჩასძინებიათ.

გუშინ საღამოს ხეობიდან რომ უყურებდნენ მთებს, გზა არც ისე შორი და ძნელი ეჩვენებოდათ. ახლა კი აღმართზე უსასრულოდ გავრძელდა ბილიკი. თანაც სველ ბალახზე ფენი უტურაით და ძალიან ნელა მიიწევენ წინ. ჩქარობენ, გათენებას უნდა გადაასწონ მთაზე, თორემ საშიშია, აღდარის კაცებმა არ იცნონ. რაც უფრო მალლა მიიწევენ, ბინდი თანდათან იცრიცება. ახლა უკვე გზასაც ხედავენ. ფეხს აუჩქარეს, უღელტეხილს უახლოვდებიან. პირიქითიდან ქარმა დაუბერა, წინ გაიყარა ღრუბლის ქულები და ხეობებში ჩაჩქმურა. მოკრიალებულ ცაზე თითო-ოროლა დაგვიანებული ვარსკვლავი გამოჩნდა. აღმოსავლეთიდან ცის კიდებზე წითლად შეიღება შერჩენილი გაუფერულებული ნისლი. გათენდა.

ლტოლვილებმა უღელტეხილზე შეისვენეს, ძანგმა ჩოხა გაიძრო და

ნამიან მოლზე გაფრნა. აგუნდა გვერდით მოისვა. კარგა ხანს ისხდნენ ხმის ამოუღებლად და სადაც შორს ხეობის სიღრმეს გაჰყურებდნენ. ხეობა უზარმაზარი მატყლის ბარდანასავით ნისლით არის გატენილი. არაფერი ჩანს — არც მათი აული, არც კლდეები, არც საძოვრები. არც მინდვრები, არც ხევსუბები. დაიხუჭა, სინათლე გამოეცალა, ნისლმა დაბინდა ის ბოროტი და ყველაფრის დამნახავი თვალი, რომელსაც აგერ სამი დღე ემალებიან ლტოლვილები. ამან რაღაც დიდი იმედო მისცა მათ.

გრძნობს აგუნდა, იმ მძიმე, სველმა ნისლმა დაიტანა მისი უდარდელი და მხიარული ბავშვობა, ქალიშვილობის ბობოქარი და უძილო ღამეები. და აი სამუდამოდ სცილდება იმ წყვეულ ქვეყანას, რომლისგანაც თავის დაღწევის იმედი გადაწურული ჰქონდა. სცილდება, გარბის, მაგრამ რომ არ იცის, საით? ყველაფერი ავი სიზმარი ჰგონია. უნდა გაიღვიძოს, მაგრამ არ ეღვიძება. რაღაც გამოუცნობ ძალას მიენდო, რომელმაც მთიდან დაქანებული ზეავივით თან გაიტაცა და წინ მიაქანებს. არ სურს ამ ძალას წინ აღუდგეს, საით მიაქანებს, როდის დაანარცხებს სალ კლდეს — არც ამაზე ფიქრობს, არც უნდა, რომ იცოდეს, რადგან არ ეშინია იმ ხვალისდელი დღისა. იცის, გრძნობს მისი გული. სხეული, რომ ყველგან და ყველაფერში გვერდით ეყოლება ძანგი, ჯოჯოხეთიდან ეშმაკებს კლანჭებიდან გამოჰგლიჯა სატრფო და აი ახლა თავის ღონიერ მკლავებში ატატებული გაჰყავს ბეწვის ხიდზე. იქითა ნაპირზე სიცოცხლისკენ, სინათლისკენ, თავისუფლებისკენ მიისწრაფის, ვინ იცის, იქნებ პეპელასავით დღემოკლე იყოს აგუნდას ოცნება, მაგრამ დაე. ასე იყოს, სამაგიეროდ რაც დღე ექნება, ბედნიერი, ღამაზი და თავისუფალი იქნება.

ძანგი ხედება, რომ აგუნდა თავის ყმაწვილქალობას სამუდამოდ ეთხოვება, ეთხოვება იმას, რაც თავის ხანმოკლე ცხოვრებაში კარგი ან ცუდი შეხვდა. გრძნობს, რომ იმ საზოგადოებას ზურგი შეაქცია და სამუდამოდ ამოიკვეთა იქიდან ფეხი. სადაც გაიზარდა, სადაც მისი წმინდა და უმანკო გული მახეში გაბმული ჩიტივით გალიის კედლებს ასე თავგამეტებით აწყდებოდა და სადაც სისხლის ცრემლები ღვარა.

გრძნობს ძანგი, აგუნდა სიყვარულმა დააბრმავა, გულმა დაჯანა გონება. ჯერ ვერც კი მიხვედრილა ხვალ რა მოელის და ეშინია ძანგს, ვაითუ ტალღამ, რომელმაც თავის ფრთებზე აიტაცა გამოუცდელი ქალიშვილი, შუამდგე რომ მიიყვანოს, ცხოვრების ეკლიან გზაზე დააყენოს. სათუთად გაზრდილმა ვერ გაუძლოს გაჭირვებას და ადრეულ გაზაფხულზე წინამასწრობელა ენძელასავით დააზროს ყინვამ, სიცოცხლე მოუჰსოს, ანდა ინანოს, ახალგაზრდობაში დაუფიქრებლად გადადგმულ ნაბიჯზე. თუმცა რა, ხვალზევით გინდაც მოეგოს ჭკუას, უკან დასახევი გზა მაინც მოჭრილია. მშობლიური ოჯახისთვის მკვდარია იგი. გუშინდამ გრისმა მოუტანა ამბავი, ეშმაკის კლდის ტბაში იპოვეს აგუნდას სისხლიანი საქორწილო თავსაბური. მოუკვდა აღდარს ქალი.

სადაც, ძანგის ცარიელი სამარესავით, აგუნდას სამარეც გაითხარა¹. მკედრებით კი არავინ აღმდგარა. რომ დაბრუნდეს, ხალხი მაინც აღარ მიიღებს, კუდიანობას დასწამებს, ისევ დამარხავენ.

იმ ორ ცარიელ სამარეს აღიღებს ძანგი. იმათ უშველეს, რომ მღევარი არ დაადვენეს. ისინი უადვილებენ მას კვალის დაფარვას. მაგრამ ჯერ მაინც საშიშია, ვინმემ რომ იცნოს, აღდარს აცნობებს და იმ შიშმა ააჩქარა.

მზემ თვალი გამოაჭყიტა. ნისლმა თითქოს დაისვენაო, ხის კენწეროებს გამოეხსნა და ზღაზვნით შეუყვია იმავე გზას, საიდანაც გუშინ ჩაეშვა ხეობაში, მთის მწვერვალებს დაუბრუნდა და გამკვირვალე საბურველად შემოეხვია თავს.

ძანგმა და აგუნდამ დაუბრკოლებლად გადალახეს უღელტეხილი. ხეობას მაღალი მთის ძირამდე ტყე გასდევდა, რომელიც დაბლა ხშირი და დაბურული იყო, მაღლა-მაღლა კი თხელდებოდა. მთის ძირში მდინარის ნაპირს რიყიანი ბილიკი მიჰყვებოდა. ამ დროს აქ გამვლელი არავის უნახავს. მთის სოფლები იმდენად დიდი მანძილითაა ერთმანეთთან დაცილებული, რომ ასე ადრე ამ გზაზე ვერც ერთი მხრიდან ვერ მოაღწევს მგზავრი. ამიტომ ძანგი და აგუნდა სრულიად დამშვიდებულები მიჰყვებიან გზას. შუადღისას სამი მგზავრი შემოხვდათ. ლტოლვილებს ცხენების ფლოკეების თქარათქური შორიდანვე მოესმათ და გზის ქვემოთ გადაუხვიეს, ბუჩქებს მოეფარნენ. როცა ცხენოანებმა გაიარეს, მაშინლა გააგრძელეს გზა.

მზემ გზა გაიშალა. მხრები შეიჩეჩა და ისე ძალუმად დააჭირა, რომ დედამიწას სული შეუხუთა. მგზავრებს ნაბიჯი დაუმძიმდათ, სახეზე წურწურით ჩამოსდით ოფლი. აგუნდა დაიღალა, ძანგმა ბავშვივით აიყვანა ხელში და გზიდან მოშორებით, წყაროსთან მიიყვანა. დაისვენეს. გრისის გამოტანებული ღარიბული საგზალი გაშალეს და ისამხრეს.

ისევ გზას გაუდგნენ. საღამოს მიჰყვნიენ ერთ აულში, ასე ითქმის, თორემ ხუთიოდე მიწური რა აულია, თითქოს ნამდურავად არიანო, ისე დაშორებიან ერთიმეორეს სახლები. აულის განაპირას შეჩერდნენ. ხალხში გამოიჩენა ვერ გაბედეს. სხვა მხრით გასასვლელი გზა არ ჩანდა. აულს ორივე მხარეზე სალი კლდეები ეკრა. შორიდან ისე მოჩანდა, თითქოს მთებს ერთიმეორესთან შეერთება უნდათ, მაგრამ შუაში გაჩხირული აული უშლით ხელსო. კარგა ხანს ელოდნენ, იქნებ გარეთ ვინმემ გამოიხედოსო, მაგრამ აული თითქოს დაცარიელებულიყო. გაბედეს და გზა განაგრძეს, ისე გასცდნენ ამ უცნაურ აულს, რომ ძაღლსაც არ დაუყეფია.

მეორე აული სულ ახლოს დაინახეს. ის ცოტა უფრო დიდი მოეჩვენათ. ხეობის მოსახვევში პირველად კარტოფილის ნათესი და ქერის ყანები გამოჩნდა, აულის ახლოს გუბურაში ბავშვები ჭყუმპალაობდნენ, მათი ყრიაბული შორს ისმოდა. მგზავრებს ყურადღებაც არ მიაქციეს. აულის თავშივე ძაღლების ხროვა გამოენთო. მთის აულებში

¹ ისეთში შინმოუსვლელ მიცვალებულს სამშობლოში საფლავს უთხრიან.

უცხო სტუმარი იშვიათად გამოჩნდება. მეზობელ აულის მაცხოვრებლებს კი სცნობენ. ძაღლები უცხო სტუმრის სუნს შორიდანვე იკრავენ და ისე გააკაასდებიან ხოლმე, რომ იმათი დაწყნარება ერთი დღე იდარაბა. დროზე თუ არ მიეშველნენ, ცხენიდან ჩამოიღებენ მხედარს. ახლაც ერთმა დაიყეფა და მას მთელი აულის ძაღლებმა მისცეს ბანი.

ძანგი შეშფოთდა, ამ წუთში ადამიანები კი არა, ძაღლები იყვნენ საშიშნი. აგუნდას წინ ჩამოეფარა. ძაღლების ხროვა გნიასით მოექანებოდა, წინ დიდი ბომბორა ნაგაზი მოუძლოდა. თითქოს მთელი ქვეყნის ნალველი გულში ჩაუგუბებიაო, სისხლმოწყურებული, ავისმომასწავებელი ყეფით მორბოდა, რომ ამ უცხო მგზავრებზე დაენთხია ჯავრი.

ძანგმა ველარაფერი მოისაზრა და თოფი გადმოიგდო მხრიდან. დასახვედრად მოემზადა. ამის დანახვაზე ბომბორა ნაგაზი კიდეც უფრო გაავდა, იუკადრისა სამსხვერპლოს კადნიერება და ზედ შეაფრინდა. კაცმა იმარჯვა და თოფის კონდახი პირდაპირ მკერდში ჩასცხო. ბომბორა ნაგაზი ჰაერში ერთი გადატრიალდა და მიწას დაენარცხა. სხვა ძაღლებმა წინამძღოლი რომ მიწაზე დაგდებული დაინახეს, შეცბნენ, ველარ გაბედეს იერიშზე გადასვლა. ხმაურზე ხალხი გარეთ გამოეფინა. ძაღლები დაფანტეს. მხოლოდ ის ბომბორა ნაგაზი დარჩა უძრავად ძანგი ძალიან უხერხულ მდგომარეობაში ჩავარდა.

— არ მინდოდა... პირდაპირ ყელში...

— ახია მაგაზე, პატრონის მკვდრებს დააკვდეს. — მიაწყველა ცისფერთვალემა გამხდარმა ქალმა. — ამას წინათ ერთი სტუმარი ცხენიდან ჩამოიღო, მთელი აული მოგროვდა, ძლივს მოვაშორეთ. მთელი თვე ფეხზე ველარ წამოღდა უცხო კაცი.

— რამდენი ვეჩიჩინეთ მაგის პატრონს, ან მოაშორე აულს ან დააბიო, ვითომც არ გაუგონია. ქონების დარდი არ ასვენებს, — ცისფერთვალემა ქალს სიტყვა ჩამოართვა მეორე შემოსწრებულმა.

— ოხრად დაურჩეს ნაარმი ქონება. აქეთ თვითონ ამოგვხადა სული, იქით მაგის სატილო ძაღლმა. ამის შიშით უცხოს ვერ გაუვლია აულში. თქვენ ალბათ გეჩქარებათ, ამდენ ხანს კი გაგაჩერეთ.

— ნამდვილად გვეჩქარება, ღმერთი ხეირს მოგცემთ, აულიდან გაგვაციოლეთ.

— ახლა ნულარ გეშინიათ, — დააიმედა იმ ცისფერთვალა ქალმა, — შორიდან მომავალ მგზავრებს ჰგავხართ, საით გაგიწევიათ.

— თირსის ხეობიდან ვართ. ცხვარი აგვისხლტა ფარას და აგერ სამი დღეა მუხლში გავწყდით, ხომ არაფერი გაგიგიათ?

— არაფერი, შვილო, ჩემი კაციც მეცხვარეა, მაგრამ არაფერი უთქვამს.

— ამ ხეობაში არის კიდეც სხვა აული?

— არის მაშ, ვალაგყაუ.

— აბა, მაშ იქაც ვიკითხავთ, მოგეხსენებათ, მოჯამაგირეები ვართ...

— იკითხეთ, გენაცვალე, იკითხეთ, შეიძლება იციან რამე: — ამ ლაპარაკით შევიდნენ აულში.

— შინ შემოდით. შეილებო, პურ-მარილს ნუ დამიწიხლავთ, — ერთი მიწურის წინ შეაჩერა ქალმა მგზავრები.

— პურ-მარილზე მადლობა მოგვიხსენებია, დედი, გვეჩქარება, დაგვიღამდება და გზას ვეღარ გავიგნებთ.

— მაშ ცოტა მომიცადეთ, კარგა მანძილი გაქვთ გასავლელი, ე ბალლი ცოდვია, ეშეება, — ქალმა მგზავრები გზაზე დატოვა, თვითონ შინ შევიდა.

ძანგმა თვალი მოავლო აულს. ვზის ქვემოთ ციხეა რიყის ქვით ნაშენი, ქვითყირის ვალაენით, სიღრმეში ორსართულიანი სახლი, წითელი კრამიტით გადახურული — სხვა სახლებს შორის შესამჩნევად გამოიჩნევა. პატარა ბიჭმა სიკრბილით ამოათავა აღმართი და იმ ეზოში ვაუჩინარდა.

ქალიც გამოჩნდა. ქერის ხშიადი და ჭყინტი ყველის ნახევარი ეჭირა ხელში.

ის იყო, წასვლა დააპირეს, მაგრამ ცოტა ხნის წინ პატარა ბიჭმა რომ შეივრბინა კიშქარში, იქიდან ერთი ახალგაზრდა, მაგარი აგებულების კაცი უწმამური გინებით გამოვარდა. კაცს წივილ-კივილით მოსდევდა ჯალაბი.

— ვაიმე, ძაღლის პატრონი! — იყვირა ქალმა და შიშით აცახცახდა. — გაიქეცი, შეილებო, თორემ არ დაგინდობთ ეგ სისხლისმსმელი.

მაგრამ გასაქცევი აღარსაით იყო. ძანგმა აგუნდა ქალთან დატოვა, თვითონ კი იმ გააფთრებულ მოძალადეს, რომელიც თანდათან უახლოვდებოდა, წინ გადაუდგა. ძანგი შეზარა მომხდურის გაფანჩულ წარბებქვეშ გადმოკარკლულმა ბოროტმა თვალებმა, სწორედ ასეთი თვალები ჰქონდა იმ ძაღლს, წელან ძანგს რომ კინაღამ ყანყარატო გამოაგლიჯა. კეტმომარჯვებული კაცი წინ დაუდგა.

— ვისი ძაღლი მოკალი, მე შენი დედა და მამა!.. — იღრიალა და კეტი მოიქნია. ძანგმა იმარჯვა, გვერდით გადახტა და დარტყმა აიცილინა. სამაგიეროდ მომხდურმა თავი ვეღარ შეიმაგრა და ზედ გზაზე გაიშხლართა. ისევ მალე წამოხტა და ხანჯალი იძრო. ქალები დაწიოდნენ. ძანგმა საფრთხე იგრძნო, თოფი გადმოიგდო მხრიდან და კაცს დაუმიზნა.

— ახლოს არ მოხვიდე, თორემ გესერი.

— უყურეთ ამ ოხერ-ტიალს, ძაღლი მომიკლა, ახლა მე მიპირებს ჩემსავე კარზე მოკვლას. მე შენ გიჩვენებ... — დაჭრილი დათვივით იღრიალა ბრაზით დორბლმორეულმა და ძანგისკენ გაიწია.

— არ მომეკარო-მეთქი, გითხარი! ჩააგე ხანჯალი და ადამიანურად მოვილაპარაკოთ.

ხმაურზე მთელმა აულმა მოიყარა თავი. თავკაცებმა გააკავეს მოჩხუბრები.

— რა არის, თომა, რატომ არ დაეხსნები მგზავრებს? შენმა ძაღლ-
მა კინალამ დაჭამა და რა ექნათ. რამდენჯერ გაგაფრთხილეთ, დაბმუ-
ლი იყოლიე-თქო, ვგრძნობდით, რომ ვილაცას უბედურებას მოსწევ-
დით. — უსაყვედურა წელში მოხრილმა აეთარწვერა მოხუცმა თომას.

— ეგ შენ არ გეკითხება, დაიკარგე აქედან, — თვალეზი დაუბრია-
ლა ძაღლის პატრონმა მოხუცს.

— ჰო, შენს მეტს ვილას რა ეკითხება. აგვიგდე მასხრად აული,
აღარც სირცხვილი, აღარც მორიდება! ხალხი ხომ არ აიყრება შენი გუ-
ლისთვის?

— თხუთმეტი ცხვარი გადამიხდია, — აყვირდა ძაღლის პატრონი
და კვლავ დანგისკენ გაიწია. — ჩემი ძაღლის ჯაჭვზე დაგაბამ იცოდე,
ან თხუთმეტი ცხვარი, ან შენ მის ჯაჭვზე!

— კი მაგრამ, შენს ძაღლს რომ შეეეკვამე, ვინ იხდოდა ჩემი სისხ-
ლის ფასს? მიპასუხე! — არ დაუთმოო დანგმა. — ვინ მოგცა უფლება
ხალხის დასაკმელად ძაღლი აუშვა?!

— ჩემი ძაღლის ფასჯემეთქი, ვირიშვილო, თორემ აქვე დაგაყრე-
ვინებ წელეზს.

— დაეხსენ საწყალ კაცს, ხომ ხედავ, არაფერი გააჩნია, აული
აეგიგროვებს შენი ძაღლის ფასს, შენთვის სულ ერთი არ არის? —
რსევ ის მოხუცო დაუდგა წინ.

აგუნდა აქამდე შეშინებული ბარტყივით ცახცახებდა, იმ ქალს ეფა-
რებოდა. მამასახლისი იცნო, ბევრჯერ უნახავს თავიანთ ეზოში. უყუ-
რეთ ერთი ამ ლაჩარს, რა დიდი გული ჰქონია. ველარ მოითმინა. უც-
ხად იფეთქა მასში გვაროვნულმა სიამაყემ. დაავიწყდა თავისი მდგო-
მარეობა და ძაღლის პატრონთან მიიჭრა.

— მოიცა, მოიცა, შენ ელოთი ძანხოთის მოურავი თომა არა ხარ?
თომამ უცნობის შეკითხვა ვერ გაიგონა.

— აჰა, ორნი ყოფილხართ? ძალიან კარგი, მაშინ შენ დარჩები
ჩემი ძაღლის ადგილზე, ეს კი წავა და თხუთმეტი ცხვარს ამომიყვანს.
ბაჰა, ჩქარა ჯაჭვზე!

— მე კი ვეიჭრობ, ეგ ჯაჭვი შენ თვითონ დაგჭირდება, --- დაემუქ-
რა აგუნდა.

-- ვინა ხართ, აღარ იტყვი?

— აღდარის მწყემსები. ცხვარი დავკარგეთ. კვალი აქამდე მოდის.
საკვირველია, აქ შენი ძაღლის შიშით ცაში ფრინველი ვერ გადაიფ-
რენდა და ცხვარი როგორ გაატარეს ქურდებმა? თუ შენი ძაღლი დაბ-
მული იყო და პატრონი ბოროტმოქმედებს ეხმარებოდა? — აგუნდა.
— აქვამმა შეაშფოთა მოძალადე.

— ენა გააჩერე!

— დააცა, თომა, თქვას ბოლომდე სათქმელი, — გამოეჭომაგა მო-
ხუცი აგუნდას.

— ეთქვი, რაც მინდოდა, დადა! რას იტყვი, ჩვენ ორს შორის რომელს გვიტოვებ მძევლად? რას გაჩუმდი? თუ ჯერ ვერ მოეგე ჰკუას? ერთ-ერთი ჩვენგანი აქ დარჩება, მეორე აღდართან წავა და მოახსენებს, როგორ გააპარე მისი ცხვარი.

თომა გაშრა, ძალღი დაავიწყდა. თუ აღდარის ცხვარი დაიკარგა და კვალი აქამდე მოვიდა, ნამდვილად მას დააბრალებენ. მართალია, ჟურღობის მონაწილე არ არის, მაგრამ ამას ვინ უყურებს, აღდარი არ დაიჭერებს, ჟურღობას დააბრალებს და თავიდან მოიცილებს. მაშინ, ღამე გადასწვავენ მის სასახლეს მეზობლები. შეშინდა.

— რას გაჩუმდი, რომელს გვიტოვებ ძაღლის მაგიერ? ხომ ხედავ, ღამდება, გვიანდება, გრძელი გზა გვაქვს გასავლელი, აღდარი ამბავს ელის. — ჰირდაპირ თვლებში შეხედა აგუნდამ ძაღლის პატრონს.

— წადით, მე არ გიშლით, მოძებნეთ თქვენი ცხვარი, მაგრამ, ბიჭო, შენ რომ თქვი, ძაღლი დაბმული გყავდაო, არ არის მართალი, ხალხმა იცის, რომ ჩემს ქედანას არ ვაბამდი.

— ხალხს ღამით სძინავს, საიდან იცის, იმ მაღალი გალავნის შიგნით რა ხდება.

— კარგი, კარგი, გეყოფა, შენ, ბაღო, ძალიან გრძელი ენა გქონია. წადით და თუ რამე შეიტყვეთ, აქეთ ჩამოიარეთ.

— გზები სხვაგანაც არის. შენთან ჩამოვლა სულაც არ არის აუცილებელი, აგდებით უპასუხა აგუნდამ და ძანგს თვალით ანიშნა წავიდეთო.

აულს რომ გასცდნენ, აგუნდას სიცილი აუტყდა.

— ხომ ასე უნდოდა, ძანგ!

— ეგ წყეული მამაშენს იცნობს. ვაითუ... რა ვიცი.

— მართალია, მაგრამ ხომ ნახე, მეტი გზა არ იყო.

— რა გაბედული ყოფილხარ, აგუნდა? არ დაგაკვირდნენ, თორემ ადვილად შეამჩნევდნენ, რომ შენ მწყემსი კი არა, ქალბატონი ხარ. ცოტაც და ნიღაბს ჩამოგვაცლიდნენ.

— ველარ მოვითმინე, მაპატიე, ძანგ, დამავიწყდა, ვინ ვარ ახლა მე...

მზე ჩავიდა და მგზავრებმაც ვალაგყაუს მიატანეს, აული ხეობაში სოლივით შეჭრილ მთის კალთებს მიჰკეროდა და ხეობას ორად ჰყოფდა.

სინათლით აულში შესვლა ვერ გაბედეს, ცნობისმოყვარე თვალს მოერიდნენ. დაიწყება გამოკითხვა, საიდან? საით? რატომ? გადაწყვიტეს აულის განაპირას დალოდებოდნენ საღამოს, მერე რომელიმე ოჯახში ითხოვდნენ ღამის გასათევს. გზის ზემოთ სათივის ძირში ჩამოსხდნენ.

ცოტა ხნის შემდეგ ცხენების ფეხის თქარათქური შემოესმათ. თივის ზვინს მოეფარნენ. მალე გამოჩნდნენ ცხენოსნები. მხიარულ ყაყან-

ზე ეტყობოდათ შექეიფიანებულები იყვნენ. პირდაპირ მდინარეში შეაგელვეს ცხენები და რამდენიმე წუთის შემდეგ აულის ვიწრო შუკებში მტკრის ბული ააყენეს.

— დავილუპეთ, ძანგ, — გაფითრდა აგუნდა, — ესენი ჩვენი გზირები არიან, ის, ცხენივით რომ ხეიხეინებს, მოურავია — ფარსი. მიცნობს. ეს სამი აული ჩვენ გვეკუთვნის. აქ თავდება საზღვარი, ახლა მომაგონდა, მამა ხშირად ახსენებდა აქაურობას.

აულში აღარ მიესვლებოდათ. ბინდბუნდში მარცხნივ გაუხვიეს და წყალგალმა გავიდნენ. კარგა მანძილით გასცდნენ ვალაგაუს და დაღლილ-დაქანცულებმა შარშანდელ თივის ბულულში გაათიეს ღამე.

2.

ორი კვირა გავიდა, რაც აგუნდა და ძანგი ტყე-ღრეში დაეხეტებოდნენ. რამდენი ხეობა აათავეს, რამდენი მთა გადაიარეს, მაგრამ გზას დასასრული აღარ უჩანს. ერთ ხეობას გაივლიან, მეორე დაიწყება, პირველზე უფრო ღრმა და ბნელი. ერთ მთას გადაივლიან, მეორეს წააწყდებიან, პირველზე ციკაბოს და ძნელად ასავალ-ჩასავალს, სიღრმეში ხეობები თანდათან უკაცრიელდება, ხანდახან მთელ დღეს ივლიან და სულიერს ვერ შეხვდებიან, ამ მიყრუებულ ხევხუევებში გადმოკიდებული სალი კლდეები შიშის ზარსა სცემს აგუნდას.

თუმცა ხეობის სამარისებური ღუმილი და სიცივე, ეს ჰაერში ჩამოკიდებული უზარმაზარი ლოდები ისე არ აშინებს, როგორც ის, რომ ძანგი დღითიღღე იცვლება, სახეზე უზომო ტანჯვა ეხატება, რაღაც გამოუთქმელი ნაღველი უღრღნის გულს. რაც უფრო ღრო გადის გზის გაგნებაც უჭირთ, თითქოს ენა ჩაუვარდაო, ხმას აღარ იღებს. სანამ აგუნდა არ დაელაპარაკება, მიდის თავჩაქინდრული, მღუმარე. რას გაჩუმებულა, რატომ არ იტყვის? მათი ბედი ხომ ერთია, მამ თავის ნაღველს რატომ არ უზიარებს აგუნდას? იქნებ არ ენდობა? რატომ? ვაითუ ნანობს და ამაში აგუნდას აღანაშაულებს. ამის გაფიქრებაზე შეკრთა. მოაგონდა, ძანგს რომ თვითონ გამოუტყდა სიყვარულში. ის კი ეწინააღმდეგებოდა, უმტკიცებდა, ეს შეუძლებელიაო. შეეშინდა. სიყვარულის ტკბილმა გრძნობამ აიტაცა... აიტაცა და აქ ხეობების ვიწროებში შემოაქროლა, ალბათ ალაპლაპებული ცეცხლი ჩანელდა და ფერფლი ცივ კლდეებს შორის თოვლის ფიფქივით იფანტება.

ექვი გველის წიწილივით აფუთფუთდა და პირდაპირ ტვინში შეუღიტიანა, ვაითუ შეცდა და ძანგი ის არ არის, ვინც მას ეგონა. ვაითუ მის მიერ სიყვარულით შექმნილი არწივის სახე მხოლოდ მოჩვენება იყო? იქნებ მართლა შეცდა გამოუცდელი გული და გარშემო მყოფთა შორის მბჟუტავი ნაპერწკალი ცეცხლის ალად მიიჩნია, თავნება ქალბატონმა კი ფარვანასავით კოცონში ჰკრა თავი. ან შეიძლება, ძანგი, მისი მიზეზით ასეთი სიძნელებები რომ შეხვდა, შეშინდა და ახლა სინანული უსიებს ნაღველს.

ეს გულის მომკვლელი ექვი თანდათან ძლიერდებოდა და სადაცაა გადმოხეთქავდა.

იმ დღეს საღამო ხანს ძანგმა შვლის ნუკრი მოკლა. ბინა ხეობის მყუდროში მდინარის ნაპირზე დაიდეს. სანამ ძანგი ნანადირევს დასტრიალებდა, აგუნდამ ხმელი ნარიყი მოაგროვა და ცეცხლი გააჩაღა. შეწვეს მწვადები. აგუნდამ ხელსახოცში გამოკრული საგზალი გაშალა. ვახშამი მალე მოათავეს. ამასობაში კარგად ჩამობნელდა, მაგრამ ისინი ისევ ისე ისხდნენ და ცეცხლს ეფიციებოდნენ.

ხეობაში შემადრწუნებელი სიბნელე ჩამოწვა, მხოლოდ ცაზე, თითქოს საფლავის თავზე ლაღარი გაუქექიათო, ვარსკვლავები ნაპერწკლებივით ბრწყინავდა. დროდადრო კოცონიდან ავარდნილი ნალვერდალი ჰაერში წრეს ხაზავდა და ლამის ლუსკუმას ანათებდა. მთის ხმაურიანი მდინარე რაღაც გრძელ მელოდიას აღარ ათავებდა. უცხო ფრინველმა შხუილით გადაუქროლა ცეცხლს თავზე, თავისი დაუპატიებელი სტუმრობა ორჯერ თუ სამჯერ გაიმეორა და მერე სადღაც გადაიკარგა. სულ ახლოდან რომელიღაც ნადირმა ისე დაიჩხავლა, თითქოს ყელში დანა გაუყარესო.

აგუნდას ტანში გაბურძგლა, თითქოს ბეჭებზე შხამიანი გველი გაუსრიალდაო, ისე შეხტა მალლა. მუდარის თვალით შეხედა ძანგს, ცეცხლის შუქზე მის სახეზე აღბეჭდილმა გულგრილობამ სასო წარუკვეთა ქალს. ძანგი იჯდა და ცეცხლს მისჩერებოდა, თითქოს არაფერი გაუგონიაო.

აგუნდას ათასგვარი ელდა აერია თავში; რატომღაც წარმოიდგინა, რომ ამ საფლავივით ბნელ ხეობაში მარტოდმარტოა, გარშემო ავ სულლებს გაუმართავთ ჩარბუხანა და მისკენ მოიწევენ. შიშმა მოიცვა მისი არსება და მოულოდნელად კივილმა გაკვეთა ხეობაში ჩამდგარი ღუმელი.

ამ ხმამ ტყვიასავით გაუარა ძანგს გულში, დაფეთებული წამოვარდა და საყვარელი არსება ხელში აიტაცა.

— ნუ გეშინია, აგუნდა, მე შენთან ვარ, ჩემო სიცოცხლე!

ციებიანივით კანკალებდა აგუნდა. კრიჭა შეეკრა და ხმას ველარ იღებდა, როდის-როდის დაწყნარდა.

ისევ დაიჩხავლა ნადირმა. აგუნდამ სახე ძანგის მკერდში ჩამალა.

— გარეული ძაღლია, ნუ გეშინია...

— მაგისი კი არა, შენი შემეშინდა.

— ჩემი? რატომ?

— მომეჩვენა, რომ ცეცხლის პირზე დაყუდებულ ლოდან იქეცი და აღარაფერი გესმოდა.

— მაპატიე, ჩემო სიხარულო, საფიქრებელმა წამიღო და მართლა დამავიწყდა, სად ვიყავი.

— ვიცი. აგერ რამდენი დღეა იტანჯება. ალბათ ნანობ შენს საქციელს, მე იმიტომ არაფერს მეუბნები. რა დაგემართა; ნუთუ ვაჟაკობა არ გყოფნის პირდაპირ მითხრა...

— რას ამბობ, აგუნდა?

— რასაც ვგრძნობ, ძანგ. მართალია, ღონე არა მაქვს, მაგრამ სიამაყე ჯერ არ დამიკარგავს. თუ ჩემმა სიყვარულმა შენ დარდი და ვარამი მოგიტანა, დეე მოკვდეს ეს სიყვარული.

— ეგ რა თქვი, აგუნდა, შენი სიყვარულით მთვრალივით ვარ გაბრუებული. — ძანგმა გულში ჩაიკრა აკანკალებული ქალი და კოცნით დაუფარა სახე.

— თავი დამანებე, ძანგ, მე ნაძალადევი არაფერი მინდა.

— რას ამბობ, აგუნდა?

— მოგბეზრდი, აღარ გიყვარვარ.

— მე მომბეზრდი?

— დიახ, მე რომ არ გადაგყროდი, შენ შენსავით ღარიბ ცოლს ითხოვდი, და ახლა ასეთ გაჭირვებას არ გამოცდიდი.

— მხოლოდ მაგიტომ შემდური?

— და ეგ არაფერია? გატყობ, რომ გული აიცრუე. პირველად მეფერებოდი, თვალებში შემომციცინებდი, ახლა აღარც კი შელაპარაკები. დაგავიწყდა, რომ მე შენთან ვარ. სულ რაღაცაზე ფიქრობ. თუ ნანობ, მითხარი, მე მოგუვლი ჩემს თავს. — აგუნდა ატირდა.

ძანგს გული მოუკვდა. აი თურმე რაში ყოფილა საქმე, ცრემლიანი თვალები დაუკოცნა.

— ნუ, გენაცვალე, ნუ, ცრემლებს რა ხელი აქვს შენთან. ეგ რამ გაფიქრებინა, მეორედ აღარ გამაგონო, მიყვარხარ, ჩემო სიცოცხლე, სიცოცხლეზე მეტად მიყვარხარ. — ეფერება ძანგი, ხუჭუჭა თმის კულულებს უკოცნის აგუნდას.

აგუნდა აღარ ტირის. მხოლოდ ხანდახან ამოისლუკუნებს.

— რატომ არ გამანდობ შენს ფიქრებს, ძანგ? განა შენი ფიქრი მე არ მეკუთვინის? მართო რატომ უნდა რჩებოდე ჩვენს საერთო საფიქრალთან? მე კი ეჭვები მხარჩობს. — აგუნდამ ყელზე მკლავები შემოაჭდო ქმარს და ცხელი კოცნით დადალა.

— მაპატიე, ჩემო წილო მზევ, ვტყუი, ეს რამდენიმე დღეა ფიქრმა გამტანჯა. ლამის შენც კი დამავიწყდი.

— რაზე ფიქრობ, რა არის ისეთი, მე რატომ არ მეტყვი?

— არა, კი არ გიმალავ, ბავშვობიდან მართო ვიყავი, მივეჩვიე მართო ფიქრს. განსაკუთრებით მაშინ, როცა ფიქრი აიწეწება და მის გამოსხნას ველარ ვახერხებ. ახლა სწორედ ასეა ჩემი ფიქრი აწეწილი. — ამოიოხრა ძანგმა.

— მე რატომ არ უნდა ვიცოდე? თუ არ მენდობი? ან იქნებ ჩემი იმედი არა მაქვს?

— მაშ ვილას ვენდობი, აგუნდა, ან ვისი იმედი მაქვს თუ არა შენი. ხომ ხედავ, რა მდგომარეობაში ვართ. კაცი ვარ, ვფიქრობ, შენ რომ მომენდე, ვარ თუ არა ვალდებული ადამიანურად შეგინახო? მაგრამ როგორ? სად ვიცხოვროთ? — აი რაზე ვფიქრობ. ვფიქრობ, ვფიქრობ და ვერაფერი გადამიწყვეტია. ხომ ხედავ, ორი კვირაა ტყე-ღრეში ნა-

დირივიტ დავეხეტებით. როდემდე? ჯერ ცოტ-ცოტას რაღაცას ვშოულობთ. ხან ნადირს მოგვლავ, ხან კეთილი ადამიანები გვინაწილებენ ხმელა პურს. მაგრამ ხვალ? თვითონ გაჭირვებული ხალხი დახმარებას არ გვაძლავს, მაგრამ როდემდე? ზაფხული მიიპარება, თოვლი რომ ჩამოყაროს, გზები ჩაიკეტოს, რა გვეშველება? ხან ვიტყვი, დავსახლდეთ-მეთქი სადმე. მაგრამ როგორ, რითი? არც მასალა, არც იარაღი, ცარიელი ხელით რა გავაკეთო, ან ვინ მოგვცემს სამოსახლოს, ხან ვიტყვი, მოჯამაგირედ დავუდგე ვისმე, მაგრამ ამ კლდეებზე მაცხოვრებელ გაჭირვებულ ხალხში სად ვიშოვო სამუშაო, ისიც ამ დროს. საით წავიდე, არც ძმა მყავს, არც ბიძაშვილი, ვინ შეგვივარდომებს? ამ წყევულ ქვეყანაზე რისთვის გავჩნდი, თუკი წილი არ მექნებოდა. ზედმეტი ვარ ალბათ, ვინ შემიფარებს, ისიც მოტაცებული ცოლით. ჩემი დარდი ბარემ არა მაქვს, შენ მედარდები, ვაითუ საკადრისად ვერ შეგინახო. უკვდავების ყვავილი ვიპოვნე და მეშინია, ხელში არ ჩამიპქენს. შენ თუ დაგკარგავ, მორჩა ჩემი სიცოცხლეც. ახლაც გიყურებ და დღითიღე ხელში მადნები. პირდაპირ შემოხედვისა მრცხვენია. რატომ დატანჯე ასე სასტიკად. არაფერი მინდა, სიცოცხლეზე ვიტყოდით უარს, ოღონდაც შენთვის მყუდრო თავშესაფარი მაშოვნინა, რომ დაგესვენა. აი, ჩემო სიხარულო, ჩემი ფიქრი ეს არის.

ძანგის მუხლებზე მოკალათებული აგუნდა ყურადღებით ისმენდა აღსარებას. შერცხვა, როგორ შეიტანა ეპკი ძანგის გულწრფელობაში, რატომ ატკინა გული ძვირფას ადამიანს, ისედაც დარდიანს და შეწუხებულს, რაღა ეს უნდოდა. ნეტავ შეეძლოს რითიმე შეუმსუბუქოს ქმარს მდგომარეობა, მაგრამ რა შეუძლია? არაფერი. გრძნობს, რომ მომავალი კარგს არაფერს ჰპირდება, მაგრამ მისი სიყვარული ისე ძლიერია, რომ სულაც არ ნანობს.

— ძანგ, რა იქნება, სხვა ქვეყანაში რომ წავიდეთ?

— საით, აგუნდა? სად წავიდეთ? ჩვენს სამშობლოში ზედმეტები ვართ და სხვა ქვეყანაში ვის რაში ვენაღვლებით.

— მაპატიე, რომ ჩემმა სიყვარულმა შევბის მაგიერ ტანჯვა მოგიტანა, ძანგ.

— მე მეუბნები მაგას? შენ მაპატიე, აგუნდა, მე რა მიჭირს, დაჩვეული ვარ გაჭირვებას. რაც მე გამომიცილია, იმაზე მეტი არც გაჭირვება არსებობს და არც ტანჯვა. შენ მედარდები.

— მე რა, რაკი ღმერთს ასეთი ბედი მოუცია, ყველაფერს ავიტან.

— ბარემ, თუ ჩვენი დახლართული გზის დასაწყისს მივაგენით, მაგრამ სად ვეძებოთ, სად?

აგუნდამ არაფერი უპასუხა. მინელებულ კოცონზე შეშის დამატებაც აღარ გაახსენდათ.

— ძანგ, მოდი ძაუგში წავიდეთ, — დუმილი დაარღვია აგუნდამ. — გამიგონია ბარაქიანი მხარეაო, პური ბევრია, საქონელი, ბადილაათი, თულანთი, კუბატთი. მათი სიმდიდრის ამბავი ქვეყანაზეა გავარდნილი.

ამაზე დანგმაც იფიქრა და ახლა აგუნდას აზრს ახალი ძალით ჩაეჭიდა.

— რა ვიცი.

— ვცადოთ. იქ უფრო უშიშრად ვიქნებით. თანაც ბარის სოფლებში სამუშაოს ადვილად ვიშოვით.

— მაშ მივდივართ! — ღიმილმა გაუბადრა სახე დანგს.

— მივდივართ! — უპასუხა აგუნდამ და მკერდში ჩაეკრა საყვარელ ადამიანს. დანგმა თავისი ჩოხა გაუშალა აგუნდას.

— დავიძინოთ, აგუნდა, ხვალ გრძელი გზა გველის.

ნადირი აღარ ჩხაოდა. ცეცხლის შუქს რომ უცხო ფრინველი ეტანებოდა, ისიც სადღაც გაქრა. მხოლოდ ჩამუქებულ ცაზე ვარსკვლავები თითქოს დახტოდნენ, მოთქმად აღარ ისმოდა მთის ჩქარი მდინარის სალ კლდეებზე ტყლაშუნი.

3.

ღილით აღრიანად გაუდგნენ გზას. საღამოს ბინდს შეჰყენენ ერთ აულში. ათვლიერებენ და უკვირთ, როგორ ცხოვრობს, რითი ახერხებს თავის გატანას სალ კლდეებზე მერცხლის ბუდესავით მიკრული აული. შუაზე პატარა ხევი ჩამოდის, გაღმა ნაპირი შედარებით ვაკეა და საცხოვრებლად უფრო ხელსაყრელი, სახლებიც მკვიდრადაა ნაგები, ციხეც მაღალია. გამოღმა სამი ბანიანი მიწური ფუტკრის სკებივით მიჰკვრია ერთიმეორეს. ციხე პატარაა, თითქოს მშენებლებს ამ კლდეების დახარჯვისა შეშინებიათო. აქეთა უბანი უკაცრიელი ჩანს. გაღმიდან ხმაური მოისმის. სახლებიდან ცაღმე ადის კვამლი.

მდინარეზე საცალფეხო ხიდი აღებული იყო.

დანგმა ფონი ეძება, მაგრამ ვერ იპოვა და ისევ იმ სამი მიწურისკენ წავიდნენ. მაღლა ასასვლელად საფეხურები გამოეჭრათ კლდეში. პირველი სახლის კარზე მიაკაკუნეს. მალე ახალგაზრდა კაცი გამოჩნდა. დანგი მიესალმა.

— თუ ღმერთი გწამს, გზა მიგვასწავლე, შორიდანა ვართ, ჩრდილოეთში მივდივართ და მგონი ავცდით...

— აჰ, მართლა აგრევიათ გზა. ამ ხეობიდან ჩრდილოეთში ჩიტიც ვერ გადაფრინდება, სხვა ხეობაში გადის გზა, აი, შორს ხედავთ მთას? ის უნდა გადაგველოთ. იქ რამდენიმე აულია, მოკლე გზაზე დაგაყენებენ.

— შინ შემოიყვანე სტუმრები, ქარუმ, რას გააჩერე ვარეთ, — მოისმა შიგნიდან ხმა.

— მაპატიეთ, ლაპარაკს შევეყე და... მობრძანდით, მობრძანდით, იკადრეთ ჩვენი პურ-მარლი.

— პურ-მარილზე მადლობა მოგვიხსენებია, სანამ სინათლეა, იქნებ მოვასწროთ ხეობაში ვასვლა.

— არა, არა, შორი გზაა, თვალნათლივ გასვლას ვერ მოასწრებთ, გადაიჩეხებით სადმე.

ამასობაში გარეთ გამოვიდა ძლიერი აგებულების შუახნის კაცი, ცხვრის ტყავის ქუდი ეხურა, რომელსაც მატყლის ყურები ყინულის ლოლუებივით ეკიდა. პატრონის თვალები ნაღვერდალივით აკვესებდა.

— სალამო მშვიდობისა, — მიესალმა მას ძანგი.

— მშვიდობა ნუ მოგიშალოთ, შინ მობრძანდით. ახლა წასვლის დრო აღარ არის, რასა ბრძანებთ, ცალოთებმა რომ გაიგონ, სტუმრები ეზოდან გააბრუნესო, სალექსოდ გაგვხდიან.

აღარ გაჯიუტებულა ძანგი, მასპინძელს შინ შეჰყენენ. ეზოში სიპი ქვა იყო დაგებული, სკამებიც ქვაში გამოეკვეთათ, სახლიც ქვით იყო ნაგები. აგუნდას მოეჩვენა, რომ აღამიანებიც ქვისგან იყვნენ გამოთლილები.

— ცოტა ხანს დაბრძანდით ნიავზე, დაისვენეთ, — ძანგმა თოფი უმცროს მასპინძელს მიაწოდა. თვითონ აგუნდას გვერდით ქვის სკამზე ჩამოჯდა.

— ბიჭო, მიდი, პატარძალს უთხარი, ვახშმის თადარიგი დაიჭიროს, — გააფრთხილა უფროსმა უმცროსი.

უმცროსი მაშინვე შინ შევიდა.

— საწყენად ნუ მიიღებთ ჩემს ცნობისმოყვარეობას, წელიწადი ისე გადაბრუნდება, უცხოს ვერ დავინახავთ, ხანდახან აღარც კი გვჩერა, რომ ქვეყანაზე ჩვენს მეტი სხვაც ცხოვრობს. რა ამბავია, რისთვის მიდიხართ ჩრდილოეთში?

— წყეული იყოს საწყალი კაცის დაბადების დღე. დავისეტყვეთ, მარცვალი პური ველარ შევიტანეთ სახლში. დავრჩით მშვიგრები. გაჭირვებამ გვაფიქრებინა ჩრდილოეთში გადასვლა. რა ვიცი, იქნებ სამუშაო ვიშოვოთ.

— ეჰ, საწყალ კაცს ქვა აღმართშიც ეწევა. უბედურება დაბადებიდანვე თან სდევს, — სიტყვა ჩამოართვა მასპინძელმა. — ჩრდილოეთში სამუშაოს იშოვით აუცილებლად.

— გეტყობათ, თვითონაც ხელმოკლედ ხართ, სახნავ-სათესი არსადა ჩანს.

— ხელმოკლედ და როგორ. ამ სალ კლდეებში ვართ მომწყვდეული და განძრევის საშუალება არა გვაქვს. ჰო, იმას გეუბნებოდით...

მაგრამ სათქმელი ველარ დაამთავრა, გარედან ვილაცის ყვირილი მოისმა. მალე კიშკარში შემოვარდა აღელვებული ახალგაზრდა, მას სტუმრები არც შეუმჩნევია, უფროს ძმასთან მივარდა.

— დადო, რა იქენით, კაცო, ყელსა გვჭირან! სავის ლეკვებმა ჩვენი სათივე გათიბეს, ჩქარა იარალი! — თვალები სისხლში უტრიალებდა და მეტისმეტი მღელვარებით ლამის ბუდიდან ამოსცვივნოდა, პასუხისთვის აღარ დაუტდია, სახლში შევარდა და თვალის დახამხამებაში შეიარაღებული გაჩნდა ეზოში.

დადო ჭიშკარში მიეწია ძმას და იარაღი აართვა, ყოველივე ეს ისე სწრაფად მოხდა, ძანგმა ვერაფერი მოისაზრა.

მალე სულ უმცროსი ძმაც შეიარაღებული გამოიქრა გარეთ.

— ჭკვიანად, უგუნურებო!

— გაგვიშვი, დადო, გაგვიშვი, ჯავრს ნუ შეგვაჭმევ მტრისასა. ცოლ-შვილს ყელებს გვიჭრიან! გაგვიშვი, ერთხელ დავიხოცოთ!

— ჭკვიანად-მეთქი. ახლა მაგის დრო არ არის. დილა გათენდეს, აქ არ ვიქნებით?!. უგუნურებო, ადათს რატომ წიხლავთ, ოჯახში სტუმრები გვყავს, თქვენ კი საჩხუბრად იწევთ, თქვე უხეიროებო, ჯავრს ველარ ერევით! შევერცხვით და მოვითხარეთ! აბა, ბოლმას კბილი დააჭირეთ, დაიმორჩილეთ თავი. — დადოს საყვედურმა გონებაზე მოიყვანა ძმები. — შედით შინ, სტუმრებს მიხედეთ, წესსა და რიგს ნუ არღვევთ.

ძმებმა დაირცხვინეს. ეზოში მხრებჩამოყრილები იდგნენ და აღარ იცოდნენ, როგორ მოქცეულიყვნენ.

ძანგი მიხვდა, რომ ძმებს რალაც ხიფათი შეემთხვათ და გადაწყვიტა, საჭიროების შემთხვევაში გვერდში ამოდგომოდა.

— მასპინძლებო, ვხედავ რალაც გიჭირთ, თუ ჩემი დახმარებაა საჭირო, მზად ვარ.

— ღმერთმა ხეირი მოგცეს, ძმაო, მადლობელი ვართ შენი ვაჟაკობის და იმედისა, მაგრამ ტეხთის გვარი სტუმარს არასოდეს ავალუბდა თავის საქმის გაკეთებას, იმდენი ვაჟაკობა კი აქვთ, რომ თავი არავის დააჩაგვრინონ. თქვენ სტუმრები ხართ, ჩვენ მასპინძლები, ჰო-და, დავიცვათ სტუმარ-მასპინძლობის წესები.

გაშალეს სუფრა. ვახშამზე ძანგი გრძნობდა, რომ ძმები მართალია სუფრას უსხდნენ, მაგრამ ფიქრით სულ სხვაგან იყვნენ, გულში ცეცხლი უტრიალებდათ და ლუქმაც სალი კლდის ნატეხივით გადადიოდათ ყელში.

სულ ახალგაზრდა რძალმა, რომელსაც ეტყობოდა, ფეხმძიმედ იყო, სუფრა აალაგა. აგუნდა ამჩნევდა, რომ ქალი შიშით ცახცახებდა, მაშაკაცების ლაპარაკზე ფერფური მისდიოდა.

ვახშმის შემდეგ ძანგმა იკითხა:

— მაპატიეთ კადნიერება, სტუმარს არ შეშვენის ცნობისმოყვარეობა, მაგრამ ვხედავ, რალაც დიდი დარდი ჩაგვარდნიათ გულში, ხვალ ისე რომ წავიდე, ვერ გავიგო თქვენი ამბავი, არ ვიცი, რა დამემართება.

— შენ შენი დარდიც გეყოფა, ჩვენი აღარ გეჭირვება, მაგრამ თუ მაინც გინდა გაიგო, გეტყვი. აულში ორი გვარი ვცხოვრობთ: გამოლმით ჩვენ — ტეხთი და გალმით — ცალოთი. ჩვენ სამნი ძმანი ვართ, ისინი თხუთმეტი ოჯახია. წინათ სანამ მამაჩემი ცოცხალი იყო, მეგობრულად ვცხოვრობდით. ხანდახან გამოგვერეოდა უთანხმოება, მაგრამ ასეთები რომელ აულში არ არის. მაგრამ ოჯახში ერთი მახინჯი ყოველთვის გამოერევათ, სწორი უთქვამს ხალხს, ცალოთების გვარში სავი დედამ კი არა შავმა გველმა შობა. უხიაგია, აყვია, ბოროტი, შხა-

მიანი. ერთხელ სუფრასზე მამაჩემისთვის შეურაცხყოფა მიუყენებია, მამაჩემს უსაყვედურია, ამაზე უფრო გაცხარებულა ის ძაღლის ნაშობი. ყველაფერს აქვს საზღვარი. ერთხელაც ველარ მოითმინა მამამ და სავი ლეკვივით გალახა. ღონიერი იყო მამა, სავი მიხვდა, პირისპირ ვერაფერს დააკლებდა მას, თანაც არც მოგვარებები უთანაგრძნობდნენ და დაშოშმინდა, მაგრამ ის წყენა არ დავიწყებია.

ერთხელ მამა ნადირობიდან აღარ დაბრუნებულა. დაიკარგა. რა დემართა, დღესაც არ ვიცი, თუმცა ვეჭვობთ, სავიმ მოკლა ღალატით.

მამის სიკვდილის შემდეგ ჩვენი სათიბი დაისაკუთრა, ობოლ ბავშვებს რას შეგვეპუებოდა. დედა მძიმე მუშაობით დაავადმყოფდა და ისიც გამოგვეცალა ხელიდან. ჩვენ კი მაინც არ დავიხოცეთ, ვაი-ვაგლახით დავიზარდეთ და მამულის დაბრუნება მოვითხოვეთ. მაგრამ ჩვენდა საუბედუროდ იმ ღვთისპირისმკაწრავ სავის შვიდი ლეკვი გამოეზარდა, მამაზე უარესები, აყვიები, ღვთის ფეხისმკამელები, ქურდები, ავაზაკები, არაფერს ერიდებიან. მაგათი შიშით საქონელი საძოვარზე ვერ გაუშვია ხალხს. მაშინვე გააქრობენ. თვეობით არიან შინიდან დაკარგულები. მამა ავკაცობაში ხელს უწყობს, რა უჭირთ რა, ზამთარ-ზაფხულ გამოუღვევლი აქვთ ნაქურდული სასმელ-საჭმელი.

ნაქურდულ საქონელს გაწყვეტენ და აგერ აულის თავში, მყინვარის ნაპრალში ჩაყრიან. იქ გაიყინება და როცა საშიშროება გაივლის, ღამღამობით თითო-თითოდ ჩამოზიდავენ სახლში. მაგათი დასაწვავი სახლი სულ ლეშის სუნად ყარს.

ჰო, სიტყვა გამიგრძელდა, იმას გეუბნებოდი, შარშან კაცი მიეუფზავნეთ, რომ ჩვენი სათიბი დაგვიბრუნონ, პასუხიც კი არ იკადრეს, მაგრამ ჩვენც კაცები ვართ, სათიბი გავთიბეთ და თივა ჩამოვზიდეთ. იყო ერთი გაწევ-გამოწევა, მაგრამ ჩვენც არაფერი დავუთმეთ. ახლა ისევ თავიანთი გააჭენეს. გაუთიბიათ ჩვენი...

— კმარა, დადო, სირცხვილს ველარ შევკამთ, — თვალებიდან ცეცხლები დააკვესა უმცროსმა ძმამ.

— ნუ ფიცხობ, ბალო, ყველაფერი მოგვარდება, — დაამშვიდა დადომ ძმა.

— ეჰ, რას იზამთ, მარტო თქვენ არა ხართ ამ დღეში, ყველგან ასეა, ძალმომრეობისა და უსამართლობის დრო დადგა, საით გაიქცეს კაცი, აღარ იცის, — დაეთანხმა დადოს ძანგი.

— ძნელია მგლებთან მგლური ცხოვრება, მაგრამ მეტი რა გზაა. ცხოვრება თავისას მოითხოვს. ბრძოლაა საჭირო. ლაპარაკით შეგაწყინეთ, შუალამე გადავიდა, მოისვენეთ, ხვალ დიდი გზა გაქვთ გასავლელი.

ბნელ ოთახში ტკბილად სძინავს აგუნდას. ძანგს მის ფერხთით მიუღვია თავი, მაგრამ რული არ ეკარება. წინა ოთახიდან ძმების ჩურჩული ისმის. ჩურჩული ხანდახან ხმამაღალ ლაპარაკში გადადის, მერე ისევ დაუწყვენ ტონს. ძანგი გრძნობს, რომ ძმები ხვალინდელ დღეზე ბჭობენ, საკითხი მეტად რთულია, სიკვდილ-სიცოცხლის სასწორი სა-

ით გადაიწონება, იმაზეა ახლა მათი ბედი დამოკიდებული. ეს კი ხვალ დილით გადაწყდება. გრძნობს ძანგი, ავი საქმე დატრიალდება. წვეთ-წვეთობით დაგუბებულ ნაღველს ველარ იტყვის გული, სულ მცირე მიზეზია საკმარი, რომ თოვლის ზეავივით იხველოს და მოთმინებოა ჯებირი მიაშხვრ-მოაშხვრიოს. გაიღვებს მახვილი, იწივლებს ტყვიო, ხანჯლის წვერი იტყვის საბოლოო სიტყვას. ღმერთო, შენ დაიფარე! თუ ხიფათი დატრიალდა, შვიდის წინააღმდეგ სამნი რას გახდებიან? არა, შორიდან ყურება არ ივარგებს, გვერდში ამოუდგება მათ ძანგი. ასეთ გაჭირვებაში რომ მიატოვოს, მთელი სიცოცხლე დატანჯავს სინდისის ქენჯნა. ამ გადაწყვეტილებით ჩაეძინა.

ღამიანად აღდა ძანგი, თავის გადაწყვეტილება მასპინძლებს გაუზიარა, დაღომ შორს დაიჭირა მისი წინადადება.

— სიკეთე და სიხარული ნუ მოგიშალოთ ღმერთმა, ძვირფასო სტუმრებო, მაგრამ შენს წინადადებას ვერ მივიღებთ. გუშინაც გითხარით, ქვეყანაზე თავი მოგვეკრება. ტუხთებმა ერთი ღამე გაათევიანეს სტუმრებს და... არა, არა, ეგ შეუძლებელია, რა საკადრისია ჩვენი ჭირი სხვას გადაეკიდოთ. შენი ვაჟკაცობა საამაყოა, მაგრამ აქ ვერ გამოვიყენებთ, ჩვენ თვითონ... მეერ კიდევ, დღეს გინდაც არაფერი მოხდეს, ხვალ მოხდება, ან ზეგ. თქვენ კი მშვიერი ჯალაბი გელოდებათ. საფიქრებელი უჩვენოდაც არ გაკლიათ.

რიყრაჟზე ძანგი და აგუნდა დაემშვიდობნენ კეთილ ხალხს და გზას გაუდგნენ.

4.

თედოთიყაველი! სახელგანთქმული მონადირე ბესოლთი ცოფანი ხეობის ვიწროში, მოხერხებულ ადგილზე მოეწყო, თოფი შემართა და ნადირის გამოჩენას დაელოდა. აქ წყაროზე დილით ადრე იციან ჩამოსვლა ირმებმა.

მზემ ისევ დააცხუნა, თითქოს ტყეს ცეცხლი წაეკიდაო, ხეობას სიცხის ბუდი ჩამოაწვა. უთვალავი ბუზი და კოლო ტრიალებს ცხელ, რძისფერ ბულში და მათს ზუზუნს ყურთასმენა მიაქვს. იქვე ახლოს ქვის ქვეშ, თუ მიწის ნაპრაღში შემალული ჭრიჭინობელა ჭრიჭინით აყრუებს არემარეს. ფრინველები, ცხოველები და ქვეწარმავალნი ჩრდილში შემალულან და მზის გადაწვერას ელიან. შეწუხდა ცოფანი. ბუზანკალებმა და კოლოებმა შეუტყის, მშვიერი მგლებივით ეტანებთან სახეზე. მოიქნევს ხელს, გაფანტავს, ისევ შეესევთან.

კისერი აეწვა, ნაკბენი ემწარა და მარჯვენა ხელი ისე მარჯვედ მოიქნია, სისხლით გაბერილი კოლო დანაშაულის ადგილზე შემოაკვდა. სწორედ ამ დროს, ხეობის გაღმა, მდინარის გასწვრივ საცალფეხო ბილიკზე ბუჩქი შეინძრა. მონადირეს კისრის ტკივილი გადაავიწყდა. და-

1 ოსური აულები ძირითადად გვაროვნული დასახელებები იყო, ამიტომ აული ხშირად გვაროვნულ სახელწოდებას ატარებდა.

ძაბული უყურებს იმ ადგილს, სადაც წუთის წინ ფოთლები შეირხა. „ნადირი თუ ჩამოდის წყალზე“, — გაიფიქრა და ჩახმახი ფეხზე შეეყენა. უნდა მოიცადოს, სანამ ნადირი მდელოს გამოცდება და წყალს დაეწაფება. უყურებს, უყურებს, მაგრამ ფოთლები აღარ ირხევა, არც მსხვერპლი ჩანს. მალე მდელოზე ვილაც შავწვერულვაშიანი კაცი გამოჩნდა. მან მიდამო დაზვერა, მერე ვილაცას ხელი დაუქნია. მეორეც დაინახა, უფრო ახალგაზრდა. წყაროსთან მივიდნენ. ხელპირი დაიბანეს, დასხდნენ და ისამხრეს, ცოტა შეისვენეს და ისევ იმავე ბილიკს დაადგნენ.

„ვიხ უნდა იყვნენ, ამ უდაბურ ხეობაში რა საქმე აქვთ? ვითომ მონადირეები იქნებიან? მერე ერთი თოფის მეტი რატომ არა აქვთ? თუ ეძებენ რამეს, ასეთი სიფრთხილე რაღა არის?“ თვალი გააყოლა საით წავლენო, მაგრამ ველარ დაინახა, ნადირიც, აღარ გამოჩნდა. ცოფანმა ადგილი მოინაცვლა.

მზე გადაიხარა. კოლოები და ბზიკები უფრო გათავხედდნენ. შეუტიეს და შეუტიეს ცოფანს. ის იყო ნაბიჯი გადადგა, უფრო მოფარებულში დააპირა გადასვლა, რომ ქალის კივილმა შეაკრთო, თითქოს გაქვავდაო, ადგილიდან ველარ დაიძრა. „გასაგებია, წელანდელი შცნაური მგზავრები ყაჩაღები ყოფილან. ალბათ, ქალი მოიტაცეს“. — გაიფიქრა და საიდანაც ხმა მოესმა, იქით გაიქცა. კარგა ხანს ირბინა. პატარა ველზე რომ გავიდა, მოპირდაპირე მხარეს ხის ქვეშ შექცეული ქალი დაინახა. სისხლში ცურავდა, მის გვერდით ახალშობილი ბალახებში ფართხალებდა.

შეერთა მონადირე. ქალი არ ინძრეოდა, ბავშვი კი ჩხაოდა, გულმა რეჩხი უყო, მიუახლოვდა. ქანდაკებასავით ესვენა მშობიარე ქალი, გაფითრებულ სახეზე ეტყობოდა, რომ წვეთი სისხლი აღარ ედგა. თვალები ჩასცვენოდა. თმა მკერდზე ჩამოშლოდა. მიხვდა მონადირე, რომ ამ უბედურის თავს კარგი ამბავი არ იყო. მშობიარობის დროს ძარღვები დააწყდა ალბათ და აგერ ახლა სისხლისაგან დაცლილი თვალდათვალ ქრება.

დაიბნა კაცი, რა უშველოს უცხო ქალს, რომელიც მის თვალწინ ლაფავს სულს.

— ჰე, ჰე, ჰეი! ვინა ხართ ქრისტიანი, მოგვხედეთ!

მონადირის ხმა ხევებმა გაიმეორეს. ჯერ ექო ისევ ისმოდა, რომ ტყიდან ვილაც გამოვარდა.

— რა გაგიპირდათ, ნუ გეშინიათ, აქა ვართ!

მონადირეს გაეხარდა ადამიანის ხმის გაგონება, იცნო წელანდელი მგზავრები. სანამ ხმას ამოიღებდა, შავწვერულვაშიანმა ამხანაგს ბავშვზე ანიშნა:

— მიხედე, ბუზები შეჭამენ, — თვითონ წყაროსკენ გაიქცა და თვალის დახამხამებაში ქუდით მოარბენინა. აკუთრეს გულწასულს. მომაკვდავი თითქოს ოღნავ შეინძრა, მაგრამ თვალის გახელა ვერ შეძლო.

— ვაიმე, ძანგ, ჩვენი მასპინძლის რძალია! — იყვირა აგუნდამ,

ბავშვი ძანგს შეაჩეჩა, თვითონ ჩოხა გაიძრო და ქალს წაათვარა. მერე გვერდით მიუჯდა და გულზე მიისვენა.

ქალმა უღონოდ შეარხია ტუჩები. აკანკალებული ხელით მოძებნა შვილი, რომ ვერ იპოვა, შეშფოთდა, თვალები გააქყიტა, უცხო ადამიანების დანახვაზე ტუჩები აუტახცახცა, ძლივგასაგონად ამოიგმინა:

— შვილი!.. შვილი!.. ნუ მომიკლავთ...

— ნუ გეშინია, ჩემო დაო, აქ არის შენი ბავშვი. — ძანგმა დაანახვა დედას შვილი. — წუხანდელი თქვენი სტუმრები ვართ. ნუ გეშინია.

ქალმა ძანგს შეხედა, მერე აგუნდაზე შეაჩერა თვალი.

— ჰო, თქვენა ყოფილხართ, გიშველათ ღმერთმა...

— კი მაგრამ, რა მოხდა? აქ რამ მოგიყვანა?

მომაკვდავმა თვალები დახუჭა. გვიან-გვიან შეძლო ხმის ამოღება:

— ღმერთო, საფლავშიც ნუ მოასვენებ სავის ყაჩაღ შვილებს! თქვენი წამოსვლის შემდეგ, ჩემი კაცი და მზღლები თივის ჩამოსატანად წავიდნენ. ის ყაჩაღები ჩაუსაფრდნენ. ატყდა აყალმაყალი, ჩვენებმა ოთხი მოკლეს, მაგრამ ისინი მეტნი იყვნენ, სამივე აკუწეს... მერე ჩვენ დაგვერივნენ. ცოცხალი აღარავინ გაუშვეს... მარტო მე შევქედი თავის დაღწევა. აქამდე ვირბინე, და აი ხომ ხედავთ.. ჩემი შვილი თქვენ გებარებოდეთ... — კიდევ რაღაცის თქმა უნდოდა, მაგრამ გაფითრებულ ტუჩებზე შეეყინა სიტყვა.

აგუნდა აქვითინდა. ცოფანმა ქუდი მოიხადა. მიცვალებულს თვალები დაუხუჭა.

მხოლოდ ძანგი არ განძრეულა. თითქოს ამ უბედური ქალის წინაშე დანაშაული იგრძნო. იცოდა, იქ დიდი ხიფათი დატრიალდებოდა. რატომ არ დარჩა, რატომ არ ამოუდგა გაჭირვებულ ძმებს გვერდში? ახლა მიხვდა, რომ ძმებმა ყველაფერი წინდაწინ იცოდნენ. დიდი ხანია ამ დღისთვის ემზადებოდნენ. იცოდნენ და იმიტომ არ მიიღეს უცხო სტუმრის დახმარება.

— მაპატიეთ, არ გიცნობთ, ვინა ხართ, სადაურები, მაგრამ უნდა მომეხმაროთ. საბრალო ქალმა ჩვენს თვალწინ დაღია სული. წესიც ჩვენ ავუგოთ, აულში წაევასვენოთ. იქ ჩვენს სასაფლაოზე დავასაფლავებთ. ბარემ მერიდება, გზას ადგახართ, მაგრამ მეტი გამოსავალი არ არის.

— ცოფანმა და ძანგმა საკაცე შეკრეს. მიცვალებული ზედ დაასვენეს და აულში წაიღეს.

თედოთიყაუში გაიგეს უპატრონო მიცვალებულის ამბავი. მოტირალმა ქალებმა გულწრფელი ცრემლებით დაიტირეს უსამართლობის კიდევ ერთი მსხვერპლი. მერე იგი თავიანთ სასაფლაოზე განმარტობით დაასაფლავეს.

დილით ადრე ცოფანმა აულის ბოლომდე გააცილა სტუმრები.

— ამ ხეობას მიჰყეთ. სულ ბოლომდე რომ მიხვალთ, მარცხნივ შეუხეით. ბილიკს დაადექით. აგერ შორს, მაღალი მთა რომ მოჩანს,

თიზმაგზოხს¹ ეძახიან, თუ მარჯვედ ივლით, საღამომდე მიატანთ. გზაში შემოგალამდებათ და ღამეს ცარგას ბადანში გაათევეთ. მერე იქაურები დაგაყენებენ გზაზე.

ძანგი და აგუნდა დაემშვიდობნენ ცოფანს და გზას გაუდგნენ.

მისამე თავი:

ღმუოღა მაროზხალი, კვანსოღენე მთავი

1.

იმ წელს უცბად მოთავდა შემოდგომის თბილი ამინდები. ხალხმა ზამთრისთვის მომზადება ვერ მოასწრო. ხეობებში და მთებზე ტყვისისფერი ღრუბლები ჩამოწვა და ცა ცივი ცრემლებით მოჰყვა ტირილს. ორი დღე განუწყვეტლივ იწურა ცრემლი. მერე ბურხოხის წვერიდან მოიწმინდა, წვიმის წვეთები თოვლის ფიფქებად იქცა და თეთრ ფთილებად დაიწყო თოვა.

იმ დილით ღამიანად ადგა საგო და გარეთ გამოვიდა. კოჭამდე დაედო თოვლი.

„ასე თუ ითოვა, გაზაფხულამდე ველარ ჩამოვიტან იმ სატილო თივას“, — გაიფიქრა დაჯავრიანებულმა და ისევ შინ შებრუნდა. კერიანზე ცეცხლს აღვივებდა ახსარაგონი.

— დედაკაცო, იმ ოხერა თივის ჩამოსატანად წავსულიყავით-მეთქი; თორემ ძალიან ხვავრიელად თოვს და ვაითუ მერე სულ ჩაიკეტოს გზა. ახსარაგონმა ცეცხლი გააჩაღა და სადილის თადარიგს შეუდგა. საგომ ტყავისძველა წამოისხა და პირუტყვის ერთი იღლია თივა შემოუტანა.

ისადილეს თუ არა, საგო და ახსარაგონი მთაში წასასვლელად მოემზადნენ.

— ბაბა, მეც წამოვალ, ცოტას მაინც მოგეხმარებით, — მოესმა საგოს ქალიმათის ხმა.

— არა, შვილო, საკაცო საქმეზე შენი წანწალი აღარ შეიძლება, — მიეფერა შვილს საგო. — აქაურობას მიხედვით, მერე სამხარი მოგვიზადე.

— ნანა, შენ დარჩი შინ, მე გავყვები ბაბას.

— მამას დაუჯერე, გოგო; გასათხოვარი ქალი ხარ და ქვეყანა დაგვიცინებს, საკაცო საქმეზე დაჰყავთ. ქალაბიჭას დაგიძახებენ.

— რა არის დასაციინი? ვითომ ვაჟკაცებზე ნაკლები რითი ვარ? რითი მჯობიან, საქმეში ჩამოუვარდები თუ ჯირითში?

¹ თიზმაგზოხი — მკაცრი მთა.

— არც ჯირითია ქალის საქმე. ჰკუთხე მოდი, თავს ნუ გაგივიდა და საერთოდ არა განახო ბიჭებში გარეული, ხალხის ენა ქვასა ხვრეტს, ვინ იცის, რას იტყვიან, რას მოგიგონებენ.

— ვინც რა უნდა ისა თქვას, მე ვიცი, რაც არის ჩემი ქალიშატი და ეგა კმარა, — სიტყვა გააწყვეტინა ცოლს საგომ.

— ყველაფერი შენი ბრალია. გაანებივრე გოგო და თავს იმიტომ გაუვიდა, — უსაყვედურა ახსარაგონმა საგოს.

— მერე რა, მართლაც რითია ჩემი გოგო სხვების ბიჭებზე ნაკლები. ბაბა ენაცვალოს, ეს რომ ცხენს გამოაქროლებს, ლამის მტერს თვალი დაუდგეს. არა, შვილო? — საგომ ხელი მოხვია ქალიშათს.

— კი, ბაბა, არც სხვების ბიჭებს გავუშვებ წინ და არც სირცხვილს გაჭმევ.

— გესმის, დედაკაცო. შენ კი ხალხის ენაო... ხალხი კი არა, ზოგიერთებს შუროთ, რომ კაი გოგო გვყავს და თავს ქვას ახლიან. აბა, შვილო, ჩვენ მივდივართ და შენ იცი, ძროხა გარეთ არ გაუშვა, საქონელმა არ ურქინოს, წყალი არ დაგავიწყდეს, კასრით დაუდგი. მალე მოგვიგებს, მერე ხბოს გავიყიდი და ისეთ კაბას გიყიდი, ქვეყანას თვალი შენზე რჩებოდეს.

ქალიშათს თვალები გაუბრწყინდა.

— მართლა, ბაბა?

— ჰო, გენაცვალე, შენს მეტი ვინა გვყავს. ყველაფერი შენთვის არ გვინდა? დედას ნუ ებუტები, კარგი უნდა შენთვის და იმიტომ გარიგებს.

— როდის ვებუტები, ბაბა განა მაგდენი არ მესმის?

— დედისერთა ხარ, შვილო და მინდა ყველაზე კარგი იყო, — ცრემლი მოერია ახსარაგონს. — ლაპარაკს შევეყეთ და იმაზე კი არა ვფიქრობ; რომ გვიანდება.

აფუსფუსებულმა ახსარაგონმა თავშლის ყურები გულზე გადაიჭვარედინა და უკან გაიკრა. კედლიდან თხის ბალნის საკუთარი ხელით დაგრეხილი საბელი ჩამოიღო და ქმარს მიჰყვა.

ქალიშათმა ჰიშკრამდე მიაცილა მშობლები. კარგა ხანს გაჰყურებდა გადასუდრულ გზაზე მიმავალთ და როცა თვალს მიეფარნენ, მერღულა შევიდა შინ.

დედის სიტყვები ისევ ყურში უდგა: „გასათხოვარი ხარო“. „კასათხოვარი!“ — ზარივით დაირეკა ის ერთი სიტყვა. შეკრთა. ათწილოდა. რაღაც გამოუცნობი, მაგრამ მეტად სასიამოვნო გრძნობა დაეუფლა მთელ მის არსებას, გრძნობა, რომელმაც შეძრა და ააფორიაქა ქალწულის გული. აუ, გასულა ბავშვობის ხანა. დადგა ქალიშვილისთვის უცხო. ჯერ შეუცნობი, მაგრამ სატყუარადავით მიმზიდველი, ოცნებისთვის ლამაზი დრო, როცა სიცოცხლითა და იმედით გულსაგსე ქალწულს ღამით ძილი სადღაც, ცხრა მთის იქით გაურბის: დაჰყურებს კერას ქალიშატი და ლაღარში მიმალული ნაკვერცხალივით ღვივის მის გულში ჩაბუღებული ტყბილი ოცნება...

ხელმოკლე ოჯახისთვის ურვათის გადახდა გაუქირდა და ეს იყო მიზეზი, რომ გვიან დაიდგა გვირგვინი საგომ. ღმერთს ეხვეწებოდა — ბიჭი მაჩუქეო, მაგრამ გაუარსხდა ღმერთი და ბიჭის მაგიერ გოგო მისცა. ეს იყო და ეს. ამის შემდეგ იმ ყოვლისშემძლე უფალმა აღარც გოგო გაიმეტა და აღარც ბიჭი. საგოს კი მხარის მიმცემი, მძიმე საქმეში ხელისშემშველელი უნდოდა. მაგრამ ხვთის წინაშე ვის რა ძალა აქვს. გული გაიმაგრა: „გოგოა, მაგრამ ისე გავზრდი, რომ ვაყვაცები დაჯაბნოს“. მართლაც, წამოიზარდა თუ არა ქალიშობი, საგომ ბიჭივით ამოიყენა გვერდში. მისთვის საგანგებოდ გააკეთა ნაჯახი, ცელი. ასწავლიდა იარაღის ხმარებას, ცხენზე ჯდომას.

ბუნებით გამბედავი და ჰარჯვე ქალიშობი მშასავით ამოუდგა მამას მხარში და ყველა საქმეში ეხმარებოდა. ახლა როგორი ხელსაქმე იცოდა!

„ღმერთმა ქალის სახით გამბედავი ვაყვაცი მისცა საგოს, ნეტავი იმას, ვის ოჯახშიც ეგ დატრიალდება“, — ისმოდა ხშირად აულში.

მთელი აულის თვალთა ქალიშობი. განსაკუთრებით მოხუცებსა და თავის ტოლ ბიჭებს უყვართ, სხვა ქალიშვილებს ქალიშობი გამჭირაზი ვონებითა და კეთილი გულით ჩრდილავს.

და აი ახლა, თითქოს უკან დარჩა წარსული. ბავშვობის დღეები დაფრთხანებული მერცხლის ბარტყებივით გაუფრინდა ხელიდან. ეს თან უხარია ქალიშობის და თან თითქოს სწყინს კიდევ.

თხუთმეტი წელი... რა არის თხუთმეტი წელი? სად თავდება ადამიანის ბავშვობა და სად იწყება მოწიფულობა? არა, ქალიშობისთვის ჯერ არ დამთავრებულა ბავშვობა. თუ თვითონ ქალიშვილს არ უნდა დაიჯეროს, რომ დადგა დრო უფრო სანატრელი და უფრო მნიშვნელოვანი!

მაგრამ ზარივით რატომ რეკს დედის სიტყვები: „გასათხოვარი ქალი ხარ უკვე“ — ბავშვობასა და ქალიშვილობას შორის ასე გაბედულად რომ შეიქრა და დააშორა ერთმანეთს. წინ რა იქნება? ფიქრობს ქალიშობი, მაგრამ მის გონებას არ შეუძლია ბურუსით მოცული მომავლის განჭვრეტა, ხვალინდელი დღე ხან ზარავს, ხან თვით ისწრავის მისკენ.

„მართალია ნანა, ბიჭებთან ღლაბუცი აღარ შემფერის. ახლა კი მიგხვდი, ცხენზე ჯდომას რატომ მიშლიან. მაგრამ ვინც რა უნდა თქვას, ჩემს არფანს არ დავთმობ“.

ამ ფიქრებში იყო ქალიშობი, რომ მამის დანაბარები გაახსენდა. მაშინვე ძროხასთან გაჩნდა. შორს არ ჰკირდებოდა წასვლა, მიწური შუაზე ლასტით იყო გაყოფილი, ნახევარში თვითონ ცხოვრობდნენ, მეორე ნახევარში ძროხა გარამი და ქალიშობის არფანი ნებივრობდნენ.

— არფან, ჩემო არფან, გაიგონე, ნანამ რა მითხრა? ცხენმა ყურები დაცქვრიტა, თითქოს ესმოდა პატრონის ლაპარაკი. შენი ტოლი ქალიშვილისათვის ცხენზე ჯდომა აუგიაო. ნეტავ არც დამდგარიყო ეს დღე. არფან, ჩემო მეგობარო, რომ იცოდე, როგორ მიყვარხარ, სადა-

ვეს რომ მოეწევე და ადგილს მოწყდები, ასე მგონია, ფრთები გამოშესხა და თვითონ მივფრინავ-მეთქი. ნეტავ გაისად რალიძუარის დღეობაზე ერთხელ კიდევ გვეცადა ღონე. არ დაგთმობ, არფან, არ დაგთმობ. არავის ხელში არ ჩაგაგდებ, შენ ჩემი მეგობარი ხარ და ასე დარჩები. ხომ ასეა, არფან. — ცხენმა ჰკვიანი თვალები დაბლა დახარა, თითქოს ნათქვამს უდასტურებსო. ქალიმათმა მას მკვრივი ჩიჩვირი დაუკოცნა. თავზე აღვირი წამოაცვა და წყალზე ჩაუძლვა. არც ძროხა დაივიწყა. კასრით ამოიტანა წყალი და წინ დაუდგა. მერე საბძლიდან ერთი იღლია თივა გამოიტანა და ბავაში ჩაუყარა. — ჰამე, გარამ, ჰამე, რომ კარგი ხბო მოიგო. თუ არა, ბაბა რომ კაბას შემპირდა, სხვა დამასწრებს და დავრჩები ისე, გესმის? არ გესმის? აბა თავს რაზე აქნევ? ასეა ხომ?

მერე ქალიმათმა მიწური დააკრიალა. ორმოდან ერთი პინა კარტოფილი ამოიღო, გარეცხა, ცხელ ლადარში შეყარა და ისევე ფიქრს მისცა თავი.

ეზოდან ხმაური მოისმა. მერე ვილაცამ შეჰკივლა. იმას სხვებმა მისცეს ბანი და ატყდა მოთქმა და გოდება.

ლამაზი სიზმრებიდან უცხად გამოფხიზლდა ქალიშვილი. თავში იტაცა ხელი. ვაიმეო, — იკივლა. კარი გაიღო და ელდა ეცა. საკაცეზე დედ-მამა დაინახა. თვალთ დაუბნელდა და აღარ გაუგონია არც მეზობლები! წივილ-კივილი და არც ბიძაშვილების მოთქმა-გოდება. იდგა გაოგნებული და მზოლოდ საკაცეს ხედავდა. მერე ერთი საშინლად დაიგვიანა და გულშეღონებული მოცელილივით ჩაიკეცა.

2.

სიკვდილმა დაიმკვიდრა საგოს ოჯახში. გამოჩორკნილი ფიცრებით შეკრულ კუბოში ახსარაგონი წევს. ტახტზე კი მკვდარივით გაფითრებული საგო ჭერაც ვერ მოსულა გონს. დამეხილი ქალიმათი უზის კუბოს გვერდით. ჩამონოკილ ფიქალ ღაწვებზე ადგილ-ადგილ სისხლი შეწაობია. უყურებს დედის უსიკოცხლო სახეს და გულში უსაზღვრო სიკაროილეს გრანობს. ხანდახან შეხედავს მოზარეებს, მაგრამ არც არაფერი ეამის და არც თვითონ ტირის. ეზოში ხალხი ირევა. ქალიმათმა დაინახა, გარამი რომ გაიყვანეს და თოვლზე წამოაქციეს. შადრევანივით ითქრიალა სისხლმა. სრულიად გულგრილად ამოიღეს და გადაადგეს ის ხბო, რომლის ფასადაც მამა აბრეშუმის კაბის ყიდვას შეჰპირდა ქალიმათს, მერე დედა სასაფლაოზე წაიღეს. სასაფლაოდან დაბრუნებული ხალხი ჰამად დასხდა. შენდობა უთხრეს მიცვალელებს. დღეგრძელობა უსურვეს დარჩენილებს და საღამოთი ყველა თავ-თავის გზით წავიდ-წამოვიდა. სახლში ქალიმათი, საგო და რამდენიმე ხანში შესული კაციღა დარჩნენ.

ახსარგონის დასაფლავების მეორე დღეს საგომ დაილაპარაკა. თავის ჭაურა დასცურებოდათ. რომელმაც საგო ქვეშ მოიქცია, ახსარაგონი კი ბეგზე გადაიყოლა. ეს იყო და ეს. საგო უყურებდა ქალიმათს

და თხილის სიმსხო ცრემლები ღვარად ჩამოსდიოდა გადატეტკვილ-
ლოყებზე. ვინ იცის, რა ჯოჯობით ტრიალებდა მოყვარული მამის.
გულში, რომელიც ყოველ განძრევანზე ნახევარ სიცოცხლეს კარგავდა.
საგოს მდგომარეობა სულ უფრო და უფრო უარესდებოდა. ახსა-
რაგონის შვიდი რომ გადაიხადეს, იმ ღამეს პირიდან სისხლი წასკდა
და დილაშდ სული აღარ გაჰყვა.

ისევ მოგროვდა აული. ისევ თავიდან დაიწყო მოთქმა-გვიდება. ქვე-
ყანა ცოდვით აივსო. გარეთ კი თოვდა და თოვდა. ორი დღე გადაუ-
ღებლად ითოვა და სამი არშინი თოვლი დადო. აული თოვლმა მოიქ-
ცია ქვეშ და მეზობელი მეზობელთან აღარ მიუშვა. თოვლს ვინა
ჩიოდა, ისეთი ქარიშხალი ამოვარდა, რომ კარის გაღებასაც ვეღარა-
ვინ ბედავდა. მიცვალებული დაუმარხავი დარჩა. გამოდარებას დაე-
ლოდნენ, რომ საბრალო საგო თავისი წილი მიწისათვის მიებარებინათ.

ქალიმათი მამის კუბოს გადაფოფრებია, თითქოს არ უნდა, ეს ერ-
თადერთი ძვირფასი ადამიანიც ხელიდან გაუშვასო. მხოლოდ მაშინ
წამოსწევს თავს, როცა ერდოდან ქარი ღრიალით ჩამოვარდება და მი-
წურს შემოუბრუნს. ქალიმათი, თითქოს მგელი ეცაო, შიშით წამოიკივ-
ლებს, მერე ვერხვის ფოთოლივით აკანკალდება და გაოგნებული ისევ
მამის გაცივებულ ცხედარს დაემხობა.

ქარიშხალი ჩადგა. ხალხმა სასაფლაომდე გაკვალა გზა. როგორც
იქნა, მიაბარეს მიწას საგო. კიდევ გაიშალა ქელეხის სუფრა, კიდევ
მოიხსენიეს მიცვალებულები, კიდევ აღდგებულეს ცოცხლები და
დაიშალა ხალხი.

ქალიმათს არ გაუგია მამის გასვენება. ხურვება დაემართა და უგო-
ნოდ იყო. საგოს ძმამ, ვანომ შინ გადაიყვანა დაობლებული ძმისწული
და ცოლს შეეხვეწა:

— ქომიანა, თუ ღმერთი გწამს, მიმიხედე ამ ცოდვის შვილსა.

ქომიანა გვერდით უზის ქალიმათს და შუბლზე ცივ ტილოს უცვ-
ლის მალმალ. სიცხე კი სულ მალლა-მალლა იწევს. თითქოს ცეცხლი
უკიდიო, იწვის ქალიმათი.

— ნენა, ნენა, სად მიხვალ? მეც წამიყვანე. მეშინია, მარტო არ
დამტოვო. მომეცით, ჩემია ხბო! ბაბამ კაბა უნდა მიყიდოს... კაბა...
კაბა... ნანა!.. მიშველე, ჩემი კაბა შექამეს!.. — ბოდავს ქალიმათი. ქო-
მიანას ცრემლებით კალთა ევსება.

მეოთხე დღეს სიცხემ დაუწია ქალიმათს და მკვდარივით ჩაეძინა
დილით მზის პირველი სხივი ქალიმათის ბალიშზე დაეცა. გაახილა თვა-
ლი. ისევ დახუჭა. „სადა ვარ?“ — იკითხა. მაგრამ არავინ უპასუხა. ისევ
გაახილა თვალი და ოთახში მიმოატარა მზერა. „თუ ჩვენი სახლია, მზე
საიდან შემოდის. ჩვენს სარკმელში მზეს არასოდეს შემოუხედია. არა,
უცხო სახლში ვარ. მოიცა. მოიცა, თითქოს მეცნობა აქაურობა. მაგრამ
რომ ვერ ვიგონებ, ვისია ეს სახლი? ფეხზე რალა დამემართა? ან თავი
რატომ მიბეჭვის, თითქოს ფუტკრებს ჩემს ყურებში დაუბუღიათო“.

ძლივს წამოსწია თავი. ფეხთით ვიღაც უწევს. ვინ არის ნეტავ?

ქალიმათმა ფეხის განთავისუფლება სცადა. ის ვიღაც შეინძრა და გვერდი იცვალა. იცნო ქალიმათმა ძალუა. „რა ვქნა, ეს ქომიანაა, მაგრამ სად არის ნანა, არც ბაბა ჩანს, რატომ დამტოვეს მარტო?“

ქალიმათს უცბად ყველაფერი გაახსენდა. თვალწინ წარმოუდგა საცაყე. მიხვდა, რატომ იყო ბიძის სახლში. გული ამოუჯდა და აქვითინდა, დიდი ხნის დაგუბებულ ცრემლებს გზა მისცა.

ქომიანა წამოხტა.

— როგორა ხარ, გენაცვალე, — შუბლი ხელისგულით მოუსინჯა და თვალეებში სიხარულის ნაპერწკალი იელვა. — დიდება შენ, ღვთისმშობელო დედავ, წმინდაო მარიამ, გადაგვირჩინე ეს საცოდავი გოგო. რამდენი დღეა, პირში ლუქმა არ ჩაგვსლია, არა გშია, თავს შემოგველე? — ამ სიტყვებით მან კიდობნიდან პური ამოიღო, ჯამზე ცხელი რძე დაასხა და ქალიმათს მიუტანა, — ჭამე, შეილო, ჭამე, თორემ დასუსტდები.

ყლუპ-ყლუპით სვამდა ქალიმათი რძეს. თვალეებიდან კი ისევ შეუჩერებლად ჩამოსდიოდა ცრემლები, რომლებიც რძის ჯამში გამდნარი ტყვიის წვეთებივით ცვიოდა.

ქალიმათმა მთელი ზამთარი ველარ აილაგა ლოგინი. მხოლოდ გაზაფხულზე შეძლო ადგომა. გარეთ გამოვიდა და სახლის გვერდზე მყუდროში მიჯდა. თვალს აღარ ამორებს თავის სახლს. თუმცა რაღა სახლია, ეტყობა იმ დიდთოვლობას ვერ გაუძლო დამპალმა თავხეებმა და სახურავი ჩაწვა. ახლა მათი სახლი მკვდარი ცხენის ზურგივით მოჩანს შორიდან. ეზოში სულიერი არ ჭაჭანებს. გული აუჩუყდა ქალიმათს. ჯოხის ბჭენით გაუყვა გზას. სახლის კარი ჭვარედინი ფიცრით აუჭედიათ. ეზო მირეულ-მორეულია. კედელზე მიაყუდა ჯოხი. აიღო ცოცხი და დერეფანი გამოგავა. მერე ფიცრები ააძრო კარს და შინ შევიდა. უცნაური სიცივე ეცა. მიწის იატაკი თხუნელებს დაეთხარათ. კერიის გამჭვარტლული ერდოდან საკიდ ჩანგლამდე აბლაბუდაში იყო გახლართული. ერდოდან ნადენ თოვლის წყალს ნაცარი დაესველებინა.

გულმა შემოჰკენესა ქალიმათს, მუხლებმა უმტყუნა და კერიასთან კუნძზე ჩაიკეცა.

„რა მეშველება, როგორ ვიცხოვრებ?“ — გმინავს უთვისტომო ქალიშვილი და გული ეწურება. სახლს სახლი აღარ ეთქმის, არცრა სხვა აბადია, რა ქნას? ეს ფიქრი ტენის უხვრეტს ისედაც დასუსტებულს. „რაც იქნება, იქნება. შეეჭიდება ცხოვრებას, სოფელი დიდია, დამეხმარებიან...“ მთელი ზამთარი ფიქრობდა ქალიმათი, როგორ დაეყენებინა ფეხზე დანგრეული ოჯახი და მამის კერა არ გაეციებინა. მაგრამ შედგა თუ არა სახლში ფეხი, ელდა ეცა, მის იმედებს უცბად მოეკვეცა ფრთები და დაბნეული მწვავე სინამდვილის პირისპირ აღმოჩნდა. იგრძნო, რა ტანჯვის ცხოვრებაც ელოდა და მოეჩვენა, რომ ჯერ ისევ შემოდგომით მოწყდა მთის წვერს და მას შემდეგ მიექანებოდა უფსკრულისკენ. ახლა კი დაასკდა დედამიწას და ყველაფერი გათავდა.

„ხალხი დამეხმარება“, — გაიფიქრა და ამ აზრმა რაღაც იმედი ჩაუსახა გულში. მერე კედელ-კედელ ხელის ცეცებით გამოვიდა გარეთ. კარი გადმორაზა და ბიძის სახლისკენ წაღასლასდა.

წარბშეკვრით დაუხედნენ ბიძა და ძალუა.

— რამ ჩაგიყვანა იმ დასაწვავ სახლში, გოგო! — კითხვა შეაგება ქომიანამ ქალიმათს.

— რა ვიცი, მივალაგ-მოვალაგე...

— რალა არის მისალაგ-მოსალაგებელი, რაზე იკლავ თავს?

— მაშ რა ექნა, თქვენც როდემდე შეგაწუხობთ? ჩემი კუთხე ხომ მინდა.

ვანო მიხვდა ძმისშვილის გადაწყვეტილებას და უჩვეულოდ მოეფერა.

— ქალიმათ, შვილო, პატარა აღარა ხარ. აბა, დაფიქრდი, როგორ იცხოვრებ მარტო, ან რით, ფიქრობ?

— ხალხი დამეხმარება, — გააწყვეტინა ქალიმათმა.

— ხალხის იმედი ნუ გაქვს, ვისაც დახმარება შეუძლია, ის არ დაგეხმარება და ვისაც არაფერი აბადია, იმას შენც არ დაემდურები. მერე კიდევ, შვილო, არც სახლი გაქვს, არც საქონელი გყავს, საქველი შენ არა გაქვს და სათესლე. კაციან ოჯახებს უჭირთ ცხოვრება და შენ რის იმედი გაქვს? თანაც ხალხი რას იტყვის, ვანომ ობოლ ძმისშვილს არ უპატრონაო. საღეჭსოდ გინდა გამხადო? ვინ გაიგონა გასათხოვარი ქალის მარტო ცხოვრება. ათას რამეს მოგიგონებენ. იყავი ჩვენთან, რაც შეგვიძლია, არაფერს მოგაკლებთ. რას ვიზამთ, ბარემ კარგი იყო, ჩემს საწყალ ძმას კერა არ გასცივებოდა, მაგრამ ღვთის განგებას წინ ვინ აღუდგება! გამოჩნდება ვინმე ღვთისნიერი, მოგეწონება და გაჰყვები, ჩვენ ხელს არ შეგიშლით.

მართალს ამბობდა ვანო. თუმცა საგოს არ უყვარდა უფროსი ძმა. ხარბმა და გაუმაძღარმა, მამის სიკვდილის შემდეგ, ბევრი უსიამოვნება მიაყენა ბუნებით კეთილსა და მშვიდობისმოყვარე საგოს. მამულის უკეთეს ნაწილს ვანო დაეპატრონა. საოჯახო ქონებიდანაც ბევრი არაფერი არგუნა ძმას, ამასაც ჯავრობდა საგო, მაგრამ რა ექნა, თავს ხომ არ მოიკრიდა, ძმის სისხლს ხომ არ დაღვრიდა და ხელი ჩაიქნია.

იტოდა ეს ქალიმათმა, მაგრამ ახლა ვანოს ეშმაკობამ გაჭრა. გული მოუღბო.

„რა არ ხდება ქვეყანაზე, ალბათ, ნანობს თავის საქციელს და დანაშაულის გამოსყიდვა უნდა, ან რა გასაკვირია, ბიძას რომ ობოლ ძმისწულზე გული შესტკიოდეს“, — ფიქრობდა ქალიმათი.

დარჩა ბიძასთან. იმ გაზაფხულზე ძმის ნაფუძარი ვანომ გადახნა.

ცუდად არავინ ექცეოდა ქალიმათს. თუმცა ვაჟკაცივით საქმიანი მკაში არავის უღებდა ტოლს და თიბვაში. ახლა ოჯახში? რას არ აკეთებდა მისი ორი ხელი.

ქალიმათი სასურველ სარძლოდ ითვლებოდა. დღე არ გავიდოდა, რომ მთხოვნელი არ მისვლოდა, მაგრამ ვანო ხმას არავის აღებინებდა.

— რა მეჩქარება, რა, პური აკლია თუ წყალი. იყოს ჭერ, გათხოვებას მოესწრება, — ამ სიტყვებით აბრუნებდა შუამავლებს.

არც ქალიშათი ჩქარობდა გათხოვებას. ბიძის ოჯახს შეეჩვია. მართო ერთი რამ აწუხებდა: ვანო ხარბი კაცია. დედ-მამისაგან იმდენი არაფერი დარჩა, მაგრამ მაინც ცდილობს როგორმე სხვებზე უკეთ იცხოვროს. ერთთავად სხვისი შურს, ერთთავად გამდიდრებაზე ოცნებობს.

3.

შემოდგომის ნისლი რომ ხეობებში ჩაწვება და ადგილიდან აღარ იძვრის ხოლმე, ისე ჩაემხო კალათჯინში¹ ყუნცელი და დილას აქეთ თავი აღარ აუღია მაღლა. ხშირად ემართება ასე. განსაკუთრებით მაშინ, როცა გაჯავრებულია, ან რაღაც ავს რასმე ფიქრობს.

ასეთ დროს თუ ვინმემ გაბედა მისი შეწუხება, ვაი იმის ბრალი. ისეთ ჯოხებს გადაუჭერს, რომ... იციან ოჯახის წევრებმა და აკი იმიტომ ერიდებიან. ის კი არა, კედლის ნაპრალში დაბუღებული ქრიჭინობელა, რომელიც დღედაღამ ქრიჭინით აყრუებს ქვეყანას, თითქოს შეშინდო, ისიც ხმაგაკმენდილი გალურსულა სადღაც.

ზის ყუნცელი. ტყავკაბის კალთები მუხლებზე აუკეცია. ცხერის ტყავის ქული წარბებამდე ჩამოუფხატებია. და ვერ გაიგებს კაცი, თვალები განგებ აქვს მოკუტული თუ სძინავს. მკლავები მოტეხილი ტოტებივით გადაუყრია კალათჯინზე და დანა პირს არ უხსნის.

ოჯახის წევრები გრძნობენ, რომ ყუნცელს რაღაც მძიმე გადაწყვეტილების მიღება განუზრახავს, მაგრამ ფიქრები ერთმანეთში ერევა და სწორ დასკვნამდე ვერ მისულა.

მართლა აერია გონება ყუნცელს.

...მშობლებმა კარგადალი ქონება დაუტოვეს. თვითონაც ჰკუა მოიხმარა და ახლა ის ქონება ერთითად აქცია. მაგრამ რა, დრო თვალსა და ხელს შუა გაეპარა. ხანში შევიდა, მოტყდა და ვის დაუტოვოს ამდენი დავიდარაბით ნაშოვნი ქონება? აი ეს არის ახლა ყუნცელის თავსატეხი.

შვილები ბარემ ბლომათა ჰყავს, მაგრამ ნეტავ მათ მაგიერ ერთი მარჯვე ვაჟკაცი ეჩუქებინა იმ დალოცვილ ღმერთს. ხუთი ქალი გაათხოვა, ხუთივეზე კარგი ურვათი აიღო. კიდევ მიუმატა თავის ქონებას, მაგრამ რისთვის უნდა. ვის დაუტოვოს მემკვიდრეობა? გაბას? დაიწვას მისი დაბადების დღე! თუ ჰკუა არ დაჰყვებოდა, ნეტავ სულაც არ დაენახა ყუნცელს თავის ბედზე ბიჭი. სად არ ატარა, მაგრამ გაბას არაფერი ეშველა. ნატამალი ჰკუა არა აქვს. ცოლის შერთვის დრო ბარემ მოუვიდა, ყუნცელიც მოწადინებულია, ვის არ მიუგზავნა კაცი, ურვათსაც დიდს იმეტებს, მაგრამ გასათხოვარი ქალების მშობლები

¹ კალათჯინი — სავარძლის მსგავსი საუფროსო სკამი.

გაიგებენ თუ არა, რომ გაბა სულელია, ხმასაც არ ალებინებენ. დრო კი მიდის. ყუნცელსაც ჯანი აკლდება, წინანდელივით აღარ შეუძლია ცხერის ფარებისა და ნახირის მიხედვა. მართალია, მოჯამაგირეები ჰყავს, მაგრამ კაცმა თავის ქონებას თვითონ თუ არ მიაღვენა თვალი, სხვას რაში ენალვლება. აქამდის ყველას ეშინოდა მისი. მოულოდნელად დაატყდებოდა თავზე მწყემსებს და ვაი იმას, ვისაც წამოწოლილს მიასწრებდა. ახლა კი იშვიათად აღის მთაზე და ეშმაკმა იცის, რას აკეთებენ მოჯამაგირეები. ჯერ კიდევ არაფერი, თვალი უხელია და მაინც რიდი აქვთ, რომ მოკვდება, მაშინ რა იქნება? მის ქონებას დაატაცებენ მშვიერის შვილები. გაქრება ყუნცელის ნაამაგარი.

რა ქნას? დარღმა ლამის გაათავოს. სადარდებელი როგორ არა აქვს, კერა უცივდება. გაბას დაცოლშვილიანების იმედი ჯერ არ გადაუწყვეტია. იქნებ ვინმე გამოჰყვეს. თვითონ გაბა, მართალია, ვერაფერი სასიძოა, მაგრამ ქონება ხომ აქვს. თუ რძალს შვილი ეყოლა, მეტი რაღა უნდა ყუნცელს. დამშვიდებული ჩავა სამარეში. თუკი ვინმე გამოჰყვება, ურვათს ბარემ არ მოერიდება... ფიქრობს ყუნცელი, რომელ აულშია ნამყოფი, სად იცნობენ და სად არა. სადაც იცნობენ, თვითონ ვერ ბედავს მისვლას, სადაც არ იცნობენ, იქ თვითონაც არავის იცნობს. უცებ რაღაც მნიშვნელოვანი გაახსენდა. შარშან სოხთაში იყო შორეულ ნათესავეებში. ერთი ლამაზი გოგო ნახა. ძალიან აქვს, ვაჟკაცებს არ ჩამოუვარდებაო. მაგრამ როგორ? სულელი გაბას ამბავი რომ გაიგონ, ჯობით იფრენენ.

ისევ აერია ფიქრები, ისევ დახუჭა თვალები. და აი ვერაგული გადაწყვეტილება მიღებულია. ბოროტმა სხივმა იელვა წვრილ თვალებში, გუბები გაუფართოვდა და ოთახის კუთხიდან კუთხეში იწყეს ხტომა.

„გადაწყდა!“ — გაიფიქრა და კალათჩინიდან წამოღდა.

ოჯახმა შევებით ამოისუნთქა. არავინ იცოდა, რაზე ფიქრობდა ყუნცელი, მაგრამ ყველამ იგრძნო, რაღაც მეტად მნიშვნელოვანი საქმე გადაწყდა.

4.

ერთ საღამოს ვანომ შინ უცხო კაცი მიიყვანა. ძვირფას სტუმარს თვალებში შესცივინებდა. ცოლს ანიშნა, აბა შენ იცი, როგორ სუფრას გაშლიო, თვითონ საკლავი წამოაქცია.

უცხო სტუმარი ყუნცელი იყო, მუშტრის თვალს არ აშორებდა ქალიმას.

დილით ყუნცელი გაისტუმრეს, ქალიმათმაც გაიგო, რომ ბიძას დაუკითხავად გადაეწყვიტა მისი ბედი, ყუნცელის ვაჟზე დაენიშნა. უარზე დადგა, თავს მოვიკლავ და ვისაც არ ვიცნობ, იმას არ გავყვე ბიო. მაგრამ ბიძამ ხმაც არ ამოაღებინა.

რამდენიმე დღის შემდეგ ვანოს ახალმა მოყვრებმა მდიდრული ურვათი გამოგზავნეს. საქონელს „სიძეე“ მოჰყვა. მშვენიერი ვაჟკაცი — თვალადი, ტანადი, თავდაჭერილი, ზრდილი. ერთი სიტყვით დასაწუნი არაფერი ჰქონდა. ქალიმათმა რომ დაინახა, თვალთ დაუბნელდა. სწორედ ასეთად ჰყავდა წარმოდგენილი საქმრო. და აი როგორ მოულოდნელად აუსრულდა ოცნება. ვაჟი შინ დაბრუნდა, ქალიმათი დალონდა. გული იმას გაჰყვა.

მას შემდეგ გზისკენ დააწყდა თვალები, მაგრამ იმან ფეხი აიკეცა და ქორწილამდე აღარ გამოჩენილა.

წაიყვანეს ქალიმათი.

გახაზებული იყო, ღმერთს მადლობას სწირავდა, რომ ობოლ-ობხერს ასეთი საოცნებო ბედი მისცა და გააბედნიერა.

მაყრიონი დილით, მზე რომ ამოიწვერა, მაშინ შევიდა თედოთიყაუში. იქუხა თოფმა. პირველად წვრილფეხობა შეეგება მათ. უცებ საიდანდაც გაბა გაჩნდა. უჩვეულოდ აბრიალებდა თვალებს, პირიდან დორბლებსა ჰყრიდა.

— პატარძალი მომიყვანეს, ვარაიდა-რაიდა! გამიშვით, უნდა ვაკოცო! — ამ სიტყვებით ქალიმათს საკოცნელად მიეტანა. ქალის მაყრებმა იუკადრისეს. ერთი მათგანი ცხენიდან ჩამოხტა და გაბას ხელი ჰკრა:

— იქით, სულელო, როგორ ბედავ!

— ჩემი ცოლია, ბაბამ მე მომიყვანა. მომეცით, ჩემია... — აზლუქუნდა გაბა.

გაბა წაიყვანეს. შეშინებული ქალიმათი ვერხვის ფოთოლივით ორთოდა. მაყრებმა დაამშვიდეს:

— ნუ გეშინია, გიყი ყოფილა, საბრალო, კი არ უნდა გეწყინოს.

მაყრიონი ყუენცელის ოჯახში მივიდა, მულებმა ქალიმათი ციმცია შეიყვანეს შინ. მთელი ღამე გზაში იყავი, დაიღლებოდიო. ქალის მაყრები სუფრაზე მიიწვიეს და თამბაქოს წვეწმერეული ღვინით ისე დაათვრეს, ფეხზე ერთიც ველარა დგებოდა.

5.

ქორწილია ყუენცელის ოჯახში.

თავი და ბოლო არ უჩანს სუფრას. ლიახვის წყალივით უხვად მოდის ლუდი, არაყი. ჰედლიას ფეხშოს ოხშივარი ასდის. გულსავსე ხაზიძენებს კბილები დაუკრეკიათ. ყველაფერი ბარაქიანად არის; მაგრამ პირს ღიმი არავის მოსდის. ფანდირს უკრავენ და შორიდან მისი ჰანგი ისე ისმის, თითქოს დასალუპად განწირული მშველელს უხმობს. არც სიმღერა ეწყობა.

უფროსები სადღეგრძელოებს წელავენ.

უმცროსები „ამინო“ უდასტურებენ.

მაინც შევიდა ქორწილი ეშხში. სადღეგრძელო სადღეგრძელოს მიჰყვა.

სუფრის თავში ზის ყუნცელი და მისი მოწყურული თვალები ავდარში შემცივნული ხელიკებივით დახტიან. თავისი თავით ასე კმაყოფილი არასოდეს ყოფილა. ყველაფერი ისე ოსტატურად მოაწყო, რომ ეჭვიც არავის შეპარვია და ყუნცელი ახლა პურ-მარილით ცდილობს ხალხის თვალის ახვევას.

ჯერჯერობით საქმე კარგად მიდის. მექორწილენი ჭამა-სმაში გაერთვნენ. ყუნცელს ისინი სულაც არ ეჭაშნიკება, მაგრამ მეტი რა გზაა. ახლა უნდა ეფეროს ყველას, რომ გაბას სიგიჟე არავინ წააძახოს. თუმცა რა, გაბა, მართალია, გიჟია, მაგრამ ამოდენა ქონება აღარაფერს ნიშნავს?

ჭკვიანებიც აგერ ბესოლანთ ცოფანის ბიჭები არიან. ვაყვაცობაში იმათ ვინ შეედრება, ან თვალტანადობაში, ახლა იმათი სიტყვა-პასუხი, მაგრამ ვის ჭირდება იმათი ვაყვაცობა, როცა შინ კატა არაფერს შეუქამთ და გარეთ ძაღლი. მამა სადღაც უფსკრულში ჩაიჩხება. საფლავის მიწაც არ ეღირსა. შვილებსაც ეგრე დაემართებათ. სად არის სამართალი, ლატაკ ცოფანს უნდა ჰყოლოდა ასეთი შვილები? აფსუსს, ყუნცელისა უნდა იყვნენ ისინი, რომ ქვეყანა ლეკური ნაბადივით მოეთელა. აგერ ახლაც სუფრის ბოლოში სხედან, არც ცეკვავენ, არც მღერიან, წელანსაქმეთ რაღაცაზე ტუტუნებენ, ნეტავ რა აქვთ ამდენი საჩურჩულო?!

ფანდირის ხმა ხეობას ეფინება.

გახშირდა ლხინი.

სადღეგრძელოებიც აღარ იღევა.

სიმღერას სიმღერა მოსდევს.

ბედნიერებით გაბრუებული ქალიმათი კუთხეში მორცხვობს. მულები თავს ევლებიან, ნუგბარ-ნუგბარ საქმელებს სთავაზობენ. უკვირს ქალიმათს. თავის აულში ბევრი პატარძალი უნახავს, მაგრამ ვაჟიანნი ასე არავის ევლებოდნენ თავს. „ნეტავ ის სად არის? ცალი თვალით მაინც დამანახვა. ძალიან მორცხვია. თუმცა რა, ერთხელა ვნახე, ხეირიანად არც დამლაპარაკებია.

ოჰ, ნეტავ მალე დამთავრდებოდეს ქორწილი. როგორ დავიღალე, მუხლები მეკვეთება, სადაცაა ჩამომიძინება. ნეტავ ის ახალგაზრდა ქალი რად არის დაღონებული? ამათი ნათესავი იქნება, მაგრამ რომ არ გამეცნო? ისე კი, რაღაცნაირად მიყურებს, თითქოს ჩემს წინაშე დანაშაული მიუძღოდეს. რამდენი ხანია ფანჯარას არ სცილდება. წელან, თითქოს, რაღაც უნდა ეთქვა. ნეტავ რა უნდა? ღმერთმა იცის.

საკვირველია, ფანდირის ხმა მოთქმად რად მესმის? რა ხალხია, მომიყვანეს და ჩამეკეტეს აქ. სხვები მხიარულობენ, მე კი... სადა თქმულა, ჩემს ქორწილში ერთხელ მაინც არ ვიცეკვო, თვალი ხომ არ მეცემა, გამიყვანონ გარეთ.

ესეც ჩემი დედამთილი. თითქოს არც ეს არის გახარებული. პირ-

დაპირ არ მიყურებს. ქალს რაღაც უთხრა. იქნებ გარეთ გავიდნენ, სხედან და პირში შემომტკერიან. გიშველათ ღმერთმა, ძლივს აჩ მომ-
შორდნენ? მაგრამ ამას რა უნდა?”

ფანჯარასთან რომ ახალგაზრდა ქალი იდგა, ქალიშათთან შევიდა. კარი შეიღიდან ჩარაზა.

— სისხლისმსმელები. ნეტავ შემეძლოს და ერთი ქანგიანი დანით დამახოცინა ყველა!

„ვიამე, რაშია საქმე? რაღაც აწუხებს, მაგრამ რა?“

— არა ვარ კარგი მახარობელი, ჩემო დაო, მაგრამ მაინც ყველაფერი უნდა გითხრა, მომისმინე, თორემ საცაა, ის ჯაღოები ისევ მოგაკითხავენ.

„რა უნდა მითხრას... ო, ღვთისმშობელო დედაო, რა ცუდს მიტყვამს გული!..“

— ობოლი ხარ, ვიცი. მეც ობოლი ვიყავი და ამათ მიყიდეს. შენი ტუჩიანი მული ჩემი დედამთილია. ძალით სიყვარული არ შეიძლება და არც მე შემეყვარდნენ. შენი მდგომარეობა უარესია, ბეჩავო. ყური მიგდე, მხოლოდ დედ-მამის ხსოვნას გაფიცებ, ჩემი სახელი არ ახსენო, თორემ ცოცხლად დამწვავენ. თუმცა, თუ გაიცებენ, გაიგონ, არ მეშინია. ახლა ჩემთვის სულ ერთია ყველაფერი.

„ჩქარა, თქვი, რას მიმზადებს ბედი? თქვი, თორემ გასკდა გული!“

— შენი საქმრო ის არ იყო, ვინც დაგნიშნა. დილას რომ წინ გიყი შემოგეგებათ, იმისთვის მოგიყვანეს. იცოდნენ, რომ გენახა, არ გაჰყვებოდი და მის მაგიერ სხვა გაჩვენეს. გარეთაც იმიტომ არ გიშვებენ, რომ სიმართლე არავინ გითხრას. მე არ შემეძლია გაჩუმება და გითხარი ყველაფერი. ახლა შენ იცი. როცა დაბნელდება, გარეთ გაგატარებ და მაშინ გაიქეცი. არაფერი მკითხო, ვილაც მოდის...

თავზარი დაეცა ქალიშათს. დედამიწა დატრიალდა. თვალები აუჭრელდა. რა ბილწი და საზიზღარი ყოფილა ქვეყანა. ნუთუ ყველაფერი სიცრუეა? სიცოცხლეც, სიყვარულიც? აქაც მოტყუვდა. პირველად ვინც ნახა, ვისთანაც ოცნებით უკვე ააშენა ოქროს კოშკები, ვისაც გულში ათასი საალერსო სახელი შეარქვა, თურმე სულაც არ არსებულა. ცაზე მრავალთა შორის ყველაზე ძლიერ რომელიც ბრწყინავდა, ის ვარსკვლავი მოწყდა და ქალიშათის ოცნებასა და იმედებთან ერთად მიწაზე დაენარცხა! დაენარცხა და წვრილად დაიმსხვრა. თავზარდაცემულს თითქოს სიცოცხლე გაეყარა. დაბნელდა მისთვის ქვეყანა, ჩაქრა მზე...

ისევ მოგროვდნენ „ყარაულები“. აქეთ-იქიდან ელაპარაკებიან, მაგრამ ქალიშათს არც არაფერი ესმის და არც არაფერს ხედავს. თვალები დახარა და დედამიწას დააჩერდა. იმედის პატარა ბეწვს ეძებს, მაგრამ ხელჩასაქიდს ვერაფერს აგნებს. შევლასაც არავინ თხოვს!

მოგვიანებით ტახტზე თავის საქორწილო თეთრი აბრეშუმის შალს მოჰკრა თვალი და ოდნავ დამშვიდდა.

— თუ შეიძლება, ცოტა ხანს მარტო დამტოვეთ. — სულ დაავი-

წყდა, რომ უფროს მულებს ხმა არ უნდა გააგონოს.¹ ტუჩიანი მულა ვიშვიშს მოჰყვა.

— ღმერთო მომკალი, როგორ გამოვშტერდი,.. ნუ გვერიდები, თავს შემოგვევლე, თუ რამე გინდა...

— არა, როგორღაც თავი მტკივა...

— კი, გენაცვალე, კი. ცოტა ხანს წაიძინე და გაგივლის. ვარდის, წამოღი, ქალო, ცოტა დაისვენოს.

ქალიმთი მარტო დარჩა. კართან მიიჭრა და ჩარაზა.

მერე დედაბოძზე მუხის სოლი დალანდა და შვებით ამოისუნთქა. თავშალი აიტაცა ტახტიდან... სასიკვდილოდ გაიმეტა თავი...

6.

მექორწილებს სასმელმა თავი წაართვა. ვისაც რა ეპრიანება იმას აკეთებს. ზოგი მღერის, ზოგი ცეკვავს, ზოგიც ლაპარაკად ქცეულა, ფანდირიც თითქოს დამთვრალაო, ხმას უფრო და უფრო უწევს.

გამხიარულდა ყუნცელი. ეს დიდებული ქორწილი მთელ ხეობაში ღიდხანს არ დაავიწყდებათ. მერიქიფეს დაუძახა, ჯიხვის ყანწი მოითხოვა. ფეხზე წამოდგა და მექორწილეთა ყურადღება მიიქცია.

— ხალხო, ძვირფასო სტუმრებო! — ცის ქუხილივით გაისმა მისი ხმა, მაგრამ იმ წუთში ვილაცის წამოკივლებამ გაუწყვიტა სიტყვა.

— მიშველეთ, პატარძალმა თავი ჩამოიხრჩო!

თითქოს ფუტკრის სკამი წყალი ჩაასხესო, ისე აირია ხალხი და დამფრთხალი ფარასავით მიაწყდა სახლს.

ყუნცელს სავსე ყანწი ხელიდან გაუვარდა. გველივით გაძვრა ხალხში და შინ შევარდა. ოთახი სავსე იყო ქალებით და მათ წიოკს ყურთასმენა მიჰქონდა.

— დაიკარგეთ აქედან! — იღრიალა ყუნცელმა. ქალები გაჩუმდნენ. ზოგი გარეთ გაიპარა.

ლოგინზე პირადმა წევს პატარძალი. სანთლისფერ სახეზე სიცოცხლის ნიშან-წყალი აღარ ეტყობა. მხოლოდ დროდადრო გალურჯებულ ტუჩებს უღონოდ აცმატუნებს. მოშვილდულ წარბებქვეშ თვალები გადმოკარკვლია, ყელზე ყულფის კვალი აჩნია.

მულები გარს ახვევიან და წყლით აბრუნებენ გულწასულს. მკერდს უზღელენ. ყუნცელს შერცხვა, პატარძალი რომ ამ ყოფაში დაინახა. გვერდით მიბრუნდა და ჯავრი შვილებზე გადმოანთხია.

— რაღას ყარაულობდით, ვირებო, ზომ გაგაფრთხილეთ, მარტო არ დატოვოთ-მეთქი?!

— ცოტას წავიძინებო და... ვინ იფიქრებდა...

— ვინ იფიქრებდა! ვინ იფიქრებდა! ამას, რომ რამე დაემართოს, თქვენი ხელით გაითხარეთ საფლავები! — დააბრიალა თვალები ყუნ-

¹ რძალი ოჯახის უფროსს ხმას არ აგონებდა.

ცელმა და კარი შიგნიდან ჩარაზა, რომ მისი სირცხვილი აღარავის დაენახა.

გარეთ მთვრალი ხალხი ბობოქრობდა. საქორწილო სუფრა გადაატრიალეს და ყუნცელის დოვლათ-ბარაქა ნაგავსა და მტვერში აირია. ყუნცელმა ადრევე დაიჭირა თადარიგი. ქალის მაყრები თამბაქოსწვენი-შერეული ღვინით დაათრო და კარგა ხანია დარბაზში „მოასვენა“; მაგრამ წივილ-კივილზე დაბანგულებმა მაინც გაიღვიძეს და გაიგეს, ქალიმათი მოკლესო.

— სად არის ჩვენი ქალი, ვინ მოკლა? — ყვიროდნენ ისინი და შიგნით მიიწევდნენ.

ბარსაგმა მოსალოდნელი ხიფათი იგრძნო და ხასანას მოეთათბირა. მათ ახალგაზრდობა შეკრიბეს და გაათრთხილეს:

— ბიჭებო, ხომ ხედავთ შევრცხვით, მაგრამ სისხლს მაინც ნუ დავლვრევივინებთ. ყუნცელის მომხრეები ამოხოცავენ დაბანგულ მაყრებს, ცოდვა ჩვენ დაგვედება კისრად.

სწორედ ამ დროს გაბა გამოჩნდა. დილით ყუნცელმა საბძელში შეაგდო: — ხალხს ფეხებში ნულარ აებლანდები, სულელო, აგერ თივაზე დაეგდე და სალამომდე ჩემმა თვალებმა გარეთ არ გნახოს, თორემ თირკმელებს გაგაყრევივინებ ცემით, — დაემუქრა და გარედან კლიტით დაუყეტა კარი. გაბა ქუჭრუტანიდან იყურებოდა ეზოში. უკვირდა, ამდენი ხალხი რისთვის მოგროვდა. რატომ მღერიან, რა უნდათ? მერე დაიღალა და თივაზე მიეძინა. ყვირილზე გაელვიძა. ეცა ქუჭრუტანას. ეზოში ერთი გაწევე-გამოწევა და ყვირილია. გაბამ იფიქრა, ალბათ, დილას რომ ცოლი მომიყვანეს, იმას მართმევენო და ლომს წამოაელო ხელი. საბძლის კარი გამოამტვრია და გამოვარდა. არეულობაში დრო იხელთა, ერთ მაყარს მიეპარა და ჯოხი სთხლიშა თავში. მეორედ რომ აღმართა ხელი, მაჯაში სწვდა ვილაც და ყბაში ლაზათიანი სილა გააწნა.

— მომკლეს, ბაბა! — ილრიალა გაბამ და მიწაზე გაიშხლართა.

ზორაანთ ხანჯლები დააძრეს. ახალგაზრდები ქალის მაყრებს გარს შემოეხვივნენ და მათთან არავის უშეებენ.

— ვინც ამათ ბეწვსაც კი გაუმრუდებს, ჩვენთან ექნება საქმე. — ხანჯალი აალაპლაპა ხასანამ და წინ გადაუდგა ზორაანთ რჩეულებს.

ზორაანთ იგრძნეს, რომ ხალხი სტუმრებს მიემხრო და რალა გზა ჰქონდათ, ხანჯლები ჩააგეს.

კარი გაიღო და ყუნცელი ცოფიანივით გამოვარდა.

— რა შფოთი ატეხეთ, გულდამშივრებო, კარგად არის თქვენი ქალი, არავისაც არ მოუკლავს.

— შეგვიშვით, ვნახოთ! — ისევ შიგნით იწევენ მაყრები.

— რა არის, ყუნცელ, ნამუსი აღარა გაქვს? შეუშვი, ნახონ თავიანთი და, საგვარეულომ ამათ ჩააბარა ეგ ქალი. აღარც სირცხვილი, აღარც ნამუსი! — უსაყვედურა ძაქომ ყუნცელს.

— ხალხის პატივისცემა და რიდი აღარა აქვთ. ძაქო და მასხარად

გვიგდებენ. ის არ კნარა, რომ ასე სასტიკად მოატყუეს, ახლა საცემ-
რალად იწვევენ? — წინ წამოდგა ხასანა.

ამისი ეშინოდა ყუნცელს და არ ასცდა. უხათაბალოდ ვერ მოაგ-
ვარა საქმე. პატარძალიც უმიზეზოდ არ იხრჩობდა თავს. ბეწვზე გა-
დარჩა. ახლა ქალის მაყრებმა რომ გაიგონ საქმის ვითარება, ხომ დაი-
ლუბა. ყველაფერი. ჩხუბითა და აყალმაყალით არაფერი გამოვა, ისევ
დაყვავება აჯობებს, — გაიფიქრა ყუნცელმა და მოლბა.

— ქეშმარიტებას ამბობ, ძაქო, მაგრამ ჩვენც რაში ვტყუით, მარ-
თლა ხომ არ მოგვიკლავს მაგათი ქალი? მოლით და ნახეთ, შვილო, ვინ
გიშლით...

ხალხმა გზა მისცა ქალის მაყრებს.

ყუნცელი თავის შეკავებას შეეცადა, მაგრამ ვერ შეძლო. ბოროტი
მზერა ესროლა ხასანას.

— შენ კიდეც, მშვიერი ცოფანის ლეკვო, ვინა ხარ? ამოგელება კი
ხმა? არც სახელი გაქვს და არც გვარი. დედაშენმა სალდაც უდაბურ
ხევში დაგაგდო და ისიც არავინ იცის, ვისი ოხერი ხარ! ახლავე დაი-
კარგე ჩემი არემარიდან!

გახელდა ხასანა. გულს ისარივით დაესო ყუნცელის ნაბოდვარი.
თავში აუვარდა სისხლი.

— ვის ეუბნები მაგეებს?

— ძაღლის ნაშობს, რომელიც ჩემს ეზოში იღრინება!

— ბებერო მგელი! მე შენ გიჩვენებ, ვისი ნაშობიცა ვარ! — ხან-
ჯალზე გაიქრა ხელი და იქვე შუაზე გააპობდა ყუნცელის ბოროტებით
სავსე გულს, ძაქოს რომ მარჯვენა არ გაეკავებინა.

— რას შვრები, ხასანა, როგორ ბედავ მაშის ტოლ კაცზე ხელის
აღმართვას?

— გამიშვი, ძაქო, მოვკლა ეგ ბებერი მგელი, ეგა. პირველი არ
არის მაგისგან ცილისწამება და დაცინვა. თუმცა დასაცინი თვითონ
არის ეგ უბედური, ვილაცის ობოლი ქალი თავის დორბლიანსა და სუ-
ლელ შვილს მოუყვანა და გგონია, სინდისის ქენჯნას გრძნობს?

— ჩემი სულელი შვილი მაინც თქვენზე უკეთესია. ჭერ დედა-
თქვენს მიხედვით, მშვიერს რომ ძვრება სული, მერე ჩემს შვილზე ილა-
პარაკეთ.

გახელდა ყუნცელი, სიძეებს უხმობს, ცოფანის ლეკვები თუ ვერ
დაძლნენ, ძვლები მაინც მიუყარეთო.

— ძაღლი შენა ხარ და შენი საქმელიც სალაფავია. ცოფანას შვი-
ლებს არ უნდათ შენსავით სხვისი შრომით გამდიდრება. დედაჩვენიც
არასოდეს მოსულა შენთან პურის სათხოვნელად და ენა ჩაიგდე, თო-
რემ თუ კიდეც გიხსენებია მისი სახელი, აი ეს ხალხი იყოს მოწმე, უკან
ჩაგთხრი ნათქვამს. შე სისხლისმსმელო, შენა!

— მემუქრები კიდეც? ვაი, შე ტილიანო! რა იქენით, ზორაანო,
ხომ ხედავთ რეები მაკადრა ცოფანას ლეკვმა. გვარის უფროსის ლან-

აღვა იგივე თქვენი ლანძღვა, თქვე გასაწყვეტებო, და როგორ უთმენთ, როგორ?

— ყუნცელ, იყუჩე, ერთი უბედურება უკვე მოხდა შენს ოჯახში და მეორეს ნულარ ეძებ, — ძაქომ მართალი თვალები მახათივით გაუყარა ყუნცელს გულში, — იყუჩე-მეთქი, მოთმინებიდან ნუ გამოიყვან ხალხს, თორემ შენს სუფრაზე სისხლის წვიმა წამოვა, კახა დედაკაცივით ნუ იცი რატრათი. იმიტომ დაგვპატიე. რომ ხიფათში გაგვხვიო? უმცროსი როცა ცდება, უფროსი ჭკუას არიგებს, შენ კი...

— მერე, მე ხომ არაფერს... — თავი მოიკატუნა ყუნცელმა. — ჩემში შევილი რომ უბედურია, ჩემზე მეტად ვინ განიცდის ამას და ვილაციის ლეკვი რატომ მადგამს იარაზე ფეხს?

— შენი ბრალია ყველაფერი. აბა, ბიჭებო, სახლებში წადით. და ისვენონ მასპინძლებმა. ჰო, ამ საცოდავ ქალს მიხედეთ. რამე რომ დაეშართოს, სალექსოდ გაგვხდიან. სტუმრებსაც უგდეთ ყური. კარგი მასპინძელი სტუმარს არავის აცემინებს. ეს აქამდე უნდა გცოდნოდა, ყუნცელ!

ძაქოს სიტყვები დანასავით უსერავედა გულს ყუნცელს, მაგრამ რა ეთქმოდა. ხალხი დაიშალა, თითო-თითოდ წავილ-წამოვიდნენ, დაცარიელდა ეზო. გადაყირავებულ სუფრებზე მხოლოდ აულის ძაღლებს გაემართათ ჩარბუხანა.

7.

დიდი ხანია უკანასკნელი ნაღვერდალიც ჩაიფერთლა. ფანჯრიდან საესე მთვარე შემოიჭრა, კერიაზე სიბნელეს სამკვდრო-სასიცოცხლო ბრძოლა გაუმართა და აჯობა კიდეც. განათდა მიწური.

შუალამე გადავიდა, მაგრამ ძილი არავის ეკარება. ხან ერთი იცვლის გვერდს, ხან მეორე.

გრძნობს ყიზმიდა, რომ არა სძინავთ ბიჭებს. მიზეზიც იცის, მაგრამ აგერ ამდენი ხანია ფიქრობს და ვერ გადაუწყვეტია, უთხრას თუ არა სიმართლე. ენა გაუხმეს ყუნცელს. ცხოვრობდნენ ტკბილად, მშვიდად, რამდენი წელი მალა საიდუმლო და ახლა როგორ გამოტყდეს. ვინ იცის, მათთვის ახალ ამბავს როგორ მიიღებენ შვილები. საღამოთი აღელვებულები მოვიდნენ. დანა კბილს არ უხსნიდათ. არაფერი უთქვამთ, მაგრამ რას გამოაპარებენ დედას. მეზობლებში გადავიდა. უთხრეს, ყუნცელმა ხასანას წააყვედრა ღობის ძირში ნაშობო. გული გადაუქანდა ყიზმიდას. იცის ასეთ ნაცილს არავის აპატიებენ მისი შვილები. ჯერ ეგონა დაიძინებენ და იქნებ დაავიწყდეთო, მაგრამ ხედავს, რომ არც ერთს არ ეკარება რული. სიმართლის გაგება უნდათ, მაგრამ ვერ უბედავენ დედას შეკითხვას.

ყიზმიდა ფიქრმა შორს გაიტაცა... ერთი თვისა იქნებოდა ბარსაგი, როდესაც ცოფანი სანადიროდ წავიდა. სადილობამდე უკანვე დაბრუნდა. უცნაური ბოხჩა ეჭირა ხელში.

— დედაკაცო¹, გამომართვი ჩქარა, თორემ მოკვდება.

— რა არის, კაცო? — გაოცდა ყიზმიდა.

— ბავშვი, ქალო, ხეობაში ვიპოვე...

— რა ვქნა, ხომ არ შეიშალე, რის ბავშვი, რა ბავშვი?

— გამომართვი, ძუძუ მიეცი და ყველაფერს გეტყვი.

ყიზმიდამ გამოართვა ბოხჩა. გაშალა და ახალდაბადებული ბავშვი რომ დაინახა, კინალამ გული შეუღონდა. ბავშვი ტირილითა და სიცივით გალურჯებულიყო. ოდნავლა აცმატუნებდა ტუჩებს. ყიზმიდამ სავსე ძუძუ ძალით ჩაუღო პირში. ორი-სამი ყლუპი ხელით ჩააწველა. და ბავშვმა მერელა დაუწყო წოვა.

გულზე ეფონა ცოფანს, მძიმედ დაეშვა სკამზე და ზღაპარივით დაიწყო.

— დიდი საცოდაობა ვნახე, დედაკაცო! ენა არ მიბრუნდება მის სათქმელად...

მას შემდეგ რამდენი წელიწადი გავიდა. ყიზმიდა საიდუმლოს ღრმად ინახავდა. ახლა რა ქნას?

და ადგა დედა. ტანთ ჩაიცვა, კვარს მოუკიდა.

— რატომ არ გძინავთ, შვილებო?

— ძილი გაგვიკრთა, ნანა...

— ო, ღვთისმშობელო, გული გაუხეთქე იმას, ვინც ჩემს ბიჭებს ძილი დაუკარგა. ვიცი, რადაც გაგიკრთათ ძილი. შვილებო. მომისმინეთ, გეტყვით სიმართლეს.

ყიზმიდამ შვილებს ზღაპარივით უამბო ცოფანის მონათხრობა, მხოლოდ ის დაუმალა, ვისი გვარისა იყო ქალი, არ დასცალდა ეთქვაო.

— მიჭირდა ძალიან. ერთს რომ გაწოვებდით ძუძუს, მეორე ჩხავილით იკლებდა ქვეყანას. ნათხოვარი რძით გამოგზარდეთ. როცა მოგნათლეთ, ერთს ხასანა დაგარქვით, მეორეს ბარსაგი. მამათქვენი ხელმოკლე იყო. მიწა არა გექონდა. ნადირობაში კი ტოლი არა ჰყავდა იმ ცხონებულს. ნანადირევით გვარჩენდა. ერთხელ ჭიხვზე წავიდა სანადიროდ და აღარ დაბრუნებულა, დავკარგე მკვდარიც და ცოცხალიც. დავრჩით ულუკმაპუროდ ცარიელ სახლში. მაგრამ მადლობა ღმერთს, არ დავხოცილვართ. როგორც იყო გამოგზარდეთ, დანარჩენი ხომ თქვენ თვითონ იცით. მართალია, მდიდრები არა ხართ, მაგრამ ჭანი გაქვთ და ვცხოვრობთ ქვეყანაზე. ამ ამბავს საფლავში ჩავიტანდი, მაგრამ ყუნცელს ამოუწყდეს ოჯახი...

— ბაბამ რომ ბავშვი იპოვა, რომელი ჩვენთაგანია, ნანა? — ამოიკვნესა ხასანამ.

— არა თქვა, ნანა, არ მინდა ვიცოდე, რომელი გვიპოვა ბაბამ. — წამოიძახა ბარსაგმა, თითქოს იმის დაკარგვისა შეეშინდა, რაც დღევანდლამდე ყველაზე ძვირფასი ებადათ. — ხასა, დაივიწყე, რაც გვითხრა. ნანამ, არავინაც არ უპოვია ბაბას. ჩვენ ერთად დავიბადეთ...

¹ ოსეთში ცოლი და ქმარი სახელით არ მიმართავდნენ ერთმანეთს.

— ორივე ჩემი ხართ, დედა გენაცვალოთ. ერთი ძუძუ გაწოვეთ. ერთნაირად გაგზარდეთ. არასოდეს განმისხვავებიხართ. ერთი გული მაქვს, ორად გავყავი, ნახევარი შენ, ხასანა და ნახევარი შენ, ბარსაგ. როგორც ჩემი ორი თვალისა და ორი ხელის განსხვავება არ შემოძლია, ისე თქვენი. კარგი ვაჟკაცები დამეზარდეთ, თავს შემოგველოთ დედა, ბევრი შეძლებული ოჯახი ინატრებს თქვენისთანებს. ხალხს უყვარხართ, ბოროტ ენას კი ნუ აპყვებით, შვილებო.

ყიზმიდამ არ თქვა, ნაპოვნი რომელი მათგანი იყო. მაგრამ ხასანა მიხვდა, ის ბავშვი თვითონ იყო. ყუნცელმა ხომ წააძახა: „ოხერ-ტიალო, ლობის ძირას დაგდებულო“.

— ვინ იყო ის ქალი?

— ვერ გავიგეთ, შვილო, იმ დღესვე საკაცით ჩამოასვენა მამა-თქვენმა და დაეასაფლავეთ.

— სად?

დედა მიხვდა, რასაც მოითხოვდა ხასანა.

— დილაზე გაჩვენებთ.

— მთვარიანი ღამეა, ნანა...

ალარაფერი თქვა დედამ.

სასაფლაოზე, ბესოლანთ საგვარეულო სამარხის ახლოს განცალკევებულ სამარეს დაადგნენ თავზე. ხასანა დაიხარა და საფლავის მიწას ხელით შეეხო. ბოლმა ყელში აწვებოდა და ახრჩობდა. აი მისი მშობლის საფლავი. ბავშვობაში რამდენჯერ უთამაშია ამ სამარესთან. საფლავი რომ გამოცალკევებულა, ეს დიდი ხანია შეამჩნია, მაგრამ მიზეზი არასოდეს უკითხავს. ნეტავ ვინ იყო და რამ მიიყვანა უღრან ტყეში? ვინ მოძებნოს, ვის მოჰკითხოს დედის სისხლი? ვინ იყო მამამისი? სად არის ახლა? კითხულობდა ხასანა, მაგრამ ცივი სამარე ღუმ-და, საიდუმლო მძიმე ლოდქვეშ გათანგულიყო სამუდამოდ.

— ნათელში იყავ, ჩემო უცნობო დაო, კვდებოდი და შვილზე ფიქრობდი მაინც. აი გაგიზარდე ვაჟკაცი. მაპატიე, თუ ვერ შევეძელი ბევრის გაკეთება. რა ვქნა, მეც არ ვიყავი ბედნიერი. სიღარიბემ გატეხა ჩემი ჭანი. — ყიზმიდამ მოსახვევის ყურით ამოიწმინდა ცრემლი, — შვილო, ორიოდ ცრემლი დააგდე დედას.

ყიზმიდამ შვილს სახელით არ მიმართა, მაგრამ ხასანა მიხვდა, რომ დედის სიტყვები მას ეკუთვნოდა. გაქვავდა გული, ცრემლის გამოწურვა ვერ შეძლო.

— მაპატიე, ნანა, არც სახელი ვიცი შენი და არც გვარი. ამ დაწყველილ ქვეყანაზე დამტოვე ბრმა. როცა თვალი გაეახილე, ჩემი აკვნის კამარაზე ნანა დაეინახე დამზობილი. ეს არის ჩემი დედა. შენ კი ამიერიდან ჩემი გულის დარდი იქნები მხოლოდ.

მთვარე ცის კაბადონზე მიცურავდა. ქვემო უბნიდან მამლის ყივილი მოისმა. ყიზმიდამ შვილებს წინ გაუსწრო.

ბნელ ოთახში ერთ საწოლზე წვანან დედამთილი და რძალი. გუშინ-დელი ამბის შემდეგ დუღუმ ახლოს აღარავინ გააქარა რძალს და მას შემდეგ სულ ეჩურჩულება.

— ეგეთი რამ აღარ გააკეთო, შვილო. სიცოცხლე ერთხელ ეძლევა ადამიანს, მერე რა ლამაზია იგი. შენ კი საკუთარი ხელით ისწრაფებდი, როგორ შეიძლება? ეჰ, მეც ბევრჯერ მივსულვარ თვითმკვლელობამდე. მაგრამ მერე მიფიქრია, რადა, რისთვის გავწირო თავი? ის მოკვდეს, ვინც ჩვენ თავის მოკვლა გვაფიქრებინა. ასე არ არის, რძალო? შენ იმათ ჭკუით უნდა აჯობო. გაგაცურეს? გააცურე. ბერიკაცი მე მომანდე. შენს ცოდვას მისი კისრიდან ამოვიღებ. მეც ეგრე მომატყუეს. მამაჩემმა ნივთივით გამყიდა, დავბერდი და ჩემი სული და გული მაინც არ მიეკარა ამ უბედურს. მრცხენია, რომ ვთქვა, მაგრამ რა ვქნა, საკუთარი შვილებიც კი არ მყვარებია. ჩემი ქალები მამასავით უგულოები და გაუმაძლარი მგლები არიან. ვერც იმათ გამიგეს გულისტყვილი. თუმცა რა იმათი ბრალია, ასეთი მამისაგან სხვანაირი შვილები არ გამოვიდოდნენ. ბიჭი — გიჟი, მემკვიდრე უნდოდა და ვერ მივეცი. დამახრჩო საყვედურით. შენც მემკვიდრისათვის გიყიდა. კისერი მოსჭედეს. მეგონა ერთი ვილაც დაბდური, უშნო და უბედური იყავი. რომ დაგინახე, გული მომიკვდა. ახლა ხომ ყველაფერი იცი. შეატყობაა ბიძაშენს, ჩამოვიდეს, ურვათი დააბრუნოს და წაგიყვანოს. ეგეთმა ბიძამ სისხლი არწყვიოს. იცოდა ყველაფერი, იმიტომ მოითხოვა ორმაგი ურვათი. საქონელი რომ დაინახა, მგელივით დაეხარბა, ველარ ოღებოდა.

ქალიმათს ეგონა, ბიძამისიც მოატყუეს და ახლა ამ ამბავს რომ გაიგებს, ჩამოეჭრება ყუნცელს, ურვათს უკან მიუყრის და ძმისწულს შინ წაიყვანსო. მაგრამ თურმე ქვეყანა სიცრუეზე ყოფილა დამყარებული. ახლა რა ქნას? გაიქცეს? სად?

კენესის გული.

ფიქალ ლაწივებს შანთივით კვალავს მწველი ცრემლი.

— კარგი, გენაცვალე. გეყოფა ამდენი ტირილი, — დუღუმ მკერდზე მიიკრა ქალიმათი. — ჩემი ცოცხალი თავით შენი გაუბედურების ნებას არავის მივცემ. ვიცი, რომც გაიქცე, ბიძაშენი თმით მოგატარებს უკან. შენს ფასად აღებულ მსუქან ლუქმას აგრე უბრალოდ არ დათმობს. ჰო, მაგრამ რა მოლიფიქრო, ჩემო საცოდავო რძალო, რა გიყო! რომ ვიცოდე, შინ უკეთესი მდგომარეობა გექნება. მე თვითონ დაგაბრუნებდი, მაგრამ მეშინია, ვაითუ იქ უფრო უბედური იქნე. — დუღუ გაჩუმდა. მდგომარეობიდან გამოსავალს ეძებდა. — დარჩი, შვილო, — უთხრა მან ქალიმათს მოულოდნელად. — დარჩი, ასე აჯობებს. ჩემი საცოდავი შვილისა ნუ გეშინია, ის არაფერს გავნებს. იმან ცოლისა არაფერი იცის, უნდა მეთქვა კაცისთვის, მაგრამ ვერ გავებდე. ჰოდა, აი ჩავდექით შენს ცოდვაში. შენს მამამთილსა ჰგონია, რომ მემკვიდ-

რეს გაუჩენ. ეგ უბედური, ეგა, წყალწალელებული ხავსს ექიდებოდაო, ისეა მაგის საქმე. რას იზამ, ჭერჭერობით იცხოვრე ჩვენთან, მერე ღმერთია მოწყალე. ცას ხომ არ შევებერდებით და რაც გაგვანჩია შენი არ იქნება? რაც გინდა, ის გააკეთე. იქნებ ღმერთმა ცოდვად ჩამითვალოს ოჯახისადმი ასეთი დამოკიდებულება, მაგრამ რაც იქნება, იქნება. მეცოდები ობოლ-ობხერი ასე რომ მოგატყუეს. ახლა დაიძინე, გენაცვალე, ხვალ სტუმრები გვეყოლება. შენი მაყრებიც, შენი ჭირი იმათ, ისე გაიპარნენ, არც დაგემშვიდობნენ.

როგორ არა, ქალიმათთან უფროსი მაყარი ძიბულა იყო, თუ გინდა წაგიყვანთო. მაგრამ ქალიმათი გაქვავდა. თითქოს ყელის სიმები ჩაუწყვიტესო, ხმა ვერ ამოიღო. ახლაც ასეა, განძრევა არ შეუძლია, თორემ ამ სატიאלო სახლიდან შორს გაიქცეოდა, ჰო, მაგრამ, სად წავიდეს, საით გაიქცეს? მისთვის ყველგან დასშულია კარი. მართალი თქვა დუღუმ. მეტი გზა არა აქვს, უნდა დარჩეს. იმ გიყს ახლოს არ მიიკარებს, მერე იქნება უშველოს თავს. მწარე ნალველი გადაყლაპა ქალიმათმა და ბედის უსაჰო ნავს მიანდო თავი.

გეომთხე თავი

ამ შეწადა უსასრულო გზა

1.

ზეცის ბინადრებს უწოდებენ ამ ხეობაში ცარგასბადანის¹ მკვიდრთ. და მართლაც, თითქოს ღმერთზე შურისსაძიებლად აღზევებული მიწიერი მამაცნი და ძალგულოვანნი დიდი ვაი-ვაგლახის შემდეგ დალილიან და კავკასიონის ერთი მაღალი მწვერვალის თიზმაგხოხის ძირში დასასვენებლად გვერდიგვერდ მიწოლილიანო, ისეთ შთაბეჭდილებას ტოვებს მწვერვალის ფერღობზე ერთიმეორეზე მიტყუებელი ბანიანი მიწურები.

აულში სამი გვარი ბინადრობს: სლონათი, ცომითი და გალუანთი. სამივე გვარს თავ-თავისი ციხე აქვს.

კოშკები ყველაზე მეტად მომხდური მტრისაგან თავის დასაცავად ესაჭიროებოდათ. როცა მოძალადე გამოჩნდებოდა, დიდი და პატარა ციხე-კოშკებს შეაფარებდა თავს. სათოფურებთან ადგილს დაიჭერდნენ გვარის საუკეთესო ვაჟაკები და მტერს ციხესთან ახლოს არ უშვებდნენ. სამკვდრო-სასიცოცხლო ბრძოლას უცხადებდნენ.

და დგანან ამაყად საუკუნიდან საუკუნემდე — ცარგასბადანის ცი-

¹ ცარგასბადანი — არწივის საბუღარი.

ხე-კოშკები. თუმცა ახლა ისე ხშირად აღარავის სჭირდება ისინი. რაც ოსეთი რუსეთს შეუერთდა, ბოლო მოელო გარეშე მტრის თავისუფალ თარეშს. მაგრამ აული მაინც ამაყობს მათით. მამა-პაპიდან მოყოლებული თავიანთი ციხეებივით, თავს არავის უხრიან — არც გარეშე მტერს, არც თავხედ აღდარებს და არც ბუნების სიმკაცრეს.

კოშკებზე მაღალი თიხმაგზოხია. მახვილივით ალესილ წვერზე ცა წამოუგიაო თითქოს. დგას და ამაყად დაჰყურებს ფეხქვეშ გართხმულ ქვეყანას. ავი და დაუნდობელი, თითქოს ნაწყენია, რომ მიწიერმა ადამიანებმა გაბედეს და მარადიული მყუდროება დაუღრვიეს, ამიტომ გაბოროტდა და აულს მუდამ შიშის ზარს სცემს. ხან სეტყვას მოუვლენს და მარცვალს არ შეატანიანებს შინ, ხან ნიაღვარს დაუშვებს და პირწმინდად წაალეკინებს მიწის ბარაქას. ზამთარში კი იმდენ თოვლს დააყრის, რომ გაზაფხულამდე მეზობელი მეზობელთან ველარ მიდის. ხანდახან თითქოს გაიბუტაო, თავზე ღრუბლის სქელ საბურველს მოიბურავს და ტირის, ტირის ჩუმად. როცა ცრემლად დაიცილება, ერთი შეუებრავს ღრუბლებს, აქეთ-იქით გაფანტავს და ისევ ამაყად ჩახედავს აულს. როცა თიხმაგზოხი კარგ ხასიათზეა, სიცილიც იცის. მაშინ რამდენიმე ხანს მზიანი დარი დგება.

მზიან ამინდში შინ ვინ გაჩერდება. დიდი და პატარა ყველა საქმეს აშურებს, მოხუცებსაც გაუთენდებათ ხოლმე. ჯოხის ბჯენით ნიხასში¹ გავლენ, იქ ნალესი ქვის სკამებზე უფროს-უმცროსობის მიხედვით ჩარიგდებიან და იწყება ბჭობა.

გაზაფხულზე, როცა კაცები თავიანთი მწირი მიწის პატარა ახობებს დაამუშავებენ და ქერის თესლს მიწას მიაბარებენ, საქმე აღარაფერი აქვთ. მოწეული ჭირნახული ახალ წლამდე არც ერთ ოჯახს არ მიჰყვება. ამიტომ შრომისუნარიანი მამაკაცები მთის იქით ჩრდილოეთ ოსეთში გადადიან, იქ ბარის სოფლებში, შეძლებულ ოჯახებში მოჯამავირებებად იწყებენ მუშაობას. მერე შრომის საფასურად ქერით გატენილ ტომრებს აჰკიდებენ ცხენებს და შინ გამოეშურებიან, რომ თიბეაზე არ დაუგვიანდეთ.

მთების გადმოლახვა და საპალნიანი ცხენებითა და სახედრებით შინ დაბრუნება მთელი აულის დღესასწაულია.

ეჭ, რამდენი პურის მზიდავი აღარ დაბრუნებულა შინ, რამდენი მათგანი ჩაჩხილა უფსკრულში და ცოცხალიც დაკარგულა და მკვდარიც. ღროზე უნდა გადმოასწრონ, სანამ კლდეს თავის ნაქური შეეყინება, ან შემოდგომის წვიმა საცალფეხო ბილიკებს ჩარეცხავს, თორემ რაკი თოვლს დასდებს, ვინღა გაბედავს წამოსვლას ან ვინ გადმოასწრებს იმ დაწყევლილ მთებზე და თუ მაინც გაბედა ვინმემ, შენი მტერი, რაც იმან ოჯახი ველარ ნახოს, ცხენიან-საპალნიანად სალი კლდის დამრეცებს დააკვდება ხოლმე.

ახლა კი მთელი სოფელი გახარებულია, ღვთის შეწევნით საშოვარ-

¹ ნიხასი — საკრებულო.

ზე წასულები შინ მშვიდობით დაბრუნდნენ. სოფლის თავაკაცები ნიხასში გალულ სკამ-ქვებზე უფროს-უმცროსობის მიხედვით ჩამორიგდნენ. ჩრდილოეთიდან გადმოსული ახალგაზრდები კი ფეხზე დგანან და ისე ყვებიან შორი ქვეყნის ამბებს.

ამ მოხუცთაგან ისეთი არავეინ არის, ვისაც ახალგაზრდობაში ის მთები რამდენჯერმე არ დაელაშქროს. ჭირნახული ხომ მათაც უჭირდათ. თავიანთი ხუთი თითივით იციან მთებში გამავალი ბეწვის ხიდივით საშიში ბილიკები. იციან სად უფრო სახიფათოა, სად ზეავის შიშია. იციან ხეობიდან მთამდე რამდენი ხნის სავალია, სად უნდა დაისვენონ, რომელი სალოცავი ახსენონ, როდის შეჰლაღადონ ვასთირჯის, რომელსაც მთის წვერზე თავისი ნიში აქვს, იქიდან იწყება ხიფათიანი გზა, ყველაზე მეტად ცარგასბადანელ მგზავრებს ესაჭიროებათ ვასთირჯის დახმარება. აქაურობებს სხვა ანგელოზებზე მეტად ვასთირჯი სწამთ, ღმერთისა კი არაფერი სჯერათ. იტყვიან ხოლმე — მიწიერთაგან ყველაზე ახლოს ჩვენა ვართ ღმერთთან, მაგრამ ის რატომღაც თვალს გაარიდებს, არც ჩვენს ლოცვა-ვედრებას ისმენს და არც ჩვენს შესაწირავს იღებსო. ჰოდა, მათაც ზურგი შეაქციეს. მარტო მოსავლისა და საქონლის ანგელოზებს — ვაცილასა და თუთირს ლოცულობენ, თიხმაგხოხსა და წვერის ანგელოზსაც დაუნთებენ წელიწადში თითო თაფლის სანთელს, დანარჩენი ანგელოზები სათვალავშიც არ არიან.

სხედან ცარგასბადანელი ბრძენაკაცები გადაჯაჭვული თეთრწვერა მთებივით, ერთიმეორის გვერდით და მოგონებებს ბოლო აღარ უჩანს. ახალგაზრდობის დღეთა გახსენებაზე სისხლი აჩქეფდა ძარღვებში. იქ, ჩრდილოეთში ცნობილ მემამულეებს თულანთ, ბადილათ, ყუბადთ თვალუწვდენელი მამულები აქვთ. არც კლდიდან გადაჩეხვისა ეშინიათ, არც ქვის დაგორებისა, იმ დალოცვილ მხარეში ზაფხული გრძელა, ზამთარი — მოკლე და თბილი. ახლა რა სიმინდი მოდის! თითო ძირს სამი-ოთხი ტარო აყრია. ოქროსფერი პურის ყანები?! იმ პურის ყანების მკა, ლეწვა, სიმინდის თოხნა რამდენ ძალას მოითხოვს და ამ მოხუცთა ახალგაზრდობა. ჯანი და ღონე წაიღო წლის სამყოფი ლუქ-მისათვის ბრძოლამ. რიყრაუზე ამდგრები შუალამემდე მუხლში ჩახრის დროს ვერ მოიხელთებდნენ. განსაკუთრებით სიმინდის თოხნა უჭირდათ, მაგრამ შემოსული პურის ყანაში კი, გავიხარიათ, დატრიალდებოდნენ, წელში გაიშლებოდნენ.

ბრძენაკაცები კმაყოფილები არიან უმცროსებისა. უხარიათ მათი წარმატება. ჩრდილოეთში გადასასვლელი საცალფეხო ბილიკი ცარგასბადანელთა სასიცოცხლო გზაა, ახალგაზრდობის ძალისა და ვაჟკაცობის გამოცდის გზა, ვინც ამ გამოცდას გაუძლებს, ოჯახის მარჩენლად ჩაითვლება, განსაკუთრებული ავტორიტეტი ემატება ტოლებს შორის, ხოლო უფროსები მის სიტყვას ანგარიშს უწევენ.

გაბო და ძაბეგი ტოლები არიან. ჯერ პირტიტველა ბიჭებს საულვაშე არც კი ამწვანებიათ. საშოვარზე რომ მიდიოდნენ. მაშინ შეუს-

რულდათ თოთხმეტ-თოთხმეტი წელი. ახლაც გვერდით გამდგარან და უფროსების ლაპარაკში არ ერევიან, მაგრამ ყველაფერი ესმით, გული სიხარულით ეცხებათ და ბედნიერების ღიმილი აღარ შორდებათ სახიდან.

ნიხასში მყოფ მამაკაცებზე ნაკლებად არც ქალები არიან გახარებულები. ქალს უფლება არ აქვს მამაკაცების ლაპარაკში ჩაერიოს ან თავისი აზრი გამოთქვას, ის კი არა, ქალებმა მამაკაცებს ხმა არ უნდა გააგონონ, რძლები კი უფროსებს სულაც არასოდეს დაელაპარაკებიან.

მაგრამ დღეს სხვა დღეა. სიხარულმა დაჯაბნა ადამი და ხანდახან რძლების მიიარული გადაიხილები ნიხასამდეც აღწევს. აულის თავკაცები გრძნობენ ამ ხმებს იქით რა სიხარული იმალება და ყურს იყრუებენ, ვითომც არაფერი ესმით.

საშოვრიდან დაბრუნებულებმა უფროსებს თავიდან ბოლომდე რომ უთხრეს თავიანთი ამბავი, სლონათი გვარის უხუცესმა ბერდომ დაკოყრებული ხელისგული თეთრ წვერზე ჩამოისვა და თიხმაგზობისკენ შებრუნებულმა პირჯვარი გადაისახა.

— დიდება უფალს და ვასთირჯის, ვინც თქვენ კეთილ გზაზე გატარათ. ახლა აღარაფერი გვიჭირს, იქნება ლუკმა არ მოგვაკლდეს მთელი წელი. ცოტაოდენი ქერიც გავლევწეთ. არც პირუტყვს მოსვლია ზიანი, მართალია, ამას წინათ ძეჯის სამი ცხვარი მყინვარში ჩაიჩეხა და ილასის ძროხაც მთიდან დაგორდა, მაგრამ ეს არც კია ჩასათვლელი ზარალში. ღვთის შეწევნით ეს დანაკლისი ერთიორად აგვინაზღაურდება გაისად.

— დიდება უფალს, დიდება უფალს, — პირჯვარი გადაისახეს სხვებმაც.

— ბერდ, შენ ჰკუა არ გესწავლება, ყველაფერი გესმის, მაგრამ რას იტყვი, ბიჭები მშვიდობით დაგვიბრუნდნენ, ჰირნახულიც ბლომად გადმოიტანეს, ვასთირჯის სახელი არ ვახსენოთ?

— აუცილებლად, ილას... წესი წესია, ვენაცვალე იმის მადლსა, მაშ რის იმედით ვისტუმრებთ ხოლმე, ვასთირჯი სხვა დროსაც დაიფარავს ჩვენს ხალხს, მაგრამ ჯერ ცოტა დაისვენონ, შინაურები მოისიყვარულონ. თანაც ხვალ სათიბში გავდივართ, ბალახი გადამწივდა. ახლა წვიმა თუ წამოვიდა, ცარიელზე დავრჩებით, ამ ზამთარს პირუტყვი შიმშილით გაგვიწყდება.

ყველა დაეთანხმა ბერდის.

მზე ჩასვლას აპირებდა, ქვა-სკამიდან, რომ წამოდგა ბერდი.

— სიტყვა გაგვიგრძელდა, გვეყოფა, ხვალ სათიბზე ვართ გასასვლელები, შინ წადით, ცელები მოამზადეთ, დაისვენეთ. ვასთირჯი კი, ვენაცვალე იმის მადლსა, მოიცდის, თიბვას მოვთავებთ და ვახსენებთ იმის სახელს.

— ღვთის პირით ლაპარაკობ, ბერდ. შინ წასვლის დროა, ნახირი მოდის. მრხედვა უნდა, — დაეთანხმა უფროსებს ილასი და თვალებზე ხელი მოიჩრდილა. მზე უშველებელი წითელი ბურთივით სწრაფად

მიგორავდა დასავლეთისაკენ. დაბლა, ხეობა უკვე ბინდში ეხვეოდა. ცარგასბადანისაკენ მომავალნი ვიწრო და მიხვეულ-მოხვეული ბილიკი გველის ქერქივით გაუფერულებულყო. აულის ბოლოს ამ გზაზე ორი მგზავრი გამოჩნდა. — აქეთ მოდიან, — ჩაილაპარაკა ილასმა და ხელი დაუშვა.

უფროსებმა გზას გააყოლეს თვალი და მომავლები იმათაც შენიშნეს.

— ვინ უნდა იყვნენ? ჩვენგან წასული არაიან არის.

— რა ვიცი, ძალზე მძიმედ კი მოიწევენ წინ, ეტყობათ, გვარიანად დაილაღნენ. თანაც, ალბათ, ჩვენი ხეობიდან არ უნდა იყვნენ.

— შეხედეთ, ერთი ძლივსა ადგამს ფეხებს. მთლად კარგად არ უნდა იყოს იმის საქმე.

ცარგასბადანელები ასეთ სტუმრებს შეჩვეულები არიან, ვინც კი ჩრდილოეთში მოისურვებს გადასვლას, აქაურობას ვერ ასცდება. ასევე ჩრდილოეთიდან სამხრეთში მომავალმაც აქეთ უნდა გამოიაროს. ამიტომ არავის გაჰკვირვებია მგზავრების გამჩენა.

ბევრს ეჩქარებოდა შინ, მაგრამ ახლა სანამ იმ მგზავრების ვინაობას არ გაიგებენ. ვინ არიან, საიდან მოდიან და სად მიდიან. მანამ ფეხს არაიან მოიკალოს.

მალე მგზავრებმა ამოივაცეს. ერთი მათგანი კარგად მოყვანილი, მელანივით შავწვერულვაშიანი ახალგაზრდა მტკიცედ მოაბიჯებდა. რუხი ნაბდის ქუდი უხდებოდა, ურჩი თმის კულულები შუბლზე გადმოფანტვოდა, ჩოხის კალთები აკვალთული ჰქონდა, წელზე ყაბალანე ეხვია. ამოქარგული საწვივეები და ძირგაბანდული ქალამნები აგვირგვინებდა მის მორთულობას.

ამხანავი, სულ ახალგაზრდა პირტიტველა ბიჭი, ისეთი ლამაზი იყო, ბევრი გასათხოვარი ქალი ინატრებდა მის გადაკალმულ წარბებს. ტანსაცმელი უფრო ძვირფასი და ახალი ეცა. თითქოს ქუსლში კუნლის ეკალი შერქობოდა, ისე ადგამდა ფეხებს. ბარგი იმდენი არაფერი ჰქონდათ. პატარა ბოხჩა უფროსს ეკიდა ზურგზე.

ეს უცხო მგზავრები ძანგი და აგუნდა იყვნენ.

ხალხს მორიდებით მიესალმნენ. დამხედურება ფეხზე წამოდგნენ და ისე უპასუხეს სალამზე.

— კეთილო ხალხო, გვაპატიეთ თუ ხელი შეგიშალეთ ბჭობაში, — მოიბოდიშა ძანგმა.

— არა, შვილო, ჩვენ უკვე დიდი ხანია მოვრჩით საქმეს. შორიდან დაგინახეთ და თქვენ დაგელოდეთ. გეტყობათ, დალილიხართ, დასხედით, დაისვენეთ.

— ღმერთმა სიკეთე ნუ მოგიშალოთ. ჩვენ კი უღელტეხილზე ვართ გადასასვლელები. დაგვიღამდა და...

— დღეს უღელტეხილზე თქვენ კი არა ჩიტიც ვეღარ გადაფრინდება. ღმერთმა დაგიფაროთ, არა, შვილო, ეგ რამ გაფიქრებინათ, ღამე ჩვენთან დარჩით, დილაზე კაცს გაგაყოლებთ და ის გაგაცილებთ. შე-

იძლება ისე ვერ დაგხვდეთ, როგორც თქვენსავეთ ძვირფას სტუმრებს ეკადრებათ, მაგრამ რაც შეგვიძლია, არაფერს დავზოგავთ. — ლაპარაკი გაუბა ბერდიმ.

— როგორ შეგაწუხოთ, თქვენ, ალბათ, უჩვენოდაც ბევრი სტუმარი მოგლით.

— სტუმარი ღვთისაა და ჩვენი აულის ღირსებაც ის არის, რომ პურ-მარილზე არ ვძუნწობთ. შეხედე, ბალლი როგორ დაღლილა, ამაღამ დაისვენებთ და დილაზე ვასთირაჩი იყოს თქვენი შემწე. წამობრძანდით ჩვენთან, — უთხრა ძანგს ბერდიმ და წასვლა დააპირა.

— დადა, ხომ არ გეწყინება, სტუმრები რომ წაგართვა? — მორიდებით შებედა გაბომ უფროსს.

— თუკი შენ გინდა, შვილო... — უარით გული არ ატკინა ბერდიმ გაბოს.

სტუმრებმა აღარაფერი თქვეს, გაბოს გაჰყვნენ.

მზე ჩავიდა. ხეობიდან ამოჰყვა აღმართს ღამე და შავ ნაბაღში გაახვია მთები. აულის ნახირი ბლავილით ბრუნდებოდა შინ. აქა-იქ შუქიც აკიაფდა.

მწუხრის ზეწარქვეშ გაინაბა ცარგასბადანი.

2.

კედელზე მიკრული კვარი სუსტად ანათებს მიწურს. შუაღმოსავლურ წივის ლურჯი ალის ენები ერდოდან ჩამოშვებულ ჭაქვზე დაკიდებულ სპილენძის ქვაბის ძირს ლოკავს, გვერდებზე ასდევს და სულ მალღამალა მიიწევს. უფერული კვამლის ჭავლი ერდოს აცდება თუ არა, საღამოს ნიავე აქეთ-იქით გააქან-გამოაქანებს, მიგრებს-მოგრებს და მერე ხეობისაკენ გააქროლებს.

წივის სუნითაა გაელენთილი მიწური. მასპინძლები, ალბათ, შეჩვეულები არიან და ველარ გრძნობენ მძაფრ სუნს. მაგრამ სტუმრებს თავბრუ დაახვია და ხან ერთს აუტყდება ხველა, ხან მეორეს.

მიწურის სიღრმეში ფინგთან¹ მოხარატებულ კალათჯინში გვარის უხუცესი ბერდი ზის. სანეთამ წელან გაბოს დააძახებინა, სტუმრებთან პური გატეხეო. აქეთ-იქიდან დაბალ სამფეხა სკამებზე სტუმრები უსხედან ფინგს. ისინი დალილები და მოშივებულები რომ არიან, გრძნობენ მასპინძლები და ვახშამს აჩქარებენ.

გაბო თვითონაც რამდენიმე დღე გზაში იყო, მაგრამ სტუმრებთან დალილობას არ იმჩნევს. ხან წივას შეუმატებს ცეცხლს, ხან დედას წაახმარებს ხელს. თან თვალს არ აშორებს თავის კბილა ბიჭს. უნდა დაელაპარაკოს, ჰკითხოთ საიდან მოდის, ვისი გვარისაა, თავის მგზაობის ამბავსაც ეტყუოდა, მაგრამ საამისო დრო ვერ მოიხელთა, თუმცა წელანს აქეთ რამდენჯერმე სცადა გაბომ სტუმრის ლაპარაკში ჩათ-

¹ ფინგი — სამფეხა მომცრო სუფრა.

რევა, მაგრამ ის მარტო თავის დაქნევით პასუხობს, ხმას კი არ იღებს. ძალიან დაღონებული ეჩვენება, აგერ ახლაც ზის და თავი მკერდზე ჩამოუყარდა.

შეეცოდა სტუმარი ბიჭი, ბარემ აჩქარებს ვახშამს, მაგრამ ცეცხლ-მა თავისი საქმის თვითონ უკეთ იცის.

გაბოს დედა სანეთა იმ დღეს მწყემსად იყო, მოუმზადებელს მო-უსწრეს მისმა საფიცარმა ბიჭმაც და სტუმრებმაც.

სახელოვანი ქალია სანეთა. ახალი პატარძალი იყო, მისი მეუღლე აგუბე საშოვარზე რომ წავიდა და უკან აღარ დაბრუნებულა. გზაში ზვავმა დაიტანა. ჩვილი ბავშვით დარჩა. გათხოვება აღარ ისურვა. ჭკვიანი და აზრიანი ქალი ვაჟაკივით შეეჭიდა ცხოვრებას.

მერე როგორ ეჩქარებოდა შვილის გაზრდა, ოჯახის დედას მამა-კაცის ტვირთი ამძიმებდა უკვე. და აი მისი იმედი საკუთარ ფეხზე დადგა. პურის მოტანა შეძლო. პირველად არის, რომ ოჯახში თავის სახელზე სტუმარი შემოიყვანა. ამაზე დიდი ბედნიერება რაღა იქნება დედისათვის. ახლა ცდილობს, სტუმრებს ღირსეულად შეხვდეს, არ შეარცხინოს ბიჭი.

აგუნდამ ძილში წამოიკვნესა და შეშინებულს გამოეღვიძა, ნახევ-რად ბნელ მიწურში თვალი მოატარა, მაგრამ მისი ხმა არავის გაუ-გონია, ყველა თავისი საქმით იყო გართული. აგუნდამ სკამი უკან გას-წია და სანამ სუფრას გაშლიდნენ ითმენდა, მაგრამ თითქოს ეკლებზე იჯდა.

3.

ცარგასბადანში ზამთარი ადრე მოდის, გაზაფხული — გვიან. სამა-გიეროდ მზე საღამოთი გვიან ჩადის, დილით კი ადრე ამოდის. ქვევით ხეობაში ბნელა, იქ ხალხი დილის ძილშია, ცარგასბადანში კი ხალხი უკვე საქმიანობს.

იმ დილით, როგორც კი თიზმაგხოხის წვერზე მზემ გაიღვიძა, აულ-ში ღამის წყვილიანი თითქოს წვეტიან ქვებზე წაიქცაო, აბლაბუდასა-ვით დაიფთილა. ხეობისაკენ იბრუნა პირი და შეუმჩნეველად გაიპარა.

დილის დაბადება აულს ილასის სახედარმა ახარა, როგორც მოლა უხმობს მინარეთიდან მორწმუნეებს სალოცავად, ისე იმანაც ყროყინ-ნი აულის თავიდან მორთო, გათენდა, როდემდის უნდა ვიდგე მშვიერი, გამიშვით საძოვარზეო.

სახედარს ყროყინი არ მოეთავებინა, რომ ცელზე გაკრული სალე-სავის ნაცნობი ხმა მოისმა, მალე მთელს აულში მხოლოდ ეს ხმაღა ისმოდა.

სულ გამოფხიზლდა აული, ისმოდა გაძახილ-გამოძახილი.

ცელის ლესვის ხმა სანეთამაც გაიგონა. ბიჭი ისევ ღრმა ძილში იყო და გასაღვიძებლად ვერ გაიმეტა. თვითონ სასწრაფოდ წამოხტა, ტან-საცმელი ჩაიცვა. სტუმრებს საგზალი გაუმზადა და პატარა ხელსახოც-

ში გამოჰქრა. კარზე მორიდებით მიაკაჟუნა. პასუხის მაგიერ კვნესა შემოესმა.

კვნესამ შეაქროთ სანეთა, უნდოდა ოთახში შესულიყო, მაგრამ ვერ გაბედა, მამაკაცებისა მოერიდა. ისევ ფრთხილად მიაკაჟუნა. ცოტა ხნის შემდეგ დანგმა კარი გამოაღო. სანეთამ საგზალი მიაწოდა:

— საგზალი აიღეთ, შორი გზაა. დაგვირდებით.

— დიდი მადლობა, ჩემო დაო, არ ვიცი, რითი გადაგიხადოთ პატივისცემა.

სანეთას კიდევ მოესმა კვნესა.

— ვინა კვნესის? — იკითხა მან.

— ამხანაგი, — უპასუხა დაღონებულმა დანგმა.

— რა მოუვიდა?

— რა ვიცი, ფეხები დაუსივდა.

— ეე, ეგ ვერ არის კარგი საქმე. აბა ვნახო, იქნებ ვუწამლოთ.

სანეთა ოთახში შევიდა.

— აბა, ერთი მაჩვენე, სადა გტკივა, შვილო.

აგუნდამ ფეხი აჩვენა. სანეთამ ხელი გაუსვა შესიებულ კოჭზე, თითებზე ყურძნის მარცვლის სიმსხო ბებერები ასხდა. ქუსლი, ეტყობოდა, ჭაჭზე ჩამოეკრა, გაგლეჯილი არ იყო, მაგრამ საკმაოდ დაჟეჟოდა და სისხლი ჩაქცეოდა.

— უი ჩემს თვალებსა, რა გიქნია ეს, შვილო, ამ ფეხებით სიარული როგორ შეიძლება, ისიც მთაში.

— რაღა ვქნა, არ ვიცი, დროზე თუ არ გადავასწარი, — ჩაილაპარაკა შეწუხებულმა დანგმა.

— ახლა მაგაზე ლაპარაკი ზედმეტია. რამდენიმე დღე მოცდა მოგიწევთ, სხვა გამოსავალი არ არის. მაგ ფეხებით ეგ აულსაც ვერ გასცდება, სანაგაანთ ვაზნომ იცის წამლობა, დავუძახებ.

— არ ვიცი, ხელმოკლე მგზავრები ვართ, როგორ შეგაწუხოთ ამდენი. ყველას თავის თავი უჭირს, — დაირცხვინა დანგმა.

— რა ვქნათ, ყველაფერი ღვთის ნებაა, მაგის ბრალი ხომ არ არის, ფეხები რომ დაჟეჟა.

— სანეთ, საქონელი გამოუშვი! — მოისმა ეზოდან.

— მომიკვდეს თავი, ჯერ ძროხა არც კი მომიწველია. — დაფაცურდა სანეთა. — მაპატიეთ, ახლავე... გაბო, შვილო, სტუმრებს მიმიხედე. სანეთამ მარდად გაირბინა გარეთ. აგუნდა ნაბადზე წამოჯდა.

— ეს რა ვქენი, გუშინ იმ ოხერა ხიდიდან რომ არ გადმოვმხტარიყავ, არაფერიც არ იქნებოდა, — აგუნდას ტირილი ყელში ებჭინებოდა. მითხარი და არ დაგიჯარე... ძალიან მტკივა, დანგ.

— ცოტა მოითმინე, ჩემო ყველავე, ერთი-ორი დღე და გაგივლის. მერე ისევ ჩვენს გზას გავუდგებით. საწყენია, რომ სწორედ ახლა, ამ გაცხარებული მუშაობის დროს ვაცდენთ მასპინძლებს.

კარი გაიღო და გაბო შემოვიდა. აგუნდა შეკრთა. ქუდი გადაეწია თავზე და ოქროსფერი თმის კულულები ყურებზე ჩამოეშალა. აგუნდა

დაიბნა, ძლივს მოახერხა თმის ქუდში შემალვა, გაბომ ვითომ ვერაფერი შენიშნა.

- დედამ მითხრა, ამხანაგი ავად გყოლია, — მიუბრუნდა ის ძანგს.
- ჰო, ფეხზე ველარ დგება.
- საწყენია. არ მომერიდოთ, თუ რამეში გამოგადგებით...
- არაფერია, გმადლობთ.
- მე სათიბზე მივდივარ, მაპატიეთ, ჯერ ცელიც არ გამილესია.
- წადი, წადი, ჩვენი მიზეზით არ დაიგვიანო.

მალე დერეფნიდან ცელზე გაკრული სალესავის ხმა მისწვდა ძანგის სმენას.

გაბომ ცელს პირი აუწყო, ჭიშკართან ღობეზე მიაყუდა და ერდოდან მეორე ჩამოიღო. „ეს ვილასთვის უნდა?“ — გაიფიქრა ძანგმა, უნდოდლა შეჭკითხოდა გაბოს, მაგრამ სწორედ ამ დროს ქვემოდან სიმღერა მონისმა. სამი მთიბავე გამოჩნდა, უკან მფოცხაეები მოჰყვებიან, ყველა მხიარულობს. მათი სიცილი და სიმღერა შორს ისმის.

აულო დაიძრა სათიბისაკენ.

ეზოში სანეთა შემოვიდა, კედელზე მიყუდებული ცელი აიღო და დერეფნის ქვემო ფრთაზე ჭერში ჩამოჰკიდა.

- რად ჩამოჰკიდე, დედი? — შეეკითხა დედას გაბო.
- სახლში ავადმყოფი გვყავს.

ძანგი მიხვდა, რომ ქალი სათიბში აღარ მიდიოდა და მათი მიზეზით შინ უნდა დარჩენილიყო. მოულოდნელად დაეხადა სურვილი მასპინძლის მაგიერ წასულიყო სათიბად. მარდად გაიარა დერეფანი და ცელი ჩამოიღო.

— ჩემო დავო, დამრთეთ ნება, შეგცვალოთ...

— როგორ გეკადრებათ, ეგ ხომ ჩვენი თავის მოჭრა იქნება. ხალხი დამცინებს, სლონანთ ქერივმა სტუმრებს თავის ჭერქვეშ ღამე გაათევინა და მეორე ღღეს საქმეზე დააყენაო, — შორს დაიჭირა სანეთამ.

— ძალიან გთხოვთ. შხამად შემერგება თქვენი პურ-მარილი, ჩვენი მიზეზით რომ დაგაკლდეთ რამე, წავალ, თუ თქვენ ჩვენი პატივისცემა გინდათ, ღღეს გულგასიებულს ნუ მამყოფებთ შინ, სირცხვილი მომკლავს მაინც.

— კარგი, რაკი არ იშლი, რა გიყო.

4.

ხშირი ბალახი წელამდე სწვდება მთიბავეებს. გაბო და ძანგი სვეში ჩადგნენ. წინ ძანგი, უკან — გაბო.

ძანგს ხელ-ფეხი გაეხსნა. ღონიერი მკლავები, თითქოს მოძალადე მტრისკენ იწვევონ, ისე დაიჭიმა, იწვილა ცელმა და ძანგის უკან მოცელილი ბალახის სვრელი დარჩა. ასე არასოდეს შეუხატრია ხალხისათვის. აგერ სათიბს მთელი აული შესევია. ორ-ორნი, სამ-სამნი, ოთხ-ოთხნი და ხუთ-ხუთნიც კი, თითქოს ცაში წეროები ქარს დაუფანტა-

სო, ისე ჩანან მთიბავეები შორიდან. ესენი ცალ-ცალკე ოჯახებია. თიბავენ შემოსულ ბალახს, ყველა მხიარულობს, ხან ერთი, ხან მეორე მხრიდან ისმის „ჭეპ-ჭოპი!“ ან თუნდაც აი მისი მასპინძელი, სულ ახალგაზრდაა. ცელის სისინზე მიხვდა ძანგი, რომ ის სადღაც უკან დარჩა. მართალია, ხელმოკლე ოჯახია, წლის სარჩოს მარცვალ-მარცვალ აგროვებენ, მაგრამ ძანგთან შედარებით მაინც ბედნიერები არიან. აქვთ საკუთარი ჭერი, მიწის პატარა ნაჭერი, რაღაც იმედი. ჰაი გიდი, ნეტავ საკუთარ სათიბში ერთი სვე გაატანინა და მერე თუნდაც სათიბის ბოლოში მოკვდეს, აღარ ინალვლებს.

ამ მძიმე ფიქრებში ისე გაიტანა სვე, ვერც გაიგო. მობრუნდა და გაბო ველარ დაინახა. უკან დაუყვა ნათიბს. შორს გამოჩნდა გაბო. მძიმედ დადებულ ურემში შებმული ხარი რომ გაილექება სიცხეში, ისეა გალექებული ჯერ კიდევ თითქმის ბავშვი მთიბავი. ცელს რომ წამოუხვამს, მხარ-მკლავის გამართვას ველარ ახერხებს, მის ბავშვურ სახეზე დაგორებულ ოფლის მსხვილ წვეთებში მზე ათინათობს.

ძანგი მიხვდა, რომ დააშავა. ძალზე განიერი სვე დაიჭირა. გამოუცდელი ყმაწვილი შეეჯიბრა მას, თავმოყვარეობა ნებას არ აძლევდა, უკან ჩამორჩენოდა და ლამის გული ამოუვარდეს. შეეცოდა, გვერდით ამოუდგა, გაამხნევა.

— განიერი სვე წამოგილია, ძამია, ცელი კი მოკლე გიქირავს, იმიტომ დაილაღე, ისე ძალზე მარჯვედ თიბავ.

გაბომ ხმა არ ამოიღო. მხოლოდ ცნობისმოყვარე მზერა ესროლა. ძანგმა იგრძნო, რაც ამ გამოხედვაში იმალებოდა.

რალაცნაირი ეჩვენება გაბოს სტუმარი. დღეს დილით რაც მან საკუთარი თვალით იხილა, აძლევს ამის საბაბს. „თუ ვაქვაცია, რატომ მალავს ქალს კაცის ტანისამოსში. ან ვინ არის? ასე შორ მანძილზე როგორ წამოჰყვა კაცურად ჩაცმული ქალი?“

„არა, სად გაგონილა ქალი კაცის ტანსაცმელში ატარო? ლაჩარია ვილაც. თუ ქალის დაცვა არ შეგიძლია, მაშინ სად ჯანდაბაში მიდიხარ?“ — ფიქრობს გაბო და თავის სტუმარს ზიზლით უყურებს. დალაპარაკებასაც აღარ კადრულობს მასთან. ასეთმა უღონომ და მშიშარამ რა უნდა გათიბოს, ცელს ქვებზე დააჩლუნგებს, სხვა რა!.. პირველი სვე რომ წამოიღეს, გაბო გახგებ ჩამორჩა ძანგს, მერე წამოვეწევი და ამ უბედურს გულს გავუხნეთავო.

მაგრამ არც ისე იყო საქმე, როგორც გაბო ფიქრობდა. ძანგმა სვე წაიღო და მერე უკან აღარც მოუხედავს. გაბო მიჰყვა უკან. ეგონა ახლავე დავეწევი და უკან ჩამოვიტოვებო, მაგრამ ძანგი ბოლოში გავიდა, თვითონ კი ჯერ შუაზეც არ იყო და ლოხი კამეჩივით დამძიმდა. როცა ძანგი უკან მობრუნდა და გაბოს უთანაგრძნო, ამან სულ მოკლა ბიჭი, ხმას არ იღებს; ისე, სტუმარიც სიტყვაძუნწია. რაღაც დიდი დარდიც აწევს გულზე. და თითქოს ჯავრს ბალახზე იყრისო. ისე უსვამს ცელს. ხანდახან ცელის ტარს დაეყრდნობა და ხეობის სიღრმეში იყურება დაჟინებით, კაცი იფიქრებს, იქიდან ვილაცას ელისო. სად იყუ-

რება? ვის ელოდება? არა, უნდა ჰკითხოს. ვინ არის? ხომ შეიძლება, ვილაც ბოროტმოქმედი იყოს, ხვალ-ზეგ მასაც რომ უსაყვედურონ, ოჯახში რად შეიყვანო.

მზემ მალა აიწია და მწველი სხივები კონად გადმოაყარა დედამიწას. დაცხა. გაყინული კარტოფილის გვერდივით სახეს ოფლი აღარ ამრება, ბეჭებზეც გამოყოფა. გაბოს სვეც ძანგმა გაიტანა ბლომდე, ცელი მიწაში ჩაარტო და გათიბულ ბალახზე გულალმა გადაწვა. ნაბლის ქუდი სახეზე დაიფარა და თვალები დახუჭა. გაბოც იქვე ზის. შესაფერ დროს ეძებს, უნდა გაიგოს, რაც აინტერესებს, მაგრამ როგორ ჰკითხოს? სირცხვილია, ჭერ ერთი უფროსია, მეორეც — სტუმარია.

ძანგმა გვერდი იცვალა, მკლავს დაეყრდნო და გაბოს მიაჩერდა.

— გაბო, რალაც გინდა მკითხო და ვერ გაგიბედიო.

გაბო ამ შეკითხვას არ ელოდა და შეკრთა.

— რატომ გგონია ასე?

— ვხედავ, თვალეში გეტყობა, გულახდილები რომ ვყოფილიყავით აჯობებდა, გაბო, თორემ გასათიბი ჭერ ბევრი გვაქვს და ასე უბრებივით როდემდე ვიქნებით? მითხარი, რამ დაგაეჭვა ჩემში?

გაბო ერთხანს კიდევ იჯდა გაჩუმებული და მერეღა ამოლერდა:

— გეტყვი, რაკი შენ თვითონ...

— გისმენ.

— მაპატიე, იქნებ უფლებაც არა მაქვს, ასეთი საჩოთირო კითხვა დაგისვა, მაგრამ დილას აქეთ ვიტანჯები.

— ვიცი.

გაბოს ენა ჩაუვარდა, ხმის ამოღება ველარ მოახერხა.

— ცუდი არაფერი იფიქრო, ცოლია ჩემი.

— ცოლი? — თვალეში დააქვიტა გაბომ.

— ჰო, ცოლი.

— მაშ, კაცურად რად არის ჩაცმული? — უფრო დაეჭვდა ბიჭი.

— მოვითაცე. გზაში კი, ხომ იცი, ათასი ხიფათია, მღევარს ავუხვიე თვალი. როგორც უმცროს ძმას, ისეთი თვალით გიყურებ, დამიჯერე, ძალა არ მიხმარია. თავისი სურვილით გამომყუა. დიდგვაროვანთა შთამომავალია, მამამისი უმაღლესი საკუთარი ხელით დაახრჩობდა ქალიშვილს, ვიდრე მე გამომაყოლებდა.

— რას გიწუნებდა?

— ის აღდარი იყო, მე მოჯამაგირე.

— სადაური ხარ?

— ეგ გრძელი ამბავია, ჩემო გაბო, ერთ კვირას ვერ მოვრჩები ჩემი თვეგადსავლის თხრობას. მაგრამ ეჭვი რომ გაგიფანტო, ყველაფერს მოკლედ გეტყვი, თორემ გასათიბი დაგვრჩება და ხალხი დაგეცინებს.

ძანგი წამოჯდა. მოთიბული ბალახის ღერი აიღო და კბილით გაღეჭა, მერე განზე გადააფურთხა და საღლაც შორს სივრცეს გაუშტერა თვალი. ყველაფერი უამბო გაბოს.

— აი ეს არის ჩემი ამბავი, ჩემო პატარა მასპინძელო. იცოდე, მორწმუნე პირველად რომ აღსარებას ეტყვის მღვდელს, ისე გადაგიშალე გული. ყველაფერი გითხარი, ახლა იცი, რომ ერთი დღეც არ მინახავს სიხარული. მაგრამ როგორც გაუკაცს გენდობი, შენს მეტმა ჩემი ამბავი არავინ უნდა იცოდეს, ახალგაზრდა ხარ, მაგრამ გატყობ, განსჯის უნარი გაქვს, შენ თვითონ განსაჯე.

გაბო დუმდა, მაგრამ გულისყურით ისმენდა სტუმრის ნაამბობს. თვალწინ წარმოუდგა ძანგის უსიხარულოდ გატარებული ცხოვრება, თითქოს მასთან ერთად გაეცლო ის ეკლიანი გზები, რომლის დავიწყებას ვერასოდეს შეძლებს ძანგის დაბეჩავებული გული. სტუმრის ნაამბობიდან ბევრი ვერ გაიგო გაბომ, მაგრამ იმას კი კარგად მიხვდა, რომ მის ნაღვლიან ისტორიაში მთავარი დამნაშავე ხელმოკლეობა იყო. გაბომაც საკუთარ ზურგზე გამოცადა სიღარიბის სიმწვავე და ახლა ასე მწარედ იმიტომ განიცდის უთვისტომო, ღარიბ-ღატაკი ადამიანის მდგომარეობას. გაბოც ხომ აღრე დაობლდა. ის კი არა, არც ახსოვს მამა. ხოლო რაც თავის თავი შეიცნო, სიღარიბე მაქალაქუნსასავით აწევს მხრებზე და ვერ მოუშორებია. ბავშვობაში ამხანაგებს რომ წაეჩხუბებოდა, უდანაშაულოს არავინ გამოესარჩლებოდა. ან კიდეც, როცა მძიმე საქმეს აკეთებდა, დაილღებოდა, უნდოდა გვერდით ჰყოლოდა ადამიანი, რომელიც დაეხმარებოდა, ხელს შეაშველებდა, მაგრამ არავინ იყო ასეთი. აგერ ახლა გამოჩნდა ასეთი ადამიანი. შორი გზიდან მოსული მგზავრი, რომელმაც რამდენჯერმე „პატარა ძმა“ უწოდა. ძმა კი იმედია, ხელმოკლე კაცის ხელშემწყობი. თანაც ასეთი! პატარაობის აქეთ რომ ოცნებობდა, ისეთი ძმა, ვინც სიძნელეებს არ გაუტყდა, სატრფო ავ ადამიანებს ხელიდან გამოსტაცა...

— მაპატიე, ძანგ, მე კი, ვინ იცის, რა არ ვიფიქრე შენზე. გმადლობ, რომ გული გადამიშალე, გაფრთხილება საჭირო არ არის, საიდუმლო, რომელიც შენ გამანდე, ჩემთან ერთად მოკვდება. პატარა ძმა მიწოდე. არც მე მყავს ის და შენ იქნები ჩემი უფროსი ძმა. არ შეგარცხვენ. თუ დაგჭირდი, არ მომერიდო, შენთან ვიქნები ყოველთვის. — თითქოს პატიებას ითხოვსო, ისე ჩაილაპარაკა გაბომ და ძანგს გვერდით მიუჯდა.

— გადღეგრძელოს ღმერთმა, გაბო, შენს პატივისცემას ვერასოდეს გადავიხდი, შენს ქერქვეშ მომეცი ბინა, თანაც ავადმყოფი... იცოდე, სადაც უნდა ვიყო, რა ბედიც არ უნდა მეწიოს, შენ და დედაშენს არასოდეს დაგივიწყებო. სიტყვა გაგვიგრძელდა, გაბო, აბა ერთი ცივი წყალი ამოარბენინე, თორემ ისედაც გავცდივით.

მზე საშუაღლეოზე აგორდა. სანეთამ სამხარე ამოიტანა. თან ფოცხი და ორთითიც გამოიეყოლებინა. ძანგისა და გაბოს ნამუშევრით კმაყოფილი დარჩა.

— ღმერთმა დიდი დღე მოგცეს, სტუმარო, მკლავში ძალა ნურასოდეს გამოგლეოდეს. ამდენის გათიბვას მე და ჩემი ბიჭი ორ კვირას ვუნდებოდით, თქვენ კი შუაღლემდე მოგისწრიათ.

— ნეტავ დაგანახვა, ნანა, როგორ თიბავს. თავს მოვიჭრი, თუ ჩვენს აულში ყველას არ აჯობოს.

— ჩვენისთანა ხელმოკლე ხალხის დახმარება ღვთის საამებელი ჯაქმეა, შვილო. აბა, ხელი გადაიბანეთ, თორემ სამხარი გაგრილდება, სტუმრის საკადრისი ვერაფერი გავახერხებ, მაგრამ... ჰო, მართლა, ავადმყოფის დარდიც ნუ გექნება. ბერდიმ რალაც წამლებით შეუკრა, ტკივილები დაუამდა, ჩაძინებული დავტოვე.

ძანგმა შვებით ამოისუნთქა.

სამხარს ჩქარა მორჩინენ. სანეთამ ჭურჭელი აალაგა, ძანგი წყაროზე ჩავიდა.

— შვილო, ის ბიჭი რალაც უცნაურად იქცევა, არც ტანსაცმელს იხდის, ქუდიც თავზე ახურავს. თითქოს ეშინია ჩოხა-ახალუხი არავინ მოსტაცოს. თუ არ გვენდობა?! რამდენი ვეხვეწე, არც დამელაპარაკა, თითქოს ახალი პატარძალი იყოს, ისეა დარცხვენილი. — ჩურჩულით გაანდო თავის ეჭვი დედამ შვილს.

გაბო იღიმებოდა.

— კი არ რცხვენია, ეშინია, ნანა.

— ეშინია? ჩემი? რისა, შვილო?

— იმისი, რომ... — პირზე მომდგარი სიტყვა შეიკავა გაბომ, — დანებებ თავი.

— არა, არა, შენ რალაც იცი და მიმალავ, იქნებ ვაწყენინეთ რამე, ან იქნებ ჩემს გაჭირვებულ ოჯახს არა კადრულობს? აღარ ვიცი, რა ვიფიქრო.

გაბო მიხვდა, რომ დედა სერიოზულად შფოთავდა და საჭირო იყო მისთვის სიმართლე ეთქვა.

— ყური მიგდე, ნანა, მხოლოდ არავის უთხრა, ძანგს სიტყვა მივეცი.

— რა სიტყვა? არაფერი მესმის.

— ჩვენი ავადმყოფი სტუმარი ბიჭი არ არის.

— როგორ თუ არ არის?

— ქალია. ძანგის ცოლია.

სანეთა გაშრა.

— ძანგის ცოლიო? კი მაგრამ...

— ჰო, ძანგის ცოლია. ერთმანეთი უყვართ. ქალის მამა აღდარი ყოფილა. ძანგს ხმაც არ ამოაღებინა თურმე. დაიჭირა და დილეგში ჩააგდო. ქალი თვითონ გამოჰყოლია. ჰოდა, ეჭვი რომ არავის აეღო, ჩრდილოეთშიც იმიტომ მიდიან. სხვას ნურაფერს მკითხავ, ნანა, შეეცადე დროზე მოურჩეს ფეხი. დაგვიანება აღარ ეგების, ჩრდილოეთშიც მზამზარეული კი არ დახვდებათ, მერე და მერე სამუშაოს შოვნა უფრო გაუჭირდებათ.

— ჰე, ეგეც ეგრე. მე კი მეგონა, არა გკადრულობს-მეთქი.

დანგი და გაბო თიბვას მორჩნენ. თივა დააბულულეს. მერე ბოსელთან ჩამოზიდეს და დიდი ზვინები დადგეს.

— ახლა აღარ მედარდები, ძმაო, — უთხრა გაბოს დანგმა და უკანასკნელ ზვინს წვერზე თივის თოკი შემოუჭირა, თივა საკმარი გაქვთ, ამ ზამთარს ეყოფა შენს საქონელს.

დანგი ზვინის თავიდან ფრთხილად ჩამოკურდა და იქვე ლასტის ლობეს მიეყრდნო.

— შენ რომ არა, დანგ, მე და დედას ძალიან გაგვიჭირდებოდა. ჯაურები მთაში დაგვრჩებოდა. — მადლიერებით სავსე თვალები შეანათა გაბომ თავის კეთილისძყოფელს, — დაგტანჯეთ, მაგრამ იქნებ მეც როდისმე გამოგადგე.

— აბა, რას ამბობ, გაბო, ასე ბედნიერი ჩემს ცხოვრებაში არ ვყოფილვარ. სიმართლე გითხრა, არ მინდოდა, ისე წავსულიყავ, თივა ჩამოსატანი დაგრჩენოდა. ახლა კი ჯამშვიდებული წავალ, აგუნდასაც მოურჩა ფეხი. დილაზე დაგემშვიდობებით.

მზე გორას მოეფარა. გრილმა ნივმა წამოუბერა. ესიამოვნათ დაღლილებს და შინ წასვლას არა ჩქარობენ. მოულოდნელად თავზე წამოადგათ სლონანათ ბრძენკაცი ბერდი. დანგი და გაბო ფეხზე წამოუდგნენ.

— ისხედით, ისხედით, შვილებო, დღეს არ დაგისვენიათ, — მერე ზვინებს თვალი შეავლო და დანგს მარჯვენა დაულოცა: — ღმერთმა დღე მოგცეს, ობოლს ხელი წაახმარე. ლაპარაკი შეგაწყვეტინეთ... შენთან მოვედი, გაბო, დილაზე თუ მოიცილდი, გასათიბი დამრჩა, ზოიუ მოვაწყობ-მეთქი, მაგრამ ხალხს არა სცალია და... რა ვიცი. ბალახი გადაუხეშდება, თანაც ამინდზე ნდობაც არ შეიძლება. ბიჭები შემპირდნენ და თუ შენც არ დამამადლი, შვილო, ხვალ მომეხმარე. მერიდება ხალხის შეწუხება, მაგრამ მეტი გზაც რომ არა მაქვს.

— კარგი, კარგი, დადა. დილაზე ჩემს სტუმრებს გავაცილებ და...

დანგი მიხვდა, რომ გვარის უხუცესს ეძნელებოდა ისედაც გაჭირვებული ხალხის მოცდენა. რა თქმა უნდა, უარს არავინ ეტყვის, თვინათ საქმეს მიატოვებენ და მას მიეხმარებიან, ზოუს არ გააცდენენ.

მერე დანგი? რამდენჯერ შეაწუხა ბერიკაცი. მას უმადლის, ასე ჩქარა რომ მოურჩა აგუნდას გასიებული ფეხი. იმ დღეს ძღვენიც მოართვა ავადმყოფს. რა ქნას, პატივისცემას პატივისცემა უნდა. ბერიკაცს ზოიუ აქვს, დანგს არ შეუძლია თავი აარიდოს, რა მოხდა, ერთი დღე გინდ იქით იყოს, გინდ აქეთ.

— ხვალ მეც მოგეხმარები, დადა, — უთხრა ბერიკაცს.

— არა, შვილო, ჯერ ერთი სტუმარი ხარ, მეორეც გზაზე დგახარ. ამ ობოლს რომ მიეხმარე, მაგაზეც მთელი აულის სახელით გიხდომადლობას.

— ერთი დღე რა ჩასათვლელია. რა მეჩქარება, მე შენ გითხრა, დამხედება გამართული ცხოვრება.

— ღმერთმა გადღეგრძელოს, შვილო, ასეთი სიკეთისათვის. — კმაყოფილი ბერიკაცი ჯოხის ბჯენით გაეშურა შინისაკენ.

მეორე დილით ცარგასბადანელი მთიბავეები ადრე შეუყვნენ სერს. მთიბავეები ერთიმეორეს ეჯიბრებიან. ერთი თუ დაწინაურდა, მეორე ააჩქარებს ხელს და მალე ეწევა. ერთი ნაბიჯითაც არ უნდა ჩამორჩე, თორემ შენს გვერდით მდგომი წინ გაგისწრებს, სვეს გადაგიჭრის. ჯერ ერთი, შეჯიბრებაში დამარცხება არავის უნდა, მეორეც ის, რომ უკან მფოცხავი ქალიშვილები მოჰყვებიან, ისინი თივას ხვეტენ, თან მთიბავეებს უთვალთვალებენ და თუ ვისმე დაღლა შეატყვეს, მწარედ დასციხიან. აბა, ვის უნდა მათ ყბაში ჩავარდნა!

ზიუ შრომის დღესასწაულია მთაში, მოხუცებიც იღებენ მონაწილეობას, უფრო კი თვალს ადევნებენ მოწიფული ვაჟკაცების შრომას, თვითონ კი ახალგაზრდობის დღეებს იხსენებენ და ამით რაღაცნაირ გამოუცნობ სიხარულსა და შვებას განიცდიან. ვისაც ცოტა მაინც შეუძლია, იმას უქმად რა გააჩერებს. ზოგი არყის ტოტებს წნავს თივის ბულულის საძირედ, ზოგი დაჩლუნგებულ ცელს ლესავს, ზოგიც ფოცხის კბილებს ამაგრებს. უძლოურები კი ქედზე სხედან და წარსულის მოგონებით ერთობიან.

თვითონ ძანგიც კმაყოფილია. თავის სიცოცხლეში პირველად მოხვდა ასეთ შრომისმოყვარე და ერთსულოვან ხალხში. შენატრა მათ, ვისთანაც მკლავის ღონე გამოსცადა, ვისაც თავისი შრომით სიხარული და კმაყოფილება აგრძნობინა. თვითონაც არ იცის რატომ, ოცნებობს, ეს დღე უსასრულოდ გაგრძელდეს. ასე ჰგონია, ქვეყნად აღარც აღდარია, აღარც ძალადობა და აღარც უსამართლობა. ხალხი ერთ ოჯახად შეკრულა და ერთსულოვანი შრომის ძალას დაუჯაბნია ტანჯვაც და წამებაც.

მაგრამ დაღამდება, დილით ძანგი გაიღვიძებს და ყოველივე ის, რამაც დღეს ამდენი სიხარული და ბედნიერება აგრძნობინა, გაქრება და ესეც უსიხარულო წარსულივით მოგონებად დარჩება მხოლოდ.

რა იცოდა ძანგმა, რომ იმ დღეს ისეთი ამბავი მოხდებოდა, რომელიც მის გადაწყვეტილებას სრულიად შეცვლიდა და მისი მოგზაურობის უსასრულო გზა ცარგასბადანში გაწყდებოდა.

მოსალამოვდა. მზე ცის კაბადონზე ჩასასვლელად გადაეკიდა. მცელავეები უკანასკნელ სვრელს ადგანან. მფოცხავეებიც ფეხდაფეხ მსდევენ და დაბლა, სადაც აბულულებენ, იქით ხვეტენ თივას. ჯერ კიდევ რამდენიმე ბულულია დასადგმელი. აულიდან ცხენდაცხენ მოვარდა მაცნე:

— რა იქენით, ხალხო, ყაჩაღებმა ჩვენი ცხვარი გარეკეს.

მთიბავეებს თავზარი დასცა ამ ამბავმა, მფოცხავეებიც ერთ ადგილზე გაქვავდნენ. მებულულებების დამხმარე ქალებს ორთითზე წამოგებული თივა ჰაერში გაუჩერდათ.

— ვაიმე, შვილებო, — იკივლა უცბად დედამ, ვისი ბიჭებიც იმ დღეს მწყემსავდნენ ნახირს. თითქოს ქალის კივილმა გამოაფხიზლო, ხალხი მაცნეს შემოეხვია.

— დღეს, სადილობისას, თურმე ცხვარი რომ ცაცხვის ჩრდილში დაეყარა, მწყემსებიც იქვე წყაროსთან ისხდნენ. სამი ყაბალაწყარული კაცი დასცემიათ. დაუქერიათ და ხელფეხშეკრულები იქვე ლელის პირზე დაუყრიათ. ფარა საით გაირეკეს, ვერ დაუნახავთ შიშით გაოგნებულ ბაღლებს. დიდხანს იწვალეს, სანამ ხელ-ფეხს გაინთავისუფლებდნენ. აულში ამბავი მოიტანეს, მაგრამ ყველა აქა ხართ.

მთიბავებმა სიტყვის დამთავრებას არ დაუცადეს, ერთიმეორის მიყოლებით თავქვე დაეშვნენ.

აული აფორიაქებულიყო. ისმოდა ქალების წიოკი, ძაღლების ყეფა-გნასი. მდევრების აქეთ-იქით სირბილი ისეთ შთაბეჭდილებას ქმნიდა, თითქოს მგლების ხროვა დასცემიათო.

მდევრებს გაბო და ძანგიც მიჰყვნენ. შინ შეირბინეს და აბჯარი აისხეს. აგუნდამ ყაჩაღების დაცემის ამბავი არ იცოდა და ძანგი რომ იარაღასხმული დაინახა, შიშით კინალამ გული გაუსკდა:

— ვაიმე, დავიღუპეთ? რა მოხდა, ძანგ? ნუთუ მდევარი დაგვეწია?

— ნუ გეშინია, ჩემო მზის სხივო, ჩვენ არავითარი ხიფათი არ გველის, აი აულის ნახირი გაუტაციათ. მეც მივეხმარო-მეთქი, — დააწყნარა ძანგმა ცოლი.

სწორედ ამ დროს სანეთაც მოვარდა, გაბოსა და ძანგს პირდაპირ შეეჩხა.

— შენ სადღა მიდიხარ? — კითხვა შეაგება ძანგს.

— მდევრებს მივდევ.

— მერე, აგუნდა?

— აგუნდა შინ იქნება. აბა ხალხი ყაჩაღებს დაედევნოს და მე აგუნდას კალთას ამოვეფარო? გინდათ სამუდამოდ თავი მომეჭრას, ზალექსოდ გამხადოს ხალხმა?

— რა ვიცი, სხვისი საქონელია.

— თავი დაანებე, სანეთა, ვიცი მაგისი ხასიათი, არ დაიშლის თავისას. — მოისმა შინიდან აგუნდას ხმა.

— რაკი აგრეა, რა ვიცი, წადით, მაგრამ გაფრთხილდით, ვასთირჯიმ კეთილ გზაზე გატართო.

ძანგსა და გაბოს აღარ გაუგონიათ სანეთას ლოცვა, სწრაფად გაირბინეს ეზო და მდევრებს გაეკიდნენ.

6.

ძანგი, გაბო და ძაბეგი უღელტეხილისკენ აჰყვნენ გზას. სადილობამდე მთას წვერზე მოექცნენ. მთელი ხეობა აქედან ხელისგულივით ჩანდა. გატაცებული საქონელი თითქოს ცამ ჩაყლაპა.

ძანგის გონება გამალეხით მუშაობდა. რატომ დაიკარგა მდინარეს-

თან კვალი? ცხვარი ცხენი ხომ არ არის, რომ გააქვენო, გუშინ კი იმდენი მანძილის გავლას ვერ შეძლებდნენ. ღამით ბრმაა ცხვარი, ფეხსაც ვერ გადაადგმევიანებ. წყალს აღმა ვერ აპყვებოდნენ. ჩქარი მდინარე ამის საძუალებას არ მისცემდა. თუ მდინარეს ქვევით დააყოლეს?

— ბიჭებო, აქ ტყუილად ვკარგავთ დროს. მე ვფიქრობ, სხვა მხრით გაირეკეს პირუტყვი.

— ვითომ საით? — იკითხა გაბომ.

— წყალ-წყალ. იქნებ ვცდები, მაგრამ უნდა შემოწმდეს ჩემი ვარაუდი, სადაც კვალი დაიკარგა, იქიდან უნდა დავიწყოთ ძებნა.

ბიჭები ისევ მდინარისკენ დაეშვნენ. კარგა ხანს მიჰყვინენ დინებას. საექვო ვერაფერი შეამჩნიეს. ერთგან მდინარე გაიშალა. წყალი კოჭამდე წვდებოდათ, აქეთ ნაპირზე ღარტაფი მოათვალთქვარეს, მაგრამ საექვო ვერაფერი ნახეს. გაღმა გავიდნენ. დაბეგმა ნაპირზე ცხვრის კვალი შენიშნა.

ცხადი გახდა, რომ აბრაგებს აქეთ გაეტარებინათ ნადავლი.

— ხედავთ? წყალ-წყალ უვლიათ, ეტყობა, საკმაო გამოცდილება აქვთ.

ორი დღე და ღამე იხეტიალეს უკაცრიელ ხევებში. ხანდახან იჩვენებოდათ, რომ საცაა დაეწიეთ ბოროტმოქმედებსო, მაგრამ ისევ მოულოდნელად იკარგებოდა კვალი. გამოცდილი ქურდები მოხერხებულად უბნევდნენ გზა-კვალს. მესამე ღამეს შხაპუნა წვიმამ გადაარცხა მთა-ველი, რა თქმა უნდა, კვალიც წაიშალა. შეწუხდნენ მღვერები, კრინტს აღარავინ ძრავს. განსაკუთრებით ძანგი ჯავრობს. საქონლის კვალს შუშაზეც კი პოულობდა ხოლმე და ახლა, სამი დღე პატარა ბალღით ატყუეს, ატყუეს და პირში ჩალაგამოვლებული დატოვეს. ასეთი გაცურება ვერ ეპატიებინა საკუთარი თავისთვის.

ერთ გამოქვამულში შეაფარეს წვიმას თავი, ღამეც იქვე გაათიეს. დილით, როცა გატაცებული საქონლის პოვნის იმედი სრულიად გადაუწყდათ, ისევ უღელტეხილზე ავიდნენ.

ნისლი იდგა. თვალთან მიტანილი თითიც არ ჩანდა ერთხანს. მერე მზემ იმარჯვა, მალლა-მალლა აიწია ნისლმა და მალე სულაც გაქრა. ძანგმა მოწმენდილ ცას შეხედა. ერთგან ჭილყვაების გუნდი რალაცას დასტრიალებდა. ხანდახან დაეშვებიან დედამიწაზე, ლენცოფებში ჩაიკარგებიან, მერე ისევ ცაში აიჭრებიან. რალაცანიად ყვივიან.

— გაბო, ჩაირბინე ერთი, ნახე, რას დასტრიალებენ.

გაბომ სწრაფად ჩაირბინა დაღმართი და ლენცოფებში გაუჩინარდა, მალე შორიდან ანიშნა ამხანაგებს, აქ მოდიეთო.

ძანგი და დაბეგი თავქვე დაეშვნენ.

— ცხვრის ჭიგარი, ძანგ!

მითვალთქვარეს-მოათვალთქვარეს: სულ ახლოს ნაცეცხლური, ნახევრად დახრული ძვლები, ცხვრის თავი, ცოტა მოშორებით ცხვრის ნაღვომი, საექვო აღარ იყო, რომ წუხელ აქ მდგარან ქურდები. შორს არ წავიდოდნენ.

ძანგი ბორცვზე შედგა და უფრო დაკვირვებით მოათვალიერა მიდამო. ძალზე ხაცხობი ეჩვენა აქაურობა. ხოლო როცა ორად გაყოფილი პატარა აული დაინახა, რაღა ძიხვედრა უნდოდა, ორი კვირის წიშ ამ აულში ტეხთი დადო იყო მათი მასპინძელი. სწორედ ახლა გაახსენდა დადოს სიტყვები: ცალოთი ყაჩაღები ხალხს ძარცვავენ, საქონელს იპარავენ, ხოცავენ და ხორცს სადღაც მყინვარში მალავენო.

— ბიჭებო, მე მგონი ქურდები ვიპოვეთ. აბა ჩქარა, მოძვეთ, შორს არ წავიდოდნენ.

კვალს მიჰყვენენ. კვალი კი მყინვარისკენ მიდიოდა. სადილობამდე ზეკარაზე ავიდხენ. აქ გაველო ფარას. მალლიდან გადმოიხედეს, ცოტა მოშორებით დაყრილი ცხვარი დაინახეს, ქურდებიც იქვე გაშხლართულიყვნენ. ახლა უკვე სამშვიდობოს ეგონათ ალბათ თავი და სამი დღის ხეტილის შემდეგ ისვენებდნენ.

ბოღმა ყელში მოაწვა ძანგს. ამ მგლებმა ამოწყვიტეს საოცრად გულკეთილი და შრომისმოყვარე ტეხთი ძმების ოჯახი.

აი ის ქურდები, რომელთაც ადამიანური სახე დაუქარგავთ, მკერდში მტაცებელი ცხოველის გული უცემთ. ჯერ ორი კვირაც არ გასულა, რაც ოთხი ძმა დაასაფლავეს, ძალღი მიაკვდა იმათაც სულში, და უკვე საქურდლად გავიდნენ ეს არაადამიანები. ასეთები დედამიწას არ უნდა ამძიმებდნენ. ესენი ხალხის შესაწუხებლად დაბადებულან. ამიტომ მათი დაღუპვა ყველას გაეხარდება.

მაგრამ ძანგმა იცის, რომ ამ მხეცებს ხელდახელ ვერაფერს გამორჩება, ამხანაგები, გაბო და ძაბეგი, გამოუცდელიები, თითქმის ბავშვები არიან. ძალა აბრაგების მხარეზეა. ჰკუთითა და ეშმაკობით უნდა აჯობოს. ძანგს გონება გაუნათდა. ბიჭებს გაანდო ჩანაფიქრი...

მზემ გამეტებით დააქირა. დაღლილი აბრაგები მოთენთა სითბომ. წუხელ შხაპუნა წვიმამ ძალიან შეაწუხათ. თავი ვერსად მიდეს. წელამდე წყალში ტოპავდნენ. ცხვარი მეტწილად ხელით ატარეს. მთელი დამე თვალი არ მოუხუჭავთ. ახლა თუ არ დაისვენეს, ამდენ ცხვარს დაკვლა და გამოშიგვნა ხომ უნდა. ერთი ყარაულობს ცხვარს, ორნი მდელიოზე წამოწვნენ და სულ მალე ხვრინვა ამოუშვეს. მესამე, მართალია ზის, მაგრამ იმასაც სძინავს.

უცემ თოფმა იგრიალა. მკდომარე აბრაგმა ერთი დაიბღავლა და კარტოფლით საესე ტომარასავით ჩაპირქვაედა. მძინარენი ერთ არშინზე შეხტნენ, მაგრამ მალე მოეგნენ გონს. წამოცვივდნენ და იარაღს სტაცეს ხელი. აქეთ-იქით იყურებიან, არაეინა ჩანს. უკან გადახტნენ და კლდეს მოეფარნენ.

ძანგმა თოფს ფალია გამოუცვალა. ხრამიდან ამოხედვას ვერ გაბედავს, ელის როდის გამოჩნდებიან ყაჩაღები.

რამდენიმე მტანჯველმა წუთმა გაიარა, ცხვარი დაფრთხა და გაიფანტა. ქურდებმა დიდი სიფრთხილით დატოვეს საფარი. დაბრუნებულები გაეცალნენ სახიფათო ადგილს და ხრამისკენ გახობდნენ.

გაბომ თვალი შეასწრო გაპარულებს და იგრძნო, თუ ისინი ხრამ-

ში ჩაასწრებენ, ძანგი დაილუპება. ისე სწრაფად მოიფიქრა სამოქმედო გეგმა, რომ მერე თვითონაც უკვირდა. საფარიდან გამოვარდა და ყვირილი ატეხა:

— ჰე, ჰე, ჰეი! არიქათ, არიქათ! ჩქარა, ქვევიდან შემოუარეთ, თორემ გაიპარებიან!

მეორე მხრიდან დაბეგმა მისცა ბანი:

— ჰე, ჰე, ჰე! აქა ვართ, აქ! ვხედავთ, ვხედავთ ძაღლებს! ქვევიდან მოუარეთ, ქვევიდან!

ბიჭების ნასროლი ტყვია ქურდების ცხვირწინ ქვას მოხვდა, კლდის ნატეხმა თავზე გადაუარა შეშინებულებს, იმ წუთში მიწას განერთხნენ.

გაბოს ეშმაკობამ მიზანს მიაღწია.

ქურდებს ეგონათ ალყაში მოგვაქციესო და მეტი გზა რომ აღარ ჰქონდათ, წინ გაიჭრნენ. ისევ იგრიალა თოფმა. ისევ იკივლეს ბიჭებმა.

— არიქა, ძანგ, წინიდან მოუარე, თორემ გაიპარნენ, გაიპარნენ!

ძანგმა თვითონაც დაინახა, მაგრამ აცალა, გაქცევის საშუალება მისცა. თვითონ ზრამიდან ამოძვრა და მიწაზე გაწვა. ქურდები ვარბოდნენ, მერე ერთი შემოტრიალდა, თოფი ჩახმახზე შეაყენა, მაგრამ გასროლა აღარ დასცალდა, ძანგის ტყვიამ მოცელა. მეორემ დაინახა, როგორ ჩაემხო ძმა ლენცოფებში, არ მიშველებია, საკუთარი მღაბალი სულის გადარჩენა ფეხებს მიანდო. გარბოდა, სანამ სული არ შეუგუბდა. ბიჭებმა თავს დაუარეს. შიშით დაფეთებული უკან გაიქცა, ღალმართზე დაგორდა, პირდაპირ ხევში გადაეშვა.

მღევრებმა იფიქრეს, ქურდი სასიკვდილოდ დაშავდაო, ხევის პირზე მიიბრინეს და გაშტერებულები დარჩნენ. ქვევით უფსკრული კი არ იყო, მთის წვერიდან ხეობამდის მყინვარის ნაპრალი ჩადიოდა.

მიხვდნენ, რომ ქურდმა თავს უშველა, ის განგებ დაეშვა მაღლობიდან, რადგან მყინვარის ნაპრალს კარგად იცნობდა. სამშვიდობოს რომ დაიგულა თავი, ჩოხის კალთები აიკვალთა, ცხერის ტყავის ქულზე დაჯდა და დაეშვა ყინულზე. გამოკიდება უაზრობა იქნებოდა, სანამ ესენი ქურდს მიეწეოდნენ, ის სათითაოდ ამოიღებდა მიზანში და სამივეს დახოცავდა.

ძანგი თავის თავს უწყყრებოდა, ასეთი შეცდომა როგორ მომივიდაო. ის ერთიჯ რად გავუშვი ცოცხალიო, მაგრამ გაფუჭებულ საქმეს რაღა ეშველებოდა.

გაფანტული და დაფეთებული ცხვრები ძლივძლივობით დააქუჩენ და შინისაკენ გამოირეკეს. თითქმის სამშვიდობოს იყენენ გასულები, რომ ხეობის მოსახვევში, კლდის თავზე თოფმა იგრიალა. ძანგს ბეჭი აეწვა.

— კლდეს მოეფარეთ! — შესძახა მან ბიჭებს და თვითონაც კლდის ძირში უზარმაზარ ლოდს ამოეფარა. მიხვდა, რომ ცოცხლად დარჩენილი ქურდი დაღუპული ძმების სისხლის აღებას ლამობდა. გზა მოჭრილი იყო.

თოფის ხმაზე დამფრთხალი ცხვრები ერთიმეორეს აეკვრნენ და გზაზე ლოდების ძირში შექუჩდნენ.

ისევ იქუხა თოფმა. გაბოს კლდის ნაფშევენები დაეყარა თავზე. სამივე ხაფანგში იყო გაბმული.

— ეს მამაძალი სათითაოდ დაგვხოცავს, — გადაულაპარაკა გაბომ დაბევს და წინ გახზობდა. ცხვარში შეერია, უკან დაბევი მიჰყვა.

— რას შვრებით, ბიჭებო! — იყვირა ძანგმა, მაგრამ ბიჭები უკვე სამშვიდობოს გავიდნენ.

ძანგი მიხვდა მათ განზრახვას. ქუდი მოიხადა და ჯოხით სულ ოდნავ ასწია მალა. იმ წუთში ტყვიამ გაუარა შუაში. ცოტა ხნის შემდეგ ეს ფანდი კიდევ გაიმეორა, ისევ იფეთქა თოფმა, ისევ გახვრიტა ტყვიამ ტყავის ქუდი.

როგორც კი მესამედ ასწია ქუდი, გზის ქვემოდან ორი გასროლა გაისმა. ძანგმა დაინახა ცალოთთა უკანასკნელი მოდგმა როგორ გადმოეშვა კლდის თავიდან.

— გაბო, ჩემი საქმე ვერ არის კარგად, შეატყობინე აულში, — ამოვიგმინა ძანგმა და ლოდებიდან ძირს ჩამოცურდა.

შუალამე გადავიდა, მაგრამ აულში არავის სძინავს. გაბოს ეზოში მოუყრია დიდსა და პატარას თავი. ზოგი ზის, ზოგიც ლობეს მიყრდნობია და თვალს არ ამორებს მიწურის კარს. ელოდებიან, როდის გამოვა მათი ჯარა ექიმი ბერდი, რომელიც აგერ რამდენი ხანია ძანგის ჭრილობას ჩაჰკირკიტებს. ბერდემ კარგად იცის თავის საქმე, მთელი ზეობის გაჭირვების ტალ-კვესია. განსაკუთრებით ჭრილობების მკურნალობა ეხერხება. მემკვიდრეობით გადაეცა ბერდის ეს საპატიო პროფესია.

მაგრამ ამჯერად რა დაემართა. ძალიან დიდხანს უნდება ჭრილობის დამუშავებას. ეს არის მიზეზი, რომ ეზოში მყოფები შფოთავენ. რაღაცნაირი შიშით მისჩერებიან მიწურის კარს.

ეზოში განცალკევებით შეჭვფუფულან ახალგაზრდები. შუაში გაბო და დაბევი ჩაუყენებიან და ვინ იცის, მერამდენედ აამბობინებენ თავს გადახდენილ ამბავს. ბიჭები ერთიმეორეს არ აცდიან ლაპარაკს, ძანგის ეაქაცობაზე და მოხერხებაზე ლამის ლეგენდა შექმნან. ყველას ძანგის სახელი აკერია პირზე. ყველასათვის ახლობელი და მშობლიური გახდა გაბოს სტუმარი, რომელსაც აულში ჯერ კარგადაც არ იცნობენ. უცხო ხალხისთვის მან მტრის ტყვიას მიუშვირა მკერდი.

კარგასბაღანელთათვის ასეთი თავგანწირვა არავის გამოუჩენია.

ჰო, მაგრამ, ვინ არის? სადაურია? ისე კი ხვდებიან, გაჭირვებულია და იმიტომ გაუწევია ჩრდილოეთისკენ. ღმერთმა დაიფაროს და რამე რომ დაემართოს, მთელი აული იქნება დამნაშავე.

კარი გაიღო, ორმა ქალმა აგუნდა გარეთ გამოიყვანა. ეზოში მსხდომნი ფეხზე წამოდგნენ.

— ეს უცნობი ქალი ვილა? — იკითხა ვილაცამ ჩურჩულით.

— ძანგის ცოლია, აგუნდა, — ჩურჩულით უპასუხა გაბომ და ამით აგრძობინა ცნობისმოყვარეს, რომ მეტი არაფერი მკითხოო.

— არაფერი მესმის, როგორ თუ ცოლი? — ისევ სძლია ცნობისმოყვარეობამ კაცს.

— გითხრეს ცოლიაო, რაღას კითხულობ!.. — გაბოს პასუხი არ დააცალა ძაბეგმა.

ცოტა ხნის შემდეგ დაღლილ-დაქანცული ბერდი გამოჩნდა.

ხალხი გარს შემოეხვია.

— ძალიან დიდი გაჭირვებით გამოვულე ტყვია. მძიმე ჭრილობაა, მაგრამ საშიში არ არის, მორჩება. — გაახარა ბერდიმ ხალხი. ერთი ეგ არის, დიდხანს ვერ გამოკეთდება, დაიტანჯება ბეჩავი.

და მართლაც მძიმე ღლები გადაიტანა ძანგმა. სანამ ის ფეხზე დადგებოდა, დაუპატიჟებელი სტუმარივით გამოეცხადა ცარგასბადანს ზამთარი. ჩაიკეტა გზები. უღელტეხილზე სამი არშინი თოვლი დადო. ძანგი და აგუნდა გაზაფხულამდე დარჩნენ ცარგასბადანში.

7.

ზამთარი ძალით იჭრება მთაში, სამაგიეროდ გაზაფხული ბუტია პატარძალივით ხაზმუზიანობს. იმ წელსაც გაჭიანურდა ზამთარი, გაზაფხულის თვეებიც თავისად მიითვალა. ზაფხული ახლოვდებოდა, მაგრამ თოვლის სქელი საფარი ისევ იდო მიწაზე, ვერა და ვერ გავიდა გზა ჩრდილოეთისაკენ.

მამაკაცები საშოვარზე წასასვლელად ემზადებიან, გზა კი არ ჩანს. აული მოუსვენრობს. განსაკუთრებით წუხან ისინი, ვინც ოჯახში ყველაზე ხელმოკლედ არიან. რა ქნან? წაუსვლელია არ შეიძლება, გაისადაც შიმშილი მოუწევთ, წავიდნენ და მშიერ-მწყურვალ ჯალაბს რა ეშველება, ან კუთად ჩაცვივულ საქონელს ვინ მოუვლის. ჯერ ერთი, როდის ბალახი ამოვა, მეორეც, ვინ უპატრონებს ნახირს. მწყემსი არა ჰყავთ. ვისაც მწყემსობა შეუძლია, ის საშოვარზე მიდის და...

ამას გარდა გაზაფხულს კიდევ სხვა საფიქრალიც მოსდევს. უჭირს აულს, როგორც კი დათბება, აულის თავკაცები ხშირად იკრიბებიან, ბჭობენ აულის ავ-კარგზე. აი ახლაც გვარის უფროსები შეკრებილან და მსჯელობენ, ვინ რას გააკეთებს. თავკაცები არიგებენ საშოვარზე წამსვლელებს. შინ დარჩენილები კი მოხნავენ ან დაქორჩნიან საქერე მიწას, დათესენ, მკას კი ისინიც ჩამოუსწრებენ.

ნინხასში სწორედ მაშინ გამოჩნდა ძანგი, გაცხარებული მსჯელობა რომ იყო გამართული. წუთით შეწყდა ლაპარაკი. ფეხზე წამოუდგნენ უფროსები.

ძანგი აულის საპატიო სტუმარია. შარშან მათი ფარა ქურდებს რომ გამოსტაცა, მას შემდეგ ყველა ოჯახის კარი ღიაა მისთვის. მთელი აული უვლიდა ავადმყოფს. არაფერი შურდათ მისთვის, მამაკაცები ხომ გვერდიდან არ სცილდებოდნენ.

ძანგმა დაირცხვინა, უფროსებს სიტყვა რომ შეაწყვეტინა.

— დაბრძანდით, დაბრძანდით, მაპატიეთ, ხელი შეგიშალეთ.

— რას ამბობ, ძანგ, აგერ ჩემს გვერდით ჩამოჯექი, შვილო.

— თქვენს გვერდით მჯდომს დიდი ჰკუა და გამოცდილება უნდა ჰქონდეს, დადა ბერდ, მე კი არც გამოცდილება მაქვს და არც იმდენი ჰკუა, — და ძანგი ბოლოში, უმცროსებთან დაჯდა.

— ეჰ, შვილო, ხელმოკლე ხალხის ფიქრი ერთია — ლუქმაპური. აი ახლაც ამაზე ვლაპარაკობთ. ხალხი საშოვარზე წასასვლელად ემზადება, — განუმარტა ბერდომ ძანგს მათი საუბრის აზრი და თან ჰკითხა: — შენ როგორღა ხარ, ხომ აღარაფერს იტკივებ?

— ღვთის მადლით, ფეხზე დავდექი.

— ჩვენი აული ვალშია შენს წინაშე, ჩემო მზეო. ჩვენთვის ტყვიას მიუშვირე მკერდი. შენს ვაჟკაცობას არასოდეს დავივიწყებთ. აულის სახელით დიდ მადლობას გწირავთ.

— მადლობა ჩემგან გეკუთვნით, ცარგასბადანელებო... თქვენი სიკეთის გადახდას ალბათ ვერ შეეძლებ, მაგრამ არც დავივიწყებ. მივდივართ დილით. მადლობის გადასახნელად შეგაწუხებთ, ყველასათვის ერთად მინდოდა მეთქვა...

შეკრებილთ თითქოს მყინვარის ქარმა წამოუბერაო. ხმა ველარ ამოიღეს.

აულის თავკაცები ჩაფიქრდნენ. თავიანთი სტუმრების ბედზე საგონებელს მიეცნენ. შარშანს აქეთია სტუმრობენ მათ აულში და უნდა ითქვას, ხალხმა ახლობლებივით შეიყვარა ისინი. უცხო ხალხისათვის ტყვიას მიუშვირა მკერდი ძანგმა. იმ ავადმოსაგონარ დღესაც წასასვლელად ემზადებოდნენ, მაგრამ არ იკადრა აულის გასაქირში მიტოვება. ახლაც წასვლას აპირებს, მაგრამ სად წაველენ? ქვეყანაზე ფეხმოსაკიდებელი არსად გააჩნიათ. ხელმოკლე ცოლ-ქმარი თითის სიგრძე ბავშვით! რა მოვლით იქ, ჩრდილოეთში? შეძლებულსა და დალხინებულს ეტკინება მათი ტკივილი? საწყალსა და ხელმოკლეს კი თვითონაც არაფერი გააჩნია. უთხრან დარჩი, ჩვენთან იცხოვრეო, მერე მიწა? მწირი მიწის კალთის ტოლა ნაგლეჯები მათი საკმარისიც არ არის.

მაგრამ მაინც უნდა მოიფიქრონ რამე. წაქეუულ კაცს ხელის წაშველება სჭირდება. საწყალსა და დაჩაგრულს კი მხოლოდ ის გაუგებს, ვისაც თვითონ გამოუტდია გაქირვება.

და ფიქრობენ ცარგასბადანელი ბრძენკაცები, მისხლობით ზომავენ მთის წვერიდან დაგორებული კაცის შეჩერებისა და გადარჩენის ღონისძიებებს. ხან ხელს შეაშველებენ, ხან ბეჭებს.

გვიან-გვიან ამოიღო ბერდომ ხმა. მისი გადაწყვეტილება ურყევია. თოვლივით თეთრ წვერზე დამკვანარი ხელი ჩამოისევა და თქვა:

— ძანგ, ჩემო მზევ, სიმართლე რომ გითხრა, არ მიხარია შენი წასვლა. არა, რომ ვიცოდეთ, სადაც მიდიხარ, იქ უკეთესი იქნება, რატომ არა, გზას დავილოცავდით გულით.

— რა ვუყოთ, მეტი გამოსავალი არ არის.

— ვიცი, შვილო, ვიცი, მაგრამ დამიგდე ყური. ჩვენს გულში ძალზე დიდი ადგილის დაკავება შეძელი. შენმა ვაჟაკობამ, ჭკუამ, ზრდილობამ დაგვიმორჩილა, და ხვალ რომ გაგიჭირდეს, ჩვენთვისაც არ იქნება ადვილი, ამიტომ გთხოვ, დარჩი ჩვენთან. რითაც ჩვენ ვიცხოვრებთ, თქვენც იმით იცხოვრეთ. ძმასავით გვეყოლები.

ძანგი საქმის ასე შემოტრიალებას არ ელოდა და შეკრთა.

— არ ვიცი, როგორ გადაგიხადოთ მადლობა. რა დასამალია. მეც მიჭირს თქვენთან განშორება. შევეჩვიეთ, ღმერთმა სიკითე ნუ მოგშალოთ. მე და ჩემს მეუღლეს დიდი პატივი გვიცით. პირველად აქ. თქვენს შორის ვიგარქენი, რომ მეც კაცი ვარ, თქვენი ტოლი. მაგრამ თქვენ თვითონ დაფიქრდით, როგორ დავრჩეთ, სად ვიცხოვრებთ? რითი? მიწა თქვენი სამყოფიც არ არის. დიდი მადლობა, ჩემთვის ყველაზე ძვირფასი ის არის, რომ თქვენ ასე ზრუნავთ უცხო ოჯახზე, მეტი გზა არ არის, წაივალთ. ქვეყანა დიდია.

— მართალი ხარ, ძანგ, მიწა არა გვაქვს, მაგრამ სახლზე ნუ შეწყუბნები. აგერ აულის თავში ჩემი სახლი ცარიელია. ბიჭისათვის მოვამზადე, დავაქორწინებ-მიტყი. არ მელირსა... გაიგებდი ჩემს ამბავს, საქორწილო შვილი გამომეცალა ხილიდან. მას შემდეგ იმ სახლში ფეხი არავის შეუდგამს. როდემდის უნდა იყოს უკაცრიელი? ახლა იმისთვის სახლი საჭირო აღარ არის, თქვენ კი გიჭირთ. ერდოდან კვამლი რომ ავა, მეც გულზე მომეშვება.

— არ ვიცი, როგორ გადაგიხადო მადლობა. მაგრამ ეგ შეუძლებელია, დადა ბერდ. ცოლ-შვილი მყავს. რითი ვაცხოვრო, რა ვაჭამო.

— თუ დარჩებით ჩინთან, გიშოვით საქმეს. სწორედ ამაზე ვსაუბრობდით. მწყემსი არა გყავს. მორიგეობით დაედეთ ნახირს. ეს კი იოლი როდია. ჰოდა, ჩაიბარე აულის პირუტყვი. საქმელ-სასმლით ჩვენ მოგამარაგებთ. მე რე თანდათან თვითონაც მოეწევი ცხოვრებას. ასეთია ჩემი გადაწყვეტილება, თქვენ კი რას იტყვით, ხალხო? — მიუბრუნდა ის ხალხს.

ნიხასში გამეფებული ღუმელი თვალის დახამხამებაში გაქრა და ზალხმა ერთხმად წამოიძახა:

— თანახმა ვართ!

— სირცხვილიც იქნება, აულმა ერთი ოჯახი ვერ შეინახოს.

— დარჩი. ძანგ, დარჩი, ძმა იქნები ჩინ!

გაბო განზე იდგა. წუხელს აქეთ დანა პირს არ უხსნიდა. ძანგმა წასვლა გადაწყვიტა.

ძანგს სახეზე ეტყობა. აულის თავკაცის სიტყვამ გული სიხარულით აუჩქროლა. მოღრუბლული ცა რომ მოიწმინდება, ისე გაუბრწყინდა თვალები, თითქოს ტყვიის საპალნე მოეხსნაო, ისეთი უჩვეულო სიმსუბუქე იგრძნო ტანში, თვალებიდან სიხარულის ნაპერწკლებს აფრქვევს. მძიმედ წამოდგა, კრძალვით მიეახლა ბერდის და მის წინ მუხლებზე დაეცა.

— რა სახელით მოგმართო, ცარგასბადანის სინდის-ნამუსო, გულ-მართალო ბრძენკაცო! მამა არავეისთვის მიწოდებია, მამა იქნები ჩემი. რით გადაგიხადო სამაგიერო, არაფერი მაქვს. აი ეს ორი ხელი! — ინებეთ!..

— ფეხზე წამოდექ, შვილო, — მოხუცმა ზეზე წამოაყენა დანგი. — ეგ ორი ხელი მშვიდობაში მოგლლოდეს. სადაც საჭირო იყო, მთელმა აულმა იცის, რა ვაქეაცობაც გამოიჩინე. დარჩი ჩვენთან. იცხოვერე ჩვენ შორის, სიხარული და ნალველი ძმურად გავიყოთ.

დანგმა მძიმედ მოატარა თვალი ნიხასში, ყველა მას უყურებდა. ყველა თანახმა იყო, რომ ის, უთვისტომო და ცარიელ-ტარიელი კაცი, აწ და მარადის მათი თანაზიარი ხდებოდა. ლამის უმტყუნა ღონემ, ლამის ატირდა ვაქეაცი. არც კი იცოდა ვინ არის, საიდან მოვიდა და ვაითუ ოდესმე მისი მიზეზით აული შეავიწროონ. ეს აზრი ჩაეჭიდა გონებაში და შეუფოთდა:

— კი მაგრამ, თქვენ ხომ არ მიცნობთ?

— ვიცით, ჩემო მზეო, ვიცით. შენ დარდი ნურაფრისა გაქვს. და თუ რაიმე მოხდება, ერთ კაცს ვერ შეგინახავთ?

უკანასკნელი ტვირთი მოეხსნა დანგს. შევებით ამოისუნთქა და ძლივს მოახერხა:

— არ შეგარცხენთ... ვფიცავ...

და დანგი ცარგასბადანში დარჩა საცხოვრებლად.

მეხუთე თავი

მიძინებულ გულში სიუპარულმა გაიღვიძა

1.

მთიდან ბრუნდებოდა სოლიმი. ლენცოფიანში მამითადის კიეინი მოესმა და მათკენ გაუხვია. ეწყინა, რომ თიბვა ყუნცელმა დაასწრო. მთელი აული აქ იყო. ისმოდა პირალესილი ცელის სისინ-წივილი. არ უნდოდა ყუნცელთან შეხვედრა, მაგრამ ცნობისმოყვარეობამ წასძლია, იფიქრა, ვინ წამოჰყვა ამ პურძვირა ჩერჩეტსო.

ქალიმათმა მთიბავებს სამხარი ამოუტანა. ლარივით გაჭიმულ სერელებს რომ გახედა, თავისი ბავშვობა გაახსენდა. ეპ, რა ბედნიერი იყო მაშინ ქალიმათი. საგო გვერდიდან არ იცილებდა ქალიშვილს. ბიჭი არა ჰყავდა და ყველა საკაცო საქმეს ასწავლიდა. წავიდა ის დრო, მხოლოდ ქალიმათისათვის დარჩა ტკბილ მოგონებად. ახლაც ფიქრმა გაიტაცა. ცორას ცელს ფხა გაუხსიწა.

— წინათ მეც ვთიბავდი ხოლმე...

— აბა, ახლა სცადე, — უთხრა ცორამ.

— მოვახერხებლა?

— სცადე.

— რას ამბობ, ცორა, ცელს დაგიჩლუნგებ.

— თავს შემოგველოს, თუ დაჩლუნგდება, გავლესავ.

— მხოლოდ არ დამცინოთ, — ქალიშათი კვალში ჩადგა. ჯერ გაუბედავად გამოუსვა ბალახს ცელი. მერე თანდათან გაიმართა და მის ყურებას აღარაფერი სჯობდა. ლარივით გაჭიმა სვრელი. მთიბა-ვებმა ჭამა შეწყვიტეს, გაოცებულები შეჰყურებდნენ ქალიშათს.

— ჰე, ეგეც თქვენ, — კეთა მოიფხანა ცორამ. ეშხში შესული ქალიშათი კი მარჯვედ იჩნევდა ცელს.

სოლიმი მთიბავებს მიესალმა და იმანაც ქალიშათს დაუწყაო ცქე-რა.

— ვინ არის? — იკითხა მან.

— ყუნცელის რძალია, ქალიშათი.

— რა მშვენივრად იმორჩილებს ცელს.

— მაგაზე მარჯვე ქალი არ დაიბადება ქვეყანაზე.

— ჰაი, გიდი, მაგას რომ შესაფერი ქმარი შეხვედროდა, — ამოიხრა ცორამ.

სოლიმი თვალს ველარ აშორებს ქალიშათს. კობტა ბეჭებზე მაჩის სიმსხო ნაწნავები აყრია. ცელს რომ მოიქნევს, წვრილ წელს თან მი-აყოლებს და სოლიმს ჰგონია სადაცაა შუშასავით გადატყდებაო.

თავისდა უნებურად მოთიბულ ბალახზე მიგდებულ ცელს მის-წვდა. ერთი წუთის შემდეგ სათიბში ჩადგა. სოლიმს რა, თიბვა ეს-წავლება თუ? მეტი რა ასწავლა მამამ. სულს ართმევდა მუშაობით. იწივლა ცელმა. სოლიმი ქალიშათს გაეკიდა.

ქალიშათი გავიდა ბოლოში და ცელი მოთიბულ ბალახზე მიაგ-დო, მაშინდა მოიხედა უკან. სოლიმი რომ დაინახა, შერცხვა. თეთრი მოსახვევით პირი აიხვია.

— არ დამცინო, ახალგაზრდობა გავიხსენე. მამაჩემი მასწავლიდა-ცელის ხმარებას.

— ქალიშათ, ასეთი თუ იყავი, არ ვიცოდი. ღმერთს გეფიცები, კარგ ვაუკაცს შეშურდება შენი.

სოლიმი გულწრფელად ამბობდა ამას. ქალიშათს ქება ესიამოვნა.

— მოდი, თითო სვრელიც გავიტანოთ.

— არა, რას ამბობ, შენთან შეჯიბრება სად შემიძლია, — წა-მობრძანდი, ჩვენთან ისამხრე.

— გმადლობ, ქალიშათ. შინ მეჩქარება. აქ სადღაც ცივი წყაროა...

— ახლავე ამოგიტან, შენ აქ მომიცადე.

ქალიშათმა ხელადას წამოავლო ხელი და ფერდობზე დაეშვა. სო-ლიმი მთიბავებთან მივიდა. ეხვეწნენ, ჩვენთან ისამხრეო, მაგრამ სოლიმს კრიჭა შეეკრა.

წყარო მოშორებით იყო. ქალიშათი იგვიანებდა. მთიბავები წამო-

იშალნენ. სოლიმიც აწრიალდა. წასვლა უნდა, მაგრამ თითქოს დაბმულია, ნაბიჯის გადადგმას ვერ ახერხებს. გვიან გამოჩნდა ქალიმათი. საესე ხელადა სოლიმს მიაწოდა და თან მოუბოდიშა:

— ბარემ არაყი გეკუთვნის, მაგრამ მამამთილი მუშისთვის არაყს როგორ გაიმეტებს.

— რას ამბობ, ქალიმათ, ეს წყალი მე ოქროს მირჩევენია.

სოლიმმა ხელადა მოიყუდა და ქალიმათს შეპარვით დაუწყო თვალთვალი. ქალის უზადო სილამაზით მოიხიბლა: ვარდის ფურცელივით აფერადებული ღაწვები. ახლა თვალები?! ორი უძირო გიშრის ტბა. „ღმერთო, რა ლამაზი ყოფილა!“ — გაიფიქრა სოლიმმა და წყალი წურწურით ჩამოელვარა მკერდზე. ასეთი თვალები სოლიმმა პირველად დაინახა, ნალვერდალივით სწვავენ. ოჰო, ოჰო, რა ძალა აქვთ. გათანგეს ვაჟაკი, გააკავეს და ერთ ადგილზე მილურსმეს. რაღაც დაემართა. ხელადის პირიდან მოხსნას ველარ ახერხებს. ხარბად სვამს წყალს, თითქოს უნდა გულში გაჩაღებული ცეცხლი გაინელოსო, მაგრამ ცეცხლი, პირიქით, ძლიერდება, ძლიერდება და გულს რაღაც მეტად საამო ტკივილით თანგავს.

ხელადაში დარჩენილი წყალი მკერდში ჩაიღვარა, იქნებ მოვერითო გრძნობასო. ცივმა წყალმა მართლა იმოქმედა. გონზე მოვიდა.

— უჰ, უჰ, ბავშვივით არ გავიწუწუე, — მოიბოდიშა და მკერდზე ხელი დაისვა. — მაპატიე, ქალიმათ, ჩემს სიცოცხლეში ასეთი წყალი არ დამიღვევია, გმადლობ.

— ღმართმა შეგარგოს, ალალი, ალალი, — მორცხვად ჩაილაპარაკა ქალიმათმა, ჯამ-ჭურჭელი კალათაში ჩაალაგა და ფერდობზე დაეშვა.

სოლიმი გაოგნებული იყო. იდგა და უყურებდა, თვალი ველარ დაახამხამა, სანამ ქალიმათი დეკიანში არ გაუჩინარდა. ეს რა დაემართა?! თითქოს ქალი პირველად დაინახა!

სოლიმის დაოჯახების დრო გადავიდა კიდევ. ლამაზი ქალიშვილებიც ეძლეოდა, მდიდრებიც, კეთილშობილი გვარის შვილებიც, მაგრამ დღევანდლამდის გული არვისზე შევარდნია. ახლა კი ვიღაცის ცოლმა მოსტაცა გული და ისიც ვინ? გიჟი გაბას ცოლმა. იმ არარაობას ასეთი ნატვრის თვალი? ფუ, მამ ღმერთს სამართალი აქვს!? იმ ნალვერდალივით მწველ თვალებს დორბლიანი გაბა უნდა კოცნიდეს.

ის დღე იყო და ის დღე. სოლიმი ყუჩუცელის კარ-მიდამოს აღარ სცილდება, ქალიმათთან გამოლაპარაკების მიზეზს ეძებს. მაგრამ ვერა და ვერ ჩაიგდო ხელში. და აი შემოდგომის ერთ საღამოს ის საოცნებო ჩიტი თავისი ნებით მიფრინდა მასთან.

— მამამთილმა, თუ შეიძლება, თქვენს წისქვილზე დაგვაფქვევინეო, ჩვენი გასამართია. თვითონ შეუძლოდ არის, ვინ გამართავს. საფასურს გადაგიხდითო, ასე თქვა მამამთილმა.

სოლიმმა სიხარულით კინაღამ შეკვივლა, უღვაშებში ჩაიღიმიალა.

— არა გრცხვენია, ქალიმათ, რა საფასურზე ლაპარაკობ? თავს შემოგვევლოს ჩემი წისქვილი. ხვალ საღამოდან თავისუფალია. დღეს საარაყე მაქვს ჩამოსაფქვეავი.

სოლიმი ზეიმობდა. არაერთარი საარაყე არ ჰქონდა დასაფქვეავი, ეს მხოლოდ იმიტომ მოიგონა, რომ ქალიმათი ღამე დარჩენილიყო წისქვილში. ასეც მოხდებოდა, რადგან ყუნცელი ავად იყო. დუდუს თვალთ აკლდა და აბა ქალიმათის მეტი ვინ წავიდოდა წისქვილში. გაბა ხომ სათვალავშიც არ არის ჩასაგდები.

2.

ვახშმობა გადასული იქნებოდა, სოლიმმა რომ წისქვილის კარზე მიაკაკუნა.

— ე. ოჯახიშვილებო, არ შეგეშინდეთ, სტუმრად მოვედი.

კარი გაიღო და გაბა გარეთ გამოვიდა.

— რისა უნდა შეგვეშინდეს. მიყურე! აქაც კაცია, კაცი. — და გაბამ მკერდზე დაირტყა ხელი.

— საღამო მშვიდობისათ. მაპატიეთ, რომ უდროო დროს შეგაწუხეთ. სულ გადამავიწყდა, გამეფრთხილებინე, ქალიმათ. საარაყეს რომ ვფქვეავდი, დოლაბი მაღლა ავწიე, ფქვილი არ გაუფუქდეთ-მეთქი.

— ღმერთო მომკალი, მართლა რა მსხვილად ფქვეავს, — ხელში მოსრისა ფქვილი ქალიმათმა.

— აბა, ხომ გითხარი, რძალო, შენ კი ყურიც არ მათხოვე, ასე იცი ყოველთვის, — გაიბუტა გაბა.

— რძალოს ვის ეძახი, გაბა? — ჰკითხა სოლიმმა.

— მე მეძახის, დედამთილი და მამამთილი როგორც მეძახიან, — დაირცხვინა ქალიმათმა.

— არაფრად მაგდებს, სოლიმ. მე ერთს ვამბობ, ეგ მეორეს. აგერ ბორბალს რა ატრიალებს? ეგ ამბობს წყალიო, მე ვამბობ ეშმაკი-მეთქი. შენ მაინც უთხარი, რომ ბორბალს ეშმაკი ატრიალებს, შეხედე, შეხედე! არ გჯერა? თუ გინდა, წამოდი და ვნახოთ, — ილრიკება გაბა.

— მოიცადე, ჯერ ფქვილს მოვეუაროთ და მერე ვნახოთ შენი ეშმაკი.

— მანამდე სულ შეჭამს ჩვენს ფქვილს. იცი, იმ ეშმაკს ყუნცელი ჰქვია.

— მამაშენი?

— ჰო, არ იცოდი? ბაბა ეშმაკების უფროსია!

— გაბა, ნახე რამე, რითი დავწიოთ დოლაბი? — ვერაფერი ნახეს.

— გაიქეცი ჩვენსა გაბა, ეზოში კუნძზე სარგებია: მიყუდებული, ჩამოიტანე, — დაუძახა სოლიმმა გაბას.

გაბამ იმ წუთში მოიბრინა.

— მე მითხარი, სოლიმ? მივეფრინავ. ახლავე აქ გავჩნდები. — გაბა გაიქცა.

— მაპატიე, ქალიმათ, იქნებ აუგია ახლა ჩემი აქ ყოფნა, მაგრამ ველარ მოვითმინე, ვიცოდი თუ ფქვილი გაგიფუჭდებოდა, კარგ დღეს არ დაგაყრიდნენ. რა ვქნა, შენმა დარდმა მოსვენება დამიკარგა.

— ღმერთმა სიკეთე მოგცეს. მარტო შენ გეცოდები ამქვეყნად.

— ეჰ, ქალიმათ, ღმერთსაც სამართალი არა აქვს. ვინც ღირსი არ არის, იმას აბედნიერებს, ვინც მართლა ბედნიერების ღირსია — აუბედურებს.

— მაგას რად ამბობ? შენ ბედნიერი იქნები. რომელი ლამაზი გეტყვის უარს.

— გულს ვერ უბრძანებ, ქალიმათ, ჯიუტია, არ დაგემორჩილება. ჩემი გული არავის იკარებს. დავხუჭო თვალები და ისე შევირთო, ვაითუ ვინანო.

ქალიმათი დუმდა.

— აი შენ, თუმცა შენი მდგომარეობა სხვა იყო, მაგრამ მაინც, განა ბედნიერი ხარ?

— კაცის საქმე სხვაა. ვისაც უნდა, იმას ითხოვს. ქალია უბედური.

— ო, არა, ქალიმათ, გულმა უნდა აირჩიოს. მაპატიე, ვიცი, რომ შენთვის ძნელია ამ საკითხზე ლაპარაკი, მაგრამ სიტყვამ მოიტანა. რა ვქნა, გულს ველარ ვიმორჩილებ, როგორ გითხრა...

— თქვი, თქვი.

— ვხედავ, როგორ იტანჯები. საწყენად არ ვამბობ. ქალიც ხომ ადამიანია. იმასაც ხომ აქვს გული შენ კი ამოგგლიჯეს ის გული და სულელ გაბას ღილივით მიაკერეს. რადა? რა დააშავე?

ქალიმათმა ტირილი დაიწყო.

— ნუ იტირებ, ქალიმათ. საწყენად არ მითქვამს. მე იმას ვამბობ, რომ შენ ახლა გძინავს. ცხოვრება კი შენს გვერდით გარბის. სანამ ახალგაზრდა ხარ, გაახილე თვალი, თორემ მერე გვიან იქნება...

— ერთი სიცოცხლე მქონდა და გაქრა. მეორეს აღარ ველოდები.

— ადამიანი მხოლოდ ერთხელ ცხოვრობს. და ამ ცხოვრებას ყველაფერი უნდა გამოსტაცო, ყველაფერი, რასაც გული გეტყვის.

— რა ადვილად ლაპარაკობ.

— მომისმინე, ქალიმათ. თუ ჩემი ნათქვამი ჰკუთხე დაგიჯდეს, ხომ კარგი, თუ არა და კარი გააღე და აქედან გამავდე.

— თქვი, რა გინდა?

— ჩვენ ორიდან ერთს ამ აულში აღარ ეცხოვრება. მაგრამ მე შენს შეწუხებას, სიკვდილი მიჩვენია.

— უიმე, განა რა დაგიშავე ისეთი?

— დამნაშავე მე ვარ.

— აღარ იტყვი, რაშია საქმე?

— მიყვარხარ, ქალიშათ...

— ეგ რა თქვი? — ძლივგასაგონად წაიჩურჩულა ქალიშათმა და კარისაკენ გაქანდა.

— მოიცა, სად გარბიხარ? — მისწვდა სოლიმი.

— თავი მომეჭრა, ქმრიან ქალს როგორ შემომბედე, — ამოიყნავლა ქალიშათმა და ვერხვის ფოთოლივით აძაგდაგდა.

— რა არის სირცხვილი? განა მე დამნაშავე ვარ, რომ მიყვარხარ? მაშინ ღმერთია დამნაშავე, ასეთი უზადო სილამაზით რომ დაგაჯილდოვა. რატომ ხარ ასე მშვენიერი? ჰოდა, რომ მიყვარხარ, ამაში თვითონ მიგიძღვის ბრალი.

— გაჩუმდი, გაჩუმდი. არ გაიმეორო, არ მსურს მოსმენა. მე ქმარი მყავს, ვალდებული ვარ ვუერთგულო...

— არა ხარ გულწრფელი, ქალიშათ. არ გიყვარს ქმარი, არადა რა ქმარი? გაბას ადამიანი ქმარს დაუძახებს? იცოდე ხვალამ აქ გელოდები!

— წადი, წადი, ნამუსზე ხელი აგიღია და არც კი გრცხვენია!

კარში დაღლილმა გაბამ შემოაბოტა. მხარზე უშველებელი ლატნები გაედო.

— აჰა! ლამის სული გამძვრა, მამაჩემი კი... პურს ტყუილად გაჰმევეო, ხედავთ? ესენი მე მოვიტანე, — გაბა კმაყოფილი იყო თავის ნამუშევრით.

— ერთი არ გეყოფოდა, შე უბედურო, — შეუბღვირა სოლიმმა გაბას. დოლაბი დაუშვა და წავიდა.

— ერთი! მერე, ერთი ხომ შეიძლება გატეხილიყო. მეორედ ისევ მე გამგზავნიდით. რძალო, რად წავიდა სოლიმი?

— ღმერთმა რომ არ იცის შენი თავი, რა ვიცი რად წავიდა.

— რა დაგიშავე, რძალო, ლატანი ხომ მოგიტანე?

— დედაბუდიანად ამოწყდით, ჩემი ცოდვით არ გაიხარეთ, არ გაიხარეთ! — აქვითინდა ქალიშათი და ხორბლით სავსე გუდაზე დაეშხო.

3.

მთელი საღამოა არ ისვენებს კრიჰინობელა. კედლის ნაპრალში შემძვრალა და რაც ძალა და ღონე აქვს კრიჰინებს, თითქოს ვილაცას აფრთხილებს: „არიჰა, რა იქენით, დაიჭირეთ, თორემ გაიპარა!“

მაგრამ არავის ესმის მისი. არავინ წამოხტა ლოგინიდან. ჩაბნელებულ ოთახში გაბა ხვრინავს, მეორე ოთახში კი ყუცელი და დუდუ გულის ძილში არიან.

დაიღალა კრიჰინა თუ ძილმა წაართვა თავი, დადუმდა. მხოლოდ ქალიშათს არა სძინავს. საწოლში შამფურავით ტრიალებს. ხანდახან წამოდგება, თითის წვერებზე მივა კარამდის, მაგრამ რომ მიეკარება. თითქოს ღენმა დაარტყაო, უკან გადმოხტება, ისევ საწოლში ბრუნდება.

სიყვარულმა იფეთქა გულში!

„სიყვარული! რამდენი უოცნებია ქალიმათს. მაგრამ ამ დასაწევავ ოჯახში შემოსვლისთანავე დამარხა სიყვარული და მას შემდეგ აღარც გახსენებია. წუხელ წისქვილში სოლიმმა კვლავ გამოქეჟა გულში შეხვეული ცეცხლიდან დარჩენილი ნაპერწკალი. ახლა კი ის ნაპერწკალი გაუნელებელ კოცონად იქცა. აბურბურდა, აბრიალდა და ლამის ქალიმათის უბედური თავი დაწვას, დადაგოს, ბარემ ცდილობს მოთოკოს, ლაგამი ამოსდოს, დაიმორჩილოს დაუპატიებელი გრძნობა, მაგრამ ის ახალგაზენილი ულაყვიით გლეჯს ლაგამს და ქალიმათს თან იტაცებს... მიაქროლებს, მიაქროლებს და იცით საით? ცისკენ. ქალიმათი ლოგინიდან წამოვარდა, კართან მიიბრინა, მაგრამ სინდისნამუსი წამოეწია და სირცხვილით ცეცხლწაკიდებული ისევ უკან დაბრუნდა.

კვლავ თავიდან იწყება ყველაფერი...

შეუყვარდა ქალიმათს. ახალგაზრდობაში არ ეღირსა ამ ტკბილი გრძნობის გამოცდა. თუმცა, როცა გათხოვდა, თან ჩამოიტანა წმინდა გრძნობით სავსე გული. მაგრამ არავის დასჭირვებია იგი. ზორანთ ფეხით გათელეს მისი წმინდა გრძნობა. მას შემდეგ ცხოვრობს უსიხარულოდ. გულში დაიმარხა სიყვარული და რას იფიქრებდა, რომ მისი გაცოცხლება კიდევ შეიძლებოდა.

მაგრამ დედამიწა გადატრიალდა წუხელ...

გამოჩნდა ის, ვისაც ასე დიდხანს ელოდა, ვინც ყოველდღე ესიზმრებოდა, ვინც პირველმა უთხრა: „მიყვარხარ!..“

„ვეყვარვარ. ნამდვილად ვეყვარვარ. ამდენი ხანი ცოლს იმიტომ არ ირთავს, რომ მე ვეყვარვარ. მე სულელი კი როგორ ვერიდებოდი! მაგრამ რომ არაფერი ვიცოდი. ზაფხულში, სათიბში წყალს რომ სვამდა, კინალამ თვალებით შემეპაპა. რას ვიფიქრებდი. არა, ისე ცუდი ბიჭი არ არის. მეც არა ვარ დამნაშავე. ღვთის წინაშე წმინდაა ჩემი სინდისი. ვეყვარვარ. ღრმა ძილიდან გამოვერკვიე, ველარავინ დამაჯავებს. ბედი ჩემსკენ შემოტრიალდა, ის ახლა წისქვილში მელოდებოდა. ან ამალამ, ან არასოდეს!

— არასოდეს! — ამოიკვნესა აკანკალებულმა, — რას იტყვის ხალხი? ხალხი... ხალხი! რა მიშველა ხალხმა, მოტყუებით რომ წამომიყვანეს და გიქს მიმგვარეს ცოლად? მამამთილი? წყალმა წაიღოს და მეწყერმა, ის არ იყო, თავის დისშვილი რომ მომიგზავნა? მომატყუა. დაჲ, რაც მოსახდენია — მოხდეს. არაფრისაც არ მეშინია. თვალო ამეხილა, თვალი. სოლიმ, ჩემო ერთადერთო, მოვდივარ, მოვდივარ...

საბანი გადაიძრო და თვალის დახამხამებში ტანთ ჩაიკვა.

ჭრიჭინობელამ გაიღვიძა და მღევარს უხმო.

„რა იქენით, გაიღვიძეთ, გაიღვიძეთ! გაიპარა! გაიპარა!..“

ქალიმათი სიბნელემ შთანთქა.

მიბრბის, მიბრბის და ჰგონია ფრთები გამოესხა. აგერ წისქვილიც...

კარი გაიღო, თითქოს უკან მგლები მოსდევნო, შიგნით შევარდა, პირდაპირ მკერდზე მიესვენა სოლიმს.

— გამოვიქეცი! შენთან მოვედი, უნამუსო არ დამიძახო! არ არის ჩემი ბრალი. აღარ შემიძლია მეტი. დავიღალე, დავიღალე, — ეჩურჩულება სოლიმს და თან მკერდზე ეტმასნება.

— ვიცოდი, რომ მოხვიდოდი. ახლა ჩემი ხარ! — სოლიმმა კარი ჩარაზა და სანთელს შეუბერა...

4.

ქალიმათმა ფერი იცვალა. ნაღველი გადაიყარა. თვალებში ნათელი ჩაუდგა. გახალისდა, ის კი არა, სიცილიც ისწავლა. ახლა ოჯახში როგორ დატრიალდა. დილიდან საღამომდის ფეხზე იდგა. მაგრამ წინანდელივით აღარავის აჩაგვრინებდა თავს. მამამთილსაც კი არაფერს უთმობდა.

შეფიქრიანდა ყუნცელი. მისი მორჩილი რძალი, რომელსაც ოჯახის საგველას ეძახდა, რომლის ხმაც აქამდე არ გაეგონა, ახლა აღარაფერს უთმობს. ის კი არა, სიტყვასაც უბრუნებს. გრძნობს, ქალიმათი ემდურის, სულელი გაბას ხელში რად ჩამაგდო და ხანდახან ჯავრს გულში იტრიალებს.

ერთ საღამოს ნიხასიდან ადრე დაბრუნდა ყუნცელი. ორლობეში ქალიმათის კისკისი მოესმა, ეწყინა.

„ეს რა ამბავია? რა ცხენივით ჭიხვინებს, ლამის. მთელ აულს ესმის!“

— შე ოხერტილო, შენა, ნამუსი აღარა გაქვს?! დაიკარგე აქედან, თვალით აღარ დამენახვო!

— რას მიყვირი, რა? აგერ შენი სულელი შვილი, უყვირე რამდენიც გინდა. მიწამ ჩაგიტანოთ მამაცა და შვილიც, რა ვნახე თქვენთან კარგი!

ყუნცელი გაშრა, არ მოელოდა, რომ რძალი ასეთებს გაუბედავდა. ბოლმა ბურთივით გაეჩხირა ყელში და გაბას გამოეკიდა.

— ო, შე გამჩენძალო, შენა. ნეტავ მომიკვდებოდე, მაინც უძიროდ გადავშენდი და მაინც. შე უბედურო, შენა!

— ნანაა... მცემს... — იღრიალა გაბამ.

— ნანა შენა და ღვთის რისხვა, შე შავ ღღეზე დაბადებულ, შენა!

— რა არის, კაცო, დაეხსენ, მაგას თავის უბედურებაც ეყოფა, — შინიდან გამოსძახა დუდუმ ქმარს.

— ბარემ ძირფესვიანად ამოწყდით და ერთად დაგმარხავთ! — მიაწყევლა ყუნცელმა და გაჯავრებულმა გაიჯახუნა ჭიშკარი.

გავიდა ზამთარი. მზეს ძალა შეემატა. დათბა. დუღუ სულ დაბრმავდა. გარეთ თუ არავეინ გამოიყვანდა, იჭდა შინ.

მშვენიერი თბილი ღღე გათენდა. დუღუ საწოლიდან წამოდგა და ქალიმათს გასძახა:

— თავს შემოგვევლე, რძალო, მზიანი ღღეა მგონი. მომეხმარე, გარეთ გამიყვანე, ძვლები გავითბო.

ქალიმათი დედამთილს მხარში შეუდგა. გარეთ გაიყვანა. მყუდროზე სკამი დაუდგა. დუღუ დაბარბაცდა, არ წავიქცეო და ქალიმათს მკლავები შემოხვია. უცებ გველნაკრავივით გაშრა. თითები აუქანკალდა. ერთხელ კიდევ მოუტარა მუცელზე ხელი ქალიმათს და ჩაბნელებული თვალები ზე აღაპყრო.

— ქალიმათ, რა ამბავია შენს თავს? ორსულად ხომ არ ხარ?

ქალიმათი გაქვავდა.

მიხვდა დუღუ, მის ოჯახს რა მეხიცი დაეცა. მღელვარებისაგან ენა აღარ დაემორჩილა.

— შემიყვანე ისევე სახლში, ჩქარა!

ქალიმათმა დუღუ სახლში შეიყვანა.

— ვინ დაგვლუპა, რძალო?

ქალიმათმა თითქოს ენა ჩაყლაპაო.

— ნურაფერს დამიმალავე. კაცმა თუ 'გაიგო, დაგვენგრევა ოჯახი.

— მაპატიე, დედამთილო! — მუხლებზე დაეშვა ქალიმათი. — ყველაფერი ჩემს უნებურად მოხდა.

უყვარს დედამთილი ქალიმათს. ყველაფერი მისი ხათრით მოითმინა. მათ შორის საიდუმლო მისხალიც არ ყოფილა. დედამთილი მისი თანამოაზრეა ყოველთვის, მისი მფარველი და მხარდამჭერია, მაგრამ ეს როგორ მოხდა, რომ ასეთი მნიშვნელოვანი საიდუმლო დაუმალა დუღუს?

— ნეტავ მე მოვმკვდარიყავ; რძალო და შენ ეს არ დაგმართოდა, ვაი ჩემს თავს, ეს რა უბედურებაში ჩავცვივდიოთ?!

— მაპატიე, დედამთილო, თუ არ მაპატიებ, მირჩევნია შენი ხელით მოვკვდე!

— ვინ იყო?!

— ნუ მეკითხები, გთხოვ, მაინც არ გეტყვი.

— როდის დაგემართა?

— შემოდგომაზე.

— კი მაგრამ, აქამდის როგორ არ მითხარი?

— მეშინოდა.

დუმილი ჩამოვარდა.

— გული მიგრძნობდა. ადრე თუ გვიან... რა ვქნა, როგორ გაგამტყუნო, ქალი ხარ. მაგრამ მე ხომ გარჩებდი, ჩვენ როცა აღარ ვიქნებოდით, მაშინ გეშველა თავისთვის.

— სანამ მამამთილი მიიცილება, მანამ საფლავში ჩემი ძვლებიც აღარ იქნება. ახლაც არ ვიცი, გადავრჩები?

— რა მოვიფიქრო, რითი დაგეხმარო, რძალო? მეშინია, კაცმა არ გაიგოს, ცეცხლში დაგვწვავს. თუმცა როდემდის დავფარავთ. მეშინია, ძალიან მეშინია. გეხვეწები, სამშობლოში წასვლა მოიმიზებ და წადი სადმე, მოიცილე.

— არა, მაგას არ გავაკეთებ. შვილის სისხლში არ გავისვრი ხელს. დე, დაიბადოს და მერე მე და ჩემი პატარა ერთად დავგვობოცთ.

— ვაიმე, სისხლის წვიმა მოვა, დავიღუპებით... წადი, შვილო, მარტო დამტოვე, ვიფიქრო, ახლა აზრი ვერ მომიკრებია.

თავჩაქინდრული გამოვიდა ქალიმათი. თავის ოთახში შევიდა და შიგნიდან ჩაიკეტა კარი, მერე საწოლზე დაეშვა.

მისი საიდუმლო უკვე გამჟღავნდა. დედამთილმა გაიგო, მაგრამ რა იქნება, როცა მამამთილი გაიგებს. რა ქნას, ვის შესტიროს, მისი იმედი მხოლოდ სოლიმია და ისიც ახლოს აღარ ეკარება... დამღუბრებულია. ქალიმათის ორსულობის ამბავი ტყვიასავით მოხვდა გულში. გააფრთხილა, სანამ მაგას არ მოიშორებ, ახლოს აღარ გავეკარებო. მას შემდეგ ქალიმათი მარტო დარჩა და დარდისაგან ლამის სული გასძვრეს.

ორი დღეა ფიქრობს დედუ, მაგრამ ვერაფერი გადაწყვიტა. მესამე დღეს დაუძახა ქალიმათს და უთხრა:

— ერთი გამოსავალია მხოლოდ. ქმარი გვერდზე დაიწვინე. მოეფერე... მამა შეეკითხება, ბიჭი უჭკუოა, ყველაფერს იტყვის... ვისგანა ხარ, აღარ გეკითხები, მაგრამ ძალიან მოერიდე. ყუნცელი ეშმაკია, ეგრე უბრალოდ ვერ გააცურებ. არ შეიძლება, არ დაეჭვდეს. გახსოვდეს, მე დიდი ხნის სიცოცხლე არ დამრჩენია, არ ვიცი ჩემს შემდეგ როგორ წავა შენი საქმე. სვედამწვარ გაბას მამა მგლის თვალით უყურებს, მეშინია არაფერი აუტენოს, დედა ვარ. შენ გებარებოდეს. ისიც გახსოვდეს, გარშემო მგლები გახვევია. ჭკუა მოიხმარე და ისწავლე მათ შორის ცხოვრება. ჩემმა ქალებმა რომ გაიგეს. მათ უბედურ ძმას შვილი არ ეყოლება. სიხარულით დაგიყენენ. განსაკუთრებით უმცროსს უფრთხილდი, მამის ალი და კვალია, მგელი. არაფერს არ დაერიდება. ახლა წადი, მძიმეები არ ასწიო... მოგიკვდეს ჩემი თავი, რა ტანჯვაში ხარ. უპატრონო და უთვისტომო ობოლო!

6.

ყუნცელი დერეფანში ზის და რძალს თვალს არ აშორებს, რომელიც ეზოს ალაგებს. იმ დღეს რომ შელაპარაკდნენ, მას შემდეგ შეიძულა და ყოველდღე მიზეზს ეძებს, რომ მწარე სიტყვა უთხრას. ხელზე შეჩვეული ცხვარივით უწყინრად აჩვენებდა თავს და ლეკვებიანი ვეფხვივით კი გამოაჩინა ბრჭყალები. სანამ იმ ბრჭყალებით

ყუნცელს ყელს გამოლადრავს, უნდა მოიშოროს. აი რაზე ფიქრობს ახლა იგი.

ჯოხის ბჯენით გამოვიდა დუღუ შინიდან.

— რა იქენი, კაცო?

— აქა ვარ, რა მომიტანე?

— რა იყო, რაზე ხარ გაჯავრებული?

— თქვენი მაყურებელი, ცოცხალი რომ ვარ, ისიც საკვირველია.

— ვიცი, შე საწყალო, ვიცი და მეცოდები, მაგრამ იქნებ, ახლა მაინც მოისვენო.

— როდისღა, როდის? საფლავში რომ ჩამასვენებთ?

— კარგი ერთი, ნუ იცი ხოლმე, გასახარი ამბავი უნდა გითხრა, — დუღუ ქმარს გვერდით მიუჭდა. — მალე შემკვიდრე გვეყოლებდა.

— მემკვიდრე? ჰო, შენ რომ შეილი გყავს, როგორ არ გაგვახარებს მემკვიდრით...

— ზოგჯერ ღმერთს თავისი მოქმედების შერცხვება ხოლმე. ჰო, ღმერთმანი, ფეხმძიმედ არის რძალი.

— რა? — ჰაბუკივით წამოხტა ყუნცელი.

— ჰო, მალე შეილიშეილი გვეყოლებდა.

ყუნცელმა თვალები დააპყიტა და დუღუს მიაშტერდა, ხშირი უღვაშების ქვეშ ტუჩები გულის პირივით ღია დარჩა და ხან დუღუს უყურებს, ხან ქალიმათს.

— დედაკაცო, მართალს ამბობ, თუ...

— ჰო-მეთქი. ახლა მაინც მოისვენე.

ყუნცელმა ქალიმათთან მიიკბინა.

— რძალო, მაპატიე, თუ რამე გაწყენინე, მართალია? აი, რაც ახლა გავიგე, მართალია, თუ...

ქალიმათმა ცოცხი ღობეზე მიაყუდა და მამამთილისაგან პირი იბრუნა. ყუნცელმა თავისი თვალით დაინახა, ყველაფერი ნათელი იყო.

ქალიმათი ცოტა დამშვიდდა. პირველად თითქოს შიშმა დაჩრდილა მის გულში სოლიმის სიყვარული. ახლა კი ისევ ამოტივტივდა ეს გრძნობა. მამას არ უნდა შეიღმა დღის სინათლე დაინახოს. ქალიმათმა არ იცის, როგორ მოიქცეს. სოლიმს დაუჭეროს, თუ...

ღრო კი მიდის. მერე შეიძლება ძალიან დაგვიანდეს და ქალიმათმა მიიღო მეტად გაბედული გადაწყვეტილება. ნახოს სოლიმი! მაგრამ სად? გარეთ სათოფეზე აღარ ეკარება ქალიმათს. მეტი გზა არ არის, სახლში უნდა მივიდეს.

სოლიმს ფერი წაუვიდა. მიხვდა, ქალიმათი უსაქმოდ არ მივიდოდა. დაიბნა. უმწეოდ აცეცებდა თვალებს, აცირუხსს ეძებდა, გვიანლა გაახსენდა, რომ ეს უკანასკნელი შინ არ იყო, დამშვიდდა.

— რა არის, ქალიმათ, მოხდა რამე? — ძლივს ამოლერდა მან.

— ნუ გეშინია, შენ არაფერი დაგიშავდება.

— მე რა... მე შენზე ვდარდობ. შინ შემოდი, რას გაჩერდი?
— შენი დედინაცვალი სად არის?
— ჯანდაბაში... მოდი, დაჯექი.
— დასაჯდომად არა მცალია. ხომ მხედავ, რა დღეში ვარ. რამდენი ხანია გექებ და ვერსად მოგიხელთე. მემალეები, მაგრამ მე თვითონ მოგაკითხე.

— ხომ იცი, საქმეები მქონდა, ვერ მოვიცალე.

— ჩემმა დედამთილ-მამამთილმა გაიგეს...

— მერე?

— დედამთილმა ყველაფერი იცის, მაპატიე. მამამთილი სიხარულით ფეხზე აღარა დგას. მაგრამ შენ რომ არ გინდა, იმათ რას დავეძებ. რათ მინდა ბავშვი, თუკი შენ გაწყენინებ. ხვალ ჩვენებთან მივდივარ, იქ რამეს მოვახერხებ. ცუდ სიზმრებსა ვხედავ, რა ვიცი, იქნებ. შენი ნახვა აღარც მეღირსოს. გამოსათხოვრად მოვედი.

სოლიმს უტბად გონება გაუნათლა. გული ბატკანივით აუტოკდა. აზრები, აზრები აერია თავში. აუ, რა არის ცხოვრება?! რამდენი წელია ამ მაცდუნებელ აზრს ეჭიდება. მაგრამ ვერსაით უპოვა მისადგომი. და აი თავისი ფეხით მოვიდა ბედი. ყუნცელის ქონებისკენ გზა გაიხსნა. ახლა თვითონ იცის. ყოველივე კი იმ ჯერ არდაბადებულ ბავშვზეა დამოკიდებული. ყუნცელი რომ მოკვდება, გაბას საიქიოს გაბას ვაუყენებს... ქალიმათს სოლიმი შეირთავს. ცოლ-შვილიც ეყოლება და ქონებაც დაჩრება. სიხარულით ადგილზე შეხტა და ქალიმათს გადაეხვია.

— ჩემი ქალიმათი! არსადაც არ წახვალ. დაე, დაიბადოს. ამით ჩემი შენდამი სიყვარული უფრო გაძლიერდება. — ამას სოლიმი ამბობს. ქალიმათის გულს ნალველი ჩამოეცალა მზე მოეფინა გატანჯულ სახეზე. და ძლივგასაგონად წაიჩურჩულა:

— მართლა?

ტიჩები უკანკალეებს.

თვალები უნდობლად მისჩერებიან სოლიმს.

გული?! გული რაღაცის მოლოდინში გალიაში დამწყვედული ჩიტით აქეთ-იქით აწყდება.

— მართლა, ქალიმათ. მართლა, ჯოჯოხეთის ცეცხლში დავიწვა, თუ ვტყუოდე. — და სოლიმი ქალიმათის წინაშე მუხლებზე დაემხრა.

— რას შერები, სოლიმ, არ გინდა, მჯერა შენი, ადექი, ადექი, არავინ დაგინახოს, სირცხვილია. მე მაგის ღირსი არა ვარ.

ბედნიერებისაგან თავბრუ დაეხვა. დაავიწყდა სად იყო. სოლიმს მკერდში ჩაეკრა და ცხელი კოცნით დაუფარა სახე, ვინ იცის. როდემდის გაგრძელდებოდა მათი ალერსი, ბურანიდან ფეხის ხმას რომ არ გამოეყვანა.

სოლიმმა ცხენის უნაგირს წამოავლო ხელი. ქალიმათიც განზე გადაა.

აცირუხსი შემოვიდა.

— ამას ვის ვხედავ? რატომ არ დამიძახე, სოლიმ, სტუმარი რომ გვეყოლია, — გულწრფელად გაუხარდა ქალიშათის დანახვა. — რა ქარმა გადმოგაგდო?

— რა ვიცო, — მეტი ვერაფრის თქმა მოახერხა ქალიშათმა.

— საჩეჩელი უნდა, — იმარჯვა სოლიმმა.

— აგერ, კედელზე ჰკიდია, მიგეცა. ქალიშათ, დაჯექი, ვილაპარაკოთ.

— რო არა მცალია, დედამთილი მყავს ავად, მეჩქარება.

— როცა მოიცილო, გადმოდი.

— თუ მოვიცილი, კი, — ჩაილაპარაკა ქალიშათმა და ერთი ქურდული მხერა კიდევ სტყორცნა სოლიმს.

— რა ლამაზი და პატიოსანი გოგოა და ბედი კი არ მისცა ღმერთმა. — გულისტკივილით თქვა აცირუხსმა, მაგრამ სოლიმს არც გაუგონია. სიამოვნების ბურანში გახვეული ყუნცელის ქონებას უტრიალებდა. უკვე თავისად ჩათვალა მისი ჯოგები, მამულები, სათიბები. ჰე, რა სარგებელს ნახავს?!

7.

ყუნცელი გახალისდა. თავვის სორო რა არის, იქაც კი სარგებელს ეძებს. ახლა მიზანი აქვს მის შრომას. ოხრად არ დაუტრეხა, ყველაფერს პატრონი ეყოლება. ო, რა იმედს ამყარებს მემკვიდრეზე, რომელიც ჯერ ქვეყანას არ მოვლენია?! და აი ერთ მშვენიერ დღეს ყუნცელის ოჯახიდან ბავშვის ტირილი გაიგონეს. ღმერთმა გულუხვი კალთა დააბერტყა კერიას და ერთბაშად ქალ-ვაჟის პატრონები გახდნენ.

ყუნცელი გარეთ იცდიდა. სამახარობლოდ ბებიაქალს დეკეული აჩუქა. თვითონ შინ შევარდა და თოფი გამოარბენინა. მთელ ხეობას ამცნო, რომ ზორაანთ ხე არ გამხმარა. ახალი ფესვი გაუშვა.

დიდი ძეობა გადაიხადეს. მთელი სოფელი მოიპატიოეს.

ერთ დღეს ქალიშათმა ბავშვები გაბას დაუტოვა, თვითონ წყაროზე გაიქცა. წყაროზე ძაქოს რძალს რებოს შეხვდა. ორივემ გაიხარა. ერთი წლის პატარძლები იყვნენ და დებივით უყვარდათ ერთმანეთი.

— როგორ მიხარია, ქალიშათ, მადლობა ღმერთს, შენ მაინც გელირსა შეილები.

— იცოცხლე, რებო, იქნებ შენც არ გაგწიროს ღმერთმა.

— გისმინოს უფალმა. ჩვენი კაცის ცოდვით აღარა ვარ. ძალიან უყვარს ბავშვები.

— გული ნუ გაგიტეხია. აი ხომ ხედავ, მეც...

— ქალიშათ, მე მოგიკვდე, თუ არ მითხრა, რამ გიშველა?

ქალიშათი გაშრა, რა ასწავლოს? ასე ეგონა, რებომ იცის ჩემი ამბავიო და გული გაეყინა. მალე დაიმორჩილა თავი. გაიცინა და რებოს ბეჭებზე დაჰკრა ხელი.

— ახლა არა მცალია, სხვა დროს გეტყვი. ბავშვები გაბას დაეუ-
ტოვე და მეშინია. — კოკა მხარზე მოიგდო და თითქმის სირბილით
გაეცალა მეგობარს.

დერეფანში გაბა შეეგება.

— რძალო, უყურე, ტირილდა... აღარ ჩუმდებოდა და მეც რძე
დავალევი... აღარა ტირის.

— რძეო, ვაიმე დალუპულს. რა რძე?

— რძე, ნამდვილი რძე. ტირილდა. დედამ თქვა შიშო. არ მიმეცა?
აი აქედან ამოვიღე ერთი ჯამი. ახადა ქვაბს თავი გაბამ, — არ უნ-
დოდა, მე კი ძალით დავალევი და გაჩუმდა. დაიძინა...

ქალიმათი აკვანს ეცა. მისი პატარა ქალი აღარ სუნთქავდა. პაწაწი-
ნა ტუჩები აბურცვოდა, ცხელ რძეს დაეწვა. გაგოდა დედა, მაგრამ
მკვდარს რაღა ეშველებოდა.

ყუნცელმა კინაღამ მოკლა გაბა. მერე ქალიმათი და დუღუ მკაც-
რად გააფრთხილა, ბიჭთან ახლოს არ მიეშვათ ის სულელი. ის კი არა,
დუღუ ლამის ქალიმათსაც აღარ ანდობდა პატარას. ღამე თავისთან
მიჰყავდა.

ერთ ღამეს ბავშვი გაჭირვეულდა. დუღუმ ქმარი გააღვიძა:

— ძუძუ უნდა, დაუძახე რძალს.

— რა ძილქუში დაეცა. ყრუ ხომ არ არის, — ბუტბუტით წამოდ-
გა ყუნცელი და დერეფანში გავიდა. იქ მარცხნივ ცალკე ოთახში
ეძინათ ქალიმათსა და გაბას.

— რძალო, გაიღვიძე, ბალღი ტირის. — მიუთქაუნა კარზე.

პასუხი არავინ გასცა. მეორედ უფრო ძლიერ მიუბრახუნა:

— რა ვქნა, დაიხოცეთ, თუ რა ღმერთი გაგიწყრათ.

ამჯერადაც არავინ გამოეხმაურა. ყუნცელი კარს მიაწვა და შიგ-
ნით შევიდა.

— რა იქენით? ასეთი ძილი გავიძინა. იქნებ გაგზიდათ ვინმემ.
ბიჭო, ხომ არ დამუნჯდი, შენ მაინც გამეცი ხმა.

— რა იყო, რა ვქნა. ძილსაც აღარ მაცლი, — თვალების ფშვნი-
ტით წამოჯდა ლოგინში გაბა.

— ძილი შენ და სიკვდილი. გააღვიძე დედაკაცი. ბავშვი ტირის.

გაბა ადგა.

— ადექი, ბაბა ჩხუბობს, — ვითომ ხელი წაჰკრა ქალიმათს. სა-
წოლი ცარიელი იყო.

— აქ არ არის...

ყუნცელი დაელოდა, იქნებ საჭიროებისათვის გავიდაო გარეთ.
რძალი კი არსად ჩანდა. ბავშვი აკვანში ტირილით იჰაქებოდა. ყუნ-
ცელმა ველარ მოითმინა და ეზოში ხმამალა გასძახა.

— რა იქენ, რძალო. მოკვდა ბავშვი ტირილით.

მაგრამ სად რა გინახავს. მერე ყუნცელი ბოსელში ჩავიდა, არც
იქ აღმოჩნდა ქალიმათი. საბძელშიც შეიხედა. გაქრა, არსად არის.
ბავშვი ტირილით დაიღალა და ჩაეძინა.

საგონებელში ჩავარდა კაცი. სადღა მოძებნოს რძალი. უცებ ქვე-
მოდან აჩქარებული ფეხის ხმა მოესმა. ყური მიუგდო. თითქოს უკან
ვიღაც მისდევსო, ისე აირბინა ქალიმათმა კიბე და თავის ოთახში შე-
იპარა.

დაეჭვდა ყუნცელი. სად უნდა ყოფილიყო უდროო დროს მისი
რძალი? დააპირა ეკითხა. მაგრამ გადაიფიქრა და თავის ოთახში დაბ-
რუნდა.

— ქალიმათი გააღვიძე-მეთქი და შენ თვითონაც დაიკარგე, —
უსაყვედურა ქმარს დუდუმ.

— შენ დილაზე რძალს ჰკითხე, სად დაეთრეოდა შუალამისას.

დუდუმს ელდა ეცა. მიხვდა. სადაც იქნებოდა ქალიმათი.

— წუხელ სად იყავი? — ჰკითხა დილით.

ქალიმათს ენა ჩაუვარდა.

— ბავშვი ტიროდა. კაცი გეძებდა... ხომ გაგაფრთხილე, ახლოს
აღარ გაეკარო-მეთქი. რომ გაგიგოს, ო, ღმერთო! რა ცოდვა მქონ-
და! თუ გკითხოს. უთხარი ძაქანთსა ვიყავი, მატყლის წეწვაში ვუშ-
ველე-თქო. გეხვეწები, აღარ გააკეთო ასეთი რამ. დაეჭვდა, ახლა,
აღბათ. ყოველთვის შეგამოწმებს. და ვაი შენი ბრალი, თუ შეგამჩნია.

მიწა რომ გახეთქოდა, ერჩივნა ქალიმათს. დედამთილისა შერცხვა.
მართალს ეუბნება. რომ გაუგონ? მაგრამ რა ქნას. რაც ბავშვი დაი-
ბადა, უფრო გაუტკბა სოლიმი, ის კი არა, უნდა სულ მასთან იყოს.
ამ უკანასკნელ ხანს უიმისოდ გაძლება გაუჭირდა. ოჯახის წევრები
ჭირივით შეიძულა. მათი ღვთისწყალობა ღვთისცეცხლად ეყურება,
თანაც სოლიმი როგორ ეფერება. ჰოდა, რა ქნას, თუ გული გარეთ
ენწევა.

ცხვრის პარსვის დრომ მოაწია. ყუნცელს ეშინოდა მწყემსებმა
მატყლი არ გადამალონო და მთაში წავიდა. გაბაც თან გაიყოლა.

ერთ საღამოს ჭიშკარზე ვიღაცამ მოაკაკუნა.

— გაიხედე, ქალიმათ, ვიღაც იძახის, — უთხრა დუდუმ რძალს.

ქალიმათმა ბავშვი დედამთილს გადასცა და გარეთ გამოვიდა.
ჭიშკარი გააღო და კინაღამ გული წაუვიდა. კარებში სოლიმი იდგა.

— ღმერთო მომკალი, აქ რამ მოგიყვანა?

— ვიცი. რომ შინ არ არიან... მაპატიე, ჩემო ყველაფ. ვეღარ გავ-
ძელი უშენოდ. რამდენი ხანია არ მინახინარ და ლამის გავგიჟდე.
ამაღამ თელიანში გელოდები.

— არა. არა, ბავშვი ღამით ტირის ხოლმე. ამას წინათაც მეძებ-
დნენ. მეშინია.

— მაშინ ფანჯარა დატოვე ღია. ჩემი ბიჭი მაჩვენე.

— დავიღუპები, ვინმემ რომ...

— ნუ გეშინია, მაჩვენე ჩემი შვილი, განა უფლება არა მაქვს?
შენ უგულო ხომ არ გგონივარ?

რალა ეთქვა ქალიმათს.

— კარგი, ამაღამ გელოდები, წადი ახლა.

შინ რომ შებრუნდა, დუღუ შეეკითხა:

— ვინ იყო, შვილო?

— ძაქოს რძალი.

— რა მინდაო.

— ბავშვს ძუძუ არა ჰყოფნის და იქნებ შენ მოაწოვოო. გამიმ-
რა-მეთქი. ვუთხარი. ამაღამ ბავშვს ჩემთან დავაწვენ, დედამთილო,
საკმაოდ შეგაწუხა.

— საბანი არ გადაიხადოს, არ გააცივო.

8.

ყუნცელი მწყემსების ქოხის გვერდით ზის და აბრეშუმით ახ-
ვევს ფიქრებს. მადლობა ღმერთს, საქმეები კარგად მიდის. ქვეყნის
მატყლი გაპარსა. ცოტა მოგებას როდი ნახავს. საქონელიც გაუმრავ-
ლდა. საძოვრები აღარ ყოფნით. დოთის საძოვრებს დაადგა თვალი.
როგორმე უნდა ჩაიგდოს ხელში, მაგრამ სოლიმი ჰკვიანი მღალა. იმას
ვერაფერს დასტყუებს, სხვებს კი ვის რა წაართვას, უკიდურეს გა-
ჭირებაში არიან. ყუნცელმა თავის ნახირისათვის საძოვრის გაფარ-
თობა ამოიჭრა გულში. წინათ სხვა იყო, ახლა კი მადლობა ღმერთს,
მემკვიდრე ჰყავს. ბედნიერია ყუნცელი. დამშვიდებული მოკვდება,
ჯავრით აღარ გაიხეთქავს გულს.

ქარმა წამოუბერა. ყუნცელს შესცივდა, ძილის დროაო. გაიფიქრა
და ქოხში შესვლა დააპირა, რომ მწყემსების ლაპარაკს მოჰკრა ყური.
მელასავით გაინაბა.

— ბებერი მგელი. აღარც იძინებს. ეშინია, მატყლი არ მოვპა-
როთ.

— ეგ უბედური, ნეტავ ვისთვის აგროვებს ამდენ ქონებას. ქვე-
ათხელი გაბასათვის იდგამს წელზე ფეხს, თუ მიწაში წაიღებს?

— მაგას რად ამბობ, შვილიშვილი ხომ ჰყავს?

— ჰა-ჰა-ჰა, ნუ მაცინებ ბიჭო, ეგეთი შვილიშვილები მეცა მყავს
ყარსში.

— კარგი ერთი, ნუ იცი ხოლმე.

— რა ვიცი, მაგის რძალი ვილაცასთან...

— ცილს ნუ სწამებ, შენი თვალით თუ არ გინახავს. ცოდვას ნუ
იტყვი.

— საქმეც ეგ არის, რომ ჩემი თვალით ვნახე.

— დაიფიცე.

— ღმერთს გეფიცები. ამას წინათ შინ რომ ჩავედი. ცხენს ვეძებ-
დი. ხევში თელბქვეშ ვილაც დავინახე, ვიფიქრე, ამ დროს აქ კაი
სული არ იქნება, ქურდი არ იყოს-მეთქი და ბუჩქებს ამოვეფარე.
შერე ჩურჩულიც მომესმა. ორნი იყვნენ. ქალი და კაცი. მალე წამოდ-
გნენ და აულისაკენ წავიდნენ, მეც უკან მივყე. ცხენი აღარც გამხსე-

ნება. ბნელოდა, ვერ ვიცანი, ვინ იყვნენ. მივყე უკან. ქალი ყუნცელის ეზოში შევიდა. როგორ ფიქრობ, ვინ იქნებოდა?

— სასწაულია, ღმერთმანი!

— რა არის სასწაული, საკუთარი თვალით ვნახე.

— კაცი ვინლა იყო?

— ვერ ვიცანი. თუმცა ვინც გინდა იყოს. ჯორცხენა ყუნცელზე ახია. ჩემი თავი ენაცვალოს ქალიმათს, თვითონაც ასე მოატყუეს. ჰოდა, მოტყუებას მოტყუებით უპასუხა. ბებერმა ვირმა თავის სულელ შვილს მარგალიტივით ქალი რომ უყიდა, არ იცოდა, ასე რომ დაემართებოდა? ეგეც შენი შვილიშვილი! ახია!

უკანასკნელი სიტყვები აღარ გაუგონია ყუნცელს. მართალს ამბობდა მწყემსი. სწორედ იმ დამეს არ იყო შინ მისი რძალი. აი თორმე რა ყოფილა. ყუნცელი დაბარბაცდა, თითქოს ვილაკამ გული ამოჰგლიჯა და ნაწილ-ნაწილ დაუფლითა. კანკალი აუფარდა. ეგონა ახლავე მოვკვდებით. ბაკის მარგილს მიეყრდნო. მაგრამ თავი მაინც ვერ შეიკავა. ჩამოკვრდა და მიწაზე დაემხო. გათენებამდე ასე ეგდო. არც სიცივის გრძნობდა. აღარც თავის თავს.

არავინ იყო ახლოს. არავინ იცოდა მისი უბედურება. მარტომთვარე უყურებდა და სულელურად იღრიჭებოდა. იმასაც შინ ეჩქარებოდა, ნაჭურდალი სინათლით ინათებდა გზას და უკან მოუხედავად გარბოდა. მერე ყუნცელის მრავალი წლის ნაოცნებარი კალთაში გამოიხვია და მთის იქით ჩაცურდა.

ყუნცელი კი გდია და ჯავრით გასრესილი ჭირიანივით ცახცახებს. რისთვის გაწირა ცხოვრებამ? მგელივით სულ მოტაცებაზე იყო, აგროვა, აგროვა ქონება და რისთვის? აშენა, აშენა ოცნების კოშკი და რომ იფიქრა შენობა მზად არისო, მაშინ მიხვდა. კოშკს საძირკველი რომ არ ჰქონდა, ჰოდა აი ახლა კოშკი დაინგრა და ყუნცელი ქვეშ მოიტანა, „ჩეისარს კეისრისათ“. როგორ მწარედ მიეზლო ცოდვები ყუნცელს? მაგრამ თუ კაცია, ანანებს რძალს თავის მოჭრას. ეს გაიფიქრა და წამოხტა, თავიქვე დაეშვა.

ეს იყო ირაირაჟა. აღმოსავლეთი წითლად შეიღება, მამალმაც უკანასკნელად შემოჰკრა ფრთა ფრთას, რომ ყუნცელიც თავის ეზოში შევარდა. კუნძიდან ცული ამოაძრო და კარს ეცა.

— გააღეთ კარი, — არაადამიანური ხმით იღრიალა, მაგრამ კარი არავინ გაუღო. — გააღე კარი, კახპავ! უნდა გკითხო, ვის ქვეშ გორაობდი. გააღე-მეთქი, გააღე, ყელი გამოგჭრა, შე უპატრონოვ!

— დამენგრა ოჯახი, — ჯოხის ბჯენით გამოვიდა გარეთ დუღუ. — გვიშველეთ, ხალხო, გვიშველეთ, დავიღუპეთ! — ხალხს უხმობდა დუღუ.

ყუნცელმა კარი შეამტვრია, მაგრამ ოთახში არავინ დახვდა. აკვანი ცარიელი იყო. ფანჯარა ღია:

— სად დამემალება კახპის ნაშობი. თავის ნაბიჭვართან ერთად უნდა ავკუწო! — გამოვარდა გარეთ. დუღუ წინ გადაელობა.

— რას შერები. კაცო, ნუ დაანგრევ ოჯახს!

— იქით! — ჰკრა ხელი და კედელზე შივადო, თვითონ კი ქალი-მათს გამოეყიდა. ქალიმათი ტყისკენ გარბოდა, მერე ხევისკენ დაეშვა და სოლიმის წისქვილში ძლივს შეასწრო მამამთილს. კარი შიგნიდან ჩარაზა. ყუნცელი კარს ეცა, მაგრამ შემტვრევა ვეღარ მოასწრო. ხალხმა გააკავა. ქალიმათთან არ შეუშვეს, შინ წაიყვანეს. კარში თავგაჩეხილი დუდუ რომ დაინახა, მაშინ კი უმტყუნა მუხლებმა. ახლა მართლა დაენგრა ოჯახი.

9.

!ოლიმს ეს ამბავი მეხვიით დაეცა. შეშინდა. ვაითუ ვინმემ დამინახა ქალიმათთან და ყუნცელს შეატყობინოს. რომ მე გავუბახე რძალი. დუდუს დასაფლავების დღეს ყურადღებით იყო, იქნებ ყური მოვკრა რამესო, მაგრამ არავინ არაფერს ამბობდა. გული დაიმშვიდა. ჭავრობდა კი, რომ ყუნცელის ქონება ასე იოლად წაუვიდა ხელიდან.

დუდუს სიკვდილის შემდეგ ყუნცელმა ლოგინი ვეღარ აილაგა. ჩაეარდა და ჩაეარდა. როგორც სოლიმმა მოჰკრა ყური, ქონება უმცროსი ქალის შვილებს უანდერძა. აულმა ქალიმათი განკიცხა. ახლოს არავინ ეკარებოდა. სოლიმი ხომ სულ დაიკარგა. შერცხვენილი, შეგინებული და არაფრისმქონე ქალი რა ჭირად უნდა. ჭერ ერთი, ხალხი დასცინებს. მეორეც, ზორაანთ გვარს გადაიკიდებს. მარტოხელა კაცია, რაზე ჩაიგდოს თავი საფრთხეში.

წინათ თითქოს უყვარდა ქალიმათი. მაგრამ ის სიყვარული ყუნცელის ქონების ხელში ჩაგდების იმედთან ერთად გაქრა. შვილის დაბადებით გამოწვეული სიყვარულიც ისე უცბად წავიდა, როგორც მოვიდა.

იცის სოლიმმა, რომ ქალიმათს ეს სირცხვილი მისადმი უსაზღვრო სიყვარულმა წაჰკიდა. ახლაც მზად არის მისთვის უფსკრულში გადაიჩეხოს და შეეშინდა სოლიმს, ქალიმათი ბავშვით არ მომადგეს კარზე, არ გამიგოს, რომ ვატყუებდი, თორემ არ დამინდობსო. საგონებელში ჩაეარდა. უნდა ნახოს ქალი, მოელაპარაკოს, დაარწმუნოს თავის ერთგულებაში.

ერთ ბნელ ღამეს კალათში საკმელი ჩააწყო და ქალიმათს ეწვია.

ქალიმათი შიშისა და შიმშილისაგან დასუსტებულყო. სოლიმი რომ დაინახა, ატირდა.

— მაპატიე, ქალიმათ, ზორაანი კბილებს ილესავენ. მეშინია, ეჭვი არ აიღონ...

— რაც მე გადავიტანე, იმაზე უარესი რაღა იქნება? შე კაი კაცო, შიმშია როგორ დაგჯანა, რომ აღარც იკითხე, ცოცხლები ვართ თუ შიმშილით დავიხოვეთ. იცოდე, თუ შენც მატყუებ და გაგიგე, მომერიდე, მაშინ კი წინ აღარაფერი დამიდგება, არ დაგინდობ!

— გეუბნები: არ მქონდა საშუალება. დაწყნარდეს ხალხი. დუღუ დაასაფლავეს, ყუნცელი ლოგინად ჩავარდა.

— საცოდავი დედამთილი, მაინც მე გავხდი მისი სიკვდილის მიზეზი. ჩემი დარდი არა მაქვს, რა მოუვა ბავშვს?

— ცოტა დამშვიდდნენ-მეთქი ზორაანი და მერე მოვიფიქრებ რამეს. ახლა ისე არიან, თითქოს ცეცხლზე იდგნენ. მერე ჩემს დედულეთში წაგიყვანთ. სანამ საქმეს მოვაგვარებ, იქ იქნებით.

ერთი კვირაც არ იყო გასული ამ ლაპარაკიდან, რომ ქალიმათს ავად გაუხდა პატარა. სიცივეში მშვიერ ბავშვს რა ბევრი უნდა. ორი დღე სიცხით იწვოდა და მესამე დღეს ქალიმათის კივილმა წისქვილი შეძრა. გაცივდა მისი იმედი, მისი დიდი სიყვარულის ნაყოფი.

სოლიმს მხრებიდან შიშის სიმძიმე მოეხსნა. ქალიმათზე მაშინვე აიღო ხელი. მხოლოდ ხანდახან თუ მიაკითხავდა და საქმელს მიუტანდა. ასე იცხოვრა ქალიმათმა მთელი ზამთარი წისქვილში.

მეექვსე თავი

ხანმოკლე იყო გედნიერება

1.

დარდით აღარ არის გაბო. ათი წლის წინ დანიშნა ახსანელი ყაჩაღი ბორსას ქალი ქოსერი. ბორსა ქონებისა და დიდების მოყვარული კაცია. ხელმოკლეებს უთავოებსა და არარაობას უწოდებს, თავისზე შეძლებულებისა კი შურს, რითი მჯობიან, ჩემზე მეტი ქონება რატომა აქვთო და იმათ დაღუპვას შესთხოვს ღმერთს. არც გაბოსა თვლიდა კაცად. იმიტომაც არ აძლევდა ქალს. მაგრამ ქალიშვილი წინ აღუდგა მამას. ბორსამ თავის მხრივ არ აპატია შვილს უტიფრობა და ურჩობა, ცალკე ოთახში ჩაკეტა. ქალმა დამცირება და შერცხვენა ვერ აიტანა. ჩემი სიცოცხლე ხომ მე მეკუთვნისო, იფიქრა და თავი ჩამოსაჩრჩობად გაიმეტა. ბეწვზე მიუსწრეს. ძლივს გადაარჩინეს. ბორსას შეეშინდა, ხალხში სახელი გამიტყდებოდა და დათანხმდა. მხოლოდ შვილის ჯიბრზე სასიძოს დიდი ურვათი მოსთხოვა: ცხრა ხარი, ექვსი ძროხა, მოვერცხლილი უნაგირით მოკაზმული ცხენი, ოცდაათი ცხვარი, სპილენძის საარაყე ქვაბი. ოქროს წყალში დაფერული ხმალ-ხანჯალი, ათი თუმანიც ფული. ბორსა დარწმუნებული იყო, რომ გაბო ასეთი ურვათის გადახდას ვერ შეძლებდა. მიზეზად ამას მოუდებდა და უარს ეტყოდა დამოყვრებაზე. მერე ქოსერს უფრო შესაფერ საქმროს გამოუძებნიდა.

გაბოს რაღა მიხვედრა უნდოდა, რომ ბოროტმა და გულქვა სასი-მამრომ განგებ გააკეთა ეს. ურვათისათვის მისი დანიშნული სხვამ რომ წაიყვანოს, სალექსოდ გახდიან. სამუდამოდ შერცხვენილი დარ-

ჩება და გარეთ ველარ გამოყოფს თავს. თავმომწონე ვაჟმა არ იკადრა შერცხვენა და ბორსას ურვათის გადახდას შეპირდა.

მას შემდეგ ათმა წელმა განვლო. მოსვენება დაკარგა გაბომ. აღარც დღეა მისთვის და აღარც ღამე. მძიმე უღელში აბია მუშა ხარით. ოჯახი გამოიხიწნა, მაგრამ ჯერ ურვათის ნახევარიც არა აქვს გადახდილი.

გუშინწინ თავის ძმადნაფიცს ხელისმომკიდედ გაჰყვა (თედოთი-ყაუდან მოჰყავდა ცოლი), ქორწილში ბორსაც იყო. გაბო რომ დაინახა, თავისთან მიიხმო და ყველას გასაგონად უსაყვედურა:

— ბიჭო, სხვების ქორწილებში წანწალს, არ აჯობებდა შენი ურვათი დროზე გადაგეხადა?

— მაპატიე, მაგრამ მაგაზე ლაპარაკის ადგილი არ არის აქ. — ველარ შეიკავა თავი გაბომ. — ამასთან თქვენ ძალიან კარგად იცით, რაც შემძლია, ვცდილობ.

— ცდილობს! მერე ათი წელი აღარ გეყო? თუ, ჩემი ქალი ვალდებულია, მთელი სიცოცხლე ელოდოს ურვას.

— ნუ გაეიწყვლება, შენი ურვათი სისხლის ფასია და ადვილი გადასახდელი არ არის. რა ვქნა, როცა შევძლებ, მაშინ გადავიხდი.

— ვიცოდი. არარაობა რომ ხარ, ლატაკი, იმიტომაც ვიყავი უარზე. შენ კი თავი გამოიდე, მეც ხალხს. გვარს ხათრი აღარ გავუტეხე. ვერ ვაწყენინე ხეობის თავკაცებს. მაგრამ როგორც გიყურებ, შენ ვაჟკაცობისა არაფერი გცხია. საცოლე მამის კერაზე გაგქალარავდა. წაყვანა კი ვერ მოგიხერხებია. ჰოდა, ახლა დამიგდე ყური, აი ამ პატიოსანი ხალხის წინაშე გიცხადებ უკანასკნელად: დღეიდან გიორგობამდე ორი კვირაა დარჩენილი, თუ იქამდის ურვათის გადახდას ვერ შეძლებ, უკან გიბრუნებ ურვათის გადახდილ წილს და სხვაზე ვათხოვებ ქალს. ჩემი სიტყვა სალ კლდეზე უფრო მტკიცეა. ვთქვი და მორჩა, აი, აულია მოწმე, არ გამიგონიაო, არ თქვა!

ჩამწარდა მეგობრის ქორწილი გაბოს. არაყში უნდოდა ჯავრი ჩაეხშო. მაგრამ სასმელი არ ეკიდებოდა. რაც მეტს სვამდა, გულში ჩაგუბებული ნაღველაც მატულობდა. მოსისხლე მტერს არ უზამს კაცი, რაც ბორსამ გაბოს უყო. ამდენი ხანია ჯოჯოხეთად უქცია ცხოვრება. ურვათის დარდით ლუკმა აღარ გადასდის ყელში. ჩაცმა-დახურვაზე ვინდა ფიქრობს. დღესაც ქორწილში სხვისი ტანსაცმელი ეცვა. არ შეიბრალა ბორსამ. არ შევიდა მის გამოუვალ მდგომარეობაში. პირიქით, ყელზე წაჭერილი თოკის ბოლო უფრო მაგრად მოქაჩა, რომ რაც შეიძლება ჩქარა მოახრჩოს. მიღეთის ხალხში შეარცხვინა. რა უნდა ეთქვა, ან რაღა მნიშვნელობა ჰქონდა მის ნათქვამს. გაჩუმება ამჯობინა და აგერ მას შემდეგ უკიდია ცეცხლი და სველი ფუტურო კუნძივით თავისთვის ჩუხის. ძაბეგის ქორწილში ვალი მოიხადა, ნეფე-პატარძალი მშვიდობით ჩამოიყვანა შინ, ქალის მაყრებიც დააბინავა, დაემშვიდობა მასპინძლებს და წამოვიდა, შინ არ შესულა, საბძელში თივაზე მიწვა და მწარედ ატირდა.

რა ქნას, ურვათის ნახევარი სად იშოვოს? სახლში აღარაფერი ეგულება. ოთხი კედელია და... დახმარების იმედი არა აქვს. გრძნობს, რომ ძალიან მძიმე და გამოუვალია მისი მდგომარეობა. დიდი ხარკი მოითხოვა მისმა სიყვარულმა. მთასავით დააწვა ბექებზე და ლამის სიმძიმის ქვეშ გაისრისოს. თუმცა რაღა სიყვარულია. შუახანს მიღწეა თითქმის. ურვათზე ფიქრმა გული ბეწვივით გაუწვრილა, მძიმე შრომით მხრებში მოიხარა. საფეთქლებში ქაღარა შეეპარა. ძვალტყავად ქცეულს თვალში ღრმად ჩაუცივიდა.

სიყვარული! ოდესღაც მართლად ტყვილად ესალბუნებოდა გულს მაგრამ ახლა იმ წყეულმა ურვათმა სიყვარულის გრძნობა განდევნა. ის კი არა, თავისი სატრფოს სახეც დაავიწყდა. მის მაგიერ ურვათის ხარები, ძროხები და ცხენები უდგას თვალწინ. ათი წელია ურვათს იხდის და აქამდის ჩაბარებული პირუტყვიდან არც ერთი არ დავიწყებია. ახსოვს რომელი რა ფერისა იყო. როგორი რქები ჰქონდა, სად და ვისგან შეიძინა, რამდენი გადაიხადა. ძალიან ძვირად დაუჯდა ყოველი მათგანი და კიდევ ათმა წელმაც რომ გაიაროს, ათას სულ საქონელში აღვილად ამოიცინობს მათ.

ჰო, მაგრამ ქოსერი? ქოსერი თანდათან ავიწყდება. ათი წლის წინ პირველად ქორწილში ნახა. საცეკვაოდ გაიწვია, მოეწონა ჯეირანივით მარდი, თვალტანადი ასული. გაიცნო, მერე ყველაფერი თავისთავად მოხდა. მარადიული სიყვარული შეფიცეს ერთმანეთს. აი მაშინდელი ქოსერის სახე წარმოუდგება ხოლმე ხანდახან თვალწინ. მაგრამ ამ ზაფხულს ურვათის კიდევ ერთი ხარი რომ მიუყვანა, ველარ იცნო დანიშნული. გოგოს, თუმცა რაღა გოგო, ისიც შუა დედაკაცობას გადასცდა, თმა გასთეთრებოდა. ბროლივით თეთრი და ნაზი სახის კანი მოსჭკნობოდა, შუბლი დაღაროდა, ალერსიანი თვალეები მინავლული ნაკვერცხლებივით ბეუტავდნენ. შეხვედრამ მაშინდელივით როდილა გაახარა ორივე. წინათ დღე და ღამე შეხვედრაზე ოცნებობდნენ. ახლა სიყვარულზე ლაპარაკისა და სიხარულისათვის ვერც იცლიან. ძველი ნაცნობებივით მოიკითხავენ ერთმანეთს და ეგ არის, აღარცა სჯერათ, რომ ოდესმე შეერთდებიან.

აი დღეს მოწმენდილ ცაზე მეხი გავარდა. ბორსა დანიშნულის წართმევას უპირებს, დიდი ხანია ამისი ეშინია ვაბოს. გრძნობს, ურვათის გადახდას თუ ვერ შეძლებს, ნამდვილად წაართმევს ბორსა საცოლეს. რა ესაქმება ბორსას, ურვათის გადახდა ასე ძლიერ რომ გაუჭირდა ვაბოს. არ აძლევს ქალს და მორჩა. წადი და იჩივლე. თუმცა ვის უნდა უჩივლო. არც სინდისი აქვს და არც ღმერთი სწამს. მას ქალიშვილი გასაყიდი საქონელი ჰგონია, ვინც მეტ ფასს გადაუხდის, იმას მიჰყიდის. ბორსა ასე რომ მოიქცევა, ამაში ეჭვი არ ეპარება ვაბოს. ახლა მიზეზიც აქვს. ამდენ ხანს ვერ შეძელი ურვათის გადახდა და რა გყო, შენს ლოდინში ქალს კერაზე ზომ არ დავიბერებო, ასე უთხრა ბორსამ. ურვათის გადახდილ ნაწილს უკან მიუყრის. პირუტყვის მონაგარს თავისთვის დაიტოვებს, ბებერ და ჯანდაგ საქონელს

კი გაბოს არგუნებს. ეტყვის, რამდენი სულიც მოგიყვანია, იმდენს გიბრუნებო.

არა, არა, ეს არ უნდა მოხდეს. სირცხვილით მოკვდება გაბო, სალექსოდ გახდინან. მაგრამ მეტი გამოსავალი რომ არ ჩანს? ყოველი მხრიდან დახშული აქვს გზა.

თუ ბორსა ძაღლის სისხლით არ არის განათლული, რატომ არ ფიქრობს შვილის მომავალზე. დაცარიელებულ სახლში რითი იცხოვრებენ, როგორღა მოახერხებენ ფეხზე დადგომას. საკვირველია, ნუთუ არ გრძნობს, რომ ასეთი ცხოვრება ჯოჯოხეთზე უარესი იქნება. აუ, რას ეუბნება გული, ტყის ნადირსაც კი უყვარს შვილი, ის კი ადამიანია. ადამიანი— ხარბი, უგულო, ბოროტი...

გაბომ იცის, ურვათი ბორსას მოგონილი არ არის. ზოგჯერ უფრო დიდი ურვათიც მოუთხოვიათ, ეს წესი მამა-პაპიდან მოდის. მოდის და ამოკლებს გვარს, აღუნებს და აუძლურებს ერს, არცხვენს და აკნინებს ქალს. იცის გაბომ, ბევრი ახალგაზრდა ქალ-ვაჟი გამხდარა ამ მავნე ადათის მსხვერპლი. რამდენი ვაჟაკი დაბერდა უცოლოდ, მხოლოდ იმიტომ, რომ ურვათის გადახდის თავი არა ჰქონდა. რამდენი ახალგაზრდა ქალი გადაუქცევიათ პირუტყვად. ხარივით უღელში შეუბამთ პატარაძალი და ოჯახის დიდი და პატარა მისი მბრძანებელი გამხდარა. გადახდილი ურვათის ფასი ხომ მისგან უნდა ამოეგოთ. რამდენი ახალგაზრდა ქალი ჩაუყვანია მიწაში უდროოდ წყეულ ადათს.

თავისი მოკლე ჭკუითაც კარგად გრძნობს გაბო, რომ ის მტკიცედ დამკვიდრებული ადათი ადამიანს პირუტყვად აქცევს. გულში ჩასახულ ლამაზსა და წმინდა გრძნობას ტალახში სვრის, მაგრამ ადათი ადათია, წადი და შენ შეცვალე! ბორსას მსგავსთათვის სასარგებლო ადათ-წესების შეცვლას თუ ვინმე შეეცადა, დაილუპება, მგლებივით კბილით გამოლადრავენ ყელს.

„თორმეტი დღე, მხოლოდ თორმეტი დღე დარჩა ურვათის გადასახდელად. შემდეგ რა იქნება?“ — ამის გაფიქრებაზე გაბოს ტანში გაბურძგლა, მღელვარებამ გულის ცემა შეუჩერა. „მოვიტაცებ!“ მეტი გამოსავალი ვერ ნახა და ამ აზრს ჩაეკიდა. წინათაც ბევრჯერ უფიქრია ამაზე, მაგრამ ქალის მოტაცებას სისხლის ღვრა მოსდევს და გაბოს კი მხარის დამკვირი არავინა ჰყავს. თანაც არც შეუძლია ასეთი ნაბიჯის გადადგმა, მგელი იტაცებს საკბილოს. ადამიანის მოტაცება რა წესია? ის, ვინც შენს გულში ანგელოზივით დაძულებულა, წადი და თრევა-თრევიტ გაიტაცე, ამაზე სულმდაბლობა რალა უნდა იყოს! ახლა მღევარი? რამდენი გამოგეკიდება, შეიძლება ქალიც წაგართვან, ქვეყანაზე თავიც მოგკრან და სისხლიც დაიღვაროს.

მაგრამ მეტი გზა რომ არ არის. ქოსერი თანახმაა. ოღონდ აქედან გამაცილე და ჯოჯოხეთში წამოგყვებიო; ბორსა რომ არ აპატრებს ქალის მოტაცებას, ამას სულაც არ ნაღვლობს გაბო. მაინც შერცხვა და მაინც. ვიდრე საცოლეს თვალწინ გაუყიდიდეს და თავლაფს და-

ასხამდეს, რამე უნდა მოიფიქროს. ძალიან დაიღალა და ჩირადაც აღარ უღირს სიცოცხლე. მაგრამ მარტო ხომ ვერ მოიტაცებს? ვინ გაპყვება? ცხენს ვინ ათხოვებს? ლამის გააგიჟოს ამ კითხვებმა.

2.

ძალიან მოტყდა სლონათი გვარის თავკაცი ბერდი. დიდი ხანია ლოგინიდან ველარ დგება. ძაბეგის ქორწილშიც არ იყო გუშინ. მართალია, როცა მას ქორწილიდან მოსაქითხი გაუგზავნეს, დაწვრილებით აცნობეს აულში მომხდარი ყველა ამბავი, მაგრამ სად ნამბობი და სად თვალით ნანახი. საწყენს მაინც ყველა უმაღლავს, ბერიკაცი ისედაც ჯანზე ვერ არის, დღეს დილით გვარის საპატიო ქვრივი სანეთა ძალზე შეწუხებული ეახლა. ამ აულში დაბერდა სანეთა და ბერდის მისი ხმა არ გაუგონია, არც მისი სახე დაუნახავს. მაგრამ ახლა რაღაც დიდმა ამბავმა დაავიწყა რძალს მოვალეობა და გვარის უფროსის წინაშე მორიდება.¹

— მაპატიეთ, მამამთილო, შეილი მელუპება და თავზე ხელი ავიღე, დავივიწყე წესი და რიგი, ლაპარაკი შემოგბედეთ, მე მზედავსილმა. ხომ გახსოვთ, კაცის სიკვდილის შემდეგ რამდენი გაჭირვება ვნახე, მაგრამ თქვენს შეწუხებას როგორ გავებდავდი. ახლა? თქვენზე უკეთესსა და ჭკვიანს ვის მიემართო? გვარის უფროსი ხართ და უნდა დამეხმაროთ. მირჩიოთ რა გზას დავადგე.

ბერდი შეშფოთდა. მიხვდა, რომ მოხდა რაღაც მნიშვნელოვანი, შემამოფოთებელი.

— თქვი, რძალო. რა უბედურება დაგვატყდა?

— ჩემი გაბო... წუხელ შინ არ მოსულა...

— გაბო? მე მითხრეს ძაბეგის ხელისმომკიდე იყო, იქნებ მასპინძლებმა აღარ გამოუშვეს.

— იქიდან წუხელ საღამოსვე წამოსულა. მთელი ღამე ვეძებთ მე და ძანგმა, დილას საბძელში თივაში ვნახეთ.

— კი მაგრამ, რა უნდოდა საბძელში?

— ო, ღმერთო დიდებულო, შენ ამოუწყვიტე ოჯახი ბორსას. გუშინ თედოთიყაუში ბიჭს დამუქრებია, ორ კვირაში ურვათს თუ მთლიანად არ გადამიხდი, ნიშნობას ჩაშლილად გამოეცხადებ და ქალს სხვაზე გავათხოვებო. ვერაგია, აასრულებს ნათქვამს. დამელუპება შეილი, ვიცი, ურვათის მთლიანად გადახდას ვერ შევძლებთ. აღარაფერი გავვაჩნია. ჰოდა, ღმერთი გადღეგრძელებს, დაუძახე ბიჭს, დაარიგე, მე აღარაფერს მიჯერებს. თქვენ ვერ გაგიბედავთ ურჩობას. რა წყალში ჩავვარდე, ბარემ კარგი იყო, ის გოგო მოეყვანა... ვერაფერს გავხდით. გავგონილა კაცმა ათი წელი იხადოს ურვათი? აგრემც ბორსას თავისი ქონებაც ოხრად დარჩეს. ურჩიე, დაანებოს თავი...

— აბა, ეგ რამ გათქმევინა, რძალო, რატომ არ ფიქრობ შეილზე,

¹ რძალი მამამთილს და საერთოდ გვარის უფროს თაობას, არც ხმას გასცემდა და არც სახეს აჩვენებდა.

იმ გოგოზე? ერთმანეთი თუ უყვართ, ჩვენ რა უფლებით ვაშორებთ? არა, ეგ არ ივარგებს.

— როგორ არ ვიფიქრე, მე დასამიწებელმა. ათი წელი მაშ რაზე ვფიქრობ. დედა მოუკვდეს, უდროოდ დაბერდა, თმაში ქალარა გამოერია. ოჯახს აღარას არგია, სიზმარშიც იმ დასაწვავ ურვათს მელაპარაკება, აგრემც მაგის მომგონი დამწვარა ჩემი შვილის ცოდვით. ამ ერთი ბალისათვის გავიმწარე სიცოცხლე და რომ რამე... ცეცხლს წავუეციდებ ბორსას სახლ-კარს.

სანეთას წასვლის შემდეგ ბერდი ღრმა ფიქრებს მიეცა. ქალის მოტანილმა ამბავმა შესძრა მისი გული. ისეთი გრძნობა დაეუფლა, თითქოს სანეთას მღელვარების მიზეზი გაბო კი არა, თვითონ არის. აღრე, როცა ისიც ახალგაზრდა იყო, უიმედო სიყვარულის ცეცხლმა კინაღამ სამუდამოდ ჩაფერფლა. გულს გარეთ არ გამოუტანია, არავის გაუგია მისი უსაზღვრო სიყვარულის ამბავი, თვითონვე შეძლო გულში მისი ჩაკვლა... თუმცა განა ყველაფრის დავიწყება შეიძლება?! აი ახლაც, სასიკვდილო სარეცელზე მიჯაჭვულს ხანდახან თითქოს თოფის ხმის გამოძახილი მოჰყვება ნიაესო, გულის სიღრმეში ისევ უნებურად გაფაჩუნდება ის უცნაურად ტკბილი გრძნობა და დაუძლეურებული გულის ფესვების კვნესა ესმის მამის ბერდს.

მისი გულის მფლობელი ხეობაში განთქმული ქერა დუღუ იყო. ო, როგორ ოცნებობდა საყვარელი ქალის ზღვისფერ თვალებში დაენახა თავისი თავი... რამდენი ღამე გაათენა უძილოდ. მაგრამ უდროოდ ჩააქრეს მის გულში აბრიალებული მწველი ცეცხლი. ურვათის გადახდა ვერ შეძლო. მშობლებმა ანგარიში არ გაუწიეს შვილის გრძნობას, თედოთიყაუში ყუნცელს მიჰყიდეს მშვენიერი დუღუ. მას შემდეგ ბერდს გული აღარავისზე შეეარდნია. დიდხანს არ ირთავდა ცოლს. გაბოს ტოლი იქნებოდა, დედ-მამამ აღარ მოასვენა, ოჯახს მოეკიდო და ხათრით შეირთო ცოლი. სამი შვილიც ეყოლათ. ტკბილადაც ცხოვრობდნენ. მაგრამ ვინ რა იცოდა, რა ფასად უჯდებოდა ბერდს ოჯახური მყუდროების შენარჩუნება. თვითონ ცოლის გვერდით იყო, მაგრამ მისი სული დუღუს დაჰფარფატებდა. საკუთარი გულის მოურჩენელი ტკივილი არასოდეს გაუმჟღავნებია. ის კი არა, ცოლს ექვიც არ აუღია, რომ ქმარს სხვა უყვარდა; ისე ჩავიდა საფლავში ის საცოდავი, სიყვარულის მწარ-ტკბილი გრძნობისა არაფერი გაუგია. ძალიან ეცოდებოდა ბერდს ცოლი. მაგრამ სიყვარული და სიბრალული სრულიად საწინააღმდეგო გრძნობებია. ვერ ამოიგდო ქერა დუღუ გულიდან. მერე კიდევ, როცა გაიგო, ყუნცელთან სულაც არ არის ბედნიერიო, უფრო მეტად განიცადა საკუთარი უმწეობა. საყვედურობდა თავის თავს, რატომ არ მოვიტაცე, რად ჩავაგდე ავი ადამიანის ხელშიო. მთელი სიცოცხლე დატანჯა ამ სინანულმა. ვერ აპატია თავს, რომ ადათ-წესებს დაუმონა დიდი გრძნობა. ასე გაიღია სიცოცხლე. ბერდის სულმა სულ თედოთიყაუში დუღუს გარშემო იფარფატა, საწყალი დუღუც არ იყო უკეთეს მდგო-

მარეობაში. იმანაც, საიდუმლოდ ჩაიტანა საფლავეში ბერდის სიყვარული.

ეს სევდიანი ამბავი დიდი ხნის წინ დაიწყო და აი დღემდის გრძელდება. მაშინ ბერდი დაიწვა ცეცხლში, ახლა იმავე ცეცხლით აგერ გაბო იფერფლება. მაგრამ არა, ბერდი არ დაუშვებს ამას. რა პირით წარსდგება დუღუს წინაშე, უსაყვედურებს — ნუთუ არ კმაროდა, ჩვენ რომ ვეწამეთ, შენი უმცროსი მაინც რატომ არ დაიცავი ჩვენი ბედისგანო. ამ საყვედურს ვერ აიტანს ბერდი. მაგრამ საქმე ძალზე რთულ სახეს იღებს. მარტოს გაუჭირდა სწორი გადაწყვეტილების მიღება. სლონათი გვარის უფროს თაობას უხშო.

მშვენიერი მზიანი დილა გათენდა. შემოდგომის დარი დიდ რამედ ღირს მთაში. ასეთ ამინდში უსაქმოდ ვინ გაჩერდება. სამუშაოს აშურებს ყველა. ზოგი საზამთროდ ფქვეს, ზოგი შეშას იმარაგებს, ზოგი თივას ეზიდება მთიდან. საქმეს რა გამოლევს. მაგრამ მიუხედავად ამისა, ახალგაზრდობა ხანდახან მაინც ახერხებს სანადიროდ გასვლას, ერთად ან ცალ-ცალკე სისხამ დილით თიშმაგხოხისაკენ გასწევენ და იქ ჩიხვს ან ქურციკს ჩაუსაფრდებიან. საღამოთი აუცილებლად მოიტანენ ნანადირევს.

იმ დილით გაბომ სანადიროდ წასვლა გადაწყვიტა. ასე თქვა, თორემ ნადირობისთვის სცხელა ახლა?! იქნებ გული გადააყოლოს, ლამის ფიქრებმა თავგზა აუბნიოს. ძაბეგისა ერიდება, ქორწილი არ დამთავრებულა, სტუმრები არ გაუცილებიათ, რა თქმა უნდა, გაბოს იქ ყოფნა აუცილებელია. ხელისმომკიდემ უნდა მისცეს წესი და რიგი სუფრას. მაგრამ გაბოს რომ აღარაფრის თავი აქვს?! ქალის მაყრებიდან განსაკუთრებით ბესოლთი ბარსაგზე შეუფარდა გული. მასზე ბევრად უმცროსი იქნება. მაგრამ ცეცხლივით ბიჭია. თედოთიყაულელ ბარსაგსა და მის ძმა ხასანას მთელი ხეობა იცნობს. ღმერთმა დღე მისცეთ, ერთიმეორეზე უკეთესი ვაჟკაცები არიან. ბარსაგი დევხმარა, თორემ... თორმეტი სირჩის ზედიზედ დალევას აძალებდნენ. ბარსაგმა შეუტია:

— კაცი სამოყვროდ მოსულა, თქვენ კი მტერივით ექცევით, რა ამბავია ამდენი სირჩა? — სირჩებიანი თაბახი გამოართვა „მოძალადეს“ და სუფრაზე დადგა. ძალიან მარჯვე და ჭკვიანი ბიჭები არიან. ბარემ უნდა ბარსაგის პატივისცემა, შინ მოპატიყება. თავი რომ არა აქვს? თანაც ასე გულმოკლულმა ვაითუ სხვების მხიარულობას შეუშალოს ხელი. იცის ეს ძაბეგმა, არ ეწყინება. გუშინვე მოუბოდა: — მა გაბომ. შინაც რომ არ უდგება გული?!. თავში მხოლოდ ბორსა, ქოსერი და ურვათის გადაუხდელი ნაწილი უტრიალებს.

როგორ უყვარს შემოდგომის მზიანი დარი! რა სიხარულით ხედებოდა ყოველთვის. დღეს კი დილის მზემ სულაც არ მოუტანა სიმშვიდე. უხალისოდ წამოდგა, ფალასკა ჯვარედინად გადაიკიდა და ჩიხვის რქაზე გადაკიდებული თოფი ჩამოიღო.

— შეილო, რამ გაფიქრებინა, რა დროს ნადირობაა, ხალხი რას

ოტყვის? მძაღნაფიცის ხელისმომკიდე ხარ, ქალის მაყრები მაინც გაგეცილებინა, დედა გენაცვალოს, დაგემდურებიან.

— განა არ ვიცი, ნანა, მაგრამ არ შემძლია, რაღაც ვერ... ვიფიქრე, იქნებ გული ვადავაყოლო-მეთქი.

— ვიცი, შვილო, ყველაფერი ვიცი, მითხრეს, რა ვქნათ, ჰირი შოგჭამოს დედამ... ვილაცის გულისათვის ხომ არ დაეიხოცებით. ისედაც არ გვაკლია მწუხარება და ჰირი. მთლად რომ მოეშვა, არც ეგ ივარგებს, ყართი ბორსას ქალზე არ ჩამოწყვეტილა ქვეყანა. მაშამ შვილის საფასურად ბროლის სასახლის აშენება მოგთხოვა. ჩვენ კი ხელმოკლე ოჯახს ძალა არ შეგვწევს. ხომ ხედავ, ამდენ ხანს ვერაფერი მოვახერხეთ. სადაც არა სჯობს, ვაცლა სჯობსო, ხომ გაგიგონია, არც პირველები ვართ და არც უკანასკნელები ვიქნებით. რაც მოსახდენია, მოხდეს, — მოეხვია შვილს აცრემლებული დედა.

— ძალიან მაგარი სილა გააწნეს შენს შვილს, ნანა. წავიქეცი, ნანა, წავიქეცი და წამოდგომა აღარ შემძლია.

— გამაგრდი, შვილო, გამაგრდი, წაქეცეას ნუ იკადრებ, ჩემო იმედო. რას ვიზამთ. ვინ ჩვენზე მდიდარი, ვინ — ლარიზი.

— ჯავრი მკლავს, მე სამოყვროდ მივედი, ის კი მოსისხლე მტერივით შემხვდა, მე კიდევ ჰო, მაგრამ საკუთარი შვილი? მტაცებელ ნადირსაც უყვარს თავისი ლეკვი, ის კი ადამიანია, რამ გაუცივა გული?

— ღმერთო, ადამიანურ სიკვდილს ნუ აღირსებ იმ გაუმაძღარ შგელს, ჩემი წვა-დაგვით გამოზრდილი შვილის ცოდვით მგლის ლუქმა გახდეს... ათი წელი! მთელი ათი წელი! ვარსკვლავებს ეთამაშებოდი და, დედა მოგიკვდეს, რას დემსგავსე! უდროოდ დაბერდი, შვილო! რად არის დედაშენი ცოცხალი, ჰალარა გამოგრეგია თმაში.

— სანეთამ შვილის ჰალარათმიანი თავი გამხმარ მკერდში ჩაიკრა და გულამოსკვნით ატირდა.

— ხალხში როგორღა გამოვყო თავი? რა პასუხი გავცე მტერ-მოყვარეს? მაგრამ არა, თუ მეც მამაჩემის შვილი ვყოფილვარ, სირცხვილს არა ვჭამ! იცოდე, თუ ბორსამ თავისი დანაქალი შეასრულა, ხანჯლით გამოვჭრი ყელს. ურვათს თავის ქელეხში მოვანდომებ.

— შვილო, მაშინ ჯერ დედა დამარხე.

— არადა, მოვიტაცებ...

— არც ეგ შეიძლება, დედის მზევე, აღარ იფიქრო მაგაზე. სისხლის ტბას ნუ დააყენებ, შიგ ჩაიხრჩობი, შვილო!

— მაშ რა ვქნა, ნანა? მე ფიქრის თავი აღარა მაქვს, შენ მაინც მიჩრჩიე!

თითქოს სული გაეყარა სხეულსო, სანეთა მოდუნდა, მკლავები უსიცოცხლოდ დაეკიდა. კვნესა ამოხდა.

— რა გირჩიოს გულმკვდარმა დედამ, შვილო, ერთი გამოსავალი ვიცი მხოლოდ. მივალ ბორსასთან, თუ გვაპატიებს ურვათის გადა-

უხდელ ნაწილს, მოახლედ დავუდგები და სიკვდილამდის ერთ-
გულად ვემსახურები. არ ვითაკილებ მისთვის ფეხების დაბანას.
ოღონდ შენ მყავდე ბედნიერი. მაინც აღარაფერია ჩემი სიცოცხლე.
მოკვდა გული შენი ცოდვით, თვალები მიბრმავდება შენი ტანჯვის
ცქერით.

— გაჩუმდი, ნანა, გაჩუმდი! — შეშლილივით იყვირა გაბომ. —
ცეცხლზე ნავთს ნულარ მისხამ!

კარზე ვილაცამ მოაკაკუნა. ლაპარაკი მოისმა.

— რა იქნ. გაბო, გამოიხედე გარეთ!

— მექორწილები იქნებიან. გაიხედე შვილო. — სანეთამ მოსახ-
ვევის ყურით მოიწმინდა ცრემლით დასველებული სახე.

გაბომ გარეთ გასვლა დააპირა, მაგრამ სწორედ ამ დროს ძანგი
შემოვარდა განხარებული.

— გაბო, გაბო! აგერ... გარეთ... გაიხედე, გაბო, გაიხედე! — ძანგა.
ლაპარაკს ძლივს ასერხებდა, სიხარულით ენა ებმოდა. თვალები უბრ-
წყინავდა, სახე უცინოდა.

ეზოდან პირუტყვის ზმუილი მოისმა.

— ვისი საქონელია, შვილო, ძანგ?

— ურვათისა, სანეთ, ურვათისა...

— რომელი ურვათისა? რა ურვათისა?

— გაბოს ურვათისა, მთელმა გვარმა შეეკრიბა პირუტყვი, სანეთ,
თვითონ ბერდმა ორი ხარი დაუმატა. გაბოს ურვათი მზად არის! —
ბავშვივით ცმუკავდა ძანგი და თვითონაც არ იცოდა, რას ამბობდა. —
მალე ქორწილში გაიჩეჩება ბიჭი! — გულზე ხელი დაიკრა ძანგმა და
ოთახში ცეკვით ჩამოუარა.

სანეთას და გაბოს თითქოს სიზმარი აუცხადდათო. ხმის ამოდე-
ბას ვეღარ ასერხებდნენ. მერე გაუბედავად გაიხედეს გარეთ.

ეზოში სლონათი გვარის თითქმის ყველა მეკომური თავის ნაჩუ-
ქარ პირუტყვთან იდგა და გაბოსა და სანეთას ღიმილით შეჰყურებ-
დნენ.

— სანეთა, ჩვენო სახელოვანო რძალო, გვაპატიე. რომ აქამდის
ვერ მოვიფიქრეთ ამის გაკეთება. აი, რაც ურვათს აკლია. გაბო, შვი-
ლო, გაიყოლიე ბიჭები და დღესვე მიჰგვარე პატრონს, ნულარ დააგ-
ვიანებ, ქორწილსაც მოვახერხებთ! ასე გადაწყვიტა გვარმა, — ამას
ამბობდა სლონათი ფარსი.

სანეთას გერ ენა დაება, მერე. როცა ყვილაფერს მიხვდა, გვარის
წინაშე მუხლებზე დაეშვა, ხელები მალლა აღაპყრო და სიხარულის
ცრემლები აწვიმა თვალთავან.

— ო, სლონათი სამაყო გვარო. რა დიდი დახმარება გაუწიეთ
თქვენს უმცროს ძმას, ჩემს ერთადერთ იმედს. სიკეთის გადახდას
სიტყვით ვერ შევძლებთ, რა გითხრათ, არ ვიცი, მადლობის გარდა,
არაფერი შემიძლია, თავს ვიხრი თქვენს წინაშე.

იმ დღეს გაბომ ძანგისა და კიდევ ორი სახლიკაცის თანხლებით საქონელი ხსანიყაუში ბორსას მიუტრეკა.

ბორსა ამას არ ელოდა. ათი წელი ვერ მოახერხა ურვათის გადახდა და ახლა ოთხ დღეში ამდენი საქონლის დანახვაზე დაექვედა.

— ბიჭო, ვისია ეს საქონელი? რაღაც მეექვეება, რომ შენი იყოს. სხვისი საქონელი ხომ არ დაიხვეტე მთიდან! მითხრეს, რომ შენ სახლში ოთხფეხი კატაც აღარა გყავს? — ბორსამ სადგისივით თვალები გაუყარა გაბოს გულში.

— გეყოფა, ბორსა. დაცინვა არ იყოს, ვისია საქონელი, ეგ სულაც არ გეხება შენ, მიიღე რაც გემართებს და მოგვეცი ქალი, — გაბოს არ დააცადა პასუხი ძანგმა.

— შენ ვინლა ოხერი ხარ? თუ ჩემს ქეცთან სასიძოს ენა გაუხმა და შენ დაგიყენა თარჯიმნად? — დონიჭი შემოიყარა ბორსამ, თითქოს საკილაოდ ემზადებო.

— არა, ენა არ გამხმობია, სიმამრო! — ველარ შეიკავა თავი გაბომ, — მათხოვრის გულა წამომკიდე ზურგზე და გაპატიე, შეურაცხყოფას კი იცოდე, არ მოგიტომენ.

— უყურეთ ამას. რა მუქარა სცოდნია? კი მაგრამ, რას მიზამ, ქალი რომ მაინც არ მოგცე?

— ამას უყურებ? — ხანჯალზე მიუთითა გაბომ, — მაშინ ეს გაარჩევს მართალსა და მტყუანს.

— გაჩუმდი, უდღეურო. შენ რომ კაცი იყო, აქამდის საქორწილო შეიღები გეყოლებოდა. ახლა შენთვის კი არა შენი შევილისთვის უნდა თხოულობდე ცოლს. ენა ნუ წაიგრძელებ, თორემ ქალი ჯერ ჩემს ოჯახშია და ურვათის დაბრუნება არ გამიჭირდება.

— ვითომ ურვათის დაბრუნება ასე იოლია? ხომ არ დაგავიწყდა, რომ სამმაგად გეკუთვნის ურვათის დაბრუნება? ასე გვასწავლის ადათი! რას იტყვი, გინდათ დამიბრუნოთ? აქამდის მქონდა სახვეწრად საქმე, ახლა? ჰო, აგერ საქონელი, წაიყვან, თუ?..

ბორსა ბრაზით ბაყაყივით გაიბერა. მიხვდა, რომ ახლა სასწორი გაბოსკენ გადაიხარა. აღარც დამკირებას მოუთმენს და აღარც მოერიდება. თუ ნიშნობას ჩაშლის, ურვათის სამმაგად დაბრუნება მოუწევს. გინდაც გაიმეტოს და დაუბრუნოს, რას მოიგებს, ქოსერი კარგა ხნიერი ქალია. თმაში ჭადარა გამოერია, ვინლა ითხოვს? ნაქერივალი თუ წაიყვანს მეორე ცოლად, ანდა ნომილუსად! თუ ვინმე ინდომებს. ისინი ურვათის ნახევარსაც არ გაიმეტებენ. ისევ ბორსა ზარალობს. სწრაფად გაიაზრა ყოველივე ეს, მაგრამ რბილობა მანც არ გაიტეხა.

— უყურეთ ერთი, როგორ აიმაღლა ხმა. მე მაინც მიკვირს, სად იშოვე ამდენი საქონელი? თქვი. მეც ხომ უნდა ვიცოდე!

— ვიპოვე. კარგ ხალხს რა გამოლევს ქვეყანაზე, ყველა შენ კი არა

¹ ნომილუსი — უკანონო ცოლი, რომლის შვილებს მამის ოჯახიდან წილი არ ეკუთვნით.

გვავს,— აღარ ერიდება ვაბოს უფროსისათვის სიტყვის შებრუნება, — პასუხი მითხარით, როდის მოვიდე ქალის წასაყვანად?

ბორსა დაიბნა.

— ჯერ მზად არა ვარ, ვიფიქრებ.

— ათი წელიწადი კმაროდა ფიქრისათვის. საცაა თოვლს ჩამოყრის და გაზაფხულამდე ცარვასბადანიდან თქვენამდის ჩიტიც ვერ გადმოფრინდება. მეჩქარება!

— მზად არა ვარ-მეთქი!

ქოსერი იქვე პარმალზე იდგა და ლაპარაკი ესმოდა. ქორწილის ხსენებაზე ქალი მიხვდა, მამას კიდევ რაღაც განზრახვა დარჩა შესასრულებელი. ცხრა პირი ტყავი გააძრო მის საქმროს და ახლა მეთათედ უპირებდა გატყავებას. ქორწილისთვის მზად არა ვარო, იმიტომ დაიქინა, რომ ვაბოსათვის გამოეძალა საქორწილო ხორავი. სანამ ბორსა ამას იტყოდა, ქოსერმა დაასწრო, წინ წამოდგა.

— ბაბა, აღარ არის საჭირო ქორწილი, ქორწილს ბედნიერება იხდიან, შენ კი აჯობებდა, ქელეხი გადაგეხადა შეილისათვის, რადგან ჩემი დიდი სიყვარული და სიხარული კარგა ხანია ჩაიფერტლა. ბედნიერება ჩემს ცრემლებთან ერთად დაშრა. გამყიდე? ფასი ზომ მთლიანად ხელში გაქვს, რაღა უფლება გაქვს ჩემზე? ახლა მყიდველის ხელში გადავდივარ და ის არის ჩემი პატრონი. ვაბო, მაპატიე, რომ რიდი დაეკარგე და სახელით მოგმართავ, აქ აღარ დამტოვო, თუ შენ უარზე დადგები, მე ჩემი ფეხით გამოგყვები. ეგ კი ჩემთვისაც სირცხვილია და შენთვისაც. მამაჩემისა აღარათფერი გვმართებს. ამდენი ხანია სული ამოგვხადა. ახლა უფლება გვაქვს დაცარიელებული გულები შევაერთოთ. მოვდივარ, დამიცადეთ... კაბას გამოვიცვლი.

ბევრს ეცადა ბორსა შეილისათვის ნათქვამი გადაეთქმევიანებინა, მაგრამ ვერაფერს ვახდა. ახლა კი შეშფოთდა, ხალხი გაიგებს და ბორსას სალმის ღირსადაც არავინ ვახდის, მაგრამ ქოსერმა თავისი გაიტანა. გზიდანვე გაჰყვა საქმროს.

3.

— ჰო, სათქმელი მაქვს, ჩემო მზეო, — ლოგინში წამოჯდა ბერდი, ბალიშზე მიესვენა და დასუსტებულმა ძლიევასაგონი ხმით დაიწყო:

— აგერ ერთი კვირაა, ხან ასე ვიფიქრე, ხან ისე, გადავღეპე, გადმოვღეპე და ჩემი მოკლე ჭკუით, როგორც უფრო სწორად მივიჩინე, ისე გადავწყვიტე... მე ამ წუთისთვის მალე გავეცლები. რა ვუყოთ, ყველაფერს თავის დრო აქვს. ჩემი ჯერიც მოვიდა, მიახლოვდება სიკვდილი. დიდხანს ვიცოცხლე, დასამდური არათფერი მაქვს. ჩემი წუხილის მიზეზი ეს არ არის, სხვა რაღაც მიღრღნის გულს. სიკვდილისა კი არ მეშინია, მე მხოლოდ ის მტანჯავს, რომ ჩემი სიკვდილის შემდეგ სამუდამოდ გაცივდება კერია, წლობით დაგროვილ

ნაცარს¹ გაფანტავს ქარი. ამისი მეშინია. ო, როგორ მეშინია. თითქოს თვალით ვხედავ ჩემს ნაფუძარზე გადაბიბინებულ ქინკარსა და ლლოს. ყველაზე საშინელება ესა ყოფილა, შვილო ძანგ. ამას რომ გავიფიქრებ, გულის მაგიერ მკერდში ყინულის ნატეხს ვგრძნობ. ბარემ, მეც რომ მჩხებოდეს მემკვიდრე, კერიაზე ცეცხლს ვინც არ ჩააქრობდა ისეთი... მაგრამ ღმერთი განმირისხდა და უწილკერძოდ გადამატარა.

გაგონილი გეჭენება, უფროსი შვილი უკუღმართი გამოძვიდა. მე თვითონ გავაძვეე აულიდან. რა იქნა, საით წავიდა, აღარაფერი გამოგია მისი. ყოველ შემთხვევაში, ჩემთვის მკვდარია. მეორეს ღმერთმა დღე არ მისცა. ალბათ თიზმაგხოხი განურისხდა ან რალიძუარის რისხვაც დაეცა. დავრჩი გაუბედურებული... ახლა ჩემი ჯერ ვინ დავტოვო ჩემს კერიაზე? ბევრი ვიფიქრე, მარგამ ჩემს გვარში, ახლო ნათესავებში ვერავინ ამოვარჩიე. იმ დასკვნამდე მივედი, რომ მათ შორის შენზე უფრო გაჭირვებული არავინ არის, ჩემი არჩევანი შენზე შეჩერდა...

— ჩემზე? — წამოიძახა გაკვირვებულმა ძანგმა, — რატომ ჩემზე?

ბერდის წინ სამფეხა სკამზე იჯდა ძანგი და გულისყურით უსმენდა მძიმე აღსარებას. ისე კი უკვირდა, რატომ მაინცდამაინც მე გამიხსნა თავის ნატყენი გულის კარი? სად არიან სახლიკაცები, გვარის უხუცესები? ვინც მისი სიკვდილის შემდეგ აულის თავკაცობა უნდა იკისროს?

— ო, შენზე... ჯერ ერთი გიყურებ და ისეთი გრძნობა მეუფლება, თითქოს შენ ბაბუაწვევრას ყვავილივით, რომელიც დედამიწაზე არასოდეს ვარდება, სულ ჰაერში დაფარფატებ, დღეს აქ, ხვალ იქ. შენი ბედი მთლიანად ქარზეა დამოკიდებული; წამოუბერა, აგიტაცა და დაგაქროლებს თავის ნებაზე. ეშმაკმა იცის, როდის გაგაბამს მახეში. ჰე, ჩემო მზეო, თუ მიწაზე არ მოიკიდე ფეხი, არარაობა ხარ, არარაობა კი არა, არაფერიც არა ხარ, არც შენ და არც ის, ვინც შენს შემდეგ დარჩება. თუ მიწაზე ორივე ფეხით დგახარ, ნუ გეშინია. აგიცდა ფეხი? — დაიღუპები.

— ჰეშმარტებას ლაღადებთ. ვიცი, ყველაფერი მესმის, მაგრამ თქვენი თქმისა არ იყოს, ყველაფერი ღვთის ნებაა, განგების ძალას ვერავინ წაუევა. ნულარ იტანჯავთ თავს. მძიმე წარსულის გახსენებით ძველი ჭრილობა ახალი ძალით აგტივით, ტკივილი კი ისედაც არ გაკლიათ.

— ვიცი, ჩემო მზეო, ვიცი. იმიტომ ვდარდობ შენზე. ასე უწილოდ რომ დავტოვო მიწაზე, ისევე რომ წამოგიბეროს ქარმა და ხელახლა მიგაგდოს სადმე, საფლავში დავიტანჯები, შენი ცოდვით ჯოჯოხეთად გადამექცევა სამოთხე.

— რატომ, დადა, რატომ? ბედმა რომ არ გამანებივრა, განა თქვენა ხართ ამაში დამნაშავე? პირიქით, სიკვდილამდის თქვენი მადლიე-

¹ კერიის ნაცარი ხელშეუხებელია. რამდენადაც მეტია ის, იმდენად უკეთესია.

რი დავრჩები, თქვენ მომეცით ბინა, ძმები და მეგობრები შევიძინე. თქვენს სიკეთეს სააქაოს ვერ გადავიხდი, საიქიოს მემართება.

— აი, რა, შეილო, მე მინდა, რომ სამუდამოდ ცარვასბადანში დარჩეთ. ჭკუით, მოხერხებით, ადამიანობით, ვაეკაცობით მოინადირე ჩემი გული. მე მინდა, რომ აქ დამკვიდრდე და ხვალ-ზეგ აულს უწინამძღოლო. ვიცი, კარგი ადამიანი ხარ, ჭკვიანი და ხალხის გაჭირვებას ყოველთვის გულთან მიიტან. საერთო საქმისათვის დარახმავ. თუ მმართველს არასოდეს გაამრუდებ, ხალხი წინამძღოლად გიწამებს. სიტყვასა და საქმეს შორის განსხვავება არ უნდა იყოს, მაშინ ექნება ფასი შენს განაჩენს. ეე, შეილო, მძიმეა ხალხის მდგომარეობა და თუ ჭკვიანი წინამძღოლი არ ეყოლებათ — დაქამენ ერთმანეთს, კლდეზე გადაიჩეხებიან. შენ კი დიდი ხანია გამჩნევ საამისო მონაკლებებს. ხომ იცი, ერთი ჭკვიანი მამაცი კაცი ზოგჯერ მთელ აულად ღირს.

— დადა, არა ვარ ღირსი... რას წარმოვადგენ? რა წინამძღოლი უნდა ვიყო? ხალხისა და თქვენი წყალობით ვდგავარ ფეხზე. ერთი უთვისტომო კაცი ვარ.

— აქამდის არასოდეს შეგმცდარვარ, ადამიანის გამოცნობა ადვილი როდია. ყველა სულიერზე ჰრელია ადამიანი. ზოგი ანგელოზად მოგეჩვენება, სული კი ეშმაკისთვის მიუყვლია. ვისაც მე ვიცი, მათ შორის ყველაზე კაცური კაცი შენა ხარ. შეილებივით შემეყვარდით შენ და შენი მეუღლე. ჩემს გულს შეეზარდეთ თითქოს. რაც პატივისცემა ჩემმა შეილებმა დამაკლეს, თქვენ ამინაზლაურეთ. ჰოდა, გადაწყვიტე, ხვალ მთელი ჩემი გვარის წინაშე გიშვილო, სლონათი გვარის წევრად ჩაგრიცხო. ჩემს უძრავ-მოძრავ ქონებას შენ გიტოვებ. ასე გადაწყვიტე, ახლა სიტყვა შენ გეკუთვნის. გსურს თუ არა ჩემი შეილობა და სლონათი გვარის წევრად გახდომა?

გაშტერდა ძანგი. ენა ჩაუვარდა, გული გაუჩერდა, მთელ ტანში ყრუანტელმა დაუარა. ეს რა ესმის? სიზმარია თუ ცხადი? მიწა მამიდან შეილზე გადადის, თუ შეილი არა ჰყავს, მაშინ ძმას, ძმისწულს ან სისხლით ახლო ნათესავს ეკუთვნის. ეს ბრძენი მოხუცი კი, ალბათ. ჭკუაზე აღარ არის, თორემ წინაპართა ადათს რად დაივიწყებდა... როგორც იყო მოახერხა ხმის ამოდება:

— დადა, ვიცი, თქვენი პირით ყოველთვის უფალი ღალადებდა, მაგრამ ახლა? რა ვიცი... მიწა თქვენს ახლობელს, სისხლით ნათესავს ეკუთვნის, ასეთია ადათი, მე კი თქვენი არაფერი ვარ.

— ძანგ, შეილო, ალბათ, ფიქრობ, ბერიკაცი ჭკუაზე აღარ არისო. სრულ ჭკუაზე ვარ და ვიცი რასაც ვაკეთებ. თუ აუცილებელია, წინაპართა კანონის დარღვევაც შეიძლება. ჰოდა, ახლა ვარღვევ მას, ჩემს შემდეგ რომ არავინ შემოგედავოს, ხვალ მთელი გვარის წინაშე გიშვილებ, ჩემს გვარს მოგცემ. შენ, სრულუფლებიანი წევრი გახდები თანამოგვარეებს შორის. ისინი ძმად მიგიღებენ, ხვალ მოვიწვევ ჩემს სახლიკაცებს, მჭერა რომ არ ეწყინებათ, პირიქით, მომიწონებენ გადაწყვეტილებას.

ლაპარაკობს ხევისბერი. ძანგი გულისყურით უსმენს, ხმა ესმის, შიტყვებს კი ვერ არკვევს. მთელი სიცოცხლე მიწაზე ოცნებობდა და ეს ოცნება მთის წვერს მობურული ნისლივით მიუწვდომელი იყო. ახლა კი აგერ ეს ბრძენკაცი თავის მემკვიდრეობას სთავაზობს. რაც თავი ახსოვს, მთის წვერიდან მოწყვეტილი ქვასავით გაიგდო წინ ბედმა და მიაგორებს, პირველადაც ბერდომ შეაშველა ხელი, თავის ჭერქვეშ მიუჩინა ბინა. ამ ქვეყანაზე ძანგს მიწის ნაწილი არავინ არგუნა და აი ახლა ისევ ამ კეთილმა ადამიანმა ისურვა მისთვის წილის გამოყოფა, როგორც ამ ცამეტი წლის წინ, ახლაც მუხლებზე დაეცა ბერიკაცის წინ.

— დაბადებიდან დღემდე, სისხლითა და ოფლით მივიკვლეე გზას. ვაჟკაცის ადგილს ვეძებდი მიწაზე, მაგრამ რა ვაჟკაცია ის, ვისაც მიწაზე ფეხის დასადგმელი ადგილიც არ მოეძებნება და მე ჩემი თავი ვერასდროს ჩავთვალე ვაჟკაცად. ო, მიწიერო წმინდანო, ჩემო კეთილისმყოფელო, შენ მაგრძნობინე, რომ მეც ჩვეულებრივი კაცი ვარ, ადამიანი. არასოდეს დაგივიწყებ, შენთვის ვილოცებ, სანთლად ავენთები და საიქიოს გაგინათებ.

გული აუჩუყდა ძანგს. ხმა ვეღარ ამოიღო...

გარეთ კი თოვდა და თოვდა...

4.

წვიმ-ს შემდეგ მზემ თავისი მწველი სხივების კონა გადმოფანტა დედამიწაზე და მთის ფერღობები მწვანე ხალიჩასავით ახასხასდა.

ზამთარში თიზმაგხოხიდან წამოსული ზვავები ხეობებს ავსებენ, კლდეებს შორის ერთ მტკაველ სიცარიელეს აღარ ტოვებენ. ზაფხულის მზე დააცხუნებს და მყინვარიც დნობას დაიწყებს. სიცხეში ცხვარს იტყუებს დნობაშეპარული თოვლი, საშიშია ასეთ დროს. გათხელებული ყინული ხშირად ჩაიმზღვლევა ხოლმე და უფსკრულში თან ჩაიყოლიებს პირუტყვს. ბევრი ცოდვა აღევს ამ ოხერას. ცარგასბადანელი მწყემსები კარგად იცნობენ მას. ბევრი მათგანი ჩაუყლაპია. გაზაფხულზე ძანგი საშოვარზე წასასვლელად რომ ემზადებოდა, ვინ იცის, მერამდენედ აფრთხილებდა აგუნდას — ცხვარი მყინვარზე არ გაგეპაროსო. აგუნდას ახსოვს ქმრის დანაბარები და ძალიან ფრთხილობს.

აგერ მეორე წელია აგუნდა ქმრის მაგიერ მწყემსავს აულის ნაზირს. თორმეტი წლის ზარინაც ეხმარება დედას. ბერდომ ძანგი იშვილა, თავისი სახნავ-სათესი მას დაუტოვა. როცა მოხუცი გარდაიცვალა, მისი დასაფლავება და ქელეხი ძანგმა იკისრა. ეს კიდევ არაფერი, მიცვალებულის სულის მოსახსენებლად მთელი წელიწადი რამდენჯერ უნდა გაიშალოს სუფრა. ჰოდა, ისედაც ხელმოკლე ოჯახი მთლად გაიხიწნა. ვალში ჩაცვივდნენ. ვალის გადახდისათვის ერთი გამოსავალი არსებობდა. ჩრდილოეთში დღიურ სამუშაოდ წასვლა. ეს აზრი პირველად აგუნდას დაებადა:

— სამ თვეს მე და ზარინა მოვევლით პირუტყვს, ძანგ, — უთხრა ქმარს და სამგზავროდ გაამზადა.

პირველ წასვლაზე ხელი მოემართა. პურიც ბლომად ჩამოიტანა და ფულიც. ვალები გადაიხადა. ერთი წასვლა კიდევ იყო საჭირო და ოჯახი ფეხზე დადგებოდა. მეორე წელსაც წავიდა ძანგი, ცოლ-შვილი ტიტველ-შიშველი ჰყავს, წაიმუშავენს, ფულს იშოვის, რაც ესაჭიროებათ, იყიდის და დაბრუნდება შინ.

იმ დღეს კარგ ხასიათზე გაიღვიძა აგუნდამ. ძანგი ესიზმრა, მთელი საპალნე პური ჩამოიტანა, აგუნდას ლამაზი აბრეშუმის კაბა, ქალაღია. ზარინასაც ჭრელ-ჭრელი კაბები, სწორედ ისეთი, ბავშვობაში რომ ყიდულობდნენ აგუნდასათვის.

თითქოს პირველდ ხედავს, ძალზე ლამაზი და თვალწარმტაცი ეჩვენება ეს საუკუნოვანი მთები, თვალს ველარ აცილებს, საკვირველია, ზურგები სულ სხვადასხვანაირი აქვთ, ერთს გაბრტყელებია, მეორეს სულაც ოღროზოლოდ მოუჩანს, მესამეს მონგრეულია... რაც უფრო ქვევით მიიწევიან, თანდათან რაბლდებიან ჭედები და ბოლოს შორს, ცის დასალიერს სულაც ქრებიან: „ნეტავ ჩემი აული საით არის? — გაიფიქრა აგუნდამ, — იმდენი მთა გადმოვიარეთ, ახლა ეშმაკიც ველარ გაიგნებს უკან გზას, არა, რა იქნება, ბაბამ რომ გაიგოს, მისი ამაყი ქალიშვილი აგუნდა აულის ნახირს მწყემსავს. თავში წაიშენდა. თავს აღარ იცოცხლებდა. რა დიდი დრო გავიდა მას შემდეგ, ცამეტი წელი! ცამეტი ვაზაფხული, ცამეტი ზამთარი. თითქოს სიზმარი იყო ყველაფერი; პირველ ხანებში მართლა ძალიან გამიჭირდა, შიმშილმა და სიშიშვლემ შემაწუხა და მაშინ ის სიზმარი ხშირად მაგონდებოდა. სიზმარში სიზმარს ვხედავდი. მაგრამ მერე ყველაფერი გადამავიწყდა. რატომ? არ ვიცი. ადამიანი სიბერეში იგონებს ახალ-გაზრდობის დღეებს. ასე დაუწესებია ღმერთს, რაც ძვირფასია, რაც უკვე მიუწევდომელია, იმაზე უკუვარს ოცნება. სიავკაცემ რაღა უნდა დიდი ტკივილი მიაყენოს გულს, გავა დრო და მაინც დაავიწყდება. მე კი ჩემი ცხოვრების ყველაზე უღარდელი და ლამაზი დღეები დამავიწყდა. დამავიწყდა კი? არა, ყველაფერი არ დამევიწყებია. ჩემი ძიძა როგორ მომენატრება ხოლმე მისი ტბილი უბე, ხანდახან ისე ცოცხლად ვგრძნობ, თითქოს აქვე ჩემს გვერდით იყოს. რა ჭკვიანი და ალერსიანი თვალები ჰქონდა. ერთთავად მისი დაღარული შუბლის გასწორებას ვცდილობდი, როგორ მიღიმოდა, ეგ ცხოვრების ნაკვალევია, შვილო და მაგის გასწორება აღარ შეიძლებაო. უბრალო ადამიანი რამხელა გულის პატრონი იყო. ალბათ ახლა ცოცხალი აღარ იქნება. მაშინაც აკადმყოფობდა. მშობლიური ალერსი მისგან მახსოვს. როგორ მეხვეწებოდა, როცა მოვკვდებდი, ჩემს საფლაგზე მოდი და ცრემლები დამაყარეო. ეჰ, ნეტავ მართლა შემეძლოს მისი ანდერძის შესრულება, როგორ მოვიოხებდი ტირილით გულს?!

ნეტავ აკირუხსი რაღა იქნა? რა ლამაზი იყო, როგორ ვუყვარდი? ჩემს საიდუმლოს მხოლოდ იმას ვანდობდი. სად არის ახლა? დოლა-

თი უყვარდა. ჩემი დაკარგვის შემდეგ მამაჩემმა, ალბათ, მსახურებზე იყარა ჯავრი.

დოლათი კარგი ადამიანია, აცირუსი ბედნიერი იქნება მის ხელში. ღმერთმა ქნას! ე, ე, აცირუსს, ახლა რომ გითხრან, შენი ქალბატონი აულის ცხვარს მწყემსავსო, ნეტავ რას იტყობი?

მამაჩემი? ისიც მახსოვს. ელოთი ძანხოთი, ძალიან კი ვუყვარდი. რომ მეთქვა შენი ქონება სულ მე დამიმტკიცე-მეთქი, არც დაფიქრდებოდა. ვუყვარდი. თუმცა ნამდვილად რომ ვყვარებოდი, ასე არ მომეცქეოდა. ქალის ბედნიერებას სასწორზე ქონება შეუწონა დავაი, რომ მეორემ გადაძალა პირველს. საყვარელი შვილი დასალუპად გაწირა. ვიცი, ჩემი დაკარგვა გულს დაუკოდავდა, მაგრამ მაინც რა იყო, რატომ შეიძულა ძანგი? რაში ადანაშაულებდა? ალბათ იმაში, რომ ზღაპრული ამირანივით ღმერთებისთვის ცეცხლის წართმევა მოინდომა, იმ ცეცხლში მამაჩემი დაიწვა თავისი ქალიშვილით. და ეს იმიტომ, რომ მამამ შვილის სიყვარულზე მალა თავისი ქონება და კეთილშობილება დააყენა. არა, არავისაც არ ვუყვარდი — არც ბაბას, არც ნანას და არც ძმებს...”

მზემ საშუალებოს მიაწია. დაცხა. ცხვარი აღარ ძოვს, ერთად შეჭგულდა და საცაა დაეყრება.

— ზარინა, შვილო, აქეთ გამოაბრუნე ცხვარი.

ზარინა ძახილზე არ შეეხმაურა. კიდევ დაუძახა, ისევ ვერ მიიღო პასუხი. გული შეუქანდა დედას, ჯოხი გადაადგო და შვილისკენ გაიქცა. ქვაზე იჯდა ზარინა, გამხდარი მკლავები მუხლებზე შემოეხვია, თავი კალთაში ჩაედო და ეძინა. ოქროსფერი ნაწნავის ბოლო მიწას ეხებოდა.

— ზარინა, შვილო, გაიღვიძე, მზე გაცხუნებს და თავი აგტკივავ. გოგონამ თვალები მოიფშვნითა.

— როგორ დამძინებია, — თითქოს მოიბოდიშა.

— დედა გენაცვალოს, ძილი აღარა გყოფნის. ცოტაც, შვილო და ბაბა ჩამოვა, იძინე მერე რამდენიც გინდა.

— ნეტავ ჩქარა დაბრუნდებოდეს, ძალიან მომენატრა. დედა მხარზე ჩამოდო თავი ზარინამ.

— ეს ერთი თვეც როგორმე გავიჭირვოთ, გენაცვალე და მამაშენიც გამოჩნდება. წამოდი, ცხვარი დავაქუჩოთ და ჩვენც ვისამხროთ. საჭმელს არ გაეკარა ზარინა.

— ქამე, შვილო, დილასაც არაფერს ახლე ხელი.

— არ მინდა, თავი მტკივავ...

— ვაიმე, ავად ხომ არა ხარ? — აგუნდამ შვილს შუბლი გაუსინჯა, — სიცხე გაქვს... რალა ვქნა, შინ წადი, ლოგინი გაშალე და დაწე, დაიძინე.

— მერე შენა, ნანა, მარტო როგორ იქნები?

— მე რა მიშავს, შენ წადი, საღამომდე ვერ გაძლებ აქ.

შინ გაისტუმრა ბავშვი. დადარდიანებულმა ლუკმა ველარ გადაყლაპა. საგზალი ისევ შეახვია გულაში.

მზე გადაიწვერა. აგრილდა. ცხვარი წამოიშალა და ბალახს მიეტანა. აგუნდაც ადგა. ცხვარს თვალი მიადევნა.

ისევ თავისი წარსული გაიხსენა. საკვირველია, დღეს ყველაფერა ასე ცოცხლად რატომ წარმოუდგა თვალწინ. ამდენ ხანს გულში ღრმად ჰქონდა დამარხული, ახლა კი თითქოს გაიღო სამარხის კარი და ყველაფერი გარეთ გამოფანტა. დედის სახე უნდა წარმოიდგინოს, მაგრამ აღარ აგონდება, ბევრობაშიც არასოდეს მონატრებია დედა. დედას არ უყვარდა ქმარი, რომელიც საზოგადოების დაბალი ფენიდან ჰქუთითა და მოხერხებით დაწინაურდა, ქონება შეიძინა, საზოგადოებაშიც თავისი ადგილი დაიკავა. დედას, კეთილშობილ, მაგრამ უკვე გაღარიბებულ და დაკნინებული ოჯახიშვილს, საამაყოდ მხოლოდ წარსული და თავისი კეთილშობილური წარმოშობა და რჩა. სიღარიბემ თავმოყვარეობის ფრთები შეაკვეცა და თავადის ასული მდაბიო წარმოშობის, მაგრამ მდიდარი ქმრის ტყვეობაში მოექცა. გარეგნულად ლამაზი იყო, ჰქუთით ღარიბი. — მამა — გარეგნულადაც და ჰქუთითაც სრულყოფილი. დედა, ჯიბეგაფხეკილი თავადის ასული, ყოველთვის თავს ამეტებდა ქმარს. ბავშვები რომ ეყოლა, არც მაშინ შეურიგდა ბედს, მაინც არ კადრულობდა მდაბიო ქმარსა და მის შვილებს. ამიტომაც არც ერთ შვილს არ უგრძენია მისგან დედის გულის სითბო. ეს განსაკუთრებით აგუნდამ გამოცადა. დედა, ქალაქში, მშობლებთან ამჯობინებდა ყოფნას, ქმრის ოჯახში იშვიათად თუ გამოჩნდებოდა, ისიც მაშინ, როცა თუელი შემოაკლდებოდა. ანდა ქალაქის ერთფეროვანი ცხოვრება მობეზრდებოდა.

ერთ ან ორ კვირას დარჩებოდა აულში, მაშინაც სულ ეძინა. მისი გაღვიძების უფლება თვით ძანხოთსაც არ ჰქონდა. აგუნდა დედის ოთახის კარწინ გავლასაც ვერ ბედავდა.

შეუბრალებელი იყო მამა. მიუხედავად იმისა, რომ თვითონ საკმაოდ იწვნია ცოლქმრული ცხოვრების სიმწარე, შვილის წმინდა გრძნობას მაინც არ გაუწია ანგარიში. მაინც რა იყო ამის მიზეზი? ქონებრივი უთანასწორობა? მერე, განა ცხოვრება და ქონება ადამიანის ბედნიერებისათვის არ გაუჩენია ღმერთს? არა, ძანხოთისნაირები ქონებას ყველა გრძნობაზე მალლა აყენებენ, სიყვარულს, სულიერ სიმშვიდეს, ცხოვრების მიზანს ფულში ხედავენ. აგუნდამ, არ ისურვა ასეთი ცხოვრება. არ ისურვა და აი ახლა აულის ნახირს დასდევს მთაში.

იქნებ, მართალიც იყო ძანხოთი! ერისთავის ვაჟის წინადადება რომ არ უარეყო აგუნდას, სამუდამოდ ხსნილი ექნებოდა დიდგვაროვანთა საზოგადოებისაკენ მიმავალი ყველა გზა. ცხოვრების სიკეთეს ორი ხელით დააყრიდნენ. თავისი სილამაზის წყალობით ბეწვიან ხიდზე ლაღად გაივლიდა. ვერც ერთი მამაკაცი ვერ გაუძღვებდა მისი

თვალების ელვარებას, ქედმოხრილნი და მუხლმოდრეკილნი მიწაზე იხოხებდნენ მის წინაშე.

არ ინდომა ეს აგუნდამ. არც ნანობს მათალია უქონელია, ღარი-ბი, სამაგიეროდ მისი სულიერი სიმდიდრეა აურაცხელი. რაც მთავარია, ბოლომდე დარჩა ადამიანად. ადამიანად, რომელმაც კარგად იცის ცხოვრების სიტკბოსა და სიმწარის, სიმართლისა და უსამართლობის გემო. დიდი და ლამაზი გული იმარჯვებს ბოროტებაზე, უსამართლო-ბაზე და სილატაკეზე. ქონებრივ სიმდიდრეს სულიერი სიმდიდრე ამ-ჯობინა აგუნდამ და გაიმარჯვა კიდევ. ამაზე დიდ ბედნიერებას არც შესთხოვს უფალს. ო, მაგრამ, რატომ აღარ ახსოვს დედის სახე? ან რატომ აეკვიტა გარდასულ დღეზე ფიქრი? მთელი დღე დედის სა-ხის გახსენებას: ცდილობს. არ იქნა და არა, ვერ აღიდგინა მეხსიერე-ბაში...

— გამარჯობა და ცხვარი გიმრავლოს, მწყემსო! — მოესმა აგუნდას. ფიქრებიდან გამოერკვა, შემკრთალი შეტრიალდა ხმაზე. უღვა-შებგაპარსული უცხო კაცი დაჟინებით უყურებდა მას.

— გაგიმარჯოს და გადღეგრძელოს ღმერთმა, სიკეთე ნუ მოგეშა-ლოს, — საღამზე საღმით უპასუხა აგუნდამ და ჰკითხა, — ხომ არა-ფერი დაგიკარგავთ?

— ცხვარი ამისხლტა. ვიფიქრე. იქნება თქვენებში გაერია.

— რა გითხრა. უცხო ცხვარი არ შემინიშნავს, საღამოზე აულში მოიკითხეთ და თუ ვინმემ იპოვა, არ დაგიმაღავთ...

— ცნობისმოყვარეობაზე არ დამძრახოთ, ძანგის ცოლი, აგუნდა, ხომ არ ბრძნდებით?

— ისა ვარ, — გაუკვირდა აგუნდას თავისი სახელის გაგონება.

— ძანგი ჩემი მეგობარია. თვითონ სად არის? მარტო როგორ გა-მოგიშვა სამწყემსურში?

აგუნდამ ყურადღება დაძაბა. უცნობის ხმა საღდაც გაუგონია. ძანგის სახელის ხსენებაზე კი დარწმუნდა, ეს კაცი ნაცნობი იყო.

— ჩრდილოეთში საშოვარზეა წასული. იმის მაგიერ მე ვმწყემ-სავ საქონელს. თქვენ თვითონ ვინა ბრძნდებით? ხმა თითქოს მეც-ნობა, მაგრამ ვერ გამიხსენებია, სად მომისმენია?

— სამაგიეროდ მე არ დამეიწყებია. ქალბატონო, მართალია, თმა გაგქალარავებია, ოდესღაც შენი საოცნებო სიღამაზე ზაფხულის მზესა და მთის ზენაქარს სახიდან გადაუკრეფია, მაგრამ შენს ჯადოს-ნურ თვალებში ჯერ არ ჩამქრალა ცეცხლი. მაშინვე გიცანი, ქალბა-ტონო... არ დამეიწყებია. აგერ ცამეტი წელია კვრინჩხის ეკალივით გულში ჩამსობია... ხედავ, უღვაშები გავიპარსე. ფიცი დავდე, სა-ნამ არ გიპოვნიდი, უღვაშის ტარების ღირსად არ ჩავთვლიდი თავს, უღვაშობარსული კაცი კი შერცხვენილია. ამდენი წელი ვითმინე, ახლა იქნება ამოვიძრო გულიდან ის კვრინჩხის ეკალი. უღვაშებსაც მოვუშვებ. სახელსაც ისევ დავიბრუნებ, — უცნობის ქარაგმებმა გულში გაქვალა ქალი.

— ვინა ხარ? არ გიცნობ. რა ქარაგმებით მელაპარაკები? ან რა გინდა ჩემგან?

— მიცნობ, ქალბატონო, მიცნობ. პატარაობისას ჰირივით გეჯავრებოდი და ერთთავად მამასთან მამეზღებდი. სარმათი ვარ... შემომხედე. უღვაშები აღარა მაქვს. წვერიც უღვაშს მივაყოლე, ქოსა სარმათი კი ველარ იცანი, ქალბატონო. აბა, შემომხედე!

ამ სახელის გაგონებაზე ელდა ეცა აგუნდას. სხეულში სიცივემ დაუარა. პირდაპირ სახეში მიაჩერდა სარმათს: ნაცნობი, გოგრასავით მრგვალი თავი, კარტოფილივით ცხვირზე ცერის სიმსხო მეჭეჭი. მერე უღვაშები და წვერიც თავთავის ადგილზე მიუყენა და აი მის წინ დგას კაცი, რომელიც ბავშვობაში მართლა სძულდა. ძანხოთი მას ერთგულ ძალს ეძახდა.

გულს შემოეყარა, რა უნდა? ვინ გამოგზავნა?

— რისთვის მოეთრიე აქ? რა გინდა ჩემგან? შესამიანი გველივით რას დამდეგ? — ზიზლით მიაჩერდა აგუნდა სარმათს.

— მოვედი, რომ ანგარიში გაგისწორო. ცამეტი წლის წინ უნდა ჩასულიყავი საფლავში და არ ისურვე, სამაგიეროდ ამ ხნის მანძილზე ჭოჩხეთად მე მიქციე სიცოცხლე. იცი რატომ? მამაშენმა დამსაჯა, სანამ იმას ან ცოცხალს ან მკვდარს არ იპოვი, ჩემი წყალობის იმედი ნულარა გაქვსო. მას შემდეგ ეშმაკივით შენს კვალს დავდე, სად არ გეძებე, საიჭიოს თუ სააქაოს. თვალთაგან გამიქრი, ველარ დაგინახე, თითქოს მიწამ გიყო პირი. მადლობა ღმერთს, ბედისწერამ სამუდამოდ არ გამწირა! და აი, გიპოვე.

— მერე, შე სახედრის ჯილაგისავე, შე წვიმის ჰიაყელავ, რა გინდა ჩემგან?

— ო, ეგეთები არ იყოს ქალბატონო, ცამეტი წელიწადი მოსვენებადაკარგული ვლონლილებ. აბა, შემომხედე, ვგევარდა კაცს? რომ იცოდე, რა საშინელება ყოფილა, როცა მკედრის სული სააქაოს დარჩება. ვილაცის ცარიელი საფლავიდან ამოჩრილი სიკვდილის ხელი კალთაზე გეჭაჩება, იმ ცარიელი სამარის ამოვსება შენით უნდა, ო, რაც მე გამოვეცადე, ის შენმა მტერმა გამოცადოს.

— კიდევ გიმეორებ, რისთვის მოეთრიე, რა გინდა ჩემგან? მოკლედ მოჭერი, ხომ ხელავ პირუტყვი გაიფანტა, შენთან სალაპარაკოდ არა მცალია.

— თან უნდა წამომყვე, ქალბატონო, პირუტყვს პატრონები მოაკითხავენ.

— სად მეპატიყები?

— სადაც შენი ადგილია.

— მერე სად არის ჩემი ადგილი?

— იქ, სადაც გაიზარდე. ასე მაქვს ნაბრძანები.

— მამაჩემს ერთხელ მოუკვდა ქალიშვილი, საიჭიოდან კი არავინ დაბრუნებულა. წადი, შენს გზას ეწიე, დამანებე თავი, თორემ ახლავე ხალხს მოუხმობ.

— ო, არა! არ გინდა, ხმის ამოღებას ვერ მოასწრებ, რომ სამუდამოდ დადუმდები, — კაცმა დამბაჩა გამოაჩინა, — წამოდი!

აგუნდა აკანკალდა, შიშისგან ერთიანად თრთოდა. მიხვდა, სარმათი მამის გამოგზავნილი იყო და ბატონის ერთგული ძალღი არაფრის წინაშე უკან არ დაიხევდა. მშველელს მოუხმოს? სანამ აულიდან ამოაქითხავენ, მანამ ეს მხეცი თავის განზრახვის შესრულებასაც მოასწრებს და გაქრება კიდეც. თვალწინ წარმოუდგენენ ზარინა და ძანგი. კიდეც კარგი, ბავშვი შინ გაგზავნა, ვინ იცის. რა მოელოდა იმასაც.

— სარმათ, ღვთის გულისათვის, მე შენთვის არაფერი დამიშავებია. ვიცი, მამაჩემის გულის მოგება გინდა, მაგრამ მეც შემიბრაღე, საფლავში ცოღვიანი ნუ ჩახვალ... გთხოვ...

— ნუ მთხოვ, ქალბატონო, არაფრის შეცვლა არ შემიძლია.

— მამაჩემს ვაწყენინე, მართალია, მაგრამ შენ რა დაგიშავე, რამ გაგისივა ნაღველი?

— მამაშენმა შენი სიკვდილი არ დაიჭრა. ეშმაკის ტბაში ბევრი გეძება და ვერ გიპოვა. მერე კიდეც ძანგი... ხომ გახსოვს, გასაღები ამართვეს ჭიბიდან, ძანგი გააპარეს. მე კი აღდარს მოვახსენე, მოვკალი და დავმარხე-მეთქი. გაიგო, რომ ვატყუებდი, მაშინ შემრისხა და მიბრძანა — ან მკვდრები იპოვე ან ცოცხლებიო. ჰოდა რა ვქნა, თუ აღდარის ბრძანებას არ შევასრულებ, ჩემი ოცდაათი წლის შრომა ჩაილულის წყალს გაჰყვება. მაგას ვინ ჩივის, თავს მომჭრის და იმ საფლავში მე დამმარხავს. ახლა მიხვდი?

აგუნდას რაღა მიხვედრა უნდოდა, რომ სარმათი არ ხუმრობდა, ან უნდა წაჰყოლოდა, ან მოკლავდა.

— მაინც, საიდან გაიგე, ვინ მოგასწავლა ჩვენი ადგილსამყოფელი?

— მაგას რა მნიშვნელობა აქვს?

— აქვს, საიქიოს რომ შევხედები, სახეზე შევაფურთხებ.

— მამაშენის მოუტრავმა თომამ მითხრა.

— შენს მეტმა კიდეც ვინ იცის ჩვენი ამბავი?

— ძეხორციელმა არავინ.

— შენ ასე ფიქრობ? ჰოდა ცდები. სხვებმაც იციან.

— ვინ სხვებმა? — ბზიკნაქებენივით შეხტა სარმათი.

— ვინც შენს სიკვდილზე ოცნებობს.

— მერე, ვინ ოცნებობს?

— გინდა გითხრა? ვერ მოგართვი. ჯერ მე მომკლავ და მერე იმათ, ზომ?

— სიცრუეა, არავინაც არ იცის.

— აასრულე შენი ბოროტი განზრახვა, ნულარ მტანჯავ. ჰა! მხოლოდ წინდაწინ გაფრთხილებ, ჩემი ძმები მამაჩემივით სისხლისმსმელები როდი არიან. ორმა მათგანმა იცის ჩემი ამბავი... ისინი მეხმარებიან. მიწა ვიყიდე, სახლი ავიშენე... ყოველ წელიწადს ჩამოდიან.

ახლაც ველოდები, თუ აქ მოგასწრეს, ვაი შენი ბრალი. ყველაფერი გამომეღვენდება და მაშინ კი აღარ აგცდება ძანგის ცარიელ საფლავში დამარხვა.

კაცს გულში შიში შეეპარა, თუ მართალს ამბობს, აგუნდა, ნამდვილად დაიღუპება სარმათი. ყველაფერი გამომეღვენდება და აღდარის რისხვას სად წაუვა.

— შენი ძმებიდან რომელმა იცის?

— არ არის ეგ შენი საქმე. ჰა, მესროლე, და მორჩი, შენი ცქერა გულს მირევს.

— გამომყე, ნუ ჩამადენინებ ცოდვას!

— არსადაც არ გამოგყვები.

— წამოდი, ძმასთან მიგიყვან. მერე იქნება შეგირიგდეს მამაშენი, მეც მაპატიებს.

აგუნდამ შეამჩნია, რომ მომხდური შეკრთა, ესე იგი ძანხოთის ბიჭებისა შეეშინდა. მაგრამ რა ქნას, როგორ დაიხსნას თავი. ეს უბედური გამოგზავნილია. ძანგი და აგუნდა თავთავიანთ ადგილზე უნდა დააბრუნოს. აგერ ახლა აგუნდა ჩაუეარდა ხელში, მერე ძანგის ჭერიც მოვა. არა, რაღაც უნდა იღონოს და უცბად მყინვარი მოხვდა თვალში.

— კარგი, თანახმა ვარ. მაგრამ ასე ხომ ვერ წამოვალ, რას იტყვის ჩემი ძმა. აგერ მყინვარს იქით პარკი დავტოვე, დილას ნამიანზე კაბა დამისველდა და იქ გავფინე გასაშრობად. აქამდის გაშრებოდა... ჰო, პარკი იქ არის. აქ მომიცადე და ახლავე დავბრუნდები... კაბას გამოვიცვლი.

— არა მჭერა.

— თვითონ აირბინე და ჩამომიტანე.

— არა!

— მაშინ შენც წამომყე.

კაცი ყოყმანობდა.

— კაცი არა ხარ, უიარალო ქალისა შეგეშინდა?

კაცი გატყდა.

და უქანასკნელი ნაბიჯი გადადგა აგუნდამ...

5.

მზე საშუადღეოზე აგორდა. საშოვარზე წასულეებმა მძიმედ დატვირთული ცხენებითა და სახედრებით ვასთირჯის ეკლესიას მოატანეს. მგზავრებმა ქუდები მოიხადეს, პირჯვარი გადაიწერეს, ლოცვა აღავლინეს ვასთირჯის სადიდებლად, ეკუთვნოდა კიდევ, მშვიდობით და ხელმომართულები დააბრუნა შინ. მერე დაქანცული პირუტყვი საძოვარზე მიუშვეს, თვითონაც მწვანე მოლზე გულადმა გაიშოტნენ და სიამოვნებით გაჭიმეს დახუთული მუხლები.

ახლა აღარ ეჩქარებათ. აგერ ამ ერთ მთას გადაივლიან და მზე ჯერ ისევ მაღლა იქნება, ცარგასბადანში რომ შევლენ.

რაც უფრო უახლოვდებიან აულს, ლაპარაკს მოუკლეს. ოჯახის დარდი შემოაწვიათ, სამი თვეა შინიდან წავიდნენ. მადლობა ღმერთს მშვიდობიანად ბრუნდებიან. მართალია ხელეებზე ცელის, თოხის, ცულის ტარით კოყრები გაუჩნდათ, მაგრამ ამას არ ჩივიან. აბა ისე ვინ რას მოგცემს. ამ სამ თვეს მუხლში არ ჩახრილან. დღე და ღამე გაასწორეს. სამაგიეროდ მთელი ზამთარი თავისუფლად იქნებიან. ლუკმა გაზაფხულამდე გაჰყვებათ.

გაბო და ძანგიც კმაყოფილები მოდიან. მასპინძელი, მამათი ბიბო, ძალზე გულკეთილი და პურმარლიანი გამოადგათ. ძანგი და გაბოც ვალში არ დარჩნენ, ძალ-ღონე არ დაუზოგავთ, ერთგულად ეკიდებოდნენ საქმეს. ის კი არა, ბიბოს დახმარებით ძანგმა ძალზე ხელსაყრელ ფასად გაყიდა აგუნდას მიერ მოქსოვილი საჩოხე შალი და თივთიკის ყაბალახები. ზოგი ესა, ზოგიც თავის ხელფასი დაუმართა და ძაუგს გაიყოლა გაბო. ორივემ სარფიანად ივაჭრეს. ძანგმა ზარინას თეთრი დარაიის კაბა, აბრეშუმის თავშალი, ქამარი, ფეხსაცმელი და კიდევ რაღაც-რაღაცები უყიდა. აგუნდასაც ორი ხელი ძვირფასი ტანსაცმელი აუღო, საბრალო, რაც მამის სახლიდან წამოვიდა, ახალი კაბა არ ჩაუცვამს... თავისთვის ვერაფერი გაიმეტა, ცოლ-შვილს კი არაფერი დააკლო. მოდის ძანგი და ეჩქარება, გაახაროს საყვარელი აღამიანები. ახლა საშიში აღარაფერია, ვალიდან ამოვა, მერე არ გაუჭირდებათ.

მზე ჩავიდა. მგზავრები წამოიშალნენ და ბილიკზე წეროებივით გაებნენ. რაც უფრო უახლოვდებიან აულს, თითქოს ფრთები გამოესხათო, ჩქარობენ. აგერ გადმოსახედ კლდეს ჩამოსცილდნენ. ხელისგულივით გამოჩნდა ცარგასბადანი. სხვა დროს აქ მოეგებებიან ხოლმე საშოვარზე წასულებს ბავშვები.

კი, მაგრამ, ახლა რა მოხდა! ხევს თითქმის ჩამოსცდნენ და წინ არავინ მოეგებათ. თუ ვერ გაიგეს? მაგრამ ეს შეუძლებელია. ჯერ არ მომხდარა, რომ საშოვარზე მყოფთა დაბრუნება გამოჰპაროდეთ. ისიც დღეს, მზის თვალი ტრიალებს ყველგან.

წინ რომ არავინ შეეგებათ, ამან ძალიან დაანაღვლიანა მგზავრები. ძანგმა იცის, რომ აგუნდა და ზარინა სამწყემსურში იქნებიან. აი მივა შინ. საპალნეს ჩამოხსნის სახედარს და თვითონ ააკოხავს საძოვარზე ცოლ-შვილს. წარმოიდგინა, როგორ გაიხარებენ. ორივეს დაკოცნის. მერე ძაუგს რომ ტკბილი კვერები იყიდა, კალთაში ჩაუყრის. საღამოზე ერთ ბატკანს გამოსჭრის ყელს. აგუნდა თავისებურ ყაურმას გააკეთებს და დილამდე ილაპარაკებენ. მერე რამდენი სათქმელი აქვს, ერთ კვირასაც ვერ მორჩება თხრობას.

რაც უფრო მოკლდება გზა, მით უფრო უჩოჩქოლებს გული. აგერ მისი სახლიც, ქვით შემოღობილი ეზო, აგერ ჰიშყარიც. ჰო. მაგრამ, რა ამბავია. თითქოს ეზოში ვიღაც არის. ვინ არის? თუ აგუნდა ან ზარინაა გარეთ, რატომ არ იხედებიან? თუ სხვა ვინმეა?..

ვაითუ?..

რა ვაითუ? — ამის გაფიქრება ველარ მოასწრო, სახედარი გზაზე შიატოვა და ჭიშკარს ეცა, როგორც კი ეზოში ფეხი შედგა, გაშრა, გაქვევდა. მეზობლებს მის ეზოში მოუყრიათ თავი და დამწუხრებულები დგანან.

— ხალხო, რა ამბავია ჩემს თავს? — ჭიშკრიდანვე მოისმა ძანგის მთრთოლარე ხმა.

საბრალო ძანგი იდგა და ელოდა მეხის დაცემას. მაგრამ ვერავინ ვაბედა ხმის ამოღება. ზარინამ მამის ხმა რომ გაიგონა, მისკენ გაქანდა და ატირებული ყელზე ჩამოეკიდა.

— ბაბა, ჩემო ბაბა, ნანა დაიკარგა!

— დაიკარგა? ვინ დაიკარგა? როგორ, დაიკარგა?.. სად დაიკარგა?.. — შვილის სიტყვები სადგისის წვერივით მოხვდა ძანგის გულს და თაფლის სანთელივით მოიღვენთა.

— მწყემსად იყო და დაიკარგა, — ქვითინებდა ზარინა.

ძანგმა თვალები ხალხზე მოატარა. მაგრამ ერთი მისხალი სანუგეშოც ვერ ამოიკითხა მათ სახეზე. ასე ძვირფასმა, ასე მშობლიურმა ხალხმა, რომელიც ჭირში და ლხინში ყოველთვის გვერდში ედგა, ახლა თვალი აარიდა.

— თქვენ გეკითხებით, ხალხო, რა მჭირს, რატომ არ მეუბნებით? ზარს რომ ყელში ხანჯალს გაუყრიან, ისე იღრიალა ძანგმა.

— რა გითხრათ, ჩემო მზეო, ამ ერთი თვის წინ შენმა დედაცკმა ნახირი გარეკა, ზარინაც თან ჰყავდა. სამხრობისას გოგოს თავი ატკივდა, ჰოდა. დედამ შინ გამოგზავნა. იმ საღამოს აღარ დაბრუნდა თვითონ. მას შემდეგ ვეძებთ და... მნახველი არ გამოჩნდა.

პირველად იმდენად არ შეწუხებულა ძანგი. თუ არ მოკვდა, იქნება საომეო. მაგრამ მალე მუხლები ისევ მოეკეცა. „თუ მკვდარი არ არის, მამ რა იქნა?“ ავმა ფიქრმა ტვინი აურიო, ხერხემალი აეწვა და მოიკუნტა.

— სანეთ, — შენ ჩავაბარე, გორმონ! — ესა თქვა და ეზოში აყუდებული მარხილის ყბას ჩაეჭიდა, ფეხქვეშ მიწა გამოეცალა, აღარც არაფერს ხედავს, აღარც არაფერი ესმის. მხოლოდ ერთხელ, თითქოს შორიდან მოესმა ვილაცის მოთქმა. ძანგი დგას გაოგნებული და მხოლოდ ნაწყვეტ-ნაწყვეტ ესმის.

— ...მწყემსად წავიდა... აღარ დაბრუნდა... პატარაძალიც თეხმძიმედ არის... ველარ ვაბედა წასვლა... მე კი ეს მუხლები დამიმინდა... აღარ შემიძლია... სად არ ვეძებთ... სად არ ვიარეთ...

აგერ ერთი კვირაა ცარგასბადანელი ახალგაზრდები, ძანგის მეგობრები ეძებენ მოულოდნელად გამქრალ აგუნდას. ეძებენ ხეებში, ნაპრალებში, გამოქვავებულებში, ტყეში, ღრეში. სად აღარ მოიკითხეს, არავინ არაფერი იცის. გაქრა ადამიანი. ცამ ჩაყლაპა თუ დედამიწამ, მარტო ერთმა ღმერთმა იცის. მეშვიდე დღეს ძანგმა თან

¹ საყვედურის გამოხატველი შორისდებული.

ალარავინ გაიყოლა, სწორედ თიბვის დრო იყო და მუშახელი ისე-
დაც ყველას უჭირდა. გაბომ სცადა წინააღმდეგობის გაწევა, მაგ-
რამ ძანგმა თავისი გაიტანა. ჯერ მე თვითონ შევეცდები ვიპოვო, თუ
მუხლი მილატებს, მერე შენც აქ იქნებიო.

დადის ძანგი ხევხუეებში, კლდის ნაპრალებში, უფსკრულებში...
ღილით გარიყრაუზე მიდის და სალამოს ბინდს მოსდევს უკან. სულ
ერთია მისთვის წვიმაა თუ მზე. ის მაინც მიდის და ეძებს თავის
აგუნდას. დაიღლება, სველ მიწაზე მიწვება, ცოტას შეისვენებს და
ისევ ეძებს. ჩამოხმა, დაუშნოვდა. ცარიელი ძვალი და ტყავილაა. ჭა-
მა დაავიწყდა. ღლები ისე გავა, ლუკმას არ ჩაიდებს პირში. აღარც
ლაპარაკობს, არც უნდა, რომ ვინმეს შეხვდეს და ამიტომ ღილით
ღამიანად მიდის. საღამოთი გვიან ბრუნდება, ზარინა მარტო ველარ
ჩერდება შინ და სანეთასთან იძინებს.

რაც დრო გადის, ძანგი უძლურდება, ალარაფრის იმედი არა აქვს,
მაგრამ მაინც ეძებს.

არსად არაფერი. როცა დარწმუნდა ძანგი, რომ ვერ იპოვიდა
აგუნდას, ერთ ღლებს მთის ფერდობზე შეისვენა და იქიდან გადმოხე-
და კლდე-ღრესს, არ შეუძლია დაიჯეროს, რომ ცოცხალი ადამიანი უკ-
ვალოდ გაქრა. წიწილა ხომ არ იყო, ეტაცა კლანჭი არწივის და შორს.
მთის წვერზე აეტანა. იქნებ დედ-მამა მოენატრა, რატომ არ შეიძლე-
ბა, შენი ძვალი და სისხლი ტკბილია. საკმაო დრო გავიდა და დაავი-
წყდა წყენა, მშობლიურ კერას დაუბრუნდა. ნეტამც ასე იყოს. მაგ-
რამ ეს აზრი უმალ უარყო ძანგმა. ამაყი აგუნდა ძველი, დაკერებუ-
ლი კაბით მამის წინაშე არავითარ შემთხვევაში არ იკადრებდა გამო-
ჩენას. ამას მაინც არ გააკეთებდა, სახრჩობელაზეც რომ აეყვანათ.
არა სჯერა, რომ მოკვდა. ყველაფერს შეუთრიადება, ოღონდაც ცო-
ცხალი იყოს. ო, ღმერთო, ღმერთო, რა დაამავა, ასე რომ ტანჯავ.
რა იფიქროს, რომ ალარაფერი იცის!

უნებურად აარიდა მზერა ხევხუეებს და პირდაპირ მყინვარს და-
ადგა თვალი. იქნებ ამისთვის არაფერი მნიშვნელობა მიეცა, მაგრამ
როცა მყინვარს მალლა-მალლა ააყოლა მზერა, შეკრთა. ყორნების
გუნდი დასტრიალებდა თავს. ისევ მყინვარს ჩააცქერდა. აგვისტოს
სიცხეს გაელხო. ადგილ-ადგილ ცარიელ ადგილებს შავად დაეღო
პირი. ეს მხოლოდ ზემოდან ჩანს, თორემ ისე ვერავინ შეამჩნევს.

რალაც ეჭვმა გაჰკრა, მყინვარში ხომ არ შეპყვა პირუტყვის და
გალხობილ ყინულში ჩაიჩხხა, მაგრამ იმწუთასვე უარყო ეს აზრი.
მაშინ ყინულის ნაპრალში ჯერ პირუტყვი უნდა გადაჩხილიყო.
როგორც ამბობენ, პირუტყვი არავის დაჰკლებია.

ო, მაგრამ ეს წყეული ყორნები! ძანგმა აღის, ყორნების გუნდი
იქ გაჩნდება, სადაც მძორს დაიგულებენ. ალბათ რომელიმე ნადირი
ჩაიჩხხა მყინვარში, მაგრამ ვაითუ?... ჰო, იქაც შეამოწმებს, გულს
მაინც დააჭერებს... ამ ფიქრით დაბრუნდა შინ.

ამდენი ღლის დაღლილ-დაქანცულს იმ ღამეს მკვდარივით დაეძი-

ნა. დილით გვიან გაახილა თვალი. აული დაცარიელებულიყო, ხალხი სათიბში იყო გახვეტილი. როგორ წავიდნენ, რომ დანგმა ვერაფერი გაიგო, ისე უხმაუროდ როგორ აუარეს დანგის სახლს გვერდი? ახლავა შეამჩნია, რომ ხალხი წინანდელივით აღარ მხიარულობს, ის კი არა, ხმამაღლაც აღარავინ ლაპარაკობს. მიხვდა, აული დანგს უთანაგრძნობს, აგუნდას გლოვობს.

წუხანდელი გადაწყვეტილება არავის გაუმხილა. გაბოსაც კი. იფიქრა რალაზე მოვაცდინო, ისედაც მარტოხელა კაცია, საქმე კი თავსაყრელი აქვსო. დილით კარდაკარ დაიარა მეზობლები. თოკები ითხოვა, ერთიმეორეზე მკვიდრად გადააბა, როცა დარწმუნდა, საკმარიაო, გორგალივით დაახვია, პირგანიერ კასაში¹ ჩადო და ზურგზე წამოიკიდა.

სადილობა იქნებოდა, მყინვარს რომ თავზე მოექცა. მალლიდან დაჰყურებს პირგახსნილ ნაპრალებს, საიდან უფრო შეიძლება უხიფათოდ მიდგომა? მყინვარში იმდენი დაფარული საფლავია, რომ ვერც დაითვლის კაცი, როცა ყინულის საფარი სქელია, საშიში არ არის, მაგრამ ახლა ყოველ ფეხის გადადგმაზე სიკვდილია ჩასაფრებული. უყურებს დანგი და ამჩნევს, რომ პირლია ნაპრალები ერთიმეორეს მისდევს. ეს კი იმის ნიშანია, რომ მთავარი ნაპრალი ძალზე ღრმაა. უნდა ჩავიდეს, საკუთარი თვალით ნახოს და დარწმუნდეს, მეტუგზა არა აქვს.

დანგმა თოკის ერთი ბოლო წინწამოშვერილ კლდეს შემოახვია, შეამოწმა, რამდენად საიმედოდ იყო თოკი მოდებული და წელში ცული გაირჭო, ხელზე ტყავის ხელთათმანები ჩაიცვა და თოკს ნელნელა დაჰყვა დაბლა.

მყინვარის პირველ ნაპრალს მიაღწია. ნაპირზე გაწვა და ძირს ჩაიხედა. როგორც ვარაუდობდა, ნაპრალი ძალზე ღრმა აღმოჩნდა. კარგა მოზრდილი ჭრილის სიღრმე ათი-თხუთმეტი მეტრი იქნებოდა. დაათვალიერა, არაფერი ჩანდა საეჭვო. ისევ გამოჩნდნენ ყორნები. ერთა მათგანი დანგიდან ხუთ-ექვს ნაბიჯზე ნაპრალის პირზე დაჯდა. შიგ ჩასვლა ვერ გაბედა. დანგისა თუ შეეშინდა, აფრინდა და გუნდს შეუერთდა და მათთან ერთად განაგრძო ჰაერში ტრიალი.

იქვეა კაცის გულმა. თოკის წვერი წელზე შემოიხვია და სიფრთხილით გაიცოცდა იმ ნაპრალისაკენ, რომელსაც ყვავ-ყორნები დასტრიალებდნენ. გაჭირვებით მიაღწია და უზარმაზარი ხაროს პირზე გაწია. ჩაიხედა... ჩაიხედა და გულს შემოეყარა. ძირს ერთი ხუთი-ექვსი მეტრის სიღრმეზე რაღაც შავი საგანი ჩანდა. აღარ დაფიქრებულა, ნაპრალში ჩაეშვა. შავი საგანი მოსინჯა. ადამიანი. გადმოაბრუნა, კაცი! გულზე მოეშვა, მიცვალებული რომ კაცი იყო და არა ქალი. მადლობა შესწირა უფალს. ო, მაგრამ, ვინ არის კაცი? სადაურია? როდის აქეთ გდია აქ? რაკი იპოვა, მალლა უნდა აიტანოს, მიწას მიაბაროს. შეეცადა, მაგრამ ვერაფერს გახდა, ერთი კაცი ამას ვერ გააკე-

¹ ხბოს ტყავის ერთგვარი გულა.

თებს, ხვალ ბიჭებს დაიხმარს. მკვდარი ისევ თავის ადგილზე დატოვა და თვითონ ძლივძლივობით ამოვიდა მაღლა. ახლა იგრძნო ძანგმა, რომ ძალიან დასუსტებულა. თვალები აუჭრელდა და თავბრუ დაეხვა. ცოტა ხანს შეისვენა და იმავე გზით, ისევ დიდი სიფრთხილით გადაიარა მყინვარი. შინ წავიდა: საღამოთი გაბომ მიაკითხა.

— არაფერი?

— ჩემი არსად ჩანს, მაგრამ დღეს ნაპრალში მკვდარი კაცი ვნახე. ვინ იქნება? აქაურს არ ჰგავს...

გაბოს არ გაუგონია არაფერი, ახლომახლო აულებიდან არავინ დაკარგულა, თუ სხვაა ვინმე, ან იქნებ მონადირეს დაუცდა ფეხი.

— გაბო, მიცვალებული ამოვიღოთ, მე მარტო ვერაფერს გავხდი. დილაზე შენ და ძაბეგი წამოძყეთ.

მეორე დილით თოკის კიბე დაწნეს. ცულები და გრძელი სარება წაიღეს და წავიდნენ. ნაპრალში გაბო ჩაუშვეს. იმან მკვდარი თოკებით შეკრა და დიდი ვაჭირვებით ამოიტანეს მაღლა. გაყინული კაცი კუნძივით გამხდარიყო და ვინაობის ამოცნობა შეუძლებელი გახდა. მკვდარს თოკები შეხსნეს, ნაპრალიდან გაბოს შემფოთებული ხმა მოისმა:

— ჩამოუშვით თოკები, მეორეც არის! — ძანგი შეკრთა, თვალები ნაპრალს მიაშტერა და მართლა მეორე მკვდარიც დაინახა.

— მონადირეები იქნებოდნენ, აქაურები არ არიან, — გადაულაპარაკა ძაბეგს.

ქვევიდან ყინულის მსხვრევის ხმა ისმის, ეს გაბო ათავისუფლებს მკვდარს ყინულის ტყვეობიდან. ძანგი გაშტერებული დგას, ქვედა ტუჩისთვის დაუჭირებია კბილები. ვერც იგრძნო, ტუჩიდან სისხლმა რომ გამოჟონა. აღარც გაბოს ხმა ესმის, მხოლოდ ერთი ავი კითხვა სოლივით ჩაეჭვდა ტენში: „ვინ არის მეორე? ვინ არის?.. ვინ არის?“ ავი ფიქრები ცოფიანი ძაღლებივით მიესივნენ და გულს უფლეთენ.

— ვინ არის?! ქალია თუ კაცი? — აკანკალებული ხმით ჩასძანა ძანგმა ნაპრალში.

პასუხის მაგიერ გაბომ ქვევიდან ამოსძანა:

— ასწიეთ, კიბე!

გაბო ნაპრალიდან ამოიყვანეს. მერე სამივემ თოკები ამოსწიეს. მეორე მკვდარი მსუბუქი გამოდგა და უფრო იოლად ამოიღეს. როგორც კი მკვდარი ნაპრალის პირზე დაასვენეს, ძანგს ფერი წაუვიდა, აკანკალდა, თვალები გაუფართოვდა და მის ღრიალს მყინვარის ნაპრალები გამოეხმაურნენ.

— აგუნდა!.. აგუნდა!.. — ღრიალებდა და ყინულად ქცეულ საყვარელ არსებას გულში იხუტებდა.

6.

აგუნდას დასაფლავებიდან ერთი კვირა გავიდა, მაგრამ აულმა ჯერაც ვერ მოისვენა. რატომ მოხდა ასეთი საშინელება? ვინ იყო მყინვარში ჩაჩეხილი კაცი? რატომ ჩააგდო ძანგმა უკანვე მისი ცხედარი? რად მიაყარა ქვა-ლორღი?

რალაც საშინელი საიდუმლოება იფარება, მაგრამ რა? ერთმანეთს ეკითხებიან, პასუხის გაცემა კი არავის ძალუძს. მიზეზი დანგმა იცის, ამჩნევენ, მაგრამ დიდმა მწუხარებამ დაამუხჯა და ხმას აღარ იღებს. შეეკითხონ? არც ეს შეუძლიათ, ძალიან ეძნელებათ. ისევ ლოდინს ამჯობინებენ. როდის მოერევა მწუხარებას, როდის ამოიღებს ხმას. როდის გახსნის საშინელი საიდუმლოების ხლართს.

ძალიან მძიმედ დაიკოდა ძანგის გული. გველი ზურგიდან მიეპარა და ჩუმად უკბინა. გული, გონება, სხეული მოუწამლა. აღარაფერს ხედავს, აღარაფერს გრძნობს, აღარაფერი ესმის, თითქოს მყინვარს მოწყდა და ნაპრაღში გადაეშვა, ყინულის კლდეებზე წყვეტებით მიექანება უძირო ცივ საფლავში, მაგრამ ძირამდის ვერა და ვერ მიუღწევია.

აღარ არის აგუნდა, მისი სიცოცხლე, მისი გულის ნახევარი გაიყოლა თან. ორი ადამიანი შეერთდა ცამეტი წლის წინ. და გამოვიდა ერთი ადამიანის მთლიანი სიცოცხლე, ერთი დიდი გული. ახლა კი ბოროტმა ადამიანმა ამ გულის ნახევარი მყინვარში ჩამარხა. მეორე ნახევარი კი ოდნავდა ფეთქავს. ფეთქავს, მაგრამ სიცოცხლის ნიშანწყალი აღარ ეტყობა.

იცის დანგმა საიდანაც მოდის თავზე დატეხილი ღვთის რისხვა. ეპ, რა ტყუილად უხაროდა, დაგვემარხეს და დავიწყდით ყველას, აღარავის აქვს ჩვენზე უფლებათ. თურმე არ დავიწყებიან. იცოდა ერთმა კაცმა, ძანგისთვის განკუთვნილი ტყეში გაჭრილი საფლავი ცარიელი დარჩა. რაკი ერთმა იცოდა, გაიგო სხვამაც.

არ აპატიეს აგუნდას საზოგადოების წინააღმდეგ გალაშქრება. იპოვეს და გასრისეს, შურისძიების იარაღად გამოიყენეს სულმოკლე ადამიანი, რომელიც პირადი კეთილდღეობისათვის პატრონის ყოველ სურვილს სინდისის ქენჯნის გარეშე ასრულებდა, ლაქია, რომელიც აღდარს ფეხისგულებს ულოკავდა ფინიასავით. ნასუფრალის დაკარგვის შიშით, ხელი აღმართა უცოდველ ადამიანზე. ასეთები კიდევ უფრო საშიშნი არიან, ვიდრე ისინი, ვის სურვილსაც ეს გულხარბი და უსულლო მლიქვნელები ასრულებენ.

ახლა აღარ ექვობს ძანგი. დარწმუნებულია, რომ სარმათი მათ მთელი ცხოვრება სდევდა. აღარც იმაში ეპარება ექვი, რომ აგუნდამ თავის დახსნისათვის მყინვარი აირჩია და მოძალადეც თან გადაიყოლა.

აგუნდასთან ერთად აშენებული იმედის კოშკი თავზე დაემხო ძანგს. მოწყდა ცას ბრწყინვალე ვარსკვლავი, რომელიც მას უნათებდა გზას. დამთავრდა მისი გაზაფხული და სამუდამოდ ზამთრის ტყვეობაში დარჩა. მოკვდა გული, აღარაფერი ახარებს, აღარაფრისკენ ისწრაფის. მერე რატომ? რისთვის? ვის რა დაუშავა? რატომ წაართვეს სიცოცხლის უფლება? რატომ დაიმართოხელეს ულონო დიაცი? ძანგთან რატომ არ მივიდნენ პირისპირ? აღარ ასვენებს ეს კითხვები და დღითი დღე გრძნობს, მისი ოდესღაც კეთილი გული გაცივდა, გაქვავდა.

— სისხლი! სისხლი! — გაკევის გაყინული გონება და ძანგი იმ დასვენამდე მივიდა, რომ ამქვეყნად, ამ მზის ქვეშ აღარ ეცხოვრება, სანამ მტრის სისხლით არ მოიბანს გულის ჭრილობას. ან ისინი, ან — ძანგი! მაგრამ ზარინა? რა მოუვა მას? ჯერ გათხოვების დროც არა აქვს. ო, არა! ნუ ჩქარობ, ძანგ! ცივი გული და ნათელი გონება მოიხმარე, ჯერ დაიოკე ჯავრი. შენც იყუჩე, გულო! დრო მოვა... ჯერ შენს სისხლსა და ხორცს მიხედე. რომ დაილუპოს, ცხოვრების გზაზე წაიბორძიკოს, საიჭიოს არ გაპატიებს დედამისი. შენი აგუნდა... ჯერ-ჯერობით ჩაყლაპე ჯავრი, მარცხენა ხელით გააკავე მარჯვენა. დადგება შურისძიების ნანატრი დღე!..

მეუზვილე თავი

ცხოვრება თავისას მოითხოვს

1.

ფასრადელი ქალიშვილები მთაში მოცვის საკრეფად მიდიან. მათი ხალისიანი ხმაური მთებს აღვიძებს. დობილებს წინ უსწრებს ყაჩღავეანთ ფარდიგი, რომელსაც ტირიფის წნელით მოწნული გიდელა ჰკიდია მკლავზე. მაჯის სიმსხო გიშრისფერი ნაწნავეები კოჭამდე სცემს. საოცრად მოქნილი, ლერწამივით წვრილი წელი ლაზათს მატებს ისედაც მოხდენილ ქალიშვილს. შვლის ნუკრივით მიხტის ბილიკზე. მოცვი შავი მძივივით გაბნეულა ბუჩქებზე.

დღეს ძალიან ამჩატებული და მზიარულია ფარდიგი. თუმცა მოწყენილი როდის არის, მაგრამ ახლა განსაკუთრებით ანცობს.

უცებ ოთხი მხედარი წაადგა მათ თავს. ქალიშვილები გაქვედნენ. ორმა მათგანმა ფარდიგს სტაცა ხელი. პირში ხელსახოცი ჩასჩარეს და ტყისკენ გააქანეს. ორმაც ქალიშვილებს იარაღი მოუღერა:

— ხმა არ ამოიღოთ, თორემ ჩიტებივით დაგხოცავთ. სალამომდე თუ აულში გამოჩენილხართ და მღევარი დაგიდევნებიათ, სხვანაირად მოგელაპარაკებით...

მოძალადეები ტყეში მიიმალნენ. ქალიშვილები მალე მოეგნენ გონს და წივილ-კივილით დაეშვნენ აულისაკენ.

2.

იმ დღეს ბარსაგსა და ხასანას ნადირობაში ხელი მოეცარათ. გუშინდელი უსიამოვნო ამბის შემდეგ ძალიან ცუდ ხასიათზეა ხასანა. მთელი ღამე თვალი არ მოუხუჭავს, დილით საშინლად სტკიოდა თავი,

გული ერეოდა. რა დროს ნადირობა იყო, მაგრამ ძალით წაიყვანა ბარსაგმა, გაერთობიო. ხათრი ვერ გაუტეხა ძმას, წაჰყვია კი, მაგრამ ფიქრებს თავი ვერ გააართვა. ვინ იყო დედა? სად ეძებოს მისი დამჩაგრავი?

თვალწინ წარმოუდგა თავისი ბავშვობა. ყიზმიდა ძას უფრო ანეზივრებდა. საქმელსაც უკეთესს არგუნებდა და ტანსაცმელსაც, საქმესაც ბარსაგს უფრო მეტს აკეთებინებდა.

ახლა გრძნობს ხასანა, რომ ის, როგორც ობოლი, აულსაც უფრო მეტად უყვარდა. ეს კი მეტ ვალში აგდებს უთვისტომო ვაჟკაცს.

თოფმა იგრიალა. ბარსაგმა ნადირს ესროლა, ხასანამ ზევით აიხედა და დაინახა, რომ კლდის თავზე ჯიხვი დაგორდა.

ხასანა აღვილიდან არ იძროდა. ბარსაგმა ჯიხვი ზურგზე წამოიკიდა და ძმას შეეხმინა, წავიდეთო.

ძახველიან ხევში, დათვების ბუნაგიდან ქალის კივილი მოისმა, ძმებმა ფეხს აუჩქარეს, დაინახეს, რომ მოძალადეებს ქალი ერთისთვის მიუფლიათ, თვითონ ცოტა მოშორებით სხედან და ბილწიბუცვობენ. მათი ამხანაგი ცდილობს პირუტყვეული ყინის დაქმაცოფილებას, მაგრამ ქალი გალომებული იცავს თავს. ხასანამ ვეღარ გაუძლო ამ საზიზღარი სურათის ცქერას და თოფი შემართა: სალ კლდეს პირი შეატყდა, რომელიც ხმელ ფოთლებში გაგორდა და ხმაურით დაეშვა დაბლა.

თოფის ხმამ და ფოთლების შრიალმა მოძალადეები შეაშინა, ეგონათ მდევარმა მოგვისწროო და ქალი აღარც მოჰგონებიათ, თავ-პირის ნიტვრევით დაეშენენ დაღმართში. საქულველი ადამიანის ხელიდან განთავისუფლებული ფარდიგი ბეგისაკენ გაიქცა. ბარსაგმა დაიჭირა:

— ნუ გეშინია, დაო, გადარჩი შერცხვენას. ალბათ, ღმერთმა შენს ბედზე გადმოგვისროლა აქეთ. გაიღიმა ბარსაგმა და ქალიშვილს რომ შეხედა, გაშრა. კალმით ნახატი. მაყვალვივით შავ თვალეებში შიში ჩასდგომოდა. ბარსაგის მზერას ვერ გაუძლო და დახეულ კაბაზე დაიხედა, შიშველი სხეული ხელით დაიფარა. ბარსაგმა ჩოხა გაიხადა და ქალიშვილს გადაუგდო, ფარდიგს თავპატიყი აღარ დასჭირვებია. ჩოხა მაშინვე ჩაიკვა.

— ახლა მითხარი, სადაური ხარ, ვისი გვარისა?

— ფასრადელი ვარ, ყაჩღავთის გვარისა, ფარდიგს მეძახიან.

— მე ბარსაგი ვარ, ეს ჩემი ძმა — ხასანა.

— არ ვიცი, როგორ გადაგიხადოთ მადლობა...

ძმებმა ფარდიგი ფასრადში წაიყვანეს. კარგა ძალი მანძილის გავლას მთელი ღამე მოუნდნენ და მხოლოდ გათენებისას შევიდნენ აულში. ხალხი ფეხზე იდგა. ის იყო, მდევარი ხელცარიელი დაბრუნდა და ოჯახში მოთქმა და თავში ცემა განახლდა, რომ ძმებმა უვნებელი ფარდიგი შინ მიიყვანეს.

ბარსაგისა და ხასანას კეთილშობილ მოქმედებაზე სიხარულით აღირდნენ ფარდიგის ძმები.

— თქვენ ჩვენი ოჯახი დიდ სირცხვილს გადაარჩინეთ. აგვაცდინეთ თავის მოკრა. დღეის შემდეგ ჩვენი ოჯახის კარი ყოველთვის ღია იქნება თქვენთვის. ასე უთხრა გამომშვიდობებისას ბარსაგსა და ხასანას ფარდიგის უფროსმა ძმამ.

3.

გავიდა დრო. ბარსაგს რაღაც დარდი შეეპარა. საათობით ზის კერძისთან და ხმას არ იღებს. ხასანამ ძმას უგუხუხობა შეამჩნია.

— ბიჭო, ამ ბოლო დროს რაღაცას მიმალავ, მითხარი, რა დარდი შემოგწოლია გულზე?

ბარსაგმა ისე ამოიოხრა, თითქოს გული თან ამოაყოლაო.

— მართლაც და ლამის დამჯაბნოს ნაღველმა, ხასანა, მოტაცებული გოგოს დარდი მიღრღნის გულს. არ ვიცი, მომაჯადოვა, თუ...

-- გეტქვა აქამდე.

-- რა ვიცი, უარი რომ თქვან!

— ცდა ბედის მონახვერეა!

— მაშ, წახვალ ხასანა?

— წავალ... დილაზე.

ქორწილით ხასანა ფასრალის გზას გაუდგა. ყაჩღავეანი თითქოს ელოდნენ ძვირფას სტუმარს. გაიხარეს მისი მისვლით. საკლავი დაკლეს, ნართული ფინგი დაიტვირთა ოჯახის დოვლათ-ბარაქით. გაიმართა პურობა. ხასანამ სტუმრობის მიზეზი გაამხილა.

ფარდიგის უფროსი ძმა აცა ფეხზე წამოდგა:

— რა გითხრა, ხასანა, თქვენ ჩვენი ოჯახი დიდ სირცხვილს გადაარჩინეთ. ჩვენს დასაც სიცოცხლე აჩუქეთ. თუ ასეა საქმე, რა გვაქვს საწინააღმდეგო. ბევრი კარგი გავგივია თქვენზე, არა ვწუხნობთ შენს ძმას. ასრულდეს ღვთის ნება.

ქორწილისათვის ემზადებიან ბესოლანნი. აღარაფერს ზოგავს ყიზმიდა. არაყი გამოხადა, ლუდი მოადულა.

ძმები ქორწილამდე ორი დღით აღრე სანადიროდ წავიდნენ. როგორც მონადირეებს, საქორწილო სუფრაზე ნანადირევი უნდა ჰქონოდათ, შემოიარეს ტყე-ღრე, მაგრამ ნადირის კვალსაც ვერსად წააწყდნენ.

— აესათი! თუ შემოგვწყრა, ბარსაგ. ცხრა მთას იქით გადამალა თავისი ჯოგი.

მოლლილი მზე შინ მიიჩქაროდა. უცბად წამოკრიფა ნათელი სხივები და კალთაში გამოიხვია. ღრმა ხევებში ბინდი წვებოდა, როცა კლდის თავზე ჭეირანი გამოჩნდა.

სიცოცხლე უყვარს ჭეირანს. უყვარს მზე, მოწმენდილი ცა, ნოყიერი ბალახით დანაყრების შემდეგ ანკარა წყაროს ნაყურით წყურვი-

1 აესათი — ნადირობის ღმერთი.

ლის მოკვლა, თავის წყვილთან რქენა. თუმცა აგერ ხევში უფრო ნო-
ყიერი ბალახია, წყაროებიც უფრო ცივი და ანჯარაა. იქ ბევრად იო-
ლია ცხოვრება. მაგრამ ბარი მისი ადგილი არ არის, იქ მის სიცოცხ-
ლეს ყოველ წუთს საფრთხე ემუქრება. ის ადგილი უფრო ძლიერმა
მიისაკუთრა, ჭეირანი კი მთებს შეეხიზნა, სადაც ვერაგი ქარი მშვიერი
მგელივით ღმუის განუწყვეტილვ. ყინვა კი ეკალივით იჩხვლიტება, სა-
დაც აღრევე ემტვრევა ჭეირანს ჩლიქები.

ვის რას უშაგებს ჭეირანი. მაგრამ ცხოვრება ვერაგია, ძლიერი ყო-
ველთვის ცდილობს თავისზე სუსტის ჩაყლაპვას.

და თუ კლდეებშიც არ არის სამოთხე, მაინც ამაყადაა, ამაყადაა,
რადგან თავისუფალია!

— შეხედე, ხასანა, მთლად არ გაგვრისხებია ავსათი.

— მაშა, ბიჭო, რა მშვენიერი რამ არის, ჰა!

— ახლავე დაუბნელებ მხეს, — თქვა ბარსაგმა და კლდეზე აცო-
ცდა.

ჭეირანი კი თითქოს ბუნებას თავის მშვენიებად კლდის ქიმზე გამოე-
ძერწა, იდგა ამაყად და ადგილიდან არ იძვროდა. რა იცოდა, რომ ქვე-
მოდან მისკენ სიკვდილი მიცოცავდა, დაუნდობელი თოფის ლულა თან-
დათან უახლოვდებოდა, ცოტაც და, ბუნების ეს განუმეორებელი მშვე-
ნება მოწყდება კლდის ქიმს და სამუდამოდ დაუბნელდება მზე.

ბარსაგი თვალის დახამხამებაში მიუახლოვდა ჭეირანს, წამიც და
ნადირი დაეცემოდა... მოულოდნელად იგრიალა თოფმა და ბუნების ეს
იშვიათი სურათი დაირღვა. ჭეირანი კლდის ქიმს მოწყდა და თვალს
მიეფარა. გაწბილებულმა ბარსაგმა ჭეირანის უკანალსდა მოჰკრა თვა-
ლი.

ხასანას თოფის ლულიდან ბოლი ამოდიოდა. ბარსაგი გაფითრდა.
ტუჩები უკანკალებდა გაჭავრებულს.

— ეგ რა ქენი, ხასან?

ხასანა მოჩადოებულებით იდგა და იმ ადგილს ბვალს არ აშორებ-
და, სადაც ცოტა ხნის წინ ჭეირანი მიიმალა. მერე შვებით ამოისუნ-
თქა და ბარსაგს შეხედა.

— რა დაგემართა, ბიჭო?

— ნუ მკითხავ, ბარსაგ.

ბარსაგმა ხმა აღარ ამოიღო. თოფი მხარზე გადაიკიდა და ღამის
გასათევის ძებნას შეუდგა.

დაბნელდა. ძმებმა გამოქვაბულის წინ ცეცხლი დაანთეს და ღარი-
ბულად ივანშმეს. ბარსაგმა ვერ მოითმინა და ძმას ჰკითხა:

— მაინც რატომ დამიფრთხე ნადირი, ხასანა?

— რა ვიცი, ვერ ვიბედავდი და... გეტყვი... — ხასანამ უხერხულო-
ბის დასაფარავად ჩაახველა. — გახსოვს, დეაღეთში რომ იყავი? მე იმ
დღეს მარტო წავედი სანადიროდ. საჭიხეზე რომ გადმოვედი, მოშუად-
ღევდა. სამი შველი დავინახე. მშვიდად ძოვდნენ ბალახს. მივეპარე და
ერთი მოვკალი, ორი კი გაიქცა. ახლოს რომ მივედი, „მოკლული“ შვე-

ლი წამოხტა და უკანაფეხმოტეხილი სკუპ-სკუპით მიიძალა. წელამდე შამბნარში ფრთხილად შევაბიჯე, პატარა მდინარის ნაპირს ავყე. ერთ ადგილზე კლდე ზედ მდინარემდე იყო დასული. ფეხთ გავიხადე და წყალში გატოპვა დავაპირე. გადაჭევილი ბუერების დანახვაზე მივხვდი, რომ გაღმიდან წყალზე ხშირად ჩამოდიან. ის იყო ფეხი შევდგი მდინარეში, რომ წყლის დგაფუნი შემომესმა. გულმა რეჩხი მიყო. ის შველია ნამდვილად, წყალში გადახტა-მეთქი, გავიფიქრე და უკან დავიხიე, ბუერებში გავძვერი. გავიხედე და ჰოი, დიდება შენდა, ღმერთო! მორევიდან ქალი გამოვიდა. წერწეტა ნაძვივით მშვენიერი, თეთრი მარმარილოსაგან გამოკვეთილს ჰგავდა. მორევის თავზე მწვანე თალი თითქოს გახლიჩა მზემ, სხივთა კონა გაღმოაყარა და წყლის ფერიის ფიქალ სხეულზე დაყრილი წვეთები მარგალიტის მძივებად ათრთოლდა. ლოდზე ჩამოქდა, თმა ჩამოიშალა, კოქებადმდე დაეფინა ოქროსფერი დალალები და ქალის შიშველი ტანი დაფარა მთლიანად.

ბუერებში მწყერივით გავინაბე. ბარემ მრცხვენოდა, ქურდივით რომ ვუყურებდი შიშველ ქალს, მაგრამ ველარც წასვლას ვახერხებდი და ვერც თვალს ვაცილებდი. აღარ ვიცოდი, რა მექნა, სად მოვხვდი, ეინ იყო ეს მზეთუნახავი, წყლის ფერია თუ ალი? მინდოდა გავცლოდი იქაურობას, თვალი მომეცილებინა იმ ღვთაებისათვის, მაგრამ მოჯადოებულებით მივეწებე ერთ ადგილს, არ შემეძლო განძრევა, მღელვარებამ სუნთქვა შემიკრა და თითქოს გულიც გამიჩერდა.

ამასობაში ქალმა თმა დაიწნა და ორი ნაწნავი თავზე შემოიხვია. ტანთ კრელი ჩითის კაბა გადაიცვა და შამბნარში გაუჩინარდა.

ისეთი გრძნობა დამეუფლა, თითქოს სამოთხის ჩიტმა შეიფრთხილა და ხელიდან გამიფრინდა. რალაც ძალამ ზეზე წამომავლო და ჩემდა უნებურად ავედევნე უცნაურ არსებას. „ვინ არის, ზეციური ანგელოზია თუ ეშმაკი?“ ცნობისმოყვარეობის ცეცხლით ანთებული ფეხდაფეხ ავედევნე ქალს. კარგა ხანს იარა ხევში, მერე თიხმაგზოსის აღმართს შეუყვა. რაც უფრო მაღლა-მაღლა მიიწევდა, მეტად ვექვობდი, თვალს აღარ ვაშორებდი. მეშინოდა ეშმაკი არ იყოს და არ გამიქრეს-მეთქი. ბორცვიდან — ბორცვზე, ტაფობიდან — ტაფობზე მივდექდი ფეხდაფეხ, მთის წვერამდე ცოტალა იყო დარჩენილი, მან ჯერ გვერდით გაუხვია, მერე ისევ აღმართს აჰყვა. ალბათ, შემამჩნია და ფეხს აუჩქარა, ველარ დავინახე კლდის ძირში საით გაუჩინარდა. შეეჩერდი, თვალეზგაფართოებულმა გაფაციცებით დავუწყე ძებნა, მაგრამ თითქოს მიწამ უყო პირი, აღარ გამოჩნდა. კვალზე მიყოლა დავაპირე, უცებ ზურგს უკან რალაც ჩქამი მომესმა, მივიხედე და მხოლოდ მოქნეული კეტი დავინახე. თვალეზიდან ნაპერწკლები წამომცვივდა. ყურებმა ბჟუილი დამიწყო და თითქოს თავზე მთა წამომემხო, ველარაფერი გავიგე, თვალთ დამიბნელდა.

არ ვიცი, რამდენ ხანს ვიყავ უგონოდ. როცა მოვსულიერდი, თავი მტკიოდა, ეტყობოდა სისხლს ედინა და მარცხენა თვალში ჩამგუბებოდა, ვერ მოვახერხე თვალის გახელა. ვიფიქრე ხელით მოვიწმენდ-

მეტეი, მაგრამ ხელები მაგრად მქონდა უკან გაკრული. ისე ვიყავ გა-
კოჭილი, რომ განძრევას ვერ ვახერხებდი.

რალაც უბედურება რომ იყო ჩემს თავს, მივხვდი, მაგრამ რა? ლო-
დინის მეტი არაფერი დამრჩენოდა. ალბათ გამოჩნდება-მეტეი ის ქა-
ჯი. ნეტავ რა უნდოდა ჩემგან?

როგორც იყო გამოჩნდა. მთის ფერდობზე ჩამოდიოდა, მხარზე თო-
ფი ეკიდა, ხელში კი შავქარქაშიანი ხანჯალი. „ვინ არის, რა უნდა ჩემ-
გან?“ — ძლივს მოვასწარი ამის გაფიქრება, რომ თავზე უშველებელი
დევკაცი წამომადგა. ქალარა წვერი, სქელი წარბები და გაფანჩული
ულვაშები რალაც საშინელ იერს აძლევდნენ მის მრისხანე სახეს.
თითქოს ცოცხლად გადაყლაპვას მიპირებდა. ისე დააკეცა თვალები.
სიბრაზით სისხლის ძარღვები გაჰბერვოდა და დაწყევტას აღარაფერი
უკლდა. მის დანახვაზე სისხლი გამეყინა. თითქოს მთელი კართა¹ წყა-
ლი გადამასხეს. უცნობმა ხანჯალი ამოსწია, დაიხარა და მკაცრად ჩა-
მეკითხა:

— ვინა ხარ?

— მონადირე ვარ, — ძლივს მოვახერხე პასუხის გაცემა.

— ვინა ხარ-მეტეი? თქვი, სანამ ძალღივით არ დაგვალ! — მკაც-
რად გამიმეორა კითხვა და ხელში ხანჯალი შეათამაშა.

— მონადირე ვარ, დაჭრილ შველს გამოვეყიდე...

— ტყუის, ბაბა, ტყუის, — მოულოდნელად საიდანღაც გამოტყყ-
რა ის ეშმაკის კერძი. — ხევიდან ამედევნა ჩუშად. მეც აქამდის მოვი-
ტყუე და აი ამ ჯონით...

— ღმერთს გეფიცებით, ცუდი განზრახვა არ მქონია გულში, —
ვუთხარი მე. მივხვდი, რომ ყველაფერი იმ წყეული ჯადოქრისაგან
მჭირდა. ერთი სიტყვა და ხანჯალი დაეშვებოდა, მოკვეთილი თავი კი
ხევში ჩაგორდებოდა. — არ მიფიქრია თქვენი შეურაცხყოფა.

— ხმა, ძაღლისშვილო, ვიცი, ვინცა ხარ და რაც გინდა, დიდი ხა-
ნია გელოდი და მოხვედი კიდეც. — გაბზარული ზარის რეკვასავით
დაიქრიალა დევკაცის ხმამ. — ხანჯალი სულ ახლოს მომიტანა. — მო-
ხვედი და შეგწირავ კიდეც ჩემს მკვდარს.

— რა დაგიშავეთ, რა ჩავიდინე ისეთი, მითხარით მაინც...

— ვინ გამოგზავნა?

— ღმერთია მოწამე, არაფერი მესმის, რა გინდათ ჩემგან.

— მიპასუხე, რატომ აედევნე აჩრდილივით ჩემს ქალიშვილს?
თქვი, რა მქონდა გადაწყვეტილი!

— ღმერთს გეფიცები, არ ვიცი, რა გიპასუხოთ. არაფერი შემე-
ცოდავს. რისთვის დამატყვევეთ, არ ვიცი. მართალია, ამ ქალს გამოვ-
ყევი, მაგრამ ღვთისა და თიზმაგზონის წინაშე შემოძლია დავიფიცო,
რომ ავკაცობა არ მდებია გულში. აგერ უკაცრიელ ხევში დავინახე
ქალი, გამიკვირდა, ვინ არის, სად მიდის-მეტეი. მხოლოდ და მხოლოდ

¹ კართა — ხისგან გამოთლილი წყლის ჭურჭელი.

ცნობისმოყვარეობა იყო მიზეზი, მეტი არაფერი. თუ ამისათვის ასეთი მკაცრი სასჯელი დაემსახურე, დამსაჯე, რაღას ელოდები!

ჩემმა სიტყვებმა დააფიქრა დევკაცი.

— მაინც ვინა ხარ? სადაური? რისთვის მოხვედი აქ?

— რისთვისაც მოვხვედი აქ, ეგ უკვე გითხარი, თედოთიყაუდან ვარ, მამაჩემი მონადირე იყო, ბესოლთი ცოფანა, მთელი ხეობა იცნობდა.

თითქოს ჯადოსნური სიტყვა მეტყვას, დევკაცი უცნაურად შეხტა. ხანჯალი ხელიდან გაუვარდა, თოფი დაუშვა. მის გულში დაგუბებული ბოღმა თითქოს კლდეზე დაინთხა, დამშვიდდა. დაბერილი სისხლძარღვები გაუქრა. თვალებში სითბო ჩაელვარა და ხმაც დაეშქრა:

— ცოფანასი ვარო, თქვი?

— ჰო, ცოფანასი.

— მაპატიე! — დაიხარა და ბაწრები შემაჭრა, ხელ-ფეხი გამითავისუფლა. ტყუილუბრალოდ დაგსაჯე, მაპატიე, შვილო!

— არა უშავს, ხანდახან ცდება კაცი.

— ვიცნობდი მამაშენს. ბევრი კარგი მახსოვს მისგან. ცოფანას შვილი ჩემი სასურველი სტუმარი იქნება ყოველთვის. პურ-მარილს ნუ დაგვიწიხლავ.

— პურ-მარილზე დიდი მადლობა. შორი გზა მაქვს გასავლელი. წავალ, შინ მელოდებიან.

— აბა რას ამბობ, ასეთ მდგომარეობაში არსადაც არ გაგიშვებ. კრილობას შეგიხვევთ. მერე საცაა მზე ჩავა, რაღა დროს წასვლაა. ამაღამ ჩვენი სტუმარი იქნები, ხვალ მიგასწავლი სანადირო ადგილს და წახვალ შენს გზაზე.

რა დაგიმალო, შენმა მტერმა იცრუოს, არ მინდოდა დარჩენა. მაგრამ უარი ვეღარ შევკადრე და დავრჩი. შინ მიმიპატიეეს.

— ბიჭო, სახელი რა გქვია? — გვიან მკითხა იმ უცნაურმა კაცმა.

— ხახანას მეძახიან.

— ღმერთმა დღე მოგცეს, მე ძანგი მქვია, ცარგასბადანელი ვარ, ეს ჩემი ქალია ზარინა.

— „ეგ ქალი კი არა ქაჯია“. — გავიფიქრე ჩემთვის, იმას კი ასე ხათრისთვის ვუპასუხე:

— კარგი ბედი მისცეს ღმერთმა.

საოცრად ლამაზი ადგილი ამოერჩიათ ბინად. მთაზე ასეთი ვაკე არსად შემხვედრია. მსუყე ბალახი წელამდის, პირუტყვის საბალახოდ უკეთესს ვერც ვერავინ ინატრებდა. აქ აბალახებდა ძანგი ცარგასბადანელთა ნახირს. ქოხის წინ შევჩერდით. ძანგმა კრილობაზე დათვის ქონი მომისვა. რაღაც ბალახი დაფშენა, ზედ მოაყარა და შემიხვია. მერე საძოვარზე გაშვებულ ფარაში ერთი მსუქანი ბატკანი დაიჭირა და დასაკლავად წამოაქცია. მე ვიუარე, მაგრამ ხმაც არ ამომალებინა.

თვალს ვადევნებდი მიხ მოქმედებას. შუახნის კაცი იყო, — ბეჭებ-განიერი, მაგარი აგებულების. ისე მარად და მარჯვედ საქმიანობდა, მისი ხელის მოძრაობას თვალს ვერ ვასწრებდი. ღონიერ მკლავებზე

კუნთები ერთი კვირის გოქებს მიუგავდა. თვალის დახამხამებაში აქნა საკლავი.

ცვრიანი მწვადები მზად იყო.

— ბარემ საპატიო სტუმარი ხარ, ასე უბრალო მასპინძლობა არ გეკადრება, მაგრამ მცირეზე ნუ დაგეძრახავ. ხომ გაგიგონია, მარილი და პურიო და კეთილი გულიო.

— მოიბოდიშა ძანგმა.

— ღმერთმა ბევრი მოგცეთ, დასამღური რა მაქვს, — დარცხენილმა ვთქვი და უნებურად ქალს შევხედე. თითქოს ცეცხლიდან ნალვერდლები აცვივდა და გუგებს ეცაო, ისეთი ნაპერწკლები დააფრქვია მისმა ზღვისფერმა თვალებმა. უცბად ყველაფერი ჩაქრა. ნალვერდლები თითქოს ნაცარში შეახვიესო, ისე დაეშვა გრძელწამწამებიანი ქუთუთოები. რამდენჯერმე დავიჭირე მისი მხერა, მაგრამ ის ნალვერდალი აღარ გამოჩენილა მის თვალებში.

4.

ვახშამი გვიან მოთავდა. ძანგმა ქოხის გვერდით თივაზე გაშალა ნაბადი და ორივე იქ მოვთავსდით. ზარინამ ქოხში გაიშალა ლოგინი.

გვიანობამდე რული არ მომკარებია. საესე მთვარე უშველებელი ყვითელი ბურთივით ზედ თავზე წამომემხო, ხევიდან ჩანჩქერის მხიარული სიმღერა თითქმის მთის წვერამდე ისმოდა. მთვარის შუქზე კარგად ვხედავდი თიზმაგხოხის წვერიდან წამოსულ მყინვარის ქათქათა ზოლს. რომელიც მთელ სიგრძეზე ჩასდევდა მთას.

თავის ტკივილმა გამიარა, ნეტავ რა ბალახი იყო, ასე უცბად რომ დამიამა კრილობა? ან არადა, ვისში შევეცვალე? კინაღამ ვილაცის ნაცვლად მომკლეს. ვინ არის ეს დეკაკი და ვისი ჯავრი სჭირს? ან ეს ქალიშვილი — ზარინა, როგორი მოხერხებული და ეშმაკი გამოდგა, რა იოლად შემაცდინა. მაგრამ რა ლამაზია, ცოდვა არ არის, აქ მთაში, საქონელს დასდევდეს ასეთი მზეთუნახავი? ვახშამზე რამდენჯერმე ქვეშ-ქვეშ გამომხედა. ღმერთო, რა ლამაზი თვალები აქვს?!

მასპინძლის ძალღმა დაიყუფა. მერე ნადირის სუნი თუ იკრა, გაავდა და ყუფით აიკლო იქაურობა. მწყემსმა თოფი გადაიკიდა და საქონლის დასახედად წავიდა. ფარას გარს შემოუარა, მიდამო დაზვერა. საშიში რომ ვერაფერი შეამჩნია, ისევე თავის ადგილზე დაბრუნდა.

კარგა ხანს იწვა თვალგახელილი. მერე, ალბათ, იგრძნო, რომ არც მე მეძინა და გამომელაპარაკა:

— ძილი გაგიკრთა, ბიჭო? ლოგინის ბრალია, ალბათ.

— რა ვიცი, არ მეძინება და...

— ჰო, მართლა, რამდენი შვილი ჰყავდა მამაშენს?

— ორი... ერთი თავისი და ერთიც... ტყეში უცნობ ქალს უშობია, ქალი მომკვდარა და ბავშვი მამაჩემს წამოუყვანია.

— შენ რომელი ხარ?

— დედას ვკითხეთ, მაგრამ არ გვითხრა. რატომღაც ასე მგონია, რომ იმ უცნობი ქალის შვილი მე უნდა ვიყო. თუმცა ჩემი ძმაც ამასვე ამბობს.

— არ ვიცი, თქვენ ორს შორის რომელია იმ ბედკრული ქალის შვილი, ამას იქნებ არცა აქვს მნიშვნელობა, მაგრამ იმ ბავშვის დედამას ვიცნობდი. კარგი ადამიანები იყვნენ შენი მამა-ბიძები. პატიოსანი, მშრომელი ოჯახი ჰქონდათ.

— კეთილ კაცო, რადგან იცნობდით, ისიც გეცოდინებათ რა უბედურება დაატყდათ თავს. ძალაქომში რამ მიიყვანა დედაჩემი?

— საშინელი ამბავი მოხდა. ნაძრახი სიცოცხლე არ იკადრა შენმა მამა-ბიძამ. მიწის თაობაზე ახირდა ორი გვარი. დავა სისხლით გადაწყდა.

— საით ვიბრუნო პირი? ვისგან ავიღო სისხლი? ნურაფერს დამიმალავთ, — შევეძახე და შურისძიების წყურვილით ავენთე.

— შენს მოსისხლეთაგან დედამიწაზე აღარავინ დადის. შენი მამა-ბიძისა და დედის სისხლი აღებულია. აღარაფერი გევალება შენ. მეტს ნურაფერს მკითხავ. მართალი იყო დედათქვენი, რომ არ გითხრათ სიმართლე. დეე ნუ გეცოდინებათ, რომელი თქვენგანია იმ საბრალე ქალის შვილი.

— რათა? თუნდაც ჩემი ძმა იყოს იმ ქალის შვილი, მე მაინც ვალდებული ვარ ვიძიო შური. ხომ უნდა ვიცოდეთ, ვინ იყვნენ ის ხალხი, ვისაც ერთ-ერთი ჩვენთაგანი ეკუთვნის? არ ავიღოთ სისხლი? საიქიოს რატომ უნდა იტანჯონ ჩვენი მკვდრები?

— აღარავისი არა გმართებთ, სისხლი აღებულია.

— საით არის ჩემი სამშობლო?

— იქ არ მიგესვლება. გზა დახშულია.

— რატომ? რისთვის? ვინ დამიხშო გზა?

— აღარ არის საჭირო, სამწუხარო ამბის შემდეგ დიდმა დრომ განვლო. ხალხს უკვე გადაავიწყდა. შენ იქ არავინ გყავს, არც არავის ახსოვს შენი დაბადება, არც ის იციან, რა იქნა დედაშენი. ვინ დაგიჯერებს; თანაც საშიშია მივიწყებული საფლავების თხრა. თქვენი გვარიდან აღარავინ გადარჩა. ორიოდ დღიური მიწა სხვებმა დაინაწილეს, იქ შენ კერძის გაჩაღებას ვერ შეძლებ, შვილო, არ მიგიშვებენ, ძალით ვერაფერს გახდები, შენ ერთი ხარ, ისინი ბევრნი არიან. ჰოდა, საიქიოს რა პასუხი გავცე შენს დედ-მამას, სახიფათო გზაზე რომ გიბიძგო?

— რა ვიცი, დაუფიქრებელი და სულელი არც მე ვარ, შევძლებ თავის შეკავებას, ის მაინც ვიცოდე...

— ვხედავ, ჰკვიანი ბიჭი ხარ, მაგრამ დაიოკე ცნობისმოყვარეობა, არ არის-მეთქი საჭირო. ჰკვიანმა კაცმაც იცის გაბრაზება. ერთი თუ დაძრა ხანჯალი ქარქაშიდან, მერე თავშეკავებაზე ლაპარაკიც ზედმეტია. ნულარაფერს მკითხავ, მეტს არაფერს გეტყვი. რაც გაიგონე, ისე

ჩათვალე, ვითომც სიზმარში გენახოს. ახლა კი დაიძინე. შუალამე გადავიდა, საცაა ირიურაუებს.

ძანგმა გვერდი იბრუნა და ცოტა ხნის შემდეგ დევგმირის ხვრინვა ამოუშვა.

მთელი სხეული მიბჟუოდა. თითქოს სადგისით დავეჩხვლიტე, ისე მეწოდა კანი. როგორ შეიძლება, ადამიანმა არ იცოდეს ვისი გვარისაა, სად ჩაყარეს ძვლები მისმა წინაპრებმა? მაგრამ ძანგის უკანასკნელი სიტყვები „ნურაფერს მკითხავ, მეტს ვერაფერს გეტყვიო“, ისევ ყურში მიწიოდა და ფრთებმოკვეცილი არწივივით დავეცი თივაზე. ვიგრძენი, რომ ჩემმა მასპინძელმა თავის ნათქვამს წერტილი დაუსვა და მეტს ველარაფერს გავიგებდი მისგან. თავწაწყვეტილი ქათამივით ავფართხალდი. ეტიროდი და არ მრცხვენოდა ცრემლისა.

მზე კარგა მალლა ამოწვერილიყო, რომ გამელვიძა. გადავწყვიტე მაშინვე გავცლოდი იქაურობას.

ქოხის წინ ზაჩრინა თუჯის ქვაბში შექამადს ხარშავდა. რომ დამინახა, წელში გაიმართა და ცერად შემომხედა.

— დილა მშვიდობისა, — მივესალმე. — იტყვი, ეს რა ძილისგულა ყოფილაო.

— არა, რათა, ბაბამ გამაფრთხილა, არ გააღვიძო, წუხელ გათენებამდე თვალი არ მოუხუჭავსო, — დარცხვენით მითხრა იმ ანგელოზმა და თავი დახარა. — აგერ წყაროზე პირი დაიბანე. სადილიც ახლავე იქნება მზად.

— გმადლობთ, სადილს აღარ დაველოდები. წასვლის დროა.

— აბა, ეგ რა თქვი? მთაში სტუმარი უსადილოდ არავის გაუშვია და ჩვენ რა ქვეყნის უარესები გვნახე, რომ არ მოიცადო, ეგ იმას ნიშნავს, რაღაც გაწყენინეთ. მერე კიდეც ბაბამ თქვა, უჩემოდ არ წავიდესო.

აღბათ, რაღაც უნდა მითხრას-მეთქი, გავიფიქრე და დავრჩი.

ყინულივით ცივი წყლით დავიბანე პირი და ქოხში რომ შევბრუნდი, ქალმა მითხრა:

— მაპატიე, ხასანა (ო, ღმერთო ჩემო, სახელი საიდანღა გაიგომეთქი, გავიფიქრე და გამახსენდა, რომ წინალამით მამამისმა მკითხა), ჭრილობის საფენს გამოცვლა უნდა, ბაბამ გამაფრთხილა. აი წამალი მოგიმზადე.

— ნუ წუხდები, ზაჩრინა, სულაც აღარ მტკივა.

— რას ამბობ, ამ სიცხეში ჭრილობა გავიმიზიზღდება, შეიძლება დაგიჩიკდეს კიდეც, — ჭრილობა კი არა, ნეტავ თავიც მომკვეთონ, ოღონდ ეს ხმა მესმოდეს სულ. — დაჯექი, აგერ აქ დაჯექი, — მითხრა ქალმა და ქოხის წინ ლოდზე მიმითითა, — თვითონ შინ შევიდა და ჩვარში გახვეული წამალი გამოიტანა.

ჭრილობა მომბანა, შემიხვია და ბოდში მომიხადა.

— მაპატიე, ხასან, შენ არ იკუთვნოდა ის დარტყმა... აღბათ ფიქ-

რობ, რა აშარი და ავი ვილაც არისო. — ქალს ხმა აუკანკალდა, მორცხვად დახარა თავი.

— თვითონა ვარ დამნაშავე, რატომ აგედევნე? ცდუნებას ავყე. რომ დაგინახე, ყველაფერი დამავიწყდა (უნდა მეთქვა მორევში შიშველი რომ ბანაობდი-მეთქი, მაგრამ დროზე შევიკავე თავი, ასე მეგონა, დიდ საიღუმლოს გავამქლავებდი, ციკმა ოფლმა დამასხა).

— მე სხვა ვილაც მეგონე.

„სხვა ვილაც?!“ — ხანჯალივით მეცა ეს ორი სიტყვა.

— მაპატიე, ზარინა, თავხედობაში ნუ ჩამოპართმევ, ვინ არის ის „სხვა ვილაც?“ ვისი ხვედრი გავიზიარე, რატომ ხართ შენ და მამაშენი ასე მკაცრები? — ჩემი გულახდილი კითხვებით საგონებელში ჩავადე ქალი. — თუ გეძნელება, ნუ მიპასუხებ, არ არის საჭირო. არც მეწყინება, მაპატიე, თუ გული გატკინე.

— არა, არა, ეს ისე...

— მაშინ მითხარი, ვინ არის ის ვილაც და რა დაგიშავათ?

— კარგი, გეტყვი, მხოლოდ მამაჩემთან არაფერი წამოგცდეს, გული ეტკინება. — ხელით მანიშნა მყინვარისაკენ. — ხედავ?

— ვხედავ, ისედაც ბევრი მსმენია და გამიგონია.

სუნთქვაშეკრული ვუსმენდი. მისმა ნაამბობმა გული დამიკოდა. რა დიდი ელდა გადაუტანიათ. ვიგრძენი, რა უსაზღვროდ დიდი იყო შურისძიების სურვილი.

— მაინც ვის აბრალეხთ, რა ჯავრი სჭირდათ დედაშენისა?

— არ ვიცი, მაგაზე არაფერს ამბობს მამა. საიღუმლო გულში აქვს ჩამარხული და მეც კი არ მანდობს.

ფეხის ხმა მოისმა. ძანგი იყო.

— შეილო, სადილა ძალიან არ დაგვიანე? სტუმარი სალექსოდ გაგვხდის, მშვიერი მომკლესო, ქვეყანას შეგვიყრის.

— მზად არის, ბაბა, შენლა გელოდებოდით, — წინ შეეგება ზარინა მამას.

ვისადილეთ. მადლობა ვუთხარი, ზარინას დავემშვიდობე და წამოვედი, ძანგი უკან გამომყვა:

— ბიჭო, ვგრძნობ, წუხელ გული გატკინე. მაგრამ დაივიწყე, რაც გითხარი. გახსოვდეს, კაცი წარსულით კი არ ცხოვრობს, მომავლის იმედითა ვართ ყველა, შენ კი ჯერ წინა გაქვს ცხოვრება. შენი ასაკია თვითონ იმედოანი და ლამაზი, და არ დაივიწყო ეს. ჰე, ეგ არის ჩემი დარიგება. თუ აქეთ მოგიხდეს გამოვლა, შენი სტუმრობით გაგვახარე, თოფის წამალი წამომიღე, ტყვიებიც.

მას შემდეგ ერთხელ კიდევ მოვინახულე, ძანგს ტყვია-წამალი წავუღლე, მარილი, ფქვილი. ძალიან გაიხარეს. იმ დღეს მე და ზარინა მოცვზე წავედით. ძალიან მხიარულობდა, ბავშვივით ცელქობდა, იცინოდა, რალაც უხაროდა. ო, ის დღე არასოდეს დამავიწყდება. რომ მოვდიოდი, შემეხვეწა, არ დაგვივიწყო, კიდევ ამოდო.

— ჰე, ძაო, შენ რომ დღეს ჯიხვს დაუმიზნე, მომეჩვენა, ზარინას

მამა ძანგი იყო. ისიც იმ ჯიხვივით გაექცა მტერს და კლდეში დასახლდა.

ბარსაგი გულისყურით უსმენდა ხასანას.

— ვალაი, ძმაო, საოცარი ამბავი მითხარი. რა გაქვს გადაწყვეტილი?

— არ ვიცი...

— მე კი ვიცი. ხვალ უთენია წავალთ. სიძედ თუ გიკადრებენ, ერთად გადავიხადოთ ქორწილი.

დიდი ხანია ჩაიწვა შეშა, ჩაქრა ცეცხლი. ზაფხულის მოკლე ღამე შეუმჩნევლად გაიცრია. ბარსაგი და ხასანა სწრაფად გაემზადნენ და მთებისაკენ ქნეს პირი.

5.

იმ დილით ადრე გაღვიძა ზარინას. რალაც ნაღველმა დარია ხელი და აღარ იცოდა რა ექნა. ჯერ დედაზე დარღმა შეაწუხა. მის მკვლევლებზე შურისძიების ცეცხლი მოსვენებას არ აძლევდა. მაგრამ ამ ბოლო დღეებში ის მძიმე ფიქრები თითქოს მთიდან მონაბერმა ქარბობოლამ გაფანტა, მაგრამ მისი ადგილი სხვა საფიქრალმა დაიკავა.

მამა რიყრაყზე გარეკავს ხოლმე საქონელს, სამხრისათვის ან თვითონ ჩამოდის, ან ზარინას მიაქვს ჯერი. მეტწილად მარტოა ზარინა. მობეზრდა. სანამ ხასანა გამოჩნდებოდა, მარტობას ასე მწარედ არ განიცდიდა. მზე რომ ცაზე გზას გაანახევრებდა და დედამიწას გრდემლზე გასაბრტყელებელი რკინასავით გაახურებდა, ზარინა ხევისკენ დაეშვებოდა, იქ ამოჩემებულ მორევში გადაეშვებოდა და ყველაფერი ავიწყდებოდა. ახლა კი თვითონაც არ იცის, რა დაემართა, გული აღარსაით მიუწევს. ზის და ერთთავად ფიქრობს. თვალწინ ხასანა უდგას. საკვირველია, რად ენატრება ასე? ვინ არის? რატომ დაუქარგა მოსვენება? მთელი სიცოცხლე ესმოდა ჩიტების ჭიკჭიკი, ნაკადულის რაკრაკი, მაგრამ ახლა სულ სხვანაირად გაიგონა ძალზე ახლობელი და ნაცნობი მელოდოები, სულ სხვაგვარ აღმაფრენას გრძნობს, სრულიად უცხო სამყაროში ჰგონია თავი.

ორი კვირაა არ უნახავს ხასანა და ეს ორი კვირა საუკუნედ ექცა. ყოველდღე ელოდება. თვლები გზისკენ დააწყდა. დაიღალა ლოდინით თუმცა, რომ ვთქვათ, რისთვის ელოდება? რას მოუტანს მისი ნახვა? არაფერს. საბრალომ ისიც კი არ იცის, ჰყავს ვინმე თუ არა ხასანას? თუ უკვე ჰყავს ის ვილაც, მაშინ რაღაზე ელოდება? მაგრამ ხომ შეიძლება არავინ ჰყავდეს? მაშინ?.. ფიქრები ჭიანჭველებივით აირივნენ, თავგზა აუბნიეს. გული ჩაითხრო. დილით ადრე ადგება, საქმეს მიხედავს, მამას პირუტყვის გარეკვაში მიეხმარება, ისევ ქოხში დაბრუნდება, სამხარს გაამზადებს და თავისუფალია მერე. დაჯდება კლდის თავზე და გაჰყურებს გზას. ეს ის გზაა, საიდანაც ხასანა მოვიდა ბო-

ლოს. მთელი დღე ელოდება, საღამოთი ადგება და გულდაწყვეტილი წალასლასდება ქოხისკენ.

აგერ დღესაც ზის ამოჩემებულ ადგილზე. ფიქრებმა გაიტაცა და თავიანთ ნებაზე დააქანებენ აქეთ-იქით.

მზემ თავისი დაფანტული სხივები თითო-თითოდ წამოკრიფა, ერთხელ კიდევ თანაგრძნობით შეხედა ზარინას და ქედს მოეფარა.

ანგმაც მორეკა სამწყემსური, ბაკში დააბინავა და ქოხისკენ წამოვიდა. ჩვეულებრივად სიხარულით აღარ შეეგება ზარინა, მამას ელდა ეცა.

— შეილო, ზარინა, რა არის, ავად ხომ არ ხარ, დაღონებული მეჩვენები.

— არა, ბაბა, არც დაღონებული ვარ და არც ავად ვარ, — უხალისოდ უპასუხა ზარინამ.

— ნურაფერს დამიმალავ, ჩემო ერთადერთო, აგერ რამდენი დღეა, გამჩნევ, ხასიათზე არა ხარ.

ქოხის წინ გვერდით მოისევა შვილი ძანგმა. თავზე ნახად გადაუსვა ხელი.

— ბაბა გენაცვალოს, რამხელა გაიზარდე.

მამის ალერსმა გული აუჩუყა აფორიაქებულ ზარინას. უსაზღვროდ უყვარს მამა. იმასაც გრძნობს, რომ მამაც მხოლოდ მისთვის ცოცხლობს.

— ბაბა, ჩემო ბაბა, შენ მკითხე რატომ ვარ მოწყენილი? არ ვიცი. გული მიკენესის, მეტირება. მითხარი, ბაბა, როდემდის უნდა ვიხეტივლოთ, როდემდის ვმწყემსოთ სხვისი საქონელი?

დიდი ხანია ელოდა მამა ამ კითხვას. თვითონაც ბევრჯერ დაუსვამს ასეთი კითხვა, როდემდის უნდა ვდიო სხვის საქონელს, როდემდის უნდა ვტანჯო ერთადერთი შვილი. სამი-ოთხი წლის წინ რომ ვინმეს ეკითხა ეს, გასცემდა პასუხს ძანგი, მაგრამ ახლა პასუხის გაცემა არ შეუძლია.

იხუთი წელი გავიდა, რაც აგუნდა მყინვარში ნახა ჩაჩეხილი. სი-ცოცხლემ აზრი დაკარგა მას შემდეგ. შვილი აკავშირებს ამ წყეულ ქვეყანასთან, თორემ დიდი ხანია გაეცლებოდა. აღდარი ძანხოთი, რადგან მის კვალს მიაგნო, აღარ მოისვენებს. სადაც საკუთარი შვილი არ დაინდო, მით უმეტეს, არც მას დაინდობს. აუცილებლად მოუგზავნის მკვლელებს. ისიც ელოდება, და ამ შეხვედრისათვის ყოველთვის მზად არის. დღე ცალ ხელში თოფი უჭირავს, მეორეში — ყამა, ღამით კი ორივე სასთუმლად უდევს.

მაგრამ აღარ გამოჩნდა მისი დაუძინებელი მტერი. ძანგმა იფიქრა, ალბათ, აულში ჩემთან პირისპირ შეხვედრას ერიდებაო და ნახირი გაირეკა, მოწყდა ხალხს. აგერ სამი წელია, ყოველ ზაფხულს მართლმართო აქ აიბაღებს პირუტყვს. დარწმუნებულია, მოსისხლე მთებში აუცილებლად მოძებნის, ისიც ემზადება დასახვედრად. სანამ მტერი იარაღს ჩახმანხე შეაყენებს, ძანგი შიგ გულში გაუტარებს ხი-

რიმის ტყვიას. ავის მოლოდინმა სიფრთხილე შესძინა, ყველაფერს ექვის თვალით უყურებს, შთის წვერზე რომ იყოს, ხეობიდან ნაკადულს ჩქამიც კი ესმის. ის კი არა, ას წაბიჯზე თავგმა რომ გაირბინოს, არ გამოეპარება. ხმაურის გამოძწევებს თვალდახუჭული ცნობს. მაგრამ რა, ის არ ჩანს, ვისაც ელოდება. ეს კიდევ უფრო დიდ საგონებელში აგდებს. თითქოს 'ვანგებ, რომ უფრო გაალიზიანოს, იგვიანებს მტერი. გაავდა. ხანდახან ისეთ ჭკუაზე დგება, რომ ლამის ყველაფერი თავი მინანებოს და გაიქცეს. მაგრამ ასეთ დროს თვალწინ დაუდგება თავისი ერთადერთი იმედი ზარინა და ყველაფერი ისევ თავიდან იწყება.

აგუნდას შემდეგ ამ ქვეყანაზე ზარინასთვის დარჩა. ის არის მისი მემკვიდრე, იმედი, გამხარებელი და სიკვდილის დროს თვალების დამხუჭავი. დედის სილამაზე და სინაზე დაჰყვა ზარინას. ახლა იმიტომ უფრო ეშინია ძანგს, აგუნდასავით ისიც არ მოუკლან. იმიტომ დაჰყავს თან. აგუნდა ვერ დაიფარა, ზარინას კი დაიფარავს ხიფათისაგან? სამი წელია მთაში დაჰყავს მამას. ასე უფრო დამშვიდებულია. მაგრამ ახლა მისი შეკითხვა, როდემდე უნდა ვემალოთ ხალხსო, სადგისივით ეჩხვლიტა გულში.

— რა გითხრა, შვილო... ვიცი, მოგბეზრდა აქაურობა. შეწუხდი, შინ გაგიშვებდი, მაგრამ მეშინია.

— როდემდის მიყარაულებ, ბაბა, აქ?

— მართლაც და როდემდის? — კითხვაზე კითხვით უპასუხა შვილს.

— რომ იცოდე, ბაბა, როგორ მომბეზრდა ყველაფერი. დარდმა და ნაღველმა შემიჭამა გული. აულში ახლა ჩემი ტოლები მხიარულებაში ატარებენ დროს. მე კი აქ ნაღველი მახრჩობს. — ზარინას გული აუჩუყდა და ატირდა. მსხვილი ცრემლები მძივებევით დაეკიდა ერთმანეთს. ტიროდა, მაგრამ თვითონაც არ იცოდა, თავის უსიხარულო ახალგაზრდობას დასტიროდა, თუ გულში შეჭრილი უცნაური გრძნობა ატირებდა.

— ნუ, გენაცვალოს მამა, ნუ მაჩვენებ შენს ცრემლებს. თუ ძალიან მოგეწყინა, შინ წადი, — დედის სიკვდილის შემდეგ პირველად ნახა შვილი მტირალი და გული მოუკვდა. — წადი, შვილო, მე ძალას არ დავატან.

— წადი... მერე შენა? მარტო როგორ დაგტოვო, შენი დარდით იქ კი უკეთესად ვიქნები? არა, ბაბა, მარტოს ვერ დაგტოვებ, თუ წასვლაა, ერთად წავალთ. გეყო შენც ამდენი წვალება, შენ რომ რამე დაგემართოს, თავს არ ვიცოცხლებ. ყველაფერი ოხრად დარჩეს. წავიდეთ ერთად. რითიც სხვები ცხოვრობენ, ჩვენც იმით ვიცხოვროთ. ჩვენმა მტრებმაც დაგვივიწყეს, თორემ ხუთი წელი რას ელოდებიან. გამიგონე, ბაბა, ძალიან განვიცდი, იმათ ლოდინში რაღაცნაირი გახდნი. ხმელმა ბალახმა რომ გაიფაჩუნოს, შეხტები ხოლმე, სახე რაღაცნაირად დაგეძაბება და მე თვითონაც მეშინია. ძილშიც ასე ხარ, თუმცა როდის გძინავს?

სიმართლეს ლაპარაკობდა ზარინა. დაჭრილ მხეცს კვალში რომ ჩაუდგებიან და ქვის ჩრდილიც სიკვდილი ჰგონია, იმას დაემსგავსა დანგი. მტრის მოლოდინში ყველაფერი დაიფიქსა.

— ბაბა, ნეტავ ხასანა რატომ აღარ ამოვიდა? ხომ არაფერი ვაწყენინეთ?

ხასანას ხსენებაზე შეკრთა დანგი.

— გინდა, შვილო, რომ ხშირად იაროს ჩვენთან?

— ძალიან, ბაბა, მაგრამ არ ვიცი რატომ... სულ იმას დასტრიალებს ჩემი ფიქრი.

მამამ პირდაპირ თვალეში შეხედა შვილს. თითქოს ქურდობაზე წაასწრესო, გაწითლდა, შერცხვა ზარინას. დანგმა იგრძნო, მისი ქალიშვილის გულს სიყვარული დაუფლებოდა. გაუკვირდა. თითქოს გუშინ იყო, ხუჭუჭთმიანი, ანგელოზივით ლამაზი ზარინა მამას ხელში ატატებული რომ დაჰყავდა. თვალწინ წარმოუდგა ამ ხუთი წლის წინ საშოვარზე რომ აცილებდნენ დედა-შვილი. ზარინა მაშინ პატარა იყო. მამას კისერზე ჩამოეკიდა და ყურში უჩურჩულა, ლამაზი კაბა ჩამომიტანეო. მამამ თავისი ნებიერი ქალიშვილის სურვილი შეასრულა. მართლა უყვიდა ორი ლამაზი კაბა. მას შემდეგ აღარც გახსენებია ის კაბები, ალბათ, იმიტომ, რომ ზარინას ტანზე არასოდეს დაუნახავს. ან იქნებ ისე იყო გაოგნებული, რომ ვერც კი გრძნობდა, ამ ხუთ წელიწადში რა ხდებოდა მის გარშემო. აი ახლა გაიღვიძა და გაუკვირდა, ჭკასათხოვარი გამხდარა მისი ერთა. დამნაშავედ იგრძნო თავი, თუმცა რა მისი ბრალია, ასე უსაზღვროდ რომ უყვარდა აგუნდა და მისი დაკარგვით გამოწვეულმა მწუხარებამ ამ ქვეყნიდან რომ გარიყა. აი ახლა მის წინაშე პატარა ლერწამივით წვრილი გოგონა კი არა, მოწიფული ქალიშვილი ზის. ჰე, დრო მოუვიდა და სიყვარულმა თავისთავად მოძებნა. ბუნებას თავისი დაუწერელი კანონები აქვს და არავის ძალუძს მათი უარყოფა.

— ამოვა, შვილო, აი ნახავ თუ ხვალ-ზეგ არ გამოჩნდეს, — დაამედა შვილი და ნაზად აკოცა მხარზე.

6.

გავიდა ერთი კვირა. საღამოს დანგმა ფარა მოდენა. ხეობიდან ამომავალ საცალფეხო ბილიკს ორი ცაცი ამოჰყვა. ზურგზე ნანადირევი ეკიდათ. მიხვდა დანგი, რომ მომავლები მონადირეები იქნებოდნენ. ალბათ, ნადირობაში შემოადამდათ და ღამის გასათევს ეძებენ.

მონადირეები გასარჩევზე მოახლოვდნენ. ზარინამ სიხარულით შეჰკვილა.

— ბაბა, გაიხედე, ხასანა! — თავისი აცეტებისა შერცხვა ზარინას და ქოხში შევარდა.

მონადირეები მოახლოვდნენ. ძალლი ყუფით გაექანა მათკენ, მაგ-

რამ ხასანა იცნო და ლაქუცი დაუწყო. ძანგი წინ შეეგება. სტუმრები მიესალმნენ.

— მშვიდობა ნუ მოგიშალოთ ვასთირჯმა, ავსათი იყოს ყოველთვის თქვენი მფარველი. მობრძანდით, გიმპაპინძლებთ. ხასანა, ამხანაგი არ გამაყანო.

— ო, როგორ გამოვყრუედი... ძმა არის ჩემი, ბარსაგი.

— გადღეგრძელოს ღმერთმა, კეთილი იყოს ჩვენი გაცნობა. დაბრძანდით, დაისვენეთ. — ძანგმა ქოხის წინ ლოდზე მიუთითა. თვითონაც იქვე ჩამოჯდა.

— კოხტაპრუწა კაცი მალავს ნაცემი რომ არის, მაგრამ ჩვენ კი მართლა დავიღალეთ. — ჩაილაპარაკა ბარსაგმა და ძანგის გვერდით ქვაზე დაეშვა.

— იმ დღეს შენზე ვლაპარაკობდით, ხასანა! რომ აღარ გამოჩნდი, ვიფიქრეთ, ვაითუ რამე ვაწყენინეთო.

— მაწყენინეთ კი არადა... თქვენ უკეთ მოგეხსენებათ, ხელმოკლე ოჯახის პატრონს მოცლა არა აქვს.

— ჰო, ჩემო მზეო, ჰო. ზაფხულში მთიელს ერთი წუთითაც არა აქვს მოცლა. თუ არ იმარჯვა, ზამთარი უსასრულო და მკაცრი იცის მთაში.

— შინ მოიპატიეთ სტუმრები, ბაბა, — ქოხიდან გამოსძახა მამას ზარინამ.

— მპატიეთ, ძვირფასო სტუმრებო, ლაპარაკს შევეყ და... მობრძანდით, ძანგი წამოდგა.

— ხასანა, ნანადირევს არ მივხედოთ, ბიჭო? — შეაჩერა ბარსაგმა ძმა.

— აბა, რას ამბობთ, ისედაც დაღლილები ხართ, მერე კიდევ ჩვენში სტუმარს არაფერს ახარჯვინებენ.

— როგორ გეკადრებათ. ავსათი არ იძუნწებს, ხვალ კიდევ გაიმეტებს, — თავი გამოიღო ბარსაგმა.

ზარინამ აალაგა ვახშმის სუფრა.

კაცები ისევ ისხდნენ და ლაპარაკობდნენ.

— ძანგ, ხასანამ მითხრა, მამაჩემთან შეგობრობდით თურქე. ეს მიაღვილებს ლაპარაკს. წინდაწინ გთხოვ, ნურაფერი გეწყინება, ვიცი, ადამი დავარღვიეთ, მაგრამ მეტი გამოსავალი ვერ ვნახეთ. ოჯახში ჩვენზე უფროსი არა გვყავს, ვინ გამოგვეგზავნა? აი ჩემი ძმა, ალბათ, თავის ფეხმა მოიყვანა ბედთან. თქვენი ქალი შეუყვარდა. სამოყვროდ მოვედით. — ხასანა წესისამებრ ადგა და ქოხის კართან გაჩერდა. თუ თქვენ და თქვენი ქალი არაფერს უწყუნებთ ჩემს ძმას, დავულოცოთ ცხოვრების გზა.

ძანგი ჩაფიქრდა. ხასანას და ბარსაგის მოსვლა შემთხვევითი რომ არ იყო, გრძნობდა. ისიც იცოდა, რომ ზარინას უყვარდა ხასანა. გულის სიღრმეში თვითონაც ნატრობდა ხასანას სიძეობას. და ახლა ბევრი ფიქრი არ დასჭირვებია:

— ბარსაგ, შვილო, საკეთილო საქმეზე ხართ მოსულები, მე წინა-
აღმდეგი არა ვარ. თუკი ერთმანეთი უყვართ, ხელს როგორ შევეშლი,
ღმერთმა ორივე ბედნიერი ამყოფოს. ურვათი არ მიხსენო. ჩემს შვილს
არ გავყიდი. ციკნის ყურიც არ მინდა. ქორწილსაც მე თვითონ გადა-
ვიხსნი¹. არაფერი გამაჩნია, მაგრამ თუ რამეა, სხვა ვისთვის მინდა.
მხოლოდ, სანამ საქმეს საბოლოოდ გადავწყვეტდე, მინდა ჩემი ამბავი
გითხრათ. თქვენ ხომ არც იცით, ვინა ვარ. ყველაფერს გეტყვით... თუ
მაინც არ დაიწუნებთ, ჩემს ქალს, დაგლოცავთ.

ძანგმა თავისი ამბავი დაიწყო. არაფერი დაუმალავს. ყველაფერი
დაწერილებით უამბო ძმებს.

შუალამე გადასულიყო.

7.

ძანგმა ნახირი აულის მიდამოებში დაატრიალა. აქედან უფრო იო-
ლი იყო საქორწილოდ მზადება.

გამხიარულდა ძანგი. დაღარული შუბლი გადაეწმინდა. თვალებში
ჩამდგარი ნალველი თითქოს მონაბერმა ნიაგმა თან გაიტაცა. ისევ გა-
მოუჩნდა ცეცხლოვანი თვალები. იგრძნო, რომ მისი ცხოვრებიდან
ერთი ბედნიერი დღეა იყო დარჩენილი. მხოლოდ იმ დღეს ექნება
უფლება იმხიარულოს, იმღეროს, ქვეყანას გააგებინოს. რომ ბედნიე-
რია. მერე ყველაფერი შეიცვლება და თვალწინ წარმოუდგა, დიდი
ხნის ჩანაფიქრს როგორ განახორციელებს და რა მოჰყვება მას... თუმ-
ცა ამაზე ფიქრის დრო სად იყო. ქორწილისათვის ემზადებოდა.

ზარინას ქორწილისათვის მარტო ძანგი კი არა, მთელი ცარგასბა-
დანი ემზადებოდა. ძანგის გამხიარულებამ აული გაახარა, ამდენი წე-
ლია პირზე ღიმი არ მოსვლია. მის წუხილს მთელი ხალხი განიცდი-
და და აგერ ახლაც მის სიხარულს ყველა იზიარებს. ზარინას ბედნიე-
რება ახარებთ და ყველას უნდა რითიმე ასიამოვნოს. საქორწილო სამ-
ზადისში მონაწილეობა მიიღოს. გამოხადეს არაყი, მოადულეს ლუდი,
როგორც შეეძლოთ ძვირფასი საჩუქარიც მოუმზადეს საპატარძლოს.

ქორწილის დღეც დადგა.

მაყრიონი ქალის წასაყვანად დილითვე მოვიდა.

მეორე დღემდე არ ამდგარა ხალხი საქორწილო სუფრიდან. მთე-
ბი ხმას აძლევდნენ მექორწილეთა სიმღერას. ბევრი სამხიარულო სუფ-
რა გაშლილა ცარგასბადანში, მაგრამ ასეთი საერთო სიხარული, ალ-
ბათ, ეს ერთი იყო.

მზე საშუაღლეოდან მთვრალი კაცივით ბარბაცით დაეშვა თავქვე.

„ო, სიცოცხლის საწყისო, მზეო, დღეს ნუ აჩქარდები, დაე; გაგრ-
ძელდეს მხიარულობა. იცი, რამდენ ხანს ველოდი ამ დღეს? მეტს
ალარაფერს მოვიტხოვ ამ ქვეყნიდან. ნუ ჩქარობ, ცოტა ხნით მაინც
გამიხანგრძლივე ბედნიერება“. გულით შესთხოვდა ძანგი გულთამხი-
ლავს.

¹ ოსებში ქალის ქორწილის ხარჯიც სიძეს უნდა გაეღო.

მაგრამ ყველაფერს აქვს დასასრული. ზარინას ქორწილიც მიიწურა. ხალხი სუფრიდან წამოიშალა. ნაყრიონი წასასვლელად აჩქარდა, დღით გავცდეთ ხეობასო.

ძანგმა ხასანა და ზარინა დაიმარტოხელა.

— ხასანა, შვილო, გახსოვდეს, მკერდიდან გული ამოვიგლიჯე და შენ გაჩუქე. ნუ დამიჩაგრავ. ცრემლივით წმინდაა, ჩვილი ბავშვივით უმანკო და უეშმაკო, ადრეული გაზაფხულის ყვავილივით ნაზი გული აქვს. კარგი მეუღლე იქნება, თავლაფს არასოდეს დაგასხამს. ვაჟკაცივით ამოვიდგება გვერდში. შენ მხოლოდ გიყვარდეს, საცა შეცდეს — გაუსწორე, თუ არ იცოდეს — ასწავლე. ერთი სიტყვით, შენ იცი და შენმა კაცობამ.

— შენ კი, შვილო, ზარინა, ახალ ცხოვრებას იწყებ... ბედნიერად გამყოფოს გამჩენმა, შენ იცი, თუ არ შემარცხვენ. რაც იცი, ისხვასაც ასწავლე, რაც არ იცი — ისწავლე. დედაშენი რომ ცოცხალი იყოს და შენს ბედნიერებას უყურებდეს... როცა გაპირდება შეგხვდეს, დედა მოიგონე, იმან დიდი ადამიანობა გამოიჩინა. ცხოვრებაში ბევრი გაპირდება ნახა, შავრამ თავისი ლამაზი გრძნობის ერთგული დარჩა ბოლომდის. ნუ დაგავიწყდება, რომ იმ წმინდა ადამიანის შვილი ხარ.

— ბაბა, სიკვდილამდის მეხსომება შენი დარიგება. ნუ გეშინია, არ შეგარცხვენ, — ხმის კანკალით დაიწყო ზარინამ და ატირებული გულში ჩაეკრა მამას. — მაგრამ შენ როგორ იქნები უჩემოდ? ჩემო ბაბა, შენი დარდი მიმღევს, ვაითუ შარტოს გაგიჭირდეს, ან მე უშენოდ როგორ გავძლებ. მითხარი, ბაბა, იმედი მომეცი, რომ ხშირად მინახულებ.

— ჩემზე ნუ იღარდებ, ჩემო მზისთვალო, გინახულებ.

— კარგი, ბაბა, მხოლოდ ყოველთვის გახსოვდეს, რომ სულ გზისყენ მეჭირება თვალი, ხომ არ მომატყუებ, ბაბა, ზომ მოხვალ?

— მოვალ, ჩემო ერთადერთო, მოვალ. შენ ნუ იტირებ მხოლოდ. ცრემლები შეიმშრალე, არ შემიძლია ასე გაგისტუმრო, გული გამისკდება. აბა, შვილებო, მშვიდობის გზაზე გისტუმრებთ.

ძანგი ქალსა და სიძეს დაემშვიდობა და გვერდზე გადგა. გზა უტია მაყრიონს.

ხეობიდან აღარ მოაქვს ნიავს მქეპორწილეთა მხიარული სიმღერის გამოძახილი. დადუმდა ფანდირიც. კარგა ხანია აალაგეს სპორწილო სუფრა. ბინდი ნელ-ნელა შემოიპარა და თავისი მარადიული შავი ზეწარი გადააფარა აულს. დაბნელდა. ძანგმა კვარი ააბუტა. ოთახის შუაგულში გაჩერდა და თვალი შოატარა, თითქოს რაღაცას ეძებსო. ჟღერა სიცივე. იგრძნო. გაკვირდა, ეს ხომ ის ქოხია, სადაც თავისი ცოლ-შვილით ბევრი ბედნიერი და მხიარული დღე გაუტარებია. მოეჩვენა, რომ კედლები ყინულსა ჰქონია ბერდის ნაჩუქარ ქოხს და იგი ახლა ჰახჩახი გაუდით, სადაცაა დასკდება ყინული და ქვეშ დაიტანს დალილსა და გატანჯულ ძანგს.

საოცარია, როგორ უყვარდა ძანგს ეს პატარა სახლი, თავისი კერა

და იქიდან ავარდნილი ცისფერი ბოლი. აგერ კერიაზე ჩამოშვებული ჭაჭვი. ოჯახის ბარაქა და საფიცარი სიწმინდე. ახლა ჩირადაც აღარ უღირს ის ძანგს, ოჯახის გული, ბედნიერება და სიცოცხლე გაქრა და კერძის ჭაჭვი რკინის ნაფლეთების მეტი სხვა რაღაა.

კერიის ჭაჭვს თვალი მოაცილა. ახლა კედელთან მიდგმულ ფინგს შეხედა. ზედ ხაზიძგინები ალაგია, დოქით არაყი დგას. მ'აშინვე კალათში ჩაალაგა ყველაფერი და სასაფლაოზე ავიდა. ხაზიძგინები და არაყი აგუნდას საფლაოზე დაალაგა, ყანწი არაყით შეავსო და საფლავის ბორცვთან ჩაიმუხლა.

— მაპატიე, აგუნდა, ჯერ ხომ შენთვის შენდობა არ მოთქვამს... გული არ მძძვედა ნებას. "შენდობას მკვდარს ეტყვიან, შენ კი ჯერ გულიდან არ მომცილებინარ... დღეს კი სხვა დღეა, და ნათელში იყავ, სამოთხეში გქონდეს ბინა. ჩემო ჩამქრალო სიცოცხლე. გაიხარე, შეილი გაგვიბედნიერდა. რაც შემეძლო, არაფერი დაეკეცი. წავიდა, გამიფრინდა უკანასკნელი იმედი. ბედნიერი გვიმყოფოს ღმერთმა, იქნება ველარასოდეს ვნახო... ველარასოდეს... რა ვიცი, სად დამეწევა სიკვდილი...

უცბად შეება იგრძნო, თითქოს ამდენი წელი ხელფეხშებორკილი იყო და ახლა განთავისუფლდაო, მშვიდად ამოისუნთქა. საფლავს გვერდით მიუწევა. ამდენი ხანი გულში იმარბა ჯავრი. შეილი ჰყავდა გასაზრდელი, ახლა თავისუფალია. მის ზარინას კარგი პატრონი გამოუჩნდა. დადგა დრო, როცა ის პირისპირ უნდა შეხედეს მოსიხსლეს. ხანჯლის წვერით მოსთხოვოს პასუხი, ყოველივე იმისთვის, რა სიმწარეც არგუნა უდანაშაულო ადამიანებს. სიმწარე კი მართლა დასამახსოვრებელი იყო. ამდენი ხანია ჯავრი საარაყესავეთ დულს გულში და ხი დადგა დრო. დიდი ხანია ელის ამ დღეს. დაგვიანდა კიდეც. მოცდა აღარ შეიძლება.

— მშვიდობით, აგუნდა, ახლაც არა მჯერა, რომ შენ ციდან მოვლენილი ანგელოზი არ იყავ. შენი ცქერითაც ვერ გავძეხი. მაინც მადლობელი ვარ იმ მცირე ბედნიერი დღეებდა, რომლითაც შენ დამასაჩუქრე. დღეის შემდეგ შენს საფლაოზე აღარავინ მოვა. მივდივარ, შორს ვიქნები შენგან, ჩემი გზა წელამდე სისხლში გაივლის. ამქვეყნად თუ არა, საიქიოს ვინღა დაგვიშლის, იქ შევხვდებით მე და შენ. ჩვენი შეილძათვის ბედნიერება და სიკეთე სთხოვე ღმერთს. ნათელში იყავ! — და ამდენი წლის მანძილზე პირველად გამოწურა ორად ორი ცრემლი, რომელიც გაუპარსავ ლოყაზე გავარჯვარებული ნღვერდალივით დაგორდა. აეწევა კანი. ერთხელ კიდე დაიხარა, საფლავს მკლავები გადახვია, გულში ჩაიკრა და მერე თითქმის სირბილით დაეშვა აულისაკენ. გაბოსთან შეიარა და გარეთ გამოიზმო.

— გაბო, ჩემო ერთადერთო ძმაო, ვიცი, რომ ძალიან შეგაწუხე, ბევრი საქმე გქონდა ამ დღეებში. ქორწილს შენ მიეცი წესრიგი, მაგრამ მეტი გზა არა მაქვს, კიდე უნდა შეგაწუხო. ნუ დამზარდები, გთხოვ, ჩვემსა წამოდი, დიდი საქმე მაქვს შენთან.

„ამ შუალამისას ეს უბრალოდ არ გაირჩებოდა, რაღაც ამბავია“, გაიფიქრა ივანემ და უკან გაჰყვა.

ძანგმა კვარი ანთო. ოთახი განათდა. კერიაზე ცეცხლი გააღვია, გაბოს წინ ფინგი ჩამოდგა. ყველი, პური, ხორცი დაალაგა ზედ, არა-ყიც არ დააფიწყდა და თვითონაც გაბოს პირისპირ მოთავსდა.

— გაბო, ჩემი მარჯვენა შენა ხარ, ჩემო უმცროსო ძმაო, ამდენი სიკეთე გაქვს ჩემზე და უკანასკნელადაც ნუ დამხარდები, მეცი პატივი. გადაწყვიტე, ხვალ მთელი აული მოვიპატიყო. სასმელი ბევრი გვაქვს, საკლავიც. ერთი ჰედელია მოვიტოვე, ხვალ ბიჭები დაიხმარე, დაკალი.

— არაფერი მესმის, რამდენი დღე გქონდა გაშლილი სუფრა?

— მართალია, მაგრამ ის ქორწილის სუფრა იყო, — ძლივს ამოდერდა ძანგმა. — ეს სხვა არის, ბიჭო, აულს ვემშვიდობები, მაღლობა არ გადავუხადო?

— ემშვიდობები? ვის? როგორ ემშვიდობები?

— ისე, ვემშვიდობები ცარგასბადანელებს...

— რატომ, ძანგ, რა მოხდა?

— არაფერი, მივდივარ, ველარასოდეს განახვთ.

— გამაგებინე, სად მიდიხარ?

— შენ კარგა იცი, ივანე, გაბო, სისხლი მაქვს ასაღები. აჭამდე ვითმინე... ახლა დადგა დრო.

გაბო მიხვდა ძანგის გადაწყვეტილებას და მთელს სხეულში ავმა სიცივემ დაურბინა.

— ძანგ, ძმაო, ძალიან სასიფათო გზაზე დადგომა გიფიქრია. მართლს გაგიჭირდება, მეც მოვდივარ შენთან.

— შენი წამოსვლა შეუძლებელია, მოხუცი დედა, ცოლი, შვილები. გზა კი მართლა სასიფათოა. ხანჯლის წვერით უნდა გავიკვლიო სისხლიანი გზა. უშენოდ რა ეშველება შენს ოჯახს? მე ყვავივით მართლ ვარ. ერთი ცოგო მყავდა და თავისი ბედი იპოვა, აღარ შედარდება. შენ კი დარჩები, ყველანი ხომ არ დავიხოცებით!

იცოდა გაბომ, რაკი თქვა, აღარ გადათქვამდა ძანგი. ეს ამბავი დღეს კი არ მოსვლია თავში, დიდო ხნის გადაწყვეტილი აქვს.

— არ ვიცი, რა გითხრა, რა გძრწიო? ვიცი, რომ მაინც არ დამიჯერებ. გადაწყვეტილი გაქვს ყველაფერი, არაფერს შეცვლი. ერთსა გთხოვ, ძანგ, ძმაო, და ძმაზე ძვირფასო, ხვალ თუ გაგიჭირდა, სიძნელეს თუ წააწყდი, გაიხსენე, რომ ცარგასბადანში შენი უმცროსი ძმა ცხოვრობს და მზად არის შენს დაძახილზე სასიკვდილოდ გასწიროს თავი. არ დაივიწყო, ჩემი სახლი იგივე შენი სახლია.

— გმადლობ, მხოლოდ არავინ უნდა იცოდეს, სად მივდივარ. რა ვიცი, რა მოხდება, ჩემს ქალსა და სიძეს უსიამოვნება არ მივაყენო. ვიცი, ზარინა მომიკითხავს. უთხარი, შორს წავიდა, ძალიან გვიან დაბრუნდება-თქო.

თავზე დაათენდათ გაბოსა და ძანგს. ამდენ ხანს რაც ვერ თქვენს, ახლა გ'აანდეს ერთმანეთს. გრძნობს გაბო, ძმაზე უტკბეს ადამიანს უკანასკნელად ზედადს. ჰქამდე დიდი იმედი ჰქონდა მისი, ახლა კი წავა და გაბოს ქვეყანაზე ახლობელი აღარავინ დარჩება. გული ნაღვლით ევსება და ყელში მოჩრილ ტირილს დიდი ვაჰირვებით იკავებს. იცის, მისი უფროსი ძმა და მფარველი, წასვლისა და არდაბრუნების გზას დაადგა. ეს გზა ძალზე სახიფათოა, ან დაიღუპება და მის ცხედარს სადმე ნადირი დაძიძგნის, ან დაიქერენ და ციხეში ამოალპობენ. და გაბო ეთხოვებოდა ძანგს ისე, თითქოს მიცვალებულს ეთხოვებო.

ძანგმაც იცის, რომ გაბოს ველარასოდეს შეხვდება, ისიც იცის, ცხოვრების ძნელ გზაზე ასეთ ძამაც, ერთგულსა და სანდო მეგობარს ვერასოდეს შეიძინეს. სიყვარულით სავსე მზერას არ აცილებს ძმობილს, თითქოს უნდა. სამუდამოდ გულში ჩაიბეჭდოს მისი სახე.

მთელი ღამე კერიაზე ცეცხლი ბრიალებდა. დაე, იგუგუნოს კერიაში, უკანასკნელად ადის ძანგის სახლის ერდოდან კვამლი. ხვალ ამ ერდოდან ავარდნილ კვამლს ველარავინ დაინახავს. გაპარტახდება სლონათი ბერდის ნაჩუქარი ძანგის სახლი. როგორც ოცი წლის წინ იყო ზანგი უსახლკარო, ისევე ისე დარჩება ახლაც. ამიერიდან ღამის სიბნელე საბანი იქნება მისი, ხის კუნძი — ბალიში. ღმერთმა იცის, სად დაეწევა სიკვდილი.

დილით გაბომ ბიჭები დაინხარა. ისუფრა გაშალეს, მთელი აული მოიპატიეს. არც მოხუცი დატოვეს და არც ბავშვი. არავინ იცოდა, რა ხდებოდა. უმეტესობამ იფიქრა, ძანგს ქორწილიდან მონარჩენი ხორავით ისევე აულის პატივისცემა გადაუწყვეტიაო და მხიარულად მიუხსნდნენ სუფრას. ბრძენაკმა ილასმა რამდენიმე საღლეგრძლო რომ ჩაატარა, სიტყვა ძანგმა ითხოვა, სავსე ყანწი ასწია და დაიწყო:

— ილასა, აულის სინდის-ნამუსო, ცომითი, გალუანთი და სლონათი გვარის საპატიო უხუცესნო, საერთოდ ცარგასბადანელებო, სუყველას წინაშე თავს ვიხრი. მადლობას ვინდით ყველაფრისათვის. ამ ოცი წლის წინ მე და ჩემს მთელს ბედი ასკილის ეკლიანი სახრით ჰქამდე მოგვყვა. თქვენს თბილ უბეს შევეფარეთ. დიდმა და პატარამ დახმარების ხელი გამოგვიწოდეთ. თქვენს გვერდით დავსახლდით. რითაც შეგეძლოთ გვეხმარებოდით და მე პირველად თქვენს შორის ვიჭრქენი, რომ ჩვეულებრივი ადამიანი ვიყავი. მე და ჩემმა საბარლო აგუნდამ თქვენს შორის გავატარეთ ჩვენს ცხოვრებაში ყველაზე ღამაში, ყველაზე ბედნიერი დღეები. და მადლობას გიძღვნი — იმ ბედნიერი და განუთმორებელი დღეებისათვის, თქვენი კეთილი გული-სათვის, დაუყვედრებელი პურ-მარილისათვის. იმისათვის, რომ მაგრძნობინეთ, მეც ადამიანი ვარ და ამ ქვეყანაზე ცხოვრების უფლება მაქვს. გმადლობთ კეთილი სიტყვისთვის, კეთილი ღმობისთვის, გულთბილი მოპყრობისთვის. გმადლობთ ჩემს მწუხარებაზე დაღვრილი გულწრფელი ცრემლებისთვის, იმისთვის, რომ თქვენს სასაფლაოზე, თქვენი ძვირფასი მიცვალებულების გვერდით ჩემს მთელსაც

მიუჩინეთ სამუდამო სამყოფელი. მჯერა, ხვალ თქვენს მიცვალებულებს შენდობას რომ ეტყვი, არც ჩემს საბრალო აგუნდას დაივიწყებთ. თქვენი პუჩით, თქვენი სასმელით, წყაროს წყლით იმასაც მოიხსენიებთ. მადლობელი ვარ, რომ ჩემი ზარინა თქვენს კერაზე დაიბადა და თქვენვე გაათხოვეთ. ვიცი, რაც შემეძლო იმდენი პატივი ვერ გეცით. იმიტომ კი არა, რომ უყურადღებო და ზარმატი ვარ, მეტის გაკეთების საშუალება არ მქონდა და ნუ დამემღურობით. დღეს თქვენგან მივდივარ. ვაითუ ველქრასოდეს შევხვდეთ... ცუდად ნუ მომიგონებთ. სანამ ცოცხალი ვიქნები, სანამ თვალში სინათლე მექნება და პირში სული მედგმება. არასოდეს დაგივიწყებთ. მაპატიეთ, რომ თქვენს პირუტყვს უმწყემსოდ ვტოვებ. სამწყემსურის ფასს არ მოვიტხოვ, გადახდილი გაქვთ კეთილი გულის სითბოთი. კიდევ და კიდევ დიდი მადლობა ყველაფრისთვის.

დამეხილივით დარჩა ხალხი. ხმა ვერავენი ამოიღო. თავები დაეხარათ და ტიროდნენ, რადგან გრძნობდნენ, რომ ძანგი მათ სამუდამოდ ემშვიდობებოდა.

— რა ვითხრათ, ძმობილო, — გვიან მოახერხა ილასამ ხმის ამოღება, — შენი ნებაა. უჭკუო არა ხარ. შენ უკეთესად იცი შენი საქმისა, მაგრამ თუ იმ აულის აზრი გაინტერესებს, სადაც, როგორც შენ თვითონა თქვი, ყველაზე ძვირფასი, ლამაზი და ბედნიერი დღეები გაატარე, გეტყვი, არ გვინდა შენი წასვლა.

— არ გვინდა!

— არ გვინდა!

გაისმა ხალხის შეძახილები.

— მეტი გამოსავალი არ არის, ჩემო ძვირფასო მეზობლებო, ბარემ მე და ჩემს შეუღლებს თქვენთან ყოფნა არასოდეს მოგვებზრდებოდა, სიბერემდის თქვენთან დარჩენა გვქონდა გადაწყვეტილი... მაგრამ ბედისწერას რა ვუთხრა. მე კი ჩემი განზრახვა სისრულეში თუ არ მოვიყვანე, საფლავშიც ვერ მოვისვენებ. მაპატიეთ...

მეორე დილით ხალხმა ხეობის ბოლომდე მიაცილა ძანგი.

იმ წელს მთელ ოსეთს მოედო ამბავი, ვილაც ყაჩაღი ყასაი გამოჩენილა, ელოთი აღდარის ჯავრი სკირებია და სახლში მისჭრიაო. აღდარი არ მოუკლავს, მაგრამ მისი ქონება ცეცხლისთვის მიუტია. მერე თავისსავით თავზე ხელაღებული ყაჩაღები შეუკრებია და აღდარებისა და მთავრობის კაცებს. და საერთოდ ყველას, ვინც ღატაკებსა და ხელმოკლე ხალხს ჩაგრავს, რისხვად მოველინაო. ის კი არა, გორის მანრის უფროსს დამუჭრებია. ვინ იცის. რას არ ამბობდნენ. მოჯადოებულთა, ტყვია არ ეკარებო. ხალხმა უნახავად შეიყვარა და საოცარი ლეგენდები და სიმღერები შეთხზა მასზე. მისი სახელი, მოხერხება და ვაჟყაცობა ეკერა ყველას პირზე. ახალგაზრდებმა ხომ ხატად გაიხადეს, ცარგამბადანშიც აიტანეს ამბავი, მაგრამ გაბოს მეტმა არავინ იცოდა, ვინ იყო ყასაი. დიდხანს ქუხდა მისი სახელი, მასზე შეთხზული სიმღერები და თქმულებები სამუდამოდ დარჩა ხალხში.

დროის გოგბალი კოვლი ბაბივით მიბორობს.

1.

მთელმა სოფელმა მოიყარა თავი ხასანასა და ბარსაგის ქორწილში. ბევრი საქეიფოდ და სამხიარულოდ კი არა, იმისათვის მოვიდა, რომ თვალი მოეკრა ხეობის რჩეული ქალების დამწუნებელი ძმების გულის სწორათათვის.

გათენებისას ხეობიდან თოფის ხმა მოისმა. ბარსაგის მაყრიონი მოდიოდა. მალე მთის აქეთა პირიდანაც იჭექა თოფმა. არც ხასანამ დააგვიანა. როგორც დათქვეს, ძმებს აულში მოსვლა ერთიმეორისათვის თოფის სროლით უნდა ეცნობებინათ, ოჯახში რომ ერთდროულად შესულიყვნენ.

აული შეიძრა. ახალგაზრდობა ზოგი ბარსაგის შესაგებებლად გაიქცა, ზოგი ხასანასი.

მალე ეზოში შეხვდნენ ძმები ერთმანეთს.

ოჯახის დედა ყიზმიდა და ბესოლანთ გვარის უხუცესი წარმომადგენელი ძაქო წინ მიეგებნენ მექორწილეებს. ფარდიგმა და ზარინამ თავები დახარეს. ერთი ერთმანეთზე პირმშვენიერნი და ტანადნი სამოთხის ბაღიდან მოფრენილ მტრედებსა ჰგავდნენ. ყიზმიდა თვალს ვედარ აცილებდა რძლებს და მეტისმეტი ბედნიერებით ტიროდა.

— კარგი ფეხი მოგეტანოთ, შვილებო. ქვეყნად ყველაზე ბედნიერი ქალის ბედი მოგცეთ დედა ღვთისმშობელმა, — დალოცა ძაქომ რძლები.

საქორწილო რიტუალის შესრულებას შემდეგ ტოლებმა ფარდიგი და ზარინა შინ შეიპატიეს.

ბევრი სინარულს მომსწრეა თედოთიყაუ, მაგრამ ასეთი ბედნიერება არ ახსოვთ აქაურებს.

— ღმერთმა შეძლება არ მისცა ცოფანას ვაყებს, თორემ ვაყეცობა და ბედნიერება უხვად უწყალობა, — ამბობდნენ ერთნი.

— შეხედეთ, შეხედეთ, ბედნიერებით გაბრწყინებულ სახეზე მზე და მთვარე დანათით, — პასუხობდნენ მეორენი.

— საწყალი ყიზმიდა, რამდენი გაჭირვება გამოიარა, მაგრამ მადლობა ღმერთს, დაუფასდა. ახლა ნამდვილად ბედნიერია.

გულით უხაროდა აულს. მექორწილენი მხიარულობდნენ. ცეკვასიმღერა აღარ წყდებოდა. ფანდირის ჰანგები შორს, ხეობაში იკარგებოდა.

ფარდიგი და ზარინა პირველივე დღიდან დებივით შეეწყვნენ ერთმანეთს. ერთი წუთითაც ვერ ძლებდნენ უერთმანეთოდ. ფარდიგი მოხერხებული და უფრო გამბედავი იყო. ზარინა ძალიან მორცხვობდა და იმის შიშით შეეცდომა არ მომივიდესო, განმარტობას ცდილობდა. შინ ყველაფერი ემარჯვებოდა, მაგრამ ახლა ხალხში რომ გამოვიდა, შეკრთა. ის, რაც მისი ტოლებისთვის სრულიად ჩვეულებრივი საქმე იყო, ზარინა პირველად ხედავდა და ცხადია, ისე მოხერხებულად ვერ საქმობდა, უჭირდა ახალ გარემოსთან შეგუება და ტყეში გზადაბნეული ბავშვივით ღონდებოდა. ხანდახან, როცა ძალიან გაუჭირდებოდა, თავიანთი ქოხი აგონდებოდა, მამა ენატრებოდა. უნდოდა გაქცეულიყო, მაგრამ მაშინვე ხასანა დაუდგებოდა თვალწინ და ის აჩერებდა.

პირველ ხანებში ხალხის ლაპარაკზეც კრთებოდა, განსაკუთრებით თუ ხმამალა ვინმე დაილაპარაკებდა, შეშინებული შველივით დაფრთხებოდა და გაქცევას დააპირებდა.

ბარსაგმა ფარდიგი გააფრთხილა.

— ფარდიგ, თუ გიყვარვარ, ნურაფერი გაგიკვირდება ზარინასი. მარტოდ არის გაზრდილი, დედა არა ჰყავდა, ყველაფერი მოთმინებით ასწავლე. ისე აზრიანი ჩანს, ნუ გეშინია, დიდხანს არ გაგაწვალებს. ნუ დაიშურებ ენერგიას, რაც ქალმა ჯნდა იცოდეს, ასწავლე.

ფარდიგს ბარსაგის გაფრთხილება არ სჭირდებოდა, ისედაც მოთმინებით ასწავლიდა საოჯახო საქმეს, არც ყიზმიდა ედიდგულებოდა რძალს. პირიქით, ობლად გაზრდილი შვილივით შეიყვარა. ისე აჩვევდა საქმეს, როგორც დედა ახალფეხადგმულ ბავშვს საიარულს.

ერთ დღილით გარიჟრაჟზე გაეღვიძა ხასანას. არაჩვეულებრივი მელოდია ავსებდა მიწურს. ხასანა ლოგინში წამოჯდა. თვალებს არ დაუჯერა, ფანჯარასთან ზარინა იდგა. ოქროსფერი თმის ტევრი კოჭებამდის ჩამოშლოდა. იგი თავდავრწყებით მღეროდა. ასეთი სიმღერა, ალხათ, არასოდეს მოუსმენია ადამიანს. თითქოს ათასი ფრინველის ჭიკჭიკი შთის ნაკადულის ლიკლიკს შეუერთდა; თითქოს ხის ფოთლები რალაც მეტად მნიშვნელოვანზე ჩურჩულებდნენ, ანდა ყელყელა ყვავილს საცოლვე ბიჭივით უვლიდა გარს ფუტკარი, ან კიდევ ბულბული ზუღეში დაბრუნდა და სინარულის ნიშნად ბარტყები აფრთხილდნენ.

მღეროდა ზარინა. მღეროდა იმ სიმღერას, ბავშვობიდან რომ შეისისხლბორცა. ღრმად ჩაიჭვდა გულსა და გონებაში, სიმღერა, რომელიც ასე ახლობელი და მშობლიური იყო.

ხასანა მოჯადოებულებით გაითანგა. უცნაურმა მელოდიამ თითქოს ზეცხო სამყაროში გადაისროლა. დადუმდა ზარინა. ხასანა ბურანიდან გამოეჩრკვა. ლოგინიდან ფრთხილად წამოდგა, ზარინასთან მივიდა და გულში ჩაიხუტა. მერე თავი გადაუწია და ზღვისფერ თვალებში ჩახედა:

— რაზე ნაღვლობ, ზარინა, ჩემო ყველავე. რატომ არ მეტყვი, რა გაწუხებს?

ზარინა ტიროდა.

— მამა ხომ არ მოგენატრა, ზარინა?

ზარინამ ტირილს უმატა და 'სლუქუნ-სლუქუნით თქვა:

— ძალიან, ხასანა, მეტი აღარ შემიძლია. რატომ არ ჩამოვიდა, ხომ შეგვპირდა...

— ალბათ, ვერ მოცალა. მოდი ჩვენ თვითონ ვეწვიოთ. პა, რას იტყვი, ზარინა?

ნაწვიმარზე თითქოს მზემ გამოანათაო, ისე ეკიბადრა ზარინა.

— დღესვე წავიდეთ, ხასანა, გენაცვალე. წუხელ ავი სიზმარი ვნახე: ვითომც მამა დათვის დაეტორა.

— სიზმარს რა ჰქუა აქვს, ადამიანი რაზედაც ფიქრობს, სიზმრადაც ის ელანდება... დღესვე წავიდეთ, გენაცვალე. — დაამშვიდა ზარინამ ზარინა, რომელიც მალულად იშრალეებდა ცრემლებს.

ხასანამ შინაურებს უთხრა მთაში მივდივართო და წასასვლელად გაეშხადნენ.

ზარინა გახალისდა. ქურციკოვით შირბოდა აღმართში, ქოხში პირველმა შეიბრინა. მაგრამ თავზარი დაეცა. იქაურობა არეულ-დარეული დაუხვდა. ყველაფერს ეტყობოდა, რომ აქ დიდი ხანია აღარავინ ცხოვრობდა. რომელიღაც დაუპატიჟებელი ნადირის სტუმრობას თავის კვალი დაეჩნია ქოხისთვის. კედლებზე გაკრული და იატაკზე დაფენილი ტყაფები ერთიანად დაეფლითა. ყოველივე ეს ერთი თვალის გადავლებით შეამჩნია ზარინამ. გული გაუჩერდა, ძარღვებში სისხლი გაეყინა. ასე დარჩა ერთხანს. მერე თავში ხელი წაიშინა და მოჰყვა მოთქმას.

— გაგვციებია კერა, ბაბა!.. გარეთ გამოვარდა. ქოხის გვერდით დიდ ლოდზე შედგა და მისი კოვილი მთელს ხეობას მოედო.

— ბაბა!.. ბაბა!.. მე მოვედი, შენი ზარინა! სადა ხარ, ბაბა?!

პასუხი არავინ დაუბრუნა. მიხვდა თავის უბედურებას ზარინა. ისევ ქოხში დაბრუნდა და მისი მოთქმა ხეობაში დაქანებული მდინარის ღრიალს შეუერთდა.

ხასანაც ხედებოდა, რომ რალაც უბედურება შეემთხვა ძანგს, მაგრამ ზარინას როგორ ეტყოდა ამას.

— უკანასკნელად რომ ვნახე, მითხრა მთებს იქით მეგობარი მყავს და იმასთან ვაპირებ წასვლასო. ალბათ, იქ წავიდა... — ვითომდა დაამშვიდა ზარინა.

3.

გაზაფხულის პირს ყიზმიდამ ხაზმუზიანობა დაიწყო. მერე ავადმყოფობა ისე მოერია, ლოგინად ჩააგდო. დღითი დღე ილეოდა ნაჭაფი დედაკაცი.

გათენებისას დალია სული. გამწარდა ოჯახი. ხასანა და ბარსაგი ცხარე ცრემლებით დასტიროდნენ გაცივებული დედის ცხედარს. ფარდიგი და ზარინაც გულამოსკვნით მოთქვეამდნენ.

დიდი მწუხარებით მიაბარეს დედა მიწას.

მერე დაიწყო წლიდან წლამდე ქელებები. გაიხიწნა ოჯახი, მაგრამ წესს ხომ არ დაარღვევდნენ. დედას წილს ხომ არ დააკლებდნენ.

ფარდიგსა და ზარინას დააწვა ოჯახის სიმძიმე. დღე და ღამეს ასწორებდნენ რძლები, რომ დედამთილის დანაკლისი შეევისოთ.

ყიზმიდას წლისთავზე ფარდიგს ბიჭი ეყოლა. სახელად ხსართავი დაარქვეს, ახალშობილმა ოჯახში უსაზღვრო სიხარული შემოიტანა.

ბარსაგი და ხასანა ისევ ნადირობდნენ, მაგრამ ყოველთვის როდი უმართლებდათ. იმ დღეს მყინვარზე ავიდნენ, ჯიხვი ჰყავდათ შეგულელებული, მაგრამ ამინდი მოულოდნელად აირია, ისეთი სქელი ნისლი ჩამოწვა, თვალთან მიტანილი თითი არ ჩანდა. ძმები კლდეს შეეფარნენ.

— ასე ცხოვრება აღარ შეიძლება, ბარსაგ, ნადირობით კაცი ოჯახს ვერ დაარჩენს. თანაც ხომ ხედავ, ყოველთვის ხიფათი სდევს მონადირეს. აქამდის ერთი დედა გვეყავდა სარჩენი და იოლად გავდიოდით, ახლა? ხუთნი ვართ უკვე. კიდევ გვეყოლება ბავშვები, ხომ ხედავ, ჩვენს მამულში მოყვანილი პური შუა ზამთრამდეც არ გაგვდევს.

— მეც ვფიქრობ მაგაზე, მაგრამ გამოსავალი რომ არ ჩანს.

— მიწა უნდა ვიშოვოთ.

— კარგი იქნება, მაგრამ საიდან? ჩვენი მთების კალთებზე ყველა სავარგული მტკაველობით არის გაზომილი. ზედმეტი არავისა აქვს.

— დოთისა და ყუნცელს აქვთ.

— აქვთ, მაგრამ ჩვენ რა?

— მუქთად არ მოგვცემენ, მაგრამ იქნებ ყიდვით...

— მერე რითი აპირებ ყიდვას?

— ამბობენ, მთებს იქით, სადონში, მადანი უპოვიათო, იქნებ წავსულიყავით, იქ ვიშოვით ფულს.

ბარსაგს ჭკუაში დაუჯდა ხასანას წინადადება.

ყუნცელი არ დათანხმდა მიწის გაყიდვაზე. არც დოთიმ ამოალებინა ხმა. ის კი არა, დოთიმ ხასანას შავი დღე დააყარა, სოლიმი რომ არ შესწრებოდათ, შეიძლება უხიფათოდ ვერც გადარჩენილიყვნენ.

— აგერა ღორღიანი, შეაბით თქვენი ღამაში ცოლები და მოხანით, მამული გექნებათ. მე გასაყიდი მიწა არა მაქვს, — ჯოხი მუქარით გააქნია დოთიმ, — უყურეთ ამ მშვიერი ცოფანას შეილებს. მიწა მოუნდათ. შინ კატა არას შეუტამთ, ამ უღლეურებს და მიწის ყიდვა მომინდომეს. ალბათ არ იცით, რომ მიწა თავისი წონა ოქრო ღირს.

— რა გაყვირებს, დოთი, თქვი, რომ გასაყიდი მიწა არა მაქვს, რას ილანძლები. ცოფანას შეილებს შეიძლება გვიჭირს, მაგრამ იქამდის არ დავცემულვართ, რომ ცოლები შიმშილით დავხოცოთ.

— მაგით რის თქმა გინდა, ნაბიჭვარო! — თითქოს ბლაგვი დანა გაუყარეს ყელშიო, ისე იღრიალა დოთიმ.

— გამგებმა გაიგოს, — უკან აღარ დაიხია ხასანამ.

ეს სიტყვები ტყვიასავით მოხვდა დოთის. მისმა ცოლმა ყორიანამ დიდხანს იავადა, დოთი რომ დარწმუნდა, ყორიანა ველარ გამოკეთდებოდა, პურს აღარ აჭმევდა. სიცოცხლეს უმწარებდა, მაგრამ ყორიანას სული კბილით ეჭირა, არც კვდებოდა. ღამე ლოგინიდან წამოფოფხდებოდა, კიღობნამდის დიდი გაჭირვებით მიცოცდებოდა, ერთ პურს ამოაძრობდა და ისევ უჩუმრად შეცურდებოდა საწოლში. დოთიმ გაუგო. ერთ დღეს პურზე უტუნა დაუყარა. ყორიანამ ღამით ჩვეულებრივად მოიპარა პური და კარგა მადიანად მიიძღა. დღემდე იბორგა, დილით თავის ცოდვა ქმარს დაუტოვა და თვითონ ბედისმწერალს მიაბარა სული.

დოთიმ მეორე ცოლი მოიყვანა.

ახლა ხასანამ თავისი სიაყვაცე რომ წამოაძახა, სიბრაზით გაფითრდა.

— ვინც მოსაკვდომია, ის რითივე მოკვდება, ძაღლისშვილო! მაგრამ შენ რაღა გალაპარაკებს, რომელმაც არც ის იცი, რა გვარი ხარ და არც ის — ვისი ლეკვი ხარ. ჩვენი აუღლს ძაღლებსაც კი ჩემი ლუქმა ასულდგმულებთ და საკუთარ ცოლს შიმშილით რად მოკვლავდა? შე უთვისტომოვ, შენა!

— ვისი გვარისა ვარ, ეგ ერთმა ღმერთმა იცის მხოლოდ და თუ კიდევ გიხსენებია ჩემი დედ-მამა, მერე შენი უფროსობაც ველარ გიხსნის! — დააკვესა თვალები ხასანამ და ხელის თითები ხანჯლის ტარს შეადუნდა.

— გასწი აქედან, თორემ იქნება შენი ცხედარი წავალებინო ჩემი ეზოდან.

— რას დაერიეთ ერთმანეთს, აღარა გრცხვენიათ, მთელი აული თქვენ გიყურებთ.

— მართალი ხარ, ხოლიმ, მორიდებაა საჭირო, მაგრამ უფროსი როცა ღირსი არ არის პატივისცემისა?

— შენც შვილი ხარ რაღა, ვილაც ნაბიჭვარი, აგერ რამდენი ხანია, თავისსავე ეზოში უყევს მამაშენს და ვითომ არც გესმის. — დოთიმ ჯავრი შვილზე იყარა.

აი ახლაც, ხასანა მოვიდა. დოთიმ როგორც ფიცხმა და თავშეუკავებელმა, ვერ გაიაზრა თავისი მოქმედების შედეგი და კარგი საქმე სულ უბრალოდ ჩაშალა. მამას ეს შეცდომა აღარ აპატიო სოლიმმა და უსაყვედურა:

— მჩხავანა კატა რომ თავგუს არ იჭერს, არ იცი შენ?

— რად ამბობ მაგას, უდღეურო?

— მთელ აულს მუშტებით რომ ელაპარაკები, რას შიალწევ მაგით?

— რასაც მე შივალწიე, იმას შენც შივალწიე და მერე ვილაპარაკოთ.

კოთ.

— ჰკუთით არაფრისთვის მიგიღწევია და ჯობით მიღწეული უი-
შედლოა.

— ჰა, გისმენ, მითხარი, რა სიბრძნე მოგივიდა შავ ლაყე თავში.

— დღეს მთაში ვიყავი, მოჭამაგირეებს ჩვენი საქონელი ტიალად
მიუტოვებიათ და გაქცეულან.

— უჰ, იმათი... რატომ არ დაეხოცე გუშინ!

— სიკვდილი რომ არ უნდოდათ, იმიტომაც გაიქცენ. გთხოვეს
ორიოდე დღით შინ გაგეშვა, მთელი წლით მისდევენ შენს ფარას ყიზ-
ლარში, ვინ იცის, რა შეემთხვევათ, უნდოდათ ცოლ-შვილი ენახათ,
შენ ცივი უარი უთხარი, ის კი არა, ჩხუბი გაუმართე. რა მოიგე ამით?
ისა, რომ დღეს ჩვენი ცხვარი უმწყემსოდ დარჩა. ვინ წააგო, შენ თუ
შენმა მწყემსებმა? რა თქმა უნდა, შენ! ისინი სამუშაოს სხვაგანაც
იშოვიან, შენ კი მწყემსად არავინ დაგიდგება.

— შენი აზრით რა უნდა მექნა?

— იცი რა? მე ვფიქრობ, ათ დარტყმას ერთი კარგი სიტყვა სჯობს.
ენა რაც უფრო რბილია, უკეთ ჰრის, ცხვარი თუ ერთხელ დააფრთხე,
ახლოს აღარ მოგეკარება, მაგრამ ხელისგულზე თუ მარლის გაალო-
კიებ, ცხრაპირ ტყავს აგაძრობინებს. ტყუილუბრალოდ აწყენინე ცო-
ფანას ვაჟს.

— კი, კი. ბოდიში მე უნდა მომეხადა!

— მაგით შენ არაფერი დაგაკლდებოდა, პირიქით, სიმაღლე მოგე-
მატებოდა. ეჰ, რა გითხრა, ბედი თავისი ფეხით მოგადგა კარს და
შენ ხელი ჰკარი.

— რას მიჰქარავ, არ გესმოდა რეებსა ჩმახავედა, ცარიელი ხელით
მიწას ყიდულობდა, ძაღლის შვილი!

— ცარიელი ხელით რომ იყო, საქმეც მაგაშია, ფასს მოსთხოვდი
და სანამ ისინი ვალს გადაიხდიდნენ, შენი მიწის საფასურს ცხრაჯერ
ამოიგებდი. ბადეში ფუტკრის გაბმა ადვილია, თავის დახსნაა ძნელი.
შენ კი რა გააკეთე, ბადეში გაბმული გყავდა და ხელი ჰკარი. ის რა-
ღაცეები რომ წამოგაყვედრა, ისიც შენი ბრალია. არადა, რა გითხრა
ისეთი? დედაჩემი რომ შენ მოკალი, ეგ მეც ვიცი და სულაც არ გამ-
ტყუნებ. ხელს აღარ გაძლევა და მოკალი. მაშ რა გექნა? შენ ცოლი
ფინდოდა, ხომ მოიყვანე კიდევ უფრო ახალგაზრდა, ლამაზი.

დღითი გაოგნებული დარჩა. იგი თვალებდაჰყეტილი უსმენდა
შვილს. უკვირდა, აქამდის დოყლაპია, უსუსური და ჰკუანაყლები რომ
ეგონა, თურმე სულ სხვა ყოფილა. წინათ ეგონა, რომ მოვკვდები სო-
ლიში ჩემს ქონებას ერთ წელიწადში დაანიავებსო და ამაზე ძალიან
დარდობდა. მეორე ცოლის მოყვანაც ძმითომ დააჩქარა. იქნებ, შვილი
მეყოლოსო. და აი თურმე, როგორი ყოფილა სოლიმი, იხტიბარი 'მა-
ინც არ გაიტება დღითი.

— გასაყიდი მიწა არა მაქვს, გაიგე!

— გაქვს... აგერ ჩვენი ნაფუძრის თავზე ქვის დასაყრელს რომ
ეკაძხით.

— ქვის დასაყრელი? მერე?

— ჰო, ის მიეცი, მხოლოდ ფულზე არა.

— მაშა?

— ხომ გითხარი, ცხვარი ტიალად არის-მეთქი, ქვის დასაყრელში კი ქვის მეტი არაფერია. ისინი გაწმინდენ. ოდესმე მზა მიწა კი ისევ ჩვენი იქნება. სამ წელიწადს ორივემ რომ ჩვენი ცხვარი მწყემსოს, თითო ქვა თითო თოხლად იქცევა. ორნაირად მოვიგებთ.

დღითი სიხარბით თვალეები ააპარპალა.

— მართალი ხარ, შვილო. ეგ სულ არ მომსვლია აზრად.

— ჰკუა უნდა მოიხმარო, ბაბა, ჰკუა. თუმცა მე არ ვამბობ, რომ შენ უქკუო ხარ. მაგრამ ზოგჯერ მეც მომიხმინე ხოლმე.

— არ დაგიმალავ, გამახარე, სოლიმ. არ მეგონა, რომ ასე ჰკვიანი იყავი.

— ჩემს ამბავს შემდეგ გაიგებ, ბაბა, შენ მხოლოდ ნება დამრთე, ვიმოქმედო, მე ვიცი, რასაც ვიზამ! — მუშტი ზე აღმართა სოლიმმა, თითქოს ვილატას ემუქრებო.

— გუშინ მამაჩემს რად წაეკიდე, ხასანა? როგორ შეიძლება, მე-ზობლები გართ. — ვითომ სხვათა შორის ჩამოუვლო სიტყვა სოლიმმა ხასანას.

— რა ვუთხარი უკადრისი? თუ არა აქვს გასაყიდი მიწა, თქვას ადამიანურად, შეურაცხყოფას რაღად მაყენებს?

— აპატიე, ხასანა, მამაზე ცუდი არ უნდა თქვა, მაგრამ რა ვქნა, მაინც ვიტყვი, ეგეთი ავყიაა, თანაც ხარბი, გაუმაძღარი. იმაზე, რაც დედაჩემის შესახებ თქვი, მეც რაღაცას ვეძვობ და ეგ რომ ნამღვილი გამოდგეს, ღორივით დავკლავ...

— ხალხი ყოველთვის სიმართლეს როდი ლაპარაკობს. თუმცა მანაშენის ამბავი ჩემზე კარგად შენ მოგეხსენება. არ იფიქრო, რომ მაწყენინა და იმიტომ გაქეზებ მის წინააღმდეგ.

— შენი გაქეზება ჩად მინდა, ხასანა, ყველაფერი ვიცი. გუშინ ტყუილად გამოგაპანდურა. მამულის მეტი რა აქვს. საფლავში ხომ არ ჩაიყოლებს. მე განა რამდენი მინდა. რითაც ეს ამდენი ხალხი ცხოვრობს, მეც ისე ვიცხოვრებ. — ცბიერი მელა სათქმელს მოხერხებულად მალავდა. — წუხელ წავეჩხებე. როგორ შეიძლება, მეზობელს ასე აწყენინო-მეთქი.

— ჩემი გულისთვის არ უნდა გეწყენინებინა, მაინც მშობელია.

— ეგ რა თქვი, ხასანა? ჩემი გულისთვისო, შენ რა, უცხო ხარ? ერთად გავზრდილვართ, კარის მეზობლები! რატომ არ უნდა გავომართო ხელი. ვუყვირე, მიეცი მიწა-მეთქი.

— ისე რად უნდა მომცეს, მე ფასად ვთხოვდი.

— იცი რა მიპასუხა? დაიკარგე აქედან, ჩემმა თვალეებმა ჩემს სახლში არ დაგინახოს, ჩემი ჰკუის სწავლება შენ არ გეკითხებაო. რაკი

ასეა, გეყრები და წილად, ღორღის დასაყრელი რომ გვაქვს, იმას გაძლევ, სხევას არაფერსო. დაეთანხმდი იმ პირობით, რომ ჩემ წილ მამულს შენ გაჩუქებდი. აჩუქე, მხოლოდ ცოფანას ბიჭებთან ერთად ჩემი ცხვარი სამ წელიწადს მწყემსეთო. მე ჩემს სიტყვას აღარ გადაველ, ვმწყემსავ-მეთქი, ვუთხარი.

— ჩემი გულისთვის პირში ჩაგიგდია თავი, — დაიჭერა ხასანამ სოლომის მონაჩმახი.

— პირშიო, ამბობ. ჯერ თვითონ მომაბეზრა თავი, ახლა მაგის სულელი ცოლი მეუფროსება. რა თქმა უნდა, მამაჩემს შემეკვიდრეს პპირდება, თითქოს მე არც ვარსებობდე. რა ვქნა, ასეთი ყოფილა ჩემი ბედი. ოხრად დაურჩეთ ყველაფერი, მაგათი არაფერი მინდა. დილით ავდგები და წავალ მთაში თუ შენ თანახმა არა ხარ, მე მარტო ვმწყემსავ. ღორღის საყრელი მიწა კი ცუდი როდია. აულის ბიჭებს დავიხმარებ და ორ-სამ დღეში გავასუფთავებ. არ დამემდურო, ხასანა, სიკეთე მინდოდა თქვენთვის. ვხედავ, შენ და ბარსაგი ყოველდღე ნადირს რომ დასდევთ და გული მტკივა...

— იცოცხლე, სოლიმ, ვნახოთ, იქნებ, ჩვენც ვეწიოთ რამეს!

— მიწა ვისაც არა აქვს, ისინი შიმშილით როდი იხოცებიან. თუცა იხოცებიან კიდევ. მიწა აუცილებელია, ხასანა, აუცილებელი. უმიწაყლო კაცი ფრთამოტეხილი ჩიტისვითაა, თანაც ოჯახში ბავშვებო რომ მომრავლდებიან... ლაპარაკს შეეყე და რა დრო გასულა, მთაში მეჩქარება, მე სიტყვას აღარ ვადავალ, რა ვქნა, ცხვარი უპატრონოდ არის. იმ მიწასაც ვაჩუქებ ვისმე და სულ წავალ აქედან, გადავიკარგები სადმე. აბა, კარგად დარჩი, ხასანა. — დაემშვიდობა სოლიმი ხასანას და წავიდა.

ხასანა ვერ მიუხვდა სოლიმს ეშმაკობას. საღამოს, როცა ოჯახი ეახშობდა, იმ დღის ამბავი დაწერილებით მოჰყვა. ბარსაგის მეტმა ყველამ დაიჭერა სოლიმის ნათქვამი.

— რა ვიცი, რა ვიცი, სოლიმს კარგად ვიცნობ და ეგეთ საკეთალოს მისგან არასოდეს შოველოდი მამამისი იგარედან არის ჭრელი, ის კი შიგნიდან. რაღაც განზრახვა არა ჰქონდეს.

— რა განზრახვა უნდა ჰქონდეს, ბარსაგ, მამას ჩვენი გულისთვის წაეჩხუბა. ცხვარში რომ წავიდა, ჩემი თვალით ვნახე.

— დმერთმა იცის, ვჩხუბა თუ...

— რაზე ცხარობთ? — ლაპარაკში ჩაერია ფარდიგი. — მე ვფიქრობ, ის თავისთვის არაფერს გთხოვთ. არ ვიცი, რად იუკადრისეთ მოჯამაგირეობა? მაშ რა ვქნათ, რა გვაცხოვრებს? სამი წელი ისე გაირბენს, ვერც გაიგებთ. ოჯახის დარდი ნუ გექნებათ, მე და ზარინა არაფერს გავაფუჭებთ.

ფარდიგის სიტყვებმა უფრო გააღიზიანა ძმების თავმოყვარეობა, ცოფანას სახელოვანმა ბიჭებმა მეცხვარის ჯოხი აიღონ და დოთია ფარას აედევნონ? როგორ აიტანონ ასეთი დამცირება? მაგრამ სილა-

რიბემ რომ ასე მძლავრად ჩასჭოდა ბრჭყალები? მათი თავმოყვარეობა ცხვრის რქასავით მოგრიხა და ამაყ ძმებს ქედი მოახრევიდა.

ერთი კვირის შემდეგ ხასანა მთაში წავიდა, სოლიმს იქ მიუსწრო. სანამ დოთი ახალ მწყემსებს იქირავებდა, სოლიმი უდგა ცხვარს. ხასანას დანახვაზე ცბიერმა ღიმილმა გადაჰკრა სახეზე. მას ცოფანას სახელოვანი ბიჭები დიდი ხანია სძულს. სძულს იმიტომ, რომ აულში მათ ყველა აფასებს, განსაკუთრებით ახალგაზრდობა. ბარსაგსა და ხასანას ცეცხლში შეჭყვებიან თანასოფლელები, სოლიმი კი ყველას ეჯავრება. ახლა, რა ცოლები მოიყვანეს ამ მშვიდის შეილებმა? ამან სულ მოკლა სოლიმი. პირდაპირ როგორ გაბედავს ხმის ამოღებას, მაგრამ ისე? თუ მოასწრო, სისხლს ამოსწოვს და აი, ჩაუცვივდნენ ხელში. სოლიმი მოჩვენებითი გულგრილობით შეხვდა ხასანას.

— რაკი ეგრე გინდათ, იყოს ნება თქვენი, ვიჭირთ, ვხედავ, ნეტავ მეთი დახმარება შემეძლოს და მე ვიცი... მაგრამ მეგელოა მამაჩემი და რა ველაპარაკო. მე თვითონაც არაფრად მაგდებს, გინდ კყოფილვარ სახლში და გინდ არა.

— ღმერთმა გადღეგრძელოს, სოლიმ, არ დაგიკარგავთ ამ პატივისცემას.

სალამოს სოლიმმა მამას ახარა:

— ხომ გითხარი, ჭკუით უნდა იმოქმედო-მეთქი. ცოფანას თავმომწონე ვაჟაკები დავაჩოქე თუ არა. ახლა ისინი შენს ცხვარს მწყემსავენ და ჩემზეა დამოკიდებული, როდემდის. მაკადე. მაგათ მე მოეუჯლი. თუ მოქმედების უფლებას მომცემ, ბაბა, ჩვენი ხეობის ხალხს შენს წინ ვახოხებ მუხლებზე.

დოთი ამჯერად კმაყოფილი დარჩა შკალისა.

სამ წელიწადს ზღიეს ბარსაგმა და ხასანამ დოთის ცხვარს, ზახხულში მთაში, ზამთარში — ყიზლარში. დოთი ბევრჯერ შეეცადა მათ შრომაში წუნი შეეტანა, მაგრამ პირიანი ვაჟაკები ისე ასრულებდნენ თავიანთ საქმეს, რომ დოთისაც კი ველარ გაუჭრა სინდისმა. აქაც მართალი გამოდგა სოლიმი. სამ წელიწადში მათი ცხვრის ფარები ერთი სამად იქცნენ. ღორლსაყარში დაყრილმა ქვებმა თავიანთი წონა სარგებელი მოუტანა პატრონს.

ღორლსაყარი აულის თავში დიდვაკის გვერდით იყო. გაზაფხულობით, დოთის წინაპართაგან დაწყებული დოთის ჩათვლით, სანამ გუთანს გაიტანდნენ დიდვაკში. ჯერ ქვა-ღორლს აკრეფდნენ და ღორლსაყარში დაყრიდნენ. მერე მოხნავდნენ. წლითიწლობით ემატებოდა ქვას ქვა და ახლა კარგა მოზრდილი ბორცვები თვალში ეჩხირებოდა პატრონს.

მაგრამ გაჭირვებამ ცოფანას ვაყები შესჭიდა ამ ქვა-კლდეს. მათი ოფლით ლამის ის ქვა-ღორლიც დაღბა ვინ იცის, რა დრო ვავიდა, სანამ ამ მკვდარმა მიწამ ნაყოფი გამოიღო. აულმა ღორლსაყარს ცოფანას ბიჭების მიწა უწოდა.

სოლიმმა ჭკუით და ცბიერებით დაიწყო თავისი ბნელი ზრახვების განხორციელება. ურსლონის¹ გაღმით მამაპაპეული მამული რამდენიმე წელი ხელუხლებელია. ამიტომაცაა, რომ შამში მოერია და ჯაგნარად იქცა.

იმ დღეს სოლიმი ნიხასში იყო. ხელმოკლე გლეხები თავიანთ გაჭირვებაზე უბნობდნენ. სოლიმმა სიტყვა შეაპარა:

— მამაჩემს რა ვუთხრა, ასეთი ხარბი რომ არის. ავი ძალლი არც თვითონ ჭამს და არც სხვას აჭმევსო, ისეა მისი საქმე. რად უნდა უჭირდეთ ჩვენს მეზობლებს, როცა ჩვენი მიწების ნახევარი ყოველწლიურად დასამუშავებელი რჩება. ამას წინათ ველაპარაკე და ძლივს დავითანხმე ურსლონის გაღმა მამულების იჯარით გაცემაზე. ლალის ნახევარსა თხოულობდა, მაგრამ როგორც იქნა მესამედზე დავითანხმე.

უმიწაწყლო გლეხებმა ყურები ცქციტეს. სოლიმის ცბიერ თვალებს ეს არ გამოეპარა. ობობასავით გააბა ქსელი. იქ უკვე რამდენიმე მსხვერპლი აპირებდა გახლართვას. სოლიმმა ქსელს კიდევ წასცხიო თათლი:

— ის მიწები დიდი ხანია დაყამირდა და დამუშავება ძნელი იქნება-მეთქი ვუთხარი. ვინც აიღებს დასამუშავებლად იმ მიწას, გამწევი ძალითა და თესლით დავეხმარებო, შემპირდა.

სოლიმის ნატყორცილი ოსარი მიზანში მოხვდა, მშვიერი ბავშვები თათლის კვერის მოლოდინში რომ ატოკდებიან ხოლმე, ისე ატოკდნენ მიწანაკლები მოსაუბრეები.

— ღმერთმა გადღეგრძელოს, სოლიმ, შენი იმედი ნუ მოგვეშალოს. გამწევი ძალითა და თესლით რომ გვეხმარება მამაშენი, ეგ კარგია, მაგრამ მერე მაგის საფასური რომ მოგვთხოვოს, იმას რაღა დარჩება, ვინც სისხლად და ოფლად უნდა ჩაიღვაროს იმ ქვალორლიან ყამირში? — ჰკითხა სოლიმს ძაქომ.

— მაგაში ფასს არ გახდევინებთ, დაღა ძაქო, თესლსაც მუქთად მოვაცემინებ. მამაჩემს როგორმე დავითანხმებ, მეტი მე არაფერი შემიძლია...

— მეტი რაღა გვინდა, სოლიმ. შენ ისეთი გულკეთილი ყოფილხარ, რომ სულ გამარჯვებულს გატარებს ღმერთი. სიმდაბლისთვის სიმალღეს მოგცემს ის დალოცვილი, ეს ხელმოკლე და მშვიერი ხალხი შენთვის ილოცებს.

იმ გაზაფხულზე დოთის ყამირებს დაერივნენ უმიწაწყლო გლეხები და ბღღვირი აადინეს. სისხლი ჩაიღვარა შიგ.

სოლიმმა ოჯახის უფროსობა ხელთ იგდო, მაგრამ ხელდავდა, რომ ზვალ-ზეგ მისი დიდი ქონება შუაზე გაიყოფოდა. ის, ვიღაც, მომავალი შოზიარე, ახლა დედინაცვლის გვამში წუთი წუთს მატულობდა.

¹ ურსლონი — თეთრი მდინარე.

სოლიმმა მოსვენება დაკარგა. სანამ ის ქვეყანას დაიწახავს, მანამ უნდა მოახერხოს რამე, თორემ მერე გვიან იქნება.

ლამაზი ქალია აცირუხსი, სოლიმის დედინაცვალი. თუმცა საშუალო დედაკაცობას კარგა ხანია ჯადასცილდა, მაგრამ სახით და ტანის მოქნილობით ოცი წლის ქალს არ ჩამოუვარდება. საოცრად ლამაზი თვალები აქვს. ისე იცის შემოხედვა, რომ კაცს დაადნობს. არავის ჰუმალავს თავის სილამაზეს აცირუხსი, სხვა დედაკაცებივით პირახვეული როდი დადის. არც არავის ეუმძრახება, მომაჯადოებელი ლაპარაკი იცის. ხავერდოვანი ხმა პირდაპირ გულში სწვდება ადამიანს. ვინ სარის? სადაური? არავინ იცის. თვითონ დოთიმაც არ იცის. შემთხვევით შეხვდა ცხინვალში. აული გაკვირვებული დარჩა, რამ აიძულა ასეთი ლამაზი ქალი, რომ მამის ტოლ კაცს ცოლობაზე დათანხმდარი.

სოლიმი ხომ გაოცდა და გაოცდა, როცა ერთ საღამოს მამამისმა კარი შეაღო და ოჯახში ახალი დიასახლისი შეიყვანა. ეშმაკი ქალი გაძოდდა აცირუხსი. გულქვა დოთი კაბის კალთაზე გამოიბა და თავის ნება-სურვილზე აცუნდრუქებს. დოთი ყველაფერზე თანახმაა, რასაც აცირუხსი მოისურვებს. ჭკუა დაკარგა ბერიკაცმა. მის გულში უცნაურმა გრძნობამ გაიღვიძა. ლაფანივით მოიღვენთა, მზად არის აცირუხსისათვის სიცოცხლე გაწიროს. მისი სიტყვა კანონად იქცა. ის კი არა, სოლიმი გააფრთხილა.

— არ გავიგონო, რომ ამ ქალს უბრალოდ აწყენინო, თორემ იცოდე, დედიშობილას გაგიძახებ გარეთ.

წინათაც არ უყვარდა შვილი დოთის და ახლა, რაც აცირუხსი ჩადგა შთა შუა, სულ შეიძულა.

ძიხვდა სოლიმი, რომ დღეს იქნება თუ ხვალ, მამის რისხვა დაატყდება თავს.

ერთ საღამოს დოთი და აცირუხსი ღერეფანში ისხდნენ. სოლიმი შეუშინებლად მიუახლოვდა და ყური მოუგდო მათ საუბარს.

— ... არ გეგონოს, რომ შვილის წინააღმდეგ გამხედრებ, მაგრამ გამიგე, მისი ბოროტი თვალები შიშის ზარსა მცემს. მგელივით მიყურებს. თანაც ახალგაზრდა ბიჭია და... ერთი სიტყვით, როგორც გინდა გამიგე, არ მინდა, ერთ ჭერქვეშ ვცხოვრობდეთ, — ხმა აიმაღლა აცირუხსმა.

— შვილია ჩემი, რა ვქნა, ოჯახის ფუძე მაგას უყურებს. მემკვიდრე გარეთ როგორ გავაგდო? — უპასუხა დოთიმ.

— გააგდეო, არ მითქვამს. წილი მიეცი. ცოლი შეირთოს და იცხოვროს. მემკვიდრეები სხვები გაჩნდებიან. აგერ, ერთი უკვე სუნთქავს. — მუცელზე დაიტყაპუნა ხელი აცირუხსმა.

სოლიმი აენტო, მზად იყო მამა, და დედინაცვალი იქვე მიეზრჩო. მაგრამ კბილი კბილს დააჭირა, ჯავრი გადაყლაპა და ფეხაკრეფით გაშორდა იქაურობას. დარწმუნდა, რომ აცირუხსი მას სამარეს უმზადებდა. ბრაზი ახრჩობდა, სისხლი თვალებში აწვებოდა, ფიქრები ჭიანჭველებივით აერია თავში. რა ქნას, ჩხუბით ვერაფერს გახდებდა.

ატირუხსი მარტო ლამაზი კი არა, ჭკვიანიც არის. ზრძნობს სოლიმი, რომ მათ ოჯახში გველი შევიდა, ყერიას მოეხვია და მამა-შვილს მალე გადაყლაპავს. და სოლიმმა ისეთი რამ გადაწყვიტა, რომ პირველად თვითონაც შეეშინდა, შავრამ რა ქნას, მეტი გზა რომ არა აქვს?!

— ვნახოთ, კახა დედაკაცო, მე და შენში ვინ უფრო ეშმაკი გამოდგება! ჩემი შექმა მოინდომე, ხომ? გამოჩნდება ვინ ვის შექამს. — კბილები დაადრკვიალა სოლიმმა და შვებით გამოისუნთქა.

5.

ღოთის ცხინვალში სოლიმი მარტო არასოდეს გაუშვია, როგორ ანდობდა გასაყიდს, მაგრამ ახლა სხვაა. ახალგაზრდა ცოლი აღარ ეთმობა. თანაც რაც უფრო შორს იქნება ოჯახიდან სოლიმი, მით უკეთესი, ატირუხსი დამშვიდდება, ამიტომ საგარეო საქმე სულ შვილს გადაულოცა. ახლაც სუთი ცხენის საპაღნე მოამზადა — ყველი, ერბო, მატყლი და შვილი ბაზარში გაისტუმრა.

სოლიმმა სარფიანად ივაჭრა და დასანაყრებლად მარკოზას დუქანში შეიარა.

მარკოზამ სოლიმის დანახვებზე, ხელები გაშალა:

— ამას ვის ვხედავ? სად დაიკარგე, სოლიმ? რამდენი ხანია მინდოდა შენი ნახვა. მამაშენი რასა იქს, ის ღმერთგამწყრალი? თუმცა მზეთუნახავი ცოლი იშოვა და წასვლა-წამოსვლისთვის სადღა ეცლება.

— თუ ხათრი გაქვს, ძია მარკოზ, იმის სახელს ნუ მიხსენებ, — ძღოვს ამოღებდა სოლიმმა და წასვლა დააპირა.

— მოიცა, ბიჭო, რა გეჩქარება. მამაშენთან უნდა დავაბარო რაღაც. თვითონ აღარ გამოჩნდა და შენ მაინც უთხარი... რა მიყო, რა მიყო, იმ ოჯახქორმა. — წუწუნებდა მიკიტანი. სოლიმი დაინტერესდა და მოუთმენლად ელოდა გაეგო, რას დააბარებდნენ მამასთან.

— ატირუხსი თბილისიდან ჩამოვიყვანე. ვაა, იცი, რა ფული დამიჯდა?! — ამოიხრა სომეხმა და მოყვა ატირუხსის ამბავს.

თურმე თბილისში დუქანში ჰყავდათ. მარკოზა მიკიტანს ქვეყნის ფული დაუხარჯავს და ქალი წამოუყვანია. არც შემცდარა. შემოსავალი ერთი სამად მიემატა. ღვინისა და ქალების მოტრფილზე ბედოვლათები მის დუქანს აღარ სცილდებოდნენ.

— რა მბიო მამაშენმა, რა! რამოდენა შემოსავალი დამაკარგვინა. ატირუხსი წავიდა და ლამის გავკოტრდე. ის ბებერი ტურა როგორ გამოეჭურინა კახა დედაკაცს? ან შენ როგორ მოუთმინე? — ქაქანებდა მარკოზა და თვალს თვალში უყრიდა სოლიმს.

— კარგი, მარკოზ, კარგი, ჩემზე იყოს, შენს ჯავრს მე ვიყრი.

— შენ რა შუაში ხარ, სოლიმ. მამაშენი ყოფილა სულელი. რა ქნა იმ კამეჩმა, როგორ მოიჭრა თავი?..

ცხინვალიდან სოლიმმა მწვანე აბრეშუმის საკაბე და ოქროს საყურეები წაუღო აცირუხსს.

— ცოტა ფული დამეხარჯა, ბაბა, დედასთვის ჯერ არაფერი მიჩუქებია და ახლა გავბედე, ვიცი, არ გეწყინება, — მოუბოდიშა მამას სოლიმმა.

„უყურე ახლა ამ უდღეურს, ვინ აუფროსებს ჩემს ქონებაზე“. — უნდოდა ნაღველი დაენთხია შეილზე, მაგრამ აცირუხსის გაბრწყინებული თვალები რომ დაინახა, შეილისათვის სათქმელი საყვედური ჭაღარა უღვაშქვეშ გადნა.

— კარგი გიქნია, — მოუწონა შეილს საქციელი დოთიმ.

აცირუხსს მადლობაც აღარ მოკვონებია. საჩუქრები წამოკრიფა და პატარა გოგოსავით გააქცია თავის ოთახში.

მეორე დღეს სოლიმმა აცირუხსი მის ნაყიდ საკაბეს რომ იზომებდა, მაშინ დამიარტოხელა.

— ღმერთო ჩემო, რა ლამაზი ხარ, ქალო! გამჩენს გეფიცები, შენ მიწიერი კი არა, ციური ანგელოზი უნდა იყო, ანგელოზი კი არა, ცისკრის ვარსკვლავი.

აცირუხსს ესამოვნა ქება, მაგრამ არ შეიმჩნია.

— ბიჭო, უნებართვოდ როგორ გაბედე ჩემს ოთახში შემოსვლა? — შუბლი შეიკრა აცირუხსმა და შიშველი მკერდი დაიფარა.

— მაპატიე, მაგრამ განა დედასთან შესვლის ნებას თხოულობენ შეილები? თუმცა შენ ისე. ახალგაზრდა ხარ, რომ დედად კი არა... ექნუ მადანაშაულებ, შენს სილამაზეს დააბრალებ. კიდევ რომ წავალ ცხინვალში, ვერცხლის ქამარს გიყიდი, მძივებსაც, მე შენ გითხრა, ბროლის ყელზე არ დაგმშვენდება, ისე ჩაგაცმევ, რომ მთელი ხეობის ქალები შურით დაიზოცნენ.

— საყიდელს მამაშენიც მიყიდის. შენ რა უფლება გაქვს, მის ქონებას რომ ხელი აუბრთ.

— სული რომ ამოძვრება, შენ რა მოგივა? გაგიჭირდება ცხოვრება. ეგ ლამაზი ღაწვები დაგიქცნება. ჩაგიქრება ეგ ზღვასავით მღვლვარე, თვალები, მამაჩემს რომ ჰქუა დაუბნელა. ქირხლი მოეკიდება შენს თათლისფერ დალალებს; აღარავის დაბნედავ სილამაზით. აღარც არავინ შემოგხედავს. ო, ღვთისმშობელო, შენ დაიფარე დედაჩემი, რომელიც მამაჩემის სიყვარულით გაგიყდა. ნუ ჩამოახოკინებ ლოყებს, ნუ გააწეწინებ დალალებს, — ნუ დამიჭვრივებ ძვირფას დედას!..

აცირუხსი გაფითრდა. ძუ ვეფხვივით წამოიჭრა და სიძულვილით სახვე თვალები სოლიმს შეანათა.

— ახლავე დაუძახე მამაშენს და მისი თანდასწრებით გაიმეორე ყველაფერი, რაც ახლა თქვი! — მღვლვარებისგან მკერდი საბერველივით აუღ-ჩაუღიოდა აცირუხსს.

— მამაჩემი ბებერ ძვლებს ითბობს მზეზე ალბათ, ეშინია საფლავში არ გაცივდეს. ჩვენი დარდი არა აქვს ახლა. — უფრო ურცხვად და აგდებით ალაპარაკდა სოლიმე. — ერთი მაკოცინე, ძვირფასო დედოკო...

— იქით, ღორი, — იყვირა აცირუხსმა და ცხარე კრუხივით ეცა, საცემრად წაეტანა სოლიმე.

— იქით, კახპავ, — ხელი ჰკრა სოლიმე და სილა გააწნა. — მამაჩემს ბებერი ტინი რომ აურიე, ისიც გეყოფა. მე სხვა ვარ, ვერ მომატყუებ. ნუ გგონია, რომ არ ვიცი, ვინცა ხარ. იმ დღეს ქალაქში გავიგე, რა ჩიტიც ბრძანებულხარ და საიდანაც მოფრენილხარ.

— ტყუილი, ტყუილი! ცილისწამებაა, გამეცალე, თორემ ვიკივლებ!

— ხმასაც არ ამოიღებ, კახპავ, ან კი რა ხმა ამოგეღება, გახრწნილს, მეძავს. ისიც ვიცი, რომ ჩემი თავიდან მოშორება განიზრახე, მაგრამ ცუდად ეხუმრები სოლიმს. მე შენ გიჩვენებ! — და სოლიმმა აცირუხსს ზედ ცხვირწინ აუთამაშა მუშტი.

აღელვებულ ქალს ენა წაერთვა, თითქოს ყელში ბურთი დაეცო, მაგრამ მალე მოერია თავს. მტერს ჩიქურ ეტაცა.

— ვინცა ვარ, კარგად იცის მამაშენმა, მაგრამ შენ რაცა ხარ, ეკ კი არ იცის და თუ გავაგებინე, წისქვილზე დაგფქვავს, შე უბედურო!

— არ იცის, ქვეყანა რომ დაგათრევდა, თორემ ხანჯლის წვერზე, დაგატრიალებდა!

— დაიკარგე აქედან, გეუბნები, თორემ ქვეყანას შეეყრი, რომ ძალადობას მიპირებ!

— ფუ, საზიზლარო დედაკაცო, შენზე ძალადობასაც არ ვიკადრებ. მაგრამ თუ მაგაზე მიდგა საქმე, ვიტყვი, რომ ეგ გოჭი, გვამში რომ ზრდი, ჩემგან არის და იცი რა მოჰყვება ამას. მამაჩემი ღორივით გამოგჭრის ყელს... წადი ახლა და იკივლე!

საქმის ასე შემოტრიალებას არ ელოდა აცირუხსი. ეგონა სოლიმს მოტეხდა, პირიქით კი მოხდა, მღელვარებას ველარ გაუძლო და გულშემოყრილი ჩაიკეცა. სოლიმმა ხელი შეაშველა, არ წაიქცესო და საწოლზე მიაგდო. მერე სახეზე წყალი აპყურა. აცირუხსმა თვალი გაახილა, მაგრამ სოლიმი რომ დაინახა, ისეე დახუჭა.

— ასე, ჩემო ძვირფასო დედოკო, თუ კიდევ დნგიძრავს ჩემს წინააღმდეგ ენა, ცუდად წაგივა საქმე. ახლა ხომ გაახილე თვალი, სხვა დროს ველარ გაახელ.

— შენს ცილისწამებას არავინ დაიჭერებს, არავინ, არავინ, — ამოიკვნესა სიკვდილივით გაფითრებულმა აცირუხსმა.

— დაიჭერებენ... ჯერ ერთი, შენი წარსული ყველამ იცის, მეორეც, ასეთ საჩუქარს ახალგაზრდა კაცი მხოლოდ საყვარლისთვის თუ იყიდის. ეგ ხომ შენც იცი. მეც სწორედ მაგიტომ გიყიდე, მამაჩემო დაეაქვე. ჰოდა, ასე, ... ჩემთან ძალით ვერაფერს გახდები. ის ქონება,

რომლის ხელში ჩაგდებასაც ასე თავგამოდებით ცდილობ, შეიძლება შენს ქელეხში დაიხარჯოს. მომისმინე, მამაჩემს დიდი დღე აღარა აქვს, დღეს-ხვალ ჩაძალდდება ჰოდა, შენ თუ ჭკუით არ მოიქეცი, ჩვენ ორში ამ სახლიდან ერთი მოისპობა. ის ერთი; იცოდე, მე არ ვიქნები. ჩაუფიქრდი შენს მდგომარეობას და არც ჩემი დანაპირები დაივიწყო! — დაემუქრა სოლიმი აცირუხსს და კარი გაიჭახუნა.

მეცხრე თავი

ჟამი ბარდასულ ძნელბედობისა

1.

მამალმა მეორედ იყივლა. აცირუხსს კი რული არ მიჰკარებია. წევს თვალგახელილი და ფიქრობს. საღამოთი უქეიფობა მოიმიზეზა. ცალკე დაუგო ლოგინი დოთძს, რომელიც ყელში დანაგაყრილი ნასუქი ლორივით ხვრინავს. სხვა დროს აცირუხსი გააღვიძებდა, საყვედურსაც ეტყოდა, მაგრამ ახლა დოთის ხვრინვა არც ესმის.

მძიმე ფიქრები მოეძალა და წარსული გაახსენდა... უსიხარულო წარსული...

... ბნელი მიწური, ყოველი მხრიდან სიღარიბეს რომ დაუქყეტია თვალები. კერის პირას ძონძებში წევს დედამთილი. ისე გამხდარა დედაბერი, რომ ყველა ძვალი ცალ-ცალკე დაეთვლება. ნახევრად ჩამქრალ თვალებს საცოდავად აცეცებს. ჩვილი ღნავის. აცირუხსი ცარიელ ძუძუს ჩრის პირში. ბავშვი ხარბად წოვს, მაგრამ რომ ვერაფერი გამოწოვა, ძუძუ გაუშვა და ისევ აღნავლდა.

აცირუხსი სიმწრით ხელებს იჭამს. აღარ იცის, რა იღონოს, იქილ ავაღმყოფი შობუცი და აქეთ ჩვილი ბავშვი შიშნულით დაფაგენსულს.

რა ქნას, ვის მიადგეს კარზე? ან კი ვინ რას მისცემს ასკილის ყვავილობას, როცა ყველას თვითონ უჭირს ლუკმა.

დოლათი დილით ტყეში წავიდა. შეშას ავაგროვებ, იქნებ ხარებო ვინმემ მათხოვოს და ბარში ჩავეტანოო, მაგრამ ისიც ჯერ არსადა ჩანს. რა იქნა? სად დაიკარგა? დილით მშვიერი წავიდა, უბედურებას არ გადაეყაროს ტყეში.

— აღარ იცის რა ქნას აცირუხსმა. ქმრის საძებნელად რომ წავიდეს, მშვიერი ბავშვი როგორ დატოვოს აკვანში მტირალი?

ჩამობნელდა. ბავშვი ტირილით დაიღალა და დროდადრო თუ ამოხლუქუნებს.

დოლათმა კარი შემოაღო, აცირუხსს ელდა ეცა. ძველი ტყავკაბის ნაფლეთებიდა ეკიდა, თითქოს ძაღლებს უბულრავებიათო. ფერმკრთალ სახეზე სისხლი შეხმობოდა, დალილავებული თვალი დასიე-

ბოდა. ერთ წამში მოასწრო ყოველივე ამის დანახვა აცირუხსმა. დო-
ლათი დაბარბაცდა და კარში ჩაიკეცა.

— ვაიმე, დალუპულს! — იყვირა აცირუხსმა და ქმარს ეცა.

— ნუ გეშინია, ქალო, — ამოიღულღულა დოლათმა და ცოლის
დასმარებით ფეხზე წამოდგა. აცირუხსმა ის ტახტზე მიაწვინა.

— ღმერთო დიდებულო, რა შეგცოდნე, ასე რომ 'მტანჯავ, 'რად მა-
ყურებიანებ ჩემი შვილის ღიღუჭიერს, — წამოიკვნესა დედაბერმა და
ადგომას შეეცადა.

— იწეკო, ნანა, იწეკი, არ ადგე. თუ არ მოკვდი, არ შევარჩენ
ჩემს დაჩაგვრას.

— ვინ დამისხა, ცეცხლზე წყალი, იმან არწყიოს სისხლი, რა დაუ-
შავე?

— აღდარის კაცებმა მცემეს, შეშას რად აგროვებო. უჰ, მაგათი...
თუ არ მოკვდი, გადაუხდი. ცული წამართვეს, ცოცხალმკვდარი და-
მაგდეს და წავიდნენ.

— დაიწვას ჩვენი გაჩენის დღე, ო, დედაო ღვთისმშობელო, რითი
გაგარისხეთ, ასეთ გაპირებებაში რომ ჩაგვაგდნე, რატომ აღარ ისმენ
ჩვენს ვედრებას? — მოთქვამდა დედაბერი და ჩამქრალი თვალებიდან
თხილისისიმსხო ცრემლებს ღვრიდა.

...დოლათის საზღოკაცი ვასილი ქალაქში ერთ თავადთან მეჭინი-
ბედ იდგა, ზანდაზან ამოდიოდა ხოლმე აულში. ერთხელაც, ის დღე
დაიქცეს, დოლათთან მივიდა და ეუბნება:

— დოლათ, ვხედავ, რომ ძალიან გიჭირს. არსაიდან შევლას არ
ელი, სანამ ქერი გაიჭრება, მანამ შიმშილით ამოგიწყდება ოჯახი. შენ
ვერსაით წახვალ, ავადმყოფ დედას უპატრონოდ ხომ ვერ მიატოვებ
და თუ შენი ნება იქნება, აცირუხსს წავიყვან თბილისში, იქ ერთ
კარგ ოჯახში ძიძას ეძებენ. ცოტა სულს მოითქვამთ...

დანასავით მოხვდა გულზე დოლათს 'სახლიკაცის სიტყვები. აცი-
რუხსის ზიყვარული, თორემ 'აქამდის თავს აუტეხდა რამეს და ახლა
როგორ გაუშვას ახლაგაზრდა ცოლი უცხო ხალხში? არა, არა, უმჯო-
ბესია მარჯვენა მოიჭრას და ცოლ-შვილს 'შეაქამოს, ვიდრე აცირუხ-
სი სხვაგან გაგზავნოს.

მშვიერი ბავშვის ღნავილმა გამოარკვია ფიქრებიდან. წუხელ მეზო-
ბელმა ნახევარი მჭადი და ერთი ჯამი შრატი შემოუტანა. იმითი ივანშ-
მეს. ახლა? ახლა რილათი დააპუროს ოჯახი?

— დარდი ნუ გექნება, დოლათ, თვალს დავიჭერ. თუმცა მე ძალას
არ გატან. ნება შენია. გაპირებებაში რომ ხარ, მინდა დაგეხმარო რითიმე,
თორემ...

ბევრი იფიქრა დოლათმა, მაგრამ გაპირებებიდან თავის დახსნის
საშუალება ვერ გამოიხატა. მეტი რა გზა ჰქონდა. დათანხმდა ვასილის
წინადადებას.

აცირუხსი წაჰყვა ვასილს. გზაზე დაღვრილი მისი ცრემლები წისქ-
ვილს ააბრუნებდა. ავადმყოფი დედამთილი, აკვანში ჩაკრული მშვიერი

შვილი და გამოუვალ მდგომარეობაში მყოფი დოლათი ღვთის ანაბარა დატოვა აცირუხსმა და ლუკმაპურის საძებნელად უცხო ქალაქში ამო-
ყო თავი.

ვასილმა აცირუხსი ერთ მდიდარ თავადთან დააყენა ძიძად. ფუფუნე-
ბით ცხოვრობდა თავადი. ერთადერთი მემკვიდრის ძიძას სასმელ-საჭ-
მელი თავზე დააყარეს. მალე გადაიყარა სოფლის ფერი აცირუხსმა,
გასუქდა, გალამაზდა. მოახლეებს კი არა, ქალბატონსაც დაემჯობინა.
ერთი იყო, მხოლოდ, ოჯახის დარდი უღრღნიდა გულს. თავადმა თვალი
დაადგა ძიძას. ახლა ის შესაფერ დროს უცდიდა, რომ გულის საწადე-
ლი აესრულებინა.

ერთხელაც აცირუხსს თავისი გაზრდილი ეზოში გამოეყვანა და თუ-
თის ქვეშ ასეირნებდა. ბავშვის ტიტინმა საკუთარი შვილი გაახსენა
და თვალეზი ცრემლმა დაუნამა.

— რა გატირებს, ძიძა? — მოულოდნელად გაიგონა თავადის ხმა
აცირუხსმა. შეკრთა, სირცხვილით ყურებამდე გაწითლდა და გაქცევა
დააპირა, მაგრამ თავადმა არ გაუშვა, მკლავში ხელი ჩაავლო და გვერ-
დით მოისვა.

— ქალბატონმა ხომ არაფერი გაწყენინა? რად ხარ დაღონებული?
აცირუხსი ხმის ამოდებას ვერ ახერხებდა.

— თუ შინაობის დარდი გაქვს?

აცირუხსს ცრემლები წამოსცივიდა.

— უჭირთ ძალიან. ვასილამ მითხრა, დოლათს დაიჭერენ, რადგან
გადასახადი ვერ დაფარაო. აღარ ვიცი, რა ვქნა, ოჯახი დამელუპება.

— ნუ გეშინია... აქ არა ვარ! აგერ ფული. თუ ის კაცი წავა, გაატა-
ნე, — თავადმა ერთი ბლუჯა ასიგნაციები ჩაუყარა კალთაში. აცირუხსი
გაფითრდა.

— არა, არა, მერე რითი გადავიხადო?

— არ გახდევინებ, ქალო, გაჩუქე, წადი, ნახე ის კაცი, არ დაიჭირონ
შენი ქმარი.

თვალეზი გაუბრწყინდა აცირუხსს. გადასახადს გაისტუმრებენ, დო-
ლათს აღარ დაიჭერენ. თანაც პურს იყიდიან.

— გამადლობთ, ჩემო ბატონო. თქვენს სიკეთეს სიკვდილამდის არ
დავივიწყებ, აგრემც გაგახარებთ ჩემი ძუძუთი გაზრდილი შვილი.

ო, რა მადლობელი იყო აცირუხსი კეთილი ბატონისა. თავადიც
შალ-შალე სწყალობდა ძიძას. სული მოითქვა ოჯახმა. დოლათი კმაყო-
ფილი იყო, აცირუხსის ხელფასმა სულზე მიუსწრო, დედაც ჯანზე მო-
ვიდა. ბავშვიც წამოიჩიტა..

ერთ დღეს ქალბატონი და ბატონი სტუმრად წავიდნენ. შუალამისან
ნასვამი დაბრუნდა ბატონი, ძიძამ კარი გაუღო, ელდა ეცა, ქალბატო-
ნი რომ ვერ დაინახა, გაქცევა დააპირა, მაგრამ გვიანდა იყო. ბატონის
თვალეზში გაღვიძებული მხეცუნა მალე დაუოკებელ მხეცად იქცა.
აცირუხსი მის მკლავებში გველივით იკლავებოდა, ევედრებოდა, ტი-
როდა.

— ჩემს გაზრდილს გაფიცებთ. ნუ შემვიგინებთ ნამუსს, ნუ მოსკრით თავს ჩემს ქმარს...—ეხვეწებოდა აცირუხსი. ვინ მოუსმინა ბატონმა წადილი შეისრულა და დაძვინდა. აცირუხსი კი ტიოოდა. წაბილწული ნამუსის ცრემლით გააპახვა კი მაინც ვერ მოახერხა. იმ ღამეს მასა და დოლათს შორის სამუდამოდ ჩატყდა ხიდი. ის კი არა, აცირუხსს ეგონა, მის ნამუსახდილ სხეულს სამუდამოდ გაეყარა სული.

ოოი თვის შემდეგ დოლათმა ქალაქში მიაკითხა ცოლს. მიწა რომ გახეთქოდა, ერჩია აცირუხსს. დოლათი გადაეხვია და ქალს ეგონა, დოლათის მკლავების მაგიერ ორი ურჩხული შემოეხვია და ახრწობდა. აცირუხსი აქვითინდა, ქმარს კისერზე ჩამოეკიდა და სლუკუნით უთბრა:

— აქ აღარ დამტოვო, დოლათ, შინ წამიყვანე, დეე, ერთად დავიხოცოთ შიმშილით. ან არადა, ოლონდ აქაურობას გამააცალე და გინდა კლდიდან გადამაგდე.

— რას ამბობ, ქალო, სად უნდა წაგიყვანო? ის ახოც სეტყვამ გაატიალა. მარცვალი პური არ გვივდია. ლამის ბავშვი შიმშილით მოგვიკვდეს. აქ რომ მოვიდიოდი, მშიერი გამომეტერია. შენ ამბობ წამიყვანეო. ცოტა ხანს კიდევ მოითმინე, ხომ იცი, მე შენი იმედილა მაქვს. ზამთარი კარზეა მომდგარი, გინდა, შიმშილით ამოვწყდეთ?!

გული მოუყვდა აცირუხსს. გაჭირვება რას არ აკადრებინებს ადამიანს. იქ, აულში მისი შვილი მშიერია, მამას ელოდება, რომ პური მიუტანოს. რა დაემართება ცარიელი რომ დაინახოს, იქნებ პატარა გული გაუსკდეს კიდევ. იმ საბედისწერო ღამის შემდეგ რამდენჯერ დააპირა ამ დაწყევლილი სახლიდან გაქცევა, მაგრამ მოაგონდებოდა თავისი დანგრეული ოჯახი, შვილი, და მეტი რა გზა ჰქონდა, ეგუებოდა მდგომარეობას. ახლაც დათმო, წელმოწყვეტილი ძლივს ადგა და ბატონს ეახლა.

— ორი თვის ხელფასი წინდაწინ მომეცით. ქმარი ჩამოვიდა, მშიერი ყოფილა ჩემი შვილი.

თავადმა ფული მისცა აცირუხსს და მრავლისმეტყველი ღიმილი გააყოლა.

2.

ბატონის ალერსს აღარ გაუბოდა, საჩუქრებსაც დამშვიდებული იღებდა. ვინ იცის, როდემდის გაგრძელდებოდა მათი მრუშობა, აცირუხსს კიდევ ერთი დიდი მეხი რომ არ დასცემოდა თავს. დაორსულდა. შუბი ხალთაში არ დაიმალება. ქალბატონმა შეამჩნია ეს და აცირუხსი უცხო ქალაქში, უცხო ხალხში ქუჩაში დარჩა. ერთმა გულკეთილმა ქალმა შეიკედლა. ექიმბაშთან იმან მიიყვანა. საწყალი აცირუხსი კინალამ მოკვდა, მაგრამ ღმერთმა არ გასწირა. გადარჩა. ბავშვი მკვდარი დაიბადა. ცოტა რომ მოლონიერდა, ერთი სომეხი მიკიტნის ღუქანში ქურჭლის მრეცხავად აიყვანეს. აქაც შეაედინეს... მერე კი ყველაფერი

თავის გზით წავიდა. ხელიდან ხელში იწყო გადასვლა ლამაზმა ძიძამ. ასე ჩაეფლო ტალახში ოდესღაც სინდის-ნამუსიანი ქალი.

მკაცრმა ზამთარმა დრო მოჰკამა. დადგა გაზაფხული, დათბა. მთაში გზა გავიდა. აცირუხსის ამბავი აიტანეს აულში. დოლათი გაცოფებული ჩაეპრა ქალაქში. კითხვა-კითხვით მიაგნო ცოლს. დაინახა თუ არა, მგელივით ეცა. თმებით დაითრია, ურტყამდა, სადაც მოხვდებოდა:

— შე უნამუსოვ, საკახპოდ გამოგვზავნე აქ? — ხანჯალი დაძრო და აუცილებლად მოკლავდა, შემთხვევით შესწრებულ პოლიციელს რომ არ დაეჭირა.

— ეი, შენ, პირუტყვო, რაზე კლავ ქალს?

— გამიშვი, მოსაკლავია და უნდა მოვკლა, ეს კახპა! — კიდევ გაიბრძოლა დოლათმა, მაგრამ პოლიციელმა და შემოსწრებულმა ხალხმა გააკავეს და პოლიციაში წაათრიეს.

აცირუხსი გონს რომ მოეგო, პოლიციაში გაიქცა, უფროსთან მივიდა და სთხოვა:

— ეგ კაცი ჩემი ქმარია, ძალიან გთხოვთ გაათავისუფლოთ. არ არის დამნაშავე.

პოლიციის უფროსს სიცილი აუტყდა.

— ეს დათვი შენი ქმარია? მაგას რა დამაჯერებს.

— დიახ. ქმარია.

პოლიციელმა მუნდირი შეისწორა. უღვაშებში ჩაიღიმილა:

— კარგი, გავუშვებ, მხოლოდ იცოდე, ამაღამ მოვალ შენთან...

დაღონებულუბი, თავდაბრილები გამოვიდნენ ქუჩაში. მიდიან, თვითონაც არ იციან სად, ქუჩის ბოლოს შეჩერდნენ. დოლათი ტიროდა.

— მითხარი, ვინ მომპრა თავი, ვინ მომხალა ქული და მე გავუსწორებები.

— ნუ ეძებ, ვერ იპოვი...

— უნამუსოვ! — გაცოფდა დოლათი და მუშტი შემართა. მაგრამ უცბად აცირუხსის ნაღვლითა და საყვედურით საკსე თვალებს შეეფეთა და მკლავი მოტეხილი ტოტივით დაეკიდა.

— შენ მეძახი ჟნამუსოს? მერე ვინ მიმიყვანა აქამდის? ვინ დამატოვებინა ძუძუთა ბავშვი აკვანში? ვინ მომგლიჯა შვილი მკერდიდან? ვინ ჩამაგდო მგლების ხელში? ვინ? ვინ? შენ! შენა ხარ ჩემი უბედურების მიზეზი, მაგრამ მე არ გასაყვედურობ.

— მერე, მე მაგიტომ გამოგვზავნე?

— მაშ, რა გეგონა, უბედურო, ფული. ფულიო. რომ მითვლიდი, რატომ არ ფიქრობდი, საიდან, ვინ მისცა ფულიო. რომ გეხვეწებოდი წამიყვანე-მეთქი, რატომ არ გამაცალე აქაჟრობას, შენა ზიდე ჩემი ცოდო, შენა ხარ ჩემი უბედურების მიზეზი, შენ. ახლა გაახილე თვალი? გვიანდა.

— უპ, წყეულო სიღარიბევ, ეს რა ციცილი წამიკიდე! როგორ გამამწარე, როგორ დამინგრიე ოჯახი? — ამოიგმინა დოლათმა და თავში წაიშინა. — ეს რომ მცოდნოდა, არ გამოგიშვებდი, აქამდის ერთად

დავიხოცებოდით, უკეთესიც იქნებოდა. მაგრამ რა მექნა, მეტი გზა არ მქონდა. ო, ღმერთო, ღმერთო, ჩამოიქეცი ჩემი ცოდვით. ის არ გეყო, რომ სიღარიბით ამომხადე სული და ეს კიდევ რა მიყავი, გული ამომგლიჯე და ძაღლებს მიუგდე საჭიჯგნად!

დიდხანს ისხდნენ. გული ორივეს ბოლმით ჰქონდა სავსე. ხან ერთი ტიროდა ხან მეორე. ისევ დოლათი მოეგო გონს. ცოლს მკლავში ჩააელო ხელი და თავისკენ მიიზიდა.

— წავიდეთ შინ!

— არა, დოლათ, არსადაც არ წამოვალ, დაგიგვიანდა, მე ცოლად აღარ გამოგადგები, მე ახლა ქალაქის უნამუსო ქალი ვარ... — ამოიკენესა აცირუხსმა.

— ღმერთი გაპატიებს.

— არა, დოლათ, არა. არაფერსაც არ მაპატიებს, თავმოჭრილი ვარ. დაე, მე დავიტანჯო. შენზე კი არავის ვათქმევინებ, ასეთ-ისეთის ქმარი ხარო. მაგას არ ვიზამ, მიჯობს აქ მოვკვდე.

— რას ამბობ, აცირუხს, წავიდეთ, ისევ ისე ვიცხოვროთ, როგორც ვცხოვრობდით. დრო გაივლის და ყველაფერი დაგავიწყდება. მეც გულში ჩავიკლავ ჭავრს, უშენოდ მოვკვდები, აცირუხს, — დოლათი ისევ აზლუქუნდა. ტიროდა აცირუხსიც.

— მე ცოცხლებში აღარა ვწერივარ. შინ რომ მიხვალ, ტირილი გამართე. ყველას უთხარი აცირუხსი მომკვდარა-თქო. სასაფლაოზე სამარე გამითხარე. ჩემმა შვილმა არ უნდა გაიგოს, ვინ არის დედამისი, ჩემი უკანასკნელი თხოვნაა ეს, დოლათ, საფლავი აჩვენე, აქ დედა მარხია-თქო, უთხარი.

— თავი არ მომაკვლევი, აცირუხს, ვიცი, მთავარი დამნაშავე მე ვარ. შენ მხოლოდ შინ წამოდი, დაივიწყე, რაც იყო. დავიღალე, არ გეცოდები? ავადმყოფი დედა, პატარა ბავშვი, ნუთუ არ მოგენატრა შვილი? გაიზარდა, ლაპარაკი ისწავლა. — მაგრამ აცირუხსი გაქვავდა.

შემოდგომით თვითონ ეხვეწებოდა ქმარს, შინ წამიყვანეო, ის კი არც დაფიქრებულა, რად იყო ასე შეწუხებული, პირიქით, ფული სთხოვა, შიმშილით ვიხოცებითო. მაშინ გაწყდა მათ შორის უკანასკნელი ძაფი. დოლათი მოკვდა აცირუხსისათვის. დიდი ხანია შვილიც აღარ ენატრება, დაავიწყდა მისი სახე. ახლა, როცა შვილს ახსენებს, თავისი გაზრდილი წარმოუდგება თვალწინ. აი სადამდის მივიდა საბრალო აცირუხსი.

— წადი, დოლათ, აი ფული, წაიღე, გამოგადგება და ნულარასოდეს მომიკითხავ.

დოლათმა ფული შორს გაისროლა.

— ფუ, შენ მართლა დაგიკარგავს სინდისი, — მიაფურთხა ცოლს და წელათრეული წაბარბაცდა.

აცირუხსი გულამომჯდარი ტიროდა.

— მაპატიე, დოლათ! ჩემი ბრალი არ არის, — ლულულუღებდა და ცრემლები უბეში ჩასდიოდა.

წავიდა დოლათი, ახლა უკვე ყველაფერი უკან დარჩა. თითქოს გულზე მოეშვა აცირუხსს. განთავისუფლდა. აღარავისი ეშინოდა, აღარავისი ერიდებოდა. ფრინველივით საითაც უნდოდა, იქით გასწევდა. და იგი მალე ყელამდე ჩაეფლო ქაობში.

მსუბუქი ყოფაქცევის ქალთა დედოფლად აღიარეს და ისიც ამ წარმატებით კმაყოფილი ერთიმეორეზე ბინძურ საქმეებში გაერია.

გავიდა რამდენიმე წელი. აცირუხსის კეთილი და მიმნდობი გული გაქვავდა. ცხოვრების მკაცრმა პირობებმა გამოცდილება შესძინა. გაეშმაკდა და გაქსუვდა. ახლა მხოლოდ ფულის შოვნა გახდა მისი მიზანი. სიღარიბემ უბიძგა ამ ბინძურ გზაზე და არაფერს ერიდებოდა, რომ თავისი წაბილწული სინდისისათვის ხარკი გადაეხადა.

დაივიწყა ახალგაზრდობაში გადატანილი გაქირვება, სოფლური ცხოვრება, დაივიწყა ქმარი და შვილიც. მაგრამ ხვალინდელ დღეზე ფიქრი მოსვენებას არ აძლევდა. ამან მიიყვანა მარკოზას ღუქანში. აქ მისმა ეშმაკობამ არ გაჭრა. მარკოზა უფრო საზრიანი გამოდგა. აცირუხსი, პირიქით, იმან გაიხადა შემოსავლის წყაროდ. დოთიმაც იმ ღუქანში გაიცნო ცის თაღით მშვენიერი დედაკაცი. აცირუხსმა მდგომარეობა აწონ-დაწონა... გადაბრუტუნებულ ბერიკაცს ორი პარასკევი აღარ უდევს წინ. ვითომ რას დაეკარგავ, რომ გავყვე. ერთ ორ წელიწადში მოკვდება, მერე მიეყიდ-მოეყიდი მის ქონებას და ისევ ქალაქში ჩამოვალო, იფიქრა და აღარც დააყოვნა. ცოლად გაჰყვა მამისტოლ ბერიკაცს.

მაგრამ ბედი არა სწყალობს აცირუხსს. როცა თქვა საქმე დამში მოვიყვანეო, მაშინ გამოტყვრა ეს მზედაბნელებული სოლიმი. ქალი მიხვდა, რომ ღირსეულ მეტოქესთან ჰქონდა საქმე. როგორ მოიქცეს? სოლიმს ასე უბრალოდ ვერ მოიშორებს. არადა რა ქნას? ბევრი იფიქრა და იმ დასკვნამდე მივიდა, რომ სოლიმთან საერთო ენის გამონახვა აჯობებდა.

სოლიმიც ღელავდა. თუ აცირუხსი ჩხუბის ამბავს დოთის ეტყოდა, ეს უკანასკნელი მტყუანსა და მართალს არ განიკითხავდა და სოლიმს სახლიდან გააგდებდა. მთელი ღამე თვალი არ მოუხუტუვას. დილით რეურაქზე ადგა და მთაში წავიდა. საღამოთი შინ რომ დაბრუნდა, აცირუხსი ღიმილით შეხვდა.

— სად დაიქარგე, ბიჭო, შენს მტერსა და ღუშმანს შიმშილით სული არ გასძვრა?

სოლიმმა მძიმე ბრძოლაში გამარჯვებული მხედარივით ამაყად უპასუხა.

— გმადლობთ, ჩემო ძვირფასო დედისმაგიერო, მიხარია რომ ჩემზე ფიქრობ.

იმ დღეს აქეთ ძალიან „დამეგობრდნენ“ სოლიმი და აცირუხსი. ორივემ ნამდვილი სახე დამალა. ერთს ფიქრობდნენ და მეორეს ამბობდნენ. აცირუხსს ეშმაკობით უნდოდა ეჯობნა სოლიმი¹ათვის. ბავშვი დაიბადება და დოთის შვილს სახლიდან გავავდებინებო. წილს რომ

ჩაიგდებს ხელში, მერე აღარ ეშინია. სულ სხვას ფიქრობდა სოლიმი. მოსვენება დაუკარგა აცირუხსის გვამში მზარდმა მოზიარემ. თუ ის ქვეყანას მოევიდნა, მამის ქონების ნახევარს წაიღებს, რაც სოლიმს სულაც არ სურს. ბევრი იფიქრა, მაგრამ იმ დიდი მტრის, რომელსაც ჭერ დღას ღინათლე არ დაუნახავს, დამარცხების ვერც ერთი გზა ვერ გამოიხატა. ერთ დღეს, თითქოს გონება გაუნათდა, სიხარულით შეხტა, ახლა მიუტრონო, ჩაილაპარაკა და ავი განზრახვის შედეგს წინდაწინვე შესცინა.

ზაფხულში ყველის კასრებს კარგა ღრმად ამოთხრილ ორმოში ინახავდნენ. შიგ მხოლოდ კიბით შეიძლებოდა ჩასვლა. კაცები ორმოში არ ჩადიოდნენ, ამის უფლება მხოლოდ აცირუხსს ჰქონდა. რა იქნება, ერთ მშვენიერ დღეს კიბის საფეხური რომ ჩაუტყდეს... აი რა მოიფიქრა სოლიმმა! აღარ დააყოვნა. კიბეს საფეხურები ისე დაუყენა, რომ საკმარისი იყო ფეხი დაედგათ, და იმწუთს ჩაიმტვრეოდა. ერთი დღე არაფერი. მეორე დღეს დოთი და სოლიმი დერეფანში ისხდნენ, უცბად საშინელი კივილი მოესმათ. მამა-შვილი წამოცვიდნენ, ეცნენ ორმოს და რა დაინახეს: კიბე ჩამტვრეულია, აცირუხსი კი გულშემოყრილი კასრებზე გდია. სოლიმი თვალის დახამხამებაში ჩახტა ორმოში და გულწასული დედინაცვალი დიდი გაჭირვებით ამოიყვანა. თვითონვე გაიქცა ბებიაქალის დასაძახებლად. მთელი დამე სიკვდილ-სიცოცხლეს შუა იყო აცირუხსი, გათენებისას მკვდარი ბავშვი შობა. წელიწადი ლოგინი ველარ აილაგა, დაავადმყოფდა, დაუშნოვდა.

სოლიმი ზეიმობდა. ღმერთი სწყალობდა. აქაც გაიმარჯვა, უბრძოლველად მოიშორა მტერი. ახლა უფრო განზე გაშალა ფრთები. დოთის ლაპარაკს ყურსაც აღარ უგდებდა.

დოთი ხომ სულ გადარია აცირუხსის მარცხმა. გაავდა, ხასიათი გაუფუქდა და დღითი დღე ბანდისძველასავით იჩულებოდა, სანთელივით ჩამოდნა. აცირუხსის გადასარჩენად არც თავი დაზოგა და არც ქონება. ის კი არა, ქალაქიდანაც ამოუყვანა ფერშალი.

უკანასკნელად კიდევე შეცდა აცირუხსი. შეცდა და როგორ? რა უნდოდა. გდებულისყო, ადაც იყო, ლუქმასა ქამდა. გამდიდრება მოინდომა. შენი რომ არა გაქვს, თავისას ვინ მოგცემს? აჟი არაფერი ერგო. ახლა გდია დასახიჩრებული, დაავადებული და კვნესის. ფიქრებმა მოსვენება დაუკარგა, ჭირის დღესაგით შეძულდა დოთი. წინათ რომ შეყვარებულობანას ეთამაშებოდა, სხვა რაღაცას ელოდა, ახლა კი აღარაფერს ელის და დოთის ახლოს აღარ იკარებს. დოთი თავისებურად განიცდის აცირუხსის გაორგულებას. აღარ იცის. რითი დაიბრუნოს დაკარგული სიყვარული. ყველაფერში შვილს ადანაშაულებს. კიბის ამბავშიც ეჭვი შეეპარა. სათიხურები ძალით იყო ჩამტვრეული. ვინ იზამდა ამას, თუ არა სოლიმი? მამამ სამუდამოდ შეიძულა შვილი. პირდაპირ ვერაფერს უბედავდა, მაგრამ მზად იყო, თვლები დაეთხარა მისთვის. გადაწყვიტა, თავიდან მოეშორებინა. ფიქრობდა, ჩემი სიკვდილის შემდეგ, სოლიმი აცირუხსს სახლიდან გაავდებსო. ამიტომ ახლავე უნდა ეზრუნა აცირუხსის მომავალზე. ერთ საღამოს სიტყვაც

ჩამოუგდო, განზრახვა გაანდო, მაგრამ აცირუხსს ხმა არ ამოულია, თითქოს არც გაუფრთხილა. ერთხელ კინალამ მოკლეს და ახლა აღარ უნდოდა ამაზე ლაპარაკი, არა აქვს ამის თავი. დოთიმ მაინც თავისი გაიტანა. მამასახლის ყაზის საიდუმლო გაანდო. სთხოვა, რომ მისი ქონება აცირუხსისათვის დაემტკიცებინა. ყაზი შეჰპირდა, ყველაფერს ისე გაეკეთებ, შენ როგორც გინდაო. საღამოთი კი სოლიმი დაიმართხელა და დაწვრილებით ამცნო მამის განზრახვა.

სოლიმი გაშრა. ყაზი გააფრთხილა, ორ დღეს აულში არ გამოჩენილიყო, მანამდის კი მოიფიქრებდა რამეს.

3.

მეორე დღით დოთიმ ყაზი მოძებნა, მაგრამ შინ არ დაუხვდა. ქალაქს წავიდაო, უთხრეს.

იმ დღეს სოლიმმა ცხენები შეკაზმა და მამას დაუძახა: საქონელს კირი გასჩენია და მთაში წავიდეთო.

— ვინ გითხრა? — შეშფოთდა დოთი.

— ბარსაგის ბიჭი ჩამოვიდა და იმან ჩამოიტანა ამბავი. აჩქარდი, თორემ გზაში შემოგვალამდება.

— შენ რომ წასულიყავი?

— არა, არა, შენც უნდა წამოხვიდე. საქონელი შენია. სულ იმას მაყვედრი, ჩემს ქონებას ეპატრონებიო. წამოდი, შენი თვალთ ნახე, რაშია საქმე. მე რად უნდა ვიკისრო პასუხისმგებლობა.

დოთის რატომღაც შინიდან გული არ მიუწევდა. მაგრამ სოლიმმა თითქმის ძალით შესვა ცხენზე.

აღმართზე გაუჭირდათ ცხენებს, სოლიმმა მარჯვნივ შეაბრუნა თავისი ქურანა და მამის გასაგონად ჩაილაპარაკა:

— ცხენები მშვივრები არიან, ამ გზით გაუჭირდებათ, შორიდან მოვუაროთ.

დოთიმ არაფერი თქვა. მიდიან მამა-შვილი, მიდიან და ორივე საკუთარ ფიქრებშია ჩაფლული. მალე უფსკრულის თავზე საცალფეხო ბილიკზე გავიდნენ.

— საით წამომიყვანე. ბიჭო, აქ ერთი გაუფრთხილებელი ნაბიჯი და კლდეზე გადავიჩხებებით.

სოლიმი ცხენიდან ჩამოხტა.

— ჩამოხე, ბაბა, თორემ აქ ცხენდაცხენ ვერ გავალთ.

— უკან გაებრუნდეთ.

— უკან გასაბრუნებელი გზა აღარა გაქვს...

— რაო? ხომ არ შეიშალე?

— ჩამოდი, ჩამოდი!

— იქით, შე დორბლიანო!.. — დაიღრიალა დოთიმ.

— ხმა! ნუ ღრიალებ, მაინც ვერავინ გაიგონებს. — სოლიმმა აღვი-

რში უტაცა მამას ხელი, ცხენი დაფრთხა და დოთიმ მატყლით გატენილი ბარდანასავით ძირს მოადინა ბრაგვანი.

— რა განიზრახე, წყეულო? — დაიკენესა მოხუცმა.

— უნდა მოკვდე! — მშვიდად, თითქოს ქორწილში ისტუმრებსო, ისე უპასუხა სოლიმმა.

— მე მეუბნები მავას? — თვალეები გადმოკარკლა დოთიმ.

— ჰო, შენ!

— კი მაგრამ, რა დაგიშავე ისეთი, რატომ მოგივიდა ასეთი განზრახვა თავში? — ხმა აუკანკალდა დოთის.

— რასაც დათეს, იმას მოიმკიო, — არ გაგიგონია? ხომ არ დაგავიწყდა დედაჩემის ამბავი. ავად იყო, ხელს აღარ გაძლევდა, შენც ადგიქი და უცუნა შეაპარე. სწორედაც მოიქეცი. აღარაფრის თავი ჰქონდა, რალად გინდოდა.

ახლა შენ მე მიშლი ხელს, ვილაც კახა დედაკაცს მანაცვალე. ქონებას იმას უტოვებ, მე კი ცარიელზე გინდა დამსვა, მშიერს ამომხადოს სული: მაგრამ მე სულაც არ მაწყობს შენი განზრახვა. ამიტომ ჯობია შენ მოკვდე. მე ახალგაზრდა ვარ, სიცოცხლე მინდა, შენ კი შენი დრო მოგიქამია, ღმერთია მოწამე, ცუდს არაფერს ვაკეთებ, ჩემს ადგილზე შენც ასე მოიქეცეოდი.

— წყეულო, შხამიანო გველო, რატომ არ გიცნობდი, რომ ადრევე გამეჭექეყა შენთვის თავი.

— გველისაგან გველი გამოდის, მგლისგან — მგელი... ჰოდა, როცა გველი კბენას დააბირებს, თავს უჭექეყავენ.

— შემიბრალე, შეილო, მამა ვარ შენი. ღმერთს ნუ განარისხებ, არ ჩაიდინო ეგ საშინელება, მამის სისხლში არ გაისვარო ხელი. ქვეყანაზე თავი მოგვეკრება, — მუხლებზე დაეცა დოთი.

— ფუ, რა ლაჩარი ყოფილხარ, ადექი, ადექი, და ვაუკაცურად შეხვდი სიკვდილს. ორი გზა გაქვს. ერთი, აგერ, იმ კლდიდან, მეორე კი აქედან. აირჩიე, რომელი გირჩევენია. თუ ეგენი არ მოგწონს, მაშინ აი ეს, — სოლიმმა ჩიბიდან უცუნის ფხვნილით სავსე პატარა შუშა ამოიღო, გეცნობა? დედაჩემი ამით გაისტუმრე საიქიოს. მართალია, ამით ცოტა მეტხანს იწვალებ... საწყალი დედაჩემი მთელი ღამე იტანჯებოდა. მე მგონია, ამას ის ორი გზა სჯობია. თვალეები დახუჭე და წუთში სამოთხეში ამოყოფ თავს.

— ღმერთო დიდებულო, ეს რა წყეული გამიზრდია! რა გინდა ჩემგან, აქ რისთვის მომიყვანე?

— შინ არ მოხერხდებოდა... აქ კი... ვიტყვი, ცხენი დაუფრთხა და უფსკრულში ჩაიჩეხა-მეთქი. ადამიანურად მოკვდები და პატივით დაგასაფლავებ.

მიხვდა დოთი, რომ დადგა სიკვდილის ჟამი. კიდევ გაიბრძოლებდა, მაგრამ ბებერ მუხლებში თითქოს ტვინი გაუწყყალდა, ძალა გამოეღია და ბძროლის თავი არა აქვს. გულის სიღრმეში არც ამტყუნებს შვილს. თვითონაც ასე მოიქეცოდა.

— ბიჭო, ის ქალი არაფერ შუაშია, ცუდად ნუ მოეჭყევი. როცა მოკვდება, ჩემს გვერდით დაასაფლავე. შემომფიცე, რომ ამ უკანასკნელ სურვილს შემისრულებ.

— ვფიცავ! — მაგრამ რატომ გგონია, რომ სულელი ვარ? ყაზისთან ვინ გაგზავნა? დარღი ნუ გაქვს, ისე მოვეუვლი, როგორც ეკადრება. ჰა, კიდევ რა გაქვს სათქმელი?

დოთი ნელ-ნელა წამოდგა. კიდევ ერთხელ მიმოიხედა. არ უნდოდა სიკვდილი. მაგრამ თუ სიკვდილა, დეე, მისი მკვლელები მოკვდეს. ო, რა დამშვიდებით მოკვდებოდა დოთი! მისი ქონება აცირუხსს დარჩებოდა. რა არ ხდება ქვეყანაზე. ხომ შეიძლება, ეს მგელი თვითონ გახდეს თავისივე განზრახვის მსხვერპლ. და დოთის ძარღვებში ავად აქოთქოთდა დუბელა სისხლი. წამის მენახეში დაადრო ქარქაშიდან ხანჯალი და ბებერი ჭიჭივით ისეუბა. იმარჯვა სოლიმმა, გვერდზე გახტა. დოთიმ თავი ველარ შეიმაგრა და უფსკრულში დიდი ლოდი გადაიყალა.

— ბებერი მგელი. არ ისურვა ადამიანური სიკვდილი. ძალი ჩაგაკედეს სულში! — ტანსაცმლიდან მტვერი ჩამოიბერტყა და უფსკრულში გადააფურთხა. ეჭვი რომ არავის აელო, მამას ცხენიც მიაყოლა, თვითონ კი ღრიალითა და თავში ცემით დაბრუნდა აულში. დოთის კლდეზე გადაჩვენვის საზარელი ამბავი შეატყობინა ხალხს.

მეზობლებს დიდად არ სწყენიათ სისხლისმსმელი დოთის დაღუბვა. წესისამებრ დაასაფლავეს. ქელენში ჭამეს და სვეს. ეს იყო და ეს.

სოლიმმა მამის დასაფლავებიდან ერთი კვირის შემდეგ ყაზის თავისი მისცა. იმასაც რა ენაღვლებოდა, გაკმინდა ხმა.

თავი მათი

გივობაში უკუღმართი...

1.

ერთ დღეს აცირუხსმა სიტყვა ჩამოუგდო სოლიმს:

— ხომ ხედავ, ოჯახის საქმეს ველარ ვერევი, შენ სულ გარეთა ხარ, შინაობისთვის ვერ იცლი. ცოლი შეირთე. დროც არის, ხანმა შეხვედი, თმაში ჭალარა გამოგერია, ქონებას იძენ, ეგ კარგია, მაგრამ აბა დაფიქრდი, რად გინდა? ხომ იცი, სიკვდილის მეტი ყველაფერი აღრეული სჯობია, შენ კი დაგიგვიანდა კიდევ. მოიყვანე ქალი, მეც შემომსუბუქდება ტვირთი.

აცირუხსის სიტყვა ჭკუაში დაუჯდა სოლიმს. მართლაცდა როდემდის უნდა იყოს მართო. აცირუხსსაც უჭირს. ოჯახი დიდია, ერთი ავად-

შყოფი ქალა რას აუვა. თანაც დრო მიდის. ორმოცისა გახდა უკვე. როდისღა რას მოეწევა. მაგრამ ვინ ითხოვოს? არავინ მოსწონს, დაგვიანებაც რომ აღარ შეიძლება? და ქალიშათი არც მოჰგონებია, რალიძუარის¹ დღეობაში წავიდა საბედოს საძებნელად.

მიღეთის ხალხმა მოიყარა თავი დღეობაში. ვინ საქეიფოდ მოსულიყო, ვინ ჯირითში მონაწილეობის მისაღებად, ვინ კურატის შესაწირად და ვინ ბედის საძიებლად. საყდრის წინ ველზე წიფლის ხეებქვეშ შავთვალა, ხუტუტთმიანმა ქალიშვილმა ფანდირი აახმიანა და საამო ჰანგები მოეფინა ხეობას.

მზე კარგად იყო ამოსული, გაბო რომ საყდარში შევიდა. სამწყალოზო დიაკვანს გადასცა, თვითონ ნალყუთას გახედა, რომელიც თავის შეგობარ ქირქისას რაღაცას ეჩურჩულებოდა და გულიანად იცინოდა. გაბოს ვაჟი ბულათიყო ადრე წამოვიდა, მამასა და დას არ დაუცადა. გაბო მას მიღეთ ხალხში თვალებით ეძებდა, მაგრამ რას იპოვიდა. ქალიშვილებმა მაშინვე ლხინს მიაშურეს. გაბო კი ნაცნობთან ლაპარაკს შეჰყვა.

ლხინი გახურდა. საცეკვაო მოედანზე გამოჩნდა შუახნის კაცი, იგი იმ ასაკში იყო, ცეკვა რომ აღარ შეშვენის. მაღალი, საფეთქლებშეჭალარავებული, ცოტა სასაცილოდაც კი გამოიყურებოდა. ყველაფერი ახალი ეცვა. მის ხნოვანებას განსაკუთრებით უსვამდა ხაზს თეთრი ჩოხა-ახალუხი და მტრედისფერი უძიროები. კმაყოფილ სახეს რაღაც უტიფარ ელფერს აძლევდა დაწკურული ბოროტი თვალები. ხშირ შავ ულვაშებში აქა-იქ ჭაღარა გამოჩნდებოდა. წელზე ცალ მხარეს დამბაჩა ეკიდა, მეორეზე — ხანჯალი. ერთი სიტყვით, ბერბიჭა ბიჭობდა. უცებ წრე გარღვია და მოედანზე გადახტა.

— გოგოებო, შეჯიბრში გიწვევთ, სახალხოდ ვაცხადებ, ვინც ცეკვით დაძლის, იმისთვის ერთი ოქროს თუმნიანი მიჩუქებია! — ისე დაიძახა, რომ ყველას გაეგონა.

ფანდირი იწელება, დოლი კიდევ უფრო გაფიცხდა.

— ტაში! ტაში! — ისმის აქეთ-იქიდან.

მოცეკვავე ბერბიჭა სოლიმია. იგი დღეობაში ბედის საძიებლად ამოვიდა, ახლა ხან ერთ ქალიშვილს იწვევს საცეკვაოდ, ხან მეორეს, თვალში კი ჭერ არავინ მოსდის.

ნალყუთა და ქირქისაც დგანან და ლხინს უყურებენ. სოლიმმა შორიდან მოჰკრა მათ თვალი და უცებ ნალყუთას წინ ცალ მუხლზე დაიჩოქა, საცეკვაოდ გაიწვია. ქალიშვილმა იუარა, მაგრამ ძალით გაიყვანეს წრეში.

ცეკვავს სოლიმი, თავს აღარ იზოგავს. ორ არშინზე შეხტება, მერე თითის წვერებზე აღიმართება. ხან ბუხარული კრაველის ქუდს მოიხდის, უნდა ნალყუთა მკლავებში მოიქციოს, ერთი ხელიდან მეორეში გადაიტანოს ქუდი, მაგრამ ნალყუთა ამის საშუალებას არ იძლევა, იგი

¹ რალიძუარი — წვერის ანგელოზი (რელიგიური დღესასწაული).

სწრაფად ცვლის ილეთს და გედივით სხვა მხარეს გაკურდება ხოლმე. სოლიმი გაშმაგდა.

ნალყუთამ შეამჩნია, რომ სოლიმი დაიღალა. ახლა ქალიშვილმა იგდო ხელში ინიციატივა და ნაკვიანვე სასიძო ბერბიჭას ლამის სულ ამოაძროს. სოლიმს შუბლი კურკანტელის მარცვლისსისხო ოფლის წვეთებით დაეცვარა. მაინც არ იტებს იბტიბარს, ცეკვავს, ცეკვავს შეუჩერებლივ. ნალყუთა მიუახლოვდა, სოლიმმა ქუდის ილეთი გაიმეორა, მაგრამ ქალიშვილი უცებ გაეცალა და აქ მოხდა მოსახდენი, სოლიმმა, თავი ვერ შეიმაგრა და ტუჩები დაჰკრა მიწას.

ფუტკრის სკასავით აუგუუნდა მოედანი. გოგოები სიხარულით ფეხზე აღარ იდგნენ. ვაჟებმაც ჭავარი გადაიყარეს.

— ჰა, რომელი ხარო მარჯვე? ამოიღოს ოქროს თუმნიანი. — მოედნის შუაში ჭეირანივით მოიღერა ყელი ნალყუთამ.

სოლიმს თვალი ველარ მოჰკრეს, შერცხვენილი გაიპარა. ოქროს თუმანიც აღარ მოჰგონებია.

— ჰა, რომელს გერჩით მუხლში ძალა! — აქეზებდა დარცხვენილ ახალგაზრდებს ნალყუთა.

— ხსართაგ, გვიხსენი გასაჭირიდან, — ეჩურჩულება მეგობარს აძიბე.

— შენ თვითონ სცადე ბედი, აძიბე.

— კარგი ერთი, ნუ იცი ხოლმე გაჭიუტება, მოგვეკრა თავი და ეგ არის, — თან ხელით უბიძგა ხსართაგს.

— რაკი ანთებული მუგუზალი მამაკაცებს ესროლე, იყოს ნება შენი, მზეთუნახავო ასულა.

ჰაბუქმა ქალიშვილს თვალი თვალში გაუყარა. სოლიმის ნაცვლად ახლა ნალყუთას პირდაპირ იდგა ახლად წვერულვაშაშლილი, კარგად მოყვანილი. ახალგაზრდა. ფართოდ გახელილ მეტყველ თვალებში მთელი ქვეყანა ჩაეტეოდა. მოკლედ შეკრეჭილი შავი კოკობი უღვაშები ვაჟკაცურ იერს მატებდა მის ეშხიან სახეს. ტანზე უბრალოდ ეცვა: შინაქსოვი შალის შავი ჩოხა და სატინის რუხი ახალუხი, თავზე თეთრი ნაბდის ქუდი ეხურა.

— ეცადოთ ბედი! — ამაყად გასძახა ქალიშვილმა. — მხოლოდ საწაძლოზე.

— იყოს ნება შენი, მაგრამ არა ოქროს თუმნიანზე.

— მე შენს ქუდსაც დაჯჭვრდები!

— თანახმა ვარ! — უთხრა ვაჟმა.

და დაიწყო შეჯიბრი. ტაში გაძლიერდა. ნალყუთა გედივით დაცურავს წრეში. თითისწვერებზე შემდგარი ხსართაგი დასაჭერად დასდევს მას. ნალყუთა დაიღალა, ვაჟი კი უფრო გახელდა. ფანდირი ორ ცეცხლოვან გულს შორის შუამავლობს. ნალყუთა მიხვდა, რომ ეს ჰაბუქი სულ სხვა არის, იმ ბერბიჭას არ ჰგავს, ოქროს თუმნიანით რომ მოიწონა თავი, მაგრამ წრეში რუმბივით გაგორდა. შედგა ნალყუთა, ქალაღიის თავსაბური ააფრიალა.

— სიტყვა სიტყვაა, ქულზე ვიყავით დანაძლევებული, გიჯობნია, — აიღე ჩემი თავსაბური!

— მშვენიერო ქალწულო. თავსაბური მშვიდობაში გაგეცვიოთს. რად მინდა იგი, ჩვენში მისი ტარების ღირსი არავინ არის.

— პირობა ასეთი იყო. თუ არ აიღებ, მეწყინება!

— იყოს ნება შენი, მხოლოდ ერთსა გთხოვ, მომეცი უფლება, ეს ძვირფასი თავსაბური, ვისაც მინდა, იმას ვაჩუქო.

— თავსაბური შენია, აჩუქე ვისაც ღირსად ჩათვლი.

— შენზე მეტად ეს არავის დამშვენდება. ნუ ითაკილებ ჩემგან საჩუქარს, პირმშვენიერო, ჩემს სახსოვრად ატარე იგი.

ნაღყუთა თამამი იყო. ახლა კი ამ ქაბუქმა როგორღაც შებორკა, ცეკვაში ხომ აჯობა და აი, ახლაც მოუგო. გაწითლდა ქალიშვილი, თავდახრილმა აიღო უცხო ვაეისაგან საჩუქარი.

— გმადლობ, შენს სახსოვრად ვატარებ... — ქაბუქი ხალხში გაუჩინარდა.

იქით დოღი გამართულიყო. ახალგაზრდობა ახლა დოღის საყურებლად გაეშურა.

— წამოდი, ჩვენც ვუყუროთ, — ხელკავი გამოსდო ნაღყუთას ქირქისამ, მაგრამ ნაღყუთა გაშტერებული იდგა. — ჰა, რა დაგემართა, რა სარგადაცლაპულივით დგახარ?

— ქირქის, ვინ იყო ის ბიჭი? — ვერ მოითმინა ნაღყუთამ.

— დედაჩემის აულიდან არის, ხსართაგი ჰქვია, ბესოლთი გვარისაა. რა იყო?

— არაფერი, რა ლამაზი თვალები აქვს...

2.

თავი მოექრა სოლიმს. და მერე როგორ? ხვალვე ლექსს გამოუთქვამენ. სანამ მისი თავის მოქრა არ გახმაურებულა, მანამდე უნდა იძიოს შური. მოიტაცებს იმ ქალიშვილს და თვითონ გახდის სალექსოდ. მაგრამ ჭერ ხომ არ იცის ვინ არის, სადაურია? ძებნა დაუწყო ნაღყუთას, უცებ თვალი შეასწრო და მისკენ გაიშურა.

— ქალიშვილო, მაპატიე კადნიერება, თუ შეიძლება, სიტყვა მაქვს შენთან.

ნაღყუთას სოლიმის დანახვაზე ფერი ეცვალა, არ ესიამოვნა, ეს უცხო კაცი მასთან ლაპარაკის ნებას რომ ითხოვდა. თვალთ ძმა მოქებნა. მაგრამ ის დოღისათვის ემზადებოდა და შორს იყო.

— ლამაზო ქალო, ნუ შეგეშინდება ჩემი.

— რა არის. გაბრაზებული ხომ აღარა ხართ? — კითხვა შეაგება ნაღყუთამ.

— მაპატიე, მე სიტყვა არასდროს გამიტეხია. მომიგე და აი სანაძლეო, ინებე.

— როგორ გეკადრებათ, შეიძლება სხვაგან დაგჭირდეთ.

— არა, ბევრი ეცადა მაგის მოგებას, მაგრამ ბედმა მხოლოდ შენ გაგილიმა.

— წაილე, წაილე და შენს პატარებს ჩემს მაგიერ ტყბილეული უყიდე.

— გოგოვ. ნუ გაიწყდება, რომ კაცი ვარ და ქუდს ვატარებ, — მკაცრად უთხრა სოლიმმა.

— ჰოდა, თუ ქუდს ატარებ, რას ეჩხუბები მას, ვინც თავსაფარს ატარებს? — ისევ მწარე სიტყვა ესროლა ნალყუთამ.

ჭირჭისამ ქაქანით მოიბრინა.

— რა იქენი, ნალყუთა, ბულათიყო გავიდა დოღში, ჩქარა, წამოდი, — და ჭირჭისამ თითქმის ძალით გაიტაცა ნალყუთა. სოლიმს უნდოდა ქალიშვილისათვის მკვახე სიტყვა ეთქვა. მაგრამ ბულათიყოს ხსენებამ შეაჩერა. სოლიმი კარგად იცნობდა მას. ახლა უკვე მიხვდა, რომ ბულათიყოს სახელოვან დასთან ჰქონდა საქმე. გაბოს სახელიც გაეგონა. ბულათიყო ერთი უკუღმართი და თავზებელაღებული ახალგაზრდა იყო. უბრალო რამეზე კაცს წიწილასავით წააცლიდა თავს. იმასთან ზუმრობა ცეცხლთან თამაშს უდრიდა. განზე გადგა სოლიმი. აი მოჭირითეები მოედანზე გამოვიდნენ. სოლიმმა მაშინვე იცნო თეთრ ულაყზე ამხედრებული ბულათიყო. საოცარ ილეთებს აკეთებდა. სოლიმი მოხიბლა, თვალს ველარ აშორებდა.

მხედრები ერთიმეორეს ენაცვლებიან. მჭობნის მჭობნი აღარ ილევა.

სოლიმის ჯერმაც მოაწია, მაგრამ მოედანზე გამოსვლა მოულოდნელად გადაიფიქრა. მართალია, ჯირითს ვერავეინ დაუწუნებს, მაგრამ ახლა რატომღაც ვერ გაბედა ხალხის წინაშე გამოსვლა. ისე კი უნდა. ბულათიყოს აჯობოს, თვითონ თუ არა, სხვა ვინმემ მაინც. და აი, სოლიმს ხსართაგი გაახსენდა, იმაზე უკეთესი მოჭირითე ოსეთში მეორე არ ეგულება, მაგრამ ცხენი არა ჰყავს და შეჯიბრში მონაწილეობას არ იღებს. რა იქნება, სოლიმმა თავისი ქურანა ათხოვოს!

მაშინვე მოძებნა ხსართაგი.

— ხსართაგ. მოდი აქ. — შორიდან დაუძახა ჰაბუქს, — თუ ჯირითში მონაწილეობის სურვილი გაქვს, წაიყვანე ჩემი ქურანა. რაღაც ხასიათზე ვერა ვარ. ხომ იცი, შენს მეტს ჩემს იაბოს არავის ვანდობ.

— იცოცხლე, სოლიმ, ვიცი, რომ ხათრი გაქვს ჩემი, მაგრამ ახლა მზად არა ვარ.

— რა მომზადება გინდა, ხომ იცი, ჩემს ცხენს ბადალი არა ჰყავს, და კარგი მხედარიც შენა ხარ. არ დაგავიწყდეს, საქმე ჩვენი აულაზ ღირსებას ეხება. სხვებმა რატომ უნდა გვაჯობონ.

ხსართაგი ყოყმანობდა. ასეთი დოღისთვის მხედრები მთელი წელი ვარჯიშობენ ხოლმე. ის კი არ მომზადებულა. დოღში გამარჯვებული მთელი ხეობის პატივისცემას იმსახურებს. შორს გაუვარდება ხოლმე სახელი. ყველაზე ლამაზი და სახელოვანი ქალიშვილი მის ცოლობას

ბედნიერებად ჩათვლის. ხსართავს თვალწინ ნალყუთა წარმოუდგა. რა იქნება, მართლა სცადოს ბედი.

მაგრამ ნალყუთას გულის მოგება არც ისე ადვილია. მთელს ხეობაში ცნობილი ვაბოს ერთადერთი ქალიშვილია, თამამიც იმიტომაა, თანაც ანგელოზივით ლამაზია, ხსართავი კი საწყალი ბიჭია. ცხენიც კი არა ჰყავს საკუთარი. გულში ცეცხლივით ჩაუვარდა ნალყუთას სახება, გავა, რაც არის არის, იქნებ, ერთხელ კიდევ დაინახოს ის...

3.

— მოდიან! მოდიან! — დაიძახა ვილაყამ. ხალხი წინ გაიქრა. ყველას უნდა პირველმა დაინახოს გამარჯვებული.

ხეობის ვიწროდან ორი ცხენოსანი გამოხტა. ხან ერთი დაწინაურდება, ხან მეორე; ღორღიან გზაზე ცხენთა ფლოქვებიდან ნაპერწყლები იფანტება. პირველობას არც ერთი თმობს. მოსახვევში ნალყუთამ ბულაოიყო იცნო, მაგრამ, მეორე ვინ არის? ბულათიყოს ერთი ნაბიჯითაც არ უშვებს წინ. ვინ გაიმარჯვებს? ნალყუთა მოუსვენრად ტოკავს, გრძნობს, ის მეორე ღირსეული მეტოქეა ძმისა.

— უყურეთ, უყურეთ, ლურჯი ცხენი დაწინაურდა!

— არა, კაცო, თეთრი წამოეწია.

— ჰე, ჰე, ჰე, ყალყზე დადგა, ყალყზე!

— ნეტავ ვინ არის მეორე?!

ნალყუთამ მღელვარებისაგან თვალები დახუჭა. გული ძალუმად ეხეთქება მკერდის ფიცარს.

— უყურეთ, თეთრცხენოსანი დაწინაურდა! — გაიგონა ნალყუთამ და თვალი მაშინდა გაახილა.

თეთრი ცხენი ხეობის მოსახვევში გამოჩნდა. ახლა უკვე გადაწყვეტილი იყო შეჯიბრის ბედი. გამარჯვებული ბულათიყო იქნებოდა და შოხდა საოცრება. ფინიშთან პირველი ლურჯცხენიანი მხედარი მოვიდა. ნალყუთამ თვალებს არ დაუჭერა, ცხენზე ხსართავი იჭდა. გულმა ბაგაბუგი დაუწყო. ვერ მიხვდა, გაუხარდა თუ ეწყინა მისი გამარჯვება.

დაიქუხა თოფმა. ხალხმა გამარჯვებულად ხსართავი სცნო. ცხენიდან ციმციმ გადმოიყვანეს და რამდენიმეჯერ მალლა შეისროლეს.

მერედა გამოჩნდა ბულათიყო. სიბრაზისაგან ფერი დაჰკარგოდა. ტუჩები უკანკალებდა. ნალყუთა მიხვდა, რომ მისი ძმა უკიდურესად იყო გამძვინვარებული.

— ქირქის, მიშველე, ბულათიყო ძალიან გაჯავრებულია, ავი არაფერი ჩაიდინოს. — ორივე იქით გაიქცა, სადაც ბულათიყო იდგა.

მაგრამ დაიგვიანეს...

სოლიმის ჩანაფიქრი გამართლდა. ბულათიყოს თავმოყვარეობა შეელახა. ველარ მოერია თავს და გამარჯვებულს გაჯავრებული დათვივით ეკვეთა.

— ვის გაუბედვრე შენ გამასხარავება, შენი დედა... შენი!... — ილრიალა მან და ხსართავს ლოყაში სილა ლეწა.

ხსართაგს თვალთ დაუბნელდა, დაბარბაცდა, მაგრამ არ წაქცეულა, თავი შეიმაგრა, უცებ თვალი შეასწრო, მოწინააღმდეგემ როგორ იძრო ხანჯალი. რომ არ ემარჯვა, ფათერაკი დაატყდებოდა თავს, მარწუხივით თითები შემოაქდო მაჯაზე ბულათიყოს, ხანჯალი ხელიდან გაავლებინა და საპასუხო ალიყურიც უთავაზა.

ახალგაზრდებმა ხსართაგი გაიტაცეს. სოლიმმა თავისი ცხენის აღვირი შეაჩეხა ხელში და მკაცრად გააფრთხილა:

— აგერ ცხენი, მოახტი და გაქრი აქედან, თორემ ხიფათი არ აგცდება.

ბულათიყო იწვედა, იმუქრებოდა. ვერა და ვერ დააწყნარეს. ნალყუთამ მაშას დაუძახა. გაბომ კისერში წაავლო ხელი და კატის კნუტრით აიტაცა მალა.

— ხმა, კრინტი არ დამრა, თორემ საკუთარი ხელით დაგაზრჩობ.

ბულათიყო შეკრთა. მამის რიდი ჰქონდა.

— აბა, ახლავე შეჯეჭი ცხენზე და აქ აღარ დაგინახო, თორემ ღმერთს გეფიცები, რაც სიგრძე გაქვს. იმ სიგანეს მოგცემ!

იცოდა შვილმა, რას ნიშნავდა მამის მუქარა. ბრაზის გულში ჩაკვლა რომ ვერ მოახერხა, საკუთარი ხორცი კინაღამ დაჰკამა. მერე ერთი ისკუპა და თავისი თეთრონი თავქვეში მიუშვა. ნალყუთამ თვალები დახუჭა, ფერი წაუვიდა, შეეშინდა, კლდეზე არ გადაიჩეხოსო.

4.

მლოცავეებმა ხატის ქვეშ გაშალეს სუფრა. სადღეგრძელო სადღეგრძელოს მიჰყვა, გამხიარულდნენ. გაბო თამადის გვერდით იჯდა, მაგრამ არცა ჭამდა და არცა სვამდა. ბულათიყოს ჩხუბმა ჩააშახმა ბედნიერი დღე, თანაც ეუზნოდა, იმ ჩერჩეტმა არაფერი ჩაიდინოსო და სუფრიდან ყველაზე ადრე ადგა. ნალყუთა მოძებნა და შინისაკენ გაუდგნენ გზას.

უნაგირი დაინახეს დერეფანში და გულზე ეფონათ. ბულათიყო შინ იყო. გაბომ იცოდა შვილის ხასიათი, სანამ არ დაშოშმინდებოდა, მასთან ლაპარაკს აზრი არ ჰქონდა, ამიტომ აღარ შეეხმინა. ნალყუთას ლოგინი გააშლევინა და დაწვა.

გაბოს ავი ფიქრები ჭიანჭველასავით დაეხვია, ვის დაემსგავსა მისი ბულათიყო? დედამისი ქოსერი, ნათელში ამყოფოს უფალმა, მთელ აულს უყვარდა, თვალში რომ ვისმე ჩავარდნოდა. ხელს არ მოესვამდა. გაბომ ქოსერის სიკვდილის შემდეგ ცოლი აღარ შეირთო. გოგოა და, უბნის თვალია, დედას დაემსგავსა, ჭკვიანი, აზრიანი.

„არა, მკაცრად უნდა მოველაპარაკო, სანამ ხიფათს არ გადაეყარა და ჭალარა ტალახში არ ამომისვარა“. — გადაწყვიტა გაბომ და შფოთიანი ძილით ჩაეძინა.

გვიან დაწვა ნალყუთა. უნდა დაიძინოს, მაგრამ თვალზე რული არ ეკარება. ლოგინში შამფურივით ტრიალებს. საკვირველია, რა დაემართა. წინათ ბალიშზე მიდებდა თუ არა თავს, მაშინვე ჩაეძინებოდა. ის შავგვრემანი, შავთვალა ბიჭი ხომ არ არის მიზეზი? საკვირველია,

ნაღყუთას იმაზე ლამაზი და მოხდენილი ბიჭებიც თხოულობენ, მაგრამ არც ერთი არ გაიკარა გულმა. ამან კი საგონებელში ჩაავდო. ქალიშვილი ცდილობს ვაჟის სახე განდევნოს გონებიდან. ის კი ყოველი მხრიდან უმზერს. მერე რა თვალით უყურებს ნაღყუთას.

მაგრამ არა, დღევანდელი ამბის შემდეგ იმ ბიჭზე ფიქრის უფლება არა აქვს ნაღყუთას. როგორ გაართუა ბულათიყოს? დოღშიც გაასწრო! რატომ დაამცირა მისი ძმა? იცის ნაღყუთამ, როგორ იტანჯება ბულათიყო. ალბათ სიბრაზით ხელებს იმტკრევს. არც მამაა უკეთეს დღეში. რატომ გაუმწარდა ეს ღამე ყველას? რატომ?

არა, რა თქმა უნდა, ბულათიყო არ არის მართალი. ხსართაგი?... ოჰ, ნეტავ არ მომხდარიყო ის ამბავი. ნეტავ სცოდნოდა, ბულათიყო რომ ძმაა ნაღყუთასი. მაშინ იქნებ არ გაესწრო წინ. ო, არა, ღმერთმა დაიფაროს, მაშინ ნაღყუთას ძილი არ გაუკრთებოდა, არც არასოდეს გაახსენდებოდა.

მაინც რა კარგი ბიჭია, რა მშვენიერი თვალები აქვს. ოჰ. დედა, დედა, ნეტავ?... მაგრამ არა, რამ მაფიქრებინა, ეს არასოდეს მოხდება. ჩემი ძმა და ის ახლა დაუძინებელი მტრები არიან.

ღმერთო კი მომკალი, რა სისულელეები მომდის თავში. ჩემთან იცეკვა. სხვა რა, არც კი შემოუხედავს. ვინ იცის, ცოლიანიც არის. ან სხვა გოგო უყვარს. ალბათ, აქამდე დავაფიწყდი კიდევ. ბიჭი რამდენ გოგოსთანაც იცეკვებს, ყველას ხომ ვერ შეიყვარებს. მაგრამ ჩემი თავსაბურთი ისევ მე რომ მაჩუქა! რად მითხრა, შენსავით არავის მოუხდებო. ალბათ იმასაც...

ხსართაგი... ხსართაგი... სახელიც რა ლამაზი დაურქმევიათ. ნეტავ ის მაინც ვიცოდე, ახლა თვითონ რაზე ფიქრობს. ეჰ, რაზე უნდა ფიქრობდეს, ტკბილად ეძინება.

— კი, ეძინება, ნამდვილად ეძინება...

როდის-როდის ჩაეძინა ნაღყუთას.

დილით მამის ხმაზე გამოეღვიძა.

— გოგო, შუადღე გახდა, რაღა დროს ძილია!

— წუხელ გვიანობამდე არ დამეძინა, — თვალები მოიფშვნიტა ნაღყუთამ.

— შენი ძვირფასი ძმის გადამკიდეს, კიდევაც მიკვირს, როგორ დაგეძინა. ადექი და აქ დამოძახე. ის სალახანა, ისა!

ნაღყუთამ სწრაფად ჩაიკვა და ძმის დასაძახებლად გაიქცა.

— ბულათიყო, გძინავს? — წყნარად დაუძახა მან.

პასუხი არავინ გასცა. ნაღყუთამ კარი შეაღო და სახტად დარჩა. ბულათიყო იქ არ იყო.

— ბაბა, ბულათიყო წასულა...

გაბომ არაფერი თქვა. გარეთ გავიდა. უნაგირი თავის ადგილზე ნახა, მაგრამ ცხენი აღარსად ჩანდა.

გუშინ ბულათიყო იმ ამბის შემდეგ სახლამდის როგორ მივიდა, არ ახსოვდა. ცხენს შეუბრალებლად მიაკენებდა; არც დაღმართი გააჩნდა და არც აღმართი. ასე არასოდეს დაუტანჯია თავის თეთრონი, მაგრამ მაშინ არაფერზე აღარ ფიქრობდა და, მით უმეტეს, ცხენი არც განსენებია. უნაგირი მოხადა და მარგილზე მიაბა, მერე გრძელი სარი მოძებნა და უნთო და უნთო ერთგულ პირუტყვეს:

— შე უპატრონოვ, როგორ გაუშვი წინ ის ჯორცხენა! თუ შენც ჩემი შერცხენა გინდოდა! — ჰა, ეგეც შენ... ეგეც შენ... ქშინავდა ბულათიყო და ცხენს რაც ძალა და ღონე ჰქონდა, ურტყამდა. საცოდავად ქიხვინებდა, აქეთ-იქით აწყდებოდა და თოკის გაწყვეტას ცდილობდა ცხენი, გაწყვიტა კიდეც. ერთი ნახტომით გადაეგლო ღობეს და ისარივით გაფრინდა ტყისკენ. ამან უფრო გაამწარა ბულათიყო. ცოფიანივით დარბოდა ეზოში. გადმოკარკლული თვალები სისხლში უტრიალებდა. უცბად კედელზე ჩამოკიდებული თოფი დაინახა. აჟმა ფიქრმა დაუბნელა გონება.

სანამ გვიან არ ჰრის, სანამ მისი შერცხვენის ამბავი მთელ ხეობას არ მოსდებია, მტერი საიქიოს გზას უნდა გაუყენოს... ჯერ ადრეა, ხეობის ვიწროში ჩაუსაფრდება და...

თოფი მხარზე მოიგდო და ეზოში გამოვარდა, მაგრამ უცებ შედგა. ვინ არის მისი მტერი? სადაურია? რომელი გზით წავა? ვერც ერთ კითხვას ვერ უპასუხა გონებაარეულმა.

შინ შებრუნდა და თოფი ტახტზე მიაგდო. კარი შიგნიდან ჩარაზა და საწოლზე დამხობილი ბავშვივით ატირდა. დიდხანს ვერ მოახერხა დაწყენარება, როცა ტირილით გული იჯერა, ადგა, არაყის ხელადა გადმოიღო და პირდაპირ მოიყუდა. თავანკარა არაყმა მაშინვე ძარღვებში დაუარა, ძლივს მოასწრო ბალიშზე თავის დადება, მკვდარივით ჩაეძინა.

შუალამისას გამოეღვიძა, თავი უსკდებოდა. დასიებული ლოყა ცეცხლივით უხურდა. სარკეში ჩაიხედა, ჩალურჯებული უპე უფრო მკვეთრად აჩენდა ჩასისხლიანებულ თვალს.

შერცხვა! ასე დასიებული და ჩალურჯებული თვალით რომ ნახონ, სალექსოდ გახდიან. არა, აქ აღარ ედგომება. უნდა გადაიკარგოს სადმე. ჰო, მაგრამ რას იტყვის მამა! თუმცა რა მამა, რის მამა! სადღა ჰყავს ბულათიყოს მამა! გუშინ იმდენ ხალხში როგორ შეარცხვინა! დედულეთს გაიქცევა, ისინი გაუგებენ და დაწყენარებენ.

მაშინვე წამოხტა. დამბაჩა წელზე ჩამოიკიდა და ხანჯალი მოძებნა. ცარიელი ქარქაში შორს მოისროლა, ვაზნებით სავსე ფილასკა გულზე ჩხუბში ქარქაშიდან დააძრო, მაგრამ მერე რა უყო, ველარ გაიხსენა. ცარიელი ქარქაში შორს მოისროლა, ვაზნებით სავსე ფილასკა გულზე გადაიკვარდინა და მამისეული თოფი ჩამოიღო...

მიდიოდა ბულათიყო. მიდიოდა კი არა, მიბროდა. სანამ აული გაიღ-

ვიძებდა, მთაზე გადასვლა უნდა მოესწრო. მთის წვერს მიაღწია და მხემაც ამოყო თავი. ცოტა შეისვენა. ერთი კიდეც გახედა თავის აულს, ზიზღით გადააფურთხა და მარდად დაეშვა ფერდობზე.

სულ პაწაწინა იყო, დედა რომ მოუქცდა...

პატარა ობოლი დედულეთში წაიყვანეს. ნებიერად გაზარდეს. ობლობა არ იგრძნოსო. ყველაფრის უფლება ჰქონდა, რასაც მოისურვებდა, მაშინვე უსრულებდნენ. თუ რამეს დაამაყებდა, არ დასჯიდნენ, ობოლიაო. თუ რომელიმე ბიძაშვილს თავს გაუტეხავდა, რა მოხდა, დისწული ბიძებში უფლებამოსილიაო. დასაქმებასაც ვინ შებედავდა, ცოდვაო. ასე გაიზარდა ბულათიყო.

— შენ, შვილო, ჩვენებურ ლატაკებს ნუ უგდებ ყურს, — ხშირად ეტყოდა ბორსა, — ეგენი შავი ხალხია, შენ კი სხვა ხარ, შენი ფასი იცოდე, მაგათ რომ თავი გაუყადრო, ღორის ტილივით თავზე აგაცოცდებიან, მკაცრად მოექეცი, რომ შიში და რიდი ჰქონდეთ შენი.

ბულათიყო ხედავდა, თვითონ ბორსა როგორ მკაცრად ექცეოდა მოჯამაგირეებს, უბრალოზე სჯიდა. მოჯამაგირეებსაც ეშინოდათ მისა. ბულათიყოს მოსწონდა ეს დამოკიდებულება და ცდილობდა, მოჯამაგირეებს სწორედ ისე მოქცეოდა, როგორც პაპა ექცეოდა. მისი სიტყვა გადიოდა. მის სურვილს წინ ვერავენ დაუდგებოდა. მოჯამაგირეები შეაწუხა თავისი უჯიათობით.

— ჩემს შვილიშვილს ჩემი ჰკუა და გონება დაჰყვა. თითის სიგრძე ბალღი ასეთი აზრიანია, რომ გაიზრდება, თქვენ მაშინ უყურეთ. ახლაც ბევრ ვაჟაკს არ ჩამოუვარდება.

ბულათიყო გადიდგულდა, დღითი დღე უფუჭდებოდა ხასიათი. სისხლში გაუჯდა ბოროტება, გულქვა გახდა. თავისზე უმწეო მის თვალწინ რომ მომაკვდავი ენახა, წყალს არ მიაწვდიდა. უბრალო რამეზე ჩხუბობდა, არავის დამცირებას არ ერიდებოდა. თუ თვითონ მას ვინმე შეეხებოდა, პაპამისი ქვეყანას დაქვევით დაემუქრებოდა.

— ჩემს ბულათიყოს რომ ვინმემ აწყენინოს, სისხლს დავღვრო, სისხლს! — აყვირებოდა.

მავრამ ბულათიყოს მაინც არ უთმობდნენ თანატოლი ბიჭები. უსიამოვნების თავიდან აცილების მიზნით სულ განუდგნენ თავწვერა ბიჭს, ერიდებოდნენ. ახლოს არ ეკარებოდნენ. მასთან თამაშიც არავის უნდოდა. გათავზიდებული ჭაბუკი მალე სულ მარტო დარჩა თავის სულელურ ფიქრებთან. იმ ფიქრებმა კი ადიდებული მდინარის ტალღებს მისცეს პატრონი. ტალღებმა თავის ნებაზე გააქანეს და ვინ იცის, როდის დააჩეჩკავენ პიტალო ნაპირს. ერთი სიტყვით, გაუკულმართდა ბიჭი, უბრალოზეც ცეცხლივით წამოენთებოდა.

გაბომ შინ წაიყვანა შვილი. მამა მალე მიხვდა, რომ მისი ვაჟი ცუდად იყო აღზრდილი, ცდილობდა სწორ გზაზე დაეყენებინა, მავრამ აღარაფერი გამოსდიოდა. შვილი მას არ ემორჩილებოდა.

— რატომ მიწყრები, ბაბა, ეგენი მდაბიონი არიან, მე კი კეთილშობილი ვარ.

— უყურეთ, ერთი ამ პაპაილას. კეთილშობილი! კეთილშობილი არა, ჭანდაბა შენს თავს. დილაზე აიღე კომბალი და საქონელი გარეკე საძოვარზე, თორემ მე გიჩვენებ, რა კეთილშობილიც ბრძანდება.

— საქონელს მოჭამაგირეები მწყყემსავენ, მე კი მოჭამაგირე არა ვარ, — ზიზღით გააფურთხა ბულათიყომ.

— არადა, იქნები მშვიერი, გახსოვდეს, ჩემს ოჯახში მუქთახორებს ადგილი არა აქვთ.

მაგრამ, შეაყარე კედელს ცერცვი, ბულათიყო თავნებობდა.

ერთ დღეს შინ ტალახში ამოსვრილი დაბრუნდა. ნალყუთა ვარც-ლში ცომს ზელდა. ბულათიყომ ტალახიანი არქიების¹ გახდა უბრძანა.

— ჩქარა, ახლავე გამიპრიალე და მომართვი.

— კარგი რა, ბულათიყო. ხომ ხედავ ცომსა ვზელ. გაიხადე შენ თვითონ, მერე გაგისუფთავებ.

ბულათიყოს ეუცხოვა დის უარი. ტალახიანი არქია გაიძრო და ესროლა. ხმაურზე გაბო შემოვიდა. საქმის ვითარება რომ შეიტყო, ბულათიყო კარგა ლაზათიანად მოთელა. ამაზე ბულათიყო სახლიდან გაიქცა. სად არ ეძებეს, მაგრამ მისი ასავალ-დასავალი ვერ გაიგეს. მხოლოდ ორი კვირის შემდეგ გამოჩნდა. მთაში ასულიყო მწყყემსეპთან.

მას შემდეგ გაბო ფრთხილობდა. მიხვდა, ცემით ვერაფერს გავხდებო. ისევ ტკბილი სიტყვა სცადა. ზოგჯერ თითქოს მოტეხავდა მას სიჯიუტეს, თავის ჭკუაზე მოაქცევდა, მაგრამ მერე ისევ მოუვლიდა ბულათიყოს ავი ზნე და მაშინ ყველა უნდა მორიდებოდა.

ახალგაზრდობა კარგად იცნობს ბულათიყოს და სათოფედ არავინ ეკარება. არავის უყვარს აყალმაყალისა და ჩხუბისთავი. ბულათიყოს კი ჰგონია, რომ ყველას მისი შურს და იმიტომ არ უყვართ. ბორსა ხომ ეუბნებოდა, შენ მათზე მალლა დგახარ, ჭკუითაც და მდგომარეობითაც, ამიტომ შენი ბრძანება მაგათთვის კანონი უნდა იყოსო. მართალი იყო დადა, მაგრამ შვილიშვილს ის აღარ ასწავლა, როგორ მიეღწია ამისთვის.

გუშინდელი ბალლი არ გეგონოთ ბულათიყო. ოცი შეუსრულდა. ვაჟაკია და მერე როგორი. მის შეხედვას არაფერი სჯობია. რამდენი ქალიშვილის გული დაუკოდავს უცაბედად, მაგრამ გაიცნობენ თუ არა, როგორც ცეცხლს ისე ერიდებიან.

ჰოდა გაიქცა. იქ მიდის, სადაც უყვართ, სადაც დაამშვიდებენ, გაუგებენ გულისტკივილს, სადაც ყოველთვის ყველაფრის უფლებას აძლევენ.

6.

გუშინდელ ამბავზე მკაცრად უნდა მოლაპარაკებოდა შვილს გაბო, მაგრამ გაასწრო ბულათიყომ, ორ დღეს ელოდა, მერე მიხვდა, დედულეთში გაიქცეოდა გაბუტულიო.

¹ არქია — ყელიანი ფეხსაცემი.

არ უყვარდა მოყვრები გაბოს.

იშვიათი სტუმარია მათი. თუ მაინცდამაინც აუცრლებელი არ არის, ერიდება იქ წასვლას. დამე კი თითქმის არასოდეს გაუთევია მათთან.

არც ახლა მიუწევს გული, მაგრამ მეტი გზა არა აქვს, იმ უკუღმართი ბაღლის ამბავი აწუხებს. თვალსა და ხელს შუა იღუპება ბიჭი. ბარემ ნანობს, რომ პატარა აღსაზრდელად დედულეთს გაგზავნა, მაგრამ რალა დროს. ჩავა, მოყვრებს მოელაპარაკება, იქნება გაუჭავრდნენ, დაარიგონ გზასაცდენილი დისწული.

ბინდს მიჰყვა სიძე მოყვრებში. ოჯახი ვახშობდა. ბულათიყო ბორსას უჭდა გვერდით. როგორც კი მამა დაინახა, ყვინჩილასავით წამოხტა და უყვირა:

— რატომ მობრძანდი, ვინ დაგპატიეა?!

— ბიჭო, დაეტიე შენს ქერქში და მამას სალამი უთხარი! — დასწია ბორსამ შვილიშვილს ჩოხის კალთაზე.

— მამა! რა მამაა ეგ ჩემი? ეგეც მდაბია, უყურეთ რას ჰგავს, ნეხვის სუნი მეცა. — ზიზლით შებღადა შვილმა მამას.

— გაჩუმდი, გეუბნები, — ხმას აუწია ბორსამ. — ამ სახლში შენზე მეტი უფლება მაგას აქვს. კიდევ ერთი ზედმეტი სიტყვა და აქედან გაგაძევებ! უყურეთ ერთი ამას! ხმა, კრინტი არ გავიგონო! ამ ოჯახში ჭერჭერობით მე ვარ უფროსი!

ბულათიყოს პირზე მომდგარი სალანძღავი სიტყვა ბორსას მუქ:რამ ენაზე შეაყინა. მხოლოდ კბილებილა გააღრქიალა.

— გაბო, შვილო, ბაღლის უხეშობა ნუ გეწყინება. ჭერ ახალგაზრდაა, დაფიქრება აკლია. არ უკვირდება თავის მოქმედებას. არ იცის, სად რა თქვას. ახლო მოიწი სუფრასთან, — დაიშაქრა ენა ბორსამ.

— როგორ გავბედო თქვენს სუფრასთან დაჯდომა. სიმამრო, ხომ ხედავთ, შვილი აღარა მკადრულობს, მდაბიო მამის გვერდით ყოფნას თაკილობს, ნეხვის სუნი აწუხებს, — ცრემლი ყელში მოებჯინა მრავალქირნახულ გაბოს.

— გაჯავრებულია ბიჭი, შემომჩივლა... ზედმეტი მოუვიდა, მართალია, მაგრამ ჭერ ბაღლია, შეცდომა ეპატიება, — გამოექომაგა ბულათიყოს ბორსა, — დაჯექი შვილო, დაჯექი.

გაბო სუფრის ბოლოს ჩამოჯდა.

— მერე, რაზეა გაჯავრებული? ვინ რა დაუშავა? ჩხუბი თვითონ წამოიწყო. ეგ, გენაცვალეთ, თავით ცის კარის შემტვრევას ცდილობს, ქვეყნის დანის წვერზე დატრიალება განუზრახავს და ვისი ბრალია, რომ უღონოა, ხომ გაგიგონიათ, მარქენალ ხარს რქები არა რჩება.

— შენ ჩემი რქების დარდი ნუ გაქვს. თუ ვინმე რქების დამტვრევას გამიბედავს, ცოცხალს არ გავუშვებ, მეც კაცი ვარ!

— გონს მოდი, შვილო! ცხოვრება პატიოსნად გამიტარებია და სამარეში სისხლით შეღებილ წვერ-ულვაშს ნუ ჩამატან, — ამოიგმინა გაბომ.

— ნუ გეშინია, დღეის შემდეგ მე მამა აღარა მყავს. სულაც არ

არის შენი საქმე, რას გავაკეთებ, წვერ-ულვაში კი წინსაფარში გამოიხვიე და როცა მოკვდები, სუფთად ჩაგიდებენ კუბოში, თუმცა...

— ბიჭო, ჭკუიდან ხომ არ შეშლილხარ, როგორ ბედავ მაშის შეურაცხყოფას, — იღრიალა ბორსამ. — სად დაკარგე ზრდილობა, უფროსის პატივისცემა?

— ეგ არ არის ჩემი მამა! — არ ცხრებოდა ბულათიყო. — ვილაცხვებოდა. რომელმაც თავი მომჭრა ხალხში. მამა რომ ყოფილიყო, გვერდში ამომიდგებოდა. მაგან კი ლოკოკინა მიწოდა.

გაბო თავს იკავებდა, მაგრამ ბოლოს მოთმინების ფიალა აევსო.

— უყურეთ ერთი ამ უღლეურს?! შე უბედურო, აღარც ისე პატარა ხარ, აბა დაფიქრდი, რას წარმოადგენ? რა გავიკეთებია, რა შეგიქმნია? ბიძების ზურგს წურბელასავით მოჰკიდებინარ და მუქთად ცხოვრობ. რატომ? რით დაიმსახურე ამის უფლება? შე... შე წყეულო და შეჩვენებულო, შენა, — გაბომ თავი ველარ შეიკავა და არყით სავსე ყანწი ესროლა შვილს.

ერთხანს გაქვავებულცივით დარჩა ბულათიყო. მერე სუფრის თავზე ისკუპა და ხანჯალი იძრო, გაბომ მოასწრო და ცხერის გამოხრული კანკი ჩასცხო მაჯაში. ბულათიყოს ხანჯალი ხელიდან გაუვარდა და ჯამჭურჭლის მსხვერვეის ხმა გაისმა.

სუფრა აირია, ბიძებმა ბულათიყო გააკავეს, აქეთ გაბოს ამშვიდებენ.

— მოაშორეთ აქედან! — დაიღრიალა ბორსამ.

— დაიცა, სიმამრო, იყოს, ჭერ არ მითქვამს ყველაფერი!

— არ მოგისმენ, ლატაკო, დაიკარგე აქედან, თორემ ხვალ შენს ცხედარს საკაცით წაასვენებენ, — თავმოჭრილი ქათამცივით ფართხალებდა ბულათიყო.

— წავალ, დორბლიანო, შენსავით სულმდაბალი კი არა ვარ, სხვისი შრომით ვიცხოვრო, ლოკოკინა გიწოდე, მართალია, მაგრამ შენ უფრო ღორის ტილს ჰგავხარ. სწორედ მასავით პარაზიტი ხარ. ამ ხალხის სხეულზე მიკრული ღორის ტილი... მწყინს, რატომ გამოხვედი უკუღმართი და მუქთახორა, ან რა უფლება გაქვს, სხვისი შრომით ასე უხვად ისარგებლო?

— იმიტომაც მეზიზღები. — ცოფები გადმოყარა ბულათიყომ. — შენ რომ ლატაკი არ იყო, რა მინდა სხვის კარზე?

— რათა ხარ, მერე? რატომ შენს სახლში არ დაეტევი? ვინ შეგიძენს ქონებას? რატომ არ მუშაობ თვითონ? ყელში როგორ ჩაგდის სხვისი ნაშრომი, შხამად შეგერგოს! როგორ კადრულობ მუქთახორობას? შენ ბრძანე, დღეის შემდეგ მამას აღარ დაგიძახებო, ეგ შენ კი არა, მე უნდა მითქვა. შენნაირ სალახანას შეილაღ არ ვიწამებ. აქამდეც არ იყავ ჩემი შვილი, დიდი ხანია ჩემთვის დედაშენთან ერთად დაიმარხე. ახლა კი მთლად ამიღია ხელი. თუ მეტ ჭკუას არ მოიკრებ, დაე მეტად ნულარ მომეჭრება თავი, უკუღმა გივლია, ხალხის რისხვა დაგეცეს მეხად, ამ ხანჯლის ანაწერაც გამხდარხარ. ამის შემდეგ მე და შენ უცხოე-

ბი ვართ. ჩემს ოჯახში შენი შემოტანილი არაფერია, ნურც ნურაფერს მომთხოვ. იცხოვრე მდიდარ ნათესავეებში და მათი გადაყრილი ძვლები ხარი, მხოლოდ გახსოვდეს, დღევანდელი გამოხრილი ძვლით ხვალ ყბებს დაგამტვრევენ, ზეგ კი ავდარში ლეკვივით გაგიძახებენ. გარეთ და სადმე ღობის ძირში ამოგხდება სული! ჰა, ეგეც ჩემი საბოლოო სიტყვა! თქვენთან უკაცრავად, მოყვრებო, იქნებ არ უნდა მოვსულიყავი, იქნებ გეწყინათ ჩემი მოსვლა, მაგრამ მოუსვლელობა არ შემეძლო! აღარასოდეს არ შეგაწუხებთ. — ეს სიტყვები უკვე კარებში თქვა გაბომ.

ოჯახში სამარისებული დუმილი ჩამოვარდა. ბორსას უმცროსი ვაჟი წამოდგა, გაბოს გამოედევნა, მაგრამ მამის ხმამ შეაჩერა.

— გაუშვი, წავიდეს! ძალს არავინ აცილებს. დღეის შემდეგ მაგისტოვის დახშულია ჩემი ოჯახის კარი! გიშველა ღმერთმა, შვილო, ბუღალთიყო, ჩემი გასაკეთებელი საქმე გააკეთე. ჩემი სათქმელი შენ უთხარი იმ უბედურს! შემოუსხედით სუფრას, განაგრძეთ ვახშობა!

7.

ის დღე იყო და ის დღე, გაბო ლოგინად ჩავარდა. ველარა და ველარ მოერია ჭავრს. ავადმყოფობამ ფეხქვეშ მოთელა. არ ჩიოდა, არც არას იტკივებდა, მაგრამ დღითი დღე ღნებოდა, ძალა ეცლებოდა.

ერთ დღეს ნალყუთა იხმო:

— შვილო, ხომ ხედავ ავადმყოფობამ დამაგდო. შენმა ძმამ მიყო ეს. ნეტავ დედაშენთან ერთად ისიც მომკვდომოდა. ჩემთვისაც კარგი იქნებოდა და შენთვისაც. ჭალარა შემირცხვინა. თავი მოგვჭრა. რაც მე იმან მაკადრა, მოსისხლე მტერი ვერ შემომხედდავდა. მამას არ კადრულობს. ამაზე მეტი უბედურება იქნება? ის ჩვენი აღარ არის, მაგრამ მომავალში რა ელის, ეგ მხოლოდ ერთმა ღმერთმა იცის. ცუდი არ მინდა მისთვის, მაინც ჩემი სისხლი და ხორცია. როდისმე შეიძლება მიხვდეს თავის შეცდომას და იხანოს. მაგრამ რა, მე აღარ ვიქნები. ძალიან განვიცდი, შვილო, ვხედავ, როგორ იღუპება ბიჭი და ყოველივე ეს დედულთაგან სჭირს. ბევრჯერ მითქვამს, იცი შენ ეს. საბრალო დედაშენი იმათი უმზრახბი ჩავიდა საფლავში. ერთსა გთხოვ მხოლოდ, თუ ოდესმე გაგიჭირდეს, არ მიაკითხო მათ, დახმარებას ნუ სთხოვ. ნურც ჩემს სიკვდილს შეატყობინებ. დიდი ბოღმა მიმდევს იმათგან და თუ მამის ხათრი და სიყვარული გაქვს. ჩემს არეშარზე იმათგან არავინ გააჭაჭანო. ვაჟიშვილი აღარა მყავს, ჩემი მემკვიდრე ახლა შენა ხარ... დაბინავებული რომ მყავდე დამშვიდებული ჩავიდოდი საფლავში, დროც არის შვილო, მთხოვნელები ბევრი გყავს, ამოირჩიე რომელიმე და გამანდე გულის წადილი. იმ ქვეყანაში დედაშენი მისაყვედურებს, გოგოს მომავალზე თავი არ შეიწუხეო. მაბატიე, შვილო, გულს რომ გიკლავ, მაგრამ ვიცი, ჭკვიანი ხარ და ყველაფერს სწორედ გამიგებ... — ნალყუთა ტიროდა, მერე მამას მოეხვია და მისი ჭალარა თავი გულზე მიიხუტა.

ვებულები რომ მყავდე, დამშვიდებულები ჩავიდოდი საფლაში, დროც არის, შვილო, მთხოვნელები ბევრი გყავს, ამოირჩიე რომელიმე და გამანდე გულის წადილი. იმ ქვეყანაში დედაშენი მისაყვედურებს, გოგოს მომავალზე თავი არ შეიწუხეო. მაპატიე, შვილო, გულს რომ გიკლავ, მაგრამ ვიცი, ჭკვიანი ხარ და ყველაფერს სწორად გამიგებ... — ნალყუთა ტირილდა, მერე მამას მოეხვია და მისი ჭალარა თავი გულზე მიიხუტა.

— შენ მარტო მამა კი არა დედაც ხარ ჩემი. ნუ მეუბნები მოკვდებიო, მე უშენოდ მარტოს რა გამაძლებინებს, ბაბა! გათხოვებაზე ჯერ არ მიფიქრია, ვერაფერს გიპასუხებ, ვიფიქრებ და მერე.

— იფიქრე, შვილო, იფიქრე, დრო არის უკვე. შინაბერას დაგიძახებენ.

საფიქრებელში ჩავარდა ნალყუთა. ხედავს, მამამისი დღათი დღე უკან-უკან მიდის, ბულათიყოს დარდმა სიკვდილის პირზე მიიყვანა.

როგორ უყვარდა ნალყუთას ძმა! მისთვის სიცოცხლეს არ დაიშურებდა. ახლა სხვაა. რაც მამას ასე უჩიათად მოექცა, ნალყუთამ გული აიყარა.

მამის საქმე ცუდადაა. უბრალოდ არ იცის წუწუნი. სხვა დროს გათხოვებაზე არ ჩამოუგდებდა სიტყვას, მაგრამ ახლა აღსასრულის მოახლოვებას გრძნობს და შვილის დაბინავება ეჩქარება. ეს ფიქრები შიშის ზარსა სცემს ნალყუთას. რა ეშველება, მამას რომ მართლა... მარტო დარჩება ოთხკედელშუა. რამდენ მთხოვნელს უთხრა უარი. იმათ შეუძლიათ ცუდად მოიხსენიონ უკადრისა ნალყუთა, მე შენ ვითხრა, ის უკეთური ბულათიყო გამოესარჩლება?! ყოველივე ეს იცის გაბომ და იმიტომ წუხს, იმიტომ აჩქარებს ნალყუთას გათხოვებას.

მართლაც დროა, გულისსწორი ამოირჩიოს და თავისი ოჯახი შექმნას ნალყუთამ, მაგრამ რომელი ამოირჩიოს, რომელს მისცეს უპირატესობა? გული რომ არავისზე შევარდნია? ვითომ?

ხსართავი... ნეტავ ეს თუ არის სიყვარული? ეს არის, უყვარს. რომ არ უყვარდეს, აქამდის დაავიწყდებოდა. კარგი და პატიოსანი, ნალყუთას უყვარს, მაგრამ იმასაც უყვარს? ღმერთო ჩემო, იმ ამბის შემდეგ ჩემზე ფიქრსაც ვერ გაბედავს. ოპ, ბულათიყო, ბულათიყო, როგორ ამიწეწ-დამიწეწე ცხოვრება?

რა ქნას? მამა პასუხს ელოდება. არა, არა! ჯერ ხსართავის აზრი გაიგოს, მაგრამ ვინ გაიგებს? მხოლოდ ქირქისი...

მეორე დღეს ნალყუთამ ოჯახის საქმე მარდად მოათავა და ქირქისის სანახავად გადავიდა.

— ქირქის, ერთი შენი მაკრატელი მათხოვე, — დაუძახა შორიდან.

— რა შორიდან იძახი, შემოდი შინ, რად გინდა მაკრატელი, საქორწილო კაბას ხომ არ იკერავ?

— საქორწილო კაბას ის იკერავს, ვინც თხოვდება. ჩემი ჯერი კი ჯერ არ დამდგარა.

— შენ ისეთი წუნია ხარ, სანამ შენი ჯერი მოატანს, ეგ გიშრის

დალალები გაგიქადარავდება. შენი ჯერი რომ დადგება, მერე აღარც არავინ გინდომებს.

— რა მასხრად მიგდებ, ქირქის, ვიყავი ამაყი, მაგრამ ბულათიყოს დარღმა ყველაფერი დამავიწყა, ახლა მამაა ცუდად, — აცრემლდა ნალყუთა.

— ეგეთი ძმის ყოლას სულ არყოლა სჯობია. არც გაიხსენო, ღირსი არ არის. აგერ ჩემი ძმა ასლანბეგი, შენც გაგიწევს ძმობას...

— იმ დღეს ხომ ნახე, რა ქნა, ის ვილაც ხსართაგი რა ჩემს საუბედუროდ... — ქირქისი ეშმაკი გოგოა, მიხვდა, რომ ნალყუთამ შემთხვევით არ ახსენა ხსართაგი.

— ნალყუთა, გოგო!

— რა იყო, ქირქის?

— გიყვარს?

— ქირქის...

— რას გაწითლდი? ო, ღვთისმშობელო, აი რა ხდება ჩემს გარშემო და მე კი არაფერი ვიცი, — პირჯვარი გადაიწერა ქირქისმა.

— კარგი რა, ქირქის.

— მადლობა ღმერთს. ნეტავ აქამდე გენახა ის ბიჭი, ჩვენი ხეობის საცოლე ვაჟაკები დაისვენებენ, ბედს სხვაგან მოძებნიან. შენი მიზეზით რამდენ ქალიშვილს გამოუღამდა ლოდინით თვალები.

— კარგი, რა ქირქის, რა მასხრად მიგდებ. საქმეზე შოვედი, თაცადე გითხრა.

— შუამავლად ხომ არ მგზავნი?

ნალყუთამ აღარ დაუმალა მეგობარს მამის სურვილი.

— ვიცი, რატომაც წუხს ბაბა. მე კი პასუხის გაცემა არ შემიძლია, სანამ იმისგან ამბავს არ გავიგებ.

— ეგ ჩემზე იყო. ხვალ დილით წავალ ჩვენებთან. ზეგ ხსართაგის პასუხს დაელოდე.

— ქირქის, შენი ჭირიმე. არ იფიქროს...

— ქირქისს მაგდენი ესმის, შენ მშვიდად იყავი.

— კარგი, მაშ, წავალ, მივხედავ ავადმყოფს.

— მოიცა, გოგო, მაკრატელი დაგავიწყდა.

ნალყუთა გაწითლდა.

8.

ხასანამ დიდი ხანია შვილის ყოლის იმედი გადაიწყვიტა. აღარც ელოდებოდა, მაგრამ აი მოულოდნელად მისმა ბედმა გაიღვიძა. ერთ საღამოს დამაშვრალი დაბრუნდა, წინ ზარინა შეეგება. ქალს სახე უღიმოდა, ცმუტავდა.

— რა იყო, ქალო, რა გიხარია? — შეეკითხა ხასანა ცოლს.

— მიხარია, ხასან, მიხარია. და ქალმა დიდი ხნის წინათ რომ იცოდა, ისე ჩამოეკიდა კისერზე ქმარს. ყურში უჩუჩუღღა, მალე ჩვენს კერაზეც გაჩნდება ბავშვიო.

— რის ბავშვი? — ვერ მიხვდა კაცი.

— ჩვენი, ხასანა, ჩვენი შვილი.

— ჩვენი? რას ამბობ, ზარინა? როდის? ვინ გითხრა?

— არც მე მჭეროდა. დღეს ვიგრძენი მისი გულის ცემა, ფარდისა ცუთხარი.

— ო, ღმერთო დიდებულო, დიდება შენდა, რომ შეისმინე ჩემი ვედრება! ზარინა, ჩემო სიცოცხლე, ნუთუ, მართლა? — და მოსიყვარულე ქმარმა ბავშვივით აიტაცა ცოლი ხელში.

გათენებამდე არც ერთს რული არ მიჰქარებია.

მას შემდეგ ორ ოჯახში მხოლოდ იმ ჯერ არ დაბადებული ბავშვის შესახებ ლაპარაკობდნენ. ზარინას ცივ წყალში აღარ აყოფინებდნენ ხელს. ფარდივი ორივე ოჯახის საქმეს თვითონ აკეთებდა.

ვაჟი დაიბადა. სიხარული დატრიალდა ოჯახში. მოსაკითხი მოსაკითხს მოსდევდა, მეზობლები იზიარებდნენ მათ სიხარულს, ულოცავდნენ. ძმებმა დიდი ძეობა გადაიხადეს, აულში არავინ გამოუტოვებიათ, ყველა მოიპატიეს. ბარსაგი სტუმრებისთვის აღარაფერს ზოგავდა, ხასანას ხომ ნულარ იტყვიო.

იმ დღეს ბიძა-ძმისწული მთაში სათიბზე იყვნენ. შუადღის შემდეგ ხასანამ მოიწყინა, მალიმალ დაეყრდნობა ცელის ტარს და აულისაკენ პირშექცეული სმენად გადაიქცევა. ხსართაგი ბიძის უბე-კალთაში გაიზარდა და კარგად იცის მისი ხასიათი. ერთი შეხედვით უგებენ ერთმანეთს. ახლაც მიხვდა ბიძის მოუსვენრობის მიზეზს. „შინ უნდა წასვლა“, — გაივლო გულში და ვითომ სხვათა შორის უთხრა:

— ორიოდ ცელის მოსმალა დარჩა და ამას მეც მოვერევი, წადი შინ, ხასანა, ზარინას მიხედე, დედა იქ არის, მაგრამ შენ მაინც სხვა ხარ. წადი, დარდი ნუ გაქვს, გასათიბს ერთ ღერ ბალახსაც არ დაეტოვებ.

აღარ გამოიღო თავპატივი, ცელი მხარზე გაიღო და ფერღობზე დაეშვა ხასანა.

ხსართაგი მარტო დარჩა. დღე წელში გაწყდა. მზე ისე ძალუმად აღარ აცხუნებს. არჯეკლიანში წეროებივით გაბმულა ყუნცელის ზიუ. სამხრეთიდან კი სოლიმის მოჯამაგირებმა დასცეს ყიჟინა. ნიავს შორიდან მოჰყვა ყუნცელის ღრიალი. რალაცაზე კიცხავს მთიბავებს, მკვდარსა და ცოცხალს აღარ არჩენს. სოლიმის მთიბავები კი „ჰოპუნას“ დასძახიან. ხსართაგი გრძნობს, სოლიმი ყუნცელის ჯიბრზე მხიარულობს. ეს ორი მგელი დიდი ხანია ერთიმეორეს ეჯიბრება. ორივე პირველობას ჩემობს აულში, განსაკუთრებით ის ბოროტი სოლიმი. ამას წინათ ხსართავს რა უსიამოვნება მიაყენა. არ უნდა დათანხმებულიყო დოღში მონაწილეობაზე. მერეღა მიხვდა, რომ სოლიმმა ყველაფერი განგებ მოაწყო. თავქარიანი ბულათიყოს დამ სირცხვილი აჭამა, შურისძიების ბრმა იარაღად კი ხსართაგი გამოიყენა. ეშმაკია, იცოდა ასე მოხდებოდა და თავის მაგიერ ხსართაგი დააყენა განსაცდელის წინაშე. ბულათიყო და ის ახლა დაუძინებელი მტრები არიან.

ცარიელი ბოლმა ყოფილა ის უბედური. თუ სადმე შეხვდნენ, ვინ იცის, რა მოხდება. არა, ძალით ვერაფერს გამოჩვენებ, მაგრამ იმ-ნაირებს ღალატი უფრო ეხერხებათ. მიპარვით არაფერი...

ჰაი გიდი, იმ რეტეიანს და ჰყავს! ნალყუთა რქმევი. ძმასავით ისიც ამყაია. სოლიმს კი რა დღე აყარა! ახია იმ ბერბიჭაზე. აჰ, აჰ, რა ლამაზია! ახლა როგორ ცეკვავს! ნეტავი იმას, ვინც მისი ცქერით გა-ძღება, მას შემდეგ ჩემს ჰკუაზე აღარა ვარ. არ ვიცი, რა მემართება, მომაჯადოვა უთუოდ, სულ მინდა იმაზე ვიფიქრო. ეჰ, ჩემსავით ხელ-მოკლე და ღატაკი საქმრო ვის რად უნდა. იმის ძმამ აკი წამომაცვედ-რა: „მშივრის შვილოო“. რომ ვთქვათ, ვაუკაცობით ვერ მაჯობებ, მაგრამ ეგეთები ქვეყანას მხოლოდ ქონებით ზომავენ. მამას აქებენ, კარგი კაციოო, მამაჩემიც იცნობს, მაგრამ ამას რა მნიშვნელობა აქვს.

— ჰობ-ჰობ, ჰობ-ჰობ, — ისმის სოლიმის სათიბიდან.

ხსართაგმა ნაპირ-ყურთანად გათიბა სათივე. ცელი მხარზე გაიღო და შინისაყენ გაუღდა გზას. მზე ჩავიდა. ყუნცელისა და სოლიმის ზიუ დაიშალა. მთიბავეები ერთიმეორის მიყოლებით ჩამოვიდნენ აულ-ში. ხსართაგმა წყაროსკენ გაუხვია, გზად ბუერის ფოთოლი მოგლი-ჯა, წყალს დავლეგო. წყაროზე ქალები მოგროვილიყვნენ, ხსართაგი მიესალმა. ერთი მათგანი ხსართაგს გაეხუმრა.

— ბიჭო, შენ რა, მოდიხარ თუ მოფრინავ, დედამიწას ფეხებს რატომ არ აკარებ.

— რა ვქნა, თლატონ, ვეშურები, მერე შინ რომ ვისიმე კაპასი გოგო შემომეჭრება, დრო აღარ დამჩება ჰაერში საფრენად.

— ნეტავ კი გელირსებოდეს და... ისე, დროც კია.

— ბარემ, მაგრამ ახლოს არავინ მეკარება, — გაიცინა ხსართაგმა, ცელის პირი ღარს მიუშვირა, მერე ბუერის ფოთლით გარეცხა.

— ისეთებიც იქნებიან, პირლიას რომ არ დაგიძახებენ.

— ისინი, ჩემო თლატონ, როგორც ახალ წელს მარწყვი, ძნელი საპოვნელები არიან.

— ადვილი საპოვნელი რიყეზე ქვაც არ ადის, ჰო, მართლა, ხსარ-თაგ, საღამოზე ჩვენსა გადმოიარე.

— თქვენსა? რა არის?

— არის რალაც.

— მართლა?

— ჰო, გადმოდი აუცილებლად.

ნეტავ რაზე მეპატიყებოო, იფიქრა. თლატონის ქარაგმებში რალაც იმალებოდა, მაგრამ რა, ვერ მიმხვდარიყო. ცელი კარგად გარეცხა, გაწმინდა, გააპრიალა და შინ წავიდა.

ის იყო ვანშმად დასხდნენ, რომ გარედან ვილაცამ დაუძახა. ხსარ-თაგი სუფრიდან ადგა და დერეფანში გამოვიდა. ეზოში ცორას პა-ტარა ქალი ფარი დინახა.

— შენ მეძახდი, ფარი?

— პო.

— რაო, ჩემო პატარავ?

— ნანამა, ხსართაგი აქ მოვიდესო.

— სტუმარი ხომ არა გყავთ?

— გვყავს, ერთი გოგო.

ხსართაგმა ფარის წინ ჩაიმუხლა.

— მერე, ვინ არის ის გოგო? ჩემად მითხარი და ხვალ მარწყვის ასხმულას ჩამოგიტან.

— ვინა და ჩვენი ნათესავი.

— რა ნათესავია, გენაცვალე?

— ქირქისა.

— რათ მოვიდა თქვენსა, რა მინდაო?

— მაგაზე არაფერი უთქვამს.

— სულ არაფერი გაგიგონია?

— გავიგონე...

— რაო?

— შენ გახსენებდნენ.

— მძრახავდნენ?

— გძრახავდნენ კი არა, გაქებდნენ, მერე კიდევ ვილაც ნაღყუ-
თას ახსენებდნენ, კარგი გოგოაო.

ნაღყუთას სახელის ხსენებაზე ხსართაგს ურუანტელმა დაუარა. ქირქისა ცორას დისწულია, მაგრამ ნაღყუთა?! მერელა მიხვდა, რომ ქირქისა და ნაღყუთა ერთი აუღიდან არიან. დღეობაშიც აქი ერთად იყვნენ.

— გაიქეცი, ფარი და დედას უთხარი, მოვდივარ-თქო.

ფარი გაიქცა. მას თითქმის ფენდაფენ მიჰყვა ხსართაგი.

— ბიჭო, შენ ძალიან თავს იფასებ, აი, — უსაყვედურა თლა-
ტონმა.

— მაპატიე, რალაც საქმეზე შემაგვიანდა.

თლატონმა ქირქისას დაუძახა. ხსართაგი ქალიშვილს მიესალმა. როგორღაც ლაპარაკი ვერ აეწყო. ხსართაგი დაბნეული იყო, ათასი რამ იფიქრა. რაზე დაუძახა ქირქისამ? თუ ბულათიყოსთან ჩხუბის თაობაზე, რალა ქირქისა გამოგზავნეს, აულში კაცი აღარ მოიძებნა? როგორც იყო, ქირქისამ გატეხა ნავსი.

— ხსართაგ, მაპატიე, რომ მოგაცდინე, მაგრამ უფრო საჭირო საქმემ მოითხოვა.

— რას ამბობ, ქირქის, უცხო ხომ არ ხარ. მითხარი, თუკი რამე-
ში გამოგადგები, ჩემი თავი შენ გენაცვალოს. თქვი, გოგო!

— ხსართაგ, მიკიბულ-მოკიბულს არ მოგიყვები, ნაღყუთას სურ-
ვილით მოვედი აქ, მინდა იცოდე, რომ ჩვენს ხეობაში არც ერთი სა-
სიძო არ დარჩენილა, რომელსაც ნაღყუთას ცოლობა არ ეთხოვოს,
მისი გული კი მხოლოდ შენ მოინადირე.

— მე?.. — წამოიყვირა ხსართაგმა.

— ჰო, შენ, ამას წინათ დღეობაში რომ გნახა, მას შემდეგ მოსვენება დაკარგა. ცული არაფერი გაივლო გულში, ნამუსზე კი არ აუღია ხელი. არა, მე ვიცი მისი გულისტქმა და მინდა გაჭირვებაში მივეხმარო. ამჟამად მართლა უჭირს. ჯერ იმ ჩერჩეტი ძმის გადაწყვედე, ახლა მამა ჰყავს გადადებული ავადმყოფი.

— მოიცადე, ქირქის, მე ხომ არაფერს მაბრალებენ? ან ჩემზე თუა რაიმე დამოკიდებული, მითხარი და სიცოცხლესაც არ დავზოგავ ნალყუთასთვის.

— არა, შენ ვერ გამიგე. გაბო გადადებული ავადმყოფია, შვილს სთხოვა, სანამ ცოცხალი ვარ, გადაწყვიტე, საქმრო აირჩიეო, გაიგე? ნალყუთა მამის მორჩილია.

— კი მაგრამ, ძმაც ხომ ჰყავს?

— ისემც იმის სიკვდილის ხმა გავარდება... იმ ამბის შემდეგ დედულეთს გაიქცა, იმათი გაზრდილია! გაბოს დიდი ხნის სიცოცხლე აღარ უწერია. თუ შენც მოგწონს გოგო, ნახე, მოილაპარაკეთ. იმას შენი აზრი აინტერესებს, მომავალში სანანებლად არ გამიხდესო. ერთი სიტყვით, შაბათ საღამოს გელოდებით.

ხსართაგი ვერ მიმხვდარა, ყოველივე ეს ცხადია თუ სიზმარი. შინ წავიდა, მაგრამ სახლს გასცდა და აულის თავში როგორ აღმოჩნდა ვერც გაიგო. სასწაული არ ხდებაო? მთვარესავით მიუწვდომელმა ნალყუთამ ის, ხსართაგი შეიყვარა. სასწაულია, მაშ რა არის, კი მაგრამ, იმდენ თავყვანისმცემლებში ნუთუ ხსართაგზე უკეთესი არავინ არის? მართალია მას ღვთიური ძალისა არაფერი სჯერა, მაგრამ რალაც კეთილი ანგელოზი რომ ეხმარება, ამაში აღარ ეჭვობა. რა სულელია, ნალყუთას უყვარს, ის კი, ახლოს არ ეკარება. მისი ძმა?.. ოჰ, როგორ დაეხლართა გზები.. მაგრამ რაკი საქმე ასე წარიმართა, აღარ დააყოვნებს. ალბათ არც იმას სძინავს ახლა, ქირქისას ელოდება, რა ამბავს მიუტანს.

9.

პირველი მამლის ყვირლზე წამოხტა ხსართაგი. სწრაფად ჩაიკვა ტანსაცმელი, ორლულიანი თოფი მხარზე გადაიკიდა და დედა გაღვიძა, სანადიროდ მივდივარო. ისევ ბნელოდა, თიზმაგზოხს რომ შეუყვავა. მყინვარებში არჩვი იცის. სადილობამდე იხეტიალა, მაგრამ ვერსად წააწყდა ნადირს. უცებ სამარილეს არჩვების ჯოგი მიაღდა. ხსართაგმა სული განაბა, სასროლზე მიუახლოვდა და თოფის გრიალს მთები გამოეხმაურნენ. არჩვები დაფრთხნენ და აქეთ-იქით გაიფანტნენ. მხოლოდ ერთი დარჩა ადგილზე. ხსართაგმა მოკლული არჩვი ზურგზე მოიგდო და აულში ბინდს აპყვავა. იქ პირველ შემხედურს ჰკითხა ცომაითი ძაბეგი სად ცხოვრობსო.

— ძაბეგი აქ ახლოს ცხოვრობს, მაგრამ ისეთი ავი ძაღლები ჰყავს, რომ შეიძლება, რაც ავსათიმ გიწყალობოს; თვალსა და ხელს შუა წაგვლიჯონ ნანადირევი, წამოდი, მიგიყვან, — უთხრა მან და წინ გაუძღვა.

ხსართავს არ უნდოდა აულში მისი ჩამოსვლის ამბავი გავრცე-
ლებულიყო და არ ესიამოვნა შემხვედრის ასეთი გულისხმიერება.
შაგრამ რაღას იზამდა, მიჰყვა უცნობს. ერთ ჭიშკარზე მიაკაუნა
გამყოლმა და თან ხმამაღლა დაიძახა:

— ო, ძაბეგ. სტუმარი მოგიყვანე, გამოიხედე გარეთ.

— სტუმარი ღვთისაა, შინ მობრძანდით, — ჭიშკარი გამოაღო ძა-
ბეგმა.

— სტუმარი და რა სტუმარი, შეხედეთ! — შეაქო ხსართავი მომ-
ყოლმა. — აბა, ბიჭებო, ნანადირევი ჩამოართვით და მოუარეთ, შენ
კი გოგო, ჩვენსა გადაირბინე და დედაკაცს უთხარი, ერთი ბოთლი
არაყი გააჩინე, სადაც გინდა-თქო და ჩქარა მოარბენინე!

— აცალე, აბისალ, შინ შემოვიდეს კაცი. საკლავიცა მყავს და
არაყსაც ვიშვოვი. სტუმარს არ მივსალმებვივართ, რად იცი ხოლმე... —
უსაყვედურა ძაბეგმა სულწასულ აბისალს.

— ჰოდა, მაშ კარგი. ნუ წახვალ, ჩემს დედაკაცს აქამდე ძილქუ-
შიც დააწვებოდა.

ძაბეგის ბიჭებმა ხსართავს ნანადირევი ჩამოართვეს და ქოხში შეი-
ტანეს. აბისალიც მათ მიჰყვა.

თავის სახელის გაგონებაზე ხსართავი შეკრთა. მიხვდა, რომ ძა-
ბეგმა იცოდა მისი მოსვლის მიზეზი. შერცხვა. დერეფანში ქირქისა
შეეგება.

კი მაგრამ, ნანადირევით მოდი-მეთქი, ასე გითხარი?

— გოგო, შინ შემოიყვანე სტუმარი, — მოესმა ხსართავს ხალი-
ზათის ხმა.

— ახლავე, ნანა, — უპასუხა ქირქისამ დედას დ ხსართავს შინ შე-
უძღვა.

— აქა მშვიდობა, ხალიზათ, ხომ კარგად ბრძანდებით? — მაპა-
ტიე, რომ უდროო დროს შეგაწუხეთ.

— მოდი, შვილო, მოდი, უცხო ხომ არა ხარ, რად გერიდება. მა-
მაშენი მაყრად გამომყვა, დიდი მეგობრები ვიყავით და ძმასავით მიყ-
ვარდა. აბა, ერთი შემოგხედო, ჰგევხარ მამაშენს? გოგო, კვარი მო-
მინათე, თვალი ძველებურად როდილა მიჭრის. ჰო, ჰო, თავს შემო-
გველე, რა მშვენიერი ვაჟკაცი გაუზრდიხარ ბარსაგს, ღმერთმა შენი
თავი აჩუქოს. — ხალიზათი გადაეხვია ხსართავს და შვილივით გადა-
კოცნა. — დაეაჯადმყოფდი, შვილო და სამშობლოშიც ვეღარ წავსულ-
ვარ. ათი წელიწადი იქნება, შინიდან ფეხი აღარ გადამიდგამს, სადა
გნახავთ ახალგაზრდებს, ველარავისა ვცნობ. დაჯექი, გენაცვალე, და-
ჯექი, მომიყევი რა ამბავია აულში? შენ კი, გოგო, საქმეს მიხედე.

— კი, ნანა, — უპასუხა ქირქისამ და სამზარეულოში გავიდა.

ის დღე უსაშველოდ გაგრძელდა. ქირქისას მოტანილმა ამბავმა
ააფორიაქა ნალყუთა. ადგილს ვეღარ პოულობს, დაბნეული დაფარ-
ფატებს, მამამ შეატყო, რომ ნალყუთას რაღაც აწუხებს, მაგრამ არა-
ფერს ეკითხება. დაე, თვითონ თქვას სათქმელიო.

მზე ჩავიდა. ნალყუთას მღელღევარება მოემატა, ხან შინ შევა, ხან გარეთ გავა. ვილაცის ფეხის ხმა მოისმა. ნალყუთა ფანჯარას მივარდა.

— ნალყუთა, შინა ხარ?

შეშინებული შვილის ნუკრივით შეხტა ნალყუთა, კარს ეცა, კარგა. ხანს შეავკიანდა გარეთ. შინ აფორიაქებული შემოვიდა, მამამ დაინახა, ნალყუთას ფერი დაჰკარგოდა, ტუჩები უთრთოდა, მაგრამ ხმას არ იღებდა.

— რა გაწუხებს, შვილო, მითხარი, ასეთი აღელვებული არასდროს მინახიხარ. მოდი ჩემთან, გენაცვალე, გვერდით დამიჯექი და ყველაფერი მითხარი.

ნალყუთა საწოლზე ჩამოუჯდა მამას, მაგრამ თვალს ვერ უსწორებს.

— გისმენ, შვილო, — გაბო საწოლზე წამოჯდა.

— ბაბა, მინდა რაღაც ვითხრა და ვერ გამიბედავს. გახსოვს, ამას წინათ რომ მითხარი, ამოირჩიე ვინმეა?..

— მახსოვს მაშ. პასუხსაც ველოდები.

— ჰოდა... — ნალყუთას აღმურმა აჰკრა.

მამა მიხვდა, რის თქმასაც აპირებდა და თვითონვე ჰკითხა:

— ჰო, ვინ არის?

— იცი, ბაბა, შენ, მაგრამ...

— რა, მაგრამ?

— ბულათიყომ დღეობაში ჩხუბი რომ აუტეხა, ის ბიჭია.

— ბესოლთი ბარსაგის ბიჭი? — ღიმილმა გადაურბინა გაბოს სახეზე.

— ჰოო, ისა, ბაბა, მაგრამ შენი სურვილი ჩემთვის კანონია, თუ არ მოგწონს...

გაბო ჩაფიქრდა.

— შენი ძმა თვითონ ტყუოდა. მეორეც ის, ბულათიყო იმად არ ღირს, რომ შენ მისთვის თავი გასწირო. თუ მოგწონს, მამაშენსაც მოეწონება. მე თანახმა ვარ, ნალყუთა, ის ბიჭი, ურიგო არ უნდა იყოს, ყოველ შემთხვევაში, მე ასე მომეჩვენა.

— მერე ბაბა, შენ რაღა გიყო, მარტო როგორ დაგტოვო? უწინ სიკვდილი ნალყუთას, ვიდრე ის თავის ძვირფას მშობელს უპატრონოდ მიატოვებს. — ნალყუთა მამას მოეხვია და ატირდა.

გაბო მიხვდა შვილის წუხილის მიზეზს, წინათ ამაზე არ უფიქრია, მაგრამ ახლა რა უთხრას, როგორ დაამშვიდოს? მისი დღეები დათვლილია, გულიდა ფეთქავს და ვინ იცის, როდის დახუჭავს თვალს. მანამდე უნდა მოასწიროს, დააბინაოს შვილი. ახლოს გაიცინოს ის, ვის ხელშიც მისი ჰკვიანი გოგო ჩავარდება. მეტს აღარაფერს შესთხოვს ღმერთს. მხოლოდ ნალყუთა იყოს ბედნიერი. მაგრამ გაბომ ისიც იცის, რომ ნალყუთა არასოდეს მიატოვებს ავადმყოფ მამას. ამისი ეშინია ახლა და რაც კი ძალა შესწევს, თავი მოიმხიარულა.

— გამოკვეთდები, შვილო, ფეხზე წამოვდგები, შენ ჩემი დარდი ნუ გაქვს, ხომ ხედავ, ამ ბოლო დროს მოვმჯობინდი, თუკი კარგი პატრონის ხელში იქნები, ხანდახან მომაკითხავ, ხან ქმარს გამომიგ-

ზავნი. ბესოლანთ კარვად ვიცნობ, გამგებნიანი ხალხია. შენ იყავ ბედნიერი, ჩემი დარდი ნუ გაქვს, შვილო.

— ბაბა!

— წადი, ჩემო სიხარულო, წადი... იქ არის, არა? ქირქისა ტყუილად არ მოვიდოდა.

ვახშამი მომზადდა. სუფრას მიუსხდნენ. ძაბეგმა პირველი ყანწით ღმერთი ახსენა. სასმისი უფროს ვაჟს ასლანბეგს გადასცა. აბისალმა დაკარებული ახალუხის სახელოები დაიკაპიწა. დანა კალთაზე შეიწმინდა და წისქვილის დოლაბებივით ამამუშავა ყბები.

— ო, ღმერთმა დიდი დღე მოგცეს, ავსათიც მუდამ გწყალობდეს, მარჯვე ბიჭო, კარგია, რომ გვეწვიე, კარგია, — ყოველ სადღე-გრძელოზე ხობტას ასხამდა ხსართავს აბისალი.

ქირქისას გარდა ყველანი სუფრას უსხედან, ის ხაბიძგინებს აცხობს.

ქირქისამ კარი შემოაღო, ცხელი ხაბიძგინებით სავსე თაბახი სუფრაზე დადგა. ხსართავს კი სხვებისათვის შეუმჩნევლად ანიშნა, გარეთ გამოდრო.

— წამოდი, წამოდი... ქირქისამ ხელკავი გაუყარა ხსართავს.

ნალყუთა კუთხეში მიმჯდარიყო, ხსართავის დანახვაზე შეკრთა, უნებურად წამოხტა და გვერდით მიდგა.

— რას შეკრთი, გოგო, მგელი კი არ შემომიყვანია, ნუ გეშინია, არ შეგჭამს. გაიცანით, თუმცა თქვენ უკვე იცნობთ ერთმანეთს. ხედავ, ხსართავ, შენ რომ თავსაბური აჩუქე, როგორ გულმოდგინედ შემოუხვევია ყელზე... ილაპარაკეთ, მე სუფრას მივხედავ, აბისალს. არაყი მიუშმარჯვო, გაუსკდეს იმას ის მუცელი, იქნებ მოახერხოს წაქევაება. — ქირქისა გარეთ გავიდა.

ბევრი სათქმელი ჰქონდათ ერთმანეთისათვის, მაგრამ ქარის შემობერვაზე ხმელი ფოთლები რომ გაიფანტება ხოლმე, ისე დაეფანტათ აზრები. ენა თითქოს ცდილობს, რალაც თქვას, მაგრამ ტვინი არც ერთს ემორჩილება. სათქმელი თითქოს ნაძვის კვარად იქცა და ცეცხლი წაეკიდა, ააღდა. აბრიალდა და ახლა აღარ იციან, რომელი მოახერხებს ამ ცეცხლზე წყლის დასხმას.

— უიმე, რა იქნა ქირქისა, — რალაც უცხო ხმით თქვა ნალყუთამ და კარისკენ წავიდა.

— ნალყუთა, არ წახვიდე, გთხოვ, — თითქოს ხსართავის დაბმული ენა აეშვა.

ვაჟის ხმა კართან მიეწია ნალყუთას.

— ბაბა შეუძლოდ დავტოვე, შინ არავინ არის.

— მხოლოდ ერთი სიტყვა მათქმევინე, მერე წადი, არ დაგიჭერ.

ამ უცნაურმა ხმამ ნიავევით შემოუბერა ქალიშვილის ცეცხლმოდებულ გულს და მთლიანად ცეცხლის ალში გაახვია.

— მაპატიე, ნალყუთა, იმ დღეს შენს ძმასთან შელაპარაკება მომივიდა, რომ მცოდნოდა...

- . — მისი ბრალი იყო.
- მე იმ დღეს არასოდეს დავივიწყებ.
- არც მე, — დაუმატა ნალყუთამ და უფრო გაწითლდა, საჩუქრისთვის გმადლობ.
- თავსაბური შენი იყო და... ბარემ მეც ოქროს თუმნიანი რომ მქონოდა...
- მაშინ დღეს აქ არ იქნებოდი.
- ნალყუთა, ძვირფასო, არა მჯერა, ნუთუ ქუდბედიანი დავბადებულვარ? რას ვიფიქრებდი, რომ შენ მიკადრებდი.
- ალბათ იფიქრე, იმ გოგომ რიდი დაკარგა, შუაჯაცებს თვითონ მიგზავნისო.
- არც კი გრცხვენია, ნალყუთა, მაგის თქმას როგორ გავბედავ? ქირქისა რომ არა, მე...
- არ მოხვიდოდი?
- სიმართლე გითხრა, ვერ...
- იქნებ ცუდად მოვიქეცი. მე თითქმის ძალით მოგიპატიე.
- ძალიან ვწუხვარ მამაშენის ავადმყოფობაზე. ხომ არ მიწყრება, ბულათიყოს რომ ვაწყენინე?
- სულაც არა, ის თანახმაა.
- ო, ღმერთო დიდებულო, ვიცოდე მაინც რისთვის დამაჯილდოვე ამ დიდი ბედნიერებით?
- მხოლოდ ერთსა გთხოვ, შენი აზრი მაინტერესებს, დედა არა მყავს, მამა ჩემთვის ყველაფერი. ახლა ასე მძიმედა მყავს ავად და მართო როგორ დავტოვო?
- მესმის შენი გულისტკივილი ნალყუთა, გადავწყვიტოთ ჩვენი საქმე და მამაშენის გამოჩანმრთელებამდე იყავი მასთან, თუ თვითონ ისურვებს, მეც თქვენთან დავრჩები, მამაშენს მამად ვიწამებ. აგერ ჩემი მკლავები, ერთი შენ, მეორე — მამაშენს.
- ნალყუთამ მადლიერი თვალები შეანათა ვაჟკაცს.
- გმადლობ, ხსართაგ, ახლა წავალ, თორემ მარტოა. ჰო, მართლა, ცოტა აჩქარდი, ასეთია ბაბას სურვილი.
- ორ დღეში შუამავლებს ელოდე. წადი, ჩემო სიცოცხლე, წადი, მიხედე ავადმყოფს.
- კარვა გაიჭრიალა და ქირქისა გამოჩნდა.
- მივდივარ, ქირქის, მივდივარ.
- რა პასუხით მიდიხარ გოგო, არ მეუბნები?
- თვითონ გეტყვის სტუმარი, — დაირცხვინა ნალყუთამ და წასასვლელად აფუსფუსდა.
- გააცილე, ბიჭო, თუმცა მოიცა, მე თვითონ გავაცილებ, სალექსოდ არ გავუხადოთ ნალყუთას საქმე. — წამოდი, თორემ მამაშენი შინ აღარ შეგიშვებს.
- ფრთა-ფრთას შემოჰკრა მამალმა. გათენების მოახლოება ამცნობდა მკვეყანას. საიდანღაც მას ფხიზელი ძალღი გამოეხმაურა ყეფი.

მეათე თავი

საწაალი კაცი სოფლის იმედითაო

1.

თედოთიყაუში ხმა დაირხა ბესოლთი ხსართაგმა გაბოს ქებულ-ლი ქალიშვილი დანიშნა, ქორწილი გიორგობისთევეში ექნებათო. თავზარი დაეცა სოლიმს. ღატაკი ბარსაგის ლეკვმა როგორ დამასწრო ნალყუთას თხოვაო. ყველაფერს იფიქრებდა, მხოლოდ ამას არა. ბულათიყო როგორღა დათანხმდა, ერთადერთი და თავის შემარცხვენელს მისცა. პირველად არც დაიჯერა. აძიბე და ხასანა ნიშნობიდან რომ დაბრუნდნენ, მაშინ კი დარწმუნდა — პირმშვენიერი ნალყუთა სხვას ერგო და არა მას. ამბის გასაგებად აძიბესთან გადავიდა.

ჯავრით გულ-მუცელი ეწვოდა სოლიმს. ნალყუთას შერთვას ისიც აპირებდა, მაგრამ ვერა და ვერ მოიცალა, რომ შუამავალი მიეგზავნა, ხან ცხინვალში ჰქონდა საქმე, ხან ყიზლარიდან ცხვარი იყო გადმოსარეკი, თიბათევეში ყოველდღე ულაში ჰქონდა. და აი ხელიდან გაუფრინდა ქალი. რა ქნას, როგორ შეუშალოს ხელი ამ ქორწინებას? როგორ დაიბრუნოს მშვენიერი ნალყუთა? აძიბეს თქმით გაბო კმაყოფილი იყო სასიძოსი. სხვისი დანიშნულის მოტაცება აუგიც არის და საშიშიც, სოლიმს არ უნდა უფსკრულის პირზე შეხვდეს ხსართაგს. იცის მისი მკლავის ძალა, გინდაც ხსართაგს რაიმე უხიზნოს. ხასანა და აძიბე სამარებდღე ჩაჰყვებთან. განსაკუთრებით აძიბეა საშიში, ხსართაგის ძმადნაფიცია და სიცოცხლესაც არ დაიშურებს მისთვის. პირდაპირ ბრძოლას აზრი არა აქვს. საჭიროა ჰკუთით მოიქცეს, მოიფიქროს რამე. დიდხანს იფიქრა და იმ დასკვნამდღე მივიდა, რომ უბულათიყოდ ვერაფერს გახდება. ის ცეტი უნდა ჩარიოს, იმან უნდა ჩაშალოს საქმე, თორემ სოლიმს ჩანაფიქრის განხორციელება არ უწერია.

შეჯდა ცხენზე და სალამოს ბულათიყოს დედულეთში ამოყო თავი. ბორსა კარგად იცნობდა სოლიმს და წესითა და რიგითაც შეხვდა. ვახშმის შემდეგ სოლიმმა ბორსა დაიმარტოხელა:

— არ გავიკვირდეს ჩემი სტუმრობა, გავიგე, კარგი ჯიშის ძროხები გყოლია, თრი დეკეული მომყიდე. ფასზე არ გალაპარაკებ.

ბორსამ იცოდა, სოლიმი ფასზე უკან არ დაიხვედა და დათანხმდა.

— მართლაცდა, ამ ჯიშის ძროხებს ჩვენს მხარეში ძნელად შეხვდები, გასაყიდად არც მემეტება, მაგრამ შენნაირ მეგობარს უარს ვერ ვეტყვი, დილაზე გაჩვენებ და აირჩიე, რომლებიც მოგეწონოს.

დილით ადრე ადგა სოლიმი და ვითომ ცხენის დასახედად გავიდა ბაკში. შორიდანვე დაინახა ბულათიყო, რომელიც მის ცხენს უსიყვარულებოდა.

— ღმერთმანი, სოლიმ, კარგი ცხენი გყავს. — გულის სიღრმიდან ამოიგმინა ბულათიყომ და სოლიმს შურით სავსე თვალები შეანათა.

— ასეთი მართლა არავის ჰყავს. ყაბარდოდან გადმოვიყვანე. ერთი აღდარი თავისი ქონების ნახევარსა და ქალიშვილს მაძლევდა. მაგრამ ამასთან რა არის ქალიშვილი. სახელოვანი კაცი და კარგი ცხენი ერთნირად ფასობენ.

— მართალი ხარ, — კვლავ ამოიგმინა ბულათიყომ.

— მთაზე ხომ არ წამომყვები, პაპაშენის ჯიშის ძროხები მინდა ვნახო. თუ გინდა, ცხენები გავცვალოთ, შენ ჩემს ქურანაზე შეჯეჟი, მე... — სოლიმმა თვალი ჩაუკრა ბულათიყოს.

ამ მაცდუნებელ წინადადებაზე უარს როგორ იტყოდა ბულათიყო. ცხენები თვითონ შეკაზმა. სოლიმის ქურანას მოახტა და ნაფუძარში გააჰენ-გამოაჰენა. სოლიმი უყურებდა და ბოროტ ღიმილს ვერ იკავებდა. ბულათიყომ ცხენი მოაგელვა და სოლიმის წინ შეაყენა.

— სოლიმ, მომყიდე შენი ქურანა. წუხელს აქეთ ლამის გავგიჟდე, აღარაფრად მიმაჩნია სიცოცხლე, იცოდე, თუ არ მომყიდი, მოვკვდებოდა და ცოლო შენ მოგეკითხებოდა. მითხარი, რამდენი გინდა? გეხვეწები, სოლიმ, — ბავშვივით უწევდა ყელს ბულათიყო.

„ესეც ასე, მაშლაყინწავ, მოგჰაჩე თუ არა ჯიბლიბოზე. ახლა კი ცხელ შამფურზე წამოგაგებ და როგორც მომესურვება, ისე დაგბრაწავ...“ — შვებით ამოისუნთქა სოლიმმა.

— გასაყიდად რომ მინდოდეს, ბულათიყო, მართლა შენს მეტს არავის მივეყიდი, მაგრამ რა გიყო, არა ვყიდი, იცი რა ცხენია? რალიძუარის დღეობა ხომ გახსოვს?

ბულათიყოს ფერმა გადაჰკრა.

— ის არის?

— ის არის... მრცხვენია შენი, ბულათიყო, არ ვიცოდი, ასე თუ მოხდებოდა, თორემ შავკისერა ხსართაგს ვათხოვებდი? სიმართლე გითხრა, შენი დამარცხება ძალიან მეწყინა, — ვითომ თანაუგრძნო სოლიმმა.

ტყვია მიზანში მოხვდა. ბიჭმა თავი ჩაქინდრა.

— ის შერცხვენა არ გაკმარა, ახლა შენს დას ირთავს. როგორ აპატიე, მიკვირს? კაცი ამას ვერ მოითმენდა! — ბულათიყოს გულის დია კრილობას პირდაპირ ხელით შეეხო სოლიმი.

— იმათ სახელს ნუ მიხსენებ, მე აღარც მამა მყავს და აღარც და! ვისზედაც უნდა გათხოვდეს, რაში მეკითხება!

— ეჰე, ჰე, ჰე, ბულათ, მე ვაჟკაცი შეგონე, შენ კი ისევ ბალღა ყოფილხარ, შენს საკუთარ დაზე ამბობ მაგას?

— სოლიმ, გეხვეწები, გაჩუმდი, თორემ თავს ველარ შევიკავებ, სიბრაზე გონებას მიკარგავს! — იყვირა ბულათიყომ და ცხენიდან ჩამოხტა. — აჰა, შენი ცხენი, მე შენთან წამომსვლელი არა ვარ!

სოლიმმა მაშინვე შეცვალა საუბრის თემა.

— რა გეწყინა, რა გითხარი ისეთი? ბიჭო, შენ ხომ არ გგონია, აქ მართლა პაპაშენის ძროხებისთვის ამოვედი, შენთან მაქვს საქმე.

— ჰოდა, პირდაპირ მითხარი, რა გინდა? გატეხილს გაყევილი სჯობს.

— ჩემი ცხენი მოგწონს?

— განა ეგ საკითხავია?

— მაშ, მოდი, გულახდილად ვილაპარაკოთ. შენ ჩემი ცხენი მოგწონს, მე — შენი და.

— ნალყუთა? მერე ვინ გითხრა უარი?

— მამაშენმა სხვა მამჯობინა. გითხარი ვინცაა. ახლა ასე ვქნათ — ჩემი ცხენი შენ, შენი და — მე. თუ თანახმა ხარ, მომეცი ხელი. — სოლიმმა ხელი გაუწოდა, მაგრამ ბულათიყო გაოგნებული იდგა. — არა, თუ არ გინდა, ძალას კი არ გატან. მე ჩემი გითხარი, შენ შენი თქვი. არა და ჩემს გზას ვეწევი.

ბულათიყო საგონებელში ჩავარდა. ტუჩებს იკენეტდა, პასუხს აკანურებდა, სოლიმმა აღვირი თითქმის თითებიდან ააგლიჯა.

— არ გინდა ჩემი ცხენი? აგერ შენსაზე შეჭექი, მხოლოდ გახსოვდეს, ისევ დამარცხდები დოღში, — ამ სიტყვებზე ის თვალის დაზამხამებაში უნაგირზე მოექცა ცხენს.

— მოიცადე! — იღრიალა ბულათიყომ.

— თქვი, რა გინდა, შინ ვარ წასასვლელი.

— ჩემს დას მოვიტაცებ ამაღამ.

— კმ, მოტაცებაზე რომ იყოს, ამ ულაყს ხედავ? გაუსწრებდა უინმე, თუ? არა, მოტაცება არ ივარგებს.

— მაშ რა გინდა, მითხარი, რა გაქვს გადაწყვეტილი?

— შინ დაბრუნდი.

— ნამდურავად რომ ვარ?

— ეგ არაფერი, შეურიგდი. ისე მოაწყვე, რომ მამაშენმა ნიშანი უკან დაუბრუნოს ბესოლანთ გულამშიერს.

— არ დამიჭერებს!

— მაშინ, თუ ვაქაკი ხარ, ერთი ტყვიის შოენა არ გაგიჭირდება. შთაში თოფმა იგრილა და დანიშნული დარჩა შენი და, გაიგე? ახლა ნულარ მაგვიანებ, თუ ცხენი გინდა, მომძებნი. წავედი. ბორსასთან ბოღიშს ვიხდი. სხვა დროს ამოვუვლი. — სოლიმმა აღვირი მოქაჩა, ცხენი მხედრის ქვეშ ათამაშდა, ყალყზე შედგა, მერე მერცხალივით გაფრინდა და ბულათიყოს გულიც თან გაიყოლა.

2.

ქორწილის დღე დანიშნეს. მოპატიყეები შორეულ ნათესავეებშიც კი გაგზავნეს. დიდ ქორწილს ეპირება გაბო. ერთი ქალი ჰყავს და სირცხვილს ზომ არ ჰკამს. დაე, ბევრი ხალხი მოვიდეს, მისი სიხარული გაიზიარონ, სხვა ბედნიერებას აღარ ელის და ხეობის ხალხი უკანასკნელად კიდევ ნახოს თავის ეზოში. დასაპატიყებელი კი მართლა ბევრი ჰყავს. რომელ აულში არ ეგულება გაბოს მეგობარი და ნაცნობი.

ლოცვა-კურთხევას დაუტოვებს ყველას, ვისაც მისი ხათრი ჰქონდა, ვინც მის სიტყვას პატივს სცემდა, მასთან ვინც იყვნენ ჰირში და ლხინში. ეტყვის მათ, რომ ყველა უყვარს, გაიძვერა არასდროს ყოფილა, ყოველთვის ისე იქცეოდა, როგორც სინდისი კარნახობდა.

ეს გადაწყვეტილება მიიღო გაბომ და ჯერ არავის უმხელს. ან კი რა საჭიროა განზრახულის წინდაწინ გამჟღავნება.

ნაჯაფარ და დაღლილ ნალყუთას ტკბილად ეძინა. გარიჟრაჟზე წამოდგა. პირუტყვს მიხედა, ქათმები დააპურა, მერე კერია გააჩალა. გული ბედნიერებით ევსება, კიდევ ცოტაც და მერე სამუდამოდ ხსართაგთან იქნება. წუხელ დიდხანს იფხიზლა. სამზითვო წინდებს აშურებს. სალაპარაკოდ ხომ არ გაიხდის თავს, მაყრებს თითო წყვილი წინდა ხომ უნდა აჩუქოს. მერე საქორწილო კაბა გადაიცვა. სარკის წინ დაიწყო კოპწიაობა. როგორ შვენის ცისფერი კაბა, რა ლამაზია. წარმოიდგინა, ამ კაბით „ნარნარს“ რომ იცეკვებს, ყველა ტაშს დაუკრავს, თვალები დაუბრმავდება მტერს. მერე ხსართაგთან აცეკვებენ. მე შენ გითხრა და არ ეხერხება ცეკვა.

მაშინ ნალყუთა, ბერბიჭა სოლიმია თუ რალაც ჯანდაბა, იმაზე იყო გაჯავრებული და ჯიბრზე ცეკვადა, ახლა სტყავა. ხსართაგთან ცეკვით რა დაღლის, ფანდირის მელოდიასა და ცეკვაში დაიბადა მათი სიყვარული. მას შემდეგ ნალყუთას გული უცნაურ საკრავად იქცა. მღერის და მღერის საოცარ სიმღერებს.

ჩქარა დაღამდებოდეს და გათენდებოდეს. ბევრი დრო არ დარჩა, მაგრამ მაინც ეჩქარება, ხვალ, ზეგ...

მამის ოთახში შეიხედა. „ჩემი საბრალო ბაბა მთელი ღამე კვნესოდა, გათენებისას ჩაეძინა. ეძინოს, სად ეჩქარება“, — გაიფიქრა ნალყუთამ და ფრთხილად გამოიხურა კარი.

სადილობამ მოატანა, გაბო კი არა და არ იღვიძებს. ნალყუთა შეეშფოთდა. ოთახში შეირბინა, მამის საწოლთან მიიჭრა. გაბო არ ინძრეოდა, თვალები ჰერისათვის გაეშტერებინა, სახე ზაფრანასავით გაპფითრებოდა.

— ბაბა, — წყნარად შეეხმიანა ნალყუთა. გაბო არ განძრეულა. — ბაბა! — იყვირა მან და მამის მკლავს ეცა. მკლავი ცივი რკინასავით დამძიმებოდა.

— ბაბა!.. ბაბა!.. — მაშინ კი იკივლა ნალყუთამ. — ბაბა! მიშველეთ, ხალხო, დავიღუპე. — მისმა კივილმა აულის თავამდე უწია.

აული შეიძრა, გაბო მიიცვალაო, ხსართაგს გაეგო თუ არა, მაშინვე წამოსულიყო. ნალყუთას გვერდით იდგა და თხილის სიმსხო ცრემლები ღვარად ჩამოსდიოდა. ნათესავეებში მაცნე გაგზავნეს. დაიწყო მიცვალებულის გასაპატიოსნებელი წეს-ჩვეულების აღსრულება. სამძიმარზე მოსულები გულწრფელი ცრემლებით დასტიროდნენ ხეობაში პატიოსნებით ცნობილ გაბოს.

დასაფლავების დღეს უამრავმა ხალხმა მოიყარა თავი. ნალყუთას გული უკედებოდა, დედულეთიდან ბორსას უმცროსი ვაჟი ილასი.

ამოვიდა მზოლოდ. არც ბულათიყო გამოჩნდა, რა ვიცი, სად არისო, ასეთი პასუხი გამოგზავნეს ბიძებმა. დიდმა მწუხარებამ გატეხა ნალყუთა. აღარაფერი აინტერესებდა, აღარაფერი ესმოდა.

გიორგობა დღეს დასაფლავებს მიცვალებული. საქორწილოდ გამმზადებულ სუფრაზე ქელების პურ-მარილი გაიშალა. აღარ ჩაუცვამს ნალყუთას ცისფერი საქორწილო კაბა. აღარც საცეკვაოდ გაუშლია მკლავი. ძაძით შეიმოსა და თეთრი ქალაღაის ნაცვლად შავი თავსაბურთით აიხვია ჩამოხოკილი სახე. მორჩა, წლამდის უნდა იგლოვოს მამა!

მარტომმარტო დარჩა ნალყუთა. მოხდა ის, რისიც ასე ეშინოდა გაბოს. პირველ ხანებში ნალყუთასთან გვიანობამდე ისხდნენ ხოლმე მეზობლის ქალები, განსაკუთრებით კი ქირჩისა. გვერდიდან არ შორდებოდა მეგობარს, თითქმის ყოველდღე ამოდიოდა ხსართაგიც. ღამე არ რჩებოდა, ხალხმა არ დაგვეცინოსო. მერე ამინდი აირია, წელამდე თოვლი ჩამოყარა. ეს არ იკმარა, ქარიშხალი ამოვარდა და მეზობელს მეზობელთან აღარ მიესვლებოდა. შორს დარჩა ხსართაგი. ხეობაში ზევეები ჩამოწვა.

ერთიმეორის მიყოლებით გაიჭიმა ზამთრის გრძელი ღამეები. ქარაშოტის ღმუილი აშინებდა ნალყუთას. თუ ქარი ჩადგებოდა და გუნებას გადაიყრიდა ბუნება, ნალყუთასაც იმედი მიეცემოდა. ოცნებით ხსართაგს მისწვდებოდა. მამის სიკვდილის შემდეგ მისი ერთადერთი იმედი ხსართაგიღაა. ისე უყვარს საქმრო, ისეთი ტკბილია. მასზე ფიქრი და ოცნება, რომ უიმისოდ სიცოცხლე ვერ წარმოუდგენია. რა დიდი პატივი სცა, როგორ გააპატიოსნა გაბო. სასიძო კი არა, შვილი არ გასწევდა ამდენ ჯაფას. ხსართაგისა და ბარსაგის პატივისცემას წყლითაც ველარ გადაიხდიან გაბოს ახლობლები და სახლიაკებები.

ისე რა საოცარია ქალის გული! სანამ ხსართაგს გაიცნობდა, არაფრის ფიქრი არ ჰქონდა. ქვეყანას ერთნაირი თვალთ უყურებდა. ერთნაირი იყო ხალხი, ერთნაირი იყო მთებიც. ახლა ხალხი თითქოს ორად გაიყო. ერთი ნალყუთას კეთილისმყოფელები არიან, მეორენი უნდონი, ურწმუნონი.

მაგრამ მაინც ხსართაგი!.. მისი ფიქრები წავე-წამოვა და ისევ ხსართაგზე შეჩერდება. ნეტავ როგორ არის, რას აკეთებს, ნალყუთა თუ აგონდება? ოღონდ თვითონ იყოს კარგად.

ჩქარა მაინც გავიდეს ზამთარი, გზა გაიკვეროს, რომ კვლავ შეხვდეს სატრფოს. ყელზე ჩამოეკიდება და ეტყვის, ნულარ დამტოვებ მარტოსო. მაგრამ ერთად ყოფნაც რომ არ შეიძლება. რას იტყვის ხალხი? ენა ქვასაც ხეთქავს და რისიც გაბოს ეშინოდა, ის დაემართება ნალყუთას, საქორაოდ გახდება. თავი მოეჭრება დუნიაზე. ბოროტ ენას წინ რა დაუდგება, მაგრამ ვინ რა იცის, როგორ უმძიმს ნალყუთას, როგორ ეშინია მარტოს ღამით.

იმ მკაცრი ზამთრის უსასრულოდ გრძელ ღამეებში ნალყუთას ორ ადამიანზე ფიქრი უკარგავდა მოსვენებას — ერთი მისი გულის-სწორი ხსართაგია, მეორე — ძმა, ბულათიყო. პირველმა მეორე გამოდევნა ქალიშვილის გულიდან და მთლიანად თვითონ დაისაკუთრა.

ძმა და და ყველაზე ახლობლები არიან, როგორ არ იცის ეს ნალყუთამ, ვერც წარმოედგინა ბულათიყოზე მეტად თუ ვინმე შეუყვარდებოდა, მაგრამ თვითონ რად მოიძულა ერთადერთი და? რატომ გაიმეტა ასე? სულ მარტო მიატოვა, არ იფიქრა, როგორ უმძიმდა. მას შემდეგ ექვის ჭია შეეპარა გულში ნალყუთას და მოუხრიდებლად ღრღნის. ასე გულის გაციება თუ შეიძლებოდა. ვერც წარმოედგინა. საფიცარმა ვაჟიშვილმა ერთი მუჭა მიწა ვერ გაიმეტა მშობლისათვის. რატომ? რა დაუშავა მოსიყვარულე მამამ ერთადერთ მემკვიდრეს?

აი კითხვები. რომლებზეც პასუხის გაცემა არ შეეძლო ნალყუთას. გაჭირვებულბული ზამთარი ნელ-ნელა დაშოშმინდა და მერე სულაც შეუღჩნევლად გაიპარა. ხეობებში ჩაზვავებულ თოვლს დნობა შეეპარა. ნალყუთამ ეს მაშინლა შეამჩნია, როცა ხსართაგმა ჭიშკარი შემოაღო.

სარკმლიდან დაინახა. გარეთ გამოვარდა. კისერზე ჩამოეკიდა:

— ხსართაგ, ჩემო სიცოცხლე, — სიხარულისა და ზედნიერების ცრემლები მძივებივით დაეკიდა გრძელ წამწამებს. — როგორ დავი-ღალე, როგორ დავიტანჯე ლოღინით.

გვერდიგვერდ დასხდნენ და ერთიმეორის ცქერით ველარ ძღებოდნენ. ორივე ერთად ლაპარაკობდა.

ხსართაგმა საკაცო საქმეები მოათავა. მზე გადაიწვერა, წასვლის დრო იყო. გული არ მიუწევდა წასასვლელად, ფეხს ითრევდა.

— წადი, გენაცვალე, ხსართაგ, დაბნელდება.

— ასე ჩქარა? — შეკრთა ვაჟი.

— შორი გზაა. თანაც ცუდი გადასასვლელებია, მეშინია, ფეხი არსად დაგიცდეს.

— რა იქნება, რომ დავრჩე ნალყუთა.

ნალყუთა შეკრთა. მართლაც რა იქნება! ის ხომ მთელ ზამთარს ოცნებობდა ამ დღეზე. მაგრამ ხალხი? რას იტყვიან მეზობლები?

— ხალხისა სირცხვილია.

ხსართაგს აღარაფერი უთქვამს.

— მართალი ხარ, ხალხს ანგარიში უნდა გაეწვიოთ.

— ხსართაგ, გეხვეწები. ჩქარა ამოდი, მეშინია.

— როგორც დროს მოვიხელთებ, აქ გავჩნდები. აბა, კარგად დარჩი, ჩემო სიყვარულო. ჩემო ერთადერთო საუზუნე.

— მშვიდობით გატაროს ღმერთმა, ვასთირაჩი იყოს შენი მფარველი, — მოეხვია ნალყუთა სატრფოს. ვაჟი წყაროსავით დაეწაფა ქალის ალუბლისფერ ბაგეს.

ისევ მარტო დარჩა ნალყუთა. გაზაფხულზე ყოველ წუთს წყალდიდობაა მოსალოდნელი. ალაგ-ალაგ თოვლის ნამქერი ისევ სქლად

დევს, სიარული სახიფათოა, განსაკუთრებით ღამით. შეიძლება კაცი ნამქერში ჩაეფლოს და ველარ მოახერხოს ამოსვლა. გული შემოპკენესის ჭავრიან ქალს, ნანობს: „რად გავუშვი, რა ყურს ვუგდებ ხალხს, ვისაც რა უნდა, ის თქვას“.

ამ ფიქრებში გართულს დერეფნიდან ხმაური მოესმა. კარს ეცა. ბულათიყო! მას ვილაც ბერიკაცი ახლდა. ნალყუთა მიხვდა, ის ბერიკაცი პაპა იყო მისი.

თავის სიცოცხლეში მეორედ ნახა ბორსამ შვილიშვილი. ერთხელ მაშინ, როცა ის ისევ აკვანში იწვა და მეორედაც ახლა. მისი ამბავი სხვებისაგან ესმოდა, მაგრამ არ ეგონა, ასეთი თვალტანადი თუ იქნებოდა.

დიდი ხნის წინათ ბორსამ თავისი ქალიშვილი ქოსერი გულიდან მოიწყვიტა იმიტომ, რომ მამის სურვილს ანგარიში არ გაუწვია. სიმართლე უნდა ითქვას, ბორსას ვაჟიშვილებს ერჩია ქოსერი, მაგრამ მისივე ბრალი იყო ყველაფერი, ამოირჩია ის უბედური გაბო და, მამამ წყევლა გამოაყოლა თან. გაბოს თუ რამე ებადა, ურვათში წაართვა, ეგონა სიღარიბით შეწუხებული ქოსერი შინ დაუბრუნდებოდა. ასე არ მოხდა. მოსიყვარულე ცოლ-ქმარმა სიღარიბეს სძლიეს, ისევ მოიდგეს სული. გაბო მოხერხებული და მშრომელი კაცი იყო, ოჯახი მალე წამოაყენა ფეხზე.

აგერ, ახლა, უყურებს პაპა შვილიშვილს და თავისი ცქრიალა ქოსერი დაუდგა თვალწინ. ისიც ასეთი იყო, ტანწერწეტა და პირმშვენიერი. გულის კუნჭულში მიძინებულმა შვილის სიყვარულმა უცბად იფეთქა. თვალთაგან ორი კურცხალი გადმოუგორდა და იქვე ახლოს ლოყების ნაოჭებში ჩაიკარგა.

— ღმერთო დიდებულო, ამას ვის ვხედავ? ჩემი ქოსერი აღსდგა მკვდრეთით. ნალყუთა, შვილო, მოდი გულში ჩაგიკრა.

ნალყუთამ იცოდა, რომ წყევლა-კრულვა გამოატანა ბორსამ დედამისის მზითვად და მკვდარსაც არ აპატია ურჩობა, მიწაში ისე ჩაასვენეს. მამის ცრემლი არ ჩაპყოლია თან, ახლა, როცა ბორსამ დედამისის სახელი ახსენა, გული როგორღაც გაუკერპდა.

— მოდი, შვილო, მოდი. პაპა ვარ შენი. ველარ მიცანი?

— ვერ გიცანი, ვინ ბრძანდები? — ცივად უთხრა ნალყუთამ და ნაბიჯი წადგა წინ.

— ბორსა ვარ, გოგო, შენი დადა. არ გახსოვარ? ერთხელ აკი იყავი ჩვენსა.

— ეგ. ალბათ, დიდი ხნის წინ იყო, რალა მეხსომება, ეგ ვინღაა, თან რომ ვახლავს?

— შენი ძმა, ბულათიყო... ვერც ეს იცანი?

— მერე, სად იყო აქამდის? თუ ჩემი ძმაა, რატომ ვერ შეიტყო, ზარი რომ დაეცა მაგის ოჯახს? რატომ სხვა შვილებივით არ ასწია მამის კუბო? ან ახლა, თუ ჩემი ძმაა, რატომ არ წაიშენს თავში ხელებს, რატომ არ დაიტირებს მამას? არა, ეგ ჩემი ძმა არ არის, თორემ რა-

ტომ არ იფიქრა, ჩემი და მარტო დარჩა გაციებულ კერაზე, მივიღე, გვერდში ამოვუდგე, მწუხარება შევუმსუბუქო! ფეხებდამტვრეულიც რომ ყოფილიყო, მაინც უნდა მოსულიყო და ჩემთვის შემოეტირა — აქა ვარ, ჩემო საბრალო დაო, ნუ გეშინია, შენს თავს არავის დავაჩაგვრინებო, — ამ სიტყვებზე ტირილი აუვარდა ნალყუთას.

ბორსა შეერთა. ლაპარაკის უნარი დაკარგა. ნერწყვგამშრალ პირში ენას უმწეოდ ასარსალებს.

არც ბულათიყოა უკეთეს მდგომარეობაში. დის საყვედურებმა ისე დაამცირა, რომ ჩირადაც აღარ მიაჩნია თავი. სინდისი ქუჭუყიანი ჰქონდა, გული — ღვარძლით სავსე, იმიტომაც ემალებოდა დას.

ისევ ბორსა მოეგო გონს. მოხსნა თავი მქვევრმეტყველების გუდას და ბადაგივით დაიშაქრა:

— გვაპატიე, შვილო, დამნაშავე მხოლოდ მე ვარ. შენმა დედამამ მაწყენინეს. ჩემს უკითხავად გადაწყვიტეს ჩემი გადასაწყვეტი საქმე. ვერ ვაპატიე, ვერ მოვერიე ამ სასიკვდილე გულს. იქნებ არ ვიყავ მართალი? ასე მკაცრად არ უნდა დამესაჯა არც ჩემი შვილო, არც ჩემი თავი. მაგრამ ადამიანი ვარ და შეცდომაც ადამიანისთვისაა მოგონილი, თუმცა მამაშენიც იყო დამნაშავე.

— გეყოფათ! მამაჩემის აუგად ხსენების უფლებას არ გაძლევთ! — იყვირა ნალყუთამ და თვალებიდან ნაკვევრჩხლები მიაყარა პაპას.

— მაპატიე, ნალყუთა, საწყენად არ მითქვამს. ნამდურავად ვიყავი, მაგრამ ეს იმას არ ნიშნავს, ამოსვლა არ მეკუთვნოდა. უცხო ხომ არ იყო, მაგრამ ავად ვარ, ხომ ხედავ, წასვლა-მოსვლისთვის აღარ ვვარგივარ, დავბერდი, შვილო, დავბერდი.

— შვილი არ ადგა თავზე და თქვენ რაღად დაგემდუროთ?

— შინ არ იყო, როცა გამოჩნდა, კაცის სიმალლე თოვლში გზაველარ გამოიკვლია და დარჩა, — ბულათიყოს გამართლებას შეეცადა ბორსა.

— გული რომ სტკენოდა, არწივის ფრთებს გამოისხამდა და ისე გადმოფრინდებოდა.

— გეყოფა, გოგო, თუ არ გვიშვებ სახლში, გვითხარი და წავალთ. დამნაშავენი ვართ, პატიებას გთხოვთ...

— პატიება იმას სთხოვოს, მაგის უმზრახი ვინც ჩავიდა საფლავში. იმის წინაშე ხართ დამნაშავენი. სიმართლე რომ გითხრათ, სახლში შემოსაშვები არცა ხართ. მაგრამ რა ვქნა, რაკი სინდისმა გაგებრათ და მოხვედით, რაღა მეთქმის...

ბორსამ ტყავკაბა დედაბოძზე ჩამოჰკიდა და კერიას მიეფიცხა. ბულათიყო ისევ ისე იდგა. ნალყუთამ ცეცხლს შეშა დაუმატა და მერე მიუბრუნდა ბულათიყოს.

— ნეტავ არ დაბადებულყავი, თუ ასეთი უბედური გაიზრდებოდი, რა გიყავით, ბიჭო, ისეთი, რომ ასე სასტიკად მოგვექციე? ერ-

თმა დედამ გვშობა, ერთი ძუძუ გვაწოვა, ერთ აკეანში გვარწევდა და ერთნაირ ნანას გვიმღეროდა. მამ, რა არის მავ სიძულელიის მიზეზი? რა დაგიშავე? რატომ არ შეგებრალე? ხომ იცოდი რა ტანჯვითაც გამომზარდა მამამ, შენ დედულეთში არაფერი გაგპირებია, მე და მამაჩემმა კი რამდენი ვაება გამოვიარეთ. ქვეყანაზე იმაზე ძვირფასი არავინ მყავდა. იცოდი შენ ეს და მაინც იმსხვერპლე. ერთი დედის მუცლიდან ნაშობ მტაცებლებსაც კი უყვართ ერთმანეთი სიცივეში ერთმანეთს ეკვრიან. ერთმანეთს გულებით ათბობენ და ისე იძინებენ. შენ რა ღმერთი გაგიწყრა? როგორ გაიმეტე მშობელი მამა? ხალხის რისხვისა მაინც არ შეგეშინდა?

ბულათიყო გაშრა. რისიც ასე ეშინოდა. ახლა ტყვიასავით შიგსახეში მიახალა დამ. სული კინალამ გაეპარა.

— მაპატიე, ნალყუთა. შევეცდი!

— მე გაპატიებ თუ არა. რა მნიშვნელობა აქვს, ის გაპატიებენ ვინც დედულეთიდან ძალღივით გამოაგდე? მას შემდეგ მოუქვდა ვუღლი, ჩავარდა და აღარც ამდგარა. რომ მოსულიყავ, პატიება გეთხოვა, იქნებ გამოკეთებულყო, ცოტა ხანს კიდევ ეცოცხლა...

— ნალყუთა, შვილო. შენმა ძმამ შეიგნო თავისი დანაშაული, ბერიკაცი ვარ და გთხოვ. აპატიე, ქვეყანაზე ისეთი დანაშაული არავის ჩაუდენია. რომლის პატიებაც არ შეიძლებოდეს.

— მე მიპატიებია, თუ საიქოში ბაბა აპატიებს... — თქვა ეს ნალყუთამ და ცრემლი მოერია, არ უნდოდა თავისი სისუსტე ბულათიყოსათვის ეჩვენებინა და გარეთ გავიდა.

ბულათიყოს აქამდე იქეთი გრძნობა ჰქონდა, თითქოს უფსკრულის თავზე ბეწვით ეკიდა. რომელიც საცაა გაწყდებოდა. ამ სიტყვებზე იგი თითქოს კვლავ სააქაოს დაბრუნდა. გონზე მოვიდა. მიხვდა მისი დანაშაულის შესახებ დამ არაფერი იცოდა, ის მხოლოდ სხვა რამეზე ემდუროდა, ყელში მოწოლილი ბოღმა შეეშვა. აღარ ახარობდა, მხოლოდ შუბლზე ოთლის წვეთები მიივებდა იქცენ და ერთიმეორის მიყოლებით დაქანდნენ სახეზე, თითქოს ჭუჭყის ჩამორეცხვა გადაუწყვეტათო.

— ბოძს ხომ არ შეეყინე, ბიჭო? — შეუტია ბორსამ შვილიშვილს. — გადმოდგი ფეხი. მოდი ახლოს. მავ გიჟურ ყვირილსაც შეეშვი, თითქოს მართლა შენ მოგეკლას მამაშენი, რას ბოდიშობ, დროა მოუვიდა და მოკვდა. შენ რა შუაში ხარ? თავს დამნაშავედ ნუ აჩვენებ დას, როგორც დაგარიგე, ისე მოიქეცი. მიეფერე, გოგოა. გულო რბილი ცომია და ტუბილი ენით ფუნთუშა პურის გამოცხობა შეიძლება. ხეპრე ნუ ხარ, ეტყობა ნალყუთა მარტო სახით კი არა, ჭკუითაც დედასა ჰვავს.

ბულათიყო მთვრალი კაცივით მიბარბაცდა კერძამდე.

— ჰოდა, ასე, — სიტყვა გააგრძელა ბორსამ, — ტუბილი სიტყვით მთას ირემი მოიწველაო. ამას იქით აქ უნდა იცხოვრო, დიდხანს აღარ შეგაწუხებს, დანიშნული ყოფილა და წავა. ჩემთან რომ ყოფილიყავ,

ბარემ დამწვიდებული ვიქნებოდი, მაგრამ თვითონ ნახე, ჩემი სასიკვდილე ბიჭები რა დღეში იყვნენ. ჯერ პირდაპირ ვერაფერს ბედავენ, მაგრამ როცა მე აღარ ვიქნები, მშრალზე დაგსვამენ. სჯობია, ახლავე აქ, მამიშენის კერაზე დაივანო.

— ამ ცარიელ სახლში რითი ვიცხოვრებ, დადა?

— თუ ივარგებ, ყველაფერს იქონიებ. მერე კიდევ, არც ისეა საქმე, როგორც შენ ფიქრობ, საქონელი გყავს, მიწა გაქვს, მართალია ბევრი არ არის, მაგრამ თუ ფხას გამოიჩენ, გააბევრებ. მეც მოგეხმარები.

— ჯერჯერობით აქ რომ დარჩენილიყავ, დადა?

— არა, შვილო, ეგ არ ივარგებს, შენიანები რას იტყვიან? თან შინაობის დარდიც მაქვს.

— მაპატიე, დადა, ჩემი მიზეზით შენც ბევრი უსიამოვნება შეგხვდა.

— ეგ არაფერი.

მეორე დღეს ბორსა წავიდა. შვილიშვილს, რომელსაც თავის იმედს, თვალისჩინს ეძახდა, შავი კაპიციც არ დაუტოვა.

ღამე ღლისკენ გადაიხარა

პირველი თავი

წავდიაღვი იშვა ურჩხული

1.

აულის ბოლოს, ტირიფებთან, პატარა, ბუჭულა წისქვილში კვარის შუქზე აჩრდილივით მოჩანს ქალიმათი. მინაწლებული კერის წინ ზის და ვახშობს, ქერის პურის გამხმარ ქერქს წყალში ასველებს და ხარბად ილუკმება.

შშრალი ქერის პური ძნელი საქმელია, მაგრამ შიმშილის მსაჭვრელ ძალას ვინ გაუძლებს? ყელში წაუჭერს და რასაც მოისურვებს, იმას გააკეთებინებს მსხვერპლს. დილასაც სცადა ქალიმათმა გამხმარი და დაობებული პურის ნატეხის შექმნა, მაგრამ ვერ მოახერხა. საღამოთი ძალიან გაუჭირდა, ცარიელი კუჭი ეწვოდა, თვალთ უბნელდებოდა და შეტი რაღა გზა ჰქონდა, წყლით სავსე ჯამი მოიდგა გვერდით და გამხმარი პურის ნატეხები ხელში შემოადნა.

შოათავა ვახშამი. პირმოტეხილი დოქიდან წყალი დააყოლა, ვერ გაძღა, დღეს თავი მაინც მოიტყუა, მაგრამ ხვალ რაღა იქნება, ზეგ რა ელის?

მარტოდმარტოა ოჯახიდან გაძევებული, აულიდან მოკვეთილი ქალიმათი.

აგერ მეორე წელია ამ წისქვილს შემოეფარა და ასე მარტოდმარტო, მშიერ-მწყურვალი, ტიტველ-შიშველი ატარებს გაწამებულ წუთისოფელს. აულში ორი ადამიანის მეტმა არავინ იცის, რითი ცხოვრობს, რას აკეთებს ეს სვეგამწარებული ქალი. ერთი მათგანი სოლიმია, მეორე — აცირუხსი. ქალიმათის საცოდაობამ დასწვა აცირუხსი. მისმა მდგომარეობამ საკუთარი წარსული გაუახლა. რაღაცაა მათ შორის საერთო, ოდესღაც უსუსური ყლორტივით ძირშივე ჩახმა აცირუხსის ოცნებაც. გაჭირვების დროს მხარში არავინ ამოუდგა. პირიქით, წაქცეულს ზედ შესდგნენ და ფეხით გადაქელეს. მას შემდეგ დიდი დრო გავიდა, დაკოდილი გული კი აღარ გამთელდა.

თავი მოეჭრა ქალიმათს, მაგრამ რატომ? რამ მიიყვანა ამ მდგომა-

რეობამდე? არავინ კითხულობს ამას, ყველა თვალს არიდებს. ვის რაში ეკითხება უღონო, სახელგატეხილი ქალი!

აცირუხსმა დიდხანს იფიქრა, როგორ დახმარებოდა ქალიმათს და ერთ ბნელ ღამეს, როცა აულმა პირველი ღრმა ძილით ჩაიძინა, შეუმჩნევლად გავიდა სახლიდან, წისქვილამდე სულმოუთქმელად ჩაირბინა და კარზე მიაკაკუნა. ქალიმათი ყველაფერს მოიფიქრებდა, მაგრამ აცირუხსი თუ მასთან მივიდოდა და სასმელ-საჭმელს მიუტანდა, ამას ნამდვილად არ მოელოდა. იმ ღამეს ქალიმათმა გათენებამდის იტირა. აცირუხსი კი როგორც მოულოდნელად გამოჩნდა, ისევე მოულოდნელად გაქრა. სოლიმისა ეშინოდა.

აცირუხსი ყურადღებას აღარ აკლებდა ქალიმათს. ლოგინი ჩაუტანა, ქვაბი, ჭამი, გადაგდებული ფინგი, ფქვილი, კარტოფილი, ყველი, ღორის ხორცი... როცა კი ღროს მოიხელთებდა, მაშინვე წისქვილისკენ გარბოდა.

ერთხელაც, ადრე გაზაფხულზე აცირუხსმა სანოვაგე წაუღო ქალიმათს. ის იყო წისქვილს მიუახლოვდა, რომ ვიღაც კაცი გამოვიდა იქიდან და ტყე-ტყე გაიქცა ქურდივით. აცირუხსი შეუმჩნევლად მიჰყვა უკან და როცა აჩრდილი მათ ჭიშკარში გაუჩინარდა, მიხვდა, ვინ იყო ქალიმათის დამლუპველი. გაშრა ქალი, აი, როგორი ყოფილა ქალიმათი. ამიტომ მაღავდა თავისი დამლუპველის ვინაობას. ის დღე იყო და აცირუხსს წისქვილისკენ აღარ გაუხედია.

ვაშშობა დიდი ხანია გადავიდა. კედელში გარკობილი კვარი ოდნავდა ბეუტავს და ჩასაქრობად სულსა ღაფავს. ქალიმათი კი ნაბდისძველაზე ზის და ლოდინით თვალეზამოღამებული კარს უყურებს. გარედან ფეხის ხმა მოესმა. ქალიმათი ფეთიანივით წამოვარდა და კარი უერთამდე გამოაღო. კვარი ჩაქრა, მთვარის შუქზე აჩრდილი შიგნით შევიდა და კარი ისევ მიიხურა.

— რას გამოშტერდი, ანთე კვარი და სარკმელს ჩამოაფარე! — შემოსვლისთანავე საყვედურით აავსო ქალი.

— კვარი გამითავდა. — დამნაშავესავით ჩაილაპარაკა ქალიმათმა, — შიმშილით ღამის სული გამძვრეს.

— ძალიან გასუქებაც არ ვარგა.

— გასუქება, შენმა მზემ, შენი მოტანილი სასმელ-საჭმელი თავზე გადამდის. ნუ გამაუბედურებდი. ვეგდებოდი ჩემთვის, ასე იყო თუ ისე, ლუკმას მაინც არავინ მაყვედრიდა.

— კარგი, გეყოფა, აი, მოგიტანე საჭმელი. საჭმეები მაქვს, ვერ მოვიცალე. დაჭეკი, ჭამე. ზვალაც მოგიტან.

— მომიტან... თოვლს რომ ჩამოყრის, მერე რაღა მეშველება, შარშან ზამთარს კინაღამ მოვკვდი, წელს ასე ვეღარ შევძლებ.

— ამაზე მართლა უნდა ვიფიქროთ. ზამთარში გამიჭირდება შენთან შოსვლა, თოვლზე შეიძლება კვალი შეამჩნიონ. სახელი გამიტყდება ჭალხში.

— არ მოხვალ და მე ვიცი რასაც გიზამ, შენსავე სახლში ცეცხლში

გამოგზავნა. ჩემთვის უკვე დიდი ბედენა არ არის, ვინ რას იტყვის. ილაპარაკონ, მოსწყინდებათ და გაჩუმდებიან.

— ცეცხლი ხარ, ცეცხლი. დამწყვი, დამდაგე და კიდევაც მსაყვე-დურობ.

— ისემც არ გაიხარე ჩემი ცოდვით. ტკბილი ენით მომთაფლე. მო-მატყუე, შემარცხენე და ახლა აი რა ძვირად მიჯდება შეცდომა. ვიცი, შენ რომ უსინდისო ხარ, მატყუარა, ცბიერი, მაგრამ მაინც მიყვარხარ. ეშმაკმა იცის, რისთვის შემიყვარდი. შე უგულოვ. შეუბრალებელო. ეს სიყვარული რომ არა. განა ჩემს სიცოცხლეს სიცოცხლე ჰქვია? მაგრამ თუ უარესს მიმზადებ, თუ სხვის შერთვას ფიქრობ, მაშინ კი მიფრთხილდი. მხამს გასმევე. ზედ წაგაკლავ ჩემს შერცხვენას, შენს სისხლს დავლევ, და შენს გვამს კბილით დავგლეჯ.

— ხალხში უნდა გაერიო, გესმის?

— ხალხმა ზურგი შემაქცია, ჩემი ეშინიათ, ყველა გამიბრბის.

— მე მოველაპარაკები, აი ნახავ.

— მართლა? ჩემო სიცოცხლე, ჩემო ერთადერთო იმედო. წამიყვანე.

— საცაა გათენდება, წასვლის დროა.

— ასე ჩქარა? როცა ჩემთან ხარ, რა ჩქარა გარბის დრო.

— ხვალდამ მოგაკითხავ.

— აღარ დაიგვიანო, წადი...

წისქვილის კარმა გაიჭრიალა და აჩრდილი თელიანში გაუჩინარდა. მეორე დღეს ნიხასში სოლიმმა ქალიშობზე ჩამოაგდო სიტყვა.

— ძაქო, ი ჩემ წისქვილში რო დაიდო ბინა, რას უშვრებით იმ დედაკაცს? დილასა ვნახე და იმისი ცოდვით დედამიწა იწვის, ხალხი ვართ. აული. ასე როგორ შეიძლება. მართალია. თავი შეირცხვინა, უღალატა ქმარს, ოჯახს, მაგრამ ასეთი მკაცრი სასჯელი სად გაგონილა, რომ ადამიანი ცოცხლად დავმარხოთ.

— სოლიმ, პატივცემული კაცი ხარ ჩვენს შორის, გაფასებთ კიდევ. მაგრამ გთხოვ, იმ უწყინდურის სახელი არ ახსენო ნიხასში — სიტყვის დამთავრება არ დააცადა ყუნცელმა.

— ვიცი, ყუნცელ, მაგრამ ღვთის გაჩენილი ადამიანი შიმშილით რომ მოკვდეს. ღმერთი არ გვაპატიებს. ცოდვა ჩაიდინა. მაგრამ ამ ორ წელიწადში რაც ის ეწემა. ვაკმაროთ, დღეს დილით დავინახე ბალახსა ჰამდა. ასეთი უჯიათობა არ გამიგონია, ადამიანი პირუტყვად ვაქციეთ.

— ბალახს კი არა... ეშმაკთანა აქვს პირი შეკრული, იმიტომ არაფერი ერევა.

— რაღა არ ერევა, შე კაი კაცო. ცარიელი ძვალი და ტყავიღაა. შენ გელაპარაკები, ძაქო, შენა ხარ უფროსი და რასაც იტყვი... შეცდა დედაკაცი, ნამდვილად სამარცხვინო საქციელი ჩაიდინა, მაგრამ ჩვენ ხომ ხალხი ვართ, მოვკლათ ადამიანი? არ შეიძლება ასეთი სიმკაცრე. ხალხი დაგვიცინებს, ცოდვის შვილი შიმშილით მოკლესო. ახლა კიდევ ეს მითქმა-მოთქმა. ეშმაკიო... რის ეშმაკი? ყოველივე ეს ზღაპარია, ვინ

იცის, ვინც ის შეაცდინა, ახლაც ჩვენ შორის არის, და თუ ქალი ასეთ მძიმე სასჯელს იხდის, ის რატომ დადის დაუსჯელი? — გაცხარდა სოლიმი.

— ეი, დადა დაი, ეგ რომ ვიცოდე, ბარემ დავაყრევინებდი წელეებს, მაგრამ რომ არ ამბობს ის კახბა, — გულზე მჭილი დაიბაგუნა ყუნცელმა.

— რომ თქვას, სისხლი დაიღვრება, ყუნცელ, იმ უბედურს კი ეს არ უნდა. რა ვქნათ, ვაპატიოთ თუ არა უპატრონო ქალს დედაკაცური სისუსტე?

— ვინც აპატიებს, ჯერ შინ წაიყვანოს და პირზე წაცხებული მურიენით აულოკოს, შემდეგ გაუშვას ხალხში, — გაცხარდა ყუნცელი, წამოსტა და ცუნცულით გაეცალა ხალხს.

— რა ვიცი, ვინც რა უნდა თქვას, მე ჯერ ადამიანი ვარ და მთელმა აულმა იცის, სოლიმს ძაღლის ლეკვიც არ გაუგდია მშვიერი და მით უმეტეს ადამიანის შვილი. მე შევეუშვებ სახლში.

2.

ქალიმათი გამოძვრა წისქვილიდან. პირველად სოლიმმა წაიყვანა შინ. მერე თანდათან გავიდა ხალხში. აული ნელ-ნელა უღებდა კარს.

გაიხარა. სოლიმი იყო იმის მზე. სული და გული. მოთმინება აღარ ჰყოფნიდა, როდის ეტყოდა სოლიმი, ცოლად გირთავო. მომავალზე ოცნება გულს უხარებდა. ერთ ღამეს ველარ მოითმინა და პირობა შეახსენა სოლიმს.

— როდემდის ემალთ ჩვენი სიყვარული, სოლიმ?

— მე ხვალაც მზად ვარ შეგირთო, მხოლოდ...

— რა, მხოლოდ?..

— ჭორი გავრცელდა.

— ის ჭორი აღარაფერს ნიშნავს.

— მაგაზე მეტი რაღა გინდა, ხალხი ამბობს, რომ ეშმაკმა შეგაცდინა, მერე, იცი რას ნიშნავს ეს?

— რას?

— ხალხს შეუძლია ჩაგქოლოს. ამბობენ, ღამე კუდიან დედაბრად იქცევი ხოლმე. ეშმაკი წისქვილის ხვიმირში ხალხის ბარაქას ჩაყრის და სწრაფად ფქვავს. შენ კი უშველებელ პირს უშვერ და იქვე ყლაპავ ყველაფერს. შიმშილით იმიტომ არ მოკვდაო, აბა.

— მაგას ვინ დაიჯერებს?

— სულელო. მაგის დაჯერებას რა უნდა. ჯობია იმაზე იფიქრო, რა უბედურება გელის. მე ღამის ჯაერმა გამათავოს.

— კი მაგრამ. შენც გჯერა?

— მე რომ არა მჯერა, მაგას რა მნიშვნელობა აქვს, ხალხმა გნახა...

— ვინა მნახა?

— ზარინამ. ხასანას ცოლმა. ფქვილსა ლოკავდაო... თვითონ მოჯა-

დოებულები ყოფილა, თვრამეტი წელი იმიტომ არ უჩნდებოდა შვილი. ჰოდა, შენთვის მოუფურთხებია. ახლა ნუკრივით ბიჭი ჰყავს. თუმცა, ღმერთმა იცის ვისგან ეყოლა?

— ვითომ ეშმაკისგან?

— რა გაუგებარი ხარ, მაგათ რომ შვილი გასჩენოდათ, აქამდე გაუჩნდებოდათ. ამბობენ, ბარსაგის ბიჭის, ხსართაგისგან არისო...

— ეგ რა თქვი, — შეკრთა ქალიშათი.

— მაშ! შენ ტყუილად მოგიგონა, ჰო, ვითომ ჩემი სირცხვილი არ გახმაურდესო, ყველაფერი ეშმაკს დააბრალა. იმისმა კამეჩმა ქმარმაც დაიჭერა და შენ ამ ავ საქმეში გადანაშაულებს.

— ო, ზარინა ვნახე გამწარებული იმ საფიცარ შვილზე. ღმერთო, უწილკერძოდ გადაატარე. რა დაუშავე? ასე სასტიკად რად გამამწარა? მოთქეამდა ქალი.

— გაჩუპდი, რა კატასავით აქნავლდი?

— მომწყდი თავიდან! ყველაფერი შენი ბრალია! შენ გამხვიე ამ უბედურებაში, შენ მომჭერი თავი, შენ იყავი, შენ! ახლა, როცა თავზე ცეცხლი წამიკიდე, განზე გამიდექი. მომცილდი, არ დაგინახოს ჩემმა თვალებმა, მეზიზღებით ყველა. აქამდისაც შენი გულისათვის მეჭირა კბილით სული. ახლა გაიხარე, ხალხი თუ ჩამქოლავს, შენც გათავისუფლდები და მეც, ანდა რაღად მინდა სიცოცხლე, მე თვითონაც მოვიკლავ თავს, — ხმამაღლა ატირდა ქალიშათი და თავისი ნაწნავები ყელზე შემოიხვია.

— ნუ გაგიყდი, მომისმინე! — ხელები დაუჭირა სოლიმმა და ყელი გაუთავისუფლა. — ტყუილად არ ამბობენ: „დედაკაცს თმა გრძელი და ჰკუა მოკლეო“. თავს რაზე იკლავ? როცა შევიძლია იმას მოაკვლევინო თავი, ვინც შენ ეგ ჭორი გაგივრცელა.

— როგორ? — გამოცოცხლდა ქალიშათი.

— ვითომ, შენი თვლით ნახე ისინი აგერ, მურყნარში. ვილაცხვილებს ჩაუჩურჩულე, ისე, საიდუმლოდ, თუნდაც ბესოანთ ქვრივ ტასის უთხარი, ნაწყენია, მგონი. ხსართაგმა მისი ქალი დაიწუნა... ხომ იცი, დედაკაცის ენა ქარივითაა. დილიდან საღამომდე მოირბენს აულს.

— არ მითხრა, ეგ სოლიმ, ვერ ჩავიდენ ბოროტებას, დეე, ისევე მე ჩამქოლონ, ღირსი ვარ, უსინდისობა ჩავიდინე, ვიცი ხალხის რისხვა დაემსახურე, მაგრამ ცილი დავწამო უდანაშაულო ადამიანს? არა, არ შემიძლია! — ამოიკვნესა ქალმა.

— შენი ნებაა, მხოლოდ არა თქვა, არ ვიცოდით. შენს ჩაქოლვას მე ვერ ავიტან, დავხოცავ ყველას და მეც თავს მოვიკლავ. თუმცა ჩემი ბრალია ყველაფერი, აქამდე რატომ არ შეგირთე. დეე, ვისაც რა უნდოდა, ის ეთქვა. რა საქმე მაქვს ხალხის ლაპარაკთან. იყევებდნენ და გაჩუმდებოდნენ. ეჰ, რაღა მეთქმის, მინდოდა, მაგრამ ზორიანთ მოვერიდე. მე ერთი ვარ, ისინი ასნი. ახლა იმ უნამუსოს ცილისწამება. წინათ მარტო მათ უნდა შევბრძოლებოდი, ახლა მთელ აულს. ცეცხლს წამიკიდებენ. ბარემ ის შეცდომა რომ არ მომსვლოდა, მაგრამ ახლა რა-

ლა დროს სინანულია, მიყვარხარ, იცი, რომ უშენოდ არ შემიძლია. ამდენი წელი შენ შემოგყურებ. შენს გარდა სხვა ქალი არ არსებობს ჩემთვის. ლამაზი ქალიშვილების მეტი რა არის, მაგრამ შენი სადარი რომ ვერაინ ვნახე. ან შენ, ან — არავინ! ჰო, იფიქრე, ჩემო ერთადერთო, როგორ წავა ჩვენი ცხოვრება. გახსოვდეს, ჩვენი მომავალი შენზეა დამოკიდებული. მე თავის დროზე ვერ ვიმარჯვე. ვნახოთ, შენ რას იზამ!

სოლიმი ბალდამს ნელ-ნელა აწვეთებდა ქალიმათს, მიაღწია კიდევ საწადელს, გატყდა ქალის გული, ან კი რა ძალა გაუძლებდა ცდუნებას — ბედი უღიმოდა. მერე რამდენ ხანს ოცნებობდა იმ დღეზე, როცა ის სოლიმის სახლში კანონიერ დიასახლისად დატრიალდებოდა. აი დადგა ეს დღეც და რალაც უშლის ხელს. ვილაცის ენა უწამლავს ბედნიერებას. იმ ენით ხალხის რისხვა ელის, მარტო რისხვა კი არა — ჩაქოლვა. არა, არა, ურჩევნია სოლიმის წინადადება მიიღოს, ზარინამ არ შეიბრალა ის. მამ ქალიმათი რატომ დაზოგავს?

გარედან შემოდგომის ქარაშოტმა წისქვილის ფარდალალა კედლებიდან შეშინებულივით დაიღმუჟლა. აულიდან მამლები გაბმული ყივილი გაისმა და დილამდე თითქოს მშველელს უხმობენო, ისე გასძახოდნენ ერთმანეთს.

3.

ხსართაგს მართლა დიდი გასაჭირი დაადგა. მოსიყვარულე ძმებს შორის ძალზე დიდი უსიამოვნება ჩამოვარდა. ბარსაგი და ხასანა ახლა შეურიგებელი მტრები იყვნენ. უბედურებამ დაისადგურა მათ მყუდრო ცხოვრებაში. ავი აღამიანის ავმა სიტყვამ მოსალოდნელზე მეტად გაჰკრა, სისხლმომწყურებული მხეცივით შეიჭრა ძმების ცხოვრებაში ბოროტება და აღარავის ინდობდა.

არავინ იცოდა, ვინ დაიწყო ის ავბედითი მითქმა-მოთქმა. ამას არც არავინ კითხულობდა. მხოლოდ ერთიმეორეს გადასცემდნენ, ვითომ ზარინასა და ხსართაგისთვის ვილაცას მრუშობაზე წაესწრო. აი თურმე გვიანობამდე რატომ არ მიეცათ შვილი!

აირ-დაირია ძმების ცხოვრება. აიწეწ-დაიწეწა მათი საქმეები. ან კი ვილას ჰქონდა საქმის დარდი. აულში ის ჭორი არავის სჯეროდა, ხვდებოდნენ, რომ ბოროტი ენის ბრალი იყო ყველაფერი, ვილაცას სჭირდებოდა ამ ორი მოსიყვარულე ძმის გადამტერება. შხამიანი გველი თუ სოროდან გამოძვრა, კიდევ დაშხამავს ვილაცას. ასეა ჭორიც.

ახალი წლის წინა კვირას აძიბეს ცოლს სამშობლოდან მოსაქითხი შოუვიდა. წვეულებაზე მთელი აული დაპატიყეს. ხასანა და ბარსაგი წავიდნენ, ხსართაგი სასიამაჰროს გლოვობდა და აძიბეს ბოდიში მოუხადა.

მასპინძლის გულუხვ სუფრაზე კარგად მოილხინეს სტუმრებმა. შუა ქეიფში საიდანღაც მობარბაცდა ყალა, ყუნცელის შვილიშვილი. მეი-

ნახევებს თვალი მოავლო და ხასანას გვერდით დაჯდა. სადღეგრძელომ ჩაშოიარა, ყალამ ვითომ თავისი სასმისი ხასანას სასმისს მიუჭახუნა, მაგრამ სასმისი ხელიდან გაუვარდა, არაყი ხასანას გადაესხა.

— რა არის, ყალა, სად დათვერი ასე, ან რატომღა მოდიოდი აქ, ხომ ხედავ, სასმისს ველარ იკავებ ხელში, — უსაყვედურა ხასანამ.

— მე მთვრალიც ძივანებ ჩემს სახლს, შენ ფხიზელიც ბრმა ხარ და ისიც არ იცი, რა ხდება შენს ოჯახში, — მკვახედ მიახალა ყალამ.

— რის თქმა გინდა მაგით, ყალა?

— მე არაფრის თქმა არ მინდა, ხალხი ლაპარაკობს...

— რას როშავ, შე უღლეურო!

— ეგ შენს ცოლსა ჰკითხე. იმას ეცოდინება.

ხასანა აენტო.

— ახლავე დაიკარგე აქედან, თორემ ცხვირ-პირს ჩაგამტერე! — წამოვარდა გაცეცხლებული ხასანა და ყალა კატის კნუტივით გასტყო-რცნა კარისაკენ.

— ჩემთან ჩხუბს ის გირჩევნია, შენი ცოლის საყვარელს გასცე პასუხი, — მიადახა ყალამ და კარისაკენ გაიქცა.

ხასანა გაშრა, თვალი დაუბნელდა, მაგრამ მალე მოეგო გონს. ის იყო გადმოხტა სუფრიდან, რომ ყალას დასწეოდა და უკანვე ჩაეჩარა საშინელი სიტყვები ყიამყარლისთვის, მაგრამ გააკავეს, აძიბე ამშვიდებ-და:

— არა გრცხვენია, ხასანა, იმ უღლეურის რატრატს რა ყურს უგდებ. ვითომ არ იცნობდე.

— გამიშვი, აძიბე. ენა უნდა ამოვავლიჯო! — შფოთავდა ხასანა.

უფროსებმა ხასანას წესრიგისაკენ მოუწოდეს. სტუმრებისა სირცხ-ვილია, რას იტყვიან, სალექსოდ გავგზდიან. პირზე ხსენშეუშრობელმა ბაღლმა რაღაც წამოაბოდა და განა ყურადღების ღირსიაო.

დაწყნარდა ხასანა, მაგრამ კრიჭა შეეკრა, ხმა ველარ ამოიღო, ბარსა-გსაც აღარ მოუცადა, შინ წავიდა.

მეძღძური ქალის ღამით სახლში მარტო ყოფნა არ ეგების, ამიტომ, როცა საღამოობით ხასანა შინ არ იყო, ზარინასთან ან ფარდიგი რჩე-ბოდა ან ხსართაგი. ახლაც ხსართაგი დახვდა ხასანას.

ბიძის მოსვლისთანავე ხსართაგი შინ წასასვლელად მოემზადა.

— რა გეჩქარება, ხსართაგ, ვივანშემბდით ჭერ, — შეეპატიყა ზარი-ნა. მაგრამ ხსართაგმა აღარ მოიცადა.

ეს რამდენიმე ხანია, ხსართაგი დაღონებული დადის, გული ჩაითხ-რო და არავინ იცის, რა ჭია ღრღნის. აძიბემ უთხრა ყველაფერი. გააფ-რთხილა, ჰკვიანად მოიქეცი და ჭორის თავი ვიპოვოთო. ვილაცამ მახვ-ლი ჩასცა ზურგში და ვერ გაუგია, ვინ უნდა იყოს? რად დასჭირდა ასეთი ბინძური იარაღი ადამიანის გულის მოსაკლავად? ეძებს ამ ბო-როტების სათავეს, მაგრამ რას გაიგებ, ვინ თქვა და რისთვის? აძიბემაც ველარ მოიცალა. მოყვრებმა ძღვენი ჩამოუტანეს, ესაო, ისაო, სტუმრო-ბაო და... ღამის გული გაუსკდეს ხსართაგს. მანამდე ავმა ენამ აული

შიორბინა, მოუმწიფებელი ძირმაგარასავით გამოირწყო და ხასანას ეკვის ჭია შეუძვრა გულში.

ამჯერად ზარინას არ მიჰფერებია. სიმთვრალე მოიმიზეზა და გაუხდელად მიწვა ტახტზე.

რას ნიშნავს ყალას ბოდვა? მართალია უხეიროა, მასხარაა, მაგრამ... თავისი აზრი არა აქვს, უფრო ხშირად სხვის ნათქვამს იმეორებს. მაინც საიდან მოუვიდა თავში ასეთი სისულელე? არა, ხვალ აუცილებლად ნახავს ყალას და ყველაფერს ათქმევინებს. თუ თვითონ მოიგონა, ენას ამოგლეჯს, ცოცხალს არ გაუშვებს, თუ არა, ათქმევინებს ვისგან გაიგონა.

მეორე დღეს ვერსად შეხვდა ყალას. გზაში სოლიმი წამოეწია.

— რა მოგივიდა, ხასანა, მკედრის ფერი გადევს. რალაც დარდი შემოგწოლია გულს, — ვითომც უთანაგრძნო სოლიმმა. — ავადმყოფობისაგან ღმერთმა დაგიფაროს.

— არაფერია ისეთი, — უხალისოდ გაეპასუხა ხასანა.

— ყალას წაჩხუბებიხარ, გავრგე. სულელია, იმას რა ყურს უგდებ. ისე კი ძალიან ნანობს, ნეტავ ენა გამხმობოდაო, ჩემგან რად უნდა გაეგოო ხასანას...

— პირდაპირ მითხარი, რისი თქმა გ'ნდა.

— ნუ მთხოვ მაგას, ხასანა. ჩვენ ერთმანეთისათვის არასოდეს არაფერი გვწყენინებია და ახლა ჩემგან რად უნდა გაიგო საწყენი ამბავი. თუშცა ხალხის მითქმა-მოთქმას რა დაეჯერება, — შავი ფიქრების ბადე გააბა წყეულმა.

— რა მითქმა-მოთქმა. კაცო, პირდაპირ მითხარი, რას მიკიბავ, რაკი დაიწყე, თქვი ბოლომდე.

— შენი ოჯახისა თვითონ უკეთ იცი, მე რას მეკითხები. — ეჭვის შხამი უფრო ღრმად ჩააწვეთა ხასანას, — კიდევ გეუბნები, ხალხი ყოველთვის სიმართლეს როდი ამბობს. !ხეას ნურაფერს მკითხავ, ხასანა, თოფი რომ მკრა. მაინც მიტს ვერაფერს გეტყვი. შენ თვითონ... — სოლიმმა ამ სიტყვებზე ცხენს მათრახი გადაუჭირა და ორლობეში გაუჩინარდა.

გაყოფდა ხასანა. დაკრილი ვეფხვივით გადაეჯლო ღობეს და ორიოდე ნახტომით ყუნცელის სახლთან გაჩნდა. ყალა გარეთ გამოიძახა.

— ყალა, გუშინდამინდელი ნათქვამი გაიმეორე. ყველაფერი დაწვრილებით მითხარი.

— არაფერსაც არ გეტყვი, მე არა ვიცი რა, არაფერი გამიგონია, — გაფითრდა ბიჭი.

— იტყვი, ვირიშვილო. — ხასანამ ცალი ხელით ჭერ მალლა ასწია ყალა. შიმდეგ თოვლში ჩაამხო. ხანჯალი ამოიღო და კისერზე მიაბჯინა. — თქვი, თორემ ღორივით დაგკლავ.

— მე... მე... არაფერი... ნუ მომკლავ...

— თქვი, ღორო, თორემ ახლავე შენი სისხლით წათლად შევლებავ თოვლს.

— გეტყვი, გეტყვი, მე არ მითქვამს, კაცები ლაპარაკობდნენ.

— რაო? — დაიღრიალა ხასანამ და უფრო ღრმად ჩატენა თოვლში ყალა.

— ვითომც ხსართაგი შენს ცოლს... ბავშვიც იმისგან... ვილაცას უნახავს ერთად.

— უჰ, შენი დედა, შენი! — დაიღრიალა ხასანამ და მისმა ხანჯალმა ჰაერში წრე შემოხაზა. ყალა გვერდზე მიწოლილი დარჩა. უნდა დაიყვიროს, მაგრამ არ შეუძლია. ენა ჩაუვარდა და თავისი სიტყვები თვითონაც აღარ ესმის...

ხასანა გაქრა.

4.

წელამდე თოვლს მიაკვლევს ხასანა, მაგრამ შინ კი არ მიდის, ტყისკენ იბრუნა პირი. აი ტყეც, დგას თოვლის საბანში შეფუთილი და ღრმა ძირს მისცემია.

ერთი ბებერი ნაძვის ქვეშ თოვლში ჩაემხო ხასანა, სახეზე სიცხევე იგრძნო და თითქოს ბურანიდან გამოერკვა. აქ ხელს არავინ უშლის, მხოლოდ ხეები დგანან უტყვე მოწმეებად, ავი ფიქრები გველებივით გაიხლართნენ. ხასანას შეამცივნა და გახლართული ფიქრები თანდათან ცალ-ცალკე დალაგდა.

რა გაიგონა ეს? არა, არა! ტყუილია, ტყუილი! შევიღვივით გაზარდა, ნუთუ გველსა ზრდიდა უბეში? ნუთუ სინდისზე ხელი აიღო? ხასანაზე უკეთესად ვინ იცნობს ხსართავს, ანდა ზარინას, ერთმანეთი ისევე იმ პირველი სიყვარულით რომ უყვართ. ერთიმეორეზე ამოსდით მზე და მთვარე. ამდენი წლის მანძილზე უბრალო საწყენი სიტყვა არ უკადრებიათ ერთმანეთისთვის. არა! არა! მაგრამ ვაითუ... რა ვაითუ? ერთი დარდი აწუხებდა ორივეს — შეილი! ახლა ხომ ჰყავთ! აქამდის რატომ არ ეყოლათ? გულმა შემოჰკენესა. იქნებ ასე რომ ოცნებობდნენ, სხვა ვინმესგან... არა, არა, მაგრამ, რაღა თქვა ხალხმა. დაკლავს ორივეს... თავიანთი ლეკვიანად... არა, არა! ის მისი შეილია, მისი ფუძეა. მაგრამ რატომ აღრე არ აჩუქა? ფიქრები აერია თავში. წამოდგა და ტყეში უმიზნო ხეტიალს მოჰყვა.

რა ქნას, სამივე წააკლას თავიანთ უსინდისობას და თვითონაც გადაიკარგოს აქედან? სად წავიდეს? ან რაღა იქნება მისი სიცოცხლე? თანაც, იქნებ, ყველაფერი ჭორია, მერე რომ სანანებლად გაუხდეს საქმე? ჰაი, გიდი, რა ბედნიერი იქნებოდა, ასე რომ იყოს? მაგრამ, ხსართავმა რაღა მაშინ მოინდომა ცოლის შერთვა, როცა ზარინას ბავშვი შეეძინა? კვალის დასაფარავად? არაფერი ესმის, არაფერი!

სიცივემ ძვალ-რბილში გაატანა, კბილს კბილზე აცემინებს. თვალეები მოისრისა და ირგვლივ მიმოიხედა. ტყეში ღამის სიბნელე შემოჰპარულიყო. თითქოს ქარი ღრმა ძილიდან გამოერკვაო, შეჯირითდა ტყეში

და დათოვლილ ხეებს ჩაუქროლა. ხასანას თავზე გადაეყარა ფუმფულა თოვლი. ხეების კრიალი შვილმკვდარი დედის კვნესასავით გაისმა.

— რას ვაკეთებ აქ? — ამოიგმინა გამწარებულმა.

სად წავიდეს? როგორ მივიდეს იმ სახლში, სადაც შეარცხვინეს, თავი მოსჭრეს? თანაც ასე აღელვებული.

არა, ჯერ დაცხრეს გულში გალვიძებული მხეცი, ლალი გონებით ჩაუფიქრდეს მდგომარეობას. ყველაფერი აწონ-დაწონოს, თორემ, როცა მარცხენა ხელით მარჯვენას მოიჭრის, გვიან იქნება. არა, არა, ასე არ შეიძლება.

შულამისას დაბრუნდა შინ ხასანა. ზარინა იჯდა და ქმარს ელოდა.

— სად დაიკარგე, კაცო, ლოდინით გული გადამელია, — უსაყვედურა ზარინამ ქმარს.

ხასანამ არ უპასუხა.

— თითქოს ხასიათზე არა ხარ. ხომ არაფერი გტკივა, ხასა? — შეშფოთდა ზარინა.

ხასანამ თვალელებში ჩახედა ცოლს, ცასავით უძირო და სუფთა თვალელები სავსე იყო ქმარ-შვილის სიყვარულით. მერე როგორ უყვარს ეს ორი უძირო ტბა. მაგრამ ვაითუ ატყუებენ? არა, არ ატყუებენ. სულ ასე სიყვარულით უყურებენ პირველი შეხვედრიდან დღემდე.

5.

ზამთრის მკაცრი დღეები ერთიმეორეს გადაება. ახალგაზრდობა ასეთ ამინდში ხან ერთ სახლში იყრის თავს, ხან — მეორეში. წინანდელივით ლხინის წამომწყები აღარ არის ხსართაგი. ერთი ეგ არის, ხანდახან აძიბესთან თუ გადავა ცოტა ხნით. თუ ვინმე გაბედავს და იმ საბედისწერო ამბავს გაიხსენებს, აძიბე პირში ბურთა! სჩრის. მაგრამ ჭორი სულ სხვადასხვა ვარიანტით ვრცელდება. ყოველდღე ახალ-ახალი კუდი აქვს გამობმული. ბევრს ფიქრობენ, ვინ არის ამ სიავეკაცის წამომწყები, მაგრამ ისე ჭკვიანურადაა მახე დაგებული, რომ ბორც-მოქმედი არა ჩნდება. ერთხანს ხსართაგმა სოლიმზე მიიტანა ექვი, მაგრამ აძიბემ ქვა შეაგდო და თავი შეუშვირა. სოლიმი მისი თანდასწრებით კბილით იცავს ხსართაგს, მის მხარეს იჭერს. ჭორის გამავრცელებელს ემუქრება. მოდი და ნუ დაიჭერებ.

ხსართაგი ჯავრით ჩამოდნა. საიღუმლოს დაფარვა ველარ შეძლო და ერთ დღეს ბიძისას მივიდა. ზარინა თავიანთსა გაგზავნა, დედაჩემი გეძახისო, თვითონ ხასანა დაიმართოხელა და ყველაფერი უთხრა.

— ვიცი. გავიგე, — ამოიგმინა ხასანამ, — ამას წინათ ყუნცელის უღდეურმა ნაშიერმა ხალხშიც წამაყვედრა, რალაა დასამალი, ხალხის სალაპარაკო ჩვენა ვართ.

— მე იმათი დარდი სულაც არა მაქვს. მე მხოლოდ შენი აზრის გაგება მინდა. მშობელ მამაზე მეტად ვინც მიყვარს და ვისთვისაც სიცოცხლეს არ დავზოგავ, იმას სჯერა თუ არა ჩემი? — და თვალელებში ჩახედა ხასანას.

ხასანამ თავი განზე მიიბრუნა.

— თვალს ნუ მარიდებ, თუ ჩემს პატროსნებაში ექვი გეპარება, აი შენს წინ ვარ, ხანჯალი ჩამეც გულში. ვიდრე შენ ჯავრმა დაგიჩაგროს გული, მიჯობს, აქვე დავანთხო სისხლი, იცოდე, ეს უფრო გამიადვილდება. მომკალი! — ხასანას ხანჯალა დანა მიაწოდა და მის წინ მუხლებზე დაეშვა.

ხასანამ რაღაცნაირი უცხო თვალით შეხედა.

— შემომფიცე!

— არა გჯერა ჩემი?

— შემომფიცე!

— შენ კი არა, ღვთის წინაშე შემიძლია დავიფიცო, ღმერთი ერთი და ქვეყანაზე და თანაც ყოვლისშემძლე. ეი, ხასა, ნეტავ შეგეძლოს გულში ჩამხედო, დაინახავდი, რომ ის მხოლოდ შენი და ზარინას წმინდა სიყვარულით არის პირთამდე სავსე.

ხასანამ მწარედ დაიკვნესა.

— შესამად შემერგოს შენი დიდი ამაგი, ხასა, თუ არ ვიპოვო ჩვენი მტერი, თუ იმის ენა ლობეზე არ გადავიცილო! — მარტო ერთსა გთხოვ, ზარინას ნურაფერს ეტყვი, წმინდაა, როგორც მიწის გულიდან მოჩუხჩუხე წყარო, როგორც ფოთოლზე დაცემული დილის ნამი. ნუ დაუკოდავ გულს.

ამ დღის შემდეგ ხსართაგი ბიძის სახლს ახლოს აღარ გაჰქარებია. დადგა გაზაფხული. ხალხმა საქმეს მიაშურა.

ხასანამ ძმას სოლიმისაგან ნაყიდი მიწის ნაგლეჯი შუაზე გაუყო და ამით ძმებს შორის არსებული ყოველგვარი ნათესაური კავშირი გაწყდა.

6.

ჯავრმა და დარდმა ისე გამოფიტა ხსართაგი, რომ ნალყუთასთან წასვლაც ვეღარ მოახერხა.

ისე, რომ ვთქვათ, რაში ვარ დამნაშავე, ან ნალყუთამ რა დააშავა, რატომ აღარ მივაკითხე? საყვარელი ადამიანის წინაშე რად მრცხენია, როცა სუფთაა ჩემი სინდისი. არა, არა ვარ მართალი, სხვისგან რატომ უნდა გაიგოს საზარელი ქორი. მე ვეტყვი, გამიგებს, მიხვდება, რომ მართალი ვარ. — ფიქრობდა ხსართაგი და ნალყუთასთან წასასვლელად ემზადებოდა.

კარგად შებინდდა, ხსართაგმა მოყვრების ჭიშკარი რომ შეაღო. კარი ბულათიყომ გაულო.

— თუ შეიძლება, ნალყუთას დაუძახე, — ბულათიყომ იცნო ხსართაგი და შინ შეიპატიჟა:

— ნალყუთა მეზობელთან გადავიდა, ჩქარა დაბრუნდება, მობრძანდით.

თითქოს ეკლებზე სხედან ბიჭები, გაბუტულებივით ერთიმეორეს არ უყურებენ. სულ ორჯერ შეხვდნენ. ერთი მაშინ, კინალამ ხანჯლებზე რომ წამოაგეს ერთმანეთი, და ერთიც ახლა. პირველად ქვეყანა თავზე დაიცეს, ახლა კი ხმას არც ერთი იღებს.

— ხსართავი უნდა იყო...

— ჰო, ხსართავი ვარ. — ძლიეს ამოღერა დაბნეულმა.

ამით ამოიწურა მათი სალაპარაკო.

— მაპატიე, ბულათიყო, შარშან როგორღაც არ გამოვიდა კარგად. დამნაშავე ვარ. ღმერთს გეფიცები, ჩემი ბრალიც არ იყო. გთხოვ, თუ იმ წყენის დაეწყება შეგიძლია. მაპატიე. ამას იქით ძმები ვიქნებით...

ბულათიყოსათვის ბოდიში არავის მოუხდია. იმიტომ, რომ დამნაშავე თითქმის ყოველთვის თვითონ იყო. ახლა ხსართავმა ბოდიში მოუხანდა. პატიება სთხოვა. ესიამოვნა, პატივმოყვარე გული მოეფხანა, წყენამ გაურა, სიმართლე რომ ითქვას, არც აპირებდა ჩხუბს. ნალყუთას სიტყვა მისცა, ხსართავს არაფერს დავეუშავებო. ხსართავმა ძმობა შესთავაზა, ესეც ესიამოვნა. ამდენ ხანს ვერ იპოვა მეგობარი, ახლოს აღარავინ ეკარება.

— არც მე ვიყავი მართალი, ხსართავ. დავივიწყეთ ყველაფერი, თქვენს მეტი ვინა მყავს, მე და შენ ახლა ძმები ვართ...

ხსართავსაც ესიამოვნა ბულათიყოს სიტყვა, მარღად წამოღდა ფეხზე.

— მადლობელი ვარ, ბულათიყო. სადაც ჩემი თავი დაგპირდეს, მიმსახურე, — მომეცი შენი ხელი.

ბიკებმა ერთმანეთს ხელი მისცეს.

სწორედ ამ დროს შემოალო კარი ნალყუთამ. ეს სცენა რომ დაინახა. ეგონა ჩხუბობენო და შუაში ჩაუვარდა.

— ვაიმე, რას შვრებით!

— ნუ გეშინია, დაო, არ ვჩხუბობთ, — გაიცინა ბულათიყომ. შეშინებული ნალყუთა ხან ერთს უყურებს, ხან მეორეს.

— მე და ბულათიყომ ძმობა შევეფიცეთ, — ახარა დანიშნულს ხსართავმა.

— მართლა?

— მართლა, მართლა, ჩემო დაიკო.

— თქვენ გენაცვალეთ. ჩემო ძვირფასებო, თავს შემოგეველეთ ორივეს. როგორ მეშინოდა ამ შეხვედრისა.

7.

ერთ კვირას დარჩა ხსართავი. ბულათიყოს ხენაში მიეხმარა, ტყიდან შეშა ჩამოზიდა. საფეკვაი წაილო წისქვილში, შრომაში გაერთო და დარდი გადაავიწყდა, მაგრამ როგორც კი თავის მდგომარეობა ჩაუფიქრდებოდა, დაღონდებოდა. ნალყუთა სიხარულით ფეხზე აღარ იდგა — ბულათიყო და ხსართავი შერიგდნენ, დამეგობრდნენ კიდევ, მამის სიკვდილის შემდეგ პირველად მოუვიდა პირზე ღიმი, მაგრამ ხსართავს მაინც შეამჩნია, რომ რაღაც აწუხებდა:

— ხსართავ, რაღაც გაწუხებს და რატომ არ მიმხელ? — მარტო რომ დარჩნენ, ჰკითხა ნალყუთამ.

— მაწუხებს, ნალყუთა, მაწუხებს, ძალიან მიმიძმს.

— ნუ მაწვალებ, მითხარი, რა გტანჯავს?

ხსართაგმა დიდი გაჭირვებით უამბო ნალყუთას იმ სამარცხვინო შითქმა-მოთქმის შესახებ. ქალი ფერდაკარგული უსმენდა საქმროს.

— არ ვიცი, ნალყუთა, ვის დასჭირდა ამ სისაძაგლის გავრცელება. ჯოჯობნეთად მექცა სიცოცხლე.

— ვაი, ჩემს თავს, რა გაიგონა ჩემმა ყურებმა!

— რომ არ მეთქვა, არ შემეძლო, ჩემი სინდისის წინაშე წმინდა ვარ, შენს წინაშე და ღვთის. წინაშეც უცოდველი ვარ. თუ მაინც გეეჭვება და არ მენდობი, სამუდამოდ გამაგდე.

— არა, არა, ხსართაგ, მე შენს პატიოსნებაში სულაც არ მეპარება ეჭვი, მე სხვა რამ მაფიქრებს. არ ვიცი, რატომ, მაგრამ ვგრძნობ, რალაც უბედურება დაგვემგზავრა. მოდი. დარჩი ჩვენთან, აქ ვიცხოვროთ.

— ეგ არ ეგების, ნალყუთა, აბა დაფიქრდი, მართო რომ იყო, კიდევ ჰო, შენი ძმა რას იტყვის, ხალხი? ყველა იფიქრებს, დამნაშავე იყო და იმიტომ გაერიდა აულსო, მერე კიდევ, ჩემი დარდი აღარა მაქვს, ხასანა... საოცრად კეთილი ადამიანია, მამსავეთ მიყვარს. როგორ დევმტკიცო ჩემი სიმართლე.

— ღმერთო დიდებულო, ეს რა ცეცხლში ჩამაგდე? ჯერ იყო და, ბულათიყომ დამტანჯა, ახლა კიდევ სხვა სადარდებელი გამიჩნდა.

— მე თავის მოჭრას ვერ ავიტან, ნალყუთა, უნდა ვიპოვო შხამის მთესველი.

— გაფრთხილდი, ხსართაგ, არ დამლუბო. ნუ წახვალ, გავთავდები შენს აქ არყოფნაში.

— არ შეიძლება, ჩემო სიცოცხლეც, დარდი მაქვს, ვინ იცის, რა მოხდება უჩემოდ.

ბულათიყომაც სთხოვა ხსართავს დარჩენა, მაგრამ ის მაინც წავიდა.

მეორე თავი

მარცხენა ხელით მარჯვენა მოიხრა

1.

ტყუილად არ ეშინოდა ნალყუთას. მოსახდენი მოხდა.

ბოროტმა ენამ, თავისი საქმე ქნა. მოსიყვარულე ძმებს შორის გაუთავებელი შუღლი ჩამოაგდო. საზიარო მიწა, ხასანამ თვითონ რომ გაყო შუაზე, ახლა ძმებმა ცალ-ცალკე დაამუშავეს. გაავებულმა ხასანამ პირველმა გაიტანა გუთანი. ბარსაგი კი ხსართავის დაბრუნებას ელოდა. როგორც უკვე ვთქვით, ხსართავს მოყვრებში შეაგვიანდა და ბარსაგს მეტი რა გზა ჰქონდა, გაიტანა გუთანი.

იმ დილით სოლიმმა ხასანას კავი სთხოვა. მეზობელს საციქველს როგორ დაუჭერდა, მაშინვე გამოუტანა. სოლიმმა მადლობა გადაუხადა და ვითომც ისე, სხვათა შორის, უთხრა:

— კი, მაგრამ, ხასანა, ის მიწა შენ და ბარსაგმა ერთად იყიდეთ, იმის ქვა-ლორღისაგან ვაჭმენდას შეალიე ჩანი და ახლა იმას რატომ არგუნე მეტი წილი?

— ვინ გითხრა? მე თვითონ ვაყავი ორ ნაწილად.

— რა ვიცი, ზევიდან ჩამოვიარე, თითქოს იმის წილი უფრო დიდია... არა, თუ შენ თვითონ ვაყავი, შეიძლება, მე ვცდები... აბა, კარგად იყავით, კაცზე წინდაწინ მადლობას გიხდი, ცოტა მაქვს მოსახნავი და სადამოზე უკანვე ამოგიტან, — სოლიმმა კავი ზურგზე წამოიკიდა და სტვენით გავიდა ბაკიდან.

ხასანას გულზე მოხვდა მისი ნათქვამი, შინაც აღარ შესულა, პირდაპირ თავის მამულისაკენ წავიდა, ნახნავი რომ დაინახა, ელდა ეცა, ჯერ ერთი, სამნები გადაეადგილებინათ, მეორეც, ნაფარცხში ვილაცას საქონელი ეტარებინა. ვის? ბარსაგის მეტი სხვა ვინ იქნებოდა.

— განგებ მიშვრება, თუ წიკპურტით არ მოკვდები, ეგმც მუჯღუგუნო, შეიღმა ლოგინი წამიბილწა, მამამ კი თავი მომჭრა! — სისხლი თავში აუვარდა, გაპიბინებული ნაღველი გასკდა და წალეკა გონიერება. — ხანჯალამართული დაეშვა აულისაკენ.

სწორედ იმ დროს ბარსაგმა კავი გამოუტანა სოლიმს.

ხასანა ყვირილით მიეჭრა ძმას:

— ეგ იყო შენი ძმობა, ვირო! შენმა ბოკვერმა გული მომიკლა, კახბა დედაკაცს კარს უკან ლეკვი გააგდებინა, ახლა შენ წამიჭირე ყელში? — აღარაფერი ესმის ხასანას. ხანჯალი მოუქნია, ბარსაგი გვერდზე გადახტა. ხასანამ თავი ვეღარ შეიკავა, წაბარბაცდა და თავისივე შემართულ ხანჯალზე პირდაპირ მკერდით დაეცა. ერთი დაიღმუვლა და თავწაწყვეტილი ქათამივით აფართხალდა.

— ღმერთო დიდებულო, რა ცოდვისთვის დამსაჯე ასე სასტიკად! — შებღავლა ცას ბარსაგმა და ხასანას მივარდა. — ძმაო, ძმაო, რა დაგემართა! ვაიმე, დაღუბულს, ვაიმე...

— ბარსაგ... — წაიჩურჩულა ხასანამ და ამ ერთ სიტყვას ამოაყოლა სული.

— მიშველეთ, ხალხო, დავილუბე! დავილუბე!.. — აღრიალდა ბარსაგი.

ყვირილზე პირველმა ზარინამ მოირბინა. სისხლში მცურავი ხასანას დანახვამ თავზარი დასცა. მისმა საზარელმა კივილმა მთები შესძრა.

სოლიმმა ყველაფერი საკუთარი თვალით დაინახა. ის არც არავის ამშვიდებდა, არც მშველელს ეძახდა. როცა ყველაფერი მოთავდა, მაშინ დაეშვა აულისაკენ ყვირილით.

— რა იქენით, ხალხო, ბარსაგმა ხასანა მოკლა!

ხალხი ბესოლანთსა გამოვბოდა, სოლიმი კი — კანცელარიისაკენ, იქ ყაზი ეგულებოდა.

ხსართაგმა აულის თავში გაიგონა ქალების მოთქმა. ხმა მათი მარადან მოდიოდა, მიხვდა — უბედურება დატრიალდა, მაგრამ ვის სახელი, მათთან, თუ ხასანასთან? ქარივით დაეშვა თავდაღმაოთში და თვალის დახამხამებაში სახლში გაჩნდა, შინ არავინ იყო, ახლა ბიძისას გაიქცა. ეზოში ხალხი ირეოდა, სახლში მოთქვამდნენ. აძიბე წინ შეეგება ხსართაგს.

— რა უბედურებაა ჩვენს თავს? — აკანკალებული სმით იკოხნა ხსართაგმა. აძიბემ ყველაფერი უთხრა, ხსართაგს თითქოს ფენქვეშ მიწა გამოეცალაო, დაბარბაცდა, ღობის მარგლისთვის რომ აი ეტაცა ხელი, მიწაზე გაიშლართებოდა. მოგვიანებით მოეგო გონს და მამა იკითხა.

— ყაზიმ წაიყვანა, დაქვრილი ხარო.

დაასაფლავეს ხასანა. სულ ცოტა ხნის წინ ხასანასა და ბარსაგის ძმობას და სიყვარულს შენატროდა აული, ახლა კი ყველაფერი გაქრა დაშრა იმ დიდი გრძნობის წმინდა წყარო, რომლითაც ორივე ძმა ასე ამაყობდა. შუაზე გაიყო მათი გზა — ერთმა შავ მიწაში ჰპოვა ბინა, მეორემ — ციხეში. ერთი ველარასოდეს დაბრუნდება შინ, მაგრამ მეორეს რაღას უმზადებს ბელი? არც ეს იცის ვინმემ.

ბარსაგი კაციმკვლელია და გაციმბირება ელის. ეს იყო უკანასკნელი სიტყვა. რომელიც ხსართაგს უთხრეს მახრაში. თავზარდაცემული დაბრუნდა შინ. რამდენი სითბო და სიყვარული ახსოვს ორივესგან. ახლა კი ვიღაცის ბოროტი ენით ის სითბო და სიყვარული სიკვდილად იქცა. ხსართაგის სინდისი სუფთაა, თუ სხვა არავინ დაიჭრებს, მაღალმა ღმერთმა ხომ იცის, დანაშაული არ მიუძღვის. მაგრამ ამას რაღა მნიშვნელობა აქვს, ძვირფასი ადამიანების დაღუპვის მიზეზი გაქვდა. ვინ იცის, რომ არ დაბადებულყო, ეს საშინელი ამბავიც არ მოხდებოდა. აქეთ ზარინას ცოდვით იწვის დედამიწა. ხასანას დასაფლავების შემდეგ ჩაიკეტა ქოხში და გარეთ აღარ გამოდის. დღე და ღამე ერთია მისთვის, მოთქვამს და მოთქვამს მწარედ. მისი ცრემლი ერთ წისქვილს ააბრუნებს, აღარც ფარდვის მოთქმას უჩანს ბოლო.

რატომ მოხდა ეს უბედურება? რატომ ვერ შეძლო მისი თავიდან აცილება? რატომ მაშინვე არ უთხრა მამას ბოროტი ადამიანის მონაჭორი? ბარსაგი მოახერხებდა ძირშივე მოეთხარა ის ბინძური ცილისწამება, და ორი ოჯახი არ გაუბედურდებოდა, არადა, თვითონ რატომ გამოდგა ასეთი უძლური, ვერ მოახერხა იმის გაგება, ვის და რისთვის დასჭირდა ასეთი ნაცილი, რატომ თავი არ მოიკლა და არ იპოვა ჭორის გამავრცელებელი?

მამის რიდმა და სირცხვილმა შებოჭა ყრმა, ვერ უთხრა — ვიღაც სიცრუეს თესავსო. პირში ენა ვერ მოატრიალა. ვერ გაბედა ამ საშინელი ჭორის გამეორება. სირცხვილით იწვოდა. ზარინა ხომ საკუთარი დედასავით უყვარდა და განა დედაზე ასეთ სიბილწეს გაიფიქრებს ადამიანი? იმისიც ეშინოდა, უფრო შორს არ გაფრინდეს შავი ამბავი და ნალ-

ყუთას ყურამდის არ მიაღწიოსო. ჭორის დამბადებელს ეძებდა, მაგრამ გველის ხერელიდან დაძრულმა შხამმა მოწამლა აული. სოლიმზე მიიტაია პირველად ექვი. აძიბემ დაარწმუნა, სოლიმს შენი მხარე უჭირავსო. აი ახლაც, ყაზიმ რომ ბარსაგი დააპატიმრა, სოლიმის მეტი არავინ გამოეჭომაგა. ბოროტი ენის წყალობით მოხდა მკვლელობა, მე ვარ მოწმე. ბარსაგი დამნაშავე არ არის ხასანას მკვლელობაშიო. მაგრამ ყაზიმ არ უგდო ყური.

მიუხედავად იმისა, რომ ხსართაგს არავითარი დანაშაული არ მიუძღვის, მაინც, როგორღაც თავის თავს საყვედურობს. ხასანა დაილუპა, დაილუპება ბარსაგიც. როგორ უშველოს? სოლიმის მეტი ვერავინ დაეხმარება. მთავრობის ხალხთან საქმე აქვს, ქვეყანას იცნობს. სალამოთი მივიდა სოლიმთან, შეეხვეწა:

— სოლიმ, ქენი სამადლო საქმე, დამეხმარე, სანამ მამას ქალაქის ციხეში გადაიყვანენ, ყაზისთან მიმეგზავნე. ხასანა დაილუპა, მამასაც ვკარგავ. შენ ხომ იცი, რომ არ არის დამნაშავე. ყაზი ხათრს არ გაგიტეხს. მივეცემ, რაც გამაჩნია.

— ცუდი საქმე დაგემართათ, ხსართაგ... ჩემი თვალით რომ არ დაშენახა, შეიძლება მამაშენი გამემტყუნებინა. ღმერთმა ხომ იცის, რამდენი ვეხვეწე ყაზის. არ მომისმინა და რა ვქნა.

— ერთხელ კიდევ სთხოვე, სოლიმ, ავადმყოფია მამაჩემი, ციხეში ვერ გაძლებს. იცოდე, სიკეთეს არ დაგიკარგავ.

— კარგი, ვეცდები... — დაეთანხმა სოლიმი.

3.

გვიანი ვახშობა გადავიდა, ყაზი და სოლიმი არ ჩქარობენ. ხორაგით დამძიმებულ სუფრას ორნი უსხედან. თავანკარა არაყმა ფეხები მოკვეთა ყაზის, ლაპარაკის საღერღელი აუშალა და როშავს და როშავს.

— შენ რა გგონია, სოლიმ, მეც კაცი ვარ, თანაც საქმის კაცი. ხედავ. ეს ხანჯალი ხელმწიფის ნაბოძებია, მაშ როგორ? ამითი ვიცავ ხელმწიფესაც და მთავრობასაც. ახლა ეს დამბაჩა? საითაც მივაბრუნებ. იქით გაისვრის, სულ ერთია, მტყუანსა და მართალს ვერ არჩევს. ამ მარჯვენას შეხედე, მინდა წალბა დაწვერ, მინდა უტყულმა, მაშა! ქალაღზე მარცხნიდან მარჯვნივ იწერება, არა? თუკი მოვინდომებ, მარჯვნიდან მარცხნივაც მოვახერხებ. ყოველივე ეს შენც კარგად იცი. ხომ არ დაგაიწყდა, მამაშენი მოუსაგლეეთში რომ გაისტუმრე მარილზე... მაცადე! გითხრა, როგორ მოკალი? ხომ არ გგონია, არ ვიცოდი. მე ყველაფერი ვიცი, ისიც, რა ხდება მიწის გულში და ისიც, რასაც ცაში აკეთებს ჩვენი ღმერთი, აბა! ჰოდა, რომ მოენდომებინა, ეს ხელები მარჯვნიდან მარცხნივ გააჭრელებდნენ ქალაღს და სოლიმი ციმბირში ამოყოფდა თავს. არ მოვინდომე, რატომ? იმიტომ, რომ ხელი ხელსა ჰბანს... მეც აღამიანი ვარ, ჰამაც მინდა და ცხოვრებაც. რითი? რაცა

მაქვს მყოფნის?! არა მყოფნის. მერე, ვისი ბრალია? ხელმწიფია? არა, ხელმწიფე აქ არაფერ შუაშია. შენ და მე ერთმანეთს თუ არ შევეუ-
დექით მხარში, არ ივარგებს. შენ წაიბორძიკებ, მე შევაშველებ ხელს,
მეც შენი იმედი მაქვს. მაშ როგორაო? არ მოგეხმარო? მამიშენის დანა-
ტოვარ დიდ ქონებას მე რომ არ ვიცავდე, მშვიდის შეილებს ერთ
ლუკმად არ ეყოფოდით და სოლიმი პირლია დამარჩებოდა.

— ვიცი, ყაზი, ვიცი, — ყველაფერზე ეთანხმება სოლიმი.

— ჰოდა, თუ იცი, ხუთ ნაჭერს რომ შენთვის დაითრევე, ერთი მიინც
გადმოაგდე ჩემსკენ. მეც კაცი ვარ, ცხოვრება მინდა. შენი იმედითა
ვარ აქ, თორემ დანარჩენებს რა უნდა მოვთხოვო, თვითონ შიმშილით
იხოცებიან. აი ბარსაგი — ძმა მოკლა. ჩავსვი. რას მომცემს? არაფერს,
ჰოდა, ხასანაც დაიღუპა და ბარსაგიც. ასეა. ცარიელი ხელით ვერაფერს
გააქეთებ. მთხოვე — ბარსაგს ჯერ ნუ გავგზავნიო, არ გავგზავნე, შენ და-
გიჯერე. ახლაც რაღაც გადაკრულად მელაპარაკები, მე კი ვერაფერს
ვხვდები — არ ვიცი, რა გიღვეს გულში.

სოლიმი თავის ჩანაფიქრს აქამდის მართლა არ უმელავენებდა ყაზის.
ელოდა, საქმე როგორ შეტრიალდებოდა. როცა ხსართაგმა სთხოვა
მიშველეო, მაშინ კი დაგვირგვინდა მისი განზრახვა. ყაზისაც იმიტომ
უხშო. ჩქარობს, ელის, სანამ ყაზი კარგა გვარიანად შექეიფიანდება.
ჰოდა, ახლა, რაკი სიტყვა თვითონ ჩამოაგდო, დრო იყო ჩანაფიქრის
გამელავენებისა.

— ყაზი, შენ მართალი ხარ, მე და შენ ერთმანეთთან მკიდროდ
ვართ შეკრული. ერთ-ერთი ჩვენთაგანი რომ არ იყოს, მეორეს მართლა
გაუჭირდებოდა. ერთი საქმეა გასაქეთებელი. წინდაწინვე გეუბნები,
რასაც მთხოვ — ყაბულსა ვარ.

— გამიხსენ გული...

— რა იქნება, ბარსაგის მაგიერ ხსართაგი რომ გავგზავნო ციხეში?

ყაზიმ თვალები დააჭყიტა.

— ხასანას მკვლელობას ხსართაგი დაიბრალებს. შენ მამას გაათა-
ვისუფლებ და მის მაგიერ შვილს დააპატიმრებ.

ყაზიმ მარცხენა თვალი მოჭუტა და ასე დარჩა ერთხანს.

— მოიცა. სოლიმ, გამაგებინე, ხსართაგი რა შუაშია? დათანხმდება?

— დათანხმდება.

— სარგებლობა ვის ექნება?

— შენც და მეც.

— მაინც, რამ შეგაწუხა ასე?

— მამა ავადმყოფია, ციხეში მოკვდება, შვილი კი ახალგაზრდაა და
ჯანმრთელი...

— ვითომ ასე გაწუხებს მათი ბედი? სოლიმ, ჩემთან კუყუმალუ-
ლობას დანებე თავი, პირდაპირ თქვი, რა გინდა?

— ყაზი, რაკი შენგან ამას მოვითხოვ, ასეა საჭირო. ხომ იცნობ
სოლიმს?

— რამდენს მპირდები?

— ეგ საბუთების სიმკაცრეზეა დამოკიდებული, რამდენადაც მძიმე იქნება ბრალდება, ღირებულებაც...

— მაინც რამდენი? მე ჩემი ვიცოდე.

სოლიმმა ერთი ბლუჯა ფული ამოიღო ჯიბიდან და ყაზის წინ დაყარა, ყაზიმ გადათვალა.

— კიდევ დაუმატე.

— მაგ უმნიშვნელო საქმისათვის ბევრი არ იქნება?

— ვისთვის უმნიშვნელოა და ვისთვის სისხლი დაიღვარა, ვინ კიდევ უდანაშაულოდ გაძევსდება ციმბირში, — მოუქრა ყაზიმ, — სოლიმ, აქ რომ შენ სუფთა არა ხარ, ცხადია. ხვალ შეიძლება ცოდვა მოგეკითხოს. ერთი ამდენი კიდევ დაუმატე.

— ყაზი...

— ზედმეტი სიტყვა არ გამაგონო, მეც ცხოვრება მინდა. დაუმატე, დაუმატე!

— მხოლოდ საბუთები რაც შეიძლება მკაცრად...

— ეგ მე ვიცი. მარცხნიდან მარჯვნივ დაიწერება, ჩემი გჯეროდეს.

— აბა, მაშ, ღმერთმა ხელი მოგიმართოს, — პირჯვარი გადაიწერა სოლიმმა.

ღილით აღრიხანად მოაკითხა ხსართაგმა.

— სოლიმ, რა გითხრა ყაზიმ? ელაპარაკე?

— ვერ დავწერე პირჯვარი, ბარსაგის განთავისუფლებაზე სიტყვაც არ მათქმევინა. ერთზე დავითანხმე მხოლოდ.

— რაო?

— მე მთავრობის კაცი ვარ. უკანონობას ვერ ჩავიდენ, მკვლევლობისათვის პასუხი უნდა აგოსო, ჰო, ასე თქვა. მაგრამ იცი, რა? თუ ბარსაგის დანაშაულს ვინმე იკისრებს, ვნახოთო.

გაიგო ხსართაგმა, რასაც ყაზი მისგან თხოულობს, მოულოდნელად თითქოს გულზე მარწუხი მოუჭირესო, სუნთქვა შეეკრა, რამდენი წელი მოუწევს ციხეში ჯდომა? რა მოუვა ნალყუთას? მამა? მოკვდეს ციხეში? არა, ამას ვერ აიტანს ხსართაგი.

სოლიმმა დინახა ხსართაგი ყოყმანობდა და თავის სიტყვას ისე, ვითომ სხვათა შორის დაუმატა:

— ერთ წელიწადში გამოვაო, დაჰაიმედა ყაზიმ. რა არის ერთი წელი? მამაშენი კი მოკვდება, რა ვეცი. როგორც გინდა.

აღარაფერი უთქვამს ხსართაგს. გულმოკლული, აძიბესკენ გაეშურა.

ბევრი იფიქრეს მეგობრებმა, ხან ასე გადაწყვიტეს, ხან ისე და ბოლოს ერთ აზრზე შეჩერდნენ. ბარსაგი არ წავა ციხეში. მას ხსართაგი შეეცლის. ერთ წელიწადს როგორმე გაიყვანს, ნალყუთაც მარტო ხომ აღარ არის, მძა გვერდითა ჰყავს და რა გაუჭირდება.

ღილით ხსართაგი ნალყუთასთან წავიდა.

ელდა ეცა ნალყუთას. ცა ჩამოექცა თავზე. სიცოცხლე გაეყარა და

დარჩა გამოფიტული, უსიცოცხლო გვამი. ისეთი გრძნობა დაეუფლა, თითქოს ხმელი ფოთოლივით ხის ტოტზე ეკიდა და კანკალებდა.

— ერთი წელი, მხოლოდ ერთი წელი... ბულათიყო შენს თავს არავის დაჩაგვრინებს, მანამ მეც ჩამოვალ.

— როგორ შეშინოდა, ჩვენს ბედნიერებას წინ არაფერი გადაელობოს-მეთქი და მაინც არ ამცდა. — ტირილი აუფარდა ავი ამბით გულმოკლულ ნაღყუთას.

— ნუ, ჩემო სიცოცხლევ, ნუ ტირი, ციხეში გავგეყდები, შენი ცრემლები რომ მომაგონდება.

— ნუ მიმატოვებ, ხსართაგ. გემუდარები, ნუ დამტოვებ აქ, მეც თან წამიყვანე, ეს გასაქვავებელი გული ცუდს მითქვამს, ველარასოდეს ვნახავ...

— აბა, რას ამბობ, ნაღყუთა. ერთი წელი ისე გაირბენს, ვერც გავიგებთ, მე არაფერი მიშავს, ჩქარა დავბრუნდები, შენ მხოლოდ ის მიითხარი, ხომ დამელოდები?

— შენთან დაშორებას ვერ ავიტან. დავკლექდები, — ქვითინებდა ნაღყუთა.

— არ მეგონა, ასეთი უძლური თუ იქნებოდი.

— ნუ მამტყუნებ, ხსართაგ, მოკვდა გული.

— ჰაი, გიდი, ნეტავ ეგ გული უდარდელი და ბედნიერი მენახა. გწამდეს, ნაღყუთა, ჯოჯოხეთში რომ ჩამაგდონ და ცხრა კარი გამოძიკეტონ, მუშტებით დაეღეწავ. ვერავინ დამაკავებს, სადაც არ უნდა ვიყო, შენი ღვთაება იქნება ჩემი გზის მანათობელი და მეგზური. თუ სიარული არ შემეძლება. ხოხვით მოვალწევ შენამდის, თუ ხოხვაც ვერ შევქელი, მაშინ შენი სიყვარული შემასხამს ფრთებს და ისე მოვფრინდები. ჩემო ერთადერთო, რატომ შევხვდით ერთმანეთს, თუკი ამდენ მწუხარებას მოგაყენებდი, — ხსართაგმა გულში ჩაიკრა სატრფო და მის ხუჭუჭა დალალებში ჩამალა სახე.

დიდხანს ისხდნენ გაუნძრევლად, მერე ნაღყუთამ დედისეულ ხატზე შეჰფიცა, რომ სიკვდილამდის არ უღალატებდა.

სალამოთი ხსართაგმა ყველაფერი უამბო ბულათიყოს. ის გაქვავებული იჯდა და ქვედა ტუჩს ნერვულად იკვნეტდა. როცა ხსართაგმა სოლიმი ახსენა, ღმერთმა უშველოს, ის დამეხმარა, რომ მამას შეეენაცვლო, ბულათიყო მიხვდა. საიდან წამოვიდა შავი გველი. რომელმაც ორი მოსიყვარულე ძმა მოსისხლე მტრად აქცია. ერთი მიწაში ჩაიყვანა, მეორე ციხეში და აი თურმე რისთვის? ხსართაგი მოიშოროს თავიდან.

— ვრაცამ მახე დაგიგო. ხსართაგ...

— ბულათიყო, არ მეგონა, გამიგებდი და ჩემს სიმართლეში ეჭვი არ შეგეპარებოდა. მადლობელი ვარ, ძმაო, მადლობელი: მაგრამ ვინ იყო ის უღმერთო, რატომ დასჭირდა ალალი სისხლის დაღვრა? ჰაი გიდი, ეგ რომ ვიცოდე, მაშინ რაღა მექნებოდა სადარდებელი. შავ

გულს ცარიელი ხელითაც ამოვგლეჯდი მკერდიდან და ძაღლებს დავაქმევივინებდი.

ბულათიყომ იცოდა სოლიმის ვერაგობის ამბავი. ხსართაგს დარქვრენ თუ არა, ის აუცილებლად ნაღყუთას ხელის სათხოვნელად მოეტრევა. შეეცოდა ხსართაგი და ნაღყუთა. საკუთარ თავზე ბრაზი მოჰვიდა, მაგრამ ახლა აღარაფრის შეცვლა არ შეიძლებოდა.

— ხსართაგ, მეგობრად მიგულე, სანამ პირში სული მიდგას, ჩვენ ახლობლები ვიქნებით, ჩემს დას მრუდე თვალით ვერავინ შეხედავს.

— შენი იმედი ნუ მომიშალოს, ბულათიყო, ჩემი თავი თქვენი სანაცვლო იყოს...

„თულა ციხიდან ცოცხალი გამოხვედი“, — გაიფიქრა ბულათიყომ და თვალი მოარიდა სასიძოს.

ისე მოიქცა ხსართაგი, როგორც სოლიმმა დაარიგა და მამის მაგიერ გაგზავნეს გორის სამაზრო ციხეში.

უბედურებას კულზე უბედურება აბიაო, მართალი უთქვამს ხალხს. ზარინა, რომელიც მზეს აღარ ეჩვენებოდა, დარწმუნდა, რომ ბოროტმა ადამიანმა მისთვის ყველაზე ძვირფასი ადამიანების — ხასანასი და ხსართაგის დასაღუბად მისი სახელი გამოიყენა, შერცხვენილ სიცოცხლეს სიკვდილი არჩია და სახლის თავხეზე ჩამოიხრჩო თავი.

4.

ორი დღე ცა და დედამიწა შეერთდა. თითქოს კასრებიდან ასხამენო, ისეთი კოკისპირული წვიმა წამოვიდა, აღიღდა მთის პატარა ნაკადული და ხეობის ვიწროში შავი გველშაპივით აგორდა და აღრიალდა უშველებელი მდინარე. საჯილქომის პატარა და უწყინარი მდინარე ქვეყანას წალეკვით დაემუქრა. ნიაღვარმა გადარეცხა მთაში მისასვლელი გზა-ბილიკები, თან გაიტაცა საცალფეხო ხიდები, შეწყდა მიმოსვლა.

წვიმას სახლებში შეასწრო ხალხმა და გარეთ გამოსვლას ველარავინ ბედავს.

ცა დასტირის თედოთიყაუს. აგერ ორი დღეა დაიღვარა ცრემლად, დაღონებულია აული. მეზობლები გრძელ სკამებზე სხედან და ხმადაბლა ლაპარაკობენ. ქალები კი ზარინას კუბოსთან თითო-თითოდ მოდიან და ისე გულსაკლავად მოთქვამენ, რომ კაცებსაც აღარ რცხვენიათ ტირილისა.

დაიღუპა ოჯახი. ერთ კვირაში ორი ადამიანი გამოიხსალმა წუთისოფელს. აულმა დიდი დანაკლისი განიცადა. საბრალო ზარინა გამოიტირეს და ახლა წვიმის გადაღებას ელიან, რომ მისი ცხედარი მიწას მიაბარონ. მაგრამ მიცვალებული თავისას მოითხოვს, ოჯახს თუ რამე გააჩნდა, ხასანას ქალებში დაიხარჯა, ბარსაგის ოჯახიც გამოცარიელდა და რითი დამარხონ მკვდარი.

მაგრამ მკვდრის ზეზე დატოვება არ შეიძლება, ქალებიც აუცილებ-

ბელია. ხალხმა რომ გაიგოს, ზარინა უქელეხოდ დამარხესო. საულა გამოყოფნ თავი. ახლა თითქმის ყველა ამაზე ფიქრობს, მაგრამ რა ქნან, შინ არა ეგულებათ რა, ვისაც ქორწილის გადახდაც შეუძლია და ქელეხისაც, უჩუმრად სხედან.

მძიმე ფიქრები ახვევია თავს ძაქოს. სინანული უკლავს გულს, რატომ ყველა ზომა არ იხმარა და იმ საბედისწერო ქორის გამაგრებულბელი არ იპოვა. აი რა მოჰყვა ამას. ოჯახი ამოწყდა. თავის თავისთვის ვერ უპატიებია, ამ ზამთარს ხასანა რომ მივიდა და დახმარება სთხოვა, რატომ არ შეყარა აული. რატომ ვერ მიაკვლია იმ ხვრელს. საიდანაც ის შხამიანი გველი გამოსრიალდა. რატომ არ გაუქექყა თავი, სანამ ადამიანის დაგესვლას მოასწრებდა. შეეცა აულის თავკაცი, სწორედ ამ შეცდომამ დაუკარგა მოსვენება.

ფარ-ხმალი ჯერაც არ დაუყრია მოხუცს. საიქიოში აგებინებენ პასუხს, თუ სააქაოს მზის სინათლეზე ვერ გამოიყვანს ადამიანს, რომელმაც ასე უდანაშაულოდ ამოწყვიტა ოჯახი. ხასანას და ზარინას ინსულით შეღებულ ხელებს იცნობს და მაშინ ვაი იმ უბედურს. ვისაც ხალხის რისხვა დაატყდება თავზე.

მაგრამ ეს შემდეგისათვის. ჯერ მიცვალებულია გასაპატიოსნებელი, გამალებით მუშაობს მოხუცის გონება. აულში ვის რა მოეძევება. რისი გაღება შეუძლია? ხალხი თვითონაც ძალიან გაჭირვებულია, რაზე დაემდუროს. გვერდით უსხედან ყუნცელი და სოლიმი. მაგრამ ამათი იმედი არა აქვს. დახმარების მიზნით გამოხრულ ძვალს არავის გადაუგდებენ. იუის ეს ძაქომ და აკი არც არაფერს სთხოვს.

ყუნცელი და სოლიმი ერთიმეორის პირიპირ სხედან. ისე არიან დაღონებულები, თითქოს უბელურება მათ მოსვლოდეთ.

ყუნცელი ძაქოს გვერდით ზის, თავზე ფაფახი ახურავს, ტანზე ახალი ტყავკაბა აცვია. მისი დაძარღვული თითები საბრჯგი ჯოხის სახელურს სვავის ბრჭყალბივით ჩაბღაუჭებია: სოლივით წამახული წვერი თავზე შემოხვეულ მკლავებში ღობის მარგლივით ისე დაუშვია, თითქოს მიწაში უნდა ჩაასოსო. ცხვირი ხშირსა და გაბანჯგვლულ ულვაშებზე განისვენებს. მისი სიმძიმით ულვაშები შუაზე გაღუნულა და ბოლოები ისე აუბრახია, თითქოს გასაფრენად მომზადებულაო, თვალბი გაფანჩულ წარბებქვეშ ხელიკბივით შემძვრალა და თითქოს სძინავთო. ისედაც ტანდაბალი, მხრებში მოხრილა და თავი წინა აქვს წამოწეული. მოსაუბრეს პირდაპირ არ შეხედავს, ჩვევა აქვს ასეთი. გულისნადებს არავის გაუმეღავენებს. მისი ენა ერთს ამბობს, გული — მეორეს. თავისი თვალბივით მალავს ჩანაფიქრს. მაგრამ როცა მსხვერპლს ბრჭყალბში მოიგდებს, მაშინ აახელს თვალბს. მაშინ უკვე აღარცა გულისნადებს მალავს. მერე ისევ ჩაიკეტება თავის ნაქუქში და ახალ მსხვერპლს ელის...

ჩანაფიქრი მართლა ჭკვიანურია. ზარინას უქელეხოდ ეგრ დაასაფლავებენ. ოჯახი გამოფხვილია. ყუნცელს კი ბლომად მოეძევება საქმელები: საკლავი თუ არაყი, ფქვილი, კარტოფილი, ყველი — ყველაფე-

რი. ხასანას კი აგერ ფერდაში სოლიმის მამულებს შუა მიწის ნაკვეთი რჩება. თუ ახლა იმ ნაკვეთს დაითრევს, მერე თვითონ იცის.

სულ სხვა საფიქრებელს წაუღია სოლიმი. თითქოს სიბნელე ელვამ გაკვეთაო, უცბად ისე გაუნათდა გონება. როგორც ადიდებული მთის მდინარის ამღვრეული წყალი, ისე აბობოქრდა სისხლი მის გულში.

წადილი შეისრულა. დასახული მიზნის მისაღწევად უკვე გაიწმინდა გზა. ახლა თითქოს ხელს არაფერი უშლის, მაგრამ ქალიმათი... აი რა აფიქრებს. წუხელ გადაჭრით დაუსვა საკითხი: ჩემი უბედურების მიზეზი შენა ხარ, ამ ყოფაში შენ ჩამაგდე და გირჩევნია, ჩვენი ცოლქმრობა კანონიერად გამოაცხადო. დაემუქრა, თუ მომატყუებ, შენს ბილწ საქმეებს მზეზე გადმოვში, ქვეყანას შეგიყრიო. სოლიმს სულაც არ ეეჭვება. ქალიმათი დანაქადს შეასრულებს. იცის, ქალიმათს უყვარს და იმიტომ აიტანა ამდენი გაკირვება. ხასანასი და ბარსაგის დაღუპვაშიც იმიტომ შეუწყო ხელი. მაგრამ თუ გაიგო, რომ სოლიმმა გული აიკრთა და მის შერთვას არ აპირებს, მაშინ... მაშინ არ დაინდობს, მშიერი ვეფხვივით კბილით დაგლეჯს. ნალყუთა?! ჯერ არაფერია საჩქარო. ხსართაგი აღარ დაბრუნდება, მაგრამ ქალიმათი რომ აღარ ეშვება? წამიყვანე სახლში, ნუ მტანჯავ, თორემ მეტს ველარ მოვითმენო.

აგერ, ახლაც. მოტირალ ქალებში ზის და იქიდან თვალებით ჭამს სოლიმს. თვალბში კი რაღაც საზარელი ცეცხლი უნთია, თითქოს საცაა იქიდან ნაპერწყალი ავარდება და პირდაპირ სოლიმს მოხვდება გულში. ასეთი არასოდეს ყოფილა ქალიმათი. მახვილივით მიაბჯინა გულზე თვალბი და აღარ ამორებს. სოლიმმა ვერ გაუძლო ამ სულის სიღრმემდე შემადრწუნებელ მზერას, ნაკვერჩხალზე დამწვარი თითით მოსწყვიტა თვალი ქალიმათს და ჯოხზე დაყრდნობილ ყუნცელს ატაკა. ყუნცელის თვალბი და ტუჩები ხშირ გაფანჩულ ბალანში მიძალულან და სოლიმის მზერა ბუხრის ქუდიდან ძირს ჩამოგორდა. მაგრამ ჯოხზე სვავის ბრკყალბივით მოქერილმა თითებმა თითქოს ძირს დაცემა არ დაანებეს.

თვალის კაკლები ეტკინა, ნაპერწყლები გაყარა. ნათლად დაინახა სოლიმმა: ყუნცელის ხმელი დაძარღული თითები ვილაცას უჭერს ყელში, თავისით ბოროტად მოძრაობენ. ასე ემართება ყუნცელის თითებს. როცა მათი პატრონი გულში ბოროტ განზრახვას ჩაიდებს. ეს აღრევე აქვს სოლიმს შემჩნეული. ყუნცელი თავის ავ განზრახვას ღრმად მალავს გულში, მაგრამ ამ თითებს არ შეუძლიათ, არ გასცენ პატრონი. ახლაც არის რაღაც მეტად მნიშვნელოვანი. გრძნობს ამას სოლიმი. მტრის საიდუმლო ჩანაფიქრი თუ არ ამოიცნო, წინ თუ არ აღუდგა. ეს სვავის ბრკყალბი ყელში წაუჭერენ. ყურადღება დაძაბა, ქალიმათიც კი დაავიწყდა. ამჟამად ყუნცელის ხმელი თითების უცნაური ტოკვა უფრო საშიშია სოლიმისათვის. მაგრამ ყუნცელის უფორმო ტუჩები არაფერს ამბობენ. თავიანთი პატრონის გულივით მიიძალნენ სქელი უღვაშების ჩრდილში. ხდება სოლიმი ყუნცელის ზრახვას, მაგრამ ჯერჯერობით ღუმილს ამჯობინებს.

გარედან წვიმის შხაპ-უნი აღარ ისმის. ქარიც ჩადგა. ერლოდან შუა-ცეცხლს ხანდახან თუ დაეცემა წვეთი. გარედან შემოსულმა ამბავი შემოიტანა, წვიმამ გადაიღო, ახლა მთიდან ბურუსი წამოვიდაო.

— გამოიღარებს, მაშ რას იზამს. — ჩაილაპარაკა ძაქომ. — მაგრამ რასა ფიქრობთ, ხალხო, მიცვალებული რითი დავმარხოთ? მოვიფიქროთ რამე.

ორი დღე ელოდა აული ძაქოს სიტყვას და ახლა თავკაცის კიოხვაზე ყველა თავის გულში ეძებს პასუხს, მაგრამ პასუხის გაცემა არავის შეუძლია.

დუმილი ხმელ-ხმელმა, მოკლედ შეკრეკილწვერიანმა მოხუცმა დრისმა დაარღვია:

— კარგი აღამიანი გამოგეტაცა უბედურმა შემთხვევამ. ვისი ენითაც ეს პატიოსანი ოჯახი დანდღდა, ღვთის რისხვა დაეცეს იმას, აღამიანური სიკვდილი არ ეღირსოს, მშობელმა მიწამ არ მიიღოს...

— მაგ საკითხს ცოტა მოგვიანებით დავუბრუნდებით, დრის, ჯერ მიცვალებულს მოვეუაროთ. რა აზრისა ხარ შენ?

— ახლა ამ უბედურის პატრონი მთელი აულია. ქილეხიც ჩვენი გადასახდელია.

— მეც მაგ აზრისა ვარ, — დაეთანხმა დრისს კიდევ ერთი ბერიკაცა.

— ორი თოხლი მყავს და ერთი შემეიწირავს, — თქვა დრისმა.

— ავაშენოს ღმერთმა. ბარაქა ნუ გამოგილიოს მამაზეციერმა. ერთი თოხლი მეცა მყავს. — გამოცოცხლდა ძაქო.

— ჩვენც ერთ საღვინე არაყს გავიღებთ, დედაკაცი საამაღლებოდ ინახავდა, მაგრამ...

ყუნცელი აქამდე ხის ფესვივით უძრავად იჯდა, ახლა კი შეშფოთდა. მგლოს კბილებივით ხელის თითები აათამაშა. გაფანჩულმა მარცხენა წარბმა თავისით აიწია მალლა და კერიაზე დანთებული ცეცხლიდან რომ ნაპერწკალი გამობტება ხოლმე, ისე გამოანათა თვალის ბაიამ.

— რეები მესმის ეს. ხალხი არა ხართ? — მისი ხმა უანგიანი ჯაჭვის ელარუნევიტ გაისმა და უღვაშების ბულულქვეშ თხელი ტუჩები შეარხია. — ზარინა ჩვენი აულის საამაყო რძალი იყო, რაშიც მას ბრალი დასდეს, არავისა სჯერა. ვინ იცის, ის უსინდისო ახლა ჩვენს შორისაც არის. — გამეგრებით დაჰკრა ჯოხი მიწას — ყვილას იცოდება, ყვილას უნდა უკანასკნელად პატივი სცეს. ეგ კარგია. მაგრამ საერთო სირცხვილი იქნება. წესზე და რიგზე თუ ვერ დაიასაფლავენთ. ვიცო. ყვილას გიჭირთ, მაგრამ დახმარებაზე უარს არავინ ამბობს. ეგ მეც მომწონს. არც მე დავიხვე უკან. საკლავიცა მყავს და არაყიცა მაქვს...

სოლიმმა ყურები დაქვეითა და დაჰყვებილი თვალები ყუნცელის ხელის ხმელი თითებიდან გაფანჩული უღვაშების ქვეშ გადაიტანა და იქ გაიყინა. მაგრამ ყუნცელი ისე ლექავს სიტყვას, აზრი ვერ გამოიტა-

ნა. ისე კი იცის, ობობასავით აბამს ქსელს. ბადეს ქსოვს. სოლიმი მაინც ვერ მიხვდა, რას უმიზნებს ეს ბებერი მელა.

— ღმერთმა გადავიხადოს. ყუნცელ. — შვებით ამოისუნთქა ძაქომ.

— მათქმევინეთ, — ხელახლა გაისმა ყუნცელის ყლარუნა ხმა. — ჩვენთან ისეთი არავინ არის, ვინც ამ საცოდავისათვის დახმარებას დაიზარებს. მაგრამ საქმე ეს როდია. მიცვალებულს ამ ქვეყნიდან თანისი წილი მიაქვს. ასეა ჩვენი წესი. ამას ვერავინ შეცვლის. ჰოდა, წილი. სახლიდან უნდა გაიყოლოს. სხვის ხარჯზე შენდობა არ შეიძლება, ხალხო, პურ-მარილი საიქიომღე ვერ აღწევს, ეშმაკები იტაცებენ. ჰო. ამით რის თქმა მიწადა. ახლა ჩვენ რომ სამადლო ქელები გავმართოთ. ზარინა, არაფერი მიუჯა. ამას წინათ ჩემი მოყვრების აულში მოხდა ასეთი ამბავი. იქაც ხალხმა გაშალა სუფრა, მერე რა გამოვიდა? შენდობა უთხრეს, მაგრამ სუფრის ბარაქა ეშმაკებმა გაიტაცეს. კაცი კი საიქიოში მშვიერი დარჩა. ახლა თურმე ყოველლამე მიდის აულში და ვინც ქელების სუფრა გაუმართა. სასმელ-საქმელსა სთხოვს. გაუწყდათ ბარაქა, ცხოვრება! ვედარავინ მოეწია. გალატაკდნენ. გაუბედურდნენ. მათი ბარაქა ეშმაკებს დარჩათ. რა ვიცი. ჩვენც ასე არ დაგვემართოს.

დიდი ხანია ყუნცელს ჩუმ-ჩუმად ეშმაკეულს ეძახიან. ამბობენ დევებთან და ქაჯ-ეშმაკებთან აქვს პირი შეკრულიო. თვალებიც იბიტომა აქვს ერთთავად დახუჭული, ეშმაკებს ესაუბრებო.

— მაშ რას გვირჩევ, ყუნცელ, როგორ მოვიქცეთ, მიცვალებულს ზეზე ხომ არ დავტოვებთ? — ჰკითხა ძაქომ.

— მაგას რად ამბობ. ძაქო. ხაანას იმდენი კი აქვს, რომ მისმა ცოლმა თავისი წილი სამგზავრო გაიყოლოს, — უპასუხა ყუნცელმა და წარბი თავის ადგილზე ჩამოცურდა. თვალიც, მოზამთრე დათვივით ისევ სოროში შეძვრა.

— კაცო. პირდაპირ თქვი, რის თქმაც გინდა, რასა ღეჭავ იტყვას. — გაცხარდა ძაქო.

— ხასანას დარჩა მიწა, სახლი. ბოსელი, ცხენი. — გულაში დამალულ აზრებს ნელ-ნელა მოხსნა თავი.

— აუ, შე ოჯახქორო, მერე ამ პატარა ობოლი რას ეუბნები? მაშინ შოლი. ყელზე ბაწარი მოვებათ და დედ-მამის გზას გაუყუნოთ?!

— მე იგ არ მითქვამს. ძაქო. არც დამეიწყებია ობოლი. თუ ჩემი აზრი მოგეწონებათ, მაგის შესახებ აი რას ვიტყვი... — ამოიჟღერიალა ყუნცელმა.

სოლიმი დაპირილი მხეცივით შეტოკდა ადგილზე. მაშინ კი აიტაცა ყუნცელის დახლართული ჩანაფიქრის გორგალი. გონება გამაღვიპით ამუშავდა და ნელ-ნელა აურთო პირი ხლართს. ახლა უკვე იცის, საით ურტყამს ბებერი მელა. მახვილის წვერი სოლიმისაკენაა მიმართული, მაგრამ სოლიმი არ დაიბნა, მახვილს სტაცა ხელი და ყუნცელისაკენ უბრუნა პირი.

— ძაქო, ორი იტყვა მეც მათქმევინეთ. — წამოხტა სოლიმი და

ხმელი მკადის ლუქმასავით გაეჩხირა ყელში ყუნცელს, ჩანაფიქრი ჯობით უქანვე ჩასჩარა გულმუცლად.

— ჭერ ყუნცელს მოვესმინოთ...

— რა საჭიროა, ისედაც გასაგებია მაგის ჩანაფიქრი. ხასანას ნაკვეთის ხელში ჩაგდების სურვილი კლავს. საფასურად ზარინას ქელეხს გადაუხდის, ბოსლიდან ხასანას ცხენს გამოიყვანს. სახლიც ტყუილად არ ახსენა. ვიცი, გეწყინება, ყუნცელ, მაგრამ მაინც ვიტყვი, დიდი ბოროტება განგიზრახავს, ღმერთი არ გაპატიებს. შე კაი კაცო, როგორ იკადრე ასეთი აზრის გულში გავლება, რატომ არ იფიქრე ხასანას პატარა ობოლზე?

— სოლიმ! ეშმაკობას თავი დაანებე და დამამთავრებინე სიტყვა, — დაუყვირა ყუნცელმა და მარცხენა თვალმა თავის ბუნაგიდან კვლავ დააქვესა.

— შენი აზრი ახლა ყველასათვის გასაგებია, — მიახალა სოლიმმა და განაგრძო: — არ არის მისაღები ეგ აზრი. ასე არ არის, ხალხო? ძაქო, ახლა მე მომისმინეთ. მეც ჩემსას ვიტყვი, იქნებ, უფრო კვიციანური გამოვიდეს, ყველამ ვიციოთ, რომ ხასანას და ბარსაგს შორის აჟმა ენამ ჩამოაგდო შუღლი. ორი ოჯახი დაღუპა ბოროტმა ადამიანმა. თუმცა ახლა რა დროს ამაზე ლაპარაკია. მკედარი დასამარხია, სახლი გამოფხეკილი, წესი და რიგი შესასრულებელი. წლიდან წლამდე ცხრა სუფრაა გასაშლელი. ჰოდა, მიცვალებულებს ცხონება, მაგრამ მათ დანატოვარ ობოლზეც ხომ უნდა ვიფიქროთ. ბიჭი ჭერ გასაზრდელია. ჩემი აზრით. ბავშვზე ზრუნვა ვინმემ უნდა იეისროს. როცა გაიზრდება და თავის რჩენას შესძლებს, დაუბრუნდება მამის კერას. ბავშვის საკუთრება ხელშეუვალია. მეუტრევე მიწა გამოიყენოს, მაგრამ როცა დრო დადგება, პატრონს დაუბრუნოს. ხასანასა და ზარინას შენდობას არ მოვაკლებთ. წლის ხარჯსაც გადაუხდით. მხოლოდ ობლის წილს ნურავინ შეეხება, თორემ მოკვებითავე თემიდან. — სოლიმი გაჩუმდა და იღუმალი მხერა მოავლო ხალხს.

— ძაქო, მეზობლებო, ღმერთმა წყალობა არ მოგაკლოთ. ერთსა გთხოვთ, ყველამ იცის, რომ ჭერ ოჯახში დიასახლისი არა მყავს, არც ბავშვები მყავს. მე და ჩემი დედინაცვალი ვცხოვრობთ. ღეთის მადლით, ლუქმა არ გვაკლია, ბევრი არა, მაგრამ ცოტ-ცოტა რაღაც ქონებაცა მაქვს. ობოლს მე წავიყვან, ვიშვილებ. ღმერთმა აცხონოს ხასანა, ძმადნაფიცი იყო ჩემი, ჰოდა, რაც შემეძლება არაფერს მოვაკლებ, ხასანასი არც მიწა მინდა და არც სახლი. იმათი პატრონი ეს პატარა ბიჭია. მე ჩემიც საკმაოდ მაოხრია. რაკი ბიჭს ვიშვილებ, საცოდავ ზარინასაც მე დავასაფლავებ. ქელეხსაც გადაუხდით. ყველა წესს შეეუსრულებ.

ხალხს მართლა მოეწონა სოლიმის წინადადება და როგორღაც შევებით ამოისუნთქა. მხოლოდ აძიბე იდგა გარინდებულნი. ღია კარებიდან წარბშეკრული გაპყურებდა ბურუსით შემოსილ მშობლიურ მთებს, რომელთა თავზეც ზამთარში ნაშიმშილარი ხარივით ნელა მიიზლანებოდა წვიმისაგან დაცლილი ღრუბლის ნაფლეთები.

სწორედ ამ გამოწურულ ღრუბლებს ჰგავდა ახლა აძიბე, ხსართაგის. დაპატიმრებამ და ზარინას უბედურებამ გააოგნა ვაჟკაცი. გახდა, ყვრი-ძალის ძვლები გამოუჩნდა. ღრმად ჩაცვენილ თვლებში გაუნელებელმა. სევდამ დაისადგურა. ძაქოსავით მასაც თავის თავისთვის ვერ ეპატიე-ბინა. წუხდა, რატომ დროულად არ მიიღო ზომები ჭორის გამავრცე-ლებლის აღმოსაჩენად. მართალია ეძებდა, მაგრამ უფრო მეტი ინიცია-ტივა იყო საჭირო. პირველად სოლიმზე იეჭვა, ხელჩასაკიდსა და ღამა-მტკიცებელ საბუთს ვერ მიაკვლია. აი ახლაც როგორ წუხს. სამადლო საქმესაც კისრულობს. დაღუპულ ოჯახს სრულიად უანგაროდ ეხმარე-ბა. ჰოდა, წადი და დაიჭერე, ასეთი გულკეთილი ადამიანი, რატომ ჩაი-დენდა უდიდეს ბოროტებას. თუმცა ვინ რას გაუგებს ადამიანს.

სახლში გამეფებული დამაბულობა შენელდა. ჯერ ჩურჩული გაის-მა, მერე კი ხმამალლაც ალაპარაკდნენ. ყველას სოლიმის დიდსულოვ-ნება ეყერა პირზე.

ყუნცელიც მიხვდა, სოლიმის გარშემო თავისსავე დაქსელილ ბადე-ში თვითონ რომ გაება. გაუცრუვდა იმედი. ლუკმა ხელიდან გააგდებინ-ნეს, მაგრამ ყუნცელი რის ყუნცელია, თუ მსხვერპლი ასე იოლად დაუ-ძერება.

— სოლიმ, კარგი აზრი წამოაყენე, მე და ჩემმა ღმერთმა, მაგრამ არ დამაცადე, მეც ეგ უნდა მეტყვა. ჰოდა, არჩევანი მე შეკუთვნის და არა შენ, ბიჭი აღსაზრდელად მე მიმყავს.

— ყუნცელ, კმარა ცბიერება, ხომ იცი ჩემთან არ გაგივია... — მოვი-და სეტყვა და დახვდა ქვა. — ხალხმა იცის შენი მიზანი. ჰოდა, მიცვა-ლებულის ხათრი რომ არა, მაგ თხის წვერს ღერ-ღერად დაგაგლეჯდ-ობოლ ბავშვს ვინ განდობს შენ? მერე კიდევ, შენი გაბა რად არის ეშმაკეული? გგონია, არავინ იცის?

ასეთი რამ ყუნცელისათვის ჯერ არავის გაუბედია. დასახული მიზ-ნის გატრეება ისე არ სწყენია, როგორც ეს წაყვედრება. სოლიმი მტკი-ვნეულ ადგილს შეეხო. გულში თითქოს მუგუზხალი ატაკესო. ყუნცე-ლმა იცოდა, რომ ხალხი ჩუმ-ჩუმად ეშმაკეულს ეძახდა. გაბას სიგიყე-საც ამით ხსნიდნენ. ახლა კი რძალზეც გაავრცელეს — ეშმაკის საყვა-რელიაო. ყუნცელს არც ეშმაკი სწამს და არც ხატი, მაგრამ ხალხი ბნელია, ვილაცამ დაუგდო ხმა და ახლა ველარავის გადაარწმუნებ, სოლიმზე ჰქონდა ეჭვი. მაგრამ ჩხუბის მიზეზი ვერასოდეს გამოუჩნრი-კა, ახლა კი აივსო მოთმინების ფიალა. წარბები, სოფლის ძაღლები ქედ-ზე რომ წამოსკუპდებიან ხოლმე, შუბლის ნაკეცებზე ისე წამოსკუპდ-ნენ. თითები მარწუხივით შემოაჰკდო ხელჯოხის ბუნჯის და ხელჯოხმა ჰაერში გაიშხულია. სოლიმმა განძრევაც ვერ მოასწრო, ისე დაეშვა მის თავზე.

წამში სისხლმა ითქრიალა. სოლიმი დაბარბაცდა. მაგრამ რამდენიმე ხელი შეეშველა და ჰაერშივე შეაჩერეს. ტახტზე წამოაწვიანეს, წყალი აჰკურეს.

ყუნცელი გაცოფდა. ამ კაფანდარა ბერიკაცს ველარავინ აკავებდა,

სოლიმზე მოსაკლავად იწვევდა. ერთმა ზორბა ტანის ახალგაზრდამ ბავ-
შვივით აიტაცა ხელში და გარეთ გაუძახა.

ხალხი აირია. ქალების წივილ-კივილს ყურთასმენა მიაქვს. მოსუ-
ლიერდა სოლიმი. გატეხილი თავი შეუტერეს, მაგრამ სისხლით მოთხუ-
პნული ახალუხის დანახვაზე გაცეცხლდა, ახლა იმან გაიწია ყუნცელზე,
აძიბემ შემოუტია:

— დაწყნარდი, სოლიმ. ნუ გავიწყდებთ, რომ აქ მიცვალებულის
პატივსაცემად მოსულხართ და იცოდეთ, ხალხი არავის მისცემს მისი
შეურაცხყოფის უფლებას. აქამდის საოცარი ლაპარაკი მოვისმინეთ.
ეშმაკმა იცის, შენ და ყუნცელს რა გალაპარაკებთ. ტყუილად არ ეციოთ
ერთმანეთს ყელში, მაგრამ ის კი ვიცი, რომ საბრალო ხასანას ობლის
დარდი არც ერთს არა გაქვთ. ჰოდა, თქვენი საქმელებზე თქვენთვის დაი-
ტოვეთ. ზარინას დასაფლავებას როგორმე უთქვენოდაც მოვახერხებთ.
ხასანას ბიჭს მე წავეყვან, რაც გასაკეთებელია თვითონვე გავაკეთებ.
ახლა კი მიბრძანდი აქედან, ჩვენს მიცვალებულს მასხრად არ ავაგდ-
ბინებთ.

სოლიმს ამ წუთში აღარც ხასანას მიწის ნაკვეთი ახსოვდა და აღარც
პატარა ობოლი. ბრაზი ახრჩობდა და ვაი იმას, ვისაც ახლა ის მსხვერ-
პლად ამოირჩევდა.

ბარბაცით გამოვიდა გარეთ.

6.

ზარინას დასაფლავების მეორე დღეს მთელმა სოფელმა ქალიან-
კაციანად ძველი ციხის ნანგრევებთან მოიყარა თავი. ყრილობაზე მხო-
ლოდ სოლიმი არ იყო, ავად ვარო, შემოთვალა. ძაქომ მეორედ გაუგ-
ზაუნა კაცი. სოლიმი მოვიდა. წესისამებრ ქალები ასეთ თავყრილობას
არ ესწრებიან, მაგრამ ახლა საკითხის უიმათოდ გადაწყვეტა არ ხერხ-
დებოდა და ისინიც მოიწვიეს.

დღეს რა საკითხსაც არჩევენ, მთელი აულის საქმეა და ერთად იმს-
ჯელებენ, ყველა მიიღებს მონაწილეობას. ძაქომ ხალხს გადახედა, კი-
დეც იკითხა ხომ არავინ გვაკლიაო.

გალეულ ქვებზე ბერიკაცები ჩამოსხდნენ, ძაქო წინ წამოდგა და
დაიწყო:

— ხალხო და ჯამათნო, ყველამ იცის რაზედაც შევიკრიბეთ. აქ, ამ
წმინდა ადგილზე წყვეტდნენ საკირბოროტო საკითხებს ჩვენი წინაპ-
რები. აქ ყველა ჩვენთაგანს ერთნაირი უფლება აქვს. დაიღვარა სისხ-
ლი, ახლა ჩვენ მოსისხლეებს არ ვეძებთ, ჩვენ ვეძებთ იმას, ვინც ეს
სისხლისღვრა მოაწყო, დამნაშავე ჩვენ შორის არის. თავისი საქმე გაა-
კეთა და ლოკოკინასავით შეძვრა ნიჟარაში. გვემალება, მაგრამ ჩვენი
ვალთა ვიპოვოთ. თუ დაგვემალა, იცოდეთ, კიდეც გამოძვრება ხერელო-
დან გველი, კვლავაც არ დაგვინდობს დასაშხამად. ვიპოვოთ ქვეწარმავა-
ლი და ჩაექლოთ. ამიტომ ყოველ თქვენგანს ვთხოვ სიმართლე თქვას,

გავიგოთ საიდან წამოვიდა ქორი, პირველად ვისგან გაიგონა. ვინც სიმართლეს არ იტყვის და ჩვენს მცდარ გზაზე დაყენებას შეეცდება, შერისხოს ჩვენმა წმინდა სალოცავმა, მეხი დაატყდეს მის სახლ-კარს, იმქვეყნად კი ჭოჯობეთი იყოს მისი სამუდამო სამყოფელი.

ხალხი გაირინდა და წმინდა ადგილზე ისე დარჩა, თითქოს გაქვავდაო.

— რას იტყვით, საიდან დავიწყეთ?

ხმა არავენ ამოიღო.

— მაშინ დაკითხვის უფლება მე მომეცით. აი მაგალითად შენ, დრის, პირველად ვისგან გაიგე ის ამბავი? თქვი!

— არ დავმალავ, ჩემმა დედაკაცმა მითხრა.

— ცომიან. შენ ვინ გითხრა?

— ჩემმა რძალმა ყორიანამ.

— ყორიან, შენ მთელი სოფლის პატივსაცემი რძალი ხარ. შენი ხმა ჯერ არავის გაუგონია და თუ ახლაც გერიდება ჩვენი, აძიბეს უთხარი ჩუმად. აძიბე გვეტყვის, ვინ იყო?

ყორიანას ცეცხლი წაეკიდა სახეზე, აძიბესიც კი შერცხვა, მაგრამ მაინც რაღაც წასჩურჩულა.

— მურთუს ქალი ფარიზათი, — ხმამალა დაიძახა აძიბემ.

ძაქო სათითაოდ იძახებს დასახელებულებს და თანდათან პატარავდება იმ საბედისწერო მითქმა-მოთქმის მკიდროდ ახვეული გორგალი, ხან თითქოს მთლიანად გაშლას ცოტადა უკლია, ხან ისევ გაიხლართება. ძაქო დაიღალა, მაგრამ ხლართის გამოხსნა აუცილებელია და ისიც აზრინანად, მარჯვედ მისდევს კვალს და აი ხლართი ყალას შემოეხვია.

— ყალა, გავიგე, ახალწლის ღამეს აძიბეანთსა ქეიფში შენ წააყვედრე ხასანას... — თვალი თვალში გაუყარა ძაქომ ყალას.

— წააყვედრე, არ უარყოფ. მაგრამ ჯერ თვითონ დამცინა. პაპა-შენს ეშმაკისთვის აქვს სული მიყიდულიო.

— ხასანამ რომ ეგ გითხრა, შენს მეტმა ვინ გაიგონა?

— სოლიმმა.

— რაც ზარინაზე თქვი, ის ვილასგან გაიგონე?

— ისიც სოლიმმა მითხრა.

— ასე იყო, სოლიმ?

სოლიმი აქამდე გაბუტულივით იჯდა. ავადმყოფი რომ მოიყვანეს, ვითომც იმაზე ბრაზობდა. სინამდვილეში კი გულზე ცეცხლი ეკიდა. რა იცოდა, რომ ძაქო ასე უცბად გამართავდა ყრილობას, ნიხასში დაუძახებდა ხალხს. სოლიმმა ვერც ყალას გაფრთხილება მოასწრო და ვერც ქალიშათისა.

— შენ გეკითხები, სოლიმ!

— ჰმ, მე მეკითხები?

— დიახ, შენ. მართალია, რასაც ყალა ამბობს?

— რა თქვა ყალამ? — შიშით გული კინაღამ გაუსკდა სოლიმს.

ძაქომ გაუმეორა ყალას ნათქვამი.

— მართალია, — შვება იგრძნო სოლიმმა. — ხასანამ ყალას წააძახა პაპაშენი ეშმაკთან არის შეკრულიო. ნათელში ამყოფოს მამაზეციერმა, ცოცხალი რომ იყოს, მისი თანდასწრებითაც ვიტყუოჯი.

— ყალას რად წააყვედრიდა ხასანა ამას?

— მაგისი კი არა ვიცი რა. ზარინას შესახებ დარხეული ჭორი სად გავიგონე, აღარ მახსოვს. რა ვიცი, ყველას პირზე ეგ ეკერა და...

აი ისეე აიწეწა გორგალი. თავკაცი ცდილობს მის გამოხსნას, მაგრამ ვეღარც თავს უგდებს და ვეღარც ბოლოს. აქამდის კარგად მოჰყვა კვალს, ახლა კი გაწყდა ძაფი, წაიშალა კვალი. მერამდენედ ეკითხება სოლიმს.

— უნდა გაიხსენო, სოლიმ. ისე არა ხარ დაშავებული, რომ ჰკუა დაგეკარგოს, თქვი!

ცივ ოფლში გაიწურა სოლიმი.

— ვფიცავ, — არაფერი მახსოვს.

— მე ვუთხარი, მე! — გაისმა ბესოს ქერივი ტასის ხმა ქალებიდან.

— ჰო, შენ ვინდა გითხრა, ტასი. დააზუსტე პასუხი.

— ვინა და, ქალიმათმა, ჩემი თვალით ენახე წისქვილის უკან, ბუჩქებშიო.

სოლიმს მუხლთ მოეკვეთა.

— სად არის ქალიმათი? — თითქოს შორიდან მოესმა სოლიმს.

მიიხედ-მოიხედეს, ქალიმათი არსად იყო.

— არ არის აქ.

— აბა გაიქცეს ვინმე და ახლავე აქ მომგვაროს.

ხალხი სუნთქვაშეკრული ელოდა ქალიმათის გამოჩენას.

დაიღუპა სოლიმი. წახდა კაცი. ახლავე აქ გაჩნდება ქალიმათი და ყველაფერს იტყვის. ხალხი ულმობელია. სოლიმის ამბავს რომ გაიგებენ კბილით დაგლეჯენ. ქვებით გაუჰკეპყავენ თავს. ასო-ასოდ აქნიან და არ შეიბრალებენ. შიშით ლამის სული გაეყაროს. ერთხანს გაპარვაც იფიქრა, მაგრამ ესეც რომ ვერ მოხერხდება?

ქალიმათის მოსაყვანად წასული ახალგაზრდა გულამოვარდნილი მოვარდა და ნაწყვეტ-ნაწყვეტ ძლივს ამოღერდა:

— ქალიმათი... ქალიმათი... წისქვილის დარში გღია მკვდარი...

თავზარდაცემული ხალხი აირ-დაირია. ზოგი ადგილზე დარჩა, ზოგმა წისქვილისაკენ ქნა პირი და თავ-პირის მტვრევით გაიქცა. დაბნეული და შიშინებული სოლიმი გონს მოვიდა. შვებით ამოისუნთქა და ისიც სხვებს მიჰყვა.

აქ გაწყდა იღუმალებით მოცული. დახლართული გორგლის წვერი, რომელიც ის-ის იყო, ძაქოს უნდა გამოეხსნა.

7.

ზარინას დასაფლავებაზე ქალიმათიც იყო. სანამ უბრალოდ გამოჩორკნილი ფიცრებით შეკრულ კუბოს ღრმად გაჭრილ საფლავში ჩაას-

ვენებდნენ, მიცვალებულს შენდობა უთხრეს. ჯერი ძაქოზე მიდგა. მან სასმისს თავი წაუქცია და თქვა:

— ნათელი გზით გვევლოს, ბეჩავო. სააქაოს ცხოვრება ნაღვლად გექცათ, იქ მაინც თაფლივით ტკბილი იყოს თქვენი ყოფა. შენ და ხასანას ვილაცამ შხამი ჩაგიწვეთათ ცხოვრების საერთო ჯამში, მოგწამლათ ორივე. ო. დიდებულო ღმერთო, მაღლიდან დაგვეყურებ და ყველაფერს ხედავ, ვისი მიზეზითაც ეს პატროსანი, გამრჯე და ტკბილი ოჯახი გაქრა ამ ქვეყნიდან, იმას შენი რისხვა დაატეხე თავზე. ადამიანური სიკვდილი არ აღირსო, ხმელი ხესავით ჩამოახმე, წამებაში გაატარებინე სიცოცხლე, ენა გაუხმე, თვალები დაუბრმავე, შავ ქირს გააწყვეტინე მისი მონაგარი.

აქამდის თავს იკავებდა ქალიმათი. ეშინოდა არაფერი შემამჩნიონო. საქმეს მიეცა მთლიანად. საქელეზე პური სულ თვითონ გამოაცხო. ძალიან წუხდა. გული ისე შემოჰკენესოდა. მზად იყო ზარინას შენაცვლებოდა. ყველაფერში თავის თავს ადანაშაულებდა. რას წარმოიდგენდა მისი გავრცელებული უხამსი ჭორი ასე სამწუხარო შედეგს გამოაღებდა, მთელი ოჯახი დაიღუპებოდა? წინა ღამეს ქალიმათმა ცორას ცოლს თლატონას ჰკითხა, ვინა თქვა, რომ ვითომ მე წისქვილში ეშმაკები მყავდესო. თლატონამ ქმარ-შვილი გაიწყვიტა, პირველად მესმისო. ახლა სოლიმმა საცოდავი ზარინას რიგიანად დასაფლავებისათვის როგორ გამოიღო თავი? რა სიტყვები დახარჯა! პატარა ობოლი კინაღამ იშვილა. ხალხს წმინდა ანგელოზად მოაჩვენა თავი. ამან ძალიან იმოქმედა ქალიმათზე. აქამდის ასეთი არ ეგონა სოლიმი. შუაღამისას გამოჩნდებოდა, დაპირებებით აავსებდა, ღამაში სიტყვებით მოთაფლავდა, ნატკენ გულს დაუამებდა ქალიმათს და ისევ გაქრებოდა. ახლა უსმენდა მას და სრულიად მოულოდნელად აღმოაჩინა, რომ სოლიმი ცრუობდა, ატყუებდა ხალხს. ასევე ატყუებს ალბათ, ქალიმათსაც, ხალხს მისი სჯერა, ქალიმათსაც ხომ სჯეროდა. რაღაც ბოროტი განზრახვა რომ ამოძრავებს. აღარ ეექვება. ყუნცელთან ჩხუბის მიზეზი ხომ ხასანას მამული, მამული კი არა, ერთი მკლავის გაშლა მიწის ნაგლეჯი იყო. იმ მიწის დარღი დიდი ხანია მოსვენებას უკარგავს უნამუსო სოლიმს.

ხალხი სასაფლაოდან დაბრუნდა, ქალიმათი უკან ჩამორჩა და თავის სამყოფელს მიაშურა. ეშინოდა ღვთის რისხვა ხალხში არ დასტეხოდა თავს და ჩქარობდა, რაც შეიძლება სწრაფად გასცლოდა მათ. წისქვილში კარი შეიგნიდან ჩაიკეტა. ციებიანივით კანკალებდა, თავი უხურდა, საფეთქლებში თითქოს ჩაქურჩებს ურტყამდნენ.

— ღვთისმშობელო დედაო მარიამ, შენ გადმომათარე წყალობის კალთა. მარად ქალწულო გულთამხილავო, შენ ხომ იცი, მე არ მიმიძღვის ბრალი... — მუხლებზე დაჩოქილი ევედრებოდა ღვთისმშობელს.

ცა თავზე დაემხო, რა ყოფილა ადამიანი, სისხლისმსმელი მხეცი! როგორ შეძლო, როგორ მოატყუა?! თითქოს თავი გამოუტარიელდა, შფოთავს დამცირებული, შერცხვენილი და განაწამები ქალიმათი.

უნდა რაღაც საიმედოს სტაცოს ხელი, მაგრამ რაც ხელში ხვდება, ყველაფერი დამპალია და იქვე წყდება.

— მატყუარა! — რეკავენ ზარები ყურში.

— ცრუ! — იხლართება გონებაში.

— კაცისმკვლელი! — კენესის გული.

ქალიმათის გონება სწრაფად ამუშავდა. რა მუხთალი ყოფილა წუთისოფელი. როგორ შეუგინეს ნამუსი, როგორ ამოსვარეს მწვირეში და უსარგებლო ნივთივით შორს მოისროლეს. რისთვის მოვიდა ამ უსამართლო ქვეყანაზე? უმჯობესია გაეცალოს მას, სიცოცხლე აუტანელ, მძიმე ტვირთად დაეკიდა კისერზე. ჩქარა, ჩქარა... მაგრამ არა! ასე არა! დაე, იცოდეს ხალხმა, მათ შორის რომ მატყუარა, ცრუ, ბოროტი, კაცისმკვლელი ცხოვრობს, ვინც ქალიმათს სიცოცხლე ჯოჯოხეთად უქცია, ნამუსი შეუგინა, მოატყუა. ახლავე ავა აულში, შეყრის ხალხს და ყველაფერს. ყველაფერს იტყვის...

სწორედ ამ დროს წისქვილის კარზე ფრთხილად დააკაკუნეს, ქალიმათმა კარი გააღო. მის წინ ყაზი იდგა.

8.

წვიმს და წვიმს. წვეთების წკაპაწყუბი ისმის ოთახში. სოლიმი ფანჯარასთან წევს და ეჩვენება, წვიმის წვეთები გარეთ კი არა, პირდაპირ მას უწყაპუნებენ კეფაში.

გარეთ ისე ბნელა, როგორც საფლავში. თვალთან მიტანილი თითიც არ ჩანს. ოთახშიც ასევე ბნელა. სოლიმს უყვარს უმთვარო, ბნელი ღამე, მაშინ უფრო მარჯვედ აბაშს თავისი ბოროტების ქსელს, ხელს არავინ უშლის.

აი ახლაც, კიდევ მიიღო ერთი გადაწყვეტილება, ლამაზი ნალყუთა შეირთოს ცოლად, აქაც გამოუჩნდნენ მოწინააღმდეგეები, მაგრამ ისე მიფანტ-მოფანტა, ისე მოიცილა გზიდან ყველა, რომ მათი კვალიც აღარ დარჩა. რატომ? ვითომ ნალყუთას სიყვარულით არის გახელებული? არა. სოლიმს არავინაც არ უყვარს. ის მხოლოდ საკუთარ თავზეა შეყვარებული და სხვას ველარ შეიყვარებს. რომ ვთქვათ, არც არავინ სჭირდება. ნალყუთა ნაქები და ლამაზია, სოლიმი კი მდიდარი და მის ცხოვრებას ახალი სიკეთე უნდა მიემატოს. ქალიმათი ეღობებოდა აქამდის წინ, ფიქრობდა, როგორ მოეცილებინა თავიდან. ჯერ მისი გზიდან ჩამოცილების გეგმა არ ჰქონდა შემუშავებული, რომ ქალმა თვითონ ნახა თავისი გზა.

ერთი მტერიღა დარჩა — ყუნცელი. მაგრამ სოლიმი ყუნცელზე პირდაპირ არ მივა. საშიშია, შვილიშვილები ბევრი ჰყავს. სოლიმი კი მარტოა. სხვა იარაღია საბრძოლველად საჭირო.

ჭიშკარზე ვიღაცამ მოარახუნა, ძაღლმა ლამის აიწყვიტა.

— სოლიმ, გამოიხედე გარეთ!

„ვინ უნდა იყოს ამ უდროო დროს“, — გაიფიქრა სოლიმმა და ლოგინიდან წამოდგა. ახალუხი მოიხურა, გარეთ გავიდა.

— რომელი ხარ, ამ შუალამისას?

— მოაშორე ძალლი კარს! — სოლიმმა იცნო ყაზი.

ძალლი გვერდზე გადააბა და კარი გააღო.

— რა ამბავია, ყაზი?

— შინ შევიდეთ, ამბავი მერე იქნება.

სოლიმი შინ შეუძღვა ღამის სტუმარს. ლამაზა ანთო. თავიდან ფეხებამდე ტალახში ამოსვრილი უზომოდ გაღეშილი ყაზი ფეხზე ძლივს-და იდგა. იატაკზე ჩოხის კალთებიდან წურწურით ჩამოდირადა წუმპე.

„კი მარა, ამჯერად ყაზი რატომაა ასე გაჯავრებული?“ — გულმა რეჩხი უყო სოლიმს.

ყაზი ხმას არ იღებდა, ხანჯლის ტარი ჩაებლუჯა და ხან იქით გადააქანებდა ხან აქეთ.

— რა გქნა, დამუნჯდი თუ რა ამბავია შენს თავს? — ხელი წაჰკრა სოლიმმა ყაზის.

— არ მომეკარო სისხლიანი ხელებით! — იღრიალა ყაზიმ.

სოლიმმა პირზე ხელი მიაფარა.

— ჩუმად, ხომ არ გაგიჟდი? აცირუხსი გაიგონებს, — წაისისინა სოლიმმა და კარი ჩარაზა.

— ნუ კეტავ კარს, სულ ერთია, ხვალ მაინც გაიგებს ყველა! — შენ უკვე დაპატიმრებული ხარ! — გამიძეხ წინ!

— ყაზი, შენ რა, არაყის მაგიერ საკუთარი ჭკუა ხომ არ დალიე, თქვი, რა ამბავია, რა გაღრიალებს ამ შუალამისას?

— რა ამბავია? არ იცი? შენ მოკალი...

— ვინ?

— შენ უკეთ იცი, აბა, გამიძეხ წინ!

რა მიხვედრა უნდოდა სოლიმს, ქალიშათის მკვლელობას აბრალებდა ყაზი, მაგრამ მკვლეელი არ იყო და თამამად დაუდგა წინ.

— მაგ საქმეში დამნაშავე არა ვარ!

— ხარ!

— გამოიძიე.

— გამოიძიებულია, აი ამ ჯიბეშია საბუთი. ყველაფერი დაწერილია მარცხნიდან მარჯვნივ.

— რა საბუთია, ვინ შეადგინა?

— მე თვითონ!

— მერე შენ ვინ მოგცა უფლება?

— ვინ მომცა უფლება? კარგად მომისმინე და გაიგებ. — ყაზი ახალუხის ჯიბის ძებნაში წაბარბაცდა და კალათჯინში ნახერხით გატენილი ტომარასავით ჩაეზღერთა. ჰო, მისმენ ხომ? შენ რომ ბოროტი ხარ, ეს დიდი ხანია ცნობილია ჩემთვის, მაგაზე არაფერს ვამბობ, ეგეთი დაიბადე და, იყავი რა! მე სხვა რამ მაწუხებს. ჩემ-ჩუმად რომ დანაშაულს სჩადი, იმის კვალი ჩემი დასაფარი რატომ ხდება ყოველთვის? ლამაზი

იყო არა ქალიშობი? მეც მომწონდა, მაგრამ შენ გადამიდექი წინ. გაპატე. ხომ გაპატე?

— მაგრამ მკვლელი მე არა ვარ...

— მოითმინე. შენ ცოლად შერთვას შეპპირდი, ხომ ასეა?

— ?!

— ასეა. მერე ეშმაკის ამბავზე რა უთხარი? ეგ ჭუჭყი ჩამოიცილე, თორემ ისე ვერ შეგირთავო. იყო? იყო.

სოლიმი შეკრთა, შიშით ლამის ენა გადაყლაპა.

გაჩუმებული ხარ? მაშინ ისევ მე გეტყვი. ქალი ზარინას წინააღმდეგ აამხედრე და ხსართაგზე ჭორი გაავრცელებინე. ქალმა შენი სურვილი შეასრულა. ორი მოსიყვარულე ძმა მოსისხლე მტრებად აქციე. განა. ასე არ არის?

სოლიმი დუმს.

— რა თქმა უნდა, ასეა. მერე ქალი...

— დამიჭერე, ყაზი, ქალიშობი მე არ მომიკლავს.

— გამოტყდი!

— დაეუშვათ, რაც შენ ბრალდება წამომიყენე მართალია, ვინ დაამტკიცებს, მოწმე მკვდარია!

— კი, მკვდარია, მაგრამ სიკვდილამდე, ჩემო სოლიმ, ყველაფრის თქმა მოასწრო. თიბვის ამბავიც კი არ დაავიწყდა. აი ერთმანეთს რომ შეეჯიბრეთ, გახსოვს ხომ? მერე წისქვილში დაიმორჩილე, ბავშვები გააჩენინე. ყოველივე ეს ჩაწერილია და ჩემი ბეჭედიც ზედ აზის. საბუთია ისეთი, წყალი არ გაუვა! აბა, ახლა რას იტყვი? მოგიმწყვდიე თუ არა მუჭში? ოდნავ შევეკუმშავ და მორჩა, ლოკოკინასავით გაიჭყლიტა სოლიმი!

გაება სოლიმი მახეში. განძრევის საშუალება აღარა აქვს. ამჟერად მისი გაიძვერობა ველარ გაჭრის, ახლა მხოლოდ რბილი ენის იმედითაა აქვს.

— ჰო, თქვი, რა გინდა?

— ეგ უკვე ვაჟკაცის სიტყვაა, თორემ მარქენალი ხარცივით რქებით გინდა მოიგერიო შეტევა. ახლა რქები ვერაფერს გიშველის. მეც ცხოვრება მინდა. ერთი ფარა ცხვარი...

— კარგი, ეგრე იყოს, მაგრამ მე მაინც მიკვირს, ვინ მოკლა ქალიშობი?

— მე...

— შენ? რატომ? რა დაგიშავა?..

— რატომ? იმიტომ, ჩემო კარგო, რომ ის უკვე დარწმუნდა, ეშმაკის ამბავი შენი მოგონილი იყო. მერე ზარინაზე და ხსართაგზეც შენ გაავრცელებინე ის საბედისწერო ჭორი. ქალის გულში სინანულმა გაიღვიძა. შენში რწმენა დაკარგა და შეძულდი. დღის სინათლეზე გამოთრევა დაგიპირა. მე დაეუღღმე ენა და ერთხელ კიდევ ამოგათრიე სამაროდან. ახლა რას იტყვი?

სოლიმმა თავის წილ ანგელოზს მადლობა შესწირა. მოულოდნელ ხიფათს გადაურჩა. ყაზის ძმასავით გადაეხვია.

— ყაზი, შენ ძმა ხარ ჩემი, შენ ჩემი პირველი ნათესავი ხარ, შენ, ჩემი... — და სოლიმმა ჩიბიდან ფულით გატენილი ქისა ამოიღო, ყაზის ჩაუღო ხელში.

— ახლა მჯერა, რომ მართლა მაფასებ. აბა წავალ. ჰო, მართლა, როდის გადმოთვლი ფარას?

— მაგაზე ნუ იჯავრებ, ყაზი, დილაზე ადრიანად.

— ღმერთი შეგეწიოს. ბარაქა გქონდეს. ცხვარი ათმაგად გიმრავლოს.

კარის კრიალი გაისმა. სოლიმი შეერთა, გარეთ გაიხედა, დერეფანში საექვო ვერაფერი შეამჩნია. როცა დარწმუნდა, საშიში არაფერი იყო, ყაზი ქიშკრამდე მიაცილა. კმაყოფილი მობრუნდა შინ. ლამპა ჩააქრო და თბილ საბანში გაეხვია. ობობასავით ისევ ქსელის ხლართვას შეუდგა.

მისამე თავი

ახლა მაინც რას მიტყვი?

1.

ზამთრის ძლიერმა ქარებმა და გაზაფხულის შხაპუნა წვიმებმა დააზიანა ღობე. ბულათიყომ ახლალა მოიცალა მის შესაკეთებლად. დილას აქეთ თავაუღებლივ მუშაობს. მისი ყურადღება გაავეებული ძაღლის ყეფამ მიიქცია, რომელიც შუა აულიდან მოდიოდა. ვიწრო, ღორღიან გზაზე გაკაპასებული ძაღლები ხმის ჩახლეჩამდე ყეფით მოაცილებენ მხედარს. ბულათიყომ ის იყო ძაღლების მოგერიება გადაწყვიტა და წნელს წამოავლო ხელი, რომ მხედარი შეიცნო და ბრაზით გადააფურთხა: „თფუ, რა ეშმაკმა მოათრია“!...

სოლიმი იყო.

— შენა ხარ. ბულათიყო? გამარჯობა! დაბრუნდი მამის კერაზე, ჰა! სწორად მოქცეულხარ, მეგობარო. სხვის სახლში კაცი სტუმარია, თავისაში კი — მასპინძელი. უღალი, ძალიან გამეხარდა, ძალიან!

— შენი სიხარულის გარეშეც გავალ როგორმე იოლად, — ცალყბად უპასუხა ბულათიყომ და მტრული მზერა შეაგება.

— კი მაგრამ, რა მგლის თვლით მიყურებ, ძმობილო? მე მართალი გულით გეუბნები. გამეხარდა შენი აქ დანახვა. რატომ გაღიზიანებს ჩემი ლაპარაკი? მერე კიდევ, სტუმარს ასე ხვდებიან? შინ მაინც მიმიპატიე.

— მობრძანდი, მაგრამ მე არ დამიბატყებხარ.

სოლიმი დარწმუნდა, ბულათიყო რალაცაზე უწყრებოდა და თავის მართლებას მოჰყვა.

— მაპატიე, ბულათიყო, გატყობ ჩემზე გაბრაზებული ხარ, მაგრამ არ ვიცი რა გაწყენინე.

— გაბრაზებულიო? შენი წყალობით ჩემს ოჯახს უბედურება დაატყდა თავს. შენ კიდევ ბედავ აქ გამოჩენას?! — გაფიცხდა ბულათიყო.

— არ მესმის, რაზე ამბობ მაგას? — განგებ გაიკვირვა სოლიმმა.

— მშვენიერად გესმის!

— ლმერთია მოწამე...

— ლმერთი შენი სახსენებელი არ არის!

— შეურაცხყოფას მაყენებ, ბულათიყო. გამოდის, რომ ჩვენს შეგობრობას ბოლო ედება.

— რომ მცოდნოდა, ასე საზიზღრად მოიქცეოდი. დაგიძმობილდებოდი კი არა, დღის სავალზე მოგერიდებოდი.

— რას გულისხმობ მაგ სიტყვებში?

— ვითომ არ იცი? შენ განგებ, მოაწყე, რომ ხსართაგი დაეპატიმრებინათ. მამაჩემსაც შენ დასწამე ცილი. თუ ვაყეკაცი ხარ, პირდაპირ მოდი, რას მაიმუნობ, ყველაფერს მიპარვით, ეშმაკობით რად აკეთებ?

— როდის აქეთ დაქკვიანდი ასე, ვაუბატონო? — მკაცრად შეეკითხა სოლიმი.

— მას შემდეგ, რაც შენ დაგიძმობილდი.

— რა გაქვს გადაწყვეტილი, ბულათიყო?

— იცი, რა, სოლიმ, — სიმტკიცე დაეტყო ხმაში ბულათიყოს. — შენ აქ ტყუილად დაძვრები, ჩემი და დანიშნულია და დაელოდება საქმროს.

— არა, შენი და თავისუფალია და მე შევირთავ მას! სიტყვა სიტყვა, ბულათიყო, მთხოვე, რაც გინდა, აი ჩემი ცხენი, მიჩუქებია.

— შენთვის დაიტოვე, ახლა აღარ მჭირდება!

— მომისმინე. ბიჭო! გაფრთხილებ, წინ ნუ გადამელობები, თორემ ინანებ. იცოდე. რასაც სოლიმი ჩაიფიქრებს, შეასრულებს კიდევ! — მუქარით მიუახლოვდა სოლიმი ბულათიყოს. ჩემი გადაწყვეტილება მტკიცეა. არაფრის წინაშე უკან არ დაიხევი!

ბულათიყო ფეთიანივით წამოვარდა და სოლიმს მიექრა:

— კიდევ ერთი სიტყვა და შენი შავი სისხლით შევიღებავ ხელებს. რა გაქვს ჩაფიქრებული, ძაღლისშვილო? შეურაცხყოფას ლმერთსაც არ მძოვუთმენ. როგორ ბედავ, რომ ჩემსავე ეზოში მიყუფ?! — უყვირა ბულათიყომ არასასურველ სტუმარს და თითები ხანჯლის ტარს შამოაჭდო. — ის ნუ გგონივარ, ვისთანაც ეგ ოინები გაგდის. ახლა კი გაეთრიე აქედან!

სოლიმი შეცბა. თავის თავზე მოუვიდა ბრაზი, რატომ ავჩქარდიო.

— მაპატიე, ბულათიყო, მე სულაც არ გემუქრები, ბიჭო. მაგრამ შენც ხომ უნდა გამიგო. მიყვარს შენი და. ქალების მეტი რა მინახავს ამ ქვეყანაზე, მაგრამ მაგის მეტი არავინ მყვარებია. განა ჩემი ბრალია, რომ ასე ძლიერ შემიყვარდა ნალყუთა? არ დაგიმალავ, მართლა მძუ-

ლდა ხსართავი. იმიტომ, რომ დამასწრო ნაღუთას გულის მონადირე-
ბა. გახსოვს, შენ რომ გაწყენინა?

— ნაღუთას საქმეებში მე არ ჩავერევი, — მოლბა ბულათი-
ყო. — ვისაც თვითონ ისურვებს, იმას გაჰყვეს. მაგრამ სანამ ხსართავის
ამბავს არ გავიგებთ, ახლოს არავინ გაეკაროს, თორემ!..

— კიდეც მაპატიე, ბულათიყო, — განაგრძო ცბიერმა სოლიმმა, —
მე ამ საკითხზე ლაპარაკი იმიტომ გავბედე, რომ წინათ შენ სხვა აზრისა
იყავი. რადგან საქმე ასეა, რაღა მეთქმის. სხვის საცოლეს ახლოსაც არ
გავუვლი. დავრჩეთ მეგობრებად. თუ უფლებას მომიცემ, ხანდახან
გამოგივლით ხოლმე.

— მეგობრულად კი, ბატონო, მაგრამ თუ ბოროტი განზრახვა გი-
დევს გულში, არ გაპატიებ, — მოუქრა ბულათიყომ.

— გაძლეე ვაჟკაცურ სიტყვას!

— ბულათიყო, შინ მოიპატიე სტუმარი, რა შეაწუხებ ეზოში ლაპა-
რაკით, — მოისმა ნაღუთას საყვედურგარეული ხმა.

— მობრძანდი, სტუმარი ღვთისაა, — მიიპატიე ბულათიყომ.

სოლიმიც ამას ელოდა და თავპატიეის გარეშე შეჰყვა მასპინძელს.
ნაღუთამ სწრაფად გააწყო ფინგი. სტუმარი მიიწვია და არაყით
სავსე ყანწი მიაწოდა. ცალი თვალთ შეხედა და რალაცნაირი მზერა
დაიჭირა. მძიმე და ბილწი მზერა თითქოს ნაცნობი მოეჩვენა. ვილაც
უყურებდა სწორედ ამგვარად... ქალის გულმა განგაშით ჩამოჰკრა. ვინ
არის, მოყვარე თუ მტერი? რაზე კამათობდნენ ისა და ბულათიყო?
ვაითუ ხსართავის ცუდი ამბავი მოიტანა? მაგრამ საღ უნახავს ეს კაცი?
რატომ შეხედა ასეთი თვალთ? მიაწოდა ყანწი სტუმარს და მორცხვად
გადგა გვერდით.

— მაპატიე, ნაღუთა, — მორიდებით დაიწყო სტუმარმა. — შარშან
რალიძუარის დღეობაში გაწყენინე.

„ის არის!“ — გაიფიქრა ნაღუთამ.

— შეეცდი ნასვამი.

— თქვენ რატომ ითხოვთ პატიებას, დამნაშავე მე თვითონ ვიყავი.

— არა. არა. თქვენ არა, მე გაწყენინეთ, ნაღუთა. ხომ გახსოვთ,
სანაძლო მოიგეთ, მაგრამ მოგებულზე უარი განაცხადეთ, მე ეს ძალიან
დიდ შეურაცხყოფად მივიღე. და ახლა შენი ძმის წინაშე, სანამ ამ
კუთვნილ მოგებას არ აიღებ, თქვენს სახლში ფინგს არ მივუჭლები, —
სოლიმმა ჯიბიდან ოქროს ფული ამოიღო და სუფრაზე დაღო.

ნაღუთა შეკრთა. თითქოს ბრძვევილა მრგვალმა ლითონმა თვალი
მოსკრა. ბულათიყოს მიაჩერდა. მაგრამ მისი თვალევი ეკითხებთან,
რას ნიშნავს ყოველივე. შემცბარმა ქალმა უმწეოდ აახამხამა წამწა-
მები. სოლიმი მიხვდა, ბულათიყომ იმ ამბის არა იცოდა რა და დაწერი-
ლებით უამბო, რაც მოხდა რალიძუარში შარშან, როცა ბულათიყო ჯი-
რითისათვის ემზადებოდა. ბულათიყომ თანხმობის ნიშნად დას თავი
დაუქნია.

— მეტი რა გზაა, თუ უარი არ შეიძლება, მაშინ... — აღმოხდა

ქალს. სხვა დროს ის ამაზე ხმას არ ამოაღებინებდა, მაგრამ ახლა აღათ-
წესებს დაემორჩილა, სტუმრის წყენინება არ ეგების.

— გამაღობთ, ნალყუთა, დიდი პატივი დამდე, — გათამამდა სოლი-
ში. — გეფიცები, შენს კუთვნილ მოგებას აქამდის დაგიბრუნებდი. მაგ-
რამ ღმერთმა აცხონოს მამაშენი გაბო, იმის გარდაცვალების შემდეგ
ვერ გავედღე, დღეობა გამეხსენებინა... ხსართაგსაც კი ვთხოვე, გადაე-
ცი-მეთქი, მაგრამ ისეთ არასასიამოვნო ამბებში გაეხვია, საწყალა,
ჩემთვის სადღა მოიცალა.

ხსართაგის ხსენებაზე ქალს კინალამ საღვინე გაუვარდა ხელიდან.
მას შემდეგ, რაც ის დააპატიმრეს, მოსვენება დაკარგა. სოლიმის სიტყვა-
გულში მოხვდა, მაგრამ ვითომ არ შეიძინია, გულგრილად ჰკითხა.

— იცნობდით?

— რა თქმა უნდა, ჩვენ ხომ თანასოფლელები ვართ. რა ჩაიდინა,
ღმერთმა უწყის... ერთი სიტყვით, მისი ამბავი ქვეყანამ გაიგო. — კი-
დეე რალაცის თქმა დააპირა, მაგრამ დროზე მოაგონდა ბულათიყოს
გაფრთხილება და მოხერხებულად შეაბრუნა სიტყვა: — კარგი ბიჭი
იყო, საწყენია. რომ ჭორების მსხვერპლი გახდა.

„ჭორების მსხვერპლი გახდა, მართალია“, — გაიფიქრა მადლიერმა
ნალყუთამ. სოლიმმა ხსართაგის სადღეგრძელო თქვა, მერე გაბოს შესა-
ნდობარიც დალია. სადღეგრძელოს სადღეგრძელო მიჰყვა. სოლიმს
დაავიწყდა. წასასვლელი რომ იყო.

ძალე სუფრაზე მეორე ხელადა დადგეს, სასმელმა ენა გაუხსნა
სოლიმს. ყოველნაირად ცდილობს და-ძმას თავისი კეთილი დამოკიდე-
ბულება დაუმტკიცოს.

მაგრამ ისიც იცის, რომ მთვრალი კაცის ენა ცოფიანი ცხენეითაა,
რომელიც მირბის და არ დაგიდევს გზას. ერთი გაუფრთხილებელი სი-
ტყვა და ამდენი გულმოდგინება ფუქად ჩაუვლის.

ეზოში დამშვიდობებისას ნალყუთას ჰკითხა:

— ამ დღეებში გორში მივდივარ, აუცილებლად მოვინახულებ
ხსართაგს. ხომ არაფერს დამაბარებ?

ქალიშვილი დარბნა, აღარ იცის რა თქვას. ძვირფასი ადამიანისათ-
ვის იმდენი სათქმელი დაუგროვდა, რომ ადიდებული მდინარე ვერ
წაიღებს, მაგრამ ნალყუთა თავის სათქმელს არავის ანდობს. ვერც ვერა-
ვინ შეძლებს, იმის ხსართაგამდე მიტანას. მაგრამ როგორ არ გაუგზავ-
ნოს უთვალავი სააღერსოდან ორი სიტყვა?

— დედ-მამის ხსოვნას გაფიცებ, თუ ნახავ, უთხარი: ნალყუთამ
შემოგითვალა სიკვდილამდის დაგელოდები-თქო. — ამის თქმაზე
ქალს სახეზე ცეცხლი წაეკიდა.

— დამიჯერე, ნალყუთა, მე შემიძლია ხსართაგის დახმარება. უფ-
როსებს ყველას ვიცნობ. დამელოდე, ამბავს ჩამოგიტან.

ქალიშვილს ერთხელ კიდევ შეავლო მსუნავი თვალები ბერბიჭამ და-
ცხენს მოახტა.

სოლიმის წასვლის შემდეგ საგონებელში ჩავარდა ბულათიყო. იცის, ნალყუთას სიყვარული უსაზღვროა და ისეთი ძალა არ არსებობს, რომელიც ამ დიად გრძნობას წინ აღუდგება.

მისი ერთადერთი იმედი ნალყუთაა. ის რომ არა, აქამდის, არ იცის, რას ჩაიდენდა. მაგრამ ჰკვიან და გულკეთილ ნალყუთას დაძმური სიყვარული მის გულში ჩაგუბებულ ბოროტ გრძნობას მოხერხებულად ებრძვის და ბულათიყო გრძნობს, როგორ თვალდათვალ ეცვლება შეხედულება ცხოვრებაზე. აფასებს დას, უყვარს, განსაკუთრებით იმიტომ, რომ ნალყუთა არასოდეს ახსენებს ძმას სამარცხვინო წარსულს.

მაგრამ დანაშაული ჩაიდინა. რა ქნას ახლა? როგორ ააცილოს დას უბედურება?

მაშინ იყო და არაფრის გულისათვის აწყენინა ხსართაგს. მერე სოლიმმა ურიგო საქციელზე უბიძგა, რა იყო საწყენი, ხსართაგი უფრო ძლიერი აღმოჩნდა და დაამარცხა. ბულათიყოს შეიძლება ეს არც ჩაეთვალა თავისი პიროვნების დამცირებად და შეუურაცხყოფად, სოლიმს რომ არ დაესხა ცეცხლზე ნავთი. რაც დრო გადის ბულათიყო უფრო და უფრო უფიქრდება ამას და ვერ უპატიებია თავისათვის, ასე უბრალოდ რატომ გაება ბოროტი ადამიანის დაგებულ მახეში.

საშიში კაცია სოლიმი, პირდაპირ რომ მოდიოდეს, ზედაც შეაკვდება, მაგრამ ზურგიდან იცის მიპარვა.

მეგობარი სჭირდება ბულათიყოს. მარტობამ შეაწუხა ვაჟი, უნდა ხალხში გამოვიდეს, ტოლებში გაერიოს, მაგრამ ეშინია, ეშინია კი არა, რცხვენია.

ტოლებმა თვითონ მოაკითხეს, ერთ დილით ეზოდან ძახილი მოესმა:

— ბულათიყო, შინა ხარ?

გაუკვირდა, ვინ უნდა იყოსო და ფანჯრიდან გადაიხედა, ეზოში ქირჭისას ძმა ასლანბეგი დაინახა. მხარზე სანადირო თოფი ჰქონდა გადაკიდებული.

— ბულათიყო, გცალია? — ღიმილით ჰკითხა ასლანბეგმა.

— მცალია და ეგრე? რა საქმის დროა ახლა?

— იცი რა, წამო გავინადიროთ, გუშინ წითის ხევში ვიყავი და შეველი ვნახე.

— ჰო, მაგრამ...

— არ უნდა მაგას მაგრამ, წავიდეთ, თუ აესათიმ წყალობა მოიღო და ნანადირევით მოგვაბრუნა, ხომ კარგია, არადა გავერთობით მაინც, წამოდი, თუ თოფის წამალი და ტყვია არა გაქვს, მე მოგცემ. მახსოვს, კარგი მსროლელი იყავ. ხომ არ დაგავიწყდა? ახერხებლა?

მძიმე ფიქრებით დაღლილი ნალყუთა იღმა და იმ ბეგს მიშტერებოდა, სადაც ბულათიყო და ასლანბეგი მიიმაღლნენ. სოლიმმა მის წინ ცხენი რომ შეაჩერა. მაშინდა გამოერკვა ფიქრებიდან.

— გამარჯობა, ქვეყნის უღამაზესო. ნეტავი გულთამხილავი ვიყო

და გამაგებინა რაზე ფიქრობდი. ჩემი დანახვა ხომ არ გეწყინა? — თავხედური კილოთი ჰკითხა ქალს და მათრახის ტარით შუბლზე ჩამოფხატული ბუხრის ქუდი მალა აიწია.

— ცუდი ამბავი ხომ არ მოგაქვს? — ძლივს ამოღერდა ნაღყუთამ.

— ცუდი ამბისგან ღმერთმა დაგვიფაროს, — ჩაიღიმია სოლიმმა, პირიქით, კარგი ამბავი.

— გიშველა ღმერთმა, — გულზე მოეშვა ნაღყუთას.

სოლიმი მარდად ჩამოხტა ცხენიდან და აღვირი მარგილს ჩამოაცვა.

— სახლში არ მეპატიეები, ნაღყუთა?

— როგორ არა, მობრძანდით.

— ბულათიყო რომ არა ჩანს, სად არის?

— სანადიროდ გაჰყვა ასლანბეგს.

სოლიმი მოურიდებლად შეჰყვა ნაღყუთას სახლში. ისე თავისუფლად იქცეოდა, როგორც ამ ოჯახის ნათესავი ან დიდი ხნის მეგობარი.

— ჰო, მართლა, გორში ვიყავი, ვნახე ხსართავი, — წამოიწყო სოლიმმა და გაბოს კალათჯინში მოიკალათა. — შინაც არ შევსულვარ, პირდაპირ თქვენთან გამოვეშურე.

— როგორ არის, ხომ არაფერი დაგაბარა?

— სიმართლე რომ არ დაგიმალო, ვერ არის იმის საქმე კარგად. ავად არ არის, მაგრამ ისეა გამხდარი, ძვლები დაეთვლება.

— ვაი ჩემს უბედურ თავს, ეს გასაქვავებელი გული ცუდს მოთქვამს, — აცრემლდა ნაღყუთა.

— ნუ გეშინია. ციხის უფროსი ვნახე, ცოტა პატივი ვეცი, დამამედა, ჩქარა გავათავისუფლებო.

— ღმერთმა გაგახაროს, მაგ სიკეთეს სიკვდილამდე არ დავივიწყებთ.

— რას ამბობ, ნაღყუთა, შენი გულისათვის ანთებულ ცეცხლშიც ჩავეარდები. ნეტავ შემეძლოს, მაგ მწუხარების შემსუბუქება და სიცოცხლესაც არ დავიშურებდი. შე ქალო, ხალხი ვართ, ხომ არ გგონია, მე თქვენი ამბავი არ მაწუხებს.

— ღმერთმა გადაგიხადოს სამაგიერო.

— ნუ დალონდები, ნაღყუთა, მალე გამოვა შენი ხსართავი. მე დავეხმარები, ძალიან უყვარხარ. მითხრა, მეშინია უჩემობა არ იდარღოსო. მთხოვა, ყური უგდე, არ მოაწყინოო.

— არა, სულაც არა ვარ მოწყენილი, — უხერხულად გაიღიმა თვალზე ცრემლმომდგარმა ქალმა.

— ჰოდა, გამხიარულდი. არ გიხდება მოწყენა. გულისნადებს ნუ დამიმაღავ. მითხარი, რაც გინდა, ხსართავს გადავცემ. მხოლოდ ბულათიყოს ნურაფერს ეტყევი. არ არის საჭირო იცოდეს, ხსართავი რომ ვინახულე, ხომ იცი, რა სამარცხვინო საქმეზე ზის. ჰოდა, ასეთი საქმის ჩამდენთან ნათესაობა ვის გაეხარდება.

— ბულათიყომ ყველაფერი იცის. ხსართავი მართალია, არაფერიც არ ჩაუდენია.

— მეც არა მჯერა, მაგრამ ხალხი როცა ალაპარაკდება... იყო, ალბათ, რალაც. ძმა ძმას ტყუილად არ მოკლავდა. თუმცა კაცმა თუ თავის თვალთ არ ნახა, ცოდო არ უნდა თქვას.

ნალყუთას ფერმა გადაჰკრა, ძლივძლივობით წამოდგა და ფანჯარასთან გაჩერდა.

— კიდევ გეუბნები, ტყუილის თქმა დიდი ცოდვაა. ხსართაგის სიმართლე ჩემსავით არავის სჯერა, ვიცი, ძალიან უყვარხარ, შენს მოტყუებას სიკვდილს ამჯობინებს. — ახლოს მივიდა ნალყუთასთან. — აჰ, აჰ, არ მაჩვენო ცრემლი. რა ამბავი ცრემლებია, როგორ შეიძლება, ყური დამიგდე. ნალყუთა, რას იტყვი, ციხიდან რომ გამოვაპაროთ? მე მოვაწყობ ყველაფერს. გულს მიკლავს შენს თვალზე ცრემლის დანახვა. ძნელია, მაგრამ ვცდი. რას იტყვი, გინდა?

— ციხიდან?.. ხსართაგი?.. — ვერ მიხვდა ნალყუთა.

— ჰო. გუშაგებს მოვისყიდი.

— უიმე, არა, არა, ვაითუ მოკლან.

— ხომ გითხარი, გუშაგებს მოვისყიდი, და თუ დასჭირდა, საკუთარ თავსაც გაუწირავ, ოღონდ თქვენ იყავით ბედნიერები, რას იტყვი, ხარ თანახმა?

სოლიმის ცბიერი განზრახვა პირდაპირ ნიშანში მოხვდა. ხსართაგისათვის თავს სწირავს უცხო ადამიანი, მეტი რაღა უნდა, და თუ რაიმე ეჭვი ჰქონდა გულში, ამ სიტყვამ სრულიად გაუქარწყლა.

— ღმერთმა სიკეთე მოგცეს, სოლიმ, თქვენ ძალიან კეთილი და გამბედავი ადამიანი ბრძანდებით, მაგრამ ბულათიყოსაც უნდა ვკითხო.

— რა თქმა უნდა, — მაშინვე დაეთანხმა სოლიმი.

მზე ჯერ მალლა იყო, ასლანბეგი და ბულათიყო რომ ნადირობიდან დაბრუნდნენ. ორივეს თითო შველი მოეკლა.

კმაყოფილი ბულათიყო მხიარულობდა, თითქოს შველი კი არა, მთელი ქვეყნის სიმდიდრე შემოეტანოს ოჯახში, თანაც ასლანბეგთან დამეგობრება ძალიან უხაროდა, ცოტათი გადაავიწყდა კიდევ გაუნელებელი დარდი, იმ დღეს თავს ისე ბედნიერად გრძნობდა, როგორც ბავშვობაში, როცა უდარდელსა და გულუბრყვილოს, ცხოვრებისა არაფერი გაეგებოდა. თითქოს გაიღო ამდენი წლის შანძილზე ჩაკეტილი კარი და სინათლეზე გამოიქრა, ისევ ხალხს, ცხოვრებას დაუბრუნდა.

სოლიმი იმ ღამეს შინ აღარ გაუშვა. ვახშამზე ხსართაგის ციხიდან გაქცევის გეგმაზე ჩამოაგდო სოლიმმა სიტყვა.

ნალყუთა ელის. რას იტყვის ბულათიყო, მაგრამ ის არაფერს ამბობს. მარტო ღრმა ფიქრს მიეცა და გაქვავებულებით დარჩა. ბრაზი ახრჩობს. გულში მშობარას უწოდებს ძმას, სწყინს, რომ ასე ლაჩარი გამოდგა, სრულებით არა აქვს ვაჟკაცობა. სოლიმი? სოლიმი ნამდვილი ვაჟკაცია. კიდევ უფრო გაიზარდა მის თვალში. ძმა კი ლოკოკინასავით უღონო მოეჩვენა.

როგორც იქნა ხმა ამოიღო ბულათიყომ.

— შენი წინადადება საშიშია, სოლიმ, არ ივარგებს.

— საშიშია, მაგრამ ის ბიჭი...

— რას ამბობ, შენ ციხე დათვის ბუნავი ხომ არ გგონია? რა იცი, რა მოხდება, იმ გაქცევაში ტყვია რომ დაადვენონ და მოკლან? არ გინდა, სოლიმ, ასეთი თავგანწირვა არ არის საჭირო. ერთი წელი რა არის, ჯერ უკვე რამდენმა ხანმა გაიარა, მოიხდის სასჯელს და დაბრუნდება. ასე აჯობებს.

— ხომ გითხარი, ყარაულებს მოვისყიდით.

— ჰო, ეთქვათ მოახერხა გამოქცევა, მერე ძებნას არ დაუწყებენ? როგორ ფიქრობ, სად უნდა იცხოვროს? არა, ძმაო, მე მაგის მომხრე არა ვარ.

ნალყუთა ახლა კი დაუფიქრდა მდგომარეობას. ძმის სიტყვები ჭკუაში დაუჭდა, სოლიმის მიერ ჩანერგილი იმედი ერთ წუთში გაქრა. ბულათიყო მართალს ამბობდა.

„მართლა, მართლა, ერთი წლის გულისათვის რაზე ჩაიგდოს საფრთხეში თავი“, — ფიქრობს ნალყუთა.

არ გაუვიდა სოლიმს ცბიერი ფანდი. გუშინ ციხის უფროსს მართლა მოელაპარაკა. ხსართავს ციხიდან გაქცევის მოუწყობს და ამ ოპერაციის დროს მოაკვლევინებს. ფული ბლომად დახარჯა, მაგრამ უყურეთ ამ ცინგლიან ბულათიყოს, უკვე მოწყობილი საქმე ჩაუშალა. რაღა ეთქმის.

— რა ვიცი, მე სიკეთე მინდა და... სიავკაცე არ გამომივიდეს, — ჩაილაპარაკა სოლიმმა.

მას შემდეგ ამ საკითხზე კრინტი აღარავის დაუძრავს.

გადიოდა დღეები.

ბულათიყო გრძნობს, როგორ იტანჯება ნალყუთა. ერთხელ ლაპარაკი ჩამოუგდო:

— ნალყუთა, ძალიან გინდა ხსართავის ნახვა?

— ძალიან, — თქვა ნალყუთამ, მაგრამ სირცხვილით კინალამ დაიწვა...

— მაშ მოემზადე და შაბათს წაგიყვან.

ნალყუთა ბულათიყოს გადაეხვია და სიხარულით ატარდა.

— თავს შემოგეეღე, ბულათიყო, — ათასჯერ იმეორებდა და ძმის ხუჭუტა თმაში მარგალიტის მძივებით ცვიოდა ნალყუთას ცრემლები.

პარასკევს, საღამოთი ისევ გამოჩნდა სოლიმი. მთაში ვიყავი და აქ შემომვლამდაო. როცა გაიგო და-ძმა გორში ხსართავის სანახავად მიდიანო, თვითონაც მათ დაემგზავრა, მე იქ ხალხს ვიცნობ და უფრო ადვილად ვნახავთო.

წავიდნენ. ციხეში ავი ამბავი გაიგეს, თურმე ხსართავს რომელიღაც უფროსისათვის სილა გაეწნა. ამაზე ის ხელახლა გაუსამართლებიათ და ათი წელი ციხე მიუხჯიათ. ისიც გაიგეს, რომ ის ერთი კვირის წინ გაეციმბირებინათ.

ნალყუთას ოცნებას ფრთები შეეკვეცა. დღე არ გავიდოდა, ორჯერ-

სამჯერ არ ეტირა. დრო გადიოდა. ერთმა გაზაფხულმა ელდა მოიყოლა თან.

მაცნე კი შავი ყვავივით ისევ სოლიმი იყო, არ მოერიდა ნალყუთას, პირდაპირ უთხრა, ხსართაგი გზაში გაქანებული მატარებლიდან გადმომსტარა, რელსზე დაურტყამს თავი და იქვე გათავებულაო.

ბულათიყოსა და ასლანბეგის მეგობრობა დღითი დღე მტკიცდებოდა და ეს მეგობრობა ბოლოს იმით დაგვირგვინდა, რომ ბულათიყომ ასლანბეგის და — ქირქისა შეირთო. ამ საქმის სულისჩამდგმელი ნალყუთა იყო. მან ყოველი ღონე იხმარა, რომ მისი ძმა ბედნიერი ყოფილიყო. თვითონ ხსართაგის შემდეგ არათუ ბედნიერებაზე ფიქრობს, სიცოცხლეც კი შურს თავისთვის.

ბულათიყოს ქორწილიდან ერთი თვე იქნებოდა გასული, სოლიმი რომ გამოჩნდა. როცა ბულათიყო დაიმართოხელა, უთხრა:

— ვალაი, ბულათიყო, ხომ იცი, მე შენი სურვილის წინააღმდეგ არ წავალ. მაგრამ რას ფიქრობ. შენი სასიძო დაიღუპა, როდემდის გინდა გასათხოვარი და სახლში გიჯდეს. შენ შენი ბედი იპოვე, ღმერთმა გაბედნიეროს, მაგასაც მიხედუე, ბიჭო.

— ბარემ, სოლიმ. განა მე არ ვფიქრობ. მაგრამ ხსართაგის შემდეგ ამ საკითხზე ხმას არ მალეზინებს.

— გათხოვდება და ყველაფერი დაავიწყდება. ჰო, იმას გეუბნებოდი, შენ იცი, ჩემი დამოკიდებულება ნალყუთასადმი. ჩემზე კარგ სასიძოს ვერც შეხვდები. მოდი და ეს საქმე დავაგვირგვინოთ. სანამ ხსართაგი ცოცხალი იყო, ამას რა გამაბედინებდა, მაგრამ ახლა... იცოდე ჩემია...

ბულათიყომ იცის. სოლიმი თავის განზრახვას აუცილებლად შეასრულებს და დათანხმდა.

ნალყუთამ ქვა შეაგდო და თავი შეუშვირა. ბულათიყომ უსაყვედურა:

— რა არის, გოგო, რას გაიგიჟე თავი? ბარემ ასე არ მომხდარიყო... მაგრამ ახლა რა მეტი გზა გაქვს. სახლში ხომ არ დაბერდები. ხუთი წელიწადი არ გეყო ტირილი? მე შენი დარდი მაწუხებს, მეტი ვინა მყავს ამ ქვეყანაზე..

— რა ვითხრა, ძმაო, ჩემი ბედი დაიწვა, იცი შენ. ბედნიერი აღარასოდეს ვიქნები. თუ ჩემი გათხოვება მაინც აუცილებელია, როგორც გინდა, ისე გადაწყვიტე. გათხოვდები თუ მიწაში წავალ, ახლა სულ ერთია ჩემთვის.

რა იცოდა ნალყუთამ, კიდევ რას უმზადებდა ბედი, რა იცოდა, გათხოვებიდან სულ ცოტა ხნის შემდეგ ერთ წვიმიან ღამეს მისი მშობლიური სახლის კარს უცხო სტუმარი მიუტაკუნებდა...

... ბულათიყომ კარი გააღო და გაშრა. მის წინ ხსართაგი იდგა.

— ბულათიყო, მე ვარ ხსართაგი, შემოიშვებ სახლში?

— დიდება შენდა ღმერთო, საიდან, ხსართაგ? — ძმასავით გადაეხვიდა ბულათიყო.

მეორე ოთახიდან ქირქისა გამოვიდა.

— ღმერთო. შენი სახელის ქირიმე, ხსართაგ!..

— ქირქის, გოგო, შენა ხარ?

— ჰო. შარშანწინ...

— უყურე ერთი ამათ, მე კი არაფერი ვიცი.

ბულათიყომ კერაზე ცეცხლი გააჩაღა. თავისი ახალუნი გამოუტანა ხსართაგს.

— გამოიცვალე სველი ტანსაცმელი, ახლო მოიწი ცეცხლთან.

ხსართაგის თვალები შეშინებული ბარტყივით დახტიან ოთახში. ნალყუთას ეძებს და რომ ვერსად დაინახა, გაბედა კითხვა:

— ნალყუთა სად არის?

ბულათიყოს და ქირქისას, თითქოს ენა ჩაუვარდათო, ღუმდნენ.

— თქვენ გეკითხებით. სად არის ნალყუთა?

ნაწყვეტ-ნაწყვეტ უამბეს ყველაფერი.

— შენი დაღუპვის ამბავი რომ არ გაგვეგო, სიკვდილამდის დაგელოდებოდა. ხუთი წელი თვალზე ცრემლი არ შეშრობია. მერე აქეთიქიდან შემოგვიჩნდნენ და...

მოყინული ყვავილივით მოწყდა ხსართაგი. აღარაფერი ესმოდა. ყურები ფუტკრით სავსე სკასავით უზუზუნებდა. პერანგის ღილები შეიხსნა. ცოტა ხანს კიდევ იჯდა, მერე ადგა და კარისაკენ წალასლასდა.

— საით, ხსართაგ?

— წავალ, მე აქ აღარაფერი მესაქმება. — თითქოს გულის სიღრმიდან ამოიგლიჯაო სიტყვები.

— არსადაც არ გაგიშვებ, — წინ გადაუდგა ბულათიყო. ჩემი და აქ არ არის, მაგრამ განა მე ძმობა არ შემომფიცე? კიდევ გიმეორებ, ხსართაგ, ის შენს წინაშე არ არის დამნაშავე.

— როდის ვადანაშაულებ. მე მხოლოდ ის ვიცი, რომ ჩემი სიცოცხლე ახლა ჩირადაც აღარ ღირს. ფეხქვეშ მიწა გამომეცალა. და ასე მგონია უფსკრულისაკენ მივექანები.

— ნალყუთას ნახვა ხომ არ გინდა?

— რა საჭიროა, ბულათიყო, მეორედ რაღაზე მოვეუკლა გული. რაც ვაწამე, ისიც საკმარისია. თქვენც ჩემს შესახებ ნურავის ეტყვი.

— სადაც იქნები, შემატყობინე და ყოველთვის შენთან მიგულებ.

— გმადლობ, ბულათიყო, თუ გამიჭირდება... ჰო. ვის გაჰყვა ნალყუთა?

— თქვენებურ სოლიმს.

ხსართაგს თითქოს თავში ურო ჩაარტყესო, დაბარბაცდა. ბულათიყომ ხელი შეაშველა.

გათენებას აღარ დაელოდა. წავიდა ხსართაგი.

— აძიბე, გაიხედე, იქ, ქოხთან ვილაც დგას. — წყლით სავსე კასრი მოიხსნა აიეცმა. — ვკითხე, ვინა ხარ-მეთქი, არ გამცა პასუხი.

აძიბე გარეთ გამოვიდა.

— რომელი ხარ? — დაიძახა დერეფნიდან.

— მე ვარ, აძიბე, — ჩუმად გამოეპასუხა აჩრდილი.

აძიბემ ვერ იცნო მოსული, გარეთ გამოეგება.

— რომელი ხარ, ვერ გიცანი?

— მართლა ვერ მიცანი?

— ხსართაგ!

ძმადნაფიცები ერთმანეთს გადაეხვივნენ.

— შინ შევიდეთ, დაგვინახავს ვინმე.

— მოიცა, მკვდრებით აღმდგარო, რისა გეშინია, უკან ხომ არავინ მოგდევს. ამაღამ აუღს შეგყრი.

— არა, არა, აძიბე, ციმბირიდან გამოვიქეცი. რომ გაგიგონ, შენც საფრთხეში ჩავარდები.

— დასახვრეტადაც რომ გამიყვანონ, ასო-ასოდ რომ ამკუწონ, მაინც ვერსად გაგიშვებ.

— რა საჭიროა ხიფათში თავის ჩაგდება. აი საბძელში შევიდეთ. ბევრი სალაპარაკო მაქვს შენთან.

ცოტა ხნის შემდეგ ორი მეგობარი თივაზე იჯდა და ლაპარაკობდა.

— ჯერ ერთი, მითხარი, რა დაემართათ ჩვენებს? თითქოს ზვავს წამოუღლიაო, აღარც სახლი, აღარც ხალხი...

— თქვენები კარგად არიან. მამაშენმა სოლიმს ნაკვეთი მოუტევალა და ქვევით გადასახლდნენ.

— ის უბედური დედაკაცი რალა იქნა?

აძიბე მიხვდა ვისზეც ეკითხებოდა.

— თავი ჩამოიხრჩო.

კარგა ხანს ხმა ვერ ამოიღო ხსართაგმა.

— ბავშვი?

— ჩემთან არის. სოლიმმა მოინდომა შევილად აეყვანა, არ მივეცი.

— ნეტა რისთვის დასჭირდა?

— არ ვიცი. შენი დაქერის შემდეგ, ნეტავ გენახა, ვილას აცდიდა, ის იყო ჭირისუფალი, ვითომ ცდილობდა შენს განათავისუფლებას. ნალყუთაც... — აძიბემ ენაზე იკბინა.

— ვიცი. განაგრძე.

— მამაშენისაგან აიღო ნება, ის არის იმათი ხელის გამმართავი.

— ღმერთმა იცის, რა უღვეს იმ ბილწ გულში? ნალყუთა როგორ-ღაა?

რაც აქ არის, გარეთ არ გამოსულა. ზის ოთხკედელში და იმისი ცოდვით აღარა ვართ. ისევ უყვარხარ. შენი ხმა რომ გაიგონოს, რკინის კედელს გაარღვევს. ნუ დაიდებ იმის ცოდვას, გააგებინე, ცოცხალი რომ ხარ, ძალიან მეცოდება. მოდი, მოვიტაცოთ.

— მერე სად წავეყვანო?

ისევ გაჩუმდნენ.

— სად იყავ ამდენ ხანს? რაც მე ცრემლი ვღვარე, მოკვდაო...

— მოკვდი, აძიბე, მაგრამ საფლავში ვერ გავჩერდი, მკვდრეთით აღდექი.

— მითხარი, სად იყავი, რა შეგემთხვა?

მეოთხე თავი

წასვლისა და არდაბრუნების გზები

1.

გზები... გზები... წასვლისა და არდაბრუნების გზები. სისხლისა და ცრემლის ღვრისა ციმბირის გზები — ჩამქრალი ოცნებების, გაცრუებული იმედების გზები. რამდენ მძიმე ბორკილებით შებოქილ პატიმარს ნაბიჯ-ნაბიჯ გადაუზომია მისი უსასრულო წასვლისა და არდაბრუნების გზები. იქიდან დაბრუნება მართლაც თითო-ოროლა ბედნიერს ხვდა და ეს ბედნიერება მხოლოდ იმაში გამოიხატებოდა, რომ ციმბირიდან დაბრუნების შემდეგ სულ მალე მშობლიურ მიწაში ჩაეყარა ნაწამები ძვლები. მონარქის მიერ ციმბირში აშენებული ციხეები ხარბად ნთქავდა უბრალო, ჩაგრული ადამიანების სიცოცხლეს. ამ ჯოჯოხეთის წისქვილზე მეფე ყოველწლიურად მის წინააღმდეგ ამხედრებულ უამრავ ადამიანს ყრის და აცამტვერებს მათ სიცოცხლეს.

და აი გაუყენეს წასვლისა და აღარ დაბრუნების გზას ხსართაგი... გორის მაზრის სასამართლომ ათი წლის პატიმრობა მიუსაჯა სასჯელის ციმბირში მოხდით. გზაში გაქანებული მატარებლიდან სცადა გაქცევა, ისევ დააკავეს, ისევ დაადეს ბორკილები. უფრო შორს გაგზავნეს. იარეს ერთი. ორი, სამი კვირა, მერე თვე... ორი... ათი და აერია სათვალავი. აღარ თავდებოდა ციმბირის უსასრულო, მძიმე გზა, უღრანი ტყეები, უკაცრიელი ქაობიანი ტრამალები.

ხსართაგი მარტო არ იყო. მაგრამ იმასაც კარგად ხედავდა, რომ მიმავალთა რიცხვი დღითი დღე მცირდებოდა. ვინც რჩებოდა, ისინიც ძლივძლივობით იღგნენ ფეხზე.

ნახევარი გზაც არ ჰქონდათ გავლილი, წვიმები რომ დაიწყო. ისედაც აქიჩყნილ გზაზე სიარული თითქმის შეუძლებელი გახდა. დამპალი მიწა ცომივით აიზილა და კოჭებამდე ეფლობიან შიგ, ფისივით ეკვრის შავი ტალახი ფეხსაცმლის ლანჩებს.

დაიღალნენ, ღონე გამოეღიათ. ცივმა წვიმამ თითქმის ძვლებამდე ჩაატანა და ძლივსლა მიათრევენ ფეხებს. ვისაც კიდევ აქვს სიარულის თავი, წინ მიდის. უღონოებსა და ავადმყოფებს კი უანდარმები თოფის კონდახებითა და მათრახის ცემით დასაკლავად გამზადებული საქონელივით მიერეკებიან.

ციმბირი... ციმბირი, მარტო მისი ხსენებაც რომ მახვილივით ესობა-
გულს.

ხსართავის წინ ერთი მხარბეკიანი, შუახნის რუსი მტკიცედ მიაბი-
ჯებს. პირველ ხანებში ოხუნჯობდა, პატიმრებს აცინებდა. თავის მდგო-
მარეობას ვითომდაც არაფრად აგდებდა. მერე და მერე დალონდა. ხმას
ალარ იღებდა, ძლივსლა მიათრევდა ფეხებს. იმ დილით ხსართავის გვე-
რდიგვერდ მიდიოდა. მოულოდნელად წაბარბაცდა. ხსართავმა მოასწ-
რო ხელის შეშველება. მხარში შეუდგა.

— რა მოგივიდა, ბიძია? — შეეკითხა ის.

— ეს უპატრონო გული... მალატობს ალბათ... — ძლივს ამოილა-
პარაკა.

— ცოტა შეისვენე. ნუ გეშინია, გაგივლის. — გზის პირზე მიაწვინა.
და თავქვეშ თავისი პარკი ამოუღო.

— გიშველა, ღმერთმა, შეილო.

— ჰმ, დასვენება მოუნდათ. — თავზე წამოადგა მათრახამართული
ქანდარმი. — აეთრიე, ბებერო ვირო, აქ დასვენების აღგილი არ არის.

— დაიცადე, ცუდად არის! — ახმაურდნენ პატიმრები.

ქანდარმი ახლოს მივიდა და რომ დაინახა ვასილიჩის საქმე მართ-
ლაც ვერ იყო კარგად, განზე გადასა, პაპიროსი მოქაჩა და თითქოს მის
ბოლს გამოაყოლო, ზიზლით თქვა:

— ბუნტოვშიკი!.. მაგ გულით ებრძვის მეფეს?

ხსართავი მხარში შეუდგა ვასილიჩს და რის-ვაივაგლახით გააგრძე-
ლეს გზა. ღამემ უღრან ტყეში უსწროთ. აღარ წვიმდა, მაგრამ დაწრე-
ტილი ღრუბლის ქულები ხეების კენწეროებზე თითქოს ეკიდა. პაერი
შეიხუთა და სამარისებური დუმილი გამეფდა უკაცრიელ ტყეში. პა-
ტიმრებმა, ველარ გაუძლეს შემადრწუნებულ ატმოსფეროს და ვილა-
ცამ სიმღერა წამოიწყო. ამ ხმას ტყემ ბუბუნით მისცა ბანი და დაირ-
ღვა შემადრწუნებელი დუმილი.

გამყოლი ქანდარმები პატიმრებს დაერივნენ. მათრახის ცემით აჩუ-
მებენ, მაგრამ სიმღერა ერთგან გაწყდება, მეორეგან ისევ თავიდან
იწყება. აღარ ემორჩილებიან ძალადობას, ერთიანი გუგუნი უფრო ძლი-
ერდება, თითქოს ამ საუკუნოვანი ტყიდან დუმილის განდევნა დაესა-
ხოთ მიზნად და ამისათვის ძალას უხვობდნენ.

ვასილიჩს, აქამდის ნახევრადმკვდარს. ძლივს რომ მიათრევდა ხსა-
რთავი, თითქოს სიმღერა უკვდავების წყაროდ ეპკურა, გამოცოცხლ-
და, გული მოუბრუნდა და თავისი ზარივით ხმა საერთო სიმღერას შეუ-
ერთა.

— თქვენი სიმღერა მეტისმეტად საოცარია და ახლობელია, — დამ-
ტვრეული რუსულით გააგებინა თავისი ნათქვამი მეგობარს ხსართავმა.

— ეს სიმღერა ბორკილებზეა. აქ, ჩვენზე წინ რომ პატიმრებმა გაიარ-
ეს, იმათი შეთხზულია.

ის ღამე უღრან ტყეში ფარლალა ქოხში გაათიეს. დილით ჯერ ისევ ბნელოდა, გზას რომ გაუდგნენ. მთელი დღე იარეს. მზის ჩასვლისას ერთ ქალაქს მიაღწიეს, თუმცა რა ქალაქი, რის ქალაქი, დიდი-დიდი სამი-ოთხი ათასი მაცხოვრებელი იქნებოდა. მდინარის ნაპირზე გაფანტული უხეირო სახლები, ოღრო-ჩოღრო ქუჩები სულაც არ შეეფერებოდა ქალაქს. უფრო დიდ სოფელს ჰგავდა, რომლის შუაგულშიც, აგურით ნაშენი მაღალი გალავნის იქით, მოჩანდა ნაცრისფერი უზარმაზარი შენობა. ეს იყო ციმბირში ერთ-ერთი ცნობილი ციხე. ქალაქში აქა-იქ მოჩანდა ორსართულიანი სახლები. ნაძვის მორებით აწყობილი ეკლესია, კრამიტისა და აგურის ქარხნები, გიმნაზია, სავაჭრო დუქნები, უანდარმების განყოფილება და სხვა. შორიდან ისე ჩანდა, თითქოს, იმ უშველებელ ნაცრისფერ შენობას თავის გარშემო ყველაფერი — სახლები, ხეები, ხალხი, მძლეთამძლე დევივით ფეხქვეშ მოეთელა, თავისი სიმძიმით მიწაში ჩაეტანა. ალბათ, ამიტომ ციხის დანახვა რალაც გამოუთქმელ შიშში აგდებდა კაცს. ქალაქს ცალ მხარეზე ერთი ქვაფენილი ქუჩა გასდევდა. ეს იყო მთავარი ქუჩა, საიდანაც უთვალავი მიხვეულ-მოხვეული, ოღრო-ჩოღრო შუკები და შესახვევები გადიოდა.

მთავარ ქუჩაზე გამოჩნდნენ დაღლილ-განაწამები პატიმრები. ფეხებს ძლივს მიათრევენ. ადგილობრივმა მაცხოვრებლებმა ვერც შენიშნეს ისინი, ყურადღებაც არავინ მიაქცია, ალბათ მიჩვეულები არიან ბორკილების უღარუნს. ციხესიმაგრის რკინის უზარმაზარი ჭიშკარი ჭრიალით გაიღო.

დასწყევლოს ღმერთმა, ჭიშკარი იშვიათად იღება, მხოლოდ დილით, როცა პატიმრები სამუშაოდ მიჰყავთ და საღამოთი, როცა ჯოჯობეთური შრომით დაქანცულებს უკან აბრუნებენ. ნაცრისფერი ციხის გადაღმა ცხოვრება თავისუფალია და ბედნიერი. არც არავინ გაწუხებს, არც არავის აწუხებ... კედლის შიგნით კი სხვა წესი და რიგია, იქ კაცი ჩქარა ჰკარგავს ადამიანურ ღირსებას. სიცოცხლე მას აღარ ეკუთვნის, ბედის ამარა მიგდებულს თითქოს ეშმაკისთვის ჰქონდეს სული მიყიდული. იქ კაცი პირტიტველაც რომ შევიდეს, თუ ეღირსა, გარეთ თეთრწვერა და გამოფიტულია გამოვა, უფრო ხშირად კი ღამით საკაცით გამოიტანენ და ქალაქგარეთ სსაფლაოზე, რომელიც იმ ქალაქზე ბევრად დიდია. სახელდახელოდ გათხრილ სამარეში გადაუშვებენ და ჩქარ-ჩქარა მიაყრიან მიწას. არც არავისი ცრემლი ჩაჰყვება და არც არავის შეებრალება.

სამუშაოდან დაბრუნებული პატიმრები ზედ ჭიშკართან გაჩერდნენ. დაიჭრიალა რკინის მძიმე ანჯამამ, გაიღო ჭიშკარი. ერთიმეორის მიყოლებით გადათვალეს პირუტყვად ქცეული, უსახელო ადამიანები და თითქოს ზღაპრული დევის ხახაში ჩაიკარგნენო, აღარ გამოჩნდნენ. ახალი პატიმრები კი ძლივსლა დგანან ფეხზე. მათი გამცილებელი დიდი ხანია ციხის უფროსს ეახლა, საბუთებს თუ აფორმებს, პატიმრებს ლო-

დინით გული გადაელიათ. მოულოდნელად ისევ გაიღო ჭიშკარი და პოლიციელი შეუძღვა შიგნით. ხსართავს გული დაეწურა, ჭიშკარში შესვლა ისე გაუძნელდა, თითქოს საფლავში შეაბიჯაო, ბორკილების ქლარუნნი სამგლოვიარო მელოდიად ჩაესმა და ჯოჯოხეთის კარივით დაიღრიალა უზარმაზარმა ალყაფის კარებმა.

3.

აქედან დაიწყო იმ მაღალი ვალაენის მიღმა ხსართავის წამება, მტანჯველი დღეები. ციხეში სულ სამასი პატიმარი იხდიდა სასჯელს. აქ იყვნენ ისეთები, რომელთაც რვიდან თორმეტ წლამდე პატიმრობა ჰქონდათ მისჯილი. პატიმრები საკნებში იყვნენ განაწილებულნი. თითოში ოცი-ოცდაათი. მეტისმეტად დაბალქერიან საკნებში დიდი სივიწროვე იყო. ერთიმეორის თავზე დაკიდებული ნარები პატიმრებისათვის საწოლსაც წარმოადგენდა, მაგიდასაც, სკამსაც. ნარებზე ქუჩკით გაპოხილი ლოგინი ეყარა, ზოგს ლოგინიც არ ჰქონდა, ბამბურა დღესით ტანზე ემოსათ, ღამით საბნად ეხურათ, საკანში თავი კუდს ვერ მოიქნევდა, ზამთარში კიდევ არაფერი, მაგრამ ზაფხულში სულის შემხუთავი სიმყარე ახრჩობდა პატიმრებს. საღამოთი უჩინტო ვანშაპს მოათავებდნენ და სინათლესაც მაშინვე ჩააქრობდნენ. ბნელ საკნებში კი დიდხანს არ წყდებოდა ხმაური, ხმამაღალი ლაპარაკი, გინება, ხანდახან ნალვლიან სიმღერასაც იტყოდა ვიღაც. ბორკილების ქლარუნით სიცილიც გამოერეოდა, მაგრამ ეს იყო სიმწრის სიცილი. ყოველივე ამას აგვირგვინებდა მყრალი წეკოს მწარე სუნი. ხმაურს შეუჩვენებელ ხსართავს ყურის ბარბნები უსკდებოდა, სული ეხუთებოდა.

სადაურს არ შეხვდებოდით იმ დაწყევლილ ციხეში. რუსეთის ყველა კუთხიდან აქ უყრიდნენ თავს საშიშ დამნაშავეებს — კაცისმკვლელებს, ყაჩაღებს, ბანდიტებს, ქურდებს, მეფის მოწინააღმდეგეებს, იმათ, ვინც ველარ მოითმინა დამცირება, არსებულ წყობილებას წინ აღუდგა და ბრძოლა გამოუცხადა, სასიკვდილო მახვილი აღმართა მჩაგვრელების წინააღმდეგ. ბევრმა მათგანმა ხელი აიღო ცხოვრებაზე, რადგან მომავალშიც საიმედოს არაფერს ელოდნენ. ამით გაბოროტებულნი აღარ ინდობდნენ სახელმწიფო მოხელეებს, მემამულეებს, პოლიციელებს და საერთოდ მჩაგვრელებს.

ის, ვინც ცხოვრების უკუღმართობის მსხვერპლი გამხდარიყო, თავისდა უნებურად ჩაედინა დანაშაული, ზიზღით უყურებდა იმათ, ვინც სიმდიდრე, სახელი ვერ გამოიყენა, ცხოვრება თავში აუვარდა და ახლა ამ ჯოჯოხეთში ატარებს წუთისოფელს. ეს იყო მიზეზი, რომ ყოველ საკანში პატიმრები ორ ჯგუფად იყოფოდნენ. მათ შორის ჩამოვარდნილ შუღლს ბოლო არ უჩანდა, ზოგჯერ კინკლაობა სისხლის ღვრაში გადადიოდა და მკვლელობასაც არ ერიდებოდნენ. სიმართლე უნდა ითქვას,

ციხის ხელმძღვანელობა სასტიკად სჯიდა წესრიგის დამრღვევებს, ასეთები ციხის ეზოში გამოჰყავდათ და პატიმრების თვალწინ უწყალოდ როზგავდნენ.

ციხის ადმინისტრაცია ცდილობდა პატიმრებში თავისი ხალხი ჰყოლოდა. ასეთები ყველას ზიზღს იმსახურებდნენ. მარტო ზიზღი რაა, მოხერხებულ დროს შეურჩევდნენ, თავზე რაიმეს წააფარებდნენ და ცემით სიკვდილის პირზე მიაყენებდნენ, ნაცემ-ნაბეგვები ზოგჯერ თვეობით ფეხზე ველარ ღებოდნენ.

საკანში, რომელშიც ხსართავი და ვასილიჩი მოხვდნენ, ერთი გამოუსწორებელი კაცისმკვლელო, რეციდივისტი იჯდა. მას სიცოცხლის ნახევარზე მეტი ციხეში ჰქონდა გატარებული და არც არაფერი ენაღვლებოდა და არც არავისი ეშინოდა, პირიქით, საკანში მყოფი ოცი პატიმარი მისი მონა-მორჩილი იყო. სახელად ბატს ეძახდნენ. ხსართავმა ვერ გაიგო ეს მისი ნამდვილი სახელი იყო თუ მეტსახელი. გულდრძო და დაუნდობელი ბატი განსაკუთრებით ჩაგრავედა უღონო ამხანაგებს, რომელთაც ისედაც სული კბილით ეჭირათ. მაგრამ ძალა აღმართს ხნავს, ასე თუ ისე, მაინც ასრულებდნენ ბატის ნება-სურვილს და მან ციხე, ისედაც ჯოჯოხეთი, ორმაგ ჯოჯოხეთად უქცია თანამოსაქმეებს.

იმ ღამეს ხსართავსა და ვასილიჩს ყურადღება არავინ მიაქცია, ზედამხედველმა მათთვის განკუთვნილ ნარებზე მიუთითა და წავიდა. ამდენი ხნის მგზავრობით დაღლილ-დაქანცულებს მეტიც არაფერი უნდოდათ. მაშინვე ნაჩვენებ საწოლებზე მიეყარნენ და მკვდრებივით დაიძინეს, დილაშდის ფეხი არ გაუნძრევიათ. დილით ძველი პატიმრება სამუშაოზე წაიყვანეს, ახლებს კი ხელი არ ახლეს, შორი გზიდან მოსულები დაასვენეს. ხსართავმა და ვასილიჩმა ისევე ძილს მისცეს თავი და საღამოს პატიმრების ხმაურზელა გამოეღვიძათ.

მოულოდნელად ბატმა იღრიალა:

— გაჩუმდით, ნაძირალებო! გუშინ ჩვენს სოროს ახალი ცხოველები შემოემატნენ, ბინის ქირა კი არ გადაუხდიათ! ვინ მისცა მათ ამის უფლება?

ჩასკვნილი, კისერჩავარდნილი ბატი წლოვანებასთან შედარებით უფრო ხნიერად გამოიყურებოდა. პირისახე თითქოს სადგისის წვერით დაუჩხვლექტიათო, თავხედი თვალები ჰქონდა და პატრონის უნებურად ყვითელგარსიანი კაკლები ერთთავად აქეთ-იქით დახტოდნენ. შიწისფერ სახეზე წარბიდან დაყოლებული ნიკაპამდე ნაჭრილობები გასდევდა, მარცხენა წარბი შუაზე ჰქონდა გადახლეჩილი, მარცხენა ყური წათლილი, მოტვლებილ თავზე ადგილ-ადგილ თითო-ოროლაღერი თმა ყალყზე უდგა... მისი პირიდან ამოვარდნილი სიმყრალე მთელ საკანს შხამავდა.

ვასილიჩის ნართან მივიდა, მოხუცს ჭუჭყით გაზინტლული ხელი სტაცა წვერში და ერთი ბეწვი ამოაგლიჯა.

— ეი, შენ, ბებერო ვირო, სიფათზე გეტყობა, ან ბანკის, ან საროს-

კიპოს პატრონი იქნებოდრი. ფული ალბათ იმდენი გაქვს, ვერც დაითვლი, ცხადია, თანაც წამოიყოლებდი, აბა, ჰე! ამოყაპე! — შეუტია მსხვერპლს და ბოროტი თვალეზი სადგისივით აძგერა.

— იქით, უბედურო, ვინ მოგცა უფლება, რატომ მექცევი მოხუცს ასე უდიერად? — შეუტია ვასილიჩმა.

— რომელ უფლებაზე ლაპარაკობ, ბებერო! აქ მე ვარ განმგებელი! ამ ტილიანი პირუტყვების ბუნაგში ჩემი კანონი მოქმედებს მხოლოდ. ერთი თვალის ჩაკვრა, ან ერთი თითის დაქნევა და ეგ ბებერი თავი ჩემს წინ გაგორდება. ფული-მეთქი! შენს სისხლს ნულარ დამალვრევიანებ, უშენოდაც საკმაო ცოდვები მაწევს, ჰა, რას დაგიღია პირი! — მომწყდი თავიდან, ნაძირალავ! გიჩივლებ...

— მიჩივლებ? ხი-ხი-ხი! გესმით, რეებს ბედავს ეშმაკების მოციქული? ვიჩივლებო... აბა, ციხის ჭიალუებო, შეესიეთ ამას და ამოგლიჯეთ ენა, თორემ მერე გვიან იქნება.

ხსართაგის ნარი საკნის ბოლოში მესამე იარუსზე იყო. ბატის უკანასკნელმა სიტყვებმა ფეხზე წამოაგდო ის, მიხვდა, რომ ავადმყოფ მოხუცს მოსაკლავად არ დაინდობდა პირუტყვადქცეული ადამიანი, ორი ნახტომით მათ წინ გაჩნდა. ბატმა მოასწრო ვასილიჩისათვის ერთი დარტყმა და მეორედ აღმართა მუშტი, მაგრამ დარტყმა აღარ დასცალდა. მწვირიან მაჯას საცეცებივით შემოეკედო ხსართაგის თითები. ბატი შეეცადა ხელის განთავისუფლებას, ვერ შეძლო.

— ეს ვილა ოხერია ძალღივით ჭუსლზე რომ იკბინება! — დაიღრინა მან და თავისუფალი მუშტი ხსართაგს ცხვირწინ დაუტრიალა.

— არ გაბედო, ყბამოგრეხილო, თორემ სამუდამოდ გამოეთხოვები მაგ დამპალ კბილებს! — ხელის კვრით მოიშორა ბატის აშშორებული მუშტი ხსართაგმა. — ხელები-მეთქი, გითხარი. არ გაბედო ხელის ხლება, თორემ მსუეს დაგიბნელებ. ახლა კი შენს ადგილზე დაეგდე.

— ძმებო, რას უყურებთ, ვილაც ბუსურმანი, ურჯულო, ქრისტეს შვილთა საერთო ჯამში ჭუჭყიან დინგს ყოფს! მოკვებითო! — იღრიალა ბატმა და თავისი მოუხეშავი სხეულისთვის მეტად უჩვეულო სისწრაფით დაიხარა და ჩექმის ყელიდან დანა დააძრო. ხსართაგი მიხვდა, უპირატესობა მოწინააღმდეგისაკენ გადაიხარა, მას ახლა ხელში დანა უჭირავს და ყოველ წუთში შეუძლია წელები დააყრევიოს. ვიწრო გასასვლელში არც გაქცევა შეიძლებოდა არც დამალვა. ხსართაგის სიცოცხლე ბეწვზე ეკიდა. სანამ ბატი ავკაცობას ჩაიდენს, ხსართაგმა უნდა დაასწროს და უცბად ვილაცის ჭუჭყიან ბამბურას წაავლო ხელი, ბატს, თავზე შემოახვია. ეს ისე სწრაფად და მოულოდნელად მოხდა, მოწინააღმდეგემ ხმის ამოღებაც ვერ მოასწრო. ხსართაგი გვერდით გადახტა. ბატმა წონასწორობა დაკარგა და დაბარბაცდა, მოქნეული დანა ხსართაგის ნაცვლად ნარების დასამაგრებელ ბოძს ჩაესო. ბევრი აღარ უფიქრია ხსართაგს, ისეთი ძალით შემოჰკრა მუშტი ყბაში, რომ ეს უკანასკნელი კედელს მიეზღერათა. წამით გონი დაკარგა, მერე თვა-

ლი გაახილა, მაგრამ ვაი ამ გახელას. ვერაფერს ხედავს, რალაცის თქმა დააპირა, მაგრამ მოგრეხილი ყბა აღარ დაემორჩილა, ვერც ხმა ამოი-
ლო. ასე იწვეალა კარგა ხანს, მერე ისეთი ღრიალი მორთო, რომ საკ-
ნის კედლებმა ზანზარი დაიწყა.

ასეთი ჩხუბები ხშირია ციხეში და აგრე რიგად ყურადღებას არა-
ვინ აქცევს. ახლაც ასეა. პირველად ჩხუბი ჩვეულებრივი კინკლაობა
ეგონათ და ადგილიდან არავინ დაიძრა. თანაც ყველამ იცის, რომ ბატს
ბევრი ლაი-ლაი არ უყვარს, მის წინააღმდეგ ხმის ამოღებას მაინც
ვერაინ გაბედავს და ამიტომ ყველა ერიდება ხათბალას. მაგრამ
ხსართაგის ალიყურმა ზარბაზნის გასროლასავით რომ გაისმა, ყურები
დააქვევტინა პატიმრებს და ნარებიდან უნებურად წამოყარა. თვალებს
არ უჭერებდნენ, საკნის „მეფე“ რომ ამ ყოფაში დაინახეს. ის კი ვილა-
ცის ნარზე ჭერ კარგა ხანს გველივით იკლაკნებოდა, მერე ისე მიიჩუ-
ლა, როგორც მკვდარი. საკანში სამარისებური დუმილი გამეფდა,
ბატი აღარ იმძრეოდა, დუმილი აუტანელი გახდა, ისევ ხსართაგი მ-
ვიდა ბატთან, ძაღლის მძორივით აითრია და თავის ნარზე დაავლო.

— ძალიშვილო, თუ კიდევ გაგიბედია ვისიმე უკანონოდ დაჩა-
გვრა, ჩემთან გექნება საქმე. ამ ხალხის წინაშე გეუბნები, გველივით
გაგიჭექყავ თავს.

პატიმრები გაოცებულები შეჰყურებდნენ ხსართავს. რამდენიმე
კაცის ბოროტი მზერა დაჰჭირა და შეკრთა. ესენი ბატის წევრები
არიან და თუ ახლა მათი ხელში აყვანა ვერ მოახერხა, ნამდვილად
მოკლავენ. ამიტომ ხსართავმა უნდა დაასწროს მათ, თავისი ძალა
აჩვენოს და დაიმორჩილოს. განზე გადგა და თვალები დააბრიალა.

— ჰო, თუ არის ვინმე ისეთი, ვისაც კბილები არად უღირს,
წინ წამოდგეს! ჰა, გელოდებით, ნაძირალა ლაჩრებო!

ქადილი მიზანში მოხვდა. ხმა არავინ ამოიღო. ხსართავმა საკანი
დაიმორჩილა და აღარაფრის თქმა აღარ იყო საჭირო. ერთმა უხეი-
როდ წარმოთქმულმა სიტყვამ შეიძლება ყველაფერი შეცვალოს. თუ
პატიმრები მის წინააღმდეგ ამხედრდნენ, მაშინ ველარაფერი იხსნის,
ზოლო თუ ისინი მხარს დაუჭერენ, ბატი თავისთავად დამარცხებულად
დარჩება.

ისევ აღრიალდა ბატი. უეჭველი იყო, ყბა ამოვარდნილი ჰქონდა
და ტკივილების შეკავება მის ძალ-ღონეს აღემატებოდა. ყვირილი
გაიგონა ზედამხედველმა და საკნის კარი ხმაურით გააღო.

— ვინა ყვირის, რა ამბავია? — მკაცრად იკითხა მან. პასუხი რომ
არავინ გასცა, ბატთან მიიჭრა, — შენ იყავი ხომ? რა ჩაიდინე, თქვი!

— ამჯერად თვითონ მაგას დაუზილეს ცხვირ-პირი. — გაბედა ხმის
ამოღება ერთმა პატიმარმა, — მგონი ყბა გაუტეხეს.

— ყბა გაუტეხეს? — გაიკვირვა ზედამხედველმა, — ვინ გამოჩ-
ნდა ასეთი?

— მე, უფალო ზედამხედველო, — წინ წამოდგა ხსართაგი და თა-
ვი დახარა, თითქოს ის ყოფილიყოს დამნაშავე. — დანით გამოიწია...
ხედავთ? აჩვენა ბოდში გაკვეხებული ბებუთი.

ზედამხედველმა რის ვაი-ვაგლახით ამოაძრო დანა ბოძიდან.

— საიდან გაქვს? — შეეკითხა ბატს.

— ვაი, ვაი-ი-ი-ი! — ღრიალებს ბატი და ყბა ხელით უკავია.

— მოჰიდავე ხარს რქები არ შერჩებო, გაგიგონია შენ, მაგრამ კედელს ცერცვი შეაყარე, სანამ ამ დანას გულში არავინ გაგიყრის, ვერ ისწავლი ქკუას, — აეთრიე ზეზე და ძაღლივით ნუ ყმუი, შენც წამობრძანდი, — თვალით ანიშნა ხსართავს.

იმ ღამეს ბატს ციხის ექიმმა რის ვაი-ვაგლახით გაუსწორა მოქცეული ყბა. ხსართავს კი კარცერში უკრეს თავი.

სამი ღლის შემდეგ ხსართავი დააბრუნეს. სიხარულით შეეგებნენ პატიმრები. იგრძნო ხსართავმა ბატის ყბის მონგრევა სულაც არ სწყენიათ. პირიქით, ახალი პატიმარი მათ თვალში ამაღლდა. ბატს, რომელიც ამდენ ხანს სისხლს სწოვდა ისედაც განაწამებ, დაღლილ-დაქანცულ, მორალურად განადგურებულ ადამიანებს, ერთი დარტყმით ყბა მოუქცია, მაშასადამე მასზე ძლიერია. თანაც ის საკნის თავ-კაცობისათვის კი არ წაეჩხუბა ბატს, ავადმყოფ პატიმარს გამოექომაგა, ამან ერთიორად აუწია ავტორიტეტი ხსართავს. სხვის მაგიერ საფრთხეში ჩაიგდო თავი, ხომ შეიძლებოდა ბატს დაესწრო და დანა შიგ გულში ჩაეცა ხსართავისათვის. რა თქმა უნდა, შეიძლებოდა, მაგრამ ამას არ შეუშინდა ხსართავი და კარგად მოთეთქვა მოწინააღმდეგე. ახლა მათთვის სულაც აღარ არის საშიში „ბინძური მეფე“. აღარც დაემორჩილებიან ამის შემდეგ. უფრო ძლიერმა დაჯაბნა იგი, დამორჩილებას შეჩვეულნი მფარველად სწორედ მას აირჩევენ. ჭერ კი რალაცას ელოდებიან. ეს ღლეც დადგა. ციხის საავადმყოფოდან ერთი კვირის შემდეგ დაბრუნდა ბატი. ზედაც არავინ შეხედა, საცოდავი სანახავი იყო. ერთის კვირის წინ თვლებში რომ შესციინებდნენ და მისი ხელის ერთ დაქნევაზე ადამიანს ყელს გამოსჭრიდნენ, იმათაც კი ზურგი შეაქციეს. ახლა ისინი ისეთივე გულგრილობით თვითონ მასაც გამოლადრიან ყელს... მორჩა, უფროსობა ხელიდან გაუფრინდა. მაინც შიში აღარავისა აქვს და ვინღა დაემორჩილება. ბატს გული მოუკვდა. მაინც სცადა წონასწორობის შენარჩუნება. ერთ თავის ხელქვეითს თვალი ჩაუკრა:

— შენ რა? ველარ იცანი შენი მფარველი? მე უფროსი ვარ აქ თუ...

— დაეგდე მანდ და ნუ იყეფები. უფროსიო, უფროსი კი არა ლოკოკინა ხარ! აქამდის რაც გითმინეთ, ისიც შეგერგოს! ერთი გაბედე რაზე და მე მოგიგრებს მაგ ყბას, და ამჯერად ისე, რომ ვერც ერთმა ექიმმა ვერ გაგისწოროს.

ძალიან ეწყინა ბატს ეს სიტყვები, ირგვლივ მიმოიხედა, თითქოს დამხმარეს ეძებდა, მაგრამ ასეთი რომ არავინ გამოჩნდა, პატივმოყვარე გული დაეკოდა, ძალზე დამცირებულად იგრძნო თავი და ნაცემი ბავშვივით ატარდა, შუალამემდე იქვითინა. ორი ღლე ენა არ დაუძ-

რავს, სიტყვა არ დასცდენია, მესამე საღამოს ხსართაგთან მივიდა და მეგობრულად დაჰკრა მხარზე ხელი:

— ეი, კავკასიელო, მოდი ერთად...

— რა ერთად? — ვერ გაუგო ხსართაგმა ნათქვამი.

— ერთად ვიყოთ, მეგობრულად აქ...

— ისედაც ერთად არა ვართ?

— უფროსები-მეთქი. შენ პირველი, მე — მეორე. შენთვისაც უკეთესია. მენდე, ასე აჯობებს, თუ ერთად ვიქნებით მთელ ციხეს ჩვენს წინ დავაჩოქებთ და თავადებივით ვიცხოვრებთ.

— ეი, შენ, ბატი ხარ თუ იხვი, არ ვიცი. თუ ჰკვიანად არ იქნები, მოგკლავ და ისე დაიკარგები, როგორც მაწანწალა ძაღლი, დაესხენი ამ საბრალო ხალხს. ისედაც სული კბილით უჭირავთ.

— გინდა მარტომ იბატონო, არა? ეგ არ მოხდება, იცოდე, აქ ციხეა. ათასნაირი ხალხია. ნაძირალები კიდევ უფრო მეტი. ერთი სიტყვა მინდა და...

— ვინც შევიშინებია, მე იმათ რიცხვს არ ვეკუთვნი, ამის მოწმე შენი ყბაა. პატარა რამ და ხომ გითხარი, რაც გელოდება. ახლავე აქედან დაიკარგე.

მეორე დღეს ბატი სხვა საკანში გადაიყვანეს.

4.

ასე დაიწყო ხსართაგის ცხოვრება შორეულ ციხეში.

ერთი კვირის შემდეგ სამუშაოზე გაიყვანეს, სამუშაო კი არა ჯოჯოხეთი იყო. რკინიგზა გაჰყავდათ. პატიმრებს ყველაზე რთული უბანი გამოუყვეს. ჭაობში გზის გაყვანა ადვილი არავის ეგონოს. ნიჩბითა და წერაქვით ებრძვი ქვამიწას, ებრძვი და შენს შრომას ბარჯაც არა აქვს, მაგრამ დღე დღეს მისდევს, კვირა კვირას, მოიხედავ უკან და დაინახავ, გაგიკეთებია გზა, მდინარეზეც გაგიღვია ხიდი, კლდე გაგიხვრეტია, გვირაბი გაგიყვანია.

ორი წელი ორ საუკუნედ იქცა, მაგრამ მაინც გაიარა. ხსართაგი დაიღალა, არც ზაფხულია მისთვის და არც ზამთარი. შრომობს ბორკილებიანი, თავზე იარაღსმული ზედამხედველი ადგას. ოო, მერე როგორი დაუნდობლები არიან? მძიმე შრომით ისედაც წელში გაწყვეტილებს, სულსა ხდიან თუ სულის მოსათქმელად ვინმე ჩაიმუხლებს, თოფის კონდახი მზად არის. მთელი დღის შრომით მოქანცულ პატიმრებს საღამოთი ციხეში მისვლა ეჩქარებათ, რომ ნარებზე მიეყარონ და დილაზე მკვდრებივით იძინონ. ზამთარში, როცა ქარიშხალი ამოვარდება და გარეთ გასვლა შეუძლებელი ხდება, ცოტა შეღავათი კი მიეცემათ, მაგრამ მაშინაც უსაქმოდ არ აჩერებენ. ხან

თოვლს ახვეტინებენ, ხან შეშას აჩეხინებენ, თუმცა იმ მძიმე საძმუ-
შაოსთან შედარებით, ეს გასართობად ეჩვენებათ.

ვასილიჩი, როგორც განათლებული კაცი — იჩეინერს მიამატრეს.
მისი სამუშაო იოლი იყო, ფიზიკურად სრულიად არ მუშაობდა.
უფროსებთან საერთო ენა გამონახა და ცოტაც მოიკეთა.

პატიმრებმა ყველაზე რთული უბანი გალიეს, რკინიგზა გაიყვანეს,
თითქოს უკან დარჩა სიძნელები. სწორედ მაშინ, ერთ წვიმიან
დღეს, პატიმრები გადათვალეს და რიგში ჩააყენეს. სამოცი გვარი
ამოიკითხეს და ბრძანეს, სამი ნაბიჯი წინ გადაედგათ. სიაში ვასილი-
ჩი და ხსართაგიც იყვნენ. სხვები სამუშაოდ წაიყვანეს. ამორჩეულე-
ბი ერთმანეთს ეკითხებოდნენ, რა ამბავიაო. არავინ იცოდა. უფროსმა
ოფიცერმა გვიან-გვიან გამოაცხადა, რკინიგზისათვის საკირო შპალე-
ბის დასამზადებლად რამდენიმე თვით ტყეში მოგიწევთ ცხოვრება,
სადაც დღესვე გაემგზავრებითო.

ისევ რიგში ჩააყენეს და სამდინარო პორტში მდგომ ერთ ძველის-
ძველ ბარჯაზე აიყვანეს. მეთვალყურე ოფიცერ პუხოვის გარდა კიდევ
ორი უცნობი უანდარმიც დაემგზავრა მათ, ბარჯამ გეზი ჩრდილოეთი-
საკენ აიღო.

გზაში გაიგო ხსართაგმა, რომ ტყისმკრელთა სიაში ვასილიჩის
რეკომენდაციით მოხვედრილიყო.

— იქ უფრო ადვილია, მეც მეტ ყურადღებას მოვაქცევ, ნუ გე-
შინია, — მხარზე ხელი მოუთათუნა ვასილიჩმა ხსართაგს.

ამაყად მხრებგაშლილი მძლავრი მდინარე მდორედ მიიზღაზნე-
ბოდა თავის მარადიულ გზაზე. მარცხენა მხარეს ხშირი ტყის მოქარ-
გულ ნაპირს ელაშენება, მეორე მხარეს კი შორს, სადღაც ქვეყნის
დასალიერს უერთდება. ისე ჩანს, თითქოს მდინარეს დასაწყისი
აქვს, ხოლო დასასრული სადღაც ძალიან შორს, ან შეიძლება სულაც
არ აქვს.

სალამობით, როცა მზის უზარმაზარი დისკო დასავლეთისაკენ
დაქანდება, ცის კიდე დაბლა ეშვება და ნისლზე დაყრდნობილი თი-
თქოს დედამიწას ცეცხლწაკიდებული ხილით უერთდება. დილით კი,
პირველსავე მზის სხივზე მდინარის თავზე თითქოს დასასვენებლად
ჩამოწოლილი ღრუბლები აიშლებიან და თეთრი ქულები ზანტად
გაცურდებიან ტყის თავზე, მერე შორს, შორს ხეების ტოტებზე გასა-
შრობად გაფენილი ბამბასავით გაეკიდებიან და ნელ-ნელა ჩადნებიან
ტყის სიღრმეში.

საოცარია განთიადიც. მზის სხივები პირველად მდინარეს შეე-
რევა, პატარ-პატარა ტალღებს ცეცხლს წაუკიდებს და წყალი გამდ-
ნარ ოქროდ იქცევა.

ხსართაგი პირველად ხედავს ასეთ დიდსა და მდორე მდინარეს,
ზის გემბანზე და გაპყურებს უცხო ქვეყნის უცხო მხარეს. მხოლოდ
ეს მდინარე რაღაც გამოუცნობ ძალას მატებს, რწმენას უმტკიცებს.
გაციმბირებულები კი მღერიან ამ მდინარესავით მძლავრ სიმღერებს,

რომლის იმედის მომცემი ჰანგი პირდაპირ გულში სწვდა გამოუცდელ მთიელ ჭაბუკს,

ხსართაგს გვერდიდან არ იშორებს ვასილიჩი, რომელსაც კიდევ გაუთმორა გულის შეტევამ და ფეხზე წამოდგომა ველარ შეძლო. ხსართაგი საკუთარი მამასავით უვლის. შეძლებისდაგვარად უმსუბუქებს მდგომარეობას. ხან წყალს მიაწვდის, ხან წამოაყენებს და გულზე მიისვევინებს.

— კარგად დააკვირდი ამ მხარეს. გახსოვდეს, თავისუფლების დასაბრუნებლად მხოლოდ ეს ერთი გზაა, — წასჩურჩულა ერთ დილით ვასილიჩმა ხსართაგს.

მას შემდეგ თვალს აღარ აშორებს ნაპირს.

ერთ კვირაზე მეტი იარეს მდინარით.

სანაპიროები თანდათან უკაცრიელი ხდება, არსად სოფელი, აღარც ადამიანები. მხოლოდ ხანდახან გზად მძიმედ დატვირთული ბარჯები თუ შემოხვდებოთ.

როგორც იყო ჩააღწიეს დანიშნულ ადგილზე. გაჩერდა ბარჯა. აქ ხსართაგი და ვასილიჩი დატოვეს, სხვები კი ისევ გზას გაუყენეს.

მდინარეს გასწვრივ გასდევს არყის ჭალა, სოფელსაც არყიჭალა ჰქვია. გზა ჰყოფს მას შუაზე, ზემოთ, შემალღებულზე ეკლესია წამოსკუპებულა, რომელსაც თავზე ჯილასავით ადგას ჯვარი.

ძალიან გაუკვირდა ხსართაგს, ასე შორს, სადაც გზაც კი არ მიდის, სადაც ზამთარ-ზაფხულ მოწყვეტილები არიან ქვეყანას, რამ მოიყვანა ხალხი, რისთვის დასახლდნენ აქ?

„აი, ჩემი სამუდამო სამყოფელი, — დაიკვნესა და თითქოს გულში რაღაც ჩასწყდა. — საიქიოდან უფრო ადვილია დაბრუნება, ვიდრე აქედან... აქედან ადამიანი ცოცხალი დაბრუნდეს შინ? შეუძლებელია...“ ამის გაფიქრებაზე ყოველგვარი იმედი გადაუწყდა.

ისევ აბობოქრდა გული: „გავიქცევი, გავიქცევი. საფლავშიც რომ ჩამასვენონ მაინც გავიქცევი...“ — ჭირვეული ბავშვივით იმეორებს და თვითონ ვერც გრძნობს, რომ ტირის.

სოფლის ბოლოს ერთ დაფუტურობებულ ნახევრად დანგრეულ სახლში მიუჩინეს ბინა. პატარა ოთახი ნაგვითა და ჭუჭყით იყო სავსე. ობობას ერთი კუთხიდან მეორემდე დაექსელა და ისეთი ბადე მოექსოვა, კურდღელი გაიხლართებოდა შიგ. ამ ოთახის ერთი ღირსება ის იყო, რომ შუაში რუსული ღუმელი იდგა. ჰო, მართლა, თავხეში რკინის სოლიც ჩაუჭედებია ვილაცას. როგორც მერე გაიგეს, თურმე ამ სოლზე ჩამოიხრჩო თავი მათ წინ მობინადრემ. მას სამუდამო გადასახლება ჰქონია მისჯილი. საბრალომ ხუთ წელზე მეტხანს არ ისურვა აქ ყოფნა.

ოთახის სიღრმეში დაფუტურობებული ტახტიც დგას. ხსართაგმა ხელით გადმოწმინდა მტკერი და ამდენი ხნის ნაწამები, სიამოვნებით გაიშხლართა უსწორმასწორო ფიცრებზე. ვასილიჩი კი ღუმელზე აძვრა და ვილაცის ჭუჭყიან ლოგინზე მიწვა.

დილით ხსართაგი ვასილიჩის კვენესამ გააღვიძა.

— შეილო, ხსართაგ, ვკვდები, გავარდი, შენს გაზრდას, იქნებ სოფელში ექიმი იყოს. ძალიან მაწუხებს გული.

ხსართაგი მაშინვე წამოხტა. დახეული ფეხსაცმელი ბაწრით ამოიკრა და გარეთ გავარდა. სოფელში კარდაკარ ჩამოიარა, მაგრამ სალაპარაკოდ არავინ მიიკარა, როგორც კი დაინახავენ, შინ შერბიან. ეშინიათ მისი.

მერე ერთი სახლის წინ შეჩერდა. ეტყობოდა მისი პატრონი სხვებზე უფრო შეძლებული იყო. ჭიშკარზე მიბრახუნებისთანავე გაუღეს. წინ ასე ორმოცდაათიოდე წლის კარგად შენახული კაცი დაუდგა. ტანზე ახალი ტყავის ქურჭი ეცვა, ახალივე ქუდი ეხურა. წითლად გადაღლაყებულ ლოყებს შუაში მიეჭყლიტათ პაჭუა ცხვირი, რომელსაც ცერის სიმსხო მეჭეჭი აჯდა.

— ვინა ხარ, რაზე ანგრევ ჭიშკარს?

— ამხანაგი გამიხდა ავად, ექიმს ვეძებ, ღმერთი ხეირს მოგცემს, მიმასწავლეთ.

— ამხანაგი? მერედა ვინ არის შენი ამხანაგი?

— ისიც პატიმარია, წუხელ გადმოგვსხეს.

— ა-ა-ა, მობრძანდით უკვე? თქვენლა გვაკლდით, ვინ ხართ? კაცისმკვლელები? თუ მეფისა და ღვთის ფეხის მკამელები?

— არც ერთი და არც მეორე, — წამოენთო ხსართაგი, მაგრამ შეიკავა თავი. — ექიმთან მიმასწავლეთ, გემუდარებით.

— რითია შენი ამხანაგი ავად? ჭირიანია თუ ქეციანი?

— გული აწუხებს.

— ჰოო, გულს ჩვენთან ვერაფერს შეელიან.

— რას ამასხარავენ ადამიანს, — მოესმა ხსართაგს ქალის რიხიანი ხმა, — თავის უბედურება არ ეყოფა? შეხედე ფეხზე ძლივს დგას.

— მერე, ვინ დაპატიჟა, რატომ გაგვაბედნიერა თავის სტუმრობით? შეხედე, შეხედე, ნამდვილი კაცისმკვლელია. თვალებს უბრალოდ არ აკვესებს ავად. მაგრამ არაფერია, მალე ეგ ანთებული თვალელები მინავლული ნაღვერდალივით ჩაგიჭრება.

— ბიძია, რატომ მლანძღავთ? მე ხომ მხოლოდ ის გთხოვეთ, ექიმთან მივესწავლებინათ, ავადმყოფი მელოდება, თქვენ კი საყვედურით ამიყელით.

— ექიმი არა გვეყავს. ამას წინათ ერთი ფერშალი გამოგვიგზავნეს; ისიც ტაიგაში დათვის კერძი გახდა. — მეჭეჭიანი კაცის მაგიერ უპასუხა შინიდან გამოსულმა სქელ-სქელმა, ზორზოხა ქალმა.

— შინ შემოდი, შეილო, ცეცხლთან ვათბი.

— გმადლობთ, დედი, მეჩქარება, ამხანაგი მყავს ავად. — ხსართაგნი უკან გამობრუნდა.

ვასილიჩი მიიმედ სუნთქავდა, ჭირის ოფლი მსხვილ წვეთებდ

ეყარა შუბლზე, ხსართავი გვერდით მიუჯდა. წყალი ჩააყლაპა. ძალიან უნდა დაეხმაროს, მდგომარეობა შეუმსუბუქოს, მაგრამ როგორ? არ იცის, რითი უშველოს. ხან საბანს შეუსწორებს, ხან შუბლიდან ოფლს მოსწმენდს.

სალამოთი შეტევამ გაუარა. ღუმელიდან ჩამოცოცდა და ტახტზე ჩამოჯდა.

— ამჯერადაც გადავჩი ჰა, ხსართავ?

— მე კი ჩემი დამემართა.

— შეგაშინე, არა? ბოლო ხანებში ხშირად მახსენებს თავს ჩემი წაჯაფარი გული და არ ვიცი, არ ვიცი, როგორ წავა ჩემი საქმე.

— თავს გაუფრთხილდით...

ამ ლაპარაკში კარიდან ვილაცის ხმაური მოისმა.

— სტუმარს არ მიიღებთ?

— მობრძანდით, სტუმარი ღეთისაა, — ხსართავი წინ შეეგება მოსულს.

— აქა მშვიდობა, მე ალექსი პეტროვიჩის მეძახიან, თქვენს მეზობლად ვცხოვრობ. ვიფიქრე, დიდი ქვეყნიდან ახალ ამბებს ჩამოიტანდნენ მეთქი. ხომ არ შეგაწუხებთ?

— არა, არა, როგორ გეკადრებათ, რა შეწუხებაა? პირიქით. მოზარული ვართ თქვენი გაცნობის. — ფეხზე წამოუდგა ვასილიჩი.

— ჩვენთან პატიმრებისა ეშინიათ. მე პირადად ბევრთან მისაუბრია და ძალიან ხშირად შეგხვედრივარ საინტერესო ადამიანებს. თქვენ რა დანაშაულისთვის გადმოგკარგეს ასე შორს, საიდან ხართ?

— როგორ გითხრა... პეტერბურგიდან ვარ... ქარხანაში ვმუშაობდი, მძიმე პირობებში გვიხდებოდა შრომა. სამუშაო დღე გათენებიდან დაბნელებამდე — ხელფასი გროშები, ველარ გაუძღელით არაადამიანურ შრომას და გაფიცვა მოვაწყვეთ. მოვითხოვეთ მეპატრონეს შრომის პირობები გაეუმჯობესებინა და ხელფასი მოემატებინა, მაგრამ ვერაფერს მივალწიეთ. მთავრობამ იმას დაუჭირა მხარი. პოლიცია გამოიძახეს და ჩვენი გაფიცვა სისხლში ჩაახშეს. გაფიცვას მე ვხელმძღვანელობდი. დამიჭირეს და აი აქ, თქვენთან გამომგზავნეს, — დაამთავრა ვასილიჩმა თავის ამბავი.

— მეფე ურჩობას არავის აპატიებს. აი ხომ ხედავ, ჩვენც უსამართლობას გამოვეჩქეცი. პაპაჩემი ტამბოვის გუბერნიიდან ყოფილა. ველარ აიტანა მებატონის უსამართლობა, მაშინ ჯერ ისევ ბატონყმობა იყო. ჰოდა, მებატონეს ყველაფრის უფლება ჰქონდა, მოისურვა და პაპაჩემს მეძებარ ძალღში დაუპირა გაცვლა. დამცირება ვერ აიტანა და მოკლა ბატონი. თვითონ კი ტაიგაში გაიქცა. აქ უკაცრიელ ადგილზე ნადირივით დიდხანს იმალებოდა თურმე. პაპაჩემის გარდა ტაიგას სხვებიც აფარებდნენ თავს, ზოგი ციხეს ემალებოდა, ზოგს ჯარში სამსახური არ უნდოდა და აი ასე წარმოიშვა ეს სოფელი.

— გაქცევა არ შეიძლება, ძმობილო! — სიტყვა ჩამოართვა ვასილიჩმა, — ამბობენ, მეფეს ჩქარა ჩამოაგდებენო.

ვასილიჩი და ალექსეი პეტროვიჩი ლაპარაკს შეყვნენ. ხსართაგმა ბევრი რამ ვერ გაიგო მათი საუბრიდან. ისინი ხალხის დუხჭირი ცხოვრებისათვის ვილაცას ადანაშაულებდნენ. გადაწყვიტა, სხვა დროს დაწვრილებით გამოეკითხა ვასილიჩისათვის ყველაფერი.

მეორე დღეს ხსართაგმა სადილობისას შეურჩია დრო და ვასილიჩს ჰკითხა:

— რატომ სთქვი გუშინ მეფის აუგი? რაში სდებ ბრალს?

— რაში?.. ჯერ მითხარი, რას აკეთებ შენ აქ?

— ეგ მართო ერთმა ღმერთმა იცის.

— მეფის ბრალია შენი აქ ყოფნა.

— რა შუაშია მეფე? ბოროტმა ადამიანმა ჰორი გაავრცელა... საწყალმა ბიძაჩემმაც ბრმად დაიჯერა ყველაფერი. ხიფათი მოხდა... რა შუაშია მეფე?

— არის შუაში, ხსართაგ, არის. მისი ბრალია ყველაფერი. მის მიერ განმტკიცებულ საზოგადოებაში, მის დამკვიდრებულ წესრიგში აქვს იმ ჰორს სათავე. მჯერა, ხსართაგ, შენ სავსებით ალალ-მართალი ხარ. მაგრამ, აბა დაფიქრდი, რატომ აგირჩიეს შენ მსხვერპლად და არა რომელიმე შეძლებული მაცხოვრებელი იგივე თქვენი სოფლიდან? იმიტომ, რომ ვისაც ხელში ძალა აქვს, ვისაც შეძლება მოსდევს, იმისათვის ჰორი არაფერს წარმოადგენს, მის წინაშე კანონი იხრის. მუხლს და მას შეუძლია, საითაც მოისურვებს, იქით წარმართოს იგი.

ხსართაგი დააფიქრა ვასილიჩის სიტყვებმა. თითქოს გონება გაეხსნა. მართლა, აი თუნდაც სოლიმი, აულში რას არ ამბობენ, მამა თვითონ მოკლაო, დედინაცვალაც კინალამ მუცელს გადააყოლაო, მერე ვინ არ იცის, რომ ქალიშეთი იმან შეაცდინა. თვითონ ხსართაგმაც იცის, რამდენჯერ დაინახა, წისქვილისაკენ რომ მიიპარებოდა. წადი და თქვი! ვერ იტყვი, სოლიმს ვინ რას გაუბედავს? მდიდარია და ძლიერი, კანონი მას იცავს, მაგრამ მაინც რა შუაშია აქ მეფე?

— ვასილიჩ, თქვენს სიტყვებში რალაც სიმართლე დავინახე, მაგრამ ვერ გავერკვიე, რა შუაშია მეფე, საზოგადოება, წესრიგი?

— გაერკვევი, ჩემო მზეო, შენ კარგად დამიგდე ყური.

და ვასილიჩმა აუხსნა თუ რატომაა უსამართლობა ქვეყნად. ის ცდილობდა ხსართაგისათვის ისე ეთქვა ყველაფერი, რომ სიმართლე მის გონებამდე დასულიყო. შორიდან დაიწყო ვასილიჩმა. როგორ დაგროვდა სიმდიდრე საზოგადოების ერთი ნაწილის ხელში, მეორე ნაწილი კი პირუტყვივით მათთვის შრომობს, რომ მეფეც მდიდრებს უჭერს მხარს, ხოლო თუ ხალხი გაბედავს წინააღმდეგობას, მაშინვე ცეცხლითა და მახვილით უსწორდებიან.

პირველად ჩაუფიქრდა ხსართაგი ამას. „მართლაცდა, რატომ აქვს ყუნცელს იმდენი მიწა? პურიც ბევრი აქვს, საქონელიც ბევრი ჰყავს. ხალხს კი ლუკმა არ გასდევს გაზაფხულამდე“. ახლა ვასილიჩის სიტყვებიდან ბევრი რამ გაიგო. იმისათვის, რომ მასავით უბრალო ხალხმა თავისუფლად ამოისუნთქოს, მეფის მთავრობის დამხობა ყოფი-

ლა-საჭირო, აღდარებისა და მდიდრების მოსპობის შემდეგ მიწას გლეხებს მისცემენ, ფაბრიკა-ქარხნებს მუშებს. ყველა თანასწორი იქნება. ხსართავისნაირებს ციმბირში აღარ გადაასახლებენ.

გულისყურით უსმენდა ხსართავი ვასილიჩს, მაგრამ ბევრი რამ მაინც ვერ გაიგო. მხოლოდ ერთი ჩაეჭედა გონებაში: ცხოვრება სიცრუეზეა აგებული და მისი საძირკველია დასანგრევი. მხოლოდ მის ნანგრევებზე შეიძლება ახალი ცხოვრების აშენება.

6.

ბუნება ბუტია პატარძალივით იღუშება. საცაა თოვლს ჩამოყრის. ვასილიჩი და ხსართავი გამალებით ემზადებიან ზამთრისათვის. ტალახით გაღესეს ჩამონგრეული კედლები. ალექსეი პეტროვიჩის დახმარებით შეაკეთეს სახურავი, ტყიდან ბლომად მოზიდეს ხმელი შეშა. ხსართავმა შეშა დახერხა და ოთახში კედლის გასწვრივ მეორე კედლად აიყვანა. ლოგინად თივა მოიმარაგეს.

ერთ დილით სოფლის მედუქნე გავრილ იპოლიტიჩმა იკადრა მათ ღარიბულ ქოხში მისვლა. ლოყებლადუა, სქელკისერა გავრილო ღუმელს მიეფიცხა. ოთახი დაკვირვებით მოათვალიერა და მზერა ვასილიჩზე შეაჩერა.

— გავიგე, ნასწავლი კაცი ყოფილხარ.

— დიდად ნასწავლი არა, მაგრამ ცოტა რაღაც მესმის, — უპასუხა ვასილიჩმა და ცნობისმოყვარე თვალები კითხვით მიაპყრო.

— მე დიდი განსწავლულობა სულაც არ მჭირდება. თხოვნა მაქვს თქვენთან. ბიჭს წერა-კითხვა ასწავლე... ვბერდები... დუქანი ხომ უნდა დაეუტოვო... ჰოდა, შენ თვითონ იცი... ამ გადმოკარგულ, ბნელ ქვეყანაში არც სკოლაა, არც არაფერი. წერა-კითხვა ასწავლე, ანგარიშიც, თორემ მოატყუებენ. ახლა ისეთი დროა, კაცს ცხრა წყვილი თვალი და ცხრა წყვილი ყური თუ არა აქვს, თვალებს შუა ცხვირს ამოაცლიან და ვერც გაიგებს. ასე არ არის?

— ასეა, ასე. თქვენს წინადადებაზე თანახმა ვარ. მაგრამ ხელფასზე ახლავე მოვრიგდეთ.

— ხელფასი, ჰამა-სმა. დღესასწაულებზე საჩუქრები, ხანდახან დუქანში ანგარიშსწორებაშიც მომეხმარები. ველარაფერს ვაკეთებ, ანგარიში ამერიია.

ვასილიჩი დათანხმდა. გაჭირვებამ სიბერეში მასწავლებლობა დააწყებინა. მეტი რა გზა აქვს. თავი ხომ უნდა ირჩინოს. ზამთარი მკაცრი და დაუნდობელი იცის ციმბირში. ან სამუშაოს სად იშოვი? აქ თითქმის ყველა ნადირობით ირჩენს თავს. ძირითადად ბეწვეულს ამზადებენ. ნადირობენ მეღიებზე, კვერნაზე, სიასამურზე. დათვებზე. ბეწვეულს ცკლიან ფქვილზე, შაქარზე, ბრინჯსა და მარილზე, ტანსაცმელსაც ამით ყიდულობენ, ტყვია-წამალსა და იარაღსაც. უფრო ძლიერნი და გამოცდილნი სავაჭროდ შორსაც მიდიან. როცა ვაზაფხულზე ყინული დადნება და მდინარეზე მიმოსვლა დაიწყება, ისი-

ნიც თავიანთი ნდავლით მისდევენ ბარეებს და დიდ სამრეწველო ქალაქებში ჩააქვთ ბეწვეული. უფრო ხშირად ვაჭრები ჩამოდიან, ჩამოაქვთ სამრეწველო საქონელი. ეს დღე არყიქალის მცხოვრებთა ყველაზე დიდი დღესასწაულია, იწყება ალებ-მიცემობა, რომელიც ზოგჯერ მთელი კვირა გრძელდება. ვაჭრები სრულიად იაფ ფასებში ეუფლებიან ძვირფას ბეწვეულს. მაგრამ ტაიგელი მონადირეებიც კმაყოფილნი რჩებიან. მთელი წლის საკმარ პროდუქტებსა და სამრეწველო საქონელს იმარაგებენ. ვაჭრები ცბიერი ხალხია, თან მოაქვთ არაყი, მონადირეებს ათრობენ და უწყალოდ ყვლეფენ. თითქმის მუქ-თად იგდებენ ხელში მათს ნაამაგარს.

აი ამიტომ ჰქირს აქ ცხოვრება, ვასილიჩს კი არც ნადირობის თავი აქვს და არც სხვა საქმე ჩანს. ამიტომ მიიღო ულაპარაკოდ ვაჭრის წინადადება, რაც მთავარია, სასმელ-საქმლით იქნება უზრუნველყოფილი.

— ჰო, ვასწავლი. შენ ეს მითხარი, წიგნები, რვეულები ხომ ექნება თქვენს შვილს?

— ყველაფერი. ამას წინათ ქალაქიდან ჩამოვუტანე, მაგრამ ის ძალღისწილი, სულაც არ დაინტერესებულა. ხელი არ მოუკიდია წიგნისთვის.

— კარგი, კარგი, გამომიგზავნე.

ვასილიჩი შეუდგა მედუქნის ვაჟის წვრთნას.

ერთ დღეს ხსართავს დაუძახა:

— შვილო, ხსართავ, ამ ღორისშვილს სწავლა იმიტომ სჭირდება, რომ ხვალ უკეთესად მოატყუოს მყიდველი. გადავწყვიტე, მასთან ერთად შენც გასწავლო წერა-კითხვა. უამისოდ ვერასოდეს გაიგებ ცხოვრებას. წიგნი ბევრს გეტყვის, თვალს აგიხელს. სწავლა, ძმაო, ძალაა, სადაც გაგიჭირდება, იქ ამოგიდგება მხარში. თუ წაიქცევი, წამოგაყენებს, რაც არ გეცოდინება, გასწავლის. სანამ აქ ვიქნებით, გასწავლი წერა-კითხვას.

— ბარემ, მაგას რა სჯობია, მაგრამ რა ვიცი, ვისწავლი კი?

— ისწავლი, მონდომებული ხარ, ყველაფერი გაინტერესებს. სწავლას კი მონდომება სჭირდება მხოლოდ. რა არ ხდება, აქ ხომ არ დარჩები. ერთხელაც იქნება, დაბრუნდები შინ. დაგჭირდება იქ წიგნის ცოდნა. სწავლისათვის შენ ამაზე უკეთესი დრო არ გექნება. ამ კუნძულს, მედუქნის ლეკვს, წიგნებიცა აქვს და რვეულებიც. ვისარგებლოთ ამით.

ხსართავი დაინტერესდა. ნართლაცდა, რა სიკეთეს გაუკეთებს ვასილიჩი, წერა-კითხვა რომ ასწავლოს! ვასილიჩს მოსწონს თავის მოწაფე. საქმე სწრაფად წავიდა წინ, ამას არც მოელოდა მასწავლებელი. ახლა მოწაფე და მასწავლებელი დღე და ღამეს ასწორებენ. მალე ხსართავმა დამოუკიდებლად დაიწყო კითხვა. ვასილიჩი მაინც არ ეშვება. ასწავლის არითმეტიკას, ისტორიას, გეოგრაფიას.

— გახსოვდეს, ხსართავ, — ხშირად ეტყოდა ვასილიჩი, — შენზე

ძლიერ მტერს ვერ დაამარცხებ, თუ ჰკუთ არ აჯობე, იმაზე ჰკვიანი თუ არ იქნები, მედგრად თუ არ დახვდები. მტერი ცბიერი და გაიძვერაა, დაგჯანის. საუკუნეების მანძილზე ხალხის სისხლითა და ძელებით შეუვალი ციხე-სიმაგრე აიგო და ამის იმედი აქვს. გლახმა ჯერ ვერ შეიციწო თავისი მტერი. როცა შეიციწობს, აუცილებლად შეებრძოლება. დაუნდობელი იქნება ეს ბრძოლა. ბევრი სისხლი დაიდვრება, ბევრი სიცოცხლე ჩაქრება, მაგრამ იმ ბრძოლაში გამარჯვებული გამოვა მშრომელი ხალხი, რომელიც ახალ ცხოვრებას აშენებს. ისეთ ცხოვრებას, სადაც ყველა ადამიანი ერთნაირად იცხოვრებს, სადაც მდიდრები და ღარიბები აღარ იქნებიან, სადაც ხალხს თანასწორი უფლებები ექნება. აი იმ ცხოვრების აშენებისათვის შენ და შენისთანები იბრძოლებენ. იმ საზოგადოების საფუძველი გახდება თავისუფლება, ძმობა, ერთობა და თანასწორობა. გაქრება ძალა, რომელიც ამდენი ხნის მანძილზე ადამიანის გონებას აჩლუნგებდა, მკლავის გაშლის უფლებას უსპობდა. ამ საოცნებო ცხოვრების აშენებისათვის იბრძვის რუსეთის მოწინავე საზოგადოება...

— თქვენი სიტყვები იმედით მავსებს, ვასილიჩ, მაგრამ როდის იქნება ეგ?

თვალეზში იმედის ნაპერწკალი გაუკრთა ხსართაგს.

— ჩქარა იქნება. იმ საოცარი ცხოვრების დამყარებისათვის მებრძოლთ რევოლუციონერებს ეძახიან. ისინი მომავალი თავისუფალი და ბედნიერი ცხოვრებისათვის, ხალხის კეთილდღეობისათვის საკუთარ სიცოცხლესაც არ იშურებენ. მეფე და მისი მოხელეები რევოლუციის შიშით ცახცახებენ. ამიტომ ექცევიან მკაცრად რევოლუციონერებს. იჭერენ, ციმბირში ასახლებენ, ხვრეტენ, სახრჩობელაზე ჰკიდებენ, მაგრამ მათი რწმენის გატეხვას ვერ ახერხებენ. მათ ადგილს სხვები იკავებენ. საბრძოლო დროშას სხვები იტაცებენ ხელში. შენ ახლა დიდი ვალი გაკისრია. ბევრი უნდა ისწავლო, ახალი ცხოვრების აშენებისათვის იბრძოლო. თუ გასურს მტერზე გამარჯვო, თან გაიყოლე შენსავით დაჩაგრულები. გახსოვდეს, ქვეყანა ორად არის გაყოფილი, საფუძველიც ორია სიმართლე და სიცრუე. მათ შორის სამკვდრო-სასიცოცხლო ბრძოლა გაჩაღდა და დაზავება აღარ შეიძლება, ერთი მოკვდება და მეორეს დაუთმობს ადგილს. ასეთია ბუნების მარადიული კანონი. სიცრუე მოკვდება.

გვიან ვახშობამდე ილაპარაკა ვასილიჩმა, მერე ძილი მოერია. ხსართაგს ღამე ნებისა უსურვა და ღუმელზე აძვრა. იქ თავის ლოჯიხზე გულაღმა გაიშოტა და მალე ხვრინვა ამოუშვა.

ხსართაგს კი ძილი ახლოს აღარ გაეკარა. ვასილიჩის ნალაპარაკებიდან ბევრი რამ გაიგო. ოცნებამ გაიტაცა და მთელი ქვეყანა შემოატარა. ისეთი გრძნობა დაეუფლა, თითქოს საიდანღაც სინათლის სხივი გაბრწყინდა და ხსართაგს ახალ ქვეყანაში ეპატიებდა. ერთი მხრით რაღაც

აშინებს გამოუცდელ ყმაწვილ კაცს, მეორე მხრით კი რაღაც ჩაედ-
ვარა სხეულში.

დადგა ციმბირული ზამთარი. ორი კვირა გადაუღებლივ ითოვა-
მერე გამოიღარა. საღამოთი ანდრეი პეტროვიჩი ესტუმრა მოზამთრე
პატიმრებს და ხსართავს მიმართა:

— ხვალ სანადიროდ ვაპირებთ, ხომ არ წამოხვალ?

ხსართავს თვალები გაუბრწყინდა.

— წამოვიდოდი, მაგრამ იარალი არა მაქვს. ცარიელი ხელით კი...

— იარალს მე გათხოვებ, ძველია, მაგრამ კარგად ისერის.

შეთანხმდნენ. დილით რიჟრაჟზე გადიოდნენ სოფლიდან.

ხსართავი მოეშხადა. თუ რამე ჰქონდა ჩაიცვა, პეტროვიჩის მო-
ტანილი თხილამურები მოირგო ფეხზე და არყიპალელ მონადირეებს
შეუერთდა.

ზამთრის დღე ციმბირში ერთი ამოსუნთქვაა. მზე ცის კაბადონს
დაეკიდა და დასაელეთისაკენ სწრაფად გაგორდა. მონადირეები დაი-
ლანდნენ, მოშივდათ. საღამოთი ყინვამ იმძლავრა, არყის ხეებს ჭანჭა-
ხი დააწყებინა, ძვალსა და რბილში გაატანა. პატარა მდინარეს აჰყე-
ნენ აღმა. კარგა ხნის სიარულის შემდეგ ძაღლის ყეფა მოესმათ. ბორ-
ცვის ძირში, ნაძვებშორის ლურჯი კვამლი ცისკენ მიიზღაწნებოდა.

— ჯერ ცოცხალია ბებერი. ხედავთ, კვამლი ამოდის სახლიდან, —
თქვა ერთმა შუახნის მონადირემ.

— დათვია ნამდვილი. არც ნადირისა ეშინია, ტაიგის მკაცრმა
პირობებმაც ვერარა დააკლო, — სიტყვა ჩამოართვა მას პეტროვიჩმა.

სულ მალე მიადგნენ სარკმელამდე თოვლში ჩაფლულ პატარა
ხის სახლს.

ძაღლის ყეფაზე გარეთ გამოვიდა ბეწვის ქურქმოსხმული ჯერ
კიდევ ჰარმაგი მოხუცი. თეთრი წვერი წელამდე სწვდებოდა. საოც-
რად კეთილ თვალებს რაღაცნაირ მკაცრ გამომეტყველებას აძლევდა
სქელი, ჭალარა წარბები.

მოხუცი შინ შეუძღვა მონადირეებს. აბრაგმა (ასე ეძახდნენ
მონადირეები მოხუცს), ნაძვის კვარი ააბეუტა. ოთახი განათდა. მონა-
დირეები ცეცხლს მიეფიცხნენ. აქ ყველა ისე გრძნობდა თავს, რო-
გორც საკუთარ სახლში. არ ერიდებოდნენ აბრაგს.

მონადირეებმა საგზალი ამოიღეს და სუფრა გაშალეს. პეტროვი-
ჩმა ერთი ბოთლი არაყიც ამოაძვრინა აბგიდან. აბრაგმა თევზი და
მოხარშული ხორცი მოიტანა. ვახშამი დიდხანს გაუგრძელდათ.

მოხუცი ყველას იცნობდა. გვიან შეამჩნია მან ხსართავი.

— ო, უცნობი ამხანაგიც გყოლიათ. ვინ არის? სადაურია?

— კაცისმკვლელია, ამას წინათ მოიყვანეს. — ხსართავს არ დაა-
ცადა პასუხი პეტროვიჩმა.

„კაცისმკვლელი“ — ტყვიასავით მოხვდა გულზე ხსართავს. ძა-
ლიან ეწყინა. სისხლი თვალებში მოაწვა და კინაღამ სახეში მუშტი

ხეტქა პეტროვიჩის. მალე მოეგო გონს და ისევ თავის შეკავება ამჯობინა.

მოხუცი დააკვირდა ხსართაგს. მერე მზერა ისევ პეტროვიჩზე გადაიტანა. კვარის შუქზე რამდენჯერმე დაიჭირა ხსართაგმა უცნაური მოხუცის ჩიუტი მზერა.

„რატომ მიყურებს ასე უცნაურად?“ — გაივლო გულში ხსართაგმა, და მორცხვად დახარა თვალები.

მონადირეები ძალიან დიდი პატივითა და მოწიწებით ექცეოდნენ მოხუცს. ამან კიდევ უფრო გააკვირვა ხსართაგი. ვინ არის?

დილით ღამიანად ადგა მასპინძელი, სტუმრებს მოუბოდიშა — ხაფანგს დავხედავო და სადღაც გაქრა... მონადირეებიც აიშალნენ. ყინულივით ცივი წყალი შეისხეს პირზე, ფეხზე წაიხმეს და ტაიგას მოედნენ. გუშინდელ დაგებულ ხაფანგებს ჩამოუარეს. პეტროვიჩს ორი კვერნა და ერთი მელა უწყალობა ნადირობის ღმერთმა. იმ დღეს კიდევ ერთი კვერნა და ხუთი ციყვი მოინადირეს. საღამოთი ისევ მოხუცთან დაბრუნდნენ. ის არ დაუხვდათ, სანადიროდ თუ იყო წასული. ხსართაგმა დრო იხელთა და პეტროვიჩს ჰკითხა:

— ვინ არის ეს მოხუცი? რატომ ცხოვრობს მარტოდმარტო?

— კაცისმკვლელია. გადმოსახლებული... ოცი წლის წინ ჩამოიყვანეს აქ. რამდენჯერმე გაიქცა. დაიჭირეს და ისევ უკან დააბრუნეს. მერე რა ვიცი, რა ჰქუაზე დადგა, აგერ რამდენი ხანია გაუვიდა ყავლი, თავისუფალია, მაგრამ აღარ მოისურვა შინ დაბრუნება.

— რატომ?

— რა ვიცი. რალაც დიდი დანაშაული აქვს ჩადენილი. ალბათ ეშინია...

— ვინ არის, სადაურია?

— ძნელი გამოსათქმელი სახელი ჰქვია. აქ იმ სახელით არავინ იცნობს. ყველა აბრაგს ეძახის. კავკასიელია ან ჩეჩენი ან ყაბარდოელი, კარგად არ ვიცი. ისე, ძალიან გამრჯე და მოხერხებულია. აქაურ უფროსებს შიშის ზარსა სცემს. ჩვენი ბოქაული უბატონოდ ხმის გაცემას ვერ უბედავს. ამაყია, არავის დაეჩაგვრინება. ბავშვივით სუფთა გულისაა, კეთილი, პატივისმცემელი. ჩვენებურმა მონადირეებმა თქმულებები შეთხზეს მასზე.

მოულოდნელად ძაღლის ყმული მოისმა. ხსართაგი გარეთ გავარდა, ძაღლმა დაინახა და საცოდავი წკმუტუნით მორთო.

— პეტროვიჩი, გამოიხედე, რალაც მოხდა!

პეტროვიჩი ძაღლის დანახვაზე შეკრთა.

— მოხუცის თავს ფარსავია რალაც, ძაღლი მას უბრალოდ არ მიატოვებდა. ხედავ? ნადირის დაკბენილია... აბა ჩქარა, იქნებ ვუშველოთ. — ძაღლი წკმუტუნით გარბოდა წინ. მონადირეები სირბილით მისდევდნენ.

მალე პატარა ველზე გავიდნენ. იქაურობა ნაომატს ჰგავდა. სისხლით მორწყული თოვლი შავად მოჩანდა. სასულე გადალრღნილი

უშველებელი მგელი გულადმა ეგდო. მიხვდნენ, ეს აბრაგის ძაღლის ნამოქმედარი იყო. მაგრამ თვითონ მოხუცი რა იქნა? ძაღლი ისევ წინ გაიქცა. მდინარის პირზე საშინელი სურათი დაინახეს. მოხუცს მგლისათვის ყელში წაჭერილი დარჩენოდა თითები, მკვდარი მგელი ქვეშ მოექცია გრძობადაკარგულს. პეტროვიჩმა მოხუცს მგლისათვის წაჭერილი ხელი გაუთავისუფლა. გადმოატრიალა, სიცოცხლის ნიშანწყალი აღარ ეტყობოდა. პეტროვიჩმა ხსართაგი მოიხმარა. თოვლით დაუხილა სახე, ხელები, კრილობები შეუხვიეს. გვიან გაახილა თვალი. სიარულის თავი არა ჰქონდა დასუსტებულს, ხსართაგმა თვალის დახამხამებაში არყის ხის ტოტებისაგან საკაცე შეკრა. ზედ ფრთხილად დააწვინეს მოხუცი და შინ წამოიყვანეს.

მალე ჩამოხედა. პეტროვიჩი და ხსართაგი დაილაღნენ, ფეხის გადადგმის თავი აღარ აქვთ. ამას ისიც დაემატა, რომ ქარიშხალი ამოვარდა და ნაბიჯი აღარ გადაადგმევინა წინ. რა ქნან? ღამით ტაიგაში ცის ქვეშ დარჩენა სიკვდილს უდრის.

— გაჩერება არ შეიძლება, ხსართაგ, დავიღუპებით, — გააფრთხილა პეტროვიჩმა. უკანასკნელი ძალა მოიკრიბეს, მიდიან. მიდიან და აღარ თავდება გზა. ძაღლი წკაფწკავით ურბენს გარს. მიახვედრა, გზას რომ ასცდნენ. საკაცე თოვლზე დაუშვეს, აღარ იციან, რა ქნან, საით წავიდნენ?

მოხუცმა თვალი გაახილა. მიიხედ-მოიხედა, მიხედა რაშიც იყო საქმე.

— გზა აგრევიათ. აღმართზე გიცვლიათ გვერდი, ხეობას ძალიან დიდი მანძილით დაშორდით.

მოკლე გზა უჩვენა. ისევ ასწიეს საკაცე. ისევ გაუდგნენ გზას. ქარიშხალმა ჩქარა გადაიარა. გზა გამოჩნდა. ერთი წუთით შეისვენეს.

საკაცე ციმციმ ასწიეს. გზაში ერთიმეორეს ენაცვლებოდნენ. შუალაშე გადასული იქნებოდა, სამშვიდობოს რომ გავიდნენ.

დილით ისევ ადრე ადგნენ მონადირეები და წავიდნენ. პეტროვიჩი არ გაჰყვა მათ. მოხუცი ცუდად იყო. ღამე ხურევა დაეწყო და დილაშე არ განელებია.

ერთ კვირაზე მეტს დარჩნენ იქ მონადირეები. ნადირობაში ხელი მოემართათ. ყოველ საღამოთი მოჰქონდათ ციყვები, კვერნები, მელიები. ტყავებით გაივსო სათავსი. ის კი არა, სამი შავი მელაც მოკლეს. მაშინ გაიგო ხსართაგმა, რომ ბეწვეულში შავი მელა ყველაზე ძვირად ფასობდა.

საგზალი შემოელით, აღარც ტყვია-წამალი ჰქონდათ. თანაც ამინდი ისევ აირია. თოვა დაიწყო და აბა რალას დაუდგებოდნენ მონადირეები. ტყავები დახარისხეს, კონებად შეკრეს და სოფელში ჩამოიტანეს. მოხუცი ჯერ ისევ სუსტად იყო. სიცხე დაუვარდა, მაგრამ ადგომა არ შეეძლო, ამიტომ პეტროვიჩი დარჩა მასთან.

სამი თუ ოთხი დღის შემდეგ პეტროვიჩი სოფელში დაბრუნდა. ხსართაგმა მოხუცის ამბავი ჰკითხა.

— ვერ არის კარგად. მე მეტის მოცდა აღარ შემეძლო და წამოვედი. ნეტავ რამდენიმე დღით შენ წასულეყავ, ხსართაგ. მაინც არაფერი საქმე გაქვს.

ხსართაგს გაეხარდა კიდევ. რაღაც გამოუცნობე სურვილი დაეუფლა, დაწვრილებით გაეგო მოხუცის ამბავი. ვინ იყო ეს მამაცი, მტკიცე და კეთილი მოხუცი? მით უმეტეს, რომ კავკასიელი ყოფილა.

მეორე დღეს პეტროვიჩის ძველ ტყავის ქურქში კარგად ჩაიფუთნა და დილაადრიან გაუდგა გზას.

გზა კარგად ახსოვდა. თხილამურებითაც უკვე საკმაოდ სწრაფი სრიალი ისწავლა. ტყის სიღრმეში თითქოს მხრებიდან მძიმე ტვირთი მოეხსნა და ბორკილებიდან გათავისუფლდაო. შევებით ამოისუნთქა.

მზე ჭერ ისევ მაღლა იყო, მოხუცის სადგომს რომ მიადწია. ძლივს გააღო კარი. თოვლს თითქმის თავამდის მიენამქრა ქოხი.

მისი დანახვა ძალიან გაუხარდა მოხუცს.

— ღმერთმა გადღეგრძელოს, შვილო, გაიხარე, როგორც შენი მოსვლით მე გამახარე. — საწოლში წამოჯდა და ლუმელისკენ მიუთითა. — ცეცხლთან მიდი, ჩემო მზეო, მთლად გაყინულხარ.

— იწექით, იწექით, მე არაფერიც არ მიჭირს.

• მოხუცი მაინც ადგა.

— ახლა არა მიშავს რა. ძალლი კოკლობით არ მოკვდებაო, ხომ გაგიგონია. პო მართლა, დიდად დავალებული ვარ თქვენგან. იმ დღეს ნამდვილად გავიყინებოდი, სწორედ სულზე მომისწარით.

— ჩვენ რა... აი თქვენ, საიდან გაქვთ ასეთი დიდი ღონე, ხელით როგორ დაახრჩვეთ მგელი?

— ხაფანგი მქონდა დაგებული. ერთი გაება, წარმორდგინე. მეორემ არ მიატოვა. შემთხვევით წავადექი თავზე. ველარც სროლა მოვასწარი. ძალღმა დამასწრო, ხაფანგში ვაბმულს ეცა. მეორე კი პირდაპირ ზედ შემომახტა.

— ჩემმა მზემ, შეენატრი თქვენს ღონეს. აი მე, მგლებისა ისე შემეშინდა...

— ე, შვილო, სადღა მაქვს ღონე. ჩემი ყავლი გავლიე, ღონეც წამერთვა და ჭანიც. გათბი კარგად, მე ვახშმის თადარიგს დავიჭერ, — თქვა მოხუცმა და გარეთ გავიდა.

ხსართაგმა ოთახს თვალი მოავლო, იმ დღესაც იყო აქ, მაგრამ ახლა თითქოს ყველაფერი პირველად დაინახა. ნაძვის მსხვილი მორებით ნაგები კედლები. გვერდით რუსული ლუმელი, ლუმელის თავზე მოხუცის საწოლი, შუაში ფინგი. გვერდით კალათჯინი, სხვა სკამებიც ასეთივე. სპილენძის ქვაბის გარდა, პინები, კოვზები, თაბახი, ყვე-

ლაფერი ხისა, ის კი არა, წყლის კასრიც კი ხელით ნაკეთი, აი სწორედ ისეთი, მთაში რომ იციან.

მოხუცი შემოვიდა და დამარილებული ხორცი შემოიტანა.

— ვამარილებ ხოლმე, ხომ იცი, მონადირეს ყოველთვის არ ემართება ხელი. ასე კი მთელი წელიწადიც რომ იყოს, არ ფუჭდება, — ჩაილაპარაკა მოხუცმა და სპილენძის ქვაბით ხორცი ცეცხლზე შემოდგა. — ბარემ ვიცი, შენისთანა სტუმარს როგორ უნდა დახვედრა, მაგრამ ხელმოკლეობას მოუკვდეს პატრონი...

— ნუ წუხდებით, — დაირცხვინა ხსართაგმა.

ლუმელში ცეცხლი ღუღღუღებს. სპილენძის ქვაბიც თუხთუხებს. მოხუცი ტახტზე წამოწვა. ეტყობა, ჯერ ისევ სუსტად არის. ხსართაგიც ცნობისმოყვარეობით იწვის, რას ნიშნავს ეს ოსური ქურჭელი? თვითონ ამ მოხუცის გარეგნობაშიც რაღაც ახლობელი და მშობლიური დაინახა. უნდა ჰკითხოს. რამდენჯერმე პირიც დაალო, მაგრამ ხმა ვერ ამოიღო. მოხუცმა თვალი მილულა და ხსართაგი მოერიდა მის შეწუხებას.

ოთახში ღუმელი გამეფდა, მხოლოდ ცეცხლის ტკაცატკუცი და ქვაბის თუხთუხი არღვევს მყუდროებას.

გარეთ ქარიშხალი მძვინვარებს. ო, ო, აქ რომ სიცივე და ყინვა იცის, ალბათ ჯოჯოხეთშიც არ იცის ასე, ბოროტია ყინვა, არავის ინდობს და თუ იმძლავრა, ყოველ სულიერს ყინულად აქცევს.

იმ დამეს ქარიშხალი არ დამცხრალა, მშვიერი მგელივით ღმუოდა. ხან ერთი მხრიდან მოაწყდებოდა სახლს, ხან მეორედან. შინ შემოვარდნას ლამობდა. რომ ვერას გახდა, გაბოროტებულმა ფრთებით ახვეტა მთელი გორა თოვლი და მოხუცის სახლი წანამქრა.

ქარიშხლის ღმუილმა ხსართაგს ძილი დაუფრთხო. ერთხანს მოხუციც გადააიწყდა და იმის სახლიც, ნალველი მოერია. მოეჩვენა, თითქოს ქარიშხალი თავისი გაღესილი კბილებით გულის ამოსაგლეჯად ჩასწვდა. და აი გული იყინება, ქარიშხალი კი წანამქვრით ემუქრება და ეს ხომ იმას ნიშნავს, რომ თავისი ახალგაზრდობის ოცნებები აქ, ციმბირის მიწაში დამარხოს.

არა, არა, უნდა გაძლოს და შინ დაბრუნდეს, ნალყუთას შეპირდა, რა უფლება აქვს პირობას გადავიდეს. გავა გრძილი ღამეები. ზამთარს გაზაფხული შეიცვლის და ისიც რაღაცას მოახერხებს, გაიქცევა, გაიქცევა და მთებს შეაფარებს თავს... მშობლიურ მთებს. იქ ყველაფერი ნაცნობია მისთვის.

ფიქრმა დაღალა, როდის გათენდება. დილით ისევ სოფელში წაჯა. ვასილიჩიკ მარტოა. ეს ბერიკაცი რაღაცნაირად უყურებს... ღმერთმა დაიფაროს ამასთან ცხოვრება. არც არაფერს ამბობს. მარტო უყურებს, თითქოს ვიღაცას ამსგავსებს და ვერ მოუგონებიაო.

ძილმა თავი წაართვა. უცნაური სიზმარი ნახა. თითქოს თავის აულშია: ბიჭები თედოთიყაუს ციხის გვერდით მწვანეზე წამოწოლილან და მღერიან.

აგუბემ წამოიწყო სიმღერა, სხვებმა აიტაცეს. ეს ხომ ბათას ბიჭების სიმღერაა. მღერის ხსართაგი. ხედავს მწყემსი პირუტყვს მიერეკება. ძროხები ხბორებს ბლავილით აგებინებენ დაბრუნებას. მზემ თავის ოქროს სხივები სათითაოდ წამოკრიფა და სწრაფად მიეთარა გორას.

აგერ გოგოები წყაროდან აულში ბრუნდებიან. ბიჭებს გაუსწორდნენ და ყველაზე თამამა წყლით გაწუწა ისინი. ისმის ერთი სიცილი-კისკისი. აგერ ნანა. წყლის კასრი წამოუკიღია და გოგოებს მოსდევს. ხსართაგს თვალით ყველაზე ლამაზზე უჩვენებს. გოგომ მოიხედა. ო, ღმერთო დიდებულო!

ნალყუთა!

სიმღერა ცხადად ესმის ხსართაგს. სიზმარია თუ ცხადი. თვალი გაახილა. ყური მიუვლო. სიმღერა შეწყდა. ხსართაგი პირველად ვეო მიხვდა, სად იყო, საიდან ესმოდა თავიანთებური სიმღერა. შეწყდა სიმღერა და გაქრა ოცნება. ცივმა ოფლმა დაასხა. კინაღამ დაიყვირა. შეშლილივით წამოვარდა და მოხუცთან მიიჭრა.

— ვინა ხარ? სადაური? — იყვირა მან.

მოხუცი ტიროდა. ცრემლები პერანგის სახელოთი შეიწმინდა, მერე ხსართაგი შვილივით ჩაიკრა გულში.

— ღმერთო დიდებულო, მადლობას გწირავ, ისე არ მოვკვდი, კიდევ არ გამეგონა მშობლიური სიტყვა! არ ვყოფილვარ მთლად განწირული.

ხსართაგი ენაჩავარდნილივით იდგა და არ იცოდა რა ექნა, ეტირა თუ ეცინა. კარგა ხნის შემდეგ მოიკრიბა ძალა და მოხუცს შეეკითხა:

— რა ჩაიღინე ისეთი, სიბერეში ამ დაკარგულ ქვეყანაში რისთვის გადმოგასახლეს?

მოხუცმა თავი ხსართაგის მკერდში ჩამალა და გზა მისცა ცრემლებს. ვინ იცის, რამდენი წელი გროვდებოდა ეს მწველი ცრემლი მის გულში. აი ახლა დაიწურა მოხუცის ნატანჯი გული.

— ოცი წელი... მთელი ოცი წლის მანძილზე პირველად გავიგონე ოსური სიტყვა... პირველად ვხედავ ჩემიანს, ჩემს სისხლსა და ხორცს, — ნაწყვეტ-ნაწყვეტ ლულულეებს მოხუცი. — ვგრძნობდი, რომ ისე არ მოვკვდებოდი, ჩვენებური არ მენახა, არ მინდოდა ისე სიკვდილი, რომ ჩემს მამისერთას ჩემი ამბავი არა სცოდნოდა. ო, დიდება, შენდა, მალალო ღმერთო, შეისმინე ჩემი ვედრება. მაშინაც დავეპყვდი, ვილაცას მიგამსგავსე... მაგრამ ველარ მოვიგონე, ვის?.. ვერკ შეგეკითხე, გამიჭირდა. ეს დღეები სულ შენზე ვფიქრობდი. პეტროვიჩს ვზხოვე, როგორმე კიდევ მაჩვენე-მეთქი.

— მეც ვიფიქრე, ეს ფინგი, კალათჯინი, ჩვენებური წყლის კასრი... ხანჯალა დანა, და თქვენ თვითონ...

— ვინა ხარ, შვილო, საიდანა ხარ? რამ გადმოგადგო ამ ჯოჯოხეთში?

— ვილაცის ბოროტი ენით დაიღვარა სისხლი... — და სიტყვა გაუწყდა.

— დაიღვარა სისხლი! — ამოიგმინა მოხუცმა. — ისედაც ერთი მუქაა ოსი ხალხი, რომელსაც თავიდანვე უბედურება დაებედა. ამა-საც არ ვემარობთ და ერთმანეთს ხანჯლის წვერით მივერეკებით საფლავისაკენ.

ხსართაგს ჰირის ოფლმა დაასხა, თითქოს მოხუცის წინაშე თავს იმართლებსო, თქვა:

— ბოროტი ენა იყო დამნაშავე.

— ბოროტებრიც არ გვაკლია. რომელი აულიდან, ვისი ბიჭი ხარ?

— თედოთიყაუ გაგიგონიათ? იქაური ვარ, ხსართაგი მქვია, გვა-რად ბესოლთი.

მოხუცის თვალები ნალვერდალივით ეცა ხსართაგს:

— მოიცა, მოიცა, თუ თედოთიყაუდან ხარ, თანაც ბესოლთი, ხასანასა და ბარსაგს არ იცნობ?

— ბარსაგი მამაჩემია, ხასანა... — ველარ დაამთავრა ხსართაგმა, გულმა ისე შემოჰკენესა ხასანას ხსენებაზე, ეგონა, საცაა გამისკდებო.

— დიდება შენდა, უფალო! ბარსაგის ბიჭი არ მინდოდა დაჯერება, თორემ მიგამსგავსე, ბარსაგს მიგამსგავსე. ილაპარაკე, შეილო, მითხარი, ზარინა როგორ არის? ჩქარა, ჩქარა თქვი, მოთმინება აღარ მყოფნის!

ხასანასა და ზარინას ხსენებამ ხსართაგს ძარღვებში სისხლი გაუყინა. გული თითქოს გაუჩერდა. ვინ არის ეს ბერიკაცი? რატომ შეეხო მტკივნეულ ადგილს? ერთი წუთით თითქოს ცეცხლი წაეკიდა. თავში ათასი აზრი შხამიანი გველის წიწილებივით აირია და ერთმანეთს წაეკიდნენ.

— მაპატიე, ბერიკაცო. შენ თვითონ ვინა ხარ, საიდან იცნობ ხასანასა და ზარინას, მამაჩემს?

მოხუცს თვალები გაუბრწყინდა.

— მამა ვარ ზარინასი... ძანგი ვარ, ბიჭო, არ გაგიგონია?!

— შენ? ზარინას მამა?!. არ ჰყავდა ზარინას მამა. ხშირად ტიროდა ზარინა...

— ჩემი მამისერთა გოგო...

— მერე სად იყავ? რატომ არ მოდიოდი ჩვენთან?

ძანგმა დაწვრილებით უამბო თავისი ამბავი. ყველაფერი — ელოითი აღდართან მოჯამაგირობა, აგუნდას გატაცება, ზარინას დაბადება. მერე აგუნდას სიკვდილი. ზარინას და ხასანას სიყვარული. ძანგი ტიროდა. თავის სიცოცხლეში მესამედ ყვებოდა საკუთარ თავგადასავალს — პირველად იქ, ცარგასბაღანში გაბოს მოუყუა, მეორედ მთის ძირში ხასანას და ახლა აგერ ხსართაგს უყუება.

ხსართაგი აღარ ეჭვობს, რომ მოხუცი ძანგია ზარინას მამა.

— კი მაგრამ, განა რა ჩაიღინე ისეთი, ამდენი წელი რისთვის გადმოგასახლეს?

ძანგმა უცბად არ უპასუხა, ჩაფიქრდა, მერე ისე ამოიოხრა, თითქოს გული თან ამოაყოლო.

— ეგ გრძელი ზღაპარია, ჩემო მზეო, მაგრამ რაკი გაინტერესებს, ყველაფერს გეტყვი. დამე დიდია, ზამთარი უსასრულო, რა გეჩქარება, გეტყვი. ჭერ ვივახშმოთ.

ივანშემეს. მერე ძანგმა კვარი გამოცვალა, ღუმელზე დაგებულ თივაზე მიწვა და მოყოლა დაიწყო:

— რაკი ჩემი ზარინა მარჯვე ბიქის ხელში ჩავარდა, ვიფიქრე, ბედნიერი იქნება და ჩემი დანხარება აღარ დასჭირდება-მეთქი. ჭავრის ამოყრის საშუალება მომეცა. ჩემი ჭავრი კი დიდი იყო. ვისგანაც ჭავრი დამიგროვდა, ისინიც ბევრი იყვნენ. მე კი ერთი. ოთხი ცეცხლივით ბიჭი შევიერთე, ისინიც აღდარის უსამართლობას გამოქცეოდნენ. იმხანად, შენ პატარა იყავი, მაგრამ იქნება გაგიგონია ყაჩალი ყასაი. მე მეძახდნენ ყასაის. შიშის ზარს ვცემდი მთელი ცხინვალისა და გორის მაზრის თავადაზნაურობას. არც პოლიციას ვაკლებდით ხელს, ძალღებევით ვხოცავდით. მიზანს ხედებოდა ჩვენი ტყვია, არ გვატყუებდა თვალი. მდიდრებს ვართმევდით და ღარიბებს ვაძლევდით. ქვრივ-ობლებს, ღარიბ-ღატაკებს მფარველობას არ ვაკლებდით. დასაჭერად დაგვსდევდნენ. ათას მანეთს ჰპირდებოდნენ, ვინც ჩვენს თავს პოლიციას ჩაუტდებდა ხელში. მაგრამ ფხიზლად ვიყავით. ხალხი გვეხმარებოდა. მომხრეები თითქმის ყველა აულში გვყავდა.

მაგრამ გამოჩნდა მთავრობის დამხმარე, მოლაღატე, არარაობა. ჩვენი სამყოფელი მთავრობას შეატყობინა, უბედურმა გამდიდრება მოინდომა. ყაზახებმა ალყა შემოგვარტყეს, გაგინარია, ისინი ველურტეთ, მაგრამ არც ჩვენ დაგვადგა კარგი დღე. ამხანაგები დამიხოცეს, მე კი მძიმედ დაჭრილი დამიჭირეს, ათი წლით ციმბირში გადასახლება მომისაჯეს. ციმბირში რა გამაძლებინებდა, გავიქეცი. ისევ დამიჭირეს, ისევ გადმომასახლეს, მას შემდეგ ათჯერ ვცადე გაქცევა, არც ერთხელ არ გამიმართლა. სად არ ვიყავი, მტკაველ-მტკაველ გადავზომე მთელი ციმბირი, ვის არ შეეხვედრივარ აქ. ნამდვილ ადამიანებს. ნაძირალებს. ერთი წისქვილი არ დაბრუნებულა ჩემს თავზე, სხვა ყველაფერი გამოვცადე.

ჰე, ასე, ჩემო მზის სხივო, ტკბილი ყოფილა სიცოცხლე. ხომ ხედავ, ახლა სად ვცხოვრობ? სამი წლის წინ მოვხვდი არყიქალაში. წინათ სხვა სოფელში ვცხოვრობდი, იქ უნდა მომეხადა სასჯელი. ნადირობისას აქ შემთხვევით მოვეხეტე. ამ ადგილმა რატომღაც ცარგასბადანის ხეობა გამახსენა, სადაც მე და აგუნდა დავსახლდით და სადაც თითქმის ოცი წელი გავატარე. პატიმრობის ყველი გამოვიდა, მაგრამ სამშობლოში დაბრუნება გადავიფიქრე. დავრჩი აქ. ეს პატარა ჩვენებური სახლი დავდგი და დავსახლდი. ხალხს მოვწყდი. სულ მარტო დავრჩი ჩემს წარსულთან, მოგონებებითა ვცოცხლობ, არა-

ვინ მაწუხებს, არც არავის ვაწუხებ. შევეჩვიე მარტობას და ასე უფრო მიადვილდება ცხოვრება. აქ ყველაფერი ჩემს ახალგაზრდობას მაგონებს. ლამაზი ოცნება დიდი ხანია ჩაქრა, მაგრამ ფიქრს ვინ დაშლის. წარსულის მოგონებებით ვიმოკლებ სიცოცხლეს. ძნელია აქ ცხოვრება, მაგრამ რა ვქნა, ხომ გითხარი, ასე მირჩევნია.

ხანდახან ვიტყვი, დავბრუნდე შინ, მაგრამ სად? ვისთან? არც სახლი მაქვს, არც კარი, არც მშობლიური აული. ჩემს ქალ-სიძესთან? იმათი იმედი მაქვს, ლუკმას არ დამამადლიან, მოვკვდები და დამმარხავენ. მაგრამ მეშინია, იქ ალბათ ჭერ არ დავიწყებიათ ყასაის სახელი. ძალიან შევავიწროვე მაშინ თავადაზნაურობა, პოლიცია. მეშინია, ჩემს შვილებს უსიამოვნება არ მივაყენო. არადა, მათთვის მე დიდი ხანია მკვდარი ვარ. რა საჭიროა, საიქიოდან დაბრუნება, ხელახლა დამარხვა, ტირილი, გლოვა? აქ, მართალია, ძალიან მიჭირს, მაგრამ სახლი მაქვს, სასმელი არ მაკლია და საჭმელი, ნადირით საცსეა ტყე, არც არავისი მეშინია, არც არავინ მაწუხებს. იქ, ჩვენთან, ციმბირზე უარესია, თუმცა მე აღარაფერზე ვნადვლობ. ცხოვრებაც გაფრინდა. ერთი სურვილი მკლავს მხოლოდ. ჩემი ზარინასთვის შორიდან მაინც მომაკვრეინა თვალი...

აი, ჩემო კარგო, ეს არის ჩემი ამბავი, ახლა მაინც მითხარი, როგორ არის ჩემი შვილი? როცა მოვკვდები, დედამისი მკითხავს მის ამბავს, რა ვუთხრა?

დაამთავრა ძანგმა თავის სამწუხარო ზღაპარი და ხსართავს პირდაპირ თვალეში შეხედა.

ხსართავს თმა ყალყზე დაუდგა. ძანგი ზარინას ამბავს ეკითხება. რა უთხრას? ორი დღის სიცოცხლედა დარჩენია და ერთი სიტყვით როგორ მოუსპოს?

— რატომ არაფერს იტყვი, ხსართავ, ხომ არაფერი... — შეშფოთდა ძანგი.

— არა, ღმერთმა დაიფაროს, ზარინა კარგად არის, ძალიან კარგად, შენმა ნაამბობმა ჩამაფიქრა.

— ღმერთმა სიცოცხლე მოგცეს, — შვებით ამოისუნთქა ძანგმა და ისევ მუდარით შეხედა ხსართავს. — ილაპარაკე, მითხარი ყველაფერი, ხომ იცი, რამდენი ხანია თქვენი ამბავი არ გამიგია.

— ყველანი კარგად არიან. მამაჩემი ავადმყოფობს, მხოლოდ. ზარინა ყველას უყვარს. ხასანაც... ძალიან ტკბილად ცხოვრობენ. შვილი ცოტა გვიან ეყოლათ... მე რომ იქ ვიყავი, ერთი ბიჭი ჰყავდათ. — ძლივძლივობით აბამს ლაპარაკს თავს ხსართავი, მისი სიტყვები ძანგს სიცოცხლეს მატებს, მაგრამ იგივე სიტყვები ხსართავის გულს სადგისივით ჩხვლევს.

აქამდე გაზაფხულის მოლოდინით ცოცხლობდა ხსართავი, ძანგის შეხვედრამ და იმან, რომ სიმართლე დაუმალა, სულ მოადუნა. გულზე ლოდი აწვა და დღითი დღე აღნობდა, ათი წლით ციმბირში გადასახლება ისე არ გასძნელებია, როგორც ის, რომ მოხუცს მოატყუა,

სიმართლე დაუმალა, პირდაპირ შეხედვას ველარ ბედავს, ეშინია, თუ-
ლებმა არ გასცენ.

ერთხელ ძანგი შეეკითხა:

— ხსართავ, რატომ არ მეტყვი, რა გაწუხებს, ამ თვალუწვდენელ
მხარეში მართო მე და შენა ვართ ოსები, ისიც ნათესავეები, რას მი-
მალავ, შეილო? პატარა რომ იყავი, ვინ იცის, რამდენჯერ იჯდებოდი
ჩემი ზარინას კალთაში.

ხსართავმა ძლივს შეიკავა თავი. კინალამ ხმამაღლა აღრიალდა.
მართლაც დედასავით უყვარდა ზარინა. ახსოვს ხსართავს, პატარა
რომ იყო, სულ თან დაჰყავდა ზარინას. ხან ხელში ეჭირა, ხან სურ-
გზე ეკიდა... მოუნდა ძანგის წინ მუხლებზე დაცემა და სიმართლის
თქმა, მაგრამ ეს ხომ ბერიკაცის სიკვდილს უღრიდა. და თავი შეიკავა.

— უნდა გავიქცე, ძანგ!

ძანგი ტახტზე წამოწვა. თვლები ჰერს მიაშტერა. კარგა ხანს
ხმა ვერ ამოიღო. ეტყობოდა, თავის თავს ებრძოდა, მერე ხმელი
ფოთლისფერი ტუჩები შეარხია და ძლივს ამოღერდა:

— მტკიცედა გაქვს გადაწყვეტილი?

— ჰო, აუცილებელია ჩემი შინ დაბრუნება...

— მე ათჯერ მაინც ვცადე, ვერც ერთხელ ვერ ჩავალწიე, შუა
გზიდან უკან მობრუნებდნენ.

— დამაბრუნონ, დამხვრიტონ, ასო-ასო ამკუწონ, ცეცხლში ჩამავ-
დონ, მე მაინც გავიქცევი...

— რომ ვერ შეძლო, მეშინია... აქედან აღვილი არ არის გაქცევა.
გაუვალი ტყეები, მეტად ვერაგი ჭაობები, მშვიერი მგლების ხროვა,
მეფის მეძებრები. ან ერთს ჩაუვარდები პირში, ან მეორეს. საბუთი
გინდა, შეილო, საბუთი, მაგრამ სად არის, ვინ მოგცემს. სამჯერ მი-
ვალწიე რკინიგზამდე, თავი რომ სამშვიდობოს მეგონა, მაშინ ჩამომ-
სვეს მატარებლიდან.

— არ მინდა მატარებელი, ფეხით ვივლი.

— ეჰ, შეილო, როგორ გეტყობა, გამოუცდელი რომ ხარ. აქედან
ჩვენამდე ფეხით ვერ ჩავალწიე, ჩემო მზეო. თუ მტკიცედა გაქვს გა-
დაწყვეტილი გაქცევა, მაშინ სხვა რამ უნდა მოვიფიქროთ. მაგრამ
იცოდე, აქედან რომ გაიქცე, იქ მაინც საფრთხე გელის.

— ყაჩაღად გავვარდები და ყასაივით მეც სახალხო გმირი გავხ-
დები, არც მე შევარჩენ ჩემს ჯავრს მტერს.

— ყაჩაღს მხოლოდ ორი გზა აქვს, ხსართავ, ან მტრის ტყვია მი-
ეწევა, ან აქ მოვა.

— თუკი ჯავრს ამოვიყრი, შურს ვიძიებ, აქ ყოფნას აღარაფრად
ჩავთვლი.

— შურის საძიებელნი ბევრნი არიან, სად გეყოფა ძალა?

— მეყოფა...

— ყური მიგდე, ხსართავ, ოდესღაც მეც შენსავით ვფიქრობდი,
მეგონა, გავწყვეტიდი იმათ, ვინც მე დამჩაგრავდა და დავმშვიდლებო-

დი. ასეც მოვიქეცი, ძანხოთზე მწარედ ვიძიე შური. სიკვდილი სანატრელი გავუხადე, ჩემსავით გავალატაკე, მაგრამ რა გამოვიდა აქედან? მეგონა, მისი მამული ხალხს დარჩებოდა, სინამდვილეში კი სულ სხვა მოხდა. ელოთი ძანხოთი მოვაშორე ხალხს, მისი ადგილი სხვამ, უფრო ძლიერმა აღდარმა დაიკავა. რა შეიცვალა ხალხისათვის? არაფერი. ერთი მგელი მეორემ, უფრო ძლიერმა და გაუმადლარმა შეცვალა. ჩემსავით ლატაკი და უქონელი ხალხი ერთი ულლიდან განთავისუფლდა, მაგრამ მაშინვე მეორე უღელი დაადგეს ქედზე.

— ჯავრი ხომ ამოიყარე.

— ამოვიყარე, ეგ მართალია, მაგრამ სხვებს რომ ვერაფრით შევუმსუბუქე მდგომარეობა? თანაც ახლა სხვა მტერი გავიჩინე, ბოქაულმა ჩაფრები მომიხია. მეძებარი ძალღივით მომყვა კვალზე. მოვკალი ბოქაული. მის მაგიერ სხვა დანიშნეს. იმ პირველზე უფრო უარესი სისხლისმსმელი, ისიც პირველს მივყაოლე... და რამდენი სხვა?.. დღითი დღე ვიმრავლებდი მტერს, ჯავრი არც მე შევეჭამე, გაგიხარია, მე იმათი სისხლით გული ვიჭერე. მაგრამ მაინც რა გამოვიდა, კიდევ რამდენი დამრჩა უვნებელი. ჩამიგდეს ხელში და აი სად ამომაყოფინეს თავი. მაინც, მადლობა ღმერთს, ვერ გაიგეს, ვინა ვარ. მე ხომ სრულიად უბრალოდ ჩავვარდი. ის რომ გაეგოთ, აბრაგი ყასაი ვიყავი, სახრჩობელა არ ამცდებოდა. არა, შვილო, არა, შენ როგორც ფიქრობ ბრძოლას, ეგ გზა არ გამოდგება. ყაჩაღობით ვერაფერს გახდები, პირიქით, შენი გულისათვის ხალხს შეაწუხებენ.

— არაფერი მესმის შენი, ძანგ, ჩვენებურად მითხარი, მაშ როგორ? რა გზას დავადგე?

— ეჰ, ჩემო ხსართაგ, შენ გგონია, მე თვითონ კი მესმის? ჭკუა შეზღუდული მაქვს, ენა ბლაგვი, მაგრამ აქ ბევრ ჭკვიან პატიმარს შევხვდი. მეფის მთავრობა სწორედ აქ გზავნის ჭკვიან ხალხს. მათ, ვისიც ეშინია, ვინც მის წინააღმდეგ გაბედავს ხმის ამოღებას, აქ მარხავს. ახლა ვიცი, პირადი შურისძიება ხალხის ცხოვრებაში ვერაფერს შეცვლის. მეფის მთავრობა უნდა დაემხოს. ამისათვის კი დიდი ძალაა საჭირო. თუ ერთიანად აღსდგნენ ჩაგრულნი, მაშინ მათი მომრევი აღარავინ იქნება. ეჰ, ახლა რომ შენი ტოლი ვიყო, მე ვიცი, როგორც ვიბრძოლებდი, მაგრამ რაღაი, ჩემი ღღეები დათვლილია, აღარც მკლავი მიჭირს და აღარც მუხლში მაქვს ღონე. ბევრი რამ გამიგონია „ბუნტოვჩიკებისგან“, მართალია, ძნელია ყველაფრის გაგება ჩემთვის, ისინი ნასწავლი ხალხია, მე კი, ხელის მოწერა ძლივს ვისწავლე. მაგრამ ის კი გავიგე, რომ თავისუფლების მოპოვება მხოლოდ ბრძოლით შეიძლება. ცხოვრება სხვა გზით უნდა წავიდეს.

ასე, ჩემო ძვირფასო, აბრაგები მარტო საკუთარი ჯავრის ამოყრით იფარგლებიან, ისინი მხოლოდ პირად მტრებს ებრძვიან, მაგრამ ზოგი შურისძიებასაც ვერ მოასწრებს, ისე გამოასალმებენ სიცოცხლეს. ასე არ ვარგა, მთავარია, საერთო მტერი დამარცხდეს. ამისათ-

ვის კი ხელმძღვანელია საჭირო. მჭერა, გამოჩნდება ძალა, რომელიც თან გაიყოლებს ჩაგრულ ხალხს და ხალხი ბრძოლით მოიპოვებს ადამიანურ უფლებას. მაშინ აღარ იქნება ქვეყნად უსამართლობა. მე მჭერა ეს და შენც დაიჭერე, ეგ გზა გავლილი მაქვს. მესმის შენი. მეც ეგრე ვფიქრობდი, გვიან ჩავწვდი ქეშმარიტებას. ჰკვიანი ხალხი დამეხმარა, უბრალო ენით მიხსნიდნენ, მასწავლიდნენ. გმობდნენ ჩემებურ ბრძოლის გზას და მივხვდი, ისინი მართლები იყვნენ. წელანაც გითხარი, შენი ტოლი რომ ვიყო, მე ვიცი, როგორც ვიბრძოლებდი, მაგრამ ახლა რა, ძალიან დავბერდი, მოვტყედი. შენ? შენ უნდა იბრძოლო ხვალინდელი დღისათვის. ყაჩაღად გავარდნას არ გირჩევ, გახსოვდეს, ბოქაულის და მამასახლისის მოკვლით ცხოვრებას ვერ შეცვლი.

ხსართავი ჩააფიქრა ძანგის ლაპარაკმა. სწორედ ასე უთხრა ვასილიჩმა. მათი აზრები ერთიმეორეს დაუპირისპირა და ისინი მთლიანად დაემთხვენენ ერთმანეთს. თითქოს ერთი ენით ელაპარაკა ორი ადამიანი.

ოცნებით წარმოიდგინა ის ხელმძღვანელი, ძანგმა. რომ ახსენა. თითქოს თეთრ ცხენზე ამხედრებული გამოჩნდა და ხალხს ბრძოლისაკენ მოუწოდა. წარმოიდგინა, რომ ეს ჰკვიანი და ძლიერი ხელმძღვანელი თვითონ ყასაი იყო.

ამ ლაპარაკის შემდეგ ხსართავის თვალში კიდევ უფრო გაიზარდა ძანგი. ახლა უფრო დიდი ხათრითა და რიდით დაუწყო ყურება. კიდევ უფრო არარაობად მოეჩვენა საკუთარი თავი, რომელმაც ვერ შეძლო სიმართლე ეთქვა ამ დიდბუნებოვანი ადამიანისათვის.

ერთი კვირის შემდეგ ხსართავი სოფელში დაბრუნდა.

ისევ წიგნს ჩაუჯდა. გონიერია, რასაც კი ვასილიჩი ასწავლის, ყველაფერს ადვილად ითვისებს. მასწავლებელი კმაყოფილია მოწაფით. მოწყენილობისა და ფიქრისათვის დრო აღარ რჩება. წერს, კითხულობს, დიდი გულისყურით უსმენს ვასილიჩის მოყოლილ საოცარ ამბებს.

ხსართავმა ვასილიჩს დაწვრილებით უთხრა ძანგის ამბავი.

ვასილიჩმა ყურები ცქვიტა.

— მოიცა, მოიცა, ეგ კაზბიჩი არ იყოს?

— არა, ძანგი ჰკვია. ჩვენში ყასაის სახელით არის ცნობილი, განთქმული აბრავი იყო. მაგის შიშით აღდარებსა და მთავრობას მოსვენება ჰქონდათ დაკარგული, ხალხმა მასზე ლეგენდები და სიმღერები შეთხზა.

— ვიცი, ის არის, ჩვენები კაზბიჩს ეძახიან. ბევრ რევოლუციონერს დაეხმარა აქედან თავის დაღწევაში. ჩვენიანია, იქ პეტერბურგში იტიან მაგის ამბავი. ერთი ჩემი მეგობარი მელაპარაკა. დიდი ამავი დასდო თურმე. გაქცევა მაგან მოუწყო. აუცილებლად ვნახავ.

„გაქცევა მოუწყო, — გულმა ჩამოჰკრა ხსართავს. — კი მაგრამ,

თუ რამე შეუძლია, რატომ არ მეხმარება, ჩემი სისხლი და ხორცი, ზარინას მამა?“

ერთ დღეს ხსართაგი ნადირობიდან დაბრუნდა, შინ უცხო კაცი დახვდა, ვასილიჩმა გააცნო, პოლიტიკური პატიმარიაო. სტუმარს სახეზე მკვდრის ფერი ედო, მძიმედ სუნთქავდა. ხსართაგს შეეშინდა. საცაა მოკვდებაო. ცარიელი ძვალი და ტყავი იყო. ყვრიმალის ძვლები უჩანდა, თვალები ღრმად ჩასცვენოდა და ჩამწვარი კვარივითაღებული იყო. ტუჩები შემოდგომის ფოთოლივით მშრალი და უფერული ჰქონდა. თავს ძლივს იმაგრებდა, ლაპარაკობდა, მაგრამ ხმა სულ არ ისმოდა. ისე ახველებდა, რომ თვალებიდან ცრემლები სცვიოდა.

— წელს თხუთმეტი წელი გავათავე... ვადაც გამივიდა.. და აი... ბედისმწერალი ზედ ზღურბლზე წამომეწია, ლოგინში ჩამავდო. ვერ გავუფრთხილდი თავს, ჩემი ბრალია. ამ ერთი თვის წინ სანადიროდ წავედი, ამინდი აირია, მე კი მსუბუქად ვიყავი ჩაცმული. გავცრვდი... პატრონი არა მყავდა, ვინ მომხედავდა. გამირთულდა ავადმყოფობა, ალბათ ფილტვებზე გადამივიდა. ახლა ვითომ საავადმყოფოში მიყვავარ, მაგრამ რაღას მიშველიან. ვატყობ, ჩემი დღეები დათვლილია. ძალიან დავსუსტდი, თავი მტკივა, ასე მგონია ცეცხლი მიკიდია... ღმერთო, როგორ შეძნელება სიკვდილი... ნეტავი ერთხელ კიდევ მაჩვენა ჩემი ცოლ-შვილი. ალბათ ჩემი პატარა ალიონა უკვე გასათხოვარი გახდა. ხუთი წლისა დავტოვე...

ავადმყოფის ლაპარაკმა ისე იმოქმედა ხსართაგზე, კინაღამ ატირდა. თხუთმეტი წელი... ღმერთო ჩემო... თხუთმეტი წელი... ხომ შეიძლება, ისიც ასე გახდეს ავად და შინ ჩასვლა აღარც ელირსოს. ისე დაუმძიმდა გული, შეეცოდა თავისი თავი. არა, იმიტომ კი არა, რომ სიკვდილისა ეშინოდა, იმიტომ, რომ მტრის ჯავრს ვერ ამოიყრიდა... ველარასოდეს ნახავდა ნალყუთას...

ავადმყოფს ისევ ხევა აუტყდა. ვასილიჩმა ჩაი აუდულა, თუნუქის ფინჯანში შაქრის კვინტი ჩაავდო და მღუღარე დაასხა. ავადმყოფმა დიდხანს ახველა. მერე, ორიოდ ყლუპი ჩაი მოსვა და თითქოს შვება იგრძნო. ამასობაში მარხილიც მოვიდა. გამყოლს ეტყობოდა, ცხარე არაყით კარგად ეჯერებინა გული.

— წასვლის დროა, — დაიძახა გარედანვე. — ჰა, დავგვიანდით, მოდიხარ? თუცა რას მაწვალებენ ტყუილუბრალოდ. კი არ მეზარება, მაგრამ რა საჭიროა, რამდენი წამიყვანია და უკან აღარავინ დაბრუნებულა. რომ ვთქვათ, სადღა მიდიხართ! რა მნიშვნელობა აქვს, კაცი რომ მოკვდება, სადაც გინდა დაიმარხოს...

ავადმყოფი ციმციმ გამოიყვანეს ხსართაგმა და ვასილიჩმა, ტყავის ქურქში თბილად შეფუთნეს და მარხილში ჩასვეს. მან უღონოდ დააქნია თავი და თითქოს საფლავში მიდიოდა, საწყალობლად შეხედა თავის კეთილისმსურველებს.

— ვასილიჩ, შეიძლება ველარა გნახოთ, ერთი სათხოვარი მაქვს,

ვიცი, ხვალ-ზეგ ხალხი გაიმარჯვებს, ჩვენი სახელიც არ დაივიწყოთ... მშვიდობით!

— მშვიდობის მგზავრობა მოგცეს!

მშრალი თოვლი აჭრიალდა, მარხილი გაცურდა და ავადმყოფი თან გაიტაცა.

მეხუთე თავი

კიდეც მოვა გაზაფხული

1.

ზამთრის ცივი ღრეები ერთიმეორეს გადაება. ისედაც ჯავრით გათანგულ ხსართაგს გული გადაელია. ხანდახან ნაღველი ისე მოეძალეება, ჰგონია გაზაფხული აღარასდროს დადგება. მახეში გაბმული ნადირივით აწყდება აქეთ-იქით, მაგრამ თავზევით რა ძალა აქვს. მოთმინებაა საჭირო და ისიც ითმენს. ერთ საღამოს ამ ფიქრში იყო, რომ გარედან წივილ-კივილი მოესმა. ქალი განწირული ხმით კიოდა:

— მომკლა, მიშველეთ!.. მიშველეთ!.. ვინა ხართ ქრისტიანი!

ხსართაგი გარეთ გამოვარდა. ხმა შედუქნე ტროფიმ პეტროვიჩის ეზოდან მოდიოდა. იქით გაიქცა და რას ხედავს. ვაჭრის ცოლს, მარფას წელამდე თოვლში ვილაც წაუქცევია და გამეტებით სცემს.

მეზობლებმაც მოირბინეს, მაგრამ წაქცეულს არავინ მიეხმარა.

„მოკლავს ნამდვილად“, — გაიფიქრა ხსართაგმა და ფეხს აუჩქარა.

— შე კახპავ, შენა, ქმარი გინდა წამართვა? ჰა, ინებე! — და ერთი თუ ორი... გაცოფებულმა ზორბა დედაკაცმა მსხვერპლი ქვეშ მოიქცია და საცაა სულს ამოხდის.

— რად კლავ, რა დაგიშავა ისეთი? — ხსართაგმა ხელები დაუჭირა გამარჯვებულს და მსხვერპლს ძლივს ააგლიჯა.

— იქით, უღმერთო, ბუსურმანო, მე შენთან არაფერი მესაქმება, გამიშვი, მოვკლა... — ხსართაგს გაუჭირდა დედა ვეფხვივით გაავებული დედაკაცის გაკავება.

ამასობაში ტროფიმ პეტროვიჩი საიდანღაც გაჩნდა და ცოლს ეცა.

— გეყოფა, უსირცხვილო, რა ქვეყანა შეყარე! — მარფა თითქოს ამას ელოდაო, ქალს თავი გაანება და ქმარს მიუბრუნდა.

ხსართაგმა ნაცემი დედაკაცი წამოაყენა და შინ წაიყვანა. ის საცოდავი სულ ერთიანად ცახცახებდა, კბილს კბილზე აცემინებდა.

— ცეცხლთან ახლოს მიიწიე, შე საბრალოვ, — უთხრა ვასილიჩმა და სკამი ღუმელთან სულ ახლოს დაუდგა. — ხსართავ, არიქა, ჩაიდანნი შემოდგი ცეცხლზე.

ხსართავმა ჩაი აადულა. ხმელი პურის ნატეხი და კიქა ჩაი მიუტანა მოსულიერებულ დედაკაცს.

— რაო, რაზე გკლავდა ის აფთარი? — წიგნიდან თავი არ აუღია, ისე ჰკითხა ვასილიჩმა.

— ბებერი ძროხა.. ქმარზე ეჭვიანობს. მიმიფურთხებია ორივესთვის. შშიოდა და მივედი, იქნებ მაჭამონ-მეთქი. ის ძროხა კი... ქმრის წართმევისა შეეშინდა, ნეტავ რა თავში ვიხლი ბებერ ვირს. თვითონ აღარ მეშვება, რა ვქნა. არც საჭმელი, არც ჩასაცმელი. გაჭირვება თურმე რას არ აკადრებინებს ადამიანს. ვკვდებოდი. ტროფიმ პეტროვიჩმა მომაქცია ყურადღება, მაჭამა, ჩამაცვა, გამათბო. მას შემდეგ თავს ნებას აძლევს... რო დათვრება, მოდის.. ჯერ იმისი ერთი დანახვა წლის სიცოცხლეს მაკლებს, ახლა მისი ძროხა... რა წყალში ჩავევარდე, აღარ ვიცი. შიმშილი და სიცივე თუ არაფერს დამაკლებს, ის ძროხა მაინც მომკლავს.

— შენც პატიმარი ხარ? — გაბედა ხმის ამოღება ხსართავმა.

— ჰო.

— საკვირველია, ქალი და ციმბირში გადასახლება? შენ რაღა დაუშავე შეფეს?

— სახლ-კარი გადავუწვი ერთ ოხერს.

— რა დაგიშვა ისეთი?

— მომატყუა, ნამუსი შემიგინა და ვერ მოვიტომინე.

ადრე წაიბორძიკა ადამიანმა უდროოდაც იმიტომ შეეჭირხლა თმა. სახეზე ოდესღაც მწიფე ატამივით მკვრივი და ხაოიანი კანი ახლა წვრილ ნაოჭებს დაუფარავს. ფოსოებში ღრმად ჩაცვენილ თვალებს საწვიმრად დაბურულ ცასავით ნისლი გადაჰკვრია.

იმ ღამეს ხსართავი და ვასილიჩი ტახტზე მოთავსდნენ, ის საბრალო კი ღუმელზე აგზავნეს.

დილით კარი ძლივს გააღეს. ქარიშხალს მთელი სახლი წაენამქრა, ძაღლი არ გაიგდებოდა გარეთ.

ნატაშამ წასვლა დააპირა.

— ასეთ ამინდში სად წახვალ, საცოდავო, გზაში ან გაიყინები, ან მგლის ლუქმა გახდები.

— თქვენი შეწუხებისა მერიდება, თანაც მეშინია, უანდარმმა არ მომიკითხოს და იქ რომ არ დავხვდები, გაქცეულად არ ჩაქვალვო.

— ჩვენ სულაც არ ვწუხდებით. იყავი, არაფერს გვიშლი, ნურც უანდარმი გაფიქრებს. ამ მეორედ მოსვლაში იმას შენი ღარდი სულაც არა აქვს.

და დარჩა ნატაშა.

ქარიშხალმა გადაიარა. ამინდი გამოკეთდა, მაგრამ ნატაშა წასვლას აღარ აპირებს. არც ხსართაგსა და ვასილიჩს უნდათ მისი წასვლა. შეეჩვივნენ, ასე ჰგონიათ, უიმისოდ ახლა ცხოვრება გაუჭირდებათ.

იმ დღეს ვასილიჩი შინ არ იყო. ხსართაგმა შეშა დააპო და მთელი ილღია შემოიტანა. ნატაშა სარკმელთან იჯდა და სარკის ნატეხში იყურებოდა. ხსართაგის დანახვაზე დაირცხვინა და სარკე დამალა. ხსართაგს არც შეუმჩნევია ეს, ცეცხლს შეშა შეუმატა და ტახტზე წამოწვა.

ნატაშამ ღუმელის წინ დაყრილი ნაგავი ცოცხით მოგავა და ცეცხლში შეყარა. მერე მივიდა და ისიც ტახტის ბოლოში ჩამოჯდა. ხსართაგმა უხალისოდ შეხედა და გაოცებული დარჩა.

— ნატაშა, დღეს რალაც სხვანაირი მეჩვენები, აი თურმე რა ლამაზი ყოფილხარ.

ნატაშას შერცხვა, ლაწვებზე ცეცხლი წაეკიდა. შავი, გრძელი წამწამები დაბლა დახარა.

— დღეს ჩემი დაბადების დღეა.

— მართლა? გილოცავ, მაგრამ რა გაჩუქო?

— ნუ წუხდები, ხსართაგ, რა გაქვს, რა უნდა მაჩუქო.

— ამჯერად ასე იყოს, თუ აქედან წასვლა გველირსა, მაშინ...

— იცი რა, ხსართაგ, მას შემდეგ, რაც ასე პირუტყვულად მომექცნენ, შემბლაღეს წმინდა ოცნება, ტალახში ამოსვარეს ჩემი სინდისი, ჩემი თავი ადამიანად აღარ მიმაჩნია.

— შენ ჯავრი მაინც ამოიყარე. მე რაღა ვთქვა, არ ვიცი, ვინ იყო და რისთვის ჩამცა ზურგში დანა.

— მაშ, რა შეუბრალებელია ცხოვრება. რა მუხთალი ყოფილა წუთისოფელი, სიცოცხლე მომძულდა. კარგს არაფერს ველი. ვიცი, ზვალინდელი დღეც არაფერს მომიტანს სასიკეთოს.

ნატაშას გრძელ წამწამზე ცრემლი დაეკიდა.

— მერე როგორ მიყვარდა სიცოცხლე. რა ლამაზი მეჩვენებოდა ქვეყანა... როგორ ვოცნებობდი საკუთარ ჰერზე, იცი? ქალიშვილობაში ძალიან უღარდელი და მზიარული ვიყავი. ვუყვარდი სოფელს. გაჭირვების ტალკვესს მეძახდნენ. ყველა იმას ამბობდა, ბედნიერი იქნება ის, ვისაც ნატაშა გაჰყვებაო. ერთხელ ერთმა ბოშა ქალმა მიმიკითხავა და მითხრა, ისეთი ბედნიერი იქნები, ქალბატონებს შეშურდებათ შენით. წადი და ელოდე. ჯერჯერობით ყველაზე უბედური ვარ და... იცი, როგორ მიყვარდა ოცნება? ჩვენი სახლის დერეფანში დაეჯდებოდი საღამოთი და ვუყურებდი, როგორ ქრებოდა ცაზე ვარსკვლავები. იმ ვარსკვლავებში ჩემსას ვეძებდი.

— გული ნუ გაგიტეხია, ნატაშა, იპოვი, აუცილებლად იპოვი შენს ვარსკვლავს.

— ეჰ, ბარემ, მაგრამ რომ აღარაფერი მჯერა, აღარაფერი მწამს!

იმ დღიდან ნატაშა სულ შეიცვალა, ხსართაგთან მორცხვობდა, ხანდახან კი თვალს ველარ აცილებდა. თუ მათი მზერა ერთმანეთს შეხვდებოდა, ნატაშა მორცხვად დახრიდა გრძელი წამწამებით შემოჯარულ მტრედისფერ თვალებს.

ერთ დღილით ნატაშა და ხსართაგი შინ მარტონი დარჩნენ, ისხდნენ ჩუმად, საკუთარ ფიქრებში გართულნი. მოულოდნელად დუმილი ნატაშამ დაარღვია.

— ხსართაგ, მაპატიე ცნობისმოყვარეობა, ძალიან მაინტერესებს, ოჯახი გაქვს?

— როგორ არა...

სახეზე ჩრდილმა გადაჰკრა ნატაშას, ერთხანს უჩუმრად იყო. იდგა და უაზროდ იუყრებოდა ფანჯარაში. როდის-როდის ამოიღო ხმა.

— ლამაზია შენი ცოლი?

— ცოლი ჯერ არა მყავს, მხოლოდ დედა და მამა.

შვებით ამოისუნთქა ქალმა.

— არც შეყვარებული გყავს?

— მყავს.

ნატაშა ისევ მოიღუშა.

— რად მკითხე?

— ისე... ლამაზია?

— ძალიან.

— გავონდება?

— კმ, მაგონდება? ლამის გავგიჟდე.

— კი მაგრამ, როდემდის გეხსომება. მაპატიე, არ გეწყინოს ჩემი სიტყვა, მაგრამ ვითომ უკეთესი არ იქნება, დაივიწყო?

— მე? ეგ რა თქვი? როგორ შეიძლება?

— ათი წელი არ მოგიცდის.

— მომიცდის...

— ვინ იცის, თუ მართლა წრფელი სიყვარულით უყვარხარ... მაინც რატომ უნდა გაწიროს თავისი ახალგაზრდობა. ხომ იცი, ყვავილივითაა ქალი, მხოლოდ ერთხელ გაიშლება და მერე ჰკნება, ასე დაემართება იმასაც, შენს დანიშნულს. ათი წელი ათი თვე ხომ არა გგონია.

— არა, არა, პირობას არ გატეხს... ვიცი, მამის კერაზე იჯდება, თუნდაც თმა გაუჰღარავდეს, მაინც დამელოდება.

— ჯერ ერთი, არ დავიჯერებ მაგას. მეორეც ის, დავუშვათ თვითონ თანახმაა, რომ მთელი სიცოცხლე გელოდოს, შენ რა სინდისით აკეთებ ამას?

თითქოს სილა გააწნესო, ისე მოხვდა ხსართაგს ნატაშას სიტყვა. აქამდის ამაზე არასოდეს უფიქრია. მართლა რა ცოდვაა, ამდენი წელი იჯდეს და ელოდოს ახალგაზრდა ქალიშვილი. ცოლი რომ იყოს, შვილი ჰყავდეს, კიდევ ჰო. მაგრამ ხსართაგი სულაც არ აპირებს.

ციმბირში ათ წელიწადს დარჩენას. არა, არა, ამას ხომ სიკვდილი სჯობია.

— რატომ არაფერს იტყვი, ხსართაგ?

— გავიქცევი. აუცილებლად გავიქცევი!

— განუხორციელებელი ოცნებები. დაკარგული იმედი, ჰოო, ოდესღაც ბავშვივით მეც ეგრე ვიტყუებდი თავს. დრო მკაცრად გამისწორდა. მძიმე ურმის თვლებმა ზედ გადაუარეს ჩემს ლამაზ ოცნებას, ჩემს ახალგაზრდობას და აი ხომ ხედავ. ზამთრის ჭირხლმა მომიჭირა უკვე. რა ვიცი, მეშინია, რომ შენც ჩემსავით... თუმცა შენ ღმერთმა დაგიფაროს. რაც გულში ამოგიჭრია, ოცნებაა ჭერ, ოცნება კი ღრუბლის ქულასავით არის, გინდა ხელი შეახო, მაგრამ ვერა, ვერასოდეს მისწვდები.

— შენ მე არ მიცნობ, ნატაშა, თუ რამ ჩავითქვი გულში, მოეკვდები და ავისრულებ კი.

— იმედი, იმედი. ბედნიერი ხარ, რომ კიდევ გჯერა, მე კი აღარაფრის მჯერა და იმიტომ მომბეზრდა სიცოცხლე. შენ არა... შენ... შენ მე ნუ მიყურებ, გწამდეს... აუცილებლად გჯეროდეს. როცა აღარაფერი გწამს და აღარაფერი გჯერა, სიკვდილს ნიშნავს.

თითქოს ხსართაგის ოცნებებს ვიღაც თხილივით სათითაოდ ამტვრევდა, ისე ესმოდა ღუმელში შეკეთებული ფიჭვის შეშის ტკაცატყუი.

3.

მარტი მიიწურა. ჩრდილოეთის ქარი კი იხტიბარს მაინც არ იტეხდა. მაგრამ მერე და მერე თავისდა უნებურად მაინც მოლბა, ისე ძლიერ აღარ ჭინჭყლობდა.

ერთ დღით ვასილიჩმა მხარზე თოფი გადაიკიდა და სანადიროდ წავიდა. საღამოს შინ არ დაბრუნებულა. ღამე ხსართაგი შფოთავდა. ხშირ-ხშირად გამოდიოდა გარეთ. ვასილიჩი არ ჩანდა. დღით ხსართაგი ტყეში წავიდა, მაგრამ მის კვალს ვერსად მიაგნო. მესამე დღეს დაბრუნდა ვასილიჩი, ძალიან კმაყოფილი იყო.

— რა გიხარიათ, ვასილიჩ, ორი დღე ნადირობდით და ხელცარიელი კი დაბრუნდით.

— მაგას ვინ ჩივის, რაკი უვნებელი დაბრუნდა. ნაწყენი ვარ, ვასილიჩ, რა არ ვიფიქრე, თუკი ასე იყო საქმე, უნდა გეთქვათ მაინც, — საყვედურგარეული კილოთი უთხრა ნატაშამ.

— თავის მართლებას არ ვაპირებ ვტყუი, მაგრამ ღამე დარჩენას არ ვაპირებდი... კაზბიჩთან ვიყავი. ხომ გითხარი, ხსართაგ, ის იქნება-მეთქ.

— ვინ ის?

ვასილიჩი იღიმებოდა. ხსართაგი მიხვდა ვისზეც იყო ლაპარაკი. ახლა კი ნამდვილად დარწმუნდა ხსართაგი, რომ ძანგს შეეძლო გაქცევა მოეწყო.

მეორე დღეს ახლა ხსართაგი მოემზადა წასასვლელად. დერეფანში გაჰყვა ნატაშა.

— ხსართაგ, მეც წამიყვანე.

— აბა რას ამბობ, ნატაშა, მონადირე ქალი ვის გაუგონია.

— გეხვეწები, მომბეზრდა ლუმელთან ჯდომა, კვამლმა ლამის თვალები დამთხაროს, წამიყვანე, იქნება დარდი გადამეყაროს გულიდან.

იმ დღეს მართლა ბედნიერი იყო ნატაშა. ის ხან გვერდიგვერდ მიჰყვებოდა ხსართაგს, ხან წინ გაუსწრებდა, ხანაც უკან ჩამორჩებოდა, ხან თოვლს დასწვდებოდა, დააგუნდავებდა და ხსართაგს ზურგში ესროდა. ბავშვივით ცმუტავდა, უბრალო რამეზე იცინოდა.

მზე უკვე საკმაოდ აცხუნებდა. თოვლი სწრაფად დნებოდა. ადგილ-ადგილ შავად გამოჩნდა დედამიწა. ბუჩქის ძირებში გაზაფხულის პირველ მახარობელს გაღვიძებოდა. ეს პირველად ხსართაგმა შეამჩნია.

ერთგან ჩაიმუხლა, რამდენიმე ლურჯთვალა ენძელა მოწყვიტა და ნატაშას მიართვა.

— რა ლამაზია! — სიხარულით გაიბადრა ნატაშა, — პირველად მომართვეს ყვავილები... დიდი მადლობა, ხსართაგ.

მზე ჩასვლას აპირებდა, ძანგის სამფლობელოს რომ მიადწიეს. ძანგი შინ არ დახვდათ. სანადიროდ იქნებაო, თქვა ხსართაგმა და ლუმელში ცეცხლი დააგუგუნა. მზემ უკანასკნელი სხივიც აიკალთა და გორას მიეფარა. ხსართაგმა კვარს მოუკიდა.

ვახშობა გადავიდა. ძანგი კი მაინც არ ჩანდა. ხსართაგი შეშფოთდა. აქამდის სად უნდა იყოსო. საძებნელად წავიდოდა, მაგრამ რომ არ იცის, სად ეძებოს.

ტახტზე წამოწვა. თავქვეშ ხელი ამოიღო და ჰერს მიაშტერდა. ნატაშამ მის ახლოს მიიღგა სკამი.

— ხსართაგ, შენ რაღაც გაწუხებს.

— მოხუცის დაგვიანება მაფიქრებს. სად უნდა იყოს ამ დროს?

— ის არსად დაიკარგება. იცი რამდენი მეგობარი ჰყავს? ალბათ, ვინმესთან შეჰყვა მუსაიფს.

— მეგობრები? ამ ულრან ტყეში ვინ მეგობარი უნდა ჰყავდეს?

— რატომ ტყეში? სოფლებში. თუნდაც არყიჭალაში. იქაურებს მართლა წრფელი გულით უყვართ ბერიკაცი, განსაკუთრებით ტუნლუხებს. იმათი საუკეთესო მეგობარია. თურმე ამ რამდენიმე წლის წინ მოძალადეებისაგან გადაარჩინა. მას შემდეგ თვალში რომ ვისმეს ჩაუვარდეს, ხელს არ ამოისვამენ. ხსართაგ, ნუ ხარ მოწყენილი, თორემ ისედაც, ლამის გული გამისკდეს.

— არა ვარ მოწყენილი.

— თვალებზე გეტყობა. წინათ უფრო მხიარული იყავი. ეს რამდენიმე დღეა, რაღაცას იხვევ გულში. მე ვიცი მიზეზი... გითხრა?

ხსართაგმა არაფერი უპასუხა, ისევე ნატაშამ განაგრძო ლაპარაკი.

— იქ, თქვენს მთებში დარჩენილი სატრფოს ნახვის სურვილი მოგძალა, მართალს ვამბობ, თუ არა?

— მართალს ამბობ, ნატაშა.

— დღეს შენ ნადირობა განგებ მოიგონე. ბერიკაცის ნახვა გინდოდა.

— ეგეც მართალია.

— ხედავ? როგორ გულთმისანივით ვკითხულობ შენს აზრებს. ხსართაგ, ეგ ფიქრი თავიდან ამოიგდე.

— რა ფიქრი?

— გაქცევა ადვილი ნუ გგონია. მაშინ აქ ერთი პატიმარიც არ დარჩებოდა.

— მე მაინც ვცდი.

— ვერ ჩააღწევ...

— ვნახოთ, ვცდი, ხომ გაიქცა ვილაც და ხომ მიაღწია მიზანს. ყველა ხომ მგლის ლუქმა არ გამხდარა?

— ასში ერთს შეიძლება გაუმართლოს ბედმა, და ის ერთი რაღა შენ იქნები!

— რა არ ხდება, იქნებ მე ვიყო.

— ღმერთმა ქნას, მაგრამ რომ დაიღუპო, იცოდე ჩვენ ორივეს გული გაგვისკდება.

— ვინ თქვენ ორივეს?

— მე და იმას, მთების ჯეირანს, ვინც შენი გული სამუდამოდ დაატყვევია. თუმცა იმან შეიძლება უკვე გამოგიტირა კიდეც. შეიშრო ცრემლი და... შენს მაგიერ ახლა სხვას უღიმის. თუ ჯერ არა. ადრე თუ გვიან მაინც გაულიმებს ვილაქას. მაგრამ მე? მაპატიე, ხსართაგ. — ნატაშა ხსართაგის წინ მუხლებზე დაიკრა და გაჟის თავი მკერდში ჩაიხუტა. — მიყვარხარ... პირველი წმინდა სიყვარული შენ მაგრძნობინე... დიდი ხნის მიძინებული გრძნობა ქარიშხლით აღიღვებოდა ზღვასავით მაწვება და მახრჩობს. არ ვიცი, როგორია შენი სატრფო, მართლა უყვარხარ თუ არა, ღმერთმა იცის, მაგრამ ჩემსავით არავინ შეგიყვარებს.

— ნატაშა, მომისმინე, შენ კარგი ადამიანი ხარ, ძალიან კარგი. მაგრამ მე სხვა მიყვარს, სხვას ეკუთვნის ჩემი გული. ის ჩემი დანიშნულია. აგერ უკვე მერამდენე წელია ზის და მელოდება. მე არ შემოძლია მისი დაიწყება, სანამ ის თვითონ არ იტყვის ჩემზე უარს, მე სხვა ქალს არ შევხედავ.

— ათ წელიწადს არ დაგიცდის... გაიგე... ნუ გაქვს იმედი.

— გავიქცევი... გავიქცევი-მეთქი, ხომ გითხარი.

— ვერ გააღწევ...

— გავაღწევ.

— კარგი, დავუშვათ, გაიქცი, მერე? სად იცხოვრებ? როგორ იცხოვრებ? ტყეში როდემდის იწანწალე? იქნებ ნახო კიდეც შენი სატრფო, შეილებიც გეყოლოთ. როგორ გაზრდით? რით? სად? ისევ

დაგიჟერენ და აქ გადმოგასახლებენ. არ გეცოდება ქალი? ნუთუ ასეთი ეგოისტი ხარ? თუკი გიყვარს, რატომ მის მომავალზე არ ფიქრობ? რატომ არ გეცოდება? მის მაგიერ მე შემეყვარე... აგერ უკვე პატიმრობის ვადა მითავდება, ვიცხოვრებთ აქ. მერე შენც გაგათავისუფლებენ, ჭერ ახალგაზრდები ვართ. სადმე დავსახლდებით და ვიცხოვრებთ, ისე, როგორც ათასი ჩვენისთანა ცხოვრობს. ორივე ვიმუშავებთ, შევექმნით ოჯახს. მერე თუ შინაობა მოგენატრება, წავალთ და მამის კერას განვაახლებთ...

— მაპატიე, ნატაშა. მე კარგად მესმის შენი. ვიცი არ თაღლითობ, წმინდა გულს მიძღვნი, გმადლობ... იცოდე, გენდობი, მჯერა შენი. მიხარია, რომ ღირსეულ მეუღლედ მიჩნევე, მაგრამ არც მე შემეძლია შენი მოტყუება. ნალყუთა სიცოცხლეზე მეტად მიყვარს, არ შემეძლია მისი ღალატი გავივლო გულში. ეს ჩემს ძალ-ღონეს აღემატება, მისი უსაზღვრო სიყვარული მაძლევს ძალას, უამისოდ აქამდე ნამდვილად დავიღუპებოდი. გამიგე, ნატაშა, ის არის ჩემი პირველი და ალბათ, უკანასკნელი სიყვარული.

— მესმის, ხსართავ, ყველაფერი მესმის, — ამოიგმინა ნატაშამ. — მესმის, ძალად სიყვარული არ შეიძლება. თანაც ჩემნაირებს აღარ უღიმიოთ ბედი.

— ნუ, მაგას ნუ ამბობ! თავს ნუ იმცირებ. ხომ გითხარი, შენ კარგი ადამიანი ხარ, ძალიან, ძალიან კარგი. მართალია, წაიბოროდიკე, წაიბოროდიკე კი არა, წაიქეცი ცხოვრებაში, მაგრამ შენი ბრალი არ არის. პატიმრობის ვადა გითავდება, ჩქარა წახვალ, არ შეიძლება, რომ ღირსეულ ადამიანს არ შეხვდე. ისევ გაგიღიმიებს ბედი, გჯეროდეს, ნატაშა, ისევ მოვა ბედნიერება.

— არ მოვა, აღარასოდეს მოვა, ჩემი ბედი დაიწვა, ერთხელ, მეორედ, ხედავ? შენ არ მიკადრე. სხვაც ეგარე... რატომ? რატომ ვარ ლეთისგან შერისხული? რატომ არა მაქვს უფლება, უსაზღვროდ წმინდა სიყვარულით სავსე გული ვუძღვნა სასურველ ადამიანს? კი მაგრამ, ამ წყეულ ქვეყანაზე იმის უფლებაც არა მაქვს, რომ ვინმე მიყვარდეს? ვინ წამართვა ეს უფლება, ვინ?

— ნატაშა!

— სუ, გაჩუმდი! დამყაყებული ჭაობიდან თავის დაღწევა ვცადე, დასახმარებლად ხელი არ გამომიწოდე, მე გვერდით ჩამიარე და იქ ეჭიდები, სადაც სულაც არ არის საჭირო შენი ხელი. გამიგე, შენ ახლა ყველაზე მეტად მჭირდები, ვიღუპები. ხვალ ისევ იქ მომიხდება დაბრუნება, საიდანაც თავის დაღწევა გადავწყვიტე, — თითქოს გულის ძარღვებს თითო-თითოდ აგლეჯენო, ისე წარმოთქვამდა ყოველ სიტყვას ნატაშა. ძალიან შეეცოდა ხსართავს. წაქცეული, ბედისაგან დაწინაღობილი ქალი დახმარებას ითხოვს და მას, მხოლოდ მას შეუძლია დაეხმაროს, მაგრამ რა ქნას? ნალყუთას სიყვარულით სავსე გულს სხვას ვერ შესთავაზებს. ნატაშას დიდ სიყვარულს ვერ გამოეპასუხა. წლების მანძილზე, დაჩაგრულ, სულიერად განადგურებულ ადამიანს

ტკბილი სიტვა უთხრა. გულის სითბო აგრძნობინა და აი შედეგიც. ქალის გულში იფეთქა მწველმა სიყვარულმა. ცეცხლი წაეკიდა და თუ ხსართაგი არ მიეშველა, ხანძარი დაბუგავს.

სიყვარული და სიბრალეული. აი, ამ ორ დიდ გრძნობას შორის ჩავარდა ხსართაგი და აღარ იცის, როგორ მოიქცეს.

— კმარა, ხსართაგ, ვხედავ, დიდ უხერხულობაში ჩაგაყენე, ახლა წუხხარ, არ არის საჭირო. ვიცი, არ გიყვარვარ, ისიც ვიცი, რომ ძალად სიყვარული არ შეიძლება. ვგრძნობ, გეცოდები. არ მიყვარს, როცა ვინმეს ვეცოდები. ჩემს გულში ჩახედვა რომ შეგეძლოს, გაიგებდი რა ხდება იქ. სიბრალეული თავმოყვარობას ლახავს, მხოლოდ სიბრალეულით თუ ვისმე შეეწირები, არ მოიტანს სიკეთეს მსხვერპლი. მომავალი მაინც არ იქნება სასიკეთო. რა ვქნა, ალბათ ასეთია ჩემი ბედი. მაპატიე, ხსართაგ! მძიმედ წამოდგა, თქვის ფეხსაცმელება წაიძრო და ღუმელის თავზე აძვრა. გაუხდელად ჩაწვა ძანგის ლოგინში.

ჩაიწვა კვარი. ოთახში წყვედიანი გამეფდა. სამარისებური დუმილი ჩამოწვა, არ ეძინება ნატაშას. ამ ღამესავე ბნელია მისი წარსული და მომავალიც. რა არის მისი სიცოცხლე? ნამდვილ ქალობის ასაკს მიაღწია და რა ნახა კარგი? არაფერი, რას უნდა ელოდოს მომავალში? ისევ არაფერს. ამ ქვეყანაზე ის ახლა ზედმეტია, მაშ რისთვის არის ცოცხალი? ვის სჭირდება იგი? ჯერ თავისი სიყვარული არავისთვის უწილადებია, არც არავის მოუთხოვია. ახლა თვითონ შესთავაზა სიყვარული ადამიანს, რომელიც მართლა შეუყვარდა და იმანაც არ ინდომა, აქაც დაასწრეს. ვაჟის გულს მასზე ადრე სხვა დაეპატრონა. ეპ, ასე იქნება ყოველთვის და ნატაშას წარსული სულ გადაავიწყდა. ახლა მომავლისა უფრო მეტად შეეშინდა.

არ იკადრეს. არავის უნდა.

და აჯანკალდა. თითქოს სიცოცხლეს ეთხოვებოდა, წამოქდა და ერთხანს ასე დარჩა.

არც ხსართაგს ეკარება რული. გვიან წასთვლიმა და სიზმარში ჯერ ნალყუთა ნახა, მერე ნატაშა, შემდეგ კი ორივე ერთად. კარის კრიალმა გამოაღვიძა...

წამოხტა. არავინ იყო. ღუმელის თავზე აიხედა. ლოგინში არ იწვა ნატაშა. ცოტა ხანს დაელოდა, მაგრამ ქალი იგვიანებდა. ხსართაგმა თავისი ქურქი წამოისხა და გარეთ გავიდა.

რიყრაყი იფანტებოდა.

ეზოში არავინ ჩანდა. მხოლოდ მოყინულ თოვლს აჩნდა ნატაშას ნაფეხურები. კვალი ტყეში შევიდა. ასე შორს რისთვის წავიდოდა. შეშფოთდა ხსართაგი და კვალს სირბილით გაჰყვა. დიდი ნაძვის ქვეშე შეწყდა კვალი, ხსართაგმა მიიხედ-მოიხედა და გული ყინულივით გაუცივდა. ნატაშა ხეზე კონწიალობდა.

— ვაი, — იყვირა მან და ტყემ გაიმეორა მისი ხმა. თვითონაც აღარ ახსოვდა, როგორ ჩამოხსნა ქალი ხიდან.

ნატაშა ისევ თბილი იყო. ხსართაგმა თოვლით დაუზილა სახე, ხელები, მერე ხელში აიყვანა და შინისაკენ გააქანა. კარგა ხნის შემდეგ. გაახილა ქალმა თვალი.

— ნატაშა, რა ჰქენი ეს? არა გრცხვენია, რაზე ილუპავდი თავს, ან მე რაზე მლუპავდი? — უსაყვედურა ხსართაგმა.

ნატაშას უცნაურად გაეღიმა.

— დიდი ხანია მე დაღუპული ვარ. იცი შენ ეს კარგად... ხომ ხედავ, იმდენად ვარ განწირული, თავის მოკვლაც ვერ მოვახერხებ.

— არ მეგონა თუ ასეთი სუსტი და უღონო იქნებოდი, ნატაშა. გრცხვენოდეს, თავის მოკვლას ვინც გაიფიქრებს, ის რა ადამიანია, მშიშარა, არაფრის მაქნისი... ყველაზე ადვილი თავის მოკვლაა, გაჭირვებასთან ბრძოლას კი მტკიცე ადამიანი შეძლებს მხოლოდ.

— დავიღალე! დავიღალე! ღონე გამომელია, აღარ შემიძლია! — აქვითინდა ნატაშა და მის გულამოსკვნელ მოთქმას თითქოს ხმა მისცა შემკვარტლული ოთახის კედლებმა. — აღარავის ვკირდები ასეთი. აღარც მე მინდა ჩემი თავი. მეზიზღება... წყეულმც იყოს ღმერთს, რომელმაც ასეთი ბედი დამანათლა! — მერე პირქვე დაემხო და ისევ ატირდა. ხსართაგი ნატაშას გვერდით დამნაშავესავით იღვა და ვერ მოეხერხებინა მისი დამშვიდება.

— რატომ გაგიცანი, რატომ? რატომ გამოპგლიჯე ჩემი თავი ტროფიმ პეტროვიჩის ცოლს ხელიდან? დაე ჩემტვრია ნეკნები; — მომირჩებოდა. შენ შინ წამიყვანე, ადამიანურად მომეპყარი და მე თითქოს ხელახლა ვიპოვე საკუთარი თავი. ჩემი ცოდვა გედოს, რატომ გააკეთე ეს, რატომ? რატომ შთამაგონე, რომ ჯერ ყველაფერი დაკარგული არ არის! იმ წუთში ცხოვრება უფრო ადვილი იყო. ვიდრე ახლა...

— ყველაფერი მესმის, ნატაშა, მაგრამ დახმარება არ შემიძლია. ხომ ხედავ, მე თვითონაც რა დღეში ვარ.

ნატაშამ გული იჯერა ტირილით. ტახტზე წამოჯდა და თმა შეისწორა.

— მე მაინც მიყვარხარ, ხსართაგ. იყავი ნალყუთას ერთგული, მაგრამ ნუთუ ერთ კოცნას დამამადლი? ერთხელ მაინც მაკოცე.

ხსართაგი შეკრთა, მიხვდა, რასაც ითხოვდა მისგან ქალი. სიყვარულზე არ უპასუხა, უარი უთხრა, ახლა რა ქნას? კოცნაზე უარი უთხრას, სულ გაგაყდება. ამ სურვილის შეუსრულებლობა ნამდვილად არ ივარგებდა. დაიხარა საკოცნელად. ნატაშამ მის ტუჩებს თავისი ვნებიანი ბაგე შეაგება. ყელზე ჩამოეკიდა, მერე ჯცბად ხელი ჰჭრა. გვერდზე გახტა და თვალებზე ხელი აიფარა. ატირდა, მაგრამ ეს ცრემლები შევებისა იყო.

— ეჰ, ხსართაგ, ბავშვი ხარ ისევ, ბავშვი უეშმაყო, პირდაპირი. მაგრამ მე ზღაპრებისა აღარაფერი მჭერა... — გაჩუმდა ნატაშა. გვიან დაარღვია დღემილი. — შინ წასვლის დროა, ხსართაგ.

— სად არის აქამდის ჩვენი მასპინძელი. სად წავიდოდა?

- ისე აქაურობას ეტყობა, კარგა ხნის წასული რომ არის.
- არაფერი შეემთხვეს...
- არა, ის ისეთი გამოუცდელი არ არის, რომ უბრალოდ დაიღუპოს.

კარი გამოკეტეს და სოფლის გზას დაადგნენ.

4.

ორი კვირის შემდეგ ხსართაგი კვლავ ესტუმრა ძანგს. არც ახლა დახვდა შინ. მხოლოდ ამჭერად ღუმელში ცეცხლი ენთო. ცხადი იყო, ღამე შინ გაეთენებინა.

ხსართაგი ცოტათი დამშვიდდა და ძანგს დაელოდა.

შუაღლე გადავიდა, ძანგი არა და არ ჩანდა, ხსართაგს მობეზრდა შინ ჯდომა და გარეთ გავიდა.

გაზაფხული ჯერ მთლიანად არ იყო ძალაში შესული, მაგრამ მიწა, მძიმე ავადმყოფობა გამოვლილივით, მთელი გულით სუნთქავდა. თეთრი არყის ტოტებზე კვირტები დაბერილიყო. ბალახსაც წვერი ამოეყო, მოლი მწვანედ ბიბინებდა, ჩიტები ჭიკჭიკით აყრუებდნენ გაღვიძებულ ბუნებას. ქვემოთ ჭალაში მდინარე მთელი ზამთარი რომ ყინულის არტახებში იყო გაქაჩული, ახლა თავისუფალი და ამაყი, დაძრულიყო და ჩრდილოეთისაკენ მიიჩქაროდა, ამის დანახვაზე შვება იგრძნო ხსართაგმა. ნელ-ნელა ჩაჰყვა ბილიკს და მდინარის ნაპირზე გავიდა. ყინულის ბორკილები დაემსხერია მდინარეს და ახლა თითქოს ეჩქარება ამ ნამსხვრევების მოშორებაო, სწრაფად მიაქანებდა დაღმა. ხსართაგმა მდინარეს აუწყო ფეხი. მიდის, თვითონაც არ იცის საით. უცებ გოცებული შედგა, ძანგი დაინახა. მდინარის ნაპირზე მიწას თხრიდა. კარგა ხანს უყურა შორიდან. ამოთხრის ძანგი მიწას, უშველებელ საცერში ჩაყრის და წყალში გარეცხავს, მერე, აი ისე. ქალები ფქვილს რომ ცრიან, დარჩენილ ქვიშას ხან იქით გადაყრის, ხან აქეთ. რალაცას აიღებს და იქვე ჯამზე ალაგებს.

უკვირს ხსართაგს, რამ გააგო ბერიკაცი, რას აკეთებს?

— რა ვქნა, მართლა არ გაგიყდეს, — თავისთვის ჩაილაპარაკა და ფეხს აუჩქარა.

— დილა მშვიდობისა, ძანგ. რას აკეთებ აქ?

ძანგი შეკრთა. წერაქვი ხელიდან გაავლო და თოფს ეცა.

ხსართაგი დამეხილივით იდგა.

— ძანგ, რა ამბავია? მე ვარ...

ძანგი მისკენ შეტრიალდა. თოფი თავის ადგილზე დადო და ხსართაგს უსაყვედურა:

— შენ რა გითხრა, კინალამ მოგკალი. როგორ შეიძლება ასე ჩუმად მიპარვა?

ხსართაგი ისევ ისე იდგა, ვერაფერი გაიგო.

— არ მესმის, რა ხდება. მაპატიე, თუ შეგაწუხებ, გავბრუნდები უკან.

— არა, ახლა ველარსად წახვალ, მოდი ახლოს და მომეხმარე. დანგმა მიწა ამოთხარა და საცერზე დაყარა, მერე წყალში გარეცხა.

— იცი რას ვაკეთებ?

— ღმერთმანი, ვერაფერს ვხვდები.

საცერი ახლოს მიუტანა, რალაც ბრჭყვიალა ქვეები აჩვენა.

— ეს იცი რა არის?

— რა?

— ოქრო...

ხსართავს თვალები გაუფართოვდა.

— ოქრო? მერე სადა გქონდა?

— აი, აქაურობას ხომ ხედავ, ოქროს საბადოა. ამ რამდენიმე წლის წინ სრულიად შემთხვევით აღმოვაჩინე. ამ მხარეში მოვხვდი. დავიღალე და სწორედ აქ შევიხვეწე. მაშინ სხვაგან ვცხოვრობდი. პო. წამოვწეჩი და ჩემ წინ ბრჭყვიალა კენჭი დავინახე. ხელში ავიღე... პირველად ყურადღება არც მივაქციე. მერე თითქოს თავში რალაცაქ დამკრა, დავაკვირდი. მივხვდი, ოქროს საბადო ვიპოვე. იმიტომ დავსახლდი აქ. ჩემს მეტმა არავინ იცის.

— მერე რად გინდა ეგ ოქრო, დანგ? — ჯერაც ვერ მოსულიყო ხსართავი გონს. ხან ოქროს მარცვლებს უყურებს, ხან ბერიკაცს.

— მაშ, ამ ჯოჯოხეთიდან როგორ დააღწევ თავს?

— ვითომ?

— მერე გაიგებ ყველაფერს, ახლა კი მომეხმარე. შუაღლე გადავიდა და ჯერ ვერაფერი გავაკეთე.

დანგმა ასწავლა ხსართავს ოქროს გარეცხვა და ისიც დიდი მონდომებით შეუდგა საქმეს.

სალამოს გვიან დაბრუნდა შინ. ვახშმის თადარიგში გართულმა ბერიკაცმა ხსართავს ჰკითხა:

— დღევანდელი ამბავი ძალიან გაგიკვირდა?

— სიმართლე გითხრა, ძალიან.

— რა არის გასაკვირი, ჩემო მზეო, ეს ყვეთელი ქვეები ეშმაკის სულია, სიკვდილია მათში ჩაბუდებული.

— სიკვდილი? არაფერი მესმის.

— დიღია მისი ძალა, ჩემო ხსართავ, ზოგჯერ კაცს ისე ალაზნევებს, ისე განადიდებს, რომ ქვეყანა მის წინ მუხლებზე ხოხავს, რასაც მოისურვებს, იმას შეისრულებს. ადამიანი და თვით მეფეც კი ამ ბრჭყვიალა ქვეების წინაშე უძლურია. მას უბედურების მოტანაც ისევე შეუძლია, როგორც ბედნიერების. ადამიანს აკარგვინებს სინდისს, ნამუსს, ჰკუთას. შეუძლია პატიოსანი კაცი მკვლელად აქციოს. ეშმაკის დაწყველილია. ვისაც შეუჩნდება. თავის სურვილზე ათამაშებს. ძმა ძმას არ დაინდობს, თუკი იქ ოქრო იქნება ჩარეული. აი მაგალითად

დღეს, შენს გარდა სხვა რომ ყოფილიყო, აუცილებლად მოვკლავდი, ან ის მომკლავდა. ასეთი ჭადოსნურია ეს ოხერი ყვითელი ქვა.

— კაცო, თუკი იცი, ეგეთი საშიშია, უბედურებას რაღაზე ეძებ?

— შენ მართალი ხარ, შეილო, მაგრამ ისიც ვიცი, რა ძალა აქვს, შეუძლია კაცი სახრჩობელადან ჩამოხსნას.

— მაინც არ მესმის, შენ რისთვის გინდა?

— ამ ყვითელი ეშმაკის წყალობით ამ ხუთ წელიწადში იცო, რამდენმა კარგმა ადამიანმა დააღწია თავი ამ ჯოჯოხეთს? ამით ყველაფრის ყიდვა შეიძლება. ქალადი, რომლის წყალობითაც შეგეძლება აქედან გასვლა, კაცი, რომელიც გავაცილებს, ვინც იყისრებს შენს წაყვანას და ათასი სხვა. ერთი სიტყვით, შეგიძლია მოისყიდო ბოქაულიდან დაწყებული მეფემდის...

— და თქვენი ამ ქვებით შეძელით ვინმეს მოსყიდვა?

— რამდენიც გინდა. იცი რა ხალხს მოუწევთ გაქცევა? მეფის წინააღმდეგ მებრძოლებს...

— შენც იმათ მხარეზე ხარ?

— რა თქმა უნდა. მათი აზრი, მათი ოცნება ვიწამე და გვერდშიც ამოვუდები. მე შეიძლება ვერც მოვესწრო იმ დროს, რომლის აშენებასაც ისინი აპირებენ, მაგრამ ჩემს შემდეგ ვინც დარჩება, შენ, ჩემი შეილიშვილი, კიდევ სხვები, ხომ მოესწრებით. ეს ყვითელი ქვები ძნელი საშოვარია, სოფელში იმიტომ არ დავსახლდი. ვიდაც აუცილებლად მიხვდებოდა, რომ აქ რაღაც იმალება... ახლა ჩემს მეტმა სულიერმა არ იცის ამ მადნის არსებობა, ჰოდა, დილიდან დაღამებამდე ვშრომობ. ნამცეც-ნამცეც ვაგროვებ ამ ყოვლისშემძლე ლითონს.

— ძანგ, მითხარი, რისთვის გინდა, ვისთვის აგროვებ?

— რისთვის მინდა? შენთვის, ვასილიჩისათვის...

ხსარათავს მოულოდნელობისაგან თვალთ დაუბნელდა. მერე ძანგისადმი უსაზლოგრო მადლიერების გრძნობა დაეუფლა, მოხუცს გადაეხვია და ლამის ატირდა.

ამ დიდ ამაგს არასოდეს დაგივიწყებ, არასოდეს, სანამ ცოცხალი ვიქნები. შენზე ვილოცებ, შენ გიწამებ ღმერთად...

— რას ამბობ, ხსარათავ. შენ ხომ ჩემი სისხლი სისხლთაგანი და ხორცი ხორცთაგანი ხარ. მე ხომ მამაშენისა და ხასანას მეტი ნათესავი არ გამაჩნია ქვეყნად. კაცი ვარ, ადამიანი, არასოდეს დამავიწყდება მათი დიდსულოვნება. ჩემი ტიტველ-შიშველი ზარინა არ დაიწუნეს, ოჯახში შეიყვანეს. სანამ დამიჭერდნენ, შორიდან ვადევნებდი თვალს. მამაშენსა და ჩემს სიძეს ყველა აქებდა. კარგი ხალხია, ბედნიერია ზარინა, მათ ხელში რომ ჩაიარაო. ჰოდა, ახლა შენ, მათი შვილი, აქ გაჭირებაში დაგტოვო? რას ამბობ, ხსარათავ, რაზე მიხდი მადლობას? მოვალეობას ვიხდი შენი მამა-ბიძის წინაშე, მხოლოდ იცოდე, დღეს რაც აქ ნახე, დაივიწყე, არავინ გაიგოს. თუ არ გინდა, ერთ დღეს თავგაჩეხილს მომასწრო.

ხსარათავი ერთ კვირაზე მეტხანს დარჩა მოხუცთან, ეხმარებოდა.

ოქროს მოპოვება იოლი როდია. ზოგჯერ მთელ დღეს ერთ მარცვალსაც ვერ პოულობდნენ. ახლა რა მუყაითობას იჩენდა ხსართაგი? მისი სიცოცხლის მიზანი იმ ყვითელი ქვის მოპოვება გახდა. დილიდან დაღამებამდე რეცხავდა მიწას. და როგორ უხაროდა, როცა ეს წყეული ყვითელი ეშმაკი გაბრწყინდებოდა და თვალეში შესციციებდა.

იმ დილით ადრე ადგა და ძანგს გაესაუბრა.

— რას იტყვი, ძანგ, არ წავიდე? რა ვიცი, ჟანდარმმა არ მომაკითხოს, გაქცეული არ ვეგონო.

— წადი, შვილო, წადი. როცა დრო იხელთო, ჩამომაკითხე.

გაზაფხულის თბილი ამინდი იდგა. მზეს ძალა ემატებოდა და მაცოცხლებელ სხივებს უხვად აყრიდა დედამიწას. ნაკადულები ღულუნ-ლიკლიკით მისრიალებდნენ გალიპულ კალაპოტში.

მიდის და მიიმღერის ხსართაგი. ეს მისი პირველი სიმღერაა იმ უბედურების მერე. ფრთები შეასხა ძანგის დანაპირებმა. აი, კიდევ ცოტაც და აქაურობას გაეცლება. პირდაპირ ნალყუთასთან ჩავა, როგორ გაუყვირდება. ნეტავ რას იტყვის? ალბათ, პირველად არც დაიჯერებს, რომ მის წინ ხსართაგია. მერე სიხარულით ატირდება. ხსართაგი ცრემლებს შეჟემშრალებს, თვალეებს დაუყოცნის... ისიც ისე გაიღიმებს, როგორც ნაწვიმარზე მზე...

5.

იმ დილით ადრე გაიღვიძა ხსართაგმა. ჩაიკვა და გარეთ გამოვიდა. ბუნება იღვიძებდა, ჩიტები, თითქოს დღის დაბადება უხარიათო, სტვენით აყრუებდნენ არემარეს.

ხსართაგს გულზე გადაეყარა, გაზაფხული რაღაცის იმედს აძლევდა. გორაკზე ავიდა. იქიდან ჭალა ხელისგულივით მოჩანდა.

მძიმე ზამთარი უკან დარჩა. აგერ დედამიწამ უკვე გაიღვიძა. ტყეს ეტყობა, რომ მალე შეიმოსება ზურმუხტისფერი ფარჩით, მხოლოდ ნაძვები დგანან ამაყად. არც ზამთარი აშინებთ და ზაფხულში ხომ უკეთესი. დგანან მარად მწვანით შემოსილნი და თითქოს ტანსაცმელშემოგლეჯილ არჟის ხეებს დასცინიან. ახლა კი არყის ხემატე გაიოიძა, საიკა კვირტები დასადება. ისევ ლამაზად შეიმოსება და მაშინ ერიდოს ყველა, სილამაზეში ტოლს არავის დაუდებს.

ჩქარობს გაზაფხული. ყველაფერი უნდა მოასწროს. ჭერ კი თავისი ჯადოსნური ფუნჯით ტაივას აფერადებს.

ხსართაგი ერთ დიდ არყის ხეზე ჩამოჯდა. ეტყობოდა ეს ხე ამ ზამთარს ქარიშხალს ამოეგდო ძირფესვიანად. და აი მოდის გაზაფხული. ყველაფერი ისევე ისეა ტყეში, მხოლოდ მას დაუბნელდა მზე, მისი დობილები ისევე მოირთვიბიან, აგერ კიდევაც კოპწიაობენ. ეს კი ველარაფერს იგრძნობს. აღარც ნიავე გაუგრირლებს შუბლს, აღარც ქარიშხლისა ეშინია. ხსართაგმა თავი ამ ამოგლეჯილ ხეს შეადარა.

სწორედ ასე მოსწყდა ის სოფელს, თავის ნალყუთას. იქ არაფერი შეეცვლილა, გარდა იმისა, რომ მათი ოჯახი დაიღუპა, ხსართაგი გამოაკლდა ტოლებს...

თავი გაიქნია, თითქოს ავ ფიქრებს იშორებდო. ტყიდან ფეხის ხმა გაიგონა. წამოდგა, ყური მიუგდო, ვილაც მოიჩქაროდა. ცოტა ხნის შემდეგ ნატაშა დაინახა.

— სადა ხარ, ხსართაგ, ვასილიჩმა გამომგზავნა. ჟანდარმი მოვიდა, სხვაგან მიჰყავს, ჩქარა...

ხსართაგს ელა ეცა. ხმის ამოუღებლად გაჰყვა ნატაშას, რომელმაც გააგებინა, ვასილიჩი, როგორც განსაკუთრებით საშიში პიროვნება, უფრო შორს მიჰყავთ, რადგან მას შეუძლია აქედან გაიქცესო. — ასე თქვეს... — ნატაშა ტირიდა.

ერთი ნაბიჯით მიასწრეს, უკვე მზად იყვნენ წასასვლელად.

ვასილიჩმა ხსართაგი განზე გაიყვანა.

— კაზბიჩს გადაეცი, ჩემს ამბავს შევატყობინებ, სანამ პეტერ-ბურგიდან ამბავი არ მოვა, საცხოვრებელი ადგილი არ შეიცვალოს. შენ, ჩემო ხსართაგ, არ გაჩერდე, თუ დროს იხელთებ, გაიქეცი, კაზბიჩი დაგეხმარება. მხოლოდ გახსოვდეს, შინ ნუ გამოჩნდები, ისევე დაგიჭერენ, ქალაქში, სადმე ქარხანაში მოეწყვე მუშად. იქ იპოვი გზას, მუშები გასწავლიან ცხოვრებასაც და ბრძოლასაც. არ დაანებო სწავლას თავი. იცოდე, უსწავლელი ფონს ვერ გახვალ, წიგნი გიჩვენებს გზას. ჰო, შეიძლება ჩვენ კიდევ შევხვდეთ. არადა... შენი იმედი მაქვს... — ამ სიტყვებით ვასილიჩმა საკუთარი შვილივით ჩაიკრა გულში. გადაჰკოცნა. მერე ნატაშას გადაეხვია. ის კი ხმამაღლა ქვითინებდა.

— ნუ, ნატაშა, რა საჭიროა ცრემლები, — დაამშვიდა ვასილიჩმა.

ჟანდარმმა ვასილიჩი ნავში ჩასვა და ჩრდილოეთის გზას გაუყენა.

დარჩენენ ობლებივით ნატაშა და ხსართაგი. არც ერთი იღებს ხმას. გაბრუებულებივით დაბორილობენ. ნატაშა ჩუმ-ჩუმად ისევ იცრემლებს. ხსართაგი ძანგთან დაბრუნდა, ვასილიჩის ამბავი მიუტანა.

— წყეულები. ეშინიათ მისი, შორს იმიტომ გადაკარგეს, მაგრამ ჩემთან ეს ფანდი არ გაუვათ. მე მაინც მივაკვლევ.

ხსართაგმა დაწვრილებით გადასცა ვასილიჩის დანაბარები.

— რას წარმოვიდგენდი, ასე ჩქარა თუ მოაკითხავდნენ, თორემ რამეს მოვიფიქრებდი, ეს დღეები არც ვიყავ აქ.

— სად იყავი? ორჯერ ჩამოვედი. არც ერთხელ არ დამიხვდი სახლში.

— შენს საქმეზე წავედი. ხომ არ დაგავიწყდა, გაქცევას რომ აპირებ? როგორ გგონია, უსაბუთოდ შეიძლება აქედან გაქცევა?

— რა ქენი, გამოდის რამე?

— ძლივძლივობით ჩავიგდე ხელში. ძალიან ბევრს ითხოვდა ის ღორისშვილი. ჩემი ორი თვის შრომა ერთ ფარატინა ქალაღდს მოუნდა. მაგრამ ეს არაფერი... ახლა ის უნდა მოვიფიქროთ. აქედან უახლოეს რკინიგზის სადგურამდე როგორ ჩახვალ. ფეხით? არ შეიძლე-

ბა. ნავით, ისიც მდინარის საპირისპიროდ — სიგიჟე იქნება. დარჩა ერთი გამოსავალი, დიდი ბარჯა ან გემი. გემი ორი-სამი კვირის შემდეგ გამოივლის. ყურეში ჩაუშვებს ლუზას. მერე მცირე ნაევებს გაგზავნის სოფლებში. შეისყიდის რაც ზამთარში ძვირფასი ბეწვეული დაამზადეს მონადირეებმა და ისევ გაბრუნდება უკან. აი ამაზე დავდივარ ხსართავ, როგორმე იმ გემით უნდა გაგზავნო, მეტი გზა არ არის.

სამ კვირაზე მეტი გავიდა. გემი იგვიანებდა. ხსართავმა მოსვენება დაკარგა. მდინარეს აღარ აშორებს თვალს და აი ერთ დღეს სადილობა გადასული იქნებოდა, რომ სოფელი გემის საყვირმა შეძრა. უცნაური ღრიალით მოადგა გემი არყიქალას, მთელი სოფელი დიდიან-პატარიანად მდინარის პირას გამოეფინა. გემმა ყურეში ჩაუშვა ლუზა. აქედან ნაევებზე დატვირთეს აუცილებელი მოხმარების საგნები — ფქვილი, მარილი, შაქარი, სანთელი, ნავთი, ასანთი, ფართლელი, ტანსაცმელი, ცელები, წერაქვები, დანები, ტაიგაში გამოსაყენებელი ათასი საჭირო ნივთი, სოფლის ბოლოს საამისოდ განკუთვნილ ველზე გაშალეს კარვები და ვაჭრები მაშინვე დახლებში ჩადგნენ.

არყიქალელებისათვის ამ გემის გამოჩენა ყოველ გაზაფხულზე დიდი დღესასწაულია. მთელი წლის უზრუნველი ცხოვრება ამ გემზეა დამოკიდებული. რასაც ახლა შეიძენენ, ის ექნებათ მომავალ წლამდე. აქაურებსაც აქვთ გასაყიდი საქონელი. ეს არის ზამთრის პერიოდში დაგროვილი ნანადირევი, ძვირფასი ციმბირული ბეწვეული.

6.

იმ ღამეს თვალი არავის მოუხუჭავს. ძანგი სამგზავროდ ამზადებდა ხსართავს. თვითონ ხსართავი და ნატაშა კი მდინარის პირას ისხდნენ.

მეტად ღამაში იყო ციმბირის გაზაფხულის ის ღამე. მდინარის ტალღები, თითქოს შეჯიბრი აქვთო, ერთიმეორეს ასწრებდნენ და გაფოთებულები ქაფს ნაპირზე ანთხევდნენ. შიშველი მთვარე წყალში ჩახტა და ოქროს თმას ტალღების სავარცხლით ივარცხნის.

სულ ახლოდან იკვილა ჭოტმა. ალბათ, ნაძვის ტოტებში გახლართულმა მთვარის სხივებმა მოსვენება დაუქარგა და დედამიწიდან უნდა ხმა მიაწვდინოს.

ნიავე არ იძვრის. მხოლოდ მდინარის ტალღების სუნთქვით წარმოქმნილი სიო ესალბუნება გულს და რაღაც გამოუცნობ ნეტარებას აგრძნობინებს.

ციმბირული გაზაფხულის ღამე ასე ღამაში რომ იყო, მხოლოდ ახლა შეამჩნია ხსართავმა. თუმცა შეიძლება ახლაც არ შეემჩნია, მის გულზე მდებარე უზარმაზარი ლოდი ადგილიდან რომ არ დაძრულიყო.

უქანასკნელი ღამეა აქ, ხვალ ამ დროს უკვე შორს იქნება.

მისი გაქცევის ქამმა დაჰკრა.

დღეს იყო საპატიმროს სამმართველოში, არყიჭალიდან ეს სამმართველო ოცი ვერსითაა დაშორებული. ზამთარში აქედან არყიჭალაში ძალიან იშვიათად თუ ვინმე ჩავა, საშიშროება იმისა, რომ პატიმარი გაიქცეს, გამორიცხულია. თუმცა, ყოფილა შემთხვევა, თავზუნელალებულებს ზამთარშიც უცდიათ ბედი, მაგრამ ადგილამდე არავის ჩაულწევია.

პატიმრები ზაფხულში კვირაში ერთხელ აუცილებლად ცხადდებიან სამმართველოში. დროდადრო ქანდარიც ამოწმებს.

ნატაშა და ხსართაგი იმ დღეს საღამოთი ჩამოვიდნენ ძანგთან. ის უკვე ელოდა. ათასი რამ არის გზაში საჭირო, იცის ძანგმა. აგერ ახლაც ეზოში ზის და მთვარის შუქზე ხსართაგისათვის არყის ქერქი ქალამნებს ასხამს.

ძალიან მოუსვენრობს ძანგი. არც ლაპარაკის ხასიათზეა. ხან სულ უზაროდ დაბორიანობს. ერთით უზარია, რომ ხსართაგს ისტუმრებს, მაგრამ თან ლელავს, არ უნდა მისი გაშვება, ვაითუ გზაში ხიფათს გადაეყაროს, უბრალოდ დაილუპოს ბიჭი.

დიდხანს ისხდნენ მდინარის პირას ნატაშა და ხსართაგი. ხმას კი არც ერთი არ იღებდა. ორივე თავთავის ფიქრში იყო გართული.

მთვარის ნათელს გაეცისკროვნებინა ნატაშას სანდომიანი სახე და წყლის ფერიას ჰვავდა.

— ნატაშა, რატომ არაფერს იტყვი, ხვალ ამ დროს აქ აღარ ვიქნები.

— მეც ეგ მაწუხებს, რა მეშველება უშენოდ?

— ნატაშა, ძალიან გთხოვ, არ იტირო.

— მე შენი მადლიერი ვრჩები, ხსართაგ.

— რისთვის?

— ყველაფრისთვის. თუნდაც იმისათვის, რომ შენ დამაჯერე, მე რომ კვლავ ადამიანი ვარ, კიდევ იმისათვის, რომ კეთილი გული გაქვს და იმ გულის სითბო მეც მიწილადე. შენი სიწმინდით ჩემი მიძინებულის ნამუხის გამოადვიძე. თავდაცვის ინსტინქტი გამიღვიძე. კიდევ იმისათვის, რომ კვლავ ცხოვრებას დაეუბრუნდი. იცოდე, სიკვდილამდე არ დაგივიწყებ. შენი სიკეთე ყოველთვის სიკეთისაკენ გამინათებს გზას. ყოველთვის ვეცდები, ისეთივე ალალი და სპეტაკი ვიყო, როგორც შენ ხარ...

— მეც მადლობელი ვარ, ნატაშა. არც მე დაგივიწყებ, თუმცა არც ვიცი, ხვალ რა მელის. ძნელი სათქმელია... მაგრამ რაც უნდა მოხდეს, პირველ რიგში ადამიანად დავრჩები.

— ნურაფერს იტყვი, ვიცი, რისი თქმაც გინდა. ჩვენს გრძნობას ჩვენსავით ბორკილები ადევს. ჯერ ამ ბორკილების დამსხვრევაა საჭირო, ასე ამბობდა ვასილიჩი, მერე ჩვენი სიყვარულიც ლამაზი და თავისუფალი იქნება...

— მართალს ამბობ, შვილო, — სიტყვა ჩამოართვა ძანგმა, რომ-

ლის მოსვლა ვერც ერთმა ვერ გაიგო, — ბორკილების ქლარუნი აქრობს სიყვარულს. ღმერთმა ორივეს მოგცეთ სიყვარული ისეთი, როგორც მე და ჩემს უდროოდ დაფერფლილ მეუღლეს გვქონდა. მაგრამ იმ სიყვარულს არ დასცალდა გაფურჩქვნა, ისე ჩაქრა. გაისრისა აღდარის ბორკილებქვეშ. შენ მართალი თქვი, შვილო, ნატაშა, ასე ამბობდა ვასილიჩი, თავისუფლებისათვის ბრძოლის ცეცხლში გამოიჭედება სიყვარული.

— მე რა? აი ხსართავი... თუ...

— არა, არა ხარ მართალი, შენი საქმე უფრო იოლია, როგორც კი პატიმრობის ვადა გაგითავდება, პეტერბურგში გაგზავნი. იქ ბეყარი ნაცნობი მყავს. ისინი დაგეხმარებიან; სამსახურში მოგაწყობენ, მერე კიდევ... გასწავლიან, როგორ იბრძოლო თავისუფალი და ბედნიერი ცხოვრებისათვის.

— გმადლობთ, პაპა, ბედისწერას ვერსად წაუვა კაცი.

მთვარე სულ მაღლა აგორდა. გათენება ახლოვდებოდა. სამივე ისევ წყლის პირზე ისხდნენ. სალაპარაკო არა და არ იღოდა. მერე ნატაშა ადგა, დასაძინებლად წავიდა. ჭოტიც, ალბათ, დაიღალა, ხის ტოტზე თუ ჩამოეძინა, აღარ ისმოდა მისი კივილი. ძანგი მერამდენედ უმეორებდა ხსართავს:

— გახსოვდეს, შვილო, აულში არ გამოჩნდე. სანამ შენ იქ ჩახვალ, აქედან დებეშას გაგზავნიან და წინდაწინ ეცოდინებათ შენი გაქცევის ამბავი. პირდაპირ ქალაქში ჩადი. შურისძიების გზას არ დაადგე, არ ივარგებს. დაეუშვათ, მოკალი ის, ვინც შენ გაგამწარა, რა გამოვა აქედან. დაგიჭერენ და ისევ აქ მოგიყვანენ. ქარხანაში დაიწყე მუშაობა, მერე თვითონვე მიხვდები, რაც უნდა გააკეთო. ჰო, კიდევ რას გეუბნები. ზარინასა და ხასანას ჩემს შესახებ ნურაფერს ეტყვი. არ არის საჭირო. მე იმათთვის დიდი ხანია მკვდარი ვარ, რა საჭიროა მკვდრეთით აღდგომა, უკვე დავიწყებულის გახსენება.

იციოდე, მალე დადგება შურისძიების დრო. მომზადებული უნდა შეხვდეთ მას. მე მაშინ, ალბათ, აღარ ვიქნები, ვერ მოვესწრები ბედნიერ ხანას. შენ მოესწრები. მთელი სიცოცხლე ვიბრძოლე, ვხოცე აღდარები, ბოქაულები, ჩაფრები, მდიდრებს ვართმევდი და ღარიბებს ვაძლევდი. მაგრამ არაფერი გამოვიდა. აგერ, ხომ ხედავ, ოცი წელი ამ ტიალ ციმბირში ბორკილებქვეშ ვგმინავ. ახლა, კიდევაც რომ დაებრუნდე ჩვენში, მაინც ვერაფერს გავაკეთებ. ჩემი ბრძოლა უსაფუძვლო იყო, ამას აქ მივხვდი. შენ ამ მცდარ გზას არ დაადგე; თანაც მარტო. ხომ იცი ერთეულების მოთოკვა იოლია. ბუნების ძალას ვთხოვ, ის, რის გაკეთებაც მე ვერ შეეძლო, შენ შეგაძლებინოს. რა ვქნა, კი არ ვნანობ, მეტი არ შემეძლო, ჭკუა მეტს არ მიჭრიდა. ახლა ბარემ რაღაც-რაღაცები გავიგე, მაგრამ ძალიან დამიგვიანდა და აი, შვილო, ხსართავ, ჩემი შურისძიების მახვილი შენთვის გად-

მომიცია. ამ მახვილით იბრძოლე შენი და შენისთანების ნათელი მო-
მავლისათვის. ბრძოლა, მხოლოდ ბრძოლა მჩაგვრელების წინააღ-
მდეგ! ახლა წამოდი და დაისვენე. ხვალ გრძელი და ხიფათიანი გზა
გველის. სამი დღე-ღამის სავალია დათვების სავანემდე. ისიც როგორ
გზაზე?

— ო, მართლა, ჩემს მიერ განერხებული საბუთები, მხოლოდ
გზაში გამოგადგება. მერე მორჩა. იმათ ადგილობრივ პოლიციას ვერ
წარუდგენ, მაშინვე გაგიგებენ. ჰოდა, იქ შენ თვითონ უშველე თავს.

რიურაქზე გაუდგნენ გზას. ნატაშამ მდინარემდე მიაცილა. აქ ვე-
ლარ შეიკავა თავი, ძანგისაც აღარ მოერიდა, ხსართავს გადაეხვია და
ერთხანს აღარ უშვებდა...

ნავი დგაფუნით აუყვა მდინარეს, ნატაშა კი იდგა და ვერც კი
გრძნობდა, ცრემლები რომ ჩასდიოდა საყელოში.

— ღმერთო დიდებულო, დედაო ღვთისმშობელო, შენ დაიფარე
და მშვიდობის გზაზე ატარე... — ჩაიჩურჩულა მან, როცა ნავი თვალ-
თაგან მიეფარა.

ხსართავმა დაასრულა თავისი გრძელი ამბის თხრობა.

— ერთი სიტყვით, ჯოჯოხეთი გამოვიარე აძიბე, ძალიან ვეწამე
და აი ისევე აქა ვარ.

მეექვსე თავი

ბულბულმა ბალობა დაივიწყა

1.

სოლომი არ მოელოდა, რომ ასე მოხერხებულად მოაკვარახჭინებ-
და საქმეს. ქონებით გატენილი სახლი ახლა მშვენიერი ნალყუთათი
დააგვირგვინა, ყველაფერი უფრო ნარნარი და საამო იქნებოდა, ნალ-
ყუთა ერთთავად საავდრო ღრუბელივით დაღვრემილი რომ არ იყოს.
ქმარი გრძნობს, ნალყუთა ხსართავს გლოვობს, რომ მას მხოლოდ
ჩაფერფლილი გულის ნაცარი შერჩა ხელში. მაგრამ ითმენს, ელის,
ნალყუთა დროთა განმავლობაში აუცილებლად დაივიწყებს პირველ
სიყვარულს და უფრო ალერსიანი გახდება. ელის, თანაც ცდილობს
ქალის გულის მონადირებას. მაგრამ ჯერჯერობით ვერაფერს ხდება.
პირველი სიყვარულით დამწვარი გულის კარის გასაღები დაკარგუ-
ლია. ნალყუთასათვის სულ ერთია ყველაფერი, არც არაფერი აღელ-
ვებს, არც არაფერი ახარებს, ერთთავად დაღონებულია და გაზა-
ფხულის თოვლივით დნება.

ქმარმა რომ ვერაფრით მონადირა ქალის გული, გაცოფდა. ახლა

სხვა ზომა იხმარა, ტკბილი სიტყვის მაგიერ მუშტი მოიშეველია. ამან უფრო გააყერბა ქალი. დამუნჯდა, აღარც ავს ამბობს, აღარც კარგს. ერთ საღამოს სოლიმი შინ ნასვამი დაბრუნდა. დაღონებული ნალყუთას დანახვაზე ცეცხლი წაეკიდა.

— რას ჩამოგტირის თავბედი? თითქოს ოჯახში ცხედარი გვესვენოს, ერთხელ მაინც გამხადე შენი ღიმილის ღირსი.

— ნაძალადევი ღიმილი და სიცრუე რისთვისაა საჭირო?

— ვიცი, ვისთვისაც გიძგერს ეგ გული, აქამდის ხმას არ ვიღებდი, მაგრამ ახლა კი მიფრთხილდი.

— ვისთვის? თქვი, დაე საკუთარმა სინდისმა გამხილოს.

— მიმიფრთხებია იმისთვისაც და შენთვისაც! მე აქ იმიტომ არ მომიყვანიხარ, რომ შენი კურობები იგლოვო. იცოდე, ან იყავი როგორც ცოლი, ან... მე მეტის მოთმენა აღარ შემიძლია...

სოლიმი გადაიჩია, გაავდა, ერთხელაც ვეღარ მოითმინა და ნალყუთას სილა გააწნა. ეგონა, შეშინდება და ჯიუტობას მოიშლისო, მაგრამ მოტყუვდა, იმ ღამეს ნალყუთა თავის სახლში გაიქცა. სოლიმმა მისი წასვლა არაფრად ჩააგდო. მობეზრდება და თვითონვე შემეხვეწებაო. ახლა აღარაფრისა ეშინია, თავისი გაინაღდა, მხოლოდ მისი მოთვინიერებაა საჭირო. ეგონა, რამდენადაც მეტ სიმკაცრეს გამოვიჩენ, იმდენად ჩქარა მოვდრეკო, მაგრამ ნალყუთა ქმრის ოჯახში დაბრუნებას არ აპირებდა. სოლიმმა ხელი ჩაიქნია.

ერთ საღამოს ბულათიყომ სიძის ეზოში შემოაგელვა ცხენი. სოლიმი მიხვდა, რისთვისაც იყო მოსული, ვითომ ვერ დაინახა და საღამოც არ აღირსა.

ბულათიყო ახლოს მივიდა.

— რატომ აწყენინე ჩემს დას?

— სოლიმი დაუმსახურებლად არავის აწყენინებს...

— შენ რა, უპატრონო ხომ არ გგონია, თუ მკვდრად ჩამთვალე?

— ჩემს ცოლთან თუ უსიამოვნება მომივიდა, ეგ ჩემი საქმეა, შენ კი სხვის ცხოვრებაში ცხვირს ნუ ყოფ. როგორ? ცოლი ჩემია, ის კი ბარსაგის ლეკვს გლოვობს! ჰოდა, გეუბნები, არ მოვითმენ.

— ხომ გითხარი, სკლს არ მოგცემს-მეთქი, რად გააუბედურე?

— ჩემამდეც არ იყო წმინდანი...

ბულათიყოს ცეცხლი წაეკიდა.

— ვისზე ამბობ მაგას? ახლა ის აირჩიე მსხვერპლად, ვირიშვილო?! — იყვია მან და სიძეს ისეთი ალიყური აჭამა, რომ მიწაზე გააგორა. — დედას ვიტყვებ, რომ გავიგო, ხელი ახლე, უყურეთ, ერთი ამ ძაღლისშვილს, ხსართაგის დაღუპვა შეგრჩა, მაგრამ ახლა მიფრთხილდი!

— ვის უბედავ, შენი დედა... — წამოხტა სოლიმი და ბულათიყოსკენ ხანჯალამოღებული გაიქცა. ბულათიყომ კიდევ უმარჯვა, სიბრტყივ დაჰკრა თავში პაპისეული ხანჯალი, სოლიმს თვალთ დაუბნელდა.

— ეს ერთი მიპატრეობა, თუ ჩემი დისტვის თითქმის დაგვიკარებია, იცოდე, სიცოცხლეზე ვიღებ ხელს, ან მოგკლავ ან ზედ შემოგაკვდები, ყელს გამოგჭრი, ღორისშვილო, დანიშნული ციმბირს გადაუქარგე, მერე ხმა გაავრცელე ციმბირში მომკვდარაო, ოჰ, შენი დედა... შენი, მცოდნოდა, მე გაჩვენებდი, მაგრამ შხამიანი გველივით შემოგვიძვერი და შეგვაცდინე. ახლა საქმე რომ დაიარსებინე, ცემასაც უბედავ? მე გაეცემინებ... ერთი გავიგო, გავიგო და კაცი არ ვიყო, თუ შენი ნაწლავები ხელზე არ დავიხვიო. — დაემუქრა ბულათიყო სოლიმს, ერთი წიხლი კიდევ უთავაზა და მარდად მოველო ცხენს.

გაჯავრებულმა წელი ძლივს აათრია. ახალუხის კალთები ჩამოიბერტყა, ის იყო შინ შესვლა დააპირა, რომ ყაზის ხმა გაიგონა:

— სოლიმ, სად მიიპარები, ხომ ხედავ სტუმარი გეწვია.

— ჰა, თქვი, რა მოხდა?

— ბარსაგის ლეკვი ციმბირიდან გამოქცეულა...

— როდის? — თითქოს გველმა უკბინაო, ისე დაიღრჩა სოლიმი.

— ღმერთმა იცის.

— შენ საიდან გაიგე?

— ქალღმერთი მივიღე. ბრძანებაა, დაეკავო და უკანვე დაეაბრუნო.

— მერე რაღას ელოდები?

— შენ გელოდები.

— მე რა შუაში ვარ?

— აბა ვინ არის შუაში? როგორ ფიქრობ, ციმბირიდან გამოქცევა ვინც მოახერხა, ის ისეთი გიჟია, პირდაპირ კამეჩივით მოვიდეს, რომ რქებზე ბაწარი წავაბათ და ისევ ციმბირში ვუქრათ თავი? არა. ის მელსავეით ხაფანგში უნდა გავაბათ. ხაფანგი კი მოფარებულში თუ არ დააგე, ისე ვერაფერს დაიჭერ, მერე კიდევ ხაფანგს ვინც უღარაჯებს, იმას თავის მოქონვა დასჭირდება თუ არა? დასჭირდება. მოსაქონიც შენა გაქვს — უშნოდ გაიღრჩა და ყვითელი ღრჭოლები გამოაჩინა ყაზიმ.

— რამდენი?

— ჯერ ათასი მანეთი.

— ეგ ბევრია.

— არ დაგავიწყდეს, იმას შენთან ექნება საქმე.

სოლიმი გაშრა.

— ჰა, რას იტყვი?

— ჰო, თანახმა ვარ, — თავი დაუქნია სოლიმმა.

— გიშველა ღმერთმა. ჰო, კიდევ ერთი ამბავი...

— რაღა დაგრჩა სათქმელი, თქვი.

— ახლა თუ ხსართავი დაბრუნდა, შეიძლება პირდაპირ აქ არ ჩამოვიდეს. რა თქმა უნდა, არ ეცოდინება დანიშნულის ამბავი. აუცილებლად შეეცდება მის ნახვას. ბულათიყოს ძმადნაფიცია, არ და-

გავიწყდეს. თუ მათ ერთი მიზანი დაისახეს, შენი საქმე წასულია. აღარაფერი გიხსნის. დაილუპე და ეგ არის. გავიგე, ცოლი გიცივია. გაფრთხილდი! ჰო, მომაოხრე თუ რამეს იძლევი, ხაფანგის საქმე მოვაწესრიგო. ცოლმა არაფერი გაიგოს, დაილუპები.

მეორე დღეს სოლიმი ცოლეურს ეწვია. ბულათიყომ შინ არ შეუშვა. სოლიმმა ხერხი იხმარა, უფროსები მიუჩინა. ფეხქვეშ ჩაუვარდა ნალყუთასა და ბულათიყოს, პატიება სთხოვა.

ბულათიყომ შორს დაიქირა. მე შენთან ნათესაობა არ მინდაო. ქვა შეაგდო და თავი შეუშვირა. მაგრამ ისევ ნალყუთამ დათმო, შეეშინდა ძმა ხიფათში არ გაეხვეო.

სოლიმმა წამოიყვანა ცოლი. მას შემდეგ მართლა სანთელივით მოიღვენთა, შაჭრად დადნა. უკადრისი სიტყვა აღარ წამოსცდენია. ის კი არა, ერთხელ ასეთი საუბარიც გაუმართა:

— ნალყუთა, რას იტყვი, ის ობოლი რომ წამოგვეყვანა... ხასანას ბიჭზე გეუბნები. ხალხი მოწმეა, საწყალი ზარინას დასაფლავების დღესაც მომყავდა, აძიბემ არ დამანება. ხსართაგი, ღმერთმა აცხოვნოს, უცხო არ იყო. არა, იმას კი არ ვამბობ, თითქოს აძიბე ცუდად ექცეოდეს. არა, მაგრამ ჩვენთან უკეთესად იქნება. აძიბე თვითონაც ხელმოკლეა. დაფიქრდი, თუ ჩემი წინადადება ჰკუთავი დაგიჭდეს, ვიშვილოთ, კარგი ბავშვია.

ნალყუთა საფიქრებელმა წაიღო: რად დასჭირდა სოლიმს ვილაციის ობლის შინ მოყვანა? ხან ისე იფიქრა, ხან ასე, მაგრამ ვერაფერს მიხვდა. რატომ იჩენს ამდენ მზრუნველობას? აქამდის ხსართაგის ხსენება აცოფებდა, ახლა რა მოხდა? მრავალი კითხვა უპასუხოდ რჩებოდა. აცირუხსს ჰკითხა, იმანაც ხელები გაატატანა:

— ღმერთმა იცის, რა განიზრახა!

— კი მაგრამ, რას უშლის უთვისტომო ობოლი?

— არ ვიცი. მე მხოლოდ იმას ვხედავ, რომ თუ სოლიმი კეთილ საქმეს აკეთებს, რაღაც მნიშვნელოვანი აქვს ჩაფიქრებული, ვილაცას ჩასცემს მკერდში მახკილს.

აცირუხსი კარგად იცნობდა გერს. მისი საქმეებიც იცოდა, მაგრამ არც ის ავიწყდებოდა, თუ გაბედავდა და ერთი სიტყვაც დასცდებოდა — სოლიმი გველუშაპივით პირს გააღებდა და აცირუხსი გაქრებოდა. ახლაც იმიტომ შეკრთა. იცის, სოლიმი უბრალოდ არ ცდილობს ხასანას ობლის შინ მოყვანას. მაგრამ ნალყუთას პირდაპირ ვერაფერს ეუბნება. რა ურჩიოს, თვითონაც არ იცის, მხოლოდ ამის თქმა მოახერხა:

— რა ვიცი, შვილო, შენი ნებაა, როგორც გინდა ისე მოიქეცი.

ნალყუთამ პატარა ბაბე შინ მოიყვანა. აძიბე უარზე იყო, მაგრამ ნალყუთას ცრემლებმა მოუღებო გული.

— აძიბე, შენ მაინც შემიბრალე, ხომ იცი, ხსართაგის შემდეგ ჩემი სიცოცხლე აღარ ღირს. მოკვდა გული. იქნებ ამ ამბავმა ცოტა-

თი მიანიც მომიშუშოს წყლული. საკუთარი შვილივით გავზრდი. მომეცით, თორემ დიდხანს ვერ გავალწევ, მოვკვდები.

აძიბეს შეებრალა მწუხარე ქალი. იგრძნო, ნალყუთას გულში სამუდამოდ დაისადგურა ხსართაგის „დალუპვით“ გამოწვეულმა ტივილმა, რომ ის მხოლოდ წარსულითა ცოცხლობდა და დათანხმდა.

პატარა ბაბე წამლად ექცა ნალყუთას. გამხიარულდა, ხმა ამოიღო, გულში გაჩენილ ყინულს ლხობა შეეპარა. გამოიცვალა ქალი.

სოლიმს გაუშართლა განზრახვამ, რის მიღწევაც აქამდის ვერაფრით შეძლო, ახლა ბავშვის საშუალებით მოახერხა. ყინულმა ლხობა დაიწყო. ახლა ნალყუთა ხშირად იცინოდა. ბავშვის სიყვარულმა გული გაუთბო. სოლიმიც გამოიცვალა, აღარაფერს იშურებს არც ნალყუთასთვის, არც ბაბესთვის. ისე არსაიდან დაბრუნდება, რომ ბავშვი რამეთი არ გაახაროს. თუ შინ არის, ხელში უჭირავს, ეფერება, ჰკოცნის. ნალყუთა ხედავს ამას და თანდათან მოლბა. ისე ცივად აღარ ექცევა ქმარს. თვითონ კი ხსართაგის სიყვარული ამ პატარა ბავშვზე გადაიტანა და მის გულში სრულიად ახალმა, ძალზე ძლიერმა დედობის გრძნობამ გაიღვიძა.

სოლიმიც კარგ ხასიათზეა. მისი ცხერის ფარები ერთიორად გამრავლებული დაბრუნდა საზამთრო საძოვრებიდან, შარშან შემოდგომით რომ მოჯამაგირე აიყვანა, ძალიან შრომისმოყვარე და მარდი ბიჭი გამოადგა.

— მე კმაყოფილი ვარ შენი, ამიტომ ხელფასს გარდა ერთი თოხლი მიჩუქებია, — დიდსულოვნება გამოიჩინა სოლიმმა.

— გადღეგრძელა ღმერთმა, შენს სიკეთეს არ დავივიწყებ. მაგრამ თოხლის მაგიერ ცოტა ქერს თუ მომცემდი, მეტად დაგიმადლილი. შემოდგომით მამაჩემი უჭირნახულოდ დავტოვებ.

ამ ცოცხალ, შრომისმოყვარე მოჯამაგირესთან რომ არაფერი დაეკარგება, იცის სოლიმმა.

— კარგი, როგორც გინდა. ხვალ ჩამოდი და საპალნეს გაგიხერხებ. შერე კიდევ, ზურგით არ ეწვალო, ცხენს გათხოვებ. წადი, მამასაც ნახავ, მხოლოდ დიდხანს არ შეგვიანდე. ხო, იცი, ცხვარს დროზე უნდა მიხედო.

— გამადლობთ, სოლიმ, შენი პატივისცემა დაუვიწყარი იქნება. ცხერის დარდი ნუ გაქვს, მალე დავბრუნდები.

დილით წასასვლელად მომზადებულმა სოლიმმა აცირუხსს დაუბარა:

— მე აქ არ ვიქნები. მოჯამაგირე მოვა და ერთი-ორი ფუთი ქერი მიეცი.

მოვიდა მოჯამაგირე, ჰიშკარი შემოაღო. აცირუხსმა გახედა.

— ქალბატონო, სოლიმი თუ ბრძანდება შინ.

— არა, არ გახლავთ.

— მაშ რა მეშველება. მოჯამაგირე ვარ თქვენი, ქერს შემპირდა...

— ვიცი, ვიცი. შემოდი, შვილო.

— გიშველა ღმერთმა.

აცირუხსმა ხურჯინის ერთი თვალი ქერით გაავსო და მოჭამაგირეს შესხდა. დახეული შარვლიდან მუხლი მოუჩანდა ჭაბუკს.

— შარშან, ჩვენთან დადექი თუ არა, მაშინვე ყიზლარში მოგიხდა წასვლა და ვერც კი მოვასწარი შეკითხვა, სადაური ხარ, ვისი გვაზრისა!

— აქაური არა ვარ, ყამფალგომი თუ გაგიგონიათ?

— ყამფალგომში ბევრი აულაია.

— ხარდისარელი ვარ.

— ქალს თვალები გაუფართოვდა.

— ვისი ბიჭი ხარ?

— დოლათისა.

— ვისი? — ყურებს არ დაუჭერა აცირუხსმა.

— მალდიგათი დოლათისა.

— რამდენი წლისა ხარ?

— გაზაფხულზე ოცისა გავხდი.

— რა გქვია?

— თაიმურაზი.

აკანკალდა აცირუხსი. თვალს ვეღარ აშორებს ჭაბუკს და უცბად, ჰოი, საკვირველებავ, ჭაბუკის ნატანჯი და დარდიანი სახე დაპატარავდა, დაპატარავდა და აკვნიდან ჩვილმა შემოსცინა. აი პატარა ცაცებს იშვერს დედისავენ. დაიხარა აცირუხსი და ბავშვს არტანები მოუფონა. მერე თვითონ გარეთ გამოვიდა, ჩვილმა დედას თვალი გააყოლა, აკვანში ჩაბჭირდა. აცირუხსი ისევ მიბრუნდა.

და გულმა დაიკვნესა „შვილო“. იქვე ჩაიკეცა. თაიმურაზი გარეთ გამოვარდა, მშველელს უხმო. ნალყუთამ მოიბრინა. გულწასული ქალი გარეთ გამოიყვანეს და დერეფანში ტახტზე მიაწვინეს. გვიან გაახილა თვალი. ჭაბუკი მოკებნა.

— რა იქნა? — იკითხა მისუსტებული ხმით.

— წავიდა, — უპასუხა ნალყუთამ.

— ჩემო წილო გამჩენო ღმერთო! ამაზე მეტად ნულარ გამაუბედურებ! — დაიკვნესა და ატირდა.

— რა დაგემართა, აღარ იტყვი? — ჩაეკითხა ნალყუთა.

— არაფერი, არაფერი, შვილო...

— დედამთილო, ძალიან გთხოვ, ნუ დამიმალავ, მითხარი რა მოხდა?

— გეტყვი, თავს შემოგვევლე, გეტყვი. შენი რჩევა მჭირდება...

აცირუხსმა გვერდით მოისვა ნალყუთა. მძიმე-მძიმედ, ნაწყვეტ-ნაწყვეტ მოუთხრო თავისი ამბავი. დიდი ხნის ბოლმით გასიებული გული გადაუხსნა.

— ჰე, შვილო, ასე იყო ჩემი საქმე... დღეს ამ გასახმობმა გულმა იგრძნო შვილის სიახლოვე. აკვანში დატოვებული ჩვილი ვაჟაკად დამიბრუნდა. დიდება შენდა, ღმერთო. ახლა გინდაც მოვკვდე, იქ

მაინც იქნება დამშვიდებული ჩემი ნაწამები გული. დედა გენაცვალოს, დედის ხელ-გულნაკლულს, შვილო... ნუთუ იძულებით ჩადენილ დანაშაულს არასოდეს მპატიებ.

ნალყუთა გრძობდა, რომ აცირუხსს რაღაც გამოუცნობი დარდის თუ სინდისის ქენჯნა აწუხებდა, თითქოს მას ნალყუთასი ეშინოდა, ერიდებოდა. ცდილობდა მისი კეთილგანწყობა დაემსახურებინა. არც სოლიმისა და აცირუხსის დამოკიდებულებაში იგრძნობოდა მაინცდამაინც დიდი დედაშვილური სითბო. გულჩათხრობილ აცირუხსს ერთი ზედმეტი სიტყვა არ დასცდებოდა. სოლიმსაც ერიდებოდა და ნალყუთასაც. მაგრამ რაკი აგრე რიგად არც ნალყუთას ცხოვრება აეწყო, იმას უფრო მიენდო და აი ახლა ნალყუთამ თავიდან ბოლომდე მოისმინა აცირუხსის აღსარება. ყოველივე ეს ისე მძიმედ მოხვდა გულზე, რომ თავისი გაჭირვება შედარებით იოლად მოეჩვენა. ძალიან შეებრაღა სვეგამწარებული დედამთილი. მშობელ დედასავით ჩაეკრა გულში და ატირდა.

— იტირე, შვილო, იტირე, ცრემლით განბანე ჩემი გაჭირვებული წარსული! ჩვენი უდროოდ დაღუპული სიყვარული. იტირე, რძალო, სხვა ძალა ჩვენს ხელთ არ არის. ცხოვრებამ ხომ ხედავ, როგორ დაგვწიხლა, ფეხქვეშ გათელა ჩვენი წმინდა გრძობა.

მეზვიდე თავი

სამხალლო წაბაბისა, სამხალლო ბაღნიჲბისა

1.

ქალაქი. რკინიგზის საამქრო.

— ძინგ-ძინგ!.. ძინგ-ძინგ!.. ისმის ძველ სამქედლოში უროების მონოტონური ბაგაბუგი. გავარვარებულ რკინაზე ჩაქუჩის ყოველი დაცემის შედეგად უამრავი წითელი ნაპერწყალი იფრქვევა გარშემო.

— აფ-უფ!.. აფ-უფ! — ქმინავენ უშველებელი საბერველები.

— ფალუ-ფალუ! ფალუ-ფალუ! — თუხთუხებენ რკინის სადნობი უშველებელი ღუმელები. ხელის ურიკებით მოაქვთ და მოაქვთ რკინის ნამსხვრევეები და ღუმელის წინ სპეციალურ პირგანიერ ციცხვში ჩაყრიან. როცა ციცხვი გაივსება, მუშა, რაღაც ღილისმაგვარს და აჭერს თითს, ციცხვი ნელ-ნელა გაცურდება, ღუმელის ღია ხახაში გადაუძახებს ტვირთს და ისევ ისე დინჯად უკან გამოცურდება.

გამდნარი რკინა უკანასკნელად გრდემლზე ხვდება. უშველებელი ჩაქუჩი ამოძრავდება და ატყდება ბაგაბუგი.

კვენისის, კივის რკინა.

საამქროში უამრავი მუშა ირევა.

იმ არეულ-ღარეულ ხმაურში მძიმე ჩაქუჩების ბაგაბუგში ხსარ-

თავის ჩაქუჩის სიმფონიაც ურევია. აგერ მთელი წელია ყოველ დღით შვიდ საათზე ათასობით მუშასთან ერთად გამოუძინებელი მოდის და ლამემდე უბაგუნებს გრდემლზე ჩაქუჩს. უფორმო რკინა თანდათან რელსის სახეს იღებს. მერე მზა პროდუქცია გადის საამქრობან.

მძიმე სამუშაოა. ხელფასი კი — მინიმუმი. იმასაც სრულად ვინ იძლევა, ეს ჯარიმაო, ეს ისაო და თვის ბოლოს რაღაც კაპიკები რჩება. ხანდახან ამ საამქროდან წასვლასაც ფიქრობს, მაგრამ გულმართალი ამხანაგები არ ეთმობა. მართლა კარგი ამხანაგები ჰყავს, ისინიც მასავით უქონელნი და ლატაკები არიან. მაგრამ მათზე დანდობა შეიძლება, იცის ხსართაგმა, არ უღალატებენ. ამ საამქროშიც მათი დანმარებით მოვიდა. აძიბეს რომ დაემშვიდობა და აქეთ გამოსწია, გზაში ურსთვალელ ილარს შეხვდა. ბავშვობიდან იცნობდა მას ხსართაგო, ბარსაგის თა ხასანას ძმადნაფიცი იყო და მათ ოჯახში ოთხარებოდა. თავისი ამბავი თავიდან ბოლომდე უამბო, არაფერი დაუმალავს.

ილარი, გამოცდილი და გაგებული კაცი, ღრმად ჩააფიქრა ხსართაგის ნაამბობმა.

— რაიმე საბუთი გაქვს?

— იმბირიდან გამოქცეულ პატიმარს რა საბუთი მექნება.

— მაშ ბაქოში ვერ წახვალ. უსაბუთოდ სამუშაოზე არ მიგიღებენ, მერე კიდევ უცხო ხალხში უფრო გაგიჭირდება კვალის დაფარვა და ისევე ციმბირში ამოგაყოფინებენ თავს.

საგონებელში ჩაფარდა ხსართაგი. სასო წარეკვეთა.

— მაშ რა გზას დაეადგე?

— ჩემთან წამოდი. თბილისში რკინიგზის საამქროში ვმუშაობ. კარგი ამხანაგები მყავს, მოგიხერხებ რამეს.

ხსართაგი დარჩა თბილისში. ილარის ამხანაგებმა საბუთები უშოვეს და საამქროში მუშად დაიწყო მუშაობა. ახლა ის სხვა გვართა და სახელით ცხოვრობს.

პირველ ხანებში ძალიან გაუჭირდა ხსართაგს. გამოუცდელი ყმაწვილისათვის ილარის გვერდით მუშაობა ადვილი როდი იყო, განსაკუთრებით სიცხეში — ოფლი წურწურით ჩამოსდიოდა, მკლავში ძალა ეცლებოდა.

ილარი ერთ ბნელ სარდაფში ცხოვრობდა ცოლ-შვილით. სამი ქალიშვილი ჰყავდა და როცა საღამოთი ყველანი მოგროვდებოდნენ, ოთახში ფეხად ძლივს ეტეოდნენ. ხსართაგი ხედავდა მათ გაჭირვებას და მართალია, ილარი არ უშვებდა, ის მაინც გადავიდა სხვაგან. პაუფწინა ოთახი იჭირაჯა, მეტი არც უნდოდა. დიდი ხანია მის გულს აღარაფერი ახარებს. მის ლამაზ ოცნებებს ფრთები შეეკვეცა და სადღაც გულის სიღრმეში ღრმად ჩაიმარხა. ახლა მხოლოდ ფიზიკური არსებობისათვის ჯახირობს.

და აი დღესაც ჩვეულებრივად ზის და ფანჯარაში იყურება. გარეთ თოვს, მსხვილი ფანტელები ფრთებდამტვრეული ჩიტებივით ფარ-

ფაქტით ეფინება ქუჩას, სახლების სახურავს. მისი ფიქრები ამ თოვლის მსხვილი ფანტელბევით ცივ ჩიტებად იქცნენ და თავიანთი სველი ფრთებით მშობლიური მთები გადაატარეს და თედოთიყაუში ამოყო თავი. თვალწინ დაუდგა თავიანთი სახლი. აგერ ფანჯარასთან ზის დედა და მწუხარებით დანისლული თვალებით უყურებს, როგორ ბარდნის, მერე უცბად ქარი შემოუბერავს და თითქოს უშველებელი ცოცხი მოუსვაო, თოვლს ღობის ძირებში მიხვეტავს. მამა კი კერასთან კალათჯინში ზის და ისიც მძიმე-მძიმედ სველი შეშის თითო-თითო ნაპობს უმატებს შუა ცეცხლს.

თოვს... თოვს... და ეს თოვლი ისევე ათოვს ხსართაგის გულს, როგორც იქ, სოფელში, დედ-მამისას...

საამქროში შესვენება დაიწყო. სანდრომ ხელკავი გამოსდო ხსართაგს და გვერდით გაიყვანა.

— ხსართაგ, რატომ ხარ ერთთავად დაღონებული? ილარმა მოთხრა შენი ამბავი, მაგრამ მაინც არ გამართლებ. ერთი ბრძენი პოეტი გეყავდა ქართველებს და იმას უთქვამს: „ჭირსა შიგან გამაგრება ისრე უნდა ვით ქვეთიკრისა“. კითხვა რომ იცოდე, ერთ ძალიან საინტერესო წიგნს გათხოვებდი.

— რუსული წერა-კითხვა ვიცი. გადასახლებაში მასწავლა ერთმა კარგმა ადამიანმა.

— ავაშენა ღმერთმა, მაგას რა სჯობია. მუშაობს და მთავრების შემდეგ უჩემოდ არ წახვიდე.

სალამოთი საამქროდან რომ გამოვიდნენ, სანდრომ ხსართაგს უბეში რალაც წიგნი ჩაუდო.

— არავის აჩვენო, ეს აკრძალული ლიტერატურაა და მაგისთვის ხელმეორედ გიკრავენ ციმბირში თავს.

იმ ღამეს არ დაუძინია ხსართაგს, სანთლის შუქზე ჩარბად კითხულობდა სანდროს მიერ საიდუმლოდ მიცემულ საოცარ წიგნს.

ბევრი რამ ვერ გაიგო, მაგრამ რაც მთავარი იყო, ის უკვე კარგად ესმოდა, რომ ქვეყნად უსამართლობაა გამეფებული, ერთნი ოფლს ღვრიან და შიმშილით იხოცებიან, მეორენი კი მათა ნაოფლარით სუქდებიან.

ეს აზრები მან, ციმბირშიც მოისმინა ვასილიჩისაგან. იცოდა, რომ დიდ ქალაქებში მრეწველობაში დასაქმებული მუშები ეკონომიურ სიღიწროვეს განიცდიან, ასევე გაჭირვებაშია სოფლად გლეხობაც.

ხსართაგი ვასილიჩის აზრებს იზიარებდა, ლატაკი ხალხის მდგომარეობა აოტანელია და დახმარება აუცილებლად სჭირდებათ, მაგრამ მაშინ მუშათა კლასისა არაფერი გაეგებოდა, არ იცნობდა, ან საიდან უნდა სცოდნოდა, როცა მშობლიურ ხუჭუტუა მთებს არ გასცილებოდა. არც ის იცოდა, რომ ათასობით დღიური მიწა ისევე მებატონეს ეკუთვნოდა. ვასილიჩის ნალაპარაკევეს თავის აულის პირობებით საზღვრავდა. იქ, მართალია, ყუნცელი და სოლიმი სხვებზე ბევრად უკე-

თესად ცხოვრობენ, მაგრამ არც იმათა აქვთ მთელი აულის საკმარი მიწა.

ახლა ამ საოცარმა წიგნმა სერიოზულად ჩააფიქრა. მიხვდა, რატომ არის ქვეყნად უსამართლობა და რა არის ამის წამალი, არსებული წყობილების საფუძველი დაინგრეს და მის ნანგრევებზე ახალი საზოგადოება აშენდეს. ეს იქნება ისეთი საზოგადოება, სადაც ადამიანი ადამიანის ძმა და მეგობარი გახდება, სადაც ადგილი არ ექნება ძლიერისაგან სუსტის დაჩაგვრას, სადაც ადამიანებს ერთნაირი უფლება ექნებათ. ხსართაგი თანახმაა იბრძოლოს ასეთი საზოგადოების აშენებისათვის. მხოლოდ ერთი საკითხი აფიქრებს: ვინ წაუძღვება ხალხს თავისუფლებისათვის ბრძოლაში? მაგალითად, მუშებმა მოსპეს მეპატრონეები, მერე? რანაირადღა იმუშავებენ, ხელფასს ვინ მისცემს? ვინ იქნება საწარმოს პატრონი? ვილაც ზომ უნდა იყოს ხელმძღვანელი. ერთნი იმუშავებენ, მეორენი მაინც უფროსები იქნებიან. ეგრალა თანასწორობაა?

მეორე დღეს ხსართაგმა აკრძალული წიგნი სანდროს მოუტანა და აი იმ გაუგებარ საკითხებზეც ელაპარაკა.

— მაგ საკითხებზე სახალხოდ ლაპარაკი არ შეიძლება, სალამოსათვის გადავდეთ.

2.

ადრე დაიძინეს ბავშვებმა, ლუმელთან მარტო ქეთო ზის და ისიც თვლემს. მაგრამ სანდროსა და ხსართაგს სალაპარაკო აღარ შემოეღლიათ. სანდრო მოთმინებით უხსნის უკუღმართი წყობილების დამხობის გზებს. როგორ და რა გზით შეიძლება მეფის ტახტიდან გადმოგდება. ვინ იქნება ახალ საზოგადოებაში ხელმძღვანელი. მაგრამ მთავარი მაინც ის არის, რომ მუშები და გლეხები ერთიანი ძალით შეებრძოლონ ძირმომპალ მონარქიულ წყობილებას. იმისათვის, რომ ჩაგრულმა ხალხმა ადამიანური უფლებები მოიპოვოს, საჭიროა ბრძოლა, შეუპოვარი ბრძოლა.

— ლაპარაკი გავვიგრძელოდა, ხსართაგ, დილით ადგომა დაგეზარება. აი ახალი წიგნი, წაიკითხე. რაც ვერ გაიგო, ჩაინიშნე. — წიგნი ხსართაგმა უბეში ჩაიდო და უხმაუროდ გამოვიდა თოვლით გადაპენტილ ვიწრო შუქაში.

მას შემდეგ დაუმეგობრდა სანდროს, ისიც სულ ახალ-ახალ ლიტერატურას აწვდის ბეჭით შეგირდს, რომელიც საოცარი სისწრაფით იზრდება. ახლა უკვე ბევრი რამ იცის. ზოგჯერ სანდროს აღარც ეკითხება გაუგებარ საკითხებზე, თვითონ ეძებს პასუხს. ეძებს წაკითხულ წიგნებში, გაზეთებში. დრო კი უკან მოუხედავად გარბის. ხსართაგი დაუაჟაკდა, მის გულში გრდემლზე გამოსაჰკედად დადებული გავარვარებული რკინასავით შეიქრა რევოლუციური ბრძოლის ცეცხლი.

ცხოვრება სულ სხვანაირად ეჩვენება, თითქოს აქამდის დიდი ლოდის ქვეშ ღრმა ძილში იყო, ახლა გაიღვიძა, შეინძრა, ზურგიდან გადაიგდო ლოდი, ხელ-ფეხზე დადებული ბორკილები გასწი-გამოსწია და აი სადღაც გაწყდა ტიალი ჭაჭვი. იმედი მიეცა. არა, არ დამთავრებულა სიცოცხლე, არც მისი გაზაფხული დამიწებულა. ის გაზაფხული, რომელსაც ხსართავი იცნობდა, ასე ლამაზი და საოცნებო არ ყოფილა. მართალია, ეს გაზაფხული ჯერ შორს არის, მისი გზა მოუკირწყლავი და ეკლიანია, მაგრამ ეს ვერ შეუშლის ხელს, მოვა იგი. ხსართავისათვის ამ გაზაფხულის პირველი მერცხალი სანდროა, ზღაპარში გაუგონია დევგმირზე, რომელიც მშვიერ-მწყურვალე ხალხის ცხრაკლიტულში დამარხული ბედნიერებისათვის ჯოჯოხეთში წასვლას არ შეუშინდა და ხალხს ბედნიერება და სიხარული დაუბრუნა. აი დევგმირად წარმოიდგინა სანდრო და ხსართავი მზად არის თავის ქართველ მეგობარსა და მასწავლებელს სამკვდრო-სასიცოცხლო ბრძოლაში თან გაჰყვებს.

პატარაობიდანვე ჭკვიანი იყო ხსართავი. მამა-ბიძის მოხერხება და გამჭირახი გონება დაჰყვა თავიდანვე. აღრე იგრძნო, ცხოვრება რომ რაღაც ისე არ არის, როგორც უნდა იყოს. მაგრამ თავისით ვერ გაერკვა, რად იყო ასე და როგორ უნდა ყოფილიყო. პირველად ციმბირში ვასილიჩმა აუხილა თვალი, სინათლის სხივი ჩაუგდო გულში, ახლა კი აგერ სანდრომ ყველაფერი დაწვრილებით აუხსნა, ისიც, როგორ მიაგნოს სინათლეს.

ძველმა ჭრილობამ მოშუშება იწყო. გულში ჩამარხული დარდები ნელ-ნელა იცრიცება, სამაგიეროდ ახალი საფიქრებელი, უფრო მძიმე და საქვეყნო იქერს ძველის ადგილს.

სანდრომ ხსართავი თავის ამხანაგებს გააცნო. მალე ის არალეგალური რევოლუციური ჯგუფის წევრი გახდა. ორგანიზაციის სხდომებზე ხშირად იხილავდნენ მუშათა ეკონომიური მოთხოვნების, პოლიტიკური ბრძოლის, გაფიცვების და სხვა საჭირბოროტო საკითხებს. ერთ-ერთ სხდომაზე ხსართავმა პირველად იხილა ცნობილი რევოლუციონერი ალილუევი, რომელიც არალეგალურ ორგანიზაციას აკრძალული ლიტერატურით ამარაგებდა. ხსართავმა პირველად იმავე ალილუევისაგან გაიგონა უცნაური სიტყვები: „ლენინი“, „ბოლშევიკი“, „მენშევიკი“.

თანდათან ხშირად აგონდებოდა ვასილიჩი. ყველაზე მეტად ახლა გამოადგა ის განათლება, რომელიც ხსართავმა ვასილიჩის დაქინებითა და ხელმძღვანელობით მიიღო.

— ისწავლე, შვილო, სამუდამოდ აქ არ დარჩები. შინ რომ დაბრუნდები, სწავლა ძალიან გამოგადგება. სწავლა ის დიდი ძალაა, რომლითაც ბნელ ღამეშიც კი გაიგნებ გზას სინათლისაკენ. — ხშირად უთქვამს ვასილიჩს და მართლაც რა ბედნიერია ხსართავი, რომ დამოუკიდებლად შეუძლია წიგნის კითხვა. რევოლუციურ ჯგუფში ბევრი რამ შეისწავლა, აქვე გაიგო, რომ რუსეთ-იაპონიის ომში მილა-

ონობით ადამიანი გაიმეტეს საზარბაზნე ხორცად. ქვეყანა დაიმშა-
მუშათა კლასი ღელავს, დიდ სამრეწველო ქალაქებში გახშირდა მუ-
შათა ორგანიზებული გამოსვლები, პეტერბურგში მეფემ მოატყუა
ხალხი. მათი გამოსვლა სისხლში ჩაახშო და ამ დღეს, 9 იანვარს,
ხალხმა სისხლიანი კვირა უწოდა.

არალეგალურმა რევოლუციურმა კომიტეტმა მორიგ სხდომაზე
წინადადება წამოაყენა, რკინიგზის სააქრომ გაფიცვა გამოაცხადოსო
და ამით მხარი დაუჭიროს პეტერბურგელ ამხანაგებს, რომელთა
სისხლიც უდანაშაულოდ დაღვარა მეფემ.

სრულიად საიდუმლო ვითარებაში მომზადდა მუშათა გაფიცვა,
დანიშნულ საათზე გაისმა ქარხნის საყვირის საგანგაშო ღრიალი.
მუშები ქარხნის ეზოში შეგროვდნენ. პოლიცია და ჟანდარმერია
ფეხზე დადგა. მათ მუშების დაშინებას მიმართეს, სამუშაოს დაკარგ-
ვით დამუქრნენ. გაფიცულებს სხვა ქარხნების მუშებიც შეუერ-
ოდნენ. მთიდან წამოსული ზევეივით იზრდებოდა ტალღა. გაფიცუ-
ლები მოითხოვდნენ ხელფასის მომატებას, რვასათიანი სამუშაო
დღის დაწესებას, მუშათა საცხოვრებელი პირობების გაუმჯობესე-
ბას.

პოლიციას ჯარი მიეხმარა და გააციცვა სისხლის ღვრით დამთავ-
რდა. დაპატიმრეს გაფიცვის ორგანიზატორები, მათ შორის სანდროც.
იმ დამეს ხსართაგი შინ არ მისულა. ადრევე შეატყობინეს, რომ
მის ოთახში ჩხრეკა ჩატარებინათ და რაღაც ლიტერატურა წაეღოთ.
ერთი ძვე იმალებოდა კონსპირაციულ ბინაზე.

3.

კარზე ფრთხილად მიაკაკუნეს. ბულათიყო შვილს ეთამაშებოდა.
კაკუნის გაგონებაზე ბიჭი ძირს დასვა და კარი გამოაღო. სიბნელეში
ვერ იცნო მოსული.

— რომელი ხარ?

— მე ვარ, ბულათ... — თითქმის ჩურჩულით უპასუხა უცნობმა.

— ხსართაგ! შენა, ბიჭო?! — შესძახა ბულათიყომ და ძვირფას-
სტუმარს გადაეხვია.

— სსს, რა გაყვირებს, მე ხსართაგი კი არა, ყასაი ვარ, ასე მიც-
ნობენ ახლა ამხანაგები.

ბულათიყო გაცოცხლებული შეჰყურებდა.

— ნუ გიკვირს, ბულათიყო, მოგვიანებით ყველაფერს აგინსნი.
ახლა კი ერთი რამ მაინტერესებს. გახსოვს, ძმად რომ გავიფიცეთ?
შარშანაც გამიმეორე ძმადნაფიცი ვარ შენი და თუ ოდესმე ჩემი თა-
ვი დაგპირდეს, ნუ დამზოგავ, ჩემი სახლის კარი შენთვის ყოველ-
თვის ღია იქნებაო. თუმცა წინდაწინ გაფრთხილებ, ჩემი სტუმრობა
შეიძლება სახიფათოც იყოს, ჰოდა, თუ შენი დანაპირები გადათქევი,
მაშინ მე სხვაგან მოვძებნი მასპინძელს.

- შეურაცხმყოფ, ხსართაგ, — იწყინა ბულათიყომ.
- ეგრე ნუ იფიქრებ, ბულათიყო, მე ვიცი, რასაც ვამბობ.
- შინ შევიდეთ, თუ ისეთი მნიშვნელოვანი საქმეა, აქ სალაპა-
ჩაკო ადგილი არ არის.

ხსართაგი შინ შეჰყავა ბულათიყოს.

— ღმერთო დიდებულო, შენ მიშველე, როგორ გამოცვლილხარ, ხსართაგ. გაქლარავებულხარ, ბიჭო. სადა ხარ, სად დაიქარგე? ერთხელ აღარ მოგვაკითხე, — წრფელი გულით გაიხარა ქირქისამ.

— ქალო, ჯერ ნახე რამე, თითო ჭიქით სტუმრის მშვილობით მოსვლა დავლოცოთ, შეკითხვები კი მერეც შეიძლება.

ქირქისა მაშინვე მეორე ოთახში გავიდა და მალე ხსართაგმა სა-
ცერზე მისი ხელების ტყაპა-ტყუპი გაიგონა.

— ხსართაგ, კი არ გეწყინოს და მაინტერესებს, რა გაგიჭირდა და მე რა დახმარება შემიძლია?

— არაფერი, ბულათიყო, შენ მხოლოდ იმაში დამეხმარე, რომ ჩემი ადგილსამყოფელი არავინ იცოდეს.

— მარტო ხარ?

— მარტო.

— სად არიან შენი ამხანაგები?

— ამხანაგები ჯერ არა მყავს. პირველი შენ იქნები...

ბულათიყომ ვერაფერი გაიგო და კვლავ შეეკითხა:

— ვის წინააღმდეგ იქნება ჩვენი ბრძოლა მიმართული?

— მეფის წინააღმდეგ, სოლიმის, ყუნცელის, პაპაშენი ბორსას წინააღმდეგ.

— მერე, მარტო ორნი რას გავხედებით?

— მარტო რად ვიქნებით. ჩაგრული ხალხი გამოგვეყვება.

— კი მაგრამ, ამდენი ყაჩაღი ტყეშიც არ დაეტევა.

— ყაჩაღებთან რა გვესაქმება? მე ყაჩაღი არასოდეს ვყოფილვარ და არც ვიქნები. — „ყაჩაღი ვგონივარ“, — გაიფიქრა ხსართაგმა. — ბულათიყო, მართლა ყაჩაღი ხომ არ გგონივარ? არა, ძმაო, ვისიმე საქონლის გასატაცებლად ან ვინმეს მოსაკლავად არ მითხოვია დახმარება. მე ახლა მთავრობისათვის ყაჩაღზე საშიში ვარ. სხვა გზა ავირჩიე, ბულათიყო, სხვა გზა. ჩემთვის ახლა ერთნაირად საქმლველი მტრები არიან სოლიმი, ყაზი, ყუნცელი, პაპაშენი ბორსა და სხვები, რომლებიც ხალხის სისხლს წოვენ. მათ წინააღმდეგ იქნება ჩემი ბრძოლა მიმართული.

— კი მაგრამ, თანამოაზრედ მაინცდამაინც მე რატომ ამომირჩიე?

— იმიტომ, რომ გენდობი და დახმარების იმედიც მაქვს.

— მაგაზე დიდი მადლობა, ხსართაგ, მაგრამ რალაც საშიშ ამბებს ყვები, ბიჭო, ბუნტოეჩიკი ხომ არა ხარ?

— მიხვდი, ბულათიყო. მუშათა რევოლუციურმა ორგანიზაციამ მო-
მავლინა მთაში.

ოთახში ქირქისა შემოვიდა. ფინგზე ცხელ-ცხელი ხაჭაპურებით სავსე თაბალი დადგა, ცივად მოხარშული ქათამი და არაყიც მოაყოლა და სტუმარს შეეპატიოა.

— მობრძანდით, მხოლოდ რაც უჩემოდ ილაპარაკეთ, ხელახლა გათქმევინებთ.

— შენთან რა მაქვს დასამალი, ქირქის, — გაიცინა ხსართაგმა.

— ჯერ ივახშმეთ და მერე რამდენიც გინდათ იმდენი ილაპარაკეთ. ლამე დიდია.

ქვეყანა აირია. მთაშიც გამოჩნდნენ რაზმელები. ისინი ხალხს აგულთანებენ, მხარი დაუჭირონ მუშათა კლასს. თედოთიყაუშიც მოიტანეს ამბავი, ბარის სოფლებში ხალხი ლელავს, მემამულეებისა და მჩაგვრელების წინააღმდეგ გამოდიანო. აღარც ღალას იხდიან და აღარც ბეგარაზე მუშაობენ. აღდარებსა და ჩაფრებს ხოცავენო.

ისიც თქვეს, ქალაქიდან კაცი ამოსულა, სახელად ყასაი, ვინც კი პირადად შეხვდა, უკვირთ, თურმე ხალხს აქამდე ჭურში ეძინა. მიწა მემამულისა და აღდარისა კი არა, ვინც ამუშავებს, მისიაო. ხან ერთ აულში გამოჩნდება, ხან მეორეში, ხალხს შეიარაღებული აჯანყებისაკენ მოუწოდებს. მეფეს უპირებს, თურმე, ტახტიდან გადმოგდებას. ბოქაული დასდევს დასაჭერად, მაგრამ ხალხი ინახავს. იმ დღეს ეგზეკუცია ჩაუყენა, ყაჩაღებს ინახავთო, რომ ვერაფერი გაუვიდათ, ჯავრი აულის თავკაცზე იყარეს, მათრახით სცემეს. სად იყო, სად არა, ყასაი არწივივით დასცემია ბოქაულს და ხალხმა თვალის დახამხამება ვერ მოასწრო, ისე გადმოიღო ცხენიდან. ამით გათამამებული გლეხებიც ჩაფრებს დარევიან და იარაღი აუყრიათ.

იმასაც ამბობდნენ, იმ დღეს აღდარი სილდიყაუში მისულა ღალის ასაკრებად. გალატაკებულ გლეხებს რა ღალის გადახდის თავი აქვთ? ჰოდა, აღდარის კაცები დარევიან აულს, კერიის წაბილწვასაც კი არ დაერიდნენ თურმე. რასაც მოასწრეს, ყველაფერი წაიღეს.

ყასაის შეატყობინეს ამბავი. ხეობის ვიწროში ჩაუსაფრდა და აღდარი სიცოცხლეს გამოასალმა. ნაძარცვი კი ისევ აულს დაუბრუნა.

— ყასაის სახელი ელვასავით გაიჭრა ხალხში. მის ვაჟკაცობასა და კაცურკაცობაზე ლეგენდები ითხზებოდა. მადლიერი თანამემამულენი მასზე ლოცულობდნენ. ახალგაზრდობა ხომ მთლად გადაირია. თითქმის ყველა მზად იყო ყასაის გაყოლოდა.

ხმა დაირხა, ყასაი თედოთიყაუშიც მოვაო. სოლიმსა და ყუნცელს ზედმეტ მიწას წაართმევს და ღარიბებს დაურთიგებსო.

ყველაზე მეტად აძიბეს აფორიაქებდა სახელოვანი ყასაის საგმირო საქმეები. მოსვენება დაკარგა, პირისპირ შეხვედრა მოიწადინა ამ მოუხელთებელ აღამიანთან, მაგრამ რომ არ იცის, ვინ არის, სად იმალება? ვინ მიიყვანს მასთან?

და ყველაფერი თავისთავად მოხდა...

ერთ საღამოს აძიბეს ცორას დისწული ასლანბეგი ეწვია.

— აძიბე, თუ გცალაია, დილით სანადიროდ წავიდეთ.

ასლანბეგის წინადადება როგორღაც საეჭვოდ მოეჩვენა აძიბეს. ჯერ ერთი, ნადირობის დრო არ იყო, ნაზამთრალი და ნაშიმშილევი ნადირის ხორცი საქმელად არც ვარგა, მეორეც ის, თუ მართლა ყონალს ეძებს ასლანბეგი, თავის აულში რატომ არ ამოირჩია? ერთი ბეობიდან მეორეში ამხანაგის საძებნელად ჩამოსვლა, მართლაც იმსახურებდა ყურადღებას. მიუხედავად ამისა, აძიბე დათანხმდა.

მეორე დილით უთენია გავიდნენ შინიდან. მყინვარს შეუყვანენ, მთის ძირში ასლანბეგი შეჩერდა და აძიბეც შეაჩერა. პირდაპირ მიწის გულიდან ამომდინარე წყაროს გვერდით ჩაიმუხლა.

— დაჯექი, აძიბე, შევეისვენოთ პატარა.

— რა დროს შესვენებაა, ბიჭო, როდისღა ავალწევთ მყინვარამდის!

— დაჯექი, ვითომ არ იცი, რომ ახლა ნადირობის დრო არ არის. სხვა საქმე მაქვს შენთან.

— რა საქმე? — ვითომც გაიკვირვა აძიბემ, მაგრამ სიხარული ვერ დაფარა, ამხანაგის ჩანაფიქრს აღრევე რომ მიხვდა.

— ერთ ვილაკას შენი ნახვა სურს.

— ჩემი ნახვა სურს? მერე სად არის?

-- ჩვენთან, შინ.

— აქ რისთვის წამომიყვანე?

— აქ სჯობია, ექვს აღარავინ აიღებს.

— ვინ არის? რა უნდა ჩემგან?

— ყასაი.

— ყასაი? — გაიკვირვა აძიბემ. — კი მაგრამ, საიდან მიცნობს.

— გიცნობს და შენც იცნობ.

— გეფიცები, გარდა იმისა, რომ მის შესახებ ზეპირი გადმოცემები მესმის, თვალის არ დამიკრავს.

— ნუ გეჩქარება, ყველაფერს გაიგებ.

ლამის სიბნელეში შეჰყვანენ ცარგასბაღანში. ასლანბეგმა გაბოს სახლის ძველი ჭიშკარი რომ შეაღო, აძიბემ გაკვირვებით აიჩეჩა მხრები და ასლანბეგს ჩურჩულით ჰკითხა:

— აქ რისთვის მომიყვანე?

— აქ არის...

აძიბეს ბულათიყოსთან შეხვედრა არ უნდოდა. ხსართაგთან ჩხუბის შემდეგ შეიძულა იგი და ახლაც უსიამოვნო გრძნობამ გაჰკრა გულში და ხასიათწამხდარი უხალისოდ შეჰყვა ეზოში ასლანბეგს. წინ ბულათიყო შეეგება მათ, შინ შეუძღვა და მაშინვე მოუბოდიშა, ცოტა ხნით დაგტოვებთო.

— ასლანბეგ, სტუმარს შენ გიტოვებ, აგერ პატარა საქმე მაქვს...

ასლანბეგს არ გამოჰპარვია, აძიბემ საეჭვო მზერა გააყოლა ბულათიყოს.

-- ნუ გიკვირს, აძიბე, დღისით იმალება ყასაი, დასაქერად დას-
დევენ. ახლავე აქ გაჩნდებიან.

მართლაც ჩქარა დაბრუნდა ბულათიყო. სანამ ქირქისა აძიბეს
ბიძების ამბავს ეკითხებოდა, ბულათიყოც მოვიდა და თან უცნობი
მოიყოლა.

ასლანბეგი ფეხზე წამოდგა, იმ უცნობს გადაეხვია.

— შენი სურვილი შესრულებულია, — თვალთ აძიბეზე ანიშნა
ასლანბეგმა.

უცნობიც რაღაც უცნაურად ათვალეირებს. თვალი თვალში გაუ-
ყარა. „რა ვქნა, ვინ არის, ასე რატომ მიყურებს“.

— ვერ მიცანი? — ხმადაბლა ჩაეკითხა უცნობი.

— ვერა, ვერ გიცანით.

— ეჰ, ძმადნაფიცო, ძმადნაფიცო, ეგ იმედი მაქვს შენი? — აძიბეს
თითქოს მეხი დაეცაო, ელვამ დაჰკრა თავში და ფეხამდის გაუარა.

— ღმერთო დიდებულო! ხსართაგ! — შეჰყვირა მან და ორი ძმად-
ნაფიცი ერთმანეთს გადაეხვია. — შე ეშმაკის კერძო, შენა, ლოდინია
დავიღალე, სად დაიკარგე, არა გრცხვენია, ამბავიც რომ არ შემატყო-
ბინე. ვალაი, სად იყავ აქამდის? — საყვედური ერია აძიბეს კილოში.

— ეგ გრძელი ამბავია, მერე მოგიყვები.

ვახშმის შემდეგ ძმადნაფიცებმა საბძელში ისურვეს მოსვენება.
ასე აჯობებს, უფრო დამშვიდებით ვიქნებით და საფრთხეც ნაკლებია
მოსალოდნელიო, ახალი თივის სურნელი. ცხვირში უღიტინებდათ და
ამას განსაკუთრებით ხსართავი გრძნობდა.

— ჰა, თქვი რამე, რას გაჩუმებულხარ! — იდაყვი გაჰკრა გვერ-
დში აძიბემ ძმადნაფიცს.

— ალბათ, გაინტერესებს ამდენ ხანს სად ვიყავი, ჰა, აძიბე? —
გვერდი იცვალა ხსართავმა, მოხერხებულად მოეწყო თავის საწოლ-
ში და მეგობარს ჩურჩულთ უამბო თავის ამბავი.

— მაშ, ყასაი შენა ხარ? — თივაზე წამოჯდა აძიბე.

— მე ვარ. მაგრამ, აძიბე, იცოდე ჩემი სახელი უნდა დაივიწყო.
ხსართავი დიდი ხანია მოკვდა და საჭირო აღარ არის მისი მკვდრე-
თით აღდგომა. წავიდა, გაქრა ის დრო, უეშმაკო და წმინდა გულის
ხსართავს რომ სწამდა. ახლა ახალი ადამიანია შენს წინაშე, აძიბე.
ყასაი ვარ მე. ყასაი, ვინც მახვილით და ტყვიით ეძებს ჯოჯობეთის
მოციქულებს. სხვა დროება დადგა, ძმაო, დაბეჩავებული ხალხი ხმას
იმაღლებს მჩაგვრელების წინააღმდეგ. აივსო მოთმინების ფიალა.
ჯავრის ამოყრის დრო მოვიდა. აი, თუნდაც შენ, ან ჩვენი აულიდან
სხვა უმიწაწყლო ლატაკები რითი ხართ გაუმაძღარ სოლიმზე ნაკლებ-
ნი?

— ალბათ, ღვთის განგებაა ეგ, ხსართავ.

— არა, აძიბე. მანდ ღმერთი არაფერ შუაშია. დამნაშავე წყობი-
ლებაა. ჰოდა. ეს წყობილება უნდა დავანგრიოთ და ახალი ავაშე-

ნოთ. ისეთი, სადაც ხალხი თავისუფლად იცხოვრებს თანასწორი უფლებებით, სადაც აღდარი და ყმა აღარ იქნება.

ხსართაგი გაჩუმდა. ცოტა ხნის შემდეგ აძიბეს შეშფოთებულმა ჩურჩულმა დაარღვია ღუმელი.

— სახიფათო გზას დასდგომიხარ, ძმაო, სისხლი დაიღვრება.

— დაიღვრება, აძიბე, თავისუფლებას უსისხლოდ ვერ ველირსებით, სისხლის ნიაღვარში უნდა გამოიკვეთოს ლამაზი მომავლისაყენ მიმავალი გზა. ერთი დაეცემა, მეორე დადგება მის ადგილზე. სხვა გზა არ გვაქვს. ქართველებს ერთი დიდი პოეტი ჰყავდათ და იმას უთქვამს: „სჯობს სიცოცხლესა ნაძრახსა, სიკვდილი სახელოვანია“, ჰოდა, ჩვენც ან გავიმარჯვებთ. ან არადა ბრძოლის ველზე დავიხოცებით. ასეთ სიცოცხლეს მაინც სიკვდილი სჯობია, ჩვენზე უკეთესად არც ქალაქის მუშები ცხოვრობენ. ისინიც მეფის წესწყობილების წინააღმდეგ გამოდიან. ხალხს შეიარაღებული აჯანყებისათვის მოუწოდებენ. მე ამხანაგებმა აქეთ გამომგზავნეს. აძიბე, ჩემი მიზანია მთიელები ავაჯანყო... ამ საქმეში შენი დახმარება მჭირდება.

— სიმართლე რომ არ დაგიმალო, ხსართაგ, შენი ნათქვამიდან ყველაფერი ვერ გავიგე, მაგრამ ჩემი მოკლე ჰკუთთ ვხვდები, რომ დიდ საქმეს დასდგომიხარ. არ ვიცი, ეგ გზა როგორ დასრულდება, მაგრამ რაც უნდა მოხდეს, მე შენთან ვიქნები. თქვი, რის გაკეთებაა საჭირო, რას მოითხოვ ჩემგან?

— ჩვენებურებთან შეხვედრა მინდა.

— ხსართაგ, ჩვენი ახალგაზრდობის სრული იმედი იქონიე. ჯოჯოხეთშიც გამოგყვებიან. ყსაის გამირობაზე სიმღერები შეთხზეს, ლეგენდები გავრცელდა, ყველა მასთან შეხვედრაზე ოცნებობს. რა დაგიმალო, თვითონ მეც... მშობლების დარდი ნუ გექნება, სანამ ცოცხალი ვარ, იმათ არაფერს გავუჭირევე.

— ხასანას ბიჭი როგორღაა?

— ნალყუთა ზრდის. ძალიან შემეხვეწა, მომეციო. შენი სიყვარული იმაზე გადაიტანა...

— თვითონ ნალყუთა რაღას იქმს?

— ე, ე, ხსართაგ, საღლაა ნალყუთა, დადნა, ზეზეურ ჩამოხმა. ჰო, მართლა, ნალყუთას ძმა, ბულათიყო... იცი, არასოდეს მომწონდა. არ მესმის, რაღა გაკავშირებს მასთან. რატომ ხარ აქ?

— უსაფრთხოებისათვის.

— კი მაგრამ, ამაზე უსაფრთხო ადგილი სხვაგან ვერ მოძებნე? არ ვენდობი, მე მგონი სოლიძეზე უკეთესი არც ეს ბრძანდება.

— არა, აძიბე, ეგრეც არ არის საქმე. შენ ხომ სრულიად არ იცნობ. ნანობს თავის საქციელს. რაღაც დიდი ჯავრი აწუხებს. ისე, დიდად დამეხმარა, ამ ხეობის ახალგაზრდობასთან დამაკავშირა. ყოჩაღი ბიჭია, მხოლოდ ვერ მიემხვდარვარ, რა დარდი უღრღნის გულს.

მამალმა ფრთა ფრთას შემოჰკრა და ყვილით ამცნო ქვეყანას, რომ კიდევ ერთი დილა იბადებოდა. აულის ბოლოდან ფხიზელი

ძალი ყეფით გამოეპასუხა მამლის ყვილს. საბძლის კარმაც დაიქრიალა.

— ასლანბეგია. აქედან ისე უნდა გავიდეთ, რომ არავინ დაგვინახოს. საღამოს ფასრალში კრება მაქვს დანიშნული, მელოდებიან.

აულის თავში დაემშვიდობნენ ერთმანეთს.

მეორე დღეს შუალამისას დაბრუნდნენ ხსართაგი და ასლანბეგი. აულის თავში ერთიმეორეს ღამე ნებისა უსურვეს და დაცილდნენ. ხსართაგი ბულათიყოს გავლიძებას მოერიდა და საბძელში კარი ფრთხილად შეაღო. ის იყო, თვალი მილულა, რომ ფეხის ხმა შემოესმა. ხსართაგის თითებმა თავისით მოძებნეს დამბაჩა.

— გძინავს, ხსართაგ? — ხმაზე იცნო ბულათიყო.

— ჟერ არა, რა არის?

— არაფერი, მაპატიე, რომ ძილი არ დაგაცადე. სალაპარაკო მაქვს შენთან.

— მოდი, ბიჭო, რა ბოდიშებს იხდი.

თივაზე აძვრა ბულათიყო. ხსართაგი მიხვდა, რომ ამ დროს უბრალოდ არ შეაწუხებდა მეგობარი და რაღაც მნიშვნელოვანი ამბის მოსასმენად მოემზადა.

— არ გაგიკვირდეს, ჩემი ახირება, ხსართაგ, — სამი ღამეა გელოდები..

— აღარ იტყვი, რა ამბავია?

— ხსართაგ, შენ რომ გგონია, ის არ ვარ, შეცდი, რომ მენდე, — ამოიგმინა ბულათიყომ.

— გამაგებინე, რა გინდა, ბულათიყო?

— მომისმინე და გაიგებ. მხოლოდ ძალიან გთხოვ; სანამ თხრობას არ დავამთავრებ, ნურაფერს მკითხავ.

ბულათიყომ ისე ამოიოხრა, თითქოს გული თან ამოაყოლო. მერე დაიწყო თავისი ამბავი, ამდენი ხნის მანძილზე მის სინდისს გველივით რომ შემოხვევია. ხსართაგი მშვიდად უსმენს, თითქოს ის, რაზეც ბულათიყო ასე აღელვებული ლაპარაკობს, მისთვის ღიღი ხანია ცნობილი ყოფილიყო.

— ხსართაგ, დამნაშავე ვარ შენს წინაშე, — ხმა უთრთოდა ბულათიყოს. — რა ვქნა, ჩემი ბრალიც არ არის, ადრე ავციდი სწორ გზას. ამაში პაპაჩემი ბორსაა დამნაშავე. ერთ დანაშაულს მეორე მოჰყვა, მეორეს მესამე... მამის მკვლეელი ვარ. მერე რისთვის? მას შემდეგ მოსვენება დავკარგე. ჩემი უკუღმართობით, რატომ მოვეუსწრაფე სიცოცხლე? აქაც სოლიმია დამარხული. რა ვიცოდი, ის ბოროტი გველი საკუთარ გზას რომ იკაფავდა. მერეღა გავიგე, ნალყუთას ხელში ჩავდებისათვის გამწირა მეც, შენც, საწყალი ხასანაც. ის უხამსი ჭორიც იმიტომ მოიგონა. პირდაპირ ვერაფერი გავიბედა და ჩუმად გამოგიოხარა ძირი. რამდენჯერ დავაპირე ჭავრის ამოყრა, მაგრამ ნალყუთას გამწარებას მოვერიდე. ამდენი ხანია, სინანული ღრღნის ჩემს გულს. კაცად აღარ ვვარგევარ, ზევაი რომ ნერგს გა-

დათელავს, ისე გამთელა ბედმა. გული შემიჭამა ჯავრმა. შენმა გამოჩინამ კიდევ უფრო ამიშალა ძველი ჭრილობები. ძმობა შემომთავაზე და ვერ გითხარი უარი. მაგრამ ვარ კი შენი ძმობის ღირსი? ძმობისა კი არა, სიკვდილის ღირსი უფრო ვარ. ნუ დამინდობ, ხსართაგ, ჩემსავით არარაობა და ლაჩარი მომავალშიც ვერ გიმძობს. შენ საოცრად ძლიერი და კარგი ადამიანი ხარ. ჰაი გიდი, რა ბედნიერი ვიქნებოდი, სუფთა სინდისით და პირნათელს რომ შემეძლოს შენთვის თვალეში შემოხედვა. მაგრამ ყველაფერი გათავებულა. მე დაღუპული კაცი ვარ. სინანულმა გამოიტეხა გული, დამაბეჩავა. მამაჩემი, ჩემი და... მერე შენ... სინდისი მტანჯავს, სიცოცხლე ჩირად აღარ მიღირს. დიდი ცოდვა აჩრდილივით სულ თან დამდევს. პატიებას არ გთხოვ, არცა ვარ ღირსი. მაგრამ აღარ შემიძლია, გული ვეღარ უძლებს ამდენ წამებას, რომ არ შეთქვა, შემეშინდა, ვაითუ მოკვდე და საფლავში ჩამყვეს-მეთქი ჯავრი. ეს არის ჩემი ამბავი და ველი შენს მკაცრ განაჩენს.

— საშინელი აღსარება მითხარი, ბულათიყო, — კბილები დააღრჭილა ხსართაგმა. — დიდი ხანია ვეძებ ჩემი ტანჯვა-წამების ავტორს. თუმცა, მიხვედრილი ვიყავ... ასე გვიან რატომ მითხარი, ბულათიყო, ძალიან დაიგვიანე, ბიჭო...

— მე თვითონ გვიან მიხვდი. ბარემ კარგი იქნებოდა, თავის დროზე შეთქვა, ან ის მაინც მცოდნოდა, რომ შენი სიკვდილის ამბავი სოლიმმა მოჭორა, ჩემს უბედურ დას არ გავათხოვებდი. მე გავაუბედურე ერთადერთი და, ნეტავ შეიძლებოდეს რაიმეს შეცვლა და სიკვდილსაც არ დავერიდებოდი. რომ ვიცოდე, ის ბედნიერი იქნება, ამ წუთში ცეცხლს წავიკიდებდი და ერთი კვნესაც არ დამცდებოდა.

— არა, ბულათიყო, არა, აღარ არის საჭირო, გათავდა ყველაფერი. აღარც მე და აღარც შენი და ბედნიერი აღარასოდეს ვიქნებით. ჩვენი ბედნიერება ვილაცის ჭუჭყიანმა ხელმა მოახრჩო.

— ჩემი ბრალია ყველაფერი, ხსართაგ, მომკალი, რა სასიცოცხლო ვარ, — აქვითინდა ბულათიყო.

— დამშვიდდი, ბულათიყო, შენი რა ბრალია, ალბათ, ასეთი ბედი გეკონდა ორივეს. რაც მოხდა, მოხდა. წამხდარ საქმეს აღარაფერი ეშველება. მკვდრეთით ველარავინ აღმიდგენს მამასავით მოამაგე ბიძას, მის საბრალე ცოლს — ანკარა წყაროსავით წმინდა ზარინას. მაინც მაღლობელი ვარ, რადგან იმდენი ადამიანობა შეგრჩა. რომ ყველაფერი მითხარი. მამაშენზე კი ნურაფერს იტყვი. ნალყუთამ რომ გაიგოს, გული ეტკინება. ავადმყოფი იყო, იქნებ, შენ სულაც არ მიგიძღვის ბრალი, ბედისწერას ვერ გაექცა...

— არა, ხსართაგ, არა, სანამ სოლიმს მზეს არ დაეუბნელებ, მანამ ჩემი სიცოცხლე ჩირადაც არ ღირს.

— ნუ ჩქარობ, ბულათიყო, მალე დამჭირდები. წადი ახლა, დაიძინე, საცაა გათენდება.

ბულათიყოს წასვლის შემდეგ ხსართაგს ნაღველი მოეძალა, გარ-

დასულ დღეთა წუხილი განუახლდა. ეშმაკის დახვლანჯულ გორგალს როგორც იქნა აურთო პირი, გაიგო თავისი უბედურების მიზეზი, მიაკვლია იმას, ვისაც პასუხი უნდა მოსთხოვოს. რამდენი ეძება და როგორ გვიან იპოვა! იპოვა, მაგრამ რა? წამხდარ საქმეს რა ეშველება. რა შეიცივლება მის ცხოვრებაში? მხოლოდ ხასანას პატარა ბაბეს გახსენებამ ბნელ ოთახში შეტანილი მბუქტავი სანთელივით გაიკიაფა მის გულში, ჰო, მაგრამ, ვინ იცის!.. რა არ ხდება...

4.

მიხვეულ-მოხვეულ ბილიკზე სიბნელეში ცხენით მოდის სოლიმი. მთაში შეაგვიანდა. არ უყვარს უდროო დროს სიარული. სადაც შემოალამდება, იქ მოძებნის მასპინძელს, მაგრამ დღეს მოულოდნელად უსიამოვნება შეემთხვა და შიშმა უბიძგა შინ წასასვლელად. მოჯამაგირეები, რომლებსაც ის აღამიანდაც არ თვლის, აუხირდნენ, ჯამაგირი მოგვიმატეო. სოლიმი, რა თქმა უნოა, გაჭიუტდა, დაეშუქრა, საციმბიროდ გაგხდითო. მაშინ თაიმურაზმა, აქამდე სოლიმისათვის თვალის გასწორებას რომ ვერ ბედავდა, მუშტი ცხვირწინ დაუტრიალა და ჟუჯირა:

— შენი დრო მოდის, ხარბო მგელო! მალე მოვა ყასაი და შებრალებას ნუ ელოდები!

ყასაის ხსენებაზე სოლიმს მკვდრის ფერი დაედო. მიხვდა მოჯამაგირეების აბუნტების მიზეზს.

აბრაკი ყასაის სახელი დიდი ხანია ესმის სოლიმს. თქვეს, რომ აულ-აულ დადის და თავისიანებს იკრებს, ხალხს მეფის წესწყობილების წინააღმდეგ ამხედრებსო. გაგებული ჰქონდა, ბოქაოლს რა ოღე აყარა, მერე კი აღდარი თავის მოუტრავით როგორ აწრუწუნა. ალბათ, იმაზე დიდი მტერი ახლა სოლიმს არაგინა ჰყავს. მართალია, თედოთიყაოში ჯერ არ გამოჩენილა, მაგრამ მაინც ეშინია. თავის შეკავება არჩია. მოჯამაგირეებს ჯამაგირის მომატებას შეჰპირდა, თვითონ კი ცხენს მოახტა და შინ წამოვიდა. უხვიორ გზაზე, ისიც სიბნელეში, სახიფათოა სიარული. ერთი გაუფრთხილებელი ნაბიჯი რა გაიშენს დამაწყუვარს, უფსკრულში გადაიშვები. მაგრამ არც ღარჩენა შეუძლია, ვითთუ თავი ვერ შეიკავოს, მოჯამაგირეები არ აპატიებენ და მისი ცხედარი საკაციო წამოსაღები გახდება.

ბრაზით გულგასიებული ბრუნდება შინ. არ ეჩქარება, პირიქით, უნდა. შიტად გაგრძელდეს გზა.

ვახშობა გადასული იქნებოდა, აულს რომ მიატანა. შინისაკენ გახვევა დააპირა. სიბნელეში ორი აჩრდილი დაინახა. რაპარაკით მოდიოდნენ, სოლიმის დანახვისთანავე გაჩუმდნენ და მთისკენ ქნეს პირი.

„ძალიან გახშირდნენ ეს ღამით მოსიარულენი. ვინ არიან? რას ეძებენ ამ უდროო დროს? — დაეჭვდა სოლიმი. — არა, აქ რაღაც ამ-

ბავია. უმიზეზოდ არ იქნება, უნდა გაეიგო“. — გაიფიქრა და ცხენი-
დან ჩამოსტა, მგზავრებს თვალი მიატანა, ცხენი ხეზე მიაბა და ძა-
ლიან ფრთხილად მიჰყვა კვალზე.

მგზავრებმა მალე ზემო უბნისაკენ გადაუხვიეს. დარწმუნდა სო-
ლიმი, მისი ეჭვი ფუჭი რომ არ იყო. უკან მიჰყვა. მგზავრებმა ცოტა
ხანს შეიცადეს, მიდამო დაზვერეს და საეჭვო რომ ვერაფერი შეამ-
ჩინეს, აულში შევიდნენ. ცოტა ხნის შემდეგ აძიბეს ეზოდან ძალღე-
ბის ყეფა მოისმა.

— რას ეძებენ, რა უნდათ აძიბესაგან? — ჩაფიქრდა სოლიმი.
ლობის ძირში მიიმალა. დიდხანს არ დასკირვებია ლოდინი. კიდეე გა-
მოჩნდა რამდენიმე კაცი. ისინიც აძიბეს ჭიშკარში გაუჩინარდნენ.

ახლა საეჭვო აღარაფერი იყო. მიხვდა სოლიმი, აძიბესთან რომ
რალაც საიდუმლო ხდებოდა. უნდა გაიგოს, მაგრამ როგორ? ბოსტან-
ში გაოაძვრა და უცნიდან მოუარა აძიბეს მიწურს. აქედან კედელს სა-
ნათური ჰქონდა დატანებული, მაგრამ ზედ ცხერის ტყავი ჩამოეფა-
რებინათ და აღარაფერი ჩანდა. სოლიმმა ყურადღება დაძაბა, თვალე-
ბად და ყურებად იქცა და პაწაწინა ჰუჭურუტანას გაეკრა. აულის
ახალგაზრდობა იქ იყო. წვერიანი უცნობი კაცი შუაში ჩაესვათ და
მის ლაპარაკს ისე ისმენდნენ, როგორც მორწმუნენი ქადაგებას. „რა-
ზე ლაპარაკობს?“ — გაიფიქრა სოლიმმა და უფრო დაძაბა ყურადღე-
ბა. „...ამხანაგებო, დადგა შურისძიების დრო. ერთად უნდა აღვსდგეთ
და ბოლო მოვუღოთ საერთო მტერს. ჩვენი მიზანია, მეფის ხელი-
სუფლება დავამხოთ, აღდარები გავრეკოთ, მიწა იმას მივცეთ, ვინც
მას ამუშავებს, ვინც ოფლით აპოხიერებს. ყუნცელისა და სოლიმის
მიწები დავინაწილოთ... ჩვენი, ღარიბების მთავრობა შეექმნათ, ისე-
თი მთავრობა, სადაც აღამიანის მიერ აღამიანის ჩაგვრას არ ექნება
ადგილი“. უცნობი კაცი შეუმჩნეველად ლაპარაკობს, მაგრამ სოლიმს
აღარაფერი ესმის.

„ბუნტოვჩიკია ვილაც. მაგრამ თუ კაცი ვარ, დედას გიტირებ. სა-
ნამ შენ ჩემთვის მიწის ჩამორთმევას მოახერხებ, მანამ გამოგჭირ
ყელს!“ — დაავიწყდა, თავხეზე რომ იყო დაკიდებული და ხელი იტა-
ცა დამბაჩაზე, მაგრამ ვერ მოასწრო, ცალი ხელით ვერ შეიმამრა თა-
ვი და ქვებზე მოადინა ზღართან. თითქოს ხერხემალი გაუტყდაო,
ისე დაიგმინა. აძიბეს ძალღმა ახლა კი იყნოსა უცხო აღამიანის სუნი.
ყეფით მივარდა წაქცეულს. იმას აულის ძაღლებიც წამოემეველნენ,
ატყდა ერთი გნისა.

— სი, სი, — ვილაცამ წააქეზა ისედაც გაავებული ოთხფეხები და
სოლიმი, ძაღლების ხროვამ გადათელა.

უბედურება დაატყდა თავს. ვერც მშველელის მოხმობას ბე-
დავს, ვერც თვითონ უმკლავდება გაავებულ ძაღლებს. „შემკვამენ...
დავიღუპები“, — უკანასკნელი ძალა მოიკრიბა და ძლივძლივობით აით-
რია წელი.

— სი, სი! დაიქი! არ გაუშვა! — აქეზებს ვილაც ძაღლებს.

— ქურდი! ქურდი! დაიპი, დაიპი! — დასტყვივან აქეთ-იქიდან. ვილაცამ თოფიც დაცალა. ტყვიამ ყურთან გაუზუზუნა სოლიმს და იქვე კედელზე ნაპერწყლები გაყარა.

— მე ვარ, ვირებო, რაზე მკლავთ! — აღრიალდა ის.

ვილაცამ ყელში სტაცა ხელი.

— კი მაგრამ, რა ცეცხლი წაეკიდა შენს სახლ-კარს, შუალამისას აქ რას აკეთებ? — ეკითხებთან აქეთ-იქიდან.

— ცხენი დამეკარგა და იმას ვეძებ... მომამორეთ ძაღლები.

— მერე, შე კაი კაცო, რა ხმა ჩაგიწყდა, დაიძახებდი, ქურდივით რას მოიპარები? ან ჩემს ეზოში რატომ ეძებ შენს ოხერ ცხენს?

ჯავრით გულგახეთქილი მივიდა სახლში.

დიდი ქონების პატრონია სოლიმი, მაგრამ რალაც უცნაური შიში შეეპარა გულში... რომ რამე დაემართოს, ვის დარჩება მისი ნაწვავ-ნადაგი? უშვილოა ნალყუთა. ქალიმათს ჰყავდა ბავშვები, მაგრამ უპატრონობით დაიღუპნენ. ახლა უკვე დიდი შვილები ეყოლებოდა. ნანობს, მაგრამ რალა დროს.

მერვე თავი

ჩაბრულო ხალხო, გამოფხიჯლით, შურის საძიებლად
აღსდამით!

1.

აული შეიძრა. ამდენი ხალხი არასოდეს შეკრებილა ნიხასუა. დილით ხმა დაირხა, სახელოვანი ყასაი ჩამოვიდა და ხალხთან შეხვედრა და ლაპარაკი უნდაო. საქმეზე აღარავინ წასულა. აქამდის ვის სახელზეც ლოცულობდნენ, ის იბარებდათ, და რა გასაკვირია, თუ დიდი და პატარა მის ნახვას მოისურვებდა.

ამბავი ყაზის ყურამდეც მივიდა. გადაწყვიტა, მთავრობისათვის შეეტყობინებინა საქმის ვითარება, მაგრამ როგორც კი ცხენზე შეჭდა და წასვლა დააპირა, აძიბემ აღვირში უტაცა ცხენს ხელი.

— ჩამოდი, ყაზი, ჩამოდი, ახლა ველარსად გაგვექცევი. შენთან გვაქვს საქმე.

— იქით!.. გზა მომეცი, მშვიდრისშვილო! — იღრიალა ყაზიმ, — აქ ჯერ მე ვარ უფროსი და სად წავალ, რას გავაკეთებ, შენ არ გეკითხები!

— ნუ ღრიალებ! ჩამოხე ცხენიდან! — ყაზის ყურში გაეჩხირა აძიბეს ბოხი ხმა. — აქამდის იყავი უფროსი, ახლა კი გაგივიდა ყავლი და ხალხი პასუხს გთხოვს ჩადენილ დანაშაულზე.

— მე პასუხს მეფის მთავრობის წინაშე ვაგებ. ლატაკების მთავ-

რობასთან არაფერი მესაქმება! გზიდან ჩამომეცალე, თორემ ამ მათრახს ხომ უყურებ, ზურგზე აგიცეკვებ. — ყაზიმ მათრახი შემართა, მაგრამ დარტყმა არ დასცალდა, ვილაცამ მუშტი უთავაზა ზურგში და არაყით სასლე ტიკივით დაახეთქა მიწას.

— ადე ზეზე, ღორისშვილო, ბევრი მათრახი გაცვითე ჩვენს ზურგზე, ახლა შენ მოგინდება ცხელი მათრახები, მაგრამ რა გიყო, უფროსზე ხელის აღმართვა წესი არ არის. — აძიბეს თვალებმა სადგისივით გახვრიტა ყაზის გული. — კანცელარიაში იყავი და არ გაბედო იქედან გამოსვლა, თორემ შენი დღე დაბნელდება. იცოდე, რამდენიმე თოფის ლულა შენსკენაა მომართული.

ყაზი მიხვდა, აძიბე არ ხუმრობდა. აგერ რამდენი თვეა, რალაც საშინელს ელოდება და აი მოვიდა კიდევ. ის არის, რასაც ელოდა, ის! კბილები დაადრკვიალა და კანცელარიაში შევიდა. ფანჯრიდან გაიხვდა, ხალხი მოდის და მოდის. უყურებს ყაზი და მათ შორის თანამოაზრეებს ეძებს.

აგერ სოლიმი და ყუნცელიც გამოჩნდნენ. ძაქოს გვერდით თავიანთ ამოჩემებულ ადგილზე გაჩერდნენ. ყუნცელის განწყობილების ამოცნობა არ შეუძლია ყაზის, სამაგიეროდ სოლიმს იცნობს კარგად. გარეგნულად ვითომ არაფერს იმჩნევს, იცინის, ხუმრობს კიდევ, მაგრამ ეტყობა წინანდებურად საკუთარი სურვილით არ მოსულა აქ. თვალებს აქეთ-იქით აცეკვებს. ეტყობა ვილაცას ეძებს, მაგრამ ვერ პოულობს და ალბათ იმიტომ ღელავს.

უცებ ხალხი შეჩოჩქოლდა. ახალგაზრდობა ვილაცას შემოეხვია და გაისმა მხიარული შეძახილები. მალე მათ ორი კაცი გამოეყო და უფროსებისკენ წამოვიდნენ.

აძიბემ ხსართავს რალაც უჩურჩულა. იმანაც თავი დაუქნია. აძიბემ მაშინვე კანცელარიის დერეფანი გაიარა და კარებზე მიაკაჟუნა.

— ყაზი, ხალხი შენ გელოდება და იკადრე გამობრძანება.

— მე თქვენთან არაფერი მესაქმება, — შემოუტია შიგნიდან ყაზიმ.

— გააღე კარი და ნებით გამოდი, თორემ... — აძიბეს მკაცრი ხმის გაგონებაზე ყაზის ელემთელეთი მოუვიდა, იგრძნო, სახუმაროდ არ იყო საქმე. წინააღმდეგობასაც აზრი არა ჰქონდა. კარი გააღო და წარბშეკრული გამოვიდა. ხალხს ბოროტი მზერა ესროლა, მერე მივიდა და ძაქოს გვერდით დაჯდა.

აძიბე კანცელარიის დერეფნის მოაჯირზე შედგა.

— ხალხო, ბედნიერი დილა გავკითხენდა დღეს. ქალაქიდან ძვირფასი სტუმარი გვეწვია. ჩვენსავით საწყალი ხალხის გამოგზავნილია. მოუესმინოთ, გავიგოთ, რას აპირებენ ჩვენი ქალაქელი ძმები:

— თქვას, თქვას! — ახმაურდა ხალხი.

— სანამ მთავრობის ქალაქს არ მაჩვენებთ, სიტყვის უფლებას არ მივცემ არავის! — ფეხზე წამოდგა ყაზი და ხსართავს შეუბღვირა.

— თქვას! თქვას! — ისევ ახმაურდა ხალხი.

— თქვენ არ გეკითხებიან!

— უფლება არა აქვს!

აირია ხალხი.

— ეგ ბუნტოვჩიკია, ძაქო, და მაგის ადგილი აქ კი არა — სახრჩობელაზეა! — გაცხარდა ყაზი, — ეგ ხალხის დამღუპველია, დიდი ხელმწიფის წინააღმდეგ ამხედრებს.

— კაცო, ჯერ არაფერი უთქვამს და შენ წინდაწინ საიდან იცი, რას იტყვის, დაე, ილაპარაკოს, ისე უქკუოები არა ვართ, რომ ავიღა კარგი ვერ გავარჩიოთ. — მერე ძაქომ ხსართაგი მოძებნა და თვალით ანიშნა — დაიწყე, თქვი შენი სათქმელიო.

ყაზი კიდევ არაღაცის თქმას აპირებდა, მაგრამ ძაქომ არ აცალა, ჯოხის წვერით ანიშნა დაჭეკი შენს ადგილზე და ჩუმაღ იყავიო.

ყაზი დაჯდა.

ხსართაგი ნელი ნაბიჯით გაემართა ამაღლებული ადგილისაკენ. ერთ წუთს ხმის ამოუღებლად იდგა და თანამემამულეებს ხარბად უყურებდა. რამდენი წელი გავიდა, რაც პირისპირ არ შეხვედრია მათ? ახლა მოვიდა და ისიც, სხვისი სახელით. მაგრამ გულისთქმა სწრაფად დაიოკა. ყელში მოწოლილი მღელვარება ჩახველებით განდევნა და მერეღა დაიწყო ლაპარაკი.

— ხალხო და ჯამაათნო, უფროსებო და უმცროსებო, მაპატიეთ, რომ ძვირფასი სამუშაო დღე დაგაკარგვინეთ, მაგრამ უფრო მნიშვნელოვანია საკითხი, რომელზედაც დღეს ჩვენ უნდა ვიმსჯელოთ. თბილისელმა მუშებმა მე დამავალეს ეს საქმე.

— თქვი, ჩემო მზეო, თქვი, გისმენთ! — სიტყვა შეაშველა ძაქომ სტუმარს.

— მაშ, აგერ, ყაზიდან დავიწყებ. ხომ გაიგონეთ, სიტყვის უფლებას არ მაძლევდა. იმიტომ, რომ მთავრობის კაცია და აქვს ამის უფლება. ესაა ჩვენი უბედურებაც. მთავრობამ, აღდარებმა, მოხელეებმა წაგვართვეს ადამიანური უფლებები. პირში წყალი ჩაგვიგუბეს და ხმას არ გვაღებინებენ. ეშინიათ, ხალხმა სიმართლე არ გაიგოს, თორემ იგივე ხალხი ყაზისა და მისთანებს შეეკითხება, ვინ ხართ, რა უფლება გაქვთ, რომ პირუტყვად აქციეთ ხალხი?

— ხელმწიფის კაცი ვარ მე!

— ხელმწიფისა! თქვას ვინმემ, ვის უნახავს იგი? ვის დახმარებია გაჭირვებაში. ვის შეუმსუბუქა გაჭირვებული მდგომარეობა?

— ნეტავ თავს დაგვანებებდნენ და დახმარებას ვინ ჩივის. — გაისმა ხალხიდან ვიღაცის მორთოლვარე ხმა.

— არ დაგეხსნებია, ძმაო, არა. ხელმწიფე და აღდარები თქვენისთანების საუბედუროდ გაჩნდნენ. სისხლსაც იმიტომ გწოვენ.

— ხელმწიფის ლანძღვას არ მოგიტმენ! — დაიღრიალა ყაზიმ და დამბაჩას ეცა, მაგრამ დაასწრეს და ის თვალის დახამხამებაში განაიარაღეს.

— მომისმინე, ხელმწიფის ფინიავ! დამბაჩა აღარ დაგჭირდება.

წავიდა შენი ღრე. შენ აქ მთავრობამ დაგნიშნა, რომ ხალხს სული ამოართვა. ამათ არ აურჩევიახარ წესრიგის დამცველად, არც არავის სკირდები. შენ მხოლოდ უბედურების მოციქული ხარ.

— კი მაგრამ, რას ჩააცივდი, კაცს, მამასახლისია, წესრიგის დამცველი... — გამოექომაგა სოლიმი ყაზის.

— წესრიგის დამცველი? მერე იცავს წესრიგს? თავისთვის რომ არაფერი იცის, რა წესრიგს დაიცავს. წესრიგის დამცველი კი არა, ეგ წესრიგის დამრღვევი უფროა.

— ხალხო, მოდით, გამოვცვალოთ. ეყოფა, რაც სისხლი გეწოვა! — ერთხმად დაიძახა რამდენიმე ხმამ.

— სწორი აზრია. ხალხმა თვითონ უნდა აირჩიოს უფროსი. — მხარი დაუჭირა წინადადებას ხსართაგმა. — უფროსი ისეთი უნდა იყოს, ვინც ხალხისათვის სწორ და სამართლიან გადაწყვეტილებას მიიღებს.

— ძაქო ავირჩიოთ, ჭკვიანიც არის და სამართლიანიც.

— მართალია, მართალი, ძაქო პატრიოსანი და სამართლიანია, ავირჩიოთ, ავირჩიოთ!

ძაქო წამოდგა, აივნის ბოძს ჯოხი მიუჯაკუნა.

— კეთილო ხალხო, მადლობელი ვარ, რომ ნდობას მიცხადებთ. ხალხის მეურვეობა და სამართლიანი გადაწყვეტილებების მიღება დიდად საპატიო საქმეა, მაგრამ მე სამაგისოდ აღარ გამოვდგები, დაებერდი. ჩვენს აულში სხვებიც არიან, ვისაც ჭკუაც უჭრის და სამართლიანიც არიან.

— შენს მეტი არავინ გვინდა, ძაქო, აგერ, სოსეს ბიჭი, აქო დავნიშნოთ მწერლად და არაფერი გაგიჭირდება.

— დათანხმდი! დათანხმდი!

— სხვა არავინ გვინდა.

— უკეთესი არავინ არის!

ახმაურდა ხალხი.

— ყურმანის ძეგ, მოგვეცი ბეჭედი და კანცელარიის გასაღები.

— შენც, მწერალო ძიუ, შენი საქმეები გადმოგვაბარე. დღეის შემდეგ აღარ გვჭირდებით.

— მე ხელმწიფის არჩეული ვარ და გამოცვლითაც ის გამომცვლის. — ისევ წამოყო თავი ყაზიმ, მაგრამ ყოველი მხრიდან მრისხანე თვალთაგან ნასროლი ისრებით დაიჩხვლიტა და ხმას დაუწია, — ძალადობთ ხელმწიფის მსახურზე ხომ? ჰოდა, ვნახოთ, ხელმწიფის რისხვა რომ დაგატყდებათ, აღარავის დაემდურეთ!

სოლიმი აქამდის ნაძალადეგ სიმშვიდეს ინარჩუნებდა. გულის ფანქცალით ელოდა, რა მოხდებოდა. გრძნობს, ყაზის დასაცავად თავს თუ გამოიღებს, ხალხი მას მიუბრუნდება.

ხალხი ისევ აჩოჩქოლდა. სოლიმი გრძნობაზე მოვიდა, თითქოს ღრმა ძილიდან გამოერკვაო, ყაზის შეხედა. ყაზიც ალბათ ამას ელოდა, თვალთ ანიშნა „რა იქენ, შე ოხერო მომეხმარე, დამიცავი, თო-

რემ ჩემი დალუპვა იგივე "შენი დალუპვააო". სოლიმი ახლა კი დარწმუნდა, სახუმაროდ აღარ იყო საქმე და თვითონაც ვერ გაიგო, როგორ წამოხტა.

— ხალხი და ჯამაათნო, უფროსებო და უმცროსებო! — დაიწყო დაშაქრული სიტყვების ფრქვევა, — რეები მესმის ეს, ღვთის საგმობმა სიტყვებმა გული მატკინა. ეს რამ გაფიქრებინათ, ნებაყოფლობით იკიდებთ ცეცხლს და არც კი იცით, რა მოგვლით? დალუპვის გზაზე დამდგარხართ და არ ფიქრობთ, რას აკეთებთ. რა დაგეცათ, თქვენ გეკითხებით? ვის უსმენთ? ვის უჯერებთ? ვინ არის ეგ გზადაბნეული ბუსტოვიჩიკი? როგორ აგირიათ ჭკუა? ნუ უსმენთ! ნუ გჯერათ მისი! ჰკა მაგას და გააგდეთ აქედან, გააძევეთ, თორემ დაილუპებით. სისხლის წვიმა მოვა.

სოლიმის სიტყვებმა ბევრი ჩააფიქრა. მთავრობის წინააღმდეგ გალაშქრება კარგს რომ არ მოასწავებდა, ეს ისეც იცოდნენ. ხალხი მეხნაცემულივით დარჩა, ხმას აღარავინ იღებდა.

აქ ყუნცელმა წამოყო თავი.

— მართალს ამბობს სოლიმი. — ოფლით დაცვარული მოტყუებული თავი ხელისგულებით ჩამოიწმინდა და ალაპარაკდა, — ხელმწიფის გმობა ღვთის გმობაზე მეტი მკრეხელობაა. სოლიმს დაუჯერეთ. ჭკვიანი და გამოცდილი კაცია. მაპატიოს ჩვენმა სტუმარმა, მაგრამ მოლიპულ გზაზე რომ გვიბიძგებს, ამით დანაშაულს ჩადის როგორც ხალხის, ისე საკუთარი თავის წინაშეც. თუ მამასახლისის არჩევის უფლება აქვს აულს, ავირჩევთ კიდეც. შენ კი, სტუმარო, აქ არაფერი გესაქმება. შენ წახვალ და ხვალ სისხლის წვიმას ჩვენ უნდა შევეუშვიროთ თავი. დაგვეხსენი, ნუ გადაგვირიე ახალგაზრდობა, ჩვენი გაჭირვებაც გვეყოფა, გადატაკებული ხალხი სისხლის ცრემლებს იწურავს და შენ უარესს ნულარ გადაგვიკიდებ. არ დაუჯეროთ, მეზობლებო, იცოდეთ, უბედურებას გადაეყრებით!

ხალხი ორად გაიყო. ერთნი სოლიმს მიემხრნენ, მეორენი — ხსართაგს. იყვნენ ისეთებიც, რომლებიც არც ერთს ემხრობოდნენ. ხსართაგი მიხვდა, რომ მისი საქმე თარაზოსავით იყო, თუ სოლიმისკენ გადასძალავდა, მაშინ წაგებულნი თვითონ დარჩებოდა.

— ხალხო, — სიმტკიცე მოემატა ხმაში ხსართაგს. — აი სოლიმი და ყუნცელი გვარიგებენ, ხელმწიფის წინააღმდეგ ხმა არავინ ამოიღოს, თორემ სისხლის წვიმა წაგვლეკავსო. მაგრამ მითხარით, როდის არ მოდიოდა ჩვენთვის სისხლის წვიმა? როდის იყავით უშფოთველნი და უდარდელნი? მიპასუხეთ, როდის არ ტიროდნენ მშვიერი ბავშვების დედები? როდის გაპატიათ ხელმწიფემ მძიმე გადასახადი? ბეგარა და სხვა უბედურება? ხალხს აღარ შეუძლია ამ მძიმე უღლის ტარება, ყუნცელ, მონობაში სიცოცხლეც აღარ სურთ.

— შენ არაფერი გესაქმება ხალხთან. თავიანთი საქმე თვითონ უფრო უკეთესად იციან. მოგვშორდი თავიდან, — ხმა აიმაღლა სოლიმმა, — შენ სისხლს მოითხოვ და ჩვენ არ მოგცემთ ხალხის დალუ-

პვის უფლებას! გირჩევ, ენა დაიმოკლო და აქედან დაიკარგო!

— სოლიმ, შენ სისხლი ახსენე, ხომ არ დაგავიწყდა, თვითონ რომ გაქვს სისხლში ნაბანი ხელები? მარტო ხელები კი არა სახეც, ნამუსიც, მთლიანად ყელამდე სისხლში ხარ დამარხული. ხალხმა არ იცის კაცისმკვლეელი რომ ხარ, თორემ აქამდე საძაღლე კლდიდან გადაგჩეხავდა.

— ვინ არის კაცისმკვლეელი? მე? ვის უბედავ ძაღლიშვილო? არ გაპატიებ! — სოლიმმა ხსართაგზე გაიწია.

— შენა ხარ კაცისმკვლეელი, მამის მკვლეელი ხარ, ხასანას მკვლეელი ხარ, ზარინას მკვლეელი ხარ...

სოლიმმა დაჭრილი დათვივით დაიდრიალა.

— სიცრუეა! ვინ დამიმტკიცებს.

— მე! — გაისმა ხალხში და სოლიმმა თვალთ მოძებნა მისი მტემელი. ხალხს ბულათიყო გამოეყო და წინ წამოდგა. სოლიმს მუხლები მოეკვეთა.

— კეთილო ხალხო! მამაპატიეთ, რომ აქამდის ლაჩარავით ვლუმდი. მე ვიცი, ხასანას ოჯახი ვინც დალუპა, ვინც ხსართაგი ციმბირში გადაკარგა. ერთმა უსინდისო ადამიანმა ამოწყვიტა პატიოსანი ოჯახი.

— ვინ არის, ბულათიყო, გვითხარი მისი სახელი! — ჩაეკითხა გაოგნებულ ბულათიყოს აძიბე.

— ეს არის, — ბულათიყომ სოლიმზე მიუთითა, — ბოროტი ადამიანი, რომელიც აგერ, თქვენს წინაშე, ბუხს არ ისვამს თავზე. რამდენი ადამიანი გააუბედურა, თავისი უწმინდური სურვილი რომ შეესრულებინა. თქვენ იცით, ჩემი და ნალყუთა ხსართაგმა დანიშნა. თურმე ამ უნამუსოსაც თვალი ეჭირა გოგოზე. ხსართაგის თავიდან მოცილების მიზნით გაავრცელა უხამსი ჭორი. საფლავეში ჩაიყვანა ორი კარგი ადამიანი, მესამე ციხეში ამოალპო, მეოთხე — ჩემი და დააბეჩავა.

— სტყუი, ვირიშვილო! მამაშენს ხომ შენ მოუღე ბოლო? მე კი მიგონებ ყველაფერს!

— ეგეც შენი ენით იყო და მამაჩემს უნდა შეგწირო, შე სისხლისმსმელო შენა. — ბულათიყომ ხანჯალი იძრო და სოლიმისკენ გაიწია. აძიბემ გააკავა.

— მოიცა, ბულათ, ეშმაკის აწეწილ გორგალს პირი აერთო მგონია. — სოლიმ, წინ წამოდექი და შენი დანაშაული მოგვახსენე.

— მე სათქმელი არაფერი მაქვს, — მკვდარივით გაფითრებულ სოლიმი რაღაცის თქმას ცდილობს, მაგრამ ენა არ ემორჩილება, როგორც იყო ამოიღულღულდა. — რაც იმათ უბედურებაზე მე ვიდარდე, ხალხმა კარგად იცის. მე დავასაფლავე ორივე, იმათ ბავშვსაც მე ვზრდი! ხსართაგის მშობლებს რომ ვეხმარები, ამასაც ხედავს აული. ამ ჩემს მოყვარე ვირისშვილს დიდი ურვათი არ მივეცი და ის ალაპარაკებს, ცილს მწამებს.

აქამდის განმარტობით იღვა აცირუხსი. იღვა და რასაც ხედავდა და რაც ესმოდა, საგონებელში აგდებდა. თაიმურაზის ამბის გასაგებად გადმოვიდა და ბიჭი რომ უვნებელი დაინახა, იმ უცნობი კაცის ლაპარაკს მიუვდო ყური. უსმენს აცირუხსი და ცრემლები ლაპალუპით სცივია. სიმართლეს ამბობს, სრულ სიმართლეს. გაჭირვებულ ხალხს მეტის მოთმენა აღარ შეუძლია. როცა იმ უცნობმა სოლიმის ჩადენილ დანაშაულზე დაიწყო ლაპარაკი, შვება იგრძნო. თითქოს მის გულში დამარხულ საიდუმლოებას ფარდა აეხადა. თავისდა გასაოცრად, აცირუხსმა ხალხი მისწი-მოსწია და წინ წადგა.

— ხალხო, მეზობლებო, სიმართლეს ამბობს ბულათიყო. ის სამწუხარო ამბავი მაგის მოწყობილი იყო. ხასანას და ბარსაგის ოჯახის განხეთქილება სოლიმის ბრალია. ის ბოროტი ხმები ქალიმათს გაავრცელებინა. ცოლად შერთვას ჰპირდებოდა, მაგრამ ისიც მოატყუა. ქალიმათი მერე მიხვდა, რაც ჩაიდინა. ყაზისთან უჩივლა სოლიმს. სამართალი ყაზიმ გააჩნია და ქალიმათი საკუთარი ხელით ჩაახრჩო წისქვილის ღარში. გასამრჯელო სოლიმისაგან აიღო! ვფიცავ მაღალ ღმერთს, თუ არ გჯერათ, ხატზე დაეფიცავ. ვტყუივარ, აქამდის რომ ვინახე ეს საიდუმლო, ვტყუივარ. მაგრამ ჩემი ბრალი არ არის, მეშინოდა. სოლიმისა მეშინოდა, მერე კიდევ ზედმეტი სისხლისღვრისაც მეშინოდა. ახლა ეს პირშავი ცდილობს დაფაროს დანაშაული, მაგრამ აღარაფერი უშველის. დაე, ხალხი იყოს მსაჯული.

სოლიმი დატყვევებული ნადირივით აცეცებდა თვალებს. მორჩა, დაიღუპა. მისი ბნელი საქმეების მკიდროდ თავმოკრულ გუდას ძირი გაეხა და დღის სინათლეზე გადმოიყარა ყველაფერი. ხალხის განაჩენი მკაცრი და დაუნდობელი იქნება. სოლიმს თავის დაძვრენის იმედი გადაუწყდა და უკანასკნელად გაიბრძოლა. ხანჯალი იძრო და აცირუხსისაკენ გადახტა.

— ო, ო, კახპავ! მე შენ გიჩვენებ, — მაგრამ ბულათიყომ იმარჯვა და სანამ სოლიმი ჩანაფიქრს შეასრულებდა, შიგ გულში ტარამდის ჩასცა ხანჯალი.

ხალხი აირია. ატყდა გნიასი. ვიღას მოაგონდა ყაზი. იმანაც არეულობით ისარგებლა, შეუშინევლად გაძვრა-გამოძვრა და ხეობისაკენ თავქვე დაეშვა.

სოლიმის სიკვდილის შემდეგ ნაღყუთა აღარ გაჩერდა ქმრის დაწყევლილ სახლში. პატარა ბაბე წაიყვანა და სამშობლოში წავიდა... აცირუხსმა და თაიმურაზმა რის ვაი-ვაგლახით დაასაფლავეს სოლიმი. არავინ მისულა სამძიმარზე, არავის დაუტირებია მისი ცხედარი. ძალი იყო და ძალღურად მოკვდაო, ამას იძახდა ყველა. ხალხმა სასაფლაოზეც კი არ მისცა ბინა. თაიმურაზმა ხევში გაუქრა საფლავი და უზიარებელ მიწას მიაბარა.

ყასაიმ და აძიბემ სოლიმის მიწები ხალხს დაუნაწილეს. ყასაი შვილივით შეიყვარა ხალხმა. მისი იმედით სულდგმულობენ, მომავლის რწმენა მიეცათ. მზად იყვნენ ყასაისათვის თავი გაეწირათ. ხეობის ახალგაზრდები დარაზმა. ახლა მათი შეიარაღება იყო საჭირო. ამანვე მუშაობდნენ დღე და ღამე აძიბე და ხსართავი.

თედოთიყაუს აჯანყების ამბავმა გორის მაზრამდე მიაღწია. მაზრის უფროსმა ცოფები ყარა თურმე. დამსჯელი რაზმის გაგზავნა ბრძანა.

ყასაიმ რაზმელებს შეატყობინა ეს ამბავი.

— ამხანაგებო, ცხინვალიდან შეგვატყობინეს, რომ ხვალ ან ზეგ დამსჯელი რაზმი დაგვეცემა თავს. ორი გზა გვაქვს, ან იარაღი დაეყაროთ და ცხვრებივით ჩაებარდეთ, ან ცეცხლითა და მახვილით შევხედეთ მომხდურ მტერს. ამ ორი გზიდან ერთი უნდა ამოვიჩიოთ.

რაზმელები ჩააფიქრა ამ ცნობამ. სიტყვა აძიბემ აიღო.

— ყასაი, შენ იცი, გაშიშვლებულ მახვილს ვაი და უი აღარ შეეღლის. მართალია, ჩვენი ძალები ძალზე მცირეა, მაგრამ მთავარი ის არის, რომ ხალხი ღრმა ძილიდან გამოერკვა. მომავლის იმედი მიეცა. გაგვიძებ წინ!

— თავისუფლებას მხოლოდ ბრძოლით მოვიპოვებთ, ყასაი, შენ გვითხარი ეს პირველად. — ასლანბეგმა სიტყვა ჩამოართვა აძიბეს. — თავისუფლებისაკენ სწრაფვა დილია, ძმავო, ამორჩეულ გზას არ ვუღალატებთ. გვწამს, რომ დასახულ მიზანს მივადწევთ.

მაცნეები ცხენებს მოახტნენ და მთის აულების მიხვეულ-მოხვეულ ბილიებზე გაიფანტნენ.

2.

ხსართავს გული ავს უთქვამს. ვაითუ ბრძოლის ველიდან ცოცხალი ვეღარ დაებრუნდო, ფიქრობს და ნალყუთას უნახავად სიკვდილისა შეეშინდა;

ხასანას პატარა ბაბეს ნახვაც ძალიან ენატრება.

პატარა ბაბე ეზოში თამაშობდა. თხილის ჯოხზე გადამჯდარიყო და წიქვლის მათრახით დააჭირითებდა ცხენს.

ამასობაში ბაბეს ცხენმა ხსართავისკენ გამოიჭირითა. ხსართავმა ბავშვი ხელში აიტაცა და გულში ჩაიკრა. ბაბემ უნდობლად შეხედა უცნობ ძიას.

— შენ აქ რა გინდა, ქათმებს ხომ არ იპარავდი? — ატიტინდა პატარა.

— ეგ რა სთქვი, მოპარვა როგორ შეიძლება. ქურდები იპარავენ, მე კი სულაც არა ვარ ქურდი.

— მაშ აქ რად იმალეობდი?

— სულაც არა, მე შენ გიყურებდი. კარგად აჭირითებ ცხენს.

— ჩემი ცხენი ტირიფისაა. ნანამ მაჩუქა.

ხსართაგი მიხვდა, რომ ბავშვი ნანას ნაღყუთას ეძახდა. გული სიხარულით აუჩქროლდა.

— ძალიან გიყვარს შენი ნანა?

— ჰო, ძალიან.

— მაინც?

— ერთი გუდა.

— შეტი არა? — სიცილი აუტყდა ხსართაგს.

— რას იცინი, პატარა გუდა კი არა, დიდი გუდა. ნანასაც ძალიან ვუყვარვარ. წელან მითხრა, ცხენი რომ მაჩუქა.

— მე რომ ნამდვილი ცხენი გაჩუქო, ბაბე!

— ნამდვილი? სად არის შენი ცხენი?

— აგერ, გარეთ, მარგილზე აბია.

ბავშვი ცოცხლად გადახტა ხსართაგის მუხლებიდან და გარეთ გავარდა. ისევ მალე შემობრუნდა. დიდი წყლიანი თვალები ხსართაგს შეანათა.

— მართლა მაჩუქებ?

— აუ, მოტყუება ვის ეკადრება, შენნაირ კაცს ვინ არ აჩუქებს ცხენს?

— მათრახსაც მომცემ?

— რა თქმა უნდა, აბა. უმათრახოდ სად გაგონილა ნამდვილი ცხენი? ჰა, დაიჭი.

ბიჭი ციბრუტივით დატრიალდა. მათრახი ფუნჩულა ხელებში ჩაბლუჯა და შინისაკენ გაიქცა.

— ქირქის, ქირქის, გამოიხედე, სტუმარმა ცხენი მაჩუქა.

სახლიდან ქირქისამ გამოიხედა. ბავშვმა მასთან მიიბრინა:

— ქირქის, აი ნამდვილი მათრახი, ცხენიცა მყავს, ისიც სტუმარმა მაჩუქა.

— ვინ სტუმარია, სად არის, გენაცვალე?

— აგერ, ეზოში, ვერ ხედავ?

ქირქისამ ხსართაგი დაინახა. შინ შეიპატიჟა. პატარა ბაბე კი ისევ ეზოში გავარდა.

— უბედური ამის მშობლები, ასეთი ანგელოზის ცქერით რომ ვერ გაძლენ.

— ბედი არა ჰქონდათ... ქირქის, ნაღყუთა შინ არის?

— არა, წელან სასაფლაოზე წავიდა. თავის დედ-მამის გვერდით შენთვისაც გაათხრევინა საფლავი,¹ ყოველდღე მიდის და იმ ცარიელ საფლავს დასტირის. შინ შემოდი. საცაა მოვა.

— ქირქის, მაპატიე, ორი სიტყვა უნდა უთხრა. დრო ცოტა მაქვს, მეჩქარება.

— შემოდი შინ. გარეთ ხომ არ ვიდგებით?

ხსართაგი მასპინძლის ნებას დაჰყვა.

¹ ოსური წესია, სხვაგან დაღუპულს სამშობლოშიც საფლავს უთხრიან.

ყოველივე ეს ძალიან დიდი ხნის წინათ იყო. ყველაფერი სიზმარივით გაქრა. ნეტავ ახლა ნალყუთამ რომ გაიგოს, უცნობი ყასაის მაგიერ ხსართაგი ზის აქ, რას იზამდა? საბრალო, სულ მარტო დარჩა. აღარავინ ჰყავს, აღარავის ელოდება. აღარაფერი ახრებს. შამა რომ მოუქვდა და ბულათიყო ახლოს არ გაეკარა, მაშინაც მარტო იყო, მაგრამ ხსართაგი ჰყავდა და იმედიც ჰქონდა. ახლა აღარავის იმედი აქვს და ცხოვრება ჯოჯობითად ექცა. ნეტავი შეიძლებოდეს მაშინდელივით მოეფეროს. კოცნით ამოუშროს მწველი ცრემლები, მაგრამ რომ არ შეიძლება, ხვალ ომში მიდის. თავისუფლებისათვის იქნებ სიცოცხლის გაწირვაც მოუხდეს. ბნელსა და უკუღმართ წყობილებას შეებრძოლება. ხსართაგისა და ნალყუთას ბედი დაიფერფლა. მაგრამ ქვეყნად რომ სხვებმაც არ გაიზიარონ მათი ბედი, სიცრუისა და ორპირობის მოსპობაა საჭირო, ადამიანის ბედი უნდა გამოსტაცოს ქაჯებს. ვინ იცის, ხვალ რა მოხდება, რა საჭიროა გაუახლოს ძველი ქრილობა. დაე, ყველაფერი ისევე დარჩეს, როგორც აქამდის იყო. ცოდვაა, ოცნებები რომ ხელახლა ჩაუქრეს. ისიც ერთ დღეში. არა, არა, სჯობია, არაფერი იცოდეს. ველარ გადაიტანს ამდენ მწუხარებას.

კარმა გაიჭრიალა. ქირქისამ თაბახით ხაბიძენები შემოიტანა. ფინგზე დაალაგა, ქოთნით შუშხუნა კუმალიც¹ არ დააეიწყდა.

— ქირქის, და არა მყავს, მაგრამ შენ ხომ ხარ ჩემი და, მეც ძმად მიგულე. ძალიან გთხოვ, ნალყუთა გებრალეობდეს. ის პატარა ბალღიც თქვენი სინდისისათვის მომინდეთა.

— ხსართაგ, მეც ჩემი ასლანბეგივით მიყვარხარ. მაგრამ ნალყუთას რატომ მაბარებ, ბიჭო, უცხო ზომ არ არის. ჯერ ერთი, დებივით ვართ შეზრდილები, მეორეც, მულია ჩემი. არცარას ბაბეს ვავუჭირებთ...

— გმადლობ, დაო, გმადლობ.

— იცი რა, ხსართაგ, ნალყუთას წინაშე არა ხარ მართალი. შეკაი კაცო, რას ემალეები გულმოკლულ ქალს, გშურს, ორიოდ დღე ბედნიერად იცხოვროს? შენ გაგყვა მაგის სიცოცხლეც და სიხარულიც. განსაკუთრებით მაშინ მოკვდა, როცა გაიგო, რომ შენი უბედურების მიზეზი სოლიმი იყო. ბულათიყოს არ აპატია, სიმართლე რომ დაუმალა, ლაჩარს უწოდებს. სასაფლაოზე ყოველდღე შენს საფლავს დასტირის. ხსართაგ, ხომ მითხარი ძმა ვარ შენით, ძალიან გთხოვ, გამოუჩინდი ნალყუთას. ნუ დგები მაგის ცოდვაში, ისედაც საკმაოდ დაისაჯა. რა დააშავა, რისთვის?

— ქირქის, გამიგე, შენ გგონია ჩემთვის ადვილია? მაგრამ ასე უკეთესი იქნება ნალყუთასათვის. თუ რატომ, ამასაც მალე გაიგებ. ისეთ საქმეში ვარ ჩაბმული, რომ არ ვიცი ცოცხალი დავბრუნდები?

— მესმის, ბულათიყომ მითხრა ყველაფერი. ო, როგორ მეშინია.

¹ კუმალი — ბურახისმავარი სასმელია.

— მეტი გზა არ არის, ქირქის. ასე დაბეჩავებულ სიცოცხლეს თავისუფლებისათვის ბრძოლაში სიკვდილი სჯობია. შენ ნუ გეშინია, ბრძოლაში იმიტომ კი არ ვებმებით, რომ დავიხოცოთ, არა, დაო, ჩვენ გამარჯვება გვინდა, გამარჯვება. ხალხის მზე უნდა ამობრწყინდეს, ქირქის. ქვეყანაზე ბოროტება აღარ იქნება. შენ, ნალყუთა, ყველა ქალი განთავისუფლდებით, გარდასულ ადათ-წესებს აღარ დაეძონებით. ნალყუთას რომ ვემალები, მხოლოდ და მხოლოდ იმიტომ, რომ ახალი ტკივილი და მწუხარება ავაცილო.

— რა გითხრა, იმდენი ჰკუა არა მაქვს, რომ შენს ჩანაფიქრს ჩაეწვდე. ისე კი ვგრძნობ, რომ დიდ საქმეს დასდგომიხარ. კეთილ გზაზე გატაროს ვასთირჯიმ. ერთს გეხვეწები მხოლოდ. ბულათიყო და ჩემი ძმა ასლანბეგი შენთან იქნებიან, გაუფრთხილდი, იცოდე ორი ოჯახი დაილუპება.

ხსართაგი ქირქისას დაემშვიდობა, კარებში ნალყუთას შეეჩხხა. გულმა ჩამოჰკრა, მუხლები მოუღუნდა, თითქოს დამბლა დაეცაო. ადგილიდან დაძვრა ვეღარ მოახერხა. უყურებს ნალყუთას და უნდა იყვიროს, ქვეყანას გააგებინოს, რომ აქ არის. ისევ უყურებს ძვირფას სახეს. მაგრამ დროზე შეიკავა თავი. ნალყუთას სახეს ააცილა მხერა და უაზროდ ააცეცა თვალები.

— გამარჯობა, ყასაი, მიბრძანდებით?

— კი, მეჩქარება...

— ჰკითხე, ნანა, ჰკითხე, — კალთაზე ჩამოსწია ნალყუთას პატარა ბაბემ, — ნანას არა სჯერა, რომ ცხენი მართლა მაჩუქე, უთხარი.

— შენია, ჩემო პატარა მზეო, შენი. — ხსართაგმა ხელში აიყვანა ბავშვი და ფუნჩულა ლოყაზე აკოცა, — მხოლოდ ფრთხილად იყავი, ცხენმა წიხლი იცის.

— ჩემია, ჩემია, — წამოიძახა გახარებულმა ბაბემ და ისევ ეზოში გავარდა.

— ცხენი მართლა ვაჩუქე ბაბეს.

— რად შეწუხდით, მერე თქვენ როგორ ივლით?

— ფეხი აქვს ნატკენი, თანაც ქვეითად მირჩევნია. დიდი მადლობა ყველაფრისათვის. ჩემს შემდეგ სიკეთე და ბედნიერება შემოვიდეს თქვენს ოჯახში.

— მოიცადე, ყასაი, აგერ ბულათიყო! ცხენი. ქირქის, შეუჯახმე ქურანა.

ქირქისამ ქურანას უნაგირი დაადგა, მოსართავები გადაუჭირა და სტუმარს მიართვა.

ყასაი ქურანას მოახტა. მხარ-ბეჭი, მარცხენა ხელის თავისებური შემართვა, მერე კიდევ ვაჟკაცის ირიბი გამოხედვა. რაღაც ძალზე ნაცნობი მოეჩვენა ნალყუთას. სანამ ცხენს მოახტებოდა, მანამდეც ეცნო მისი მარცხენა ხელის კისერზე შემოდება. ნალყუთას გული გაეყინა. ასე იცოდა ხსართაგმა. ის მხარბეჭი, ის სიმარდე...

„ოი, დედაო მარიამ, ვინ არის ეს უცნობი ვაჟკაცი?“ — ფიქრები

მოეძალა და ისე აერია ყველაფერი ერთმანეთში, რომ აზროვნების უნარი დაეკარგა.

— ყასაი, ყასაი. მოითმინე ერთ წუთს. — მიადახა მზედარს შეუფოთებულმა ქალმა, მაგრამ ყასაიმ მოასწრო, ცხენს მათრახი გადაუქირა და უკვე შორიდან მოისმა ფლოქვების თქარა-თქური.

— ქირქის, ჩემო ქირქის, — აღელვებული ნაღყუთა რძალს გადაეხვია, — მითხარი, ვინ არის ეს უცხო კაცი.

— ყასაი, ბულათიყოს მეგობარი. — ქირქისა მიხვდა, რომ ნაღყუთამ ეჭვი აიღო.

— როდის დამეგობრდნენ, საიდან გაიცნეს ერთმანეთი? ან ახლარისთვის მოვიდა. — კიდევ უფრო აღელდა ნაღყუთა.

— რაზე მეკითხები, ნაღყუთა, არაფერი მესმის?

ნაღყუთამ, თითქოს სიზმრიდან გამოერკვაო, მძიმედ ამოიოხრა.

— ვილაცას მივამსგავსე.

— შენ რა გითხრა, აღარ უნდა დაივიწყო? შენი ფიქრი ისევ იმას დასტრიალებს.

— რა ექნა, ქირქის, არ შემძლია დავიწყება, — ცრემლი მოერია ნაღყუთას.

— ნულარ იტანჯავ თავს, ალბათ ეგ იყო შენი ბედი. რას იზამ, ღვთის განგებას ვერავინ გაექცევა... შემოდი შინ, დილას აქეთია გელოდები, შიმშილით მოკვდები, გოგო.

— ქირქის, ჩემო რძალო და დაზე უტკბესო მეგობარო. დედ-მამას გაფიცებ, ნურაფერს დამიმალავ. ვინ არის ის უცნობი? — მთელი ტანი უცახცახებდა და ციებიანივით კბილს კბილზე აცემინებდა.

— რა დაგემართა, გოგო?

— არა, ქირქის, შენ რაღაცას მიმალავ...

— საიდან მოიგონე. რას გიმალავ. რომ არაფერი ვიცი?

— იცი, გული შეუბნება, რომ შენ რაღაც იცი. დედ-მამას გაფიცებ, მითხარი.

დამუნჯდა ქირქისა. ხსართაგს სიტყვა მისცა, რომ არაფერს იტყოდა. მაგრამ ნაღყუთას ტანჯვას ველარ გაუძლო და თავისდა უნებურად წამოსცდა.

— ის არის...

— ?!

— ჰო. ხსართაგი, შენი წილი დაკარგული მზე... საიქიოდან დაბრუნდა.

— ხსართაგი?!.. ვიცანი, ვიცანი! ჩემი ცოდო გედოთ სუყველას, რა შეუბრალებლად მომექეცით, როგორ დამტანჯეთ! — ამოიკვნესა ნაღყუთამ და ამ კვნესას თითქოს სულიც ამოაყოლო, მოეშვა. მიიბნინდა და გრძნობა დაეკარგა. ქირქისამ წიოკი ატეხა, წყალი ასხურა, ყურები ძმრით დაუზილა და ძლივს მოაბრუნა.

— რა შეუბრალებლები ყოფილხართ, ქირქის... ყველა... — და ნაღყუთა რამდენიმე ხნის შემდეგ შვების ცრემლებით ატირდა.

— სად წავიდა? რატომ გამექცა? მითხარი, საით წავიდა? მემალეა არა? მაშინ მე წავალ მასთან, — თავშალს წამოავლო ხელი.

— ნალყუთა, დამშვიდდი, გოგო, სად უნდა წახვიდე, არ ვიცი სად იქნება. თუ ცოცხალი გადარჩა, თვითონ მოგვაკითხავს.

— არა, ქირქის, არა, ჯაკვითაც რომ დამაბა, გავწყვეტ და მაინც წავალ. ვერავითარი ძალა ვერ დამაკავებს: თვითონ მემალეა, მაგრამ მე ვიპოვნე.

არ შეისმინა ქირქისას ხვეწნა-მუდარა ნალყუთამ. უბეში მამისეული ხანჯალი დამალა და ღამის სიბნელეს მისცა თავი.

3.

სეობის ვიწროებში, მდინარის გასწვრივ ქვალორდიან მიხვეულ-მოხვეულ ბილიკზე თოკივით გაიბა ყაზახ რუსების დამსჯელი რაზმი, რომელსაც კაპიტანი ნეთუდიხატა მეთაურობს. იგი სუფთა არაბული სისხლის თეთრ იაბოს მიათოხარიკებს და ხანდახან უკან მომავლებს ცალკეად მიუგდებს.

— Быстрее, хлопцы, быстрее!

რაზმი ხეობის სიღრმეში მოსახვევს გაუსწორდა. აქ სალი კლდე თითქოს დანით შუაზე გაუჭრიათო, ბილიკის ორივე მხარეს გუშაგებად დგანან. თან ისე ახლოს მისულან ერთმანეთთან, რომ გზიდან მხოლოდ ხელისგულისოდენაა ჩანს ცა. ზედ გზაზე გადმოკიდებული ლოდები თითქოს საცაა მოსწყდებიან და რაც წინ შეხვდებათ, პირწმინდად წალეკავენ. ამ ჩაბნელებულ უფსკრულში შიშის გრძობა იპყრობს.

— ცოტა კიდევ, თქვენო მაღალკეთილშობილებავ და მივალთ, — ვითომ უნდა გაემხნევებინა ყაზახის ნეთუდიხატა, მაგრამ სიტყვის დასრულება აღარ დასცალდა, თოფის გრიალში ჩაიკარგა მისი სათქმელი. მუნჯი კლდეები ეშმაკების სამყოფელად იქცნენ. ყოველი მხრიდან წვიმასავით წამოვიდა ტყვია.

ნეთუდიხატა ახლა კი მიხვდა, მამა რომ აფრთხილებდა, მთების ვიწროებს ერიდეო, სწორედ იმ ვიწროში მოხვდა.

— უკან დაიხიეთ! — გასცა ბრძანება.

მაგრამ სად იყო უკან დასახვევი. ყაზახთა დამსჯელი რაზმი ხეობის ვიწროში შეჭგუფდა და აღარც წინ წასვლა შეეძლო და აღარც უკან დახვევა. ყაზახები ტყაპა-ტყუპით ცვივიან მთის აზვირთებულ მდინარეში.

მალა, კლდის ნაპრალში დაიდეს ბინა საჯილქომის ახალგაზრდებმა, ესენი იყვნენ ყასაის რაზმელები. ტყვიას ტყვიაზე უგზავნიდნენ თავგზაარეულ შავრაზმელებს.

— ბიჭებო, ტყვია-წამალს გაუფრთხილდით, — გასცა ბრძანება ყასაიმ. და სალი კლდის ლოდები შექანდნენ. კლდის ზვავი ხმაურით

დაიძრა და ხეობაში შეჭგუფებული კაცის ყვირილმა და ცხენის ჭიხ-
ვინმა შესძრა ქვეყანა. გაწყდა კაც-ცხენი. თავიანთი მხრივ, მათაც
ბევრი ოჯახი დაარჩინეს უმარჩენლოდ, ბევრს დაუბნელეს მზე და
აი ახლა თავზე დაატყდათ ხალხის რისხვა, ობოლი და მშვიერი ბავშვე-
ბის ცოდვა და იხდიან ხარკს.

კლდის თავიდან თოფები ქუხს. ტყვიები წუილით მიფრინავენ ხე-
ობაში. ცხენები უმხედრებოდ დარჩნენ. ყაზახებიდან ვინც ცოცხალი
გადარჩა. მოიფიქრეს და კლდის ძირს მიეფარნენ. იქიდან ხანდახან
ისვრიან, ტყვიები მხოლოდ სალ კლდეს ხვდება.

ყაზი პირველი მოეფარა კლდის ქიმს. დარწმუნდა, რომ საქმე სა-
ხუმარად არ იყო, რაღაც უნდა მოიფიქროს. თორემ დალუპვა არ
ასცდება. დრო იხელთა და მდინარეში გადაეშვა. აქ მან მდინარის
ტალღებს მიანდო თავისი სიცოცხლე. იმანაც კარგა ხანს ათრია ქებე-
ზე, სამშვიდობოს რომ დაიგულა თავი, რის ვაი-ვაგლახით გახოხდა
ნაპირზე. ბუჩქებში დაიმალა. წყულები მოიბანა, ცოტა შეისვენა,
ძალა მოიკრიბა და ისევ ცხინვალის გზას დაადგა.

ვიწრო ხეობაში ხსართავის რაზმის გამარჯვების ამბავი სწრაფად
გავრცელდა. ხალხს მეტი სალაპარაკო აღარაფერი ჰქონდა. თავისუფ-
ლებისათვის პირველი ბრძოლა გამარჯვებით დამთავრდა, ხალხს იმე-
დი მიეცა. აულიდან აულში მახარობლებს გზავნიდნენ.

ხსართავის რაზმელებს ფრთები შეესხათ. მათ სიხარულს საზღვა-
რი არ ჰქონდა, თუმცა სიხარული ნაადრევია, მტერს ისე იოლად ვერ
დაამარცხებენ. მწვავე ბრძოლა ჯერ წინ არის, იცის ეს ხსართავმა
და დიდი ბრძოლისათვის გამალებით ამზადებს რაზმს. ნადავლი ია-
რადი ახლა საკმაოდ ჰქონდათ. ბიჭები თითქმის ყველა შეიარაღდა.

ერთი დღე კიდევ დადამდა. ღამემ თავისი ჯადოსნური ზეწარი
გადააფარა დედამიწას და უშფოთველი ძილით მიაძინა.

არ ძინავთ რაზმელებს. ვიწრო ხეობაში გუშაგები ფხიზლობენ,
დანარჩენები კი ისვენებენ.

არც იმ დღეს, არც მეორე დღეს არავინ გამოჩენილა. იატაკქვე-
შა ბოლშევიკური ორგანიზაცია ცხინვალიდან იტყობინებოდა, გარ-
ნიზონში სიწყნარეა, თავი ისე უჭირავთ, თითქოს არაფერიც არ მომ-
ხდარაო.

კიდევ გავიდა რამდენიმე დღე. რაზმელები ლოდინით დაილაღნენ.
პირველი გამარჯვების აღმაფრენა თანდათან დაცხრა. რაზმელებს მო-
ბეზრდათ უსაქმოდ ყოფნა. სწორედ თივის დამზადების ცხარე დღეე-
ბი იდგა. ბიჭები საღამოთი თითო-თითოდ ტოვებდნენ რაზმს და შინ
ბრუნდებოდნენ.

საგონებელში ჩავარდა ხსართავი. რა ქნას?

ცენტრიდან ამბავი იგვიანებს. შეიარაღებული აჯანყების დაწყება
როგორღაც ჭიანჭურება, ახლა ხსართავმა არ იცის, როგორ მოიქცეს.
რაზმის დაშლა დალუპვას ნიშნავს. რევოლუციურმა კომიტეტმა, რო-
მელიც ხსართავის ხელმძღვანელობით შეიქმნა, დიდი საქმე გააკეთა.

ჯერ ერთი, თედოთიყაუში ყუნცელისა და სოლიმის მიწები თანასწორად გაუყო ღარიბ გლეხობას. ახლა კიდევ, დამსჯელი რაზმი არ შეუშვა ხეობაში. ამან ხალხზე დადებითად იმოქმედა, იმედი მიეცათ, უკეთესი მომავლისათვის ბრძოლა მოინდომა ყველამ. აულებიდან ხალხმა იხველა და ხსართავის რაზმში ჩაწერა მოითხოვა.

— როცა მტერზე გავიძარჩევებთ, მერე შევიყრებით ერთად, როგორც უკეთესი იქნება, ისე გადავწყვეტთ ყველა საკითხს.

ხუთი დღე, მხოლოდ ხუთ დღეს იყო თავის თავის ბატონ-პატრონი საუკუნეობით დაჩაგრული ხალხი. თავმოყვარეობამ გაიღვიძა მათში, ძალა მოემატათ მკლავში.

მაგრამ ჯერ ნაადრევია სიხარული. არავენ იცის, როგორ წარიმართება საქმე. ცხინვალთან მაცნე იგვიანებს, არაღეგალური პარტიული ორგანიზაცია არაფერს იტყობინება. რა ქნას, როგორ მოიქცეს? ეს კითხვები აღარ ასვენებს ხსართავს. გადაწყდა, კაცი გაიგზავნოს ცენტრში. მაგრამ ვინ? ასლანბეგზე შეჩერდა არჩევანი.

— ასლანბეგ, ცენტრის დუმილი ძალიან მაფიქრებს. შენ გავალე. ცხინვალში სოციალ-დემოკრატიული პარტიის ბიუროსთან კავშირის დამყარებას. ისინი გეტყვიან, როგორ მოვიქცეთ შემდგომში. დაგვიანება არ ივარგებს. დღესვე წახვალ. მტრის დუმილი არ მომწონს, შეტევისათვის ემზადებიან.

— ყველაფერს გავაკეთებ, მელოდეთ! — ასლანბეგმა ცხენი დაძრა.

— აბა, შენ იცი, ფრთხილად იყავ!

მოსალამოვდა. მტრის გამოჩენა აღარ არის მოსალოდნელი. რაზმელები ისვენებენ. ჭგუფ-ჭგუფად სხედან და ზოგი მხიარულად მასლათობს, ზოგი მღერის. ერთმა რაზმელმა შინიდან ფანდირიც მოიტანა. ღამის სიბნელეში მთელ ხეობას ეფინება ნაღვლიანი მელოდია.

ხსართავმა და აძიბემ რაზმელებს ჩამოუარეს. განწყობილება დამაკმაყოფილებელია. ერთად მოუყრია თავი თედოთიყაუელ ახალგაზრდებს. შუაში სოლიმის მოჯამაგირე თაიმურაზი ჩაუყენებიათ და რაღაც სასაცილოს, ვინ იცის, მერამდენედ ამეორებინებენ. მათი სიცილი შორს ისმის.

— აძიბე, ჩვენც დავისვენოთ, — უთხრა ხსართავმა მეგობარს. — იცი რა, აძიბე, გუშაგებმა არ დაგვალალატონ, წუხანდელივით სახლებში არ დაიფანტონ.

— წადი, შენ დაიძინე, მე შევამოწმებ. — აძიბე საგუშაგოსაკენ წავიდა.

ვარსკვლავებით მოჭედოდა ცაზე საღეს მთვარე ამოცურდა. სახელდახელოდ გაკეთებული ქოხი შტაბიც არა და ხსართავის საძინებელიც. ახლაც იქ მიდის, ზურგს უკან ფეხის ხმა მოესმა. მკვეთრად შეტრიალდა.

უკან მოსდევდა სრულიად ახალგაზრდა ვაჟი. ხსართავი რომ შებრუნდა, იმანაც შეაჩერა ნაბიჯი.

ავერ მეოთხე საღამოა, სულ უკან დასდევს ეს ბიჭი. ვისია, სა-

დაურია, არაფერი იცის. მხოლოდ ღამით ხედავს, დღე სადღაც იკარგება. წუხელის ფეხებთან მიუწვა. ხსართაგმა რომ გაიღვიძა, ბიჭი უკვე ქოხიდან გადიოდა. და ახლა მისმა გამოჩენამ დააქვცა.

— რა გინდა, ბიჭო? — ჰკითხა.

— არაფერი.

— მაშ რა უკან დამდევ?

— გიცავ...

— ვისგან?

— მტრისგან.

— შენა? — სიცილი ვერ შეიკავა ხსართაგმა. — მერე, ვინ დაგავალა ჩემი დაცვა?

— არავინ.

— დღე სადა ხარ?

— შინ მივდივარ.

— რათა?

— ვიძინებ ხოლმე.

— ჰა-ჰა-ჰა, საოცარი ბიჭი ხარ. წამოდი ჩემთან. ხსართაგმა ბიჭს ხელი გადახვია, — წამოდი, ქოხში და დაიძინე.

— მე დღეს უკვე მეძინა.

— რა გქვია?

ბიჭმა პასუხი შეაგვიანა, მერე თითქმის ჩაიჩურჩულა.

— ხსართაგი.

ხსართაგი შეკრთა.

— ხსართაგი?.. მაშ არ გეძინება, ჰა?

— არა...

— წადი შინ.

— გეხვეწები, არ გამაგდო, შენთან ყოფნა მწადია...

— ან შეგნით შემოდი და დაიძინე, ან წადი შინ. ხომ გაიგონე? შენ გეუბნები, ბიჭო!

მეტი რალა გზა ჰქონდა, ბიჭი ქოხში შეჰყვია ხსართაგს.

— ჰო, ასე. აგერ ნაბადი, გაიშალე და დაიძინე.

ბიჭი ნაბადში გაეხვია და ხმა აღარ ამოუღია.

დადუმდა ფანდირი. შეწყდა სიმღერაც. ხეობის უბეში მთვარის ნაზ სხივებზე მიიძინა ბუნებამ. ღამის მყურდროებას ხანდახან მხოლოდ მიკიოტის თავგამოდებული კივილი არღვევდა.

4.

ხსართაგს აძიბეს ყვირილი ჩაესმა ძილში:

— ყასაი, ჩქარა, რა იქენ, ყაზახები გამოჩნდნენ.

ხსართაგმა ისკუბა და ქოხიდან ტყვიასავით გამოვარდა.

— სად არიან?

— ხევიდან გუშაგებმა მოგვცეს ნიშანი.

— ჩქარა, გაალვიძე ბიჭები!

ხსართაგი გზადაგზა ისხამდა იარაღს და ვიწრო ხეობისაკენ გარბოდა.

მზე კარგად იყო ამოსული, ყაზახები რომ ხეობაში შემოვიდნენ. მოდიოდნენ მშვიდად, ნელ-ნელა, თითქოს ნაბიჯებს ითვლიანო. ზედ ხეობის მოსახვევში ვიწრო ყელს როგორც კი მოატანეს, შეჩერდნენ. დაელოდნენ კლდის ნაპრალებში ჩასაფრებული რაზმელების ამოქმედებას. კლდე კი ავის მოლოდინში გატრუნულიყო.

მოულოდნელად რალაც ბოლი ავარდა. მერე ისე საშინლად დაიქუხა, რომ მთები შეზანზარდა. სალი კლდის ნამსხვრევები ხრიალით ჩახვავდა ხევში. ზედიზედ კიდეც სამკერ იქუხა.

ხსართაგს რა მიხვედრა უნდა, რომ მტერი ზარბაზნით ცდილობდა გზის გაკაფვას. მაგრამ მტკიცედ იყო დაიმედებული. კლდის კარებს ზარბაზნით ვერაფერს დააკლებენ. მთავარია მათი ვიწროში შეტყუება და მერე თვითონ იცის, ქვეს ზეავს დაუშვებს ზემოდან და კაც-ცხენს ქვეშ დაატანინებს. მაგრამ აღგილიდან დაძვრას არც ფიქრობენ ყაზახები. მხოლოდ ზარბაზანს უშენენ სალ კლდეს.

— არიქათ! ზურგიდან გვეპარებიან! — მოესმა ხსართაგს შეშინებული ქალის ხმა. უკან მიიხედა და ის ბიჭი დაინახა, გუშინ რომ მას „იცავდა“.

რაზმელებმა დაინახეს, მთის ფერდობზე ტყიდან ყაზახები ეპარებიან. დამეხილებივით დარჩნენ. საცაა სათოფეზე მოახლოვდებიან.

ექვი არ იყო, ამ მთებში გაზრდილმა გამცემმა ასწავლა გზა ყაზახებს. ეს გზა მეტისმეტად სახიფათო და შორიდან მოსაველელია, უცხო კაცი იქ გავლას ვერ გაბედავს. ყოველ ამოსასვლელში გუშაგები დააყენეს, მაგრამ ამ გზაზე არც უფიქრიათ, რას წარმოიდგენდნენ. და აა შედეგიც.

წითელი რაზმი ორად არის გაყოფილი. ერთ მათგანს აძიბე ხელმძღვანელობს და ხეობის გაღმა მხარეს იცავს, მეორე — ხსართაგის ხელმძღვანელობით აქეთა მხარეს. აძიბეს რაზმელებისათვის მოცდა უაზრობა იქნებოდა. მერე კიდეც ხეობიდან გასასვლელ კარებს ღიად ვერ დატოვებდნენ. ხსართაგი მიხვდა მტრის ჩანაფიქრს და გადაწყვიტა დიდი ქედის გადმოსასვლელში შებმოდა ყაზახებს.

რაზმელებმა საბრძოლო პოზიცია დაიკავეს. ყაზახები კი მიწას გართხმინა და ხოხვით მოიწვევენ წინ. რაზმელები ბრძოლის დაწყებას ჩქარობენ, მაგრამ ხსართაგი სროლის ნებას არ აძლევს.

როცა სულ ახლოს მოვიდნენ ყაზახები, ერთ-ერთი მათგანი წამოხტა და იღრიალა:

— За мной, в атаку!

ხიშტებმომარჯვებული ყაზახები „ურას“ ძახილით წინ გამოქანდნენ.

იგრილა რაზმელთა თოფებმა და რამდენიმე მეწინავე ყაზახი დაეცა. სხვები ისევ მიწას გაერთხნენ. სროლა ატეხეს, მაგრამ მათი ტყვიები ნიშანს ვერ ხვდება. ისევ შეტევაზე გადმოვიდნენ.

რაზმელებმაც არ დააყოვნეს. კვლავ რამდენიმე ყაზახი გამოესალმა სიცოცხლეს, მაგრამ სხვები ისევ წინ მოიწევენ. თითო-თითოდ გამოდიან მწყობრიდან, ქერის ძნასავით წვებიან ლოდებს შუა, სხვები კი მაინც წინ მოიწევენ. სულ ახლოს მოუშვეს და მერე წამოიმართა ხსართაგი.

— მომყეთ, ბიჭებო, ან სიკვდილი, ან გამარჯვება! — და ხმალმომარჯვებული ეკვითა მტერს.

აძიბე თავისი რაზმით ხეობის მეორე მხარეს არის ჩასაფრებული. თოფების ქუხილი რომ გახშირდა. მიხვდა, რალაც მოხდა. მალე მეკავშირემ ამბავი მოიტანა.

— ყაზახებმა ზურგიდან მოგვიარეს. ყასაიმ გიბრძანა, ხეობის კარებში ჩიტიც არ გაატარო.

სწორედ ამ დროს ცხენოსანი ჯარი ქვის კარის ყელს მოადგა. მაშინვე ზარბაზანმაც იქუხა. სალ კლდეს ნაპირი ჩამოემტვრა. ნამსხვრევებით სამი რაზმელი მიძიმედ დაიჭრა.

— დასცხეთ, ბიჭებო, თორემ გავლენ კარებში! — ყაზახების ერთი ნაწილი ქვის ზვაჰქვეშ მოექცა, ისევ ზარბაზნების ზათქმა გააყრუა ხეობა. ისროდნენ განუწყვეტლივ, რაზმელებს თავის წამოწევის საშუალება აღარ მისცეს. ქვის ზვავს გადარჩენილი ყაზახები კი წინ მიიწევედნენ. გასცდნენ კიდეც რაზმელთა სიძიმედო სიმაგრეს — ქვის კარს.

რალა აზრი ჰქონდა კარის დაცვას. აძიბე მიხვდა, ახლა მთავარი იყო, ხსართაგის რაზმს შეერთებოდა.

— მომყეთ! ყასაის რაზმს უჭირს — გასცა ბრძანება აძიბემ.

რაზმელებმა პირველი შეტევა მოიგერიეს. მტერმა უკან დაიხია. სულ მალე ყაზახებს მასველი მოუვიდა და ისევ შეტევაზე გადმოვიდნენ. პირველი წარმატებით ფრთებშესხმულმა რაზმელებმა ახლაც იგაჟკაცეს, მტერი დაჯაბნეს. სწორედ ამ დროს ქვის კარებიდან გამოქრილმა ყაზახთა ცხენოსანთა ნაწილმა გვერდიდან დაუარა რაზმელებს. ვერაგმა მტერმა მათი ალყაში მოქცევა განიზრახა.

— ან სიკვდილი, ან გამარჯვება! თავისუფლებისათვის უკანასკნელ ამოსუნთქვამდე ბრძოლა! — ეს იყო ხსართაგის უკანასკნელი ბრძანება. მერე ლოდს მოეფარა და არც ერთი ტყვია არ ააცილა. დამეხილი ჩიტებივით ცვიოდნენ ცხენებიდან ყაზახები. რაზმელებიც შეცოტავდნენ. სალი კლდის თავზე ერთიმეორის გვერდით მიწვნენ საუკუნოვანი ბორკილების გაგლეჯის სურვილით ანთებული ლომგულები.

აგერ ცხენოსანი ყაზახი მახვილგაშიშვლებული მოსდევს გუშინდელ ბიჭს. საცაა წამოეწევა და გასხეპს შუაზე. ბიჭის შეშინებული კივილი მისწვდა ხსართაგის სმენას. დაუმიზნა ყაზახს თოფი და შიგ შუბლში გაუტარა ტყვია. ბურთივით გადმოგორდა უნაგირიდან და ლოდს დაეზღერათა. ბიჭი კი გაქრა, ველარ დაინახა ხსართაგმა, ხელ-

ჩართული ბრძოლა გახურდა. ვილაცის ნაცნობ თვალებს წააწყდა ხსართავი. ყაზი იცნო.

— ააა, ძაღლის დაგდებულო, შენა ხარ? მაშ, როგორც ძუქნამ, შენ მოიყოლე ეს სისხლისმსმელები? — თვალებში სისხლი მოაწვა ხსართავს, ეკვეთა ბობოლას და ხალხის სისხლისმსმელს. ყაზი მამაცურად დაუხვდა. იმძლავრა ხსართავმა, შუა გასხიპა საძულველი ადამიანი.

— ყასაი, აძიბეს რაზმი შემოგეშველა. — შორიდან ყვიროდა ის ბიჭი, ხსართავად რომ გაეცნო ყასაის. სწორედ ამ დროს მკერდი აეწვა ხსართავს, ტყვიდან მოფრენილი მტრის ტყვია ბეჭში მოხვდა.

— აძიბე, ძმაო, დასცხე!.. დასცხე!.. — გაიფიქრა ხსართავმა და გულაღმა გადაეარდა.

— ვაიმე, მოკლეს! — კიოდა ქალი, მაგრამ ხსართავს აღარაფერი გაუგონია.

აძიბეს რაზმი მტრის შუაგულში შეიჭრა. შეუბრალებლად კაფაგდნენ მტრის სალდათებს, მაგრამ თვითონაც კარგი დღე არ ადგათ. გამოუცდელი მებრძოლები ერთიმეორის მიყოლებით იცელებოდნენ.

აძიბემ დაინახა, როგორ დაეცა ბულათიყო. მერე კიდევ, კიდევ, კიდევ და როცა თავის გარშემო მიმოიხედა, მარტოდა იყო დარჩენილი.

„მოვიდა აღსასრული, მაგრამ ასე არა!“ — ყაზახები შეათვალთვალა მალლიდან. უფროსს დაადგა თვალი, კლდის თავს მოსწყდა და მტრის ოფიცერი თან გადაიყოლა უფსკრულში.

უთანასწორო ბრძოლაში გაწყდნენ რაზმელები. შეწყდა სროლა. ბრძოლის ველზე სიკვდილი ზეიმობდა. მალლა აჭრილი თოფის წამლის კვამლი შავად გადაჰფარებოდა ბრძოლის ველს. ადამიანთა უბედურების ცქერით დაღლილი და შერცხვენილი სისხლში ამოსვრილი მზე ჩქარობდა, რაც შეიძლება, სწრაფად გასცლოდა ქვეყანას და დასავლეთისაკენ მარდად მიგორავდა.

მეცხრე თავი

ჯერ არ დამთავრებულა ბრძოლა!

1.

მთელი ღამე გულსაკლავად ყმუოდნენ ძაღლები და ავის მოლოდინში გარინდებულ აულს შიშით სული ეპარებოდა. გუშინ ზარბაზნის ქუხილი გაიგონეს. მერე თითქოს ყველაფერი მიყუჩდა. სწორედ

ამიტომ გარინდებულა აული. ავისმომასწავებელი სიწყნარე აშინებს ზალხს. რა მოხდა? რა იქნენ ბიჭები?

ჭირქისა არ დაწოლილა. იჯდა და ღამის სიბნელისათვის მიეშტერებინა თვალები. ბულათიყოსი და ასლანბეგის დარდი აღარ ასვენებდა. ან ის გოგო რა იქნა. გაიკლა თავი და ხსართაგის საქებნელად წავიდა. აგერ რამდენი ხანია, აღარ გამოჩნდა. ხიფათს არ გადაეყაროს.

ძაღლების ყმულილი აყრუებს ქვეყანას. რალაც დიდი უბედურებაა მოსალოდნელი. წუხს ჭირქისა. რამდენჯერმე გარეთაც გაიხედა. თითქოს ჩამკვდარა სიცოცხლე.

შუალამე გადავიდა. მამალმა მეორედ იყივლა. ცხენის ფლოქვეზის თქარათქური მოესმა ჭირქისას, მაშინვე ფეხზე წამოიჭრა. ფანჯარას ეცა. ვილაც იყო. კარი გამოაღო და გაიხედა. ჭიშკარი უცნობმა შემოაღო. ცხენზე გადაკიდებული კაცი რომ დაინახა, იკივლა ჭირქისამ.

— რომელი ხარ?

— მე ვარ, ჭირქის, მომეშველე, ჩქარა. — ჭირქისამ ნალყუთა იცნო.

— ვაი ჩემს თავს! რა მოხდა? რომელია?

— ის არის...

ქალებმა რის ვაი-ვაგლახით ჩამოილეს ცხენიდან დაჭრილი და შინ შეიყვანეს. ჭირქისამ კვარი აანთო. ხსართაგის უსიცოცხლო სახე რომ დაინახა, თავში ირტყა ხელი:

— რა მოხდა. მითხარი, ნალყუთა, სად არიან ჩვენები?

— უბედურება მოხდა, ჭირქის, ჩვენი ხეობის რჩეული ახალგაზრდობა ყაზახებმა დახოცეს. ეშმაკის ხეობის სალი კლდეები სისხლით ჩამოირეცხა. ამ საცოდავის გამოყვანა როგორ შეეძელი, ახლაც მიკვირს.

— ვაიმე, დაღუპულო ოჯახო, ბულათიყო, ასლანბეგ!

— არც ერთი მინახავს. ბულათიყო აძიბეს რაზმში იყო, ასლანბეგი მგონი ცხინვალში გაგზავნეს. ჭირქის, გენაცვალე, არ დაიზარო, შამაშენთან გადაირბინე, იმან ხომ იცის ჭრილობის წამლობა. იქნებ, არ გამწიროს ღმერთმა.

ჭირქისა მაშინვე მამის მოსაყვანად გაიქცა. ნალყუთამ ჯამით წყალი შემოიტანა და ხსართაგს სახე მობანა. დაჭრილმა წამით თვალები გაახილა და ძლივგასაგონად ჩაიჩურჩულა:

— სადა ვარ?.. რა იქნენ ბიჭები?.. — ისევ დაკარგა გონება.

— ხსართაგ, ჩემო დაკარგულო სიხარულო, შენ მომატყუე, მგლის ხახაში ჩამაგდე. მაგრამ მე არ მოგცილდები. სიკვდილსაც არ დავანებებ შენს თავს! ო, დედაო წმინდა მარიამ, გადააფარე შენი წყალობის კალთა, მაჩუქე ბედნიერება! — ჭვითინებდა ნალყუთა.

ამასობაში ჭირქისაც მოვიდა, თან მოიყვანა მამა — მთაში სახელგანთქმული ჯარა ექიმი დოდთი.

გათენდა. მზის პირველი სხივი სისხლით შეღებულ ქედს დაეცა. გუშინ დატრიალებული ცოდვის ამბავი მთელს ხეობას მოედო. ხალხი იმ ადგილისკენ დაიძრა, სადაც მათმა ახლობლებმა თავი დადეს. რაზმელთაგან გადარჩენილები ტყეში გახიზნეს, დალუპულები კი პატრონებმა მოთქმა-გოდებით შინ წაასვენეს.

ქვეყანა ცოდვით აივსო. დედების მოთქმამ შეძრა მთები.

ყაზახებმაც აკრიფეს თავიანთი ამხანაგები. ერთი უშველებელი სამარე გათხარეს და ყველა ერთად დამარხეს.

რაზმელთაგან ვინც ხელში ჩაუვარდათ, გაბაწრეს და ცხინვალში გაგზავნეს. მერე მთელი ხეობა შემოიარეს. აულებში მამაკაცის სინსილა გაწყვიტეს, ვინც დამალვა ვერ მოასწრო, ყველას იჭერდნენ და ციხეში ისტუმრებდნენ. რაც კი წასაღებად გამოდგა, მოხვეტეს და თან წაიღეს და ახლა სხვა ხეობისაკენ ქნეს პირი. მათ რევოლუციის სისხლში ჩახრჩობა ჰქონდათ დავალებული.

ცუდი დროება იდგა...

2.

რამდენი ხანი ებრძოდა სიკვდილს ხსართავი, — არც თვითონ იცის, რამდენჯერ მოესმა მისი ხარხარი, ახლა ხომ გავიმარჯვეო, მაგრამ იმაზე შტკიცე გამოდგა ხსართავის სული, ვიდრე თვითონ ფიქრობდა. არ დამორჩილდა სიკვდილს, პირდაპირ საფლავიდან გამოქცა და პირში ჩალაგამოვლებული დატოვა თითქმის უკვე გამარჯვებული. სიცოცხლემ დაჯაბნა სიკვდილი. ბაგე შეირხა:

— წყალი!

მზრუნველმა ხელმა თავი წამოუწია, წყალი ასვა. მკერდზე დაცემულმა ცრემლმა ნაპერწკალივით აუწვა კანი. თვალი გაახილა და პოი, დიდება შენდა ღმერთო, თვალები, ნაღვერდალივით მოელვარე თვალები! მოეჩვენა, რომ ამ თვალების მოელვარე ცეცხლი ოდესღაც ჩაქრა. მაგრამ, აგერ, თითქოს ნაღვერდალს ნავლი მოსცილდა, ისევ აკიაფდა შუქი. გაცოცხლდა და ბედნიერების ზღვის ტალღაზე დაიწყო ტივტივი. ხედავს ხსართავი იმ უსაზღვროდ ბედნიერ თვალებს, რომლებიც დიდი, ძალიან დიდი ხნის წინათ დაკარგა, მაგრამ ერთი წუთითაც არ დავიწყებია მათი სინაზე და შიგ ჩაგუბებული სიყვარული... უყურებს, უყურებს, მაგრამ არაფერს ამბობს, იქნებ სიზმარია.

— დედაო ღვთისმშობელო, მარად ქალწულო მარიამ, შენთვის მომინდვია მისი სიცოცხლე. გულთამხილავი ხარ და გამიგებ, როგორ ვიტანჯები. — ესმის ხსართავს... ესმის... ნალყუთას ხმაა. მკვდარიც რომ იყოს, ათას ხმაში გამოარჩევს ამ ხმას. ნალყუთა... ორ მოკიაფე ნაღვერდალს აარიდა თვალი და სახეზე გადაიტანა მზერა. ყორნისფერ დალალებში აქა-იქ თეთრი სიმები გაბმულა. თოვლივით თეთრი სახე ნაბდიძველასავით მოსთელია. აბურცული, პატარა ბაგეები უცნაურად თრთიან. მზვართი თითები ხსართავის შუბლზე ცახცახებენ.

— ხსართაგ, ჩემო დაკარგულო ბედნიერებავ!

— ნალყუთა... — ამოთქვა ხსართაგმა ძვირფასი სახელი, რომელიც ამდენი ხნის მანძილზე გულში უთვალავჯერ გაუმეორებია. ორივე დადუმდა. ამაზე შეწყდა მათი ბევრი სათქმელი. მხოლოდ ერთმანეთს უყურებენ.

— როგორ დაბერებულხარ, ხსართაგ.

— შენც, ნალყუთა.

ისევ დუმილი.

— რითი დამთავრდა ბრძოლა?

— დაიღუპა შენი რაზმი.

ხსართაგმა თვალეები დახუჭა.

— მე ვინ გადამარჩინა?

— მე.

— შენა?

— ჰო, მე, აღარ გახსოვს, კარავში ძალით რომ შემიყვანე? ან შიგნით შემოდი, ან შინ წადიო.

ხსართაგს თვალწინ დაუდგა თავისი მცველი ყრმა და შერცხვა.

— გმადლობ, ნალყუთა...

კარები ფრთხილად შემოაღო ასლანბეგმა.

— ასლანბეგ, ძმაო! — თვალეები გაუბრწყინდა ხსართაგს. წამოდგომა მოიწადინა.

— წყნარად, წყნარად! ბეჭი გაქვს დამსხვრეული და შენი წამოდგომა არ შეიძლება. ნალყუთამ ისევ ბალიშზე მიაწვინა ხსართაგი და თვითონ გარეთ გავიდა.

დუმილი ასლანბეგმა დაარღვია.

— დაიღუპნენ ჩვენი ამხანაგები. მათთან ერთად დავსაფლავეთ თავისუფლების უკიდვგანო სურვილიც. — ცრემლები ვერ შეიკავა და ბავშვივით ატირდა ასლანბეგი. ხსართაგიც ტიროდა.

— ასლანბეგ, ჩვენი ამხანაგები დაიღუპნენ, მაგრამ მათ მიერ დაღვრილი სისხლი აღიღდება, აღიღდება და ქვეყნად არსებულ ბოროტებას წალეკავს. მართალია, დავმარცხდით, მაგრამ ჩვენს მიერ დაცლილმა თოფის გრიალმა ოსეთის მთები შესძრა, ჩაგრული ხალხი საუკუნოვანი ძილიდან გამოარკვია. დღეს დავმარცხდით, მაგრამ იგივე ხალხი ხვალ გაიმარჯვებს. ახლა მთავარია, ვინც იმ შეტაკებას გადაურჩა, თავი მოაფარონ, იარაღიც გადამალეთ. ხელმწიფის ლაქიებმა თუ დღეს ნაცარტუტად აქციეს ბარზჩინქომი, გჯეროდეს, ნაცარში ნაპერწკალია გახვეული. ხვალ წამოუჭროლებს ზენა ქარი. ის ნაპერწკალი ცეცხლად იქცევა და მტარვალებს წალეკავს. ჯერჯერობით კი ხალხს გაუფრთხილდით. უბრალოდ სისხლის ღვრას მოვერიდეთ.

— ჰაი გიდი, მეტნი რომ ვყოფილიყავით, ბარემ ვერაფერს დაგვაკლებდნენ.

— ხალხი მთლიანად ვერ გავიყოლეთ, ასლანბეგ. ბევრი ჯერ უნ-
დობლად გვეკიდება. ხვალ ყველა გამოგვეყვება...

3.

დარჩა მარტო აცირუხსი. დამარხა ის, ვისი მიზეზითაც ამდენი
წელი იტანჯა. ახლა მიწაშია სოლიმი. რა შეიცვალა აცირუხსისათვის?
ნალყუთა, რომელიც სალოცავი ხატივით მოევლინა, საძულველი
ქმრის სიკვდილის შემდეგ სამშობლოში გადაიხვეწა. ადარც მისი ერ-
თადერთი პირმშო გამოჩნდა. თუმცა აქვს კი უფლება თაიმურაზს პი-
რმშო უწოდოს? სოლიმის დასაფლავებაში მიეხმარა, მას შემდეგ წა-
ვიდა და წავიდა. სად არის? იმ სისხლის ღვრაში ხომ არ მოჰყვა? მა-
შინ რაღად ეღირება აცირუხსის სიცოცხლე?

ამ დიდ სახლში მარტო დარჩა აცირუხსი. როგორ ოცნებობდა
ოდესღაც ამაზე! მაშინ ასე მდიდრები არ იყვნენ. ახლა ყველაფერი
მისია. რასაც უნდა, იმას გააკეთებს. ნეტავ ის ბიჭი მაინც გამოჩნდ-
ბოდეს. ახლა მაინც გააბედნიეროს ობლობით გატანჯული შვილი.

მაგრამ რომ არ ჩანს ბიჭი. რა იქნა, სად წავიდა? ვაითუ ისიც
დაიღუბა და სადღაც სისხლში ცურავს. ან, იქნებ, დამმარხავიც არ
გამოუჩნდა... ამ ფიქრებმა ისე ააფორიაქა, რომ ლოგინიდან წამოდ-
გომა ველარ შეძლო. მუხლი ეკვეთებოდა, გული უჩოჩქოლებდა.

მთელი ღამე თეთრად გაათენა. გადაწყვიტა, წასულიყო და მოე-
ძებნა შვილი, ამბავი ვაეგო.

დილით აღრიანად გამოეცხადა თაიმურაზი, წვერმოშვებული, სი-
სხლიანი ტანსაცმლით. საიქიოდან გამოქცეულსა ჰვავდა. გამხდარი-
ყო, ისეთი ფერი ადგა, თითქოს მძიმე ავადმყოფობა გადაეტანა.

— უიმე, კერა ხომ არ გამიცვივდა, ბიჭო, ეგ რა ფერი გადგას, დაჭ-
რილი ხომ არა ხარ შვილო?

— არა ცოტა გამკაწრა. არაფერია, მომირჩება.

— შენც იმათთან იყავი?

— ჰო.

— რამ წაგიყვანა, თამუ. ხომ შეიძლებოდა შენც...

— ქვეყანა იქ იყო და მე ხომ არ დავიმალეობდი.

— შინ შემოდი, თავს შემოგველე.

— გმაღლობთ, მეჩქარება.

— შემოდი, შემოდი, არსადაც არ გაგიშვებ. ტანსაცმელი გამოიც-
ვალე. პური ჰამე და წახვალ მერე. — აცირუხსმა ძალით შეიყვანა
თაიმურაზი სახლში. მერე სკივრს თავი ახადა და ახალთახალი ჩოხა-
ახალუხი მიაწოდა.

— გაიზადე ეგ ძონძები და აი ესენი ჩაიცივი.

— არ არის საჭირო, სოლიმისა ოქროც არ მინდა.

— ჩაიცივი, ჩაიცივი, სოლიმისა არ არის. მე და ნალყუთამ შენთვის

შევეკრეთ. — უარი აღარ გაუვიდა და თაიმურაზი ახალ ტანსაცმელში გამოეწყო.

ერთად ისადილეს. თაიმურაზი წასასვლელად მოემზადა.

— მაპატიე. ქალბატონო, დედაზე მეტი ამაგი გაქვთ ჩემზე, თქვენცა და ნალყუთაც საოცრად კეთილი გულის ადამიანები ხართ. თქვენ რომ არა, სოლომს არ მოვუთმენდი დაჩაგვრას. ამდენ ხანსაც თქვენი ხათრით გავჩერდი, ახლა კი მეტი გზა არა მაქვს, უნდა წავიდე.

— სადა, შვილო? — შეერთა აცირუხსი.

— შინ მივდივარ, მამაჩემია ავად. თუ რამე მეკუთვნის... არ გამოგართმევდი, მაგრამ ავადმყოფის პატრონი ვარ და მიჭირს.

— მე რაღა მეშველება?

— სხვა ვინმე გამოჩნდება. ამ გაჭირვებაში მოჯამაგირის მეტი რა არის. ბარემ კარგი იყო, რომ დავრჩენილიყავ, მაგრამ მამაჩემი მეცოდება, მარტოა. მერე, რა დაგიმალო, ხელმწიფის წინააღმდეგ აჯანყებაში მონაწილეებს იჭერენ, მეც იქ ვიყავი და არც მე დამინდობენ. დამიჭერენ და ციმბირში გადამასახლებენ. ჰოდა, აქაურობას თუ არ გავეცალე...

აცირუხსს თითქოს მიწა გამოეცალა ფეხქვეშ. რა ქნას? თვითონ კი იცის, რომ თამუ მისი შვილია, მაგრამ ბიჭმა რომ არაფერი იცის. აგერ რამდენი წელია უყურებს. შეჰხარის და ვერ კი გაუბედია სიშართლის გამხელა. როდემდის შეიძლება საიდუმლოდ შენახვა. ეშინია, ვაითუ არ აპატიოს შვილმა, ვაითუ სამუდამოდ დაკარგოს ერთხელ დაკარგული და ნაპოვნი შვილი. მაგრამ ახლა მეტი გზა არა აქვს. მიდის ბიჭი. რომ ველარასოდეს ნახოს? მერე ცოდვა არ არის აცირუხსსი? საფლავში ჩაიტანოს საიდუმლო? „ღმერთო დიდებულო, რისთვის დამსაჯე ასე სასტიკად, სიბერის დროს რატომ მომეკითხა ცოდვები? ვის გავანდო ჩემი გულის დარდი? ვინ გამიგებს? ან ვინ მაპატიებს?“ — ეს ფიქრები უტრიალებს თავში და ლამის გული გაუსკდეს. მიიღო გადაწყვეტილება: „რაც მოსახდენია, მოხდეს, ვეტყვი ყველაფერს, თუ მაპატია, ხომ კარგი, თუ არა კლდეზე გადავიჩენები“...

— თამუ, შვილო, სიტყვა მაქვს შენთან...

— დიდი ხნის წინათ იყო ეს. ერთ სოფელში მოსიყვარულე ცოლქმარი ცხოვრობდა. ძალიან ღარიბები იყვნენ. ცა საბნად ეფარათ და დედამიწა ლეიბად ჰქონდათ. მაგრამ ერთმანეთი უყვარდათ და სიღარიბეს არად აგდებდნენ. მერე ბიჭი შეეძინათ. უსაზღვროდ გაიზარეს. მაგრამ დიდხანს არ გაგრძელებულა მათი ბედნიერება. ცხოვრების შიმში პირობებმა, სიღარიბემ და აუტანელმა გაჭირვებამ დედას პატარა შვილი მიატოვებინა და ქალაქში უკრა თავი. იქ ერთ მდიდარ ვაჭარს ძიძად დაუდგა... ლაპარაკობდა აცირუხსი, გაჭირვებულ დღეებს იხსენებდა და მწარე ცრემლებს ბოღმასთან ერთად ყლაპავდა.

ყვებოდა ოცი წლის მანძილზე რაც ცხოვრებაში გაჭირვება შეხვედრია იმაზე, თუ როგორ დასცინა ბედმა, როგორ ახადა ნამუსი, მე-

რე შემოდგომის ხმელი ფოთოლივით მოსრისა და სანაგვეში გადაუ-
ძახა. მაგრამ სიკვდილი მაინც არ ისურვა, ბოლოს მაინც გაბედა და
შეებრძოლა ამ ცრუ და მუხთალ წუთისოფელს. აქაც წაიბორძიკა,
აღრე დააკარგვინეს ჯანი, საცაა მოკვდება და თან გაიყოლიებს ყვე-
ლაზე დიდ დარდს... აცირუხსს ყელში თითქოს ბურთი დაეცო, ველარ
შოახერხა ლაპარაკის გაგრძელება.

— უფრო დიდი დარდი? ამაზე დიდი რაღა უნდა იყოს? — გაიკ-
ვირვა თაიმურაზმა.

— არის, არის. ქალმა ნახა, იპოვა შვილი, რომელიც ძუძუდან
მოიწყვიტა და მოხუცებულ დედამთილს მიუგდო გასაზრდელად. მას
შემდეგ მოსვენება დაკარგა.

— კი, მაგრამ, რატომ?

— ვინ იცის, აპატიებს შვილი დედას? თუნდაც აპატიოს, დედა
როგორ იმართლებს შვილის წინაშე თავს? ვთქვათ და შენ... აპატი-
ებდი? — როგორც იყო ამოთქვა აცირუხსმა კითხვა, რომელიც ასე
აწამებდა წლების მანძილზე.

თაიმურაზს სახეზე ჩრდილმა გადაურბინა.

— მე რატომ მეკითხებით მაგას?

— ისე, მინდა გავიგო შენი აზრი...

ერთხანს ორივე დუმდა. ჭაბუკი ხედავს, ქალბატონი მკვდარივით
გაფითრდა და ერთიანად აცახცახდა.

— მე?.. მგონი ვაპატიებდი. მაგრამ არ მესმის, ვიღაცის თავგადა-
სავალი ასე ძლიერ რატომ მიგაქვთ გულთან.

— სხვისი არ არის, ჩემია...

— შენი შვილი? ვინ არის შენი შვილი? სად არის?

— ჩემი შვილი შენა ხარ, თამუ!

— მე?!

აცირუხსმა ველარაფერი თქვა, ფეხზე წამოდგა, უნდოდა შვილი
გულში ჩაეკრა, მაგრამ ძალამ უმტყუნა, დაბარბაცდა და თაიმურაზს
რომ ხელი არ შეეშველებინა, ძირს დაეცემოდა. როცა თვალი გაა-
ხილა, თაიმურაზი დაინახა, გვერდით უჯდა და დედის გაძვალტყავე-
ბულ ხელებს ეფერებოდა, ისევ დახუჭა თვალი. აი, პაწია თამუ პა-
ტარა ხელებს დედისკენ იშვერს. იმ ხელების სითბო გადადის დე-
დის ორგანიზმში და უკვდავების მალამოსავით ედება გულზე. ეს
იმ შვილის დაყოფრებული ხელებია, ვინც დედის ალერსი ვერ იგემა,
ღირსი კია დედა ამ ნეტარების? აღრე დააკარგა პირმშო და ძალიან
გვიან იპოვა.

— ნანა! — გაიგონა აცირუხსმა და ცრემლის ნიაღვარი წასკდა
თვალთავან.

— ო, წმინდაო მარიამ, დიდება შენდა, ისე არ ჩამიყვანე მიწა-
ში, რომ ამ სიტყვის ძალა არ მეგრძნო. პირველად დაუძახეს ნანა, კი-
დეც მითხარი, შვილო, ო, შენ გენაცვალოს ნანა, ჩემო ერთადერთო.

— ნანა რაც იყო, იყო, ნულარ იტანჯავ თავს. ვიცი, შენ არაფერ

შუაში ხარ, შენი უბედურების მიზეზი შავბნელი ცხოვრებაა, მამა-ჩემი რომ გაჭირვებული არ ყოფილიყო, ქალაქში ძიძად არ დაგაყენებდა, არც უბედურებას გადაეყრებოდი. მადლობა ღმერთს, გიპოვნე, ახლა შენ თავს აღარავის დავაჩაგვრინებ.

აცირუხსს ძალა შემატა ამ სიტყვებმა, ტახტზე წამოჯდა, თაიმურაზის ხუჭუჭთმიანი თავი გულში ჩაიხუტა.

— შვილო, ჩემო დაკარგულო შვილო!..

თაიმურაზი გაინაბა დედის მკერდში. ბავშვობაში სულ დედაზე ოცნებობდა, მამას აწუხებდა, თუკი სხვა ბავშვებს ჰყავთ დედები, მერატომ არა მყავსო. საწყალი მამა. დედის აუგი არ უთქვამს. პირიქით. თაიმურაზს შიმშილი რომ შეაუწუხებდა. ამშვიდებდა, მალე დედა ქალაქიდან დაბრუნდება და ბევრ პურს მოგვიტანსო. თაიმურაზიც შეწყვეტდა ტირილს. დედას ელოდებოდა. მაგრამ დედა იგვიანებდა. როცა წამოიზარდა, მამამ დაარწმუნა, დედა მოკვდა და აღარასოდეს შოვაო. თაიმურაზმა თავის ოცნებაში თვითონ შექმნა დედის სახე. ლამაზ, კეთილ ქალს რომ ნახავდა, თავის ოცნებაში შექმნილ დედის სახეს შეუდარებდა. პირველად რომ აცირუხსი ნახა, მაშინაც რაღაც გამოუთქმელი პატივისცემა იგრძნო, დედის სახეს შეუდარა და წარმოიდგინეთ, მიაშგავსა კიდევ. ახლა გაეხარდა, რომ ის კეთილი ქალი, ვისგანაც პირველად იგრძნო დედის სიბო, მისი ნამდვილი დედა გამოდგა.

დიდი ტანჯვა გამოუვლია, გრძნობს ამას შვილი, არაფერს საყვედურობს. პირიქით, ეცოდება. რაც შეეძლება, არაფერს გაუჭირვებს. დროებაა დამნაშავე ყველაფერში და თაიმურაზს სანამ პირში სული უდგას, შეებრძოლება ამ უკუღმართ ცხოვრებას, რომელმაც სულ პატარა მოსწყვიტა დედის ქუძუს, დედამისი კი მოურიდებლად გასრისა და ნაგავში გადაისროლა.

— ნანა, ჩემო ძვირფასო, როგორ მენატრებოდი. იცი, რამდენი რამ მაქვს სათქმელი? მაგრამ ახლა ამის დრო არ არის. ამხანაგები შელოდებიან.

— აღარსად გავიშვებ, შვილო, ჩემთან უნდა დარჩე სამუდამოდ. აგერ სახლ-კარი, ქონება.

— არა, ნანა, არც ეს სახლი მინდა და არც ქონება. ხალხის სისხლით, მშვიერი ბავშვების ცრემლების ფასად არის აქ ყველაფერი შექმნილი. არა, შენს შვილს არ შეერგება არამი.

— ჩემი შრომაც ბევრია, შვილო, აქ შევალე ჩემი ჯანი, ჩემი ახალგაზრდობა, აქ დავსწეულდი.

— მერე მამაჩემი?

ქალმა ხმა ვეღარ ამოიღო. მართლაცდა როგორ იქნება ის იქ მარტო? აქვს უფლება შვილი წაართვას იმ მამას, რომელსაც აკვანში დაუტოვა პატარა და დღემდის მამაც ის არის მისი და დედაც?

— მართლა... მამაშენი...

— წამოდი ჩვენთან, ნანა, ეს სახლი ღვთისგან არის დარისხული. ჩემი საწყალი ქონი მირჩევნია.

აცირუხსს ნათლად წარმოუდგა თვალწინ ქონი, სადაც ის პატარა-ძლად შევიდა. რა ტყბილი და ძვირფასი იყო იქ ყველაფერი. ახლა კერის პირზე წევს მისი ყოფილი ქმარი და წყლის მიმწოდებელი არავინა ჰყავს. ე, დოლათ, დოლათ, შენ თვითონა ხარ ყველაფერში დამნაშავე! უკანასკნელად რომ იყო ქალაქში, რამდენი ეხვეწა აცირუხსი შინ წამიყვანეო. შერცხვენა ხომ ასცდებოდა ორივეს. მაგრამ არც ის ტყუოდა, ოჯახს უჭირდა და მეტი გამოსავალი ვერა ნახეს. რცხვენია აცირუხსს, რა პირით ეჩვენოს ქმარს?..

— არა, თავს შემოგეველე, არ შემიძლია. დამნაშავე ვარ მის წინაშე...

— მამამ შენს შემდეგ აღარავისთან ისურვა შეუღლება. აქამდის ვერ ამოგიგდო გულიდან. შეიბრალე, შენი ნახვა ძალიან გაახარებს, შენი აუცი არასოდეს უთქვამს, ყოველ შემთხვევაში, მე არ გამიგონია. წამოდი, ნანა, ორი დღის სიცოცხლე დარჩენია, ახლა მაინც იგრძნოს სიხარული. ხომ წამოხვალ?

— წამოვალ, გენაცვალე, თუკი შენ გინდა.

— სალამოსთვის მოემზადე. მე მთაში ავალ ბიჭებთან, დავემშვიდობები.

იმ ღამით სოლიმის სახლს ხანძარი გაუჩნდა. აულში გვიან გაიგეს. ბარემ შეეცადნენ ცეცხლის ჩაქრობას, მაგრამ ვერაფრის გადარჩენა ვერ შეძლეს. დილაშდის ნაცრად იქცა ხალხის სისხლით შეძენილი ქონება. აცირუხსი არსად ჩანდა. აულში ხმები დაირხა — აცირუხსმა წაუყიდა სოლიმის სახლს ცეცხლი და თვითონაც შიგ გამოიწვაო. მთებიდან სოლიმის ფარებიც გაქრა. აღარც არავის მოუყითხავს და არც არავის უნალვლია მათი დაკარგვა.

4.

თედოთიყაუში, ჩრდილოეთით, ზედ ხეობის პირზე, პატარა ქონში ცხოვრობენ ბარსაგი და ფარდიგი. დიდი ხანია ხალხს აღარ ეკარებიან. იმ ბოროტი და სამარცხვინო ქორის შემდეგ ხალხში აღარ გამოესვლება, სირცხვილით პირს არიდებენ ხალხს. აღარც ლხინის სუფრაზე მიესვლება და აღარც ჭირისაზე. არავინ წაგვაყვედროსო, ამის შიშით კარები ჩაირაზეს და თითქოს სიცოცხლეს გაეყარნენ. ბარსაგს არ სჯერა ის ბინძური ქორი, მაგრამ წადი და ხალხს სიმართლე უმტკიცე. იტანჯებიან, წვალობენ, მაგრამ არ იხოცებიან. აძიბემ დიდი ამაგი დასდო, საკაცო საქმეს ის უკეთებს. ზამთარში შეშას არ აკლებს. ზაფხულში საქონლის საკვებს კარებზე ჩამოუტანს. მაგრამ რა, დარდმა დარია ხელი ცოლ-ქმარს და უდროოდ დააბერა. აღარც ჯანი მოსდევთ და აღარც სიცოცხლისადმი სწრაფვა.

სამი წლის წინ შუალამისას ყაზიმ გააღვიძა, ჩაფრებით შეეპტრა.

შინ და ყველაფერი თავდაყირა დააყენა. რას ეძებდნენ, რა უნდოდათ, ვერაფერი გაიგეს. არც იმ ოჯახდაქცეულმა ყაზიმ უთხრა რამე. იმ ღამიდან ორ თვეზე მეტი ორი ჩაფარი ყარაულობდა იმათ ქონს.

ცოლი და ქმარი საგონებელს მიეცა. რა იყო მთავრობის ასეთი ყურადღების მიზეზი? კიდევ რა უბედურებაა მათ თავზე მოსალოდნელი? მაგრამ კითხვები უპასუხოდ რჩებოდა.

ერთ ღამეს ძალიან ცუდი დარი დაიჭირა. კოკისპირული წვიმა თითქოს ყველაფერს წალეკვას უქადა. წვიმას მტრედის კვერცხის-სიმსხო სეტყვა მოჰყვა. გუშაგმა აღმათ ველარ გაძლო გარეთ და ქონის კარზე მიაკაკუნა. ქათამივით გალუმპული ჩაფარი შინ შეიყვანეს. ცეცხლი გააჩაღეს და სველი ტანსაცმელი გაუშრეს. როგორც შეეძლოთ, გაუმასპინძლდნენ კიდევ. მერე ფარდიგმა გაბედა და ჰკითხა:

— შენი დედ-მამის სიკეთეს, ნუ დამიმალავ, შვილო, ერთხელ უკვე ჩამოიქცა ჩვენთვის ცა, კიდევ რა უბედურება გველის? გვიტხარი, ვიცოდეთ მაინც, რა ღვთის რისხვია ჩვენს თავს.

ჩაფარი ღუმდა, მაგრამ ფარდიგი რომ მის წინაშე დაეცა და მუხლებზე შემოეხვია, ველარ გაუძლო მის ცოდვას და საიდუმლო გაუმუქდა.

— მხოლოდ იცოდეთ, კლდის ნაპრალშიც არ შეიძლება დაიჩქამოთ... მთავრობაში ქაღალდია მოსული, თქვენი შვილი ციმბირიდან გამოქცეულა.

ფარდიგს გული შეუწუხდა. როცა გონებაზე მოვიდა, სიხარულით ატირდა:

— დიდება შენდა ღმერთო, რომ არ გამწირე. ცოცხალია ის დედამკვდარი?

— ცოცხალია.

— სიხარული ნუ გამოლიოს ღმერთმა შენს ოჯახში. თაფლი შენს ენას, შვილო.

— ჰოდა, იცოდეთ, თუ გამოჩნდა, გააფრთხილეთ, წავიდეს აქედან, თავი მოაფაროს სადმე...

ჩაფრები მოხსნეს საგუშაგოდან, მაგრამ ყაზის რა მოასვენებს, ყოველდღე შეივლის, დაათვალიერებს ბებრებს. მერე იმასაც მობეზრდა და აღარც ის გამოჩენილა.

მას შემდეგ ელოდებიან ბარსაგი და ფარდიგი შვილს, გარეთ კატამაც რომ გაირბინოს, არ გამოეპარებათ, თვალეზი გზისკენ დააწყდათ, მაგრამ არ გამოჩნდა მათი ხსართავი.

მერე აძიბემ მოიტანა ამბავი, ის უხამსი ჭორი სოლიმის შეთითხნილი გამოდგაო, ნალყუთას ძმამ, ბულათიყომ და აცირუხსმა დაამოწმესო ეს.

ორ თვეზე მეტი გავიდა ამ ამბიდან, მაგრამ აულში ისევ გლოვის ზარი იდგა.

ვიდაცამ კარზე ფრთხილად მოაკაკუნა.

— რომელი ხარ?
— სტუმარი! — მოისმა სიბნელიდან უცნობი ხმა.
— შინ მობრძანდი, სტუმარი ღვთისაა.
— აქა მშვიდობა, მაპატიეთ, რომ შეგაწუხეთ.
— რას ამბობ, ჩემო მზეო, რო გვიკადრე, ჩვენ თვითონ ვართ მად-
ლობლები, აი, ამ ბუნაგში ვცხოვრობთ და ახლოს აღარავინ გვეკა-
რება.

— შე გოსას ბიჭი ვარ.
— შემოგველე, შვილო, ასლანბეგ, როგორ დაეუქაცებულხარ, ჩემი ხსართაგი და შენ ერთ კვირაში ხართ დაბადებულები. რა ქარ-
მა გადმოგაგდო. გენაცვალე.

— ხდება ხოლმე, მოვედი, რომ გაგახაროთ.
— ჩვენ რალა გაგახარებს, შვილო, ჩვენი მზე დიდი ხანია ჩაეს-
ვენა. თქვი, შვილო, თქვი.

— გავიგე. რომ ხსართაგი ცოცხალი ყოფილა.
— ვინ გითხრა, სად გაიგე, ასლანბეგ. თუ ცოცხალია. სად არის
შერე, რატომ აღარ გკვიტხულობს.

— აქ არის... გარეთ... ნალყუთაც მოგიყვანათ...
— შვილო... — ჩაიჩურჩულა ფარდიგმა და თითქოს ერთ ადგილ-
ზე მილურსმესო. განძრევა ველარ მოახერხა. ბარსაგი ვარეთ გა-
ვარდა.

ფარდიგი ცახცახებდა, თვალებიდან თხილისსისხო ცრემლები
სცვიოდა. ბარსაგი შემობრუნდა შინ, უკან მოსდევდნენ ხსართაგი,
ნალყუთა და პატარა ბაბე.

— შვილებო... — სამივეს ერთად გადაეხვია ფარდიგი, — ღმერ-
თო, ღმერთო, რა ბედნიერი ვყოფილვარ და მე კი როგორ გსაყვედუ-
რობდი. შვილო, ხსართაგ, ასე როგორ მოგვიძულე, ხმა როგორ არ
მოგვაწვდინე, შე უღმერთო!

— მაპატიე, ნანა, სხვა გზა არა მქონდა. შენ და ბაბამ ერთხელ
გამომიტირეთ და აღარ მინდოდა, მეორედ გამოგეცადათ სიმწარე.
მაპატიეთ, ნანა, ბაბა, ხომ გახსოვთ, რა ბინძური ცილი დამწამეს. რა-
ლა გამოსაჩენი ვიყავი ხალხში, სანამ თავს არ გავიმართლებდი, არც
მიფიქრია თქვენთან მოსვლა. მრცხვენოდა. ვერა ვბედავდი თქვენ-
თვის თვალეებში შემომეხედა, ჩემო ნანა, ჩემო ბაბა. აგერ რძალი მო-
გიყვანეთ, ჩვენი ბავშვიც დავიბრუნე, დაგვლოცეთ.

— ო, თქვენ გენაცვალეთ. დედაო ღვთისმშობელო, სიკვდილის
წინ როგორ გამაბედნიერე. ნალყუთა, შვილო, ჩემო თვალის ჩინო,
არ გაგვწირა ღმერთმა. ლოდინში თვალეები ამომიღამდა, ვერ გავბედე
შენთან მოსვლა...

ერთი კვირა დარჩნენ მამის სახლში. მაგრამ დრო არ ითმენდა. და
აი სამგზავროდ გამოეწყვენენ სამინი — ხსართაგი, ნალყუთა და ბაბე.
ფარდიგი ტიროდა.

— წაუსვლელობა არ ივარგებს, ნანა, აქ რომ მომასწრონ, დამი-
ჰყერენ და ისევ ციმბირში მიკრავენ თავს.

ფარდიგი უფრო ატირდა.

— დავებრდით, შვილო, ვაითუ დავიხოცოთ და ვინ არის ჩვენი
პატრონი?

ბარსაგი გრძნობდა, რომ მისი შვილი დიდ საქმეს იყო შექვიდე-
ბული, მართალია, ყველაფერი არ ესმოდა, მაგრამ იმას მიხვდა, არ
ეგებოდა გზის გამრუდება, იცოდა, მტკიცე ხასიათის ხსართაგი სიტყ-
ვას არ უღალატებდა.

— დაეხსენ, დედაკაცო, ალბათ, ასეა საქირო. თავისი საქმისა
თვითონ იცის. გზა დავულოცოთ.

ე ა ი ლ ო ზ ი

თენდებოდა. მთის წვერზე შეეგებნენ მზის ამოსვლას ხსართაგი,
წალყუთა, ასლანბეგი და პატარა ბაბე.

ქედზე შეჩერდნენ და მზის სხივებით გაბრწყინებულ ხეობას გად-
მონხედეს.

აულის თავში პატარა მიწურიდან კვამლი ამოდიოდა. ბანზე ფარ-
დიგი და ბარსაგი იდგნენ.

— ძვირფასო მშობლებო, — ხელი დაუქნია ხსართაგმა, — გველო-
დეთ, დაგიბრუნდებით, ადრე გაზაფხულზე აუცილებლად დავბრუნ-
დებით, ჯერ კი ხალხის ბედნიერი მომავლისათვის ბრძოლაა საქირო,
გველოდეთ, გველოდეთ!..

აღმოსავლეთი კი, თითქოს ანთებული მუგუზალი ესროლესო,
წითლად შეიღება.

მგზავრებმა პირი იბრუნეს და განთიადს მტკიცე ნაბიჯით შეე-
გებნენ.

ГАГЛОИТИ ВЛАДИМИР МИХАИЛОВИЧ

ПРОБУЖДЕНИЕ

Роман

(на грузинском языке)

Издательство «Мерани», пр. Руставели, 42
Тбилиси 1987

რედაქტორი ნ. ფხაკაძე
მხატვარი ჯ. ზენაიშვილი
მხატვრული რედაქტორი მ. დედანაშვილი
ტექნიკური რედაქტორი დ. ბაცაცაშვილი
კორექტორები: ნ. ლომაძე, თ. ფირცხალავეა, რ. გოციოძე.
გამომწვევი ნ. კვატაშიძე

ს. ბ. — 911

ჩაბარდა წარმოებას 22.12.86 წ. ხელმოწერილია საბეჭდად 15.12.87 წ. ფორმატი 60x84¹/₁₆. საბეჭდი ქაღალდი № 1. გარნიტურა ჩვეულებრივი. ბეჭდვა მაღალი. პირობითი ნაბეჭდი ფურცელი 21,62. სააღრიცხვო-საგამომცემლო ფურცელი 23,44. პირობითი საღებავკატარება 21,97. ტირაჟი 10 000 ეგზ. შეკვ. № 199.

ფასი 2 მან.

გამომცემლობა „მერანი“, რუსთაველის გამზ. 42, თბილისი, 1987

საქართველოს სსრ გამომცემლობათა, პოლიგრაფიისა და წიგნის ვაჭრობის საქმეთა, სახელმწიფო კომიტეტის № 1 სტამბა, თბილისი, ორჯონიკიძის ქ. № 50.
Типография № 1 Государственного комитета Грузинской ССР
по делам издательства, полиграфии и книжной торговли,
Тбилиси, ул. Орджоникидзе № 50.